

8
K
5
MA

e
—
—
—

B.V. n° 26



EVCHARISTICON
IAC. SIRMONDO

S. I. P.
pro Aduentoria.

DE REGIONIB. ET ECCLESIIS
SVBVRBICARIIS.



LVTETIÆ PARISIORVM,
Sumptibus HIERONYMI DROVART,
via Iacobea sub Scuto Solari.

M. DC. XXI.

CVM PRIVILEGIO REGIS.

S. Blany in M^{te} Citorio Cong^{nis} Somaſche

Digitized by Google



LECTORI.

PAVLO plus quam biennium est, quum amico per litteras querenti quid sentirem de superbissima Sirmondi Jesuita Censura quatum recens prodierat, magna cum animi libertate pariter ac simplicitate sententiam super ea re meam ostendi. Nos enim Burgundiones, sicut olim Macedones, τὰ οὐκ οὐκ nuncupamus, nec speciosa magis quam res sunt, nomina rebus imponimus. Epistolam illam, quae Censura quodammodo censura fuit, cum paucos intra dies, ac multas inter occupationes fudissem magis quam scripsissem, non in eam spem, nec eo voto me dedisse profiteor ut ederetur. Sed quando aliter illi visum, ad quem missa est, nihil est cur magnopere vel me scriptiois, vel amicum pertinere debeat editionis. Nam & nobilissima obscurissimaque questioni quatum maxime inter doctos ventilabatur, haud parum lucis, omnium iudicio, contulit: multos praestantissimos viros ab

ã ij

errore in quo versabantur deduxit: fastuosi præterea, quod præcipuum erat, censoris paedagogicum supercilium ita retudit, ut per longum deinceps temporis spacium mutire non ausus, tandem tamen cum rabiosum silentium diu satis intra se volutatum rosisset, ubi diutius continere non potuit, derepente quasi rupta nube, displosa quantum vesica sonat, inani fulgure ac fragore, brutoque fulmine detonuit. An erat ferendus ille, an non erat feriendus, qui censuram nullo sibi suffragio delatam ita arripuisset, ut dictatorem potius quam censorem agere decreuisse diceret: ita vero egisset ut censoris egeret ipse maxime, dum in paucis ac leuibus castigandis peccatis, sexcentos grauissimos, eaque quam gestat scutica dignissimos committit errores? Quemadmodum autem arrogantiam eius non tuleramus, sic libertatem ille nostram tolerare non potuit, & ad innoxios ac titillatorios illos aculeos quibus amice pungebatur, ut ab errore redire vellet in viam, adeo efferatus est, ut non presbyterum modo, sodalemque Iesus eiurauerit, sed hominem penitus exuerit, sed pene statu mentis exciderit. Qua in re si quem alium fallere potuit, me certe non fefellit, qui eum semper, & eo quidem modo Epistole responsurum speravi. Nihil reponet, dicebat ex amicis quidam, nihil enim habet quod contra

possit opponere: nec in eos iterum se laqueos induet, quibus illum semel irretitum tam male accepisti. Non committet, inquit alter, ut iterum vapulet, ac veteres suas potius linget plagas, quam de nouis accipiendis cogitabit. Etiam canis frigida timet qui calida aliquando aspersus fuit. Longe aliter ego sentiebam qui contumaciam hominis peruicaciamque, & veris cedere nescium pectus probe noueram. Nihil igitur hoc in negotio prater expectationem meam accidit, nihil etiam prater votum. Quid enim mihi poterat optatius contingere, quam me maledicentia crimine, vel eius ipsius opera absolutum videre, cui maledixisse videri poteram nisi respondisset? Nunc si qua in illum acerbius dixi, ex vero dicta esse omnia, nec maledictorum loco haberi posse fidem ipse fecit Aduentoria sua. Nam si impostorem, si sycophantam, si cauillatorem, si sophistam Epistola compellauit, haud renuo quin habear ipse talis, qualem eum haberi volui, nisi manifestis rebus apertisque pignoribus hunc se esse probauerit in Aduentoria. In qua dedolanda, descobinandaque cum annum integrum & pane alterum contriuerit, ut eam commodum mihi in hanc urbem aduenienti offerret, quid illi misella factum esset nisi venissem? Profecto misere perisset, aut meliorem saltem sui partem, tituli scilicet

elegantiam, perdidisset. Ergo venisse vel ob hanc maxime causam gaudeo, ne quid absolutissimo elaboratissimoque operi deperiret. Sed cur illud opus tamdiu traxit? cur in aduentum meum distulit? cur non citius edidit? Habui fautores qui cum factum mihi vellent, hoc ab illo contenderrunt ne faceret. Cur quod semel in se receperat atque illis meis fautoribus promiserat, postea mutavit, nec pollicitis stetit? Habuit ipse amicos qui exegerunt ut faceret. o perplexum negotium! o duram ac miserandam hominis conditionem, inter inimici sui fautores, & amicos suos fluctuantis, & incerti quibus obsequeretur, vel quos potius sequeretur! An mirum si tam lenta materies hac fuit? Quis non istic hasisset? quis mature hinc sese potuisset expedire, & has oras evolvere tam cito? iam dudum, Lector, ridere te sentio. An adeo iocosum ac ridiculum hoc tibi videtur? Non parva tunc in consilio res erat, aut quae sine longa consultatione peragi posset. Id apud Sirmondum agebatur, utrum male suadentibus amicis auscultare, an recte consulentes inimicos audire prestaret: nam qui certiores inimici, quam inimicorum fautores? Amici tandem explicuere dubitantem, pendentemque impulere. Vide quid sit malos amicos habere. Cum meliora videret ipse probaretque, peiora ut sequi

mallet, illi euicerunt. Dedit hoc eorum precibus,
ut ad hunc scopulum naufragio semel fama facto,
iterum mare tentare vellet, iterumque naufragium
facere, & iacturam nominis, noua sed maiore igno-
minia, expiare. Haccine quam dico, an illa quam
dicit, causa morarum fuit, qua huic elephantino
partui Lucinam tamdiu propitiam negauit, lu-
cemque tamdiu ne videret, inuidit? Adeo vere-
batur ne parum sui similis esset, ac ne non satis
Sirmondus videretur, ut non aliam dixerit,
quam quae vera non fuit. Quod enim tantulum
libellum tam longo tempore fouit, anxiosa id fe-
cit & anxius frigus: quod vero tandem exclusit
& extudit, pudor iraque mentem duplici calore
precipitauerunt. Vrebat hominem gloriosum, &
vindicta cupidum, cum tam male acceptus fuisset,
sine malo tamen vindicari non posse. Quid
faceret, aut quid consilij captaret in re adeo an-
cipiti? Vltionem potuit vel morte pacisci. Gene-
rosam itaque & nobilem sumpsit in animo con-
fidentiam, ut sexcentis nouis plagis obnoxium
tergus mallet reddere, quam non veteris unius,
& iam in cicatricem coeuntis vulneris iniuriam
ulcisci. Atque ita plane fecit. Inde tamquam laesus
pugnat, sed tamquam iure casus frustra calces
iactat. Diceret ἀπ' οὐρα repente κατὰ πόντον in hanc
arenam precipitem potius nescio quo fato deci-

disse, quam certo consilio iudicioque descendisse.
Hinc Andabatarum more dimicat: quam in
partem feratur nescit, quem feriat ignorat: mo-
do parietibus incurrit, modo ventum & auras
verberat, sepius cum umbra sua litigat: nihil
videt nisi quod non est; quod videt, si quid vi-
det, hoc se non videre fingit; quæ manifesta sunt
& omnibus in confesso negat, ac dubia pro indu-
bitatis sumit: quæ nec in mente habui ut dicerem
me dixisse mentitur: errores erroribus cumulat,
& dum veteres protegit, subinde novos detegit:
quod destruere vult, adstruit: quod adstruere co-
natur, destruit: in multis sibi contradicit, in ple-
risque nugatur, in omnibus hallucinatur: ali-
cubi miserandum, est ubi mirandum, ubique
ridendum se propinat. Ad summam qui luto
undique collitus erat, ut nitidus ac pulcher emer-
geret, totum cæno se abluit: facitque etiam quod
perditi, & are alieno mersi solent debitores, qui
ut unum difficile nomen expediant, difficiliori se
impediunt, & versura solvunt. Hunc exitum
fecit infelix Aduentoria: sane ut debuit infeli-
cem, qualemque merebatur auctor. cui nihil re-
spondere primo decreueram; ita mihi & omnibus
risu potius ac commiseratione, quam censura vel
castigatione digna visa est. Sed ne ingratum me,
aut beneficii immemorem iure posset arguere, cu-
ius

ius aduentum in hanc urbem adeo benigne & humane excepisset, statui tandem hanc illi εὐχαισιν pro Aduentoria remittere, qua tam proluxa eius humanitati, & inusitata beneuolentia gratias agerem, si pro virtutibus eius parum gratas, pro viribus sane meis abunde magnas. Qui quod potuit fecit, utique satis fecit. Tamen his puto quales quales sunt, contentus erit, nec de me conqueri poterit, quasi par pari non retulerim: plus etiam reddere quam acceperam studui, iuxta illud Ησίοδος,


αἰτῶ δὲ μέγας καὶ λωϊὸν αἶψα δοῦμαι.

Quod etiam heic me prestitisse arbitror, saltem fateor debuisse, vel hoc maxime nomine, quod imputat mihi Sirmondus multa quae castigari poterant sese mihi condonasse, plurima in mei gratiam pratermisisse. An non hoc magni beneficii instar est? Sane tantum est, ut valde verear, ne fidem non possit etiam penes penitus credulos inuenire. Quis hoc enim de Sirmondo speraret, aut expectaret? An cuiquam verisimile fiet, Sirmondum mihi pepercisse? pudori meo consultum voluisse? ne erubescerem timuisse? Hoc scripsit nec erubuit ipse? Vnde iste porro nobis ex illo grege tam humanus, tam misericors, tam συγγνωμονικὸς? An qui sincerum corium ubique proscindit ac lacerat, a scabioso putamus

ungues abstinere potuisse? Vendibilis ista non amplius merx est: ne apud Indos quidem nudos illos & rudes & minime malos populos pro bona posset extrudi. Has artes omnes iam nouimus. Quod non possunt, hoc se noluisse fingunt. Si alius diceret, aut de alio diceretur, credulitatem illi meam commodare facile possem. Cum Sirmondus hoc ipse de se predicet, cras credam fortasse, hodie non possum. Sed quocunque tandem ille animo multa pratermiserit qua reprehendere poterat, nec enim dubito quin similiter potuerit omnia, nam qua redarguit, arguunt eum nihil nisi quod rectum erat corrigere voluisse; exemplum hoc imitari mihi non placuit, nec enim quidquam fere omisi in eius Aduentoria, quin atro carbone notauerim. Una quidem litura poterat πῶτα ἰάτα, sed singulas lineas libuit totidem lituris operire, ut per partes ac singillatim omnia eius aperirem errata, quorum maior pane numerus quam verborum fuit. Sic dum minimis maximisque castigandis immoror, dum singula persequor, pro epistola liber exiit grandis, & longior fui quam volebam. Quis istic breuitatem sibi censor posset imperare, ubi qui carpitur, nullum peccandi modum sibi videtur statuuisse? Retundendus etiam fuit, ac veris reuincendus, cui veritas

ne aut ista mutire, aut caudam motare possit amplius, curauimus. Post Epistolam tacere debuit, post Eucharisticum tacebit.





PERIOCHE SINGVLORVM
CAPITVM ADVENTORIÆ
IAC. SIRMONDI.

PARTIS PRIORIS

De regionibus suburbicarijs.

CAPVT I.

REgio Romana pro tractu, qui extra urbem Romam centesimo lapide circumscribitur, nusquam usurpata. Nola-
næ inscriptionis vera interpretatio. Territorium urbis
Romæ ad centesimum usque lapidem non porrigebatur,
sed agri Romani finibus, hoc est paucis ab vrbe millibus claudebatur.
quo etiam spatio terminabatur Præfecti urbis propria iurisdictio.

CAP. II.

Italiæ in urbicarias & annonarias regiones diuisio reiecta. Tre-
bellij locus a causidico perperam expositus. Enumerari a Trebellio
regiones omnes Italiæ, etiam quæ intra centesimum. Nec Italiam
proprie dictam omnia complecti, quæ sunt extra centesimum, nec
suburbicarias eas tantum quæ intra centesimum. Annonariarum
Etyumum refellitur.

CAP. III.

Suburbicarias recte dici prouincias quæ ab urbis Vicario rege-
bantur. Cur solum Picenum in Notitia suburbicarij nomen gerat.
Causidicus suo ipsius argumento reuincitur. Sicilia item cur inter-
dum seorsim ab urbicarijs nominetur, veram in Censura causam esse
allatam. Sicilia eadem alibi urbicariarum nomine comprehensa.
Quare ab illis minime diuersa.

CAP. IV.

Specialis Italia non amplius quam septem prouincias complexa,
ē iiij

quæ a Vicario Italiæ administrabantur. Ideo ab Italia Campaniam, Apuliam, Calabriam secludunt cum Athanasio Sardicensis & Arelarenensis. Diluuntur ridiculæ Causidici obiectiones, idemque ἀιπαογίας conuincitur.

C A P. V.

Suburbicariæ omnes non sunt intra centesimum. Secum pugnat Causidicus, qui Vmbriam suburbicariam esse negat, quæ tamen est intra centesimum. Latina regio inter prouincias nunquam habita, Valeria vltimis tantum temporibus. Prouinciæ omnes vrbi vicinæ non ad præfecti sed ad Vicarij vrbis administrationem pertinebant.

PARTIS POSTERIORIS

De Ecclesijs suburbicarijs.

C A P. I.

SUBURBICARII notio pro rerum ad quas refertur varietate laxior vel angustior. Quare falsum, Ecclesias suburbicarias latius Patere non posse quam prouincias. Suburbicariæ Ecclesiæ quænam essent Rufini ætate notum erat. Synodus Nicena Episcopi Alexandrini diœcesim definiuit, non Romani. Ægypti vox non minus anceps quam suburbicarij.

C A P. II.

Synodus Chalcedonensis quatuor Episcoporum gradus manifeste distinguit. Exarchos appellat non Metropolitas aut Patriarchas, sed eos qui gradu inter vtrosque interiecto diœceses integras regebant. Et Exarchorum nominis varia vsurpatio. Exarchi præter legitimos quidam adsciticij & honorarij.

C A P. III.

Patriarchæ proprie dicti non plures quam quinque. Patriarcharum nomen aliquando commune fuit etiam exarchis: postea primarijs tantum sedibus tributum. Semper tamen inter hos gradus fuit discrimen. Quare merito distinguuntur. Exarchorum in Oriente iura ad Constantinopolitanam sedem fere translata.


C A P. IV.

Sedes & ὁμοίαι proprie dicti quinque Patriarcharum. Primatis nomen ex aduersarij placitis Pontifici Max. non negandum. discrimen

ciuilium & Ecclesiasticarum administrationum. Africa olim vnica prouincia, post multæ, quarum primas Episcopus Carthagenensis. Primates in Occidente appellati etiam interdum Patriarchæ. Omnes tamen diuersi ordinis, & longo semper interuallo post Romanum.

C A P. V.

Patriarcha in Occidente καὶ ἑξῆς solus Pontifex. Specialis eius diœcesis Occidens, pars vniuersalis. Suburbicariæ & Romanæ, & occidentis Ecclesiæ, cum de Patriarchatu Romano agitur, eadem sunt. Græci ante schisma supremam in vniuersa Ecclesia potestatem agnouerunt.



PERIOCHE CAPITVM EVCHARISTICI QUÆ SINGVLIS ADVENTORIÆ capitibus ordine respondent.

PARTIS I.

De regionibus suburbicarijs.

C A P V T L

REGIONEM Romanam pro tractu qui extra urbem Romam centesimo lapide includitur semper vsurpatam fuisse. Ita accipiendam in Nolana inscriptione, & apud Popiscum in vita Probi. Romanam regionem eandem cum Urbicaria, & eandem utramque cum Romana Prouincia, cuius metropolitans fuit Episcopus urbis Romæ. Territorium urbicum & urbicariam regionem esse idem. Territorium urbis & urbicæ præfecturæ vsque ad centesimum excucurrisse. Eo vsque territorij ius habuisse præfectum urbi & intra eos fines iurisdictionem suam semper exercuisse. Agri Romani fines, alios alijs temporibus fuisse. Agrum Romanum de tota Italia aliquando dictum. Præfectum urbi de omnibus criminibus tam in urbe, quam intra centesimum admissis cognouisse. Eandem in urbe & extra urbem vsque ad centesimum iurisdictionem Præfecto urbi competisse. Quid sit propria iurdictio, quid lege concessa, & quatenus inter se differunt.

C A P. II.

Italiæ diuisionem in suburbicarias & annonarias regiones rectam esse. Trebellij locum in Epistola ad Amicum recte expositum. Annonariam regionem opponi urbicariæ. Urbicariam omnes suburbicarias urbicariæ intra cente-

simum sitas comprehendisse: Annonariam reliquas extra centesimum positas. Italiam speciali appellatione dictam eam Italiae partem quae extra centesimum. Omnem annonariam regionem, & totam Italiam apud Trebellium esse idem. Non omnes annonarias sub Vicario Italiae, nec solas suburbicarias sub Vicario Urbis fuisse. Umbros & Pilumbros una cum Sabinorum regione Piceno adiunctos, Piceni suburbicarij nomine venisse. Annonarias appellari ad distinctionem suburbicariarum, & contra. Annonarij suburbicarijque distinctionem & appellationem ante Constantini Magni tempora natam & notam fuisse. Annonarias dictas ab annona quam soluebant. Solas Italiae provincias extra centesimum huic olim functioni fuisse obnoxias. Hinc annonariae urbicaeque regionis discrimen. Hoc discrimen etiam durasse postquam Italia tota, intra & extra centesimum annonariam praestationem agnoscere cepit.

C A P. I I I.

Suburbicarias dici provincias suburbanas, & sub Urbe sitas, non autem sub vicario Urbis positas. Suburbicarium & suburbanum esse idem, ut urbicarium & urbanum. Suburbicarias & suburbanas regiones in Cod. Theod. easdem passim appellari. Suburbanum agrum intra Italiam opponi longinquo, & verumque transmarino qui extra Italiam. Italiam suburbanam, vel suburbicariam Romanamque regionem prorsus eandem esse. Suburbicariarum vel suburbanarum regionum originem & appellationem male ab Urbis Vicarijs repeti, quos instituit Constantinus. Suburbicarias ut & Annonarias regiones ante Constantinum de nomine cognitae fuisse. Cur solum Picenum in Notitia suburbicarium cognominetur. Ex decem provincijs quae sub Urbis erant Vicario, solas quattuor suburbicarias fuisse. Italiam non duas, sed unicam fuisse diocesim. De Italia specialiter & relative sumpta.

C A P. I V.

Italiam cum relative sumitur, pro rerum ac personarum varietate ad quas refertur, modo plures, modo pauciores, interdum unam duntaxat provinciam, comprehendere. Cum simpliciter & absolute ponitur, alias totam Italiam cum urbicarijs regionibus, alias Italiam tantum quae extra centesimum posita est significare. Hoc posteriore sensu Italiam passim in Cod. Theod. accipi cum ab urbicarijs regionibus distinguitur. Quo sensu *ἡ Ἰταλία* dixerit cum Synodo Sardicensi Athanasius, item D. Hieronymus in Chronico. Italiae partem illam, in qua olim Gallia Togata, specialiter aliquando Italiam dictam esse. Sic appellatam ante Constantinum fuisse. Hinc vicarium Italiae dictum qui eam partem Italiae regendam accepit. De Italia mediterranea & Transpadana. Hanc provinciam Italiae veteribus dictam. De provincia Episcopi Mediolanensis. Iterum de suburbicarijs ut probentur esse suburbanae, & centesimo comprehensae. Canalis Italiae quid sit.

C A P.

CAP. V.

Denumero suburbicariarum, nihil certius esse quam quatuor eas fuisse. Hoc probari ex leg. 1. Cod. Theod. de calcis coëctoribus, quæ non plures numerat. Omnes intra centesimum ab vrbe fuisse comprehensas. Quidquid Vmbria intra centesimum erat, Piceno attributum, Piceni suburbicarij nomine venisse. Latinam regionem siue Latinam Campaniam virumque Latium complexam in suburbicariarum numerum recte relatum ab auctore Epistola. Cur in descriptione prouinciarum Italiae Latina regio vel Latium locum non habeat, inter Italiae prouincias. Ex duabus Italiae prouinciarum descriptionibus, antiquam pro recentiore, & vice versa quæ recens est, pro vetusta perperam laudari ab auctore Aduentoria. Quatuor suburbicarias has fuisse, Tusciam suburbicariam, Picenum suburbicarium, Valeriam & Latinam regionem. Valeriam a via Valeria denominatam, antiquam esse prouinciam. Intra quatuor harum regionum fines centesimo circumscriptos iurisdictionem habuisse praefectum vrbi. De praefectura vrbica terminus contraria & pugnancia scripsisse Sirmondum in Censura & in Aduentoria. De iurisdictione Vicarij vrbis. Symmachi Epistola recte expositio.

PARTIS II.

De Ecclesijs suburbicarijs.



CAPVT I.

SUBURBICARIAS Ecclesias non alias dici posse, quam quæ in suburbicarijs regionibus erant Ecclesiae. Suburbicarias quum a situ & loco nomen habeant, certos quoque habere fines, nec pro rerum varietate ad quas referuntur, notionem earum esse diuersam. Aegypti vocem non magis ambiguum esse quam suburbicarij. Suburbicarij locus & Ecclesijs Metropolitanam Episcopi Romani prouinciam olim fuisse determinatam. De hac prouincia Rufinum Synodi Nicenæ sextum Canonem accepisse, ut & Vaticanum & Arabem eiusdem canonis interpretes. Aristinum & Symeonem Magistrum Græcos canonum collectores non aliter exposuisse. Nicenam Synodum eo canone de solis metropolitanis Ecclesijs agere, earumque iura ac priuilegia, ad metropolitanam Romanæ prouinciæ exemplar constituere ac confirmare.

CAP. II.

Tres tantum Episcoporum gradus fuisse, Patriarchas, metropolitae & Episcopos. Non plures agnoscere Synodum Chalcedonensem. Exarchum diæceos nono eius canone, & septimo decimo Patriarcham diæceos significare. Græcis incognitum esse genus illud exarchorum quod inter Patriarchas & metropoli-

sanos interiectum sit. Patriarchas qui diœceses regebant, diœceson exarchos ita fuisse dictos ut prouinciarum exarchi dicebantur, qui prouincias regebant metropolitani. De varijs Patriarcharum priuilegijs & honoribus. De diœcesibus Orientis & Occidentis, & primis quibusque singularum diœceson prouincijs. Qui primæ per vnamquamque diœcesim prouincia præerant, exarchos & patriarchas illius diœceseos vulgo dictos esse. Exarchos Ponticæ, Asiaticæ & Thracicæ diœceson, nec ante quam sedi Constantinopolitana subijcerentur, nec posteaquam eidem subiecti sunt, quicquam iuris in alios metropolitanos habuisse. Meros ipsos ac veros tantum suarum semper extitisse prouinciarum metropolitans, eoque de metropolitanis quos non ordinabant causis cognoscere non potuisse. De metropolitanis Patriarchæ Constantinopolitano subiectis, quinam eorum ἐξάρχαι dicti fuerint, & qui ἐξόρχια habuerint. Nullos honorarios & sine re exarchos fuisse. De varijs Exarchis. alia multa.

C A P. III.

Patriarchas dictos esse plures quam quinque. Primarios & præcipuos quinque tantum fuisse Patriarchas, sed non solos. Patriarcharum & Exarchorum diœceson, ut vnum idemque nomen fuit, sic vnus idemque gradus. Inter primarum quinque sedium Patriarcharum, & reliquos eiusdem nominis, differentiam aliquam honoris & auctoritatis fuisse, nullam ordinis. Quinque etiam summos illos Patriarchas, non parem omnes dignitatem habuisse, & tamen eundem gradum constituisse. Quum tres olim primæ sedes fuerint, postea quinque factas. Vnde Patriarchæ appellati. Ante Iustinianum & post Iustinianum tres tantum gradus Episcoporum numeratos esse. Exarchum diœceseos in Chalcedonensi canone Patriarcham esse cuiusque diœceseos. Iurisdictionem in Metropolitanos neminem habere, qui non habeat & eorundem ordinationem. Exarchos Ponticæ & Asiaticæ & Thracicæ diœceson nullam tempore Concilij Chalcedonensis habuisse iurisdictionem, & iam tum Patriarchæ CP. subiectos fuisse. De Catholicis Archiepiscopis, quod eiusdem gradus & ordinis fuerint cum Patriarchis.

C A P. IV.

Sedes & ὁπῶς καὶ ἐξοχὴ quidem dictos esse quinque Patriarcharum, sed non proprie: nec enim minus proprie Episcoporum metropolitanarumque sedes appellatas. Episcopum Romanum primatem fuisse suæ prouinciæ metropolitanæ. Eodem sensu primatem etiam dici potuisse Episcopum Mediolanensem, prouinciæ nempe suæ metropolitanæ. Episcopum Romanum nullius diœceseos quæ plures Ecclesiasticas prouincias complectatur, Primatem extitisse, vel Patriarcham dictum esse. Diœcesim interdum pro metropolitæ prouincia, tam apud Græcos quam Latinos accipi. Primates non eos solum qui multas prouincias Ecclesiasticas regerent, sed & qui singulas, fuisse dictos. Primum & primatem eundem esse. Metropolitanum qui suæ prouinciæ primus est Episcopus, eiusdem prouinciæ recte primatem appellari. Sic Græci ὁπῶς metropolitanos vocant, hoc est primos vel primates. Primam sedem prouinciæ de metropolitani sede, &

primam sedem diæceseos de Patriarcha dictam. Hinc primates siue primæ sedis Episcopos tam Patriarchas, quam metropolitans appellatos. In Africa sex prouincias Ecclesiasticas fuisse, & singularum metropolitans, primates vocatos esse. Primates in Gallijs non qui singulis prouincijs præessent, sed qui primas quasque singularum diæceseon prouincias regerent, fuisse, & patriarchas eosdem nuncupatos. Tres gradus in Occidente semper numeratos esse, primates diæceseon, qui & Patriarchæ: Primates prouinciatum, qui metropolitæ: & Episcopos ciuitatium.

C A P. V.

Etiam si daretur Episcopum Romanum Occidentis fuisse Patriarcham, non tamen Ecclesias suburbicarias apud Rufinum de omnibus Occidentalibus accipi posse. De metropolitana prouincia Episcopi Urbis Romæ, non de vlla diæcesi Patriarchali sextum Nicenum canonem, quem Rufinus interpretatus est, exponi debere. Urbicariam siue Romanam regionem sub præfecto urbu omnes suburbicarias comprehendisse, & ὑπὸ τῆς αἰτίας ἐπαρχίας in Veteri Notitia appellari. Hanc eandem urbicariam siue Romanam prouinciam sub Episcopo urbu omnes suburbicarias Ecclesias complexam esse. Solam hanc fuisse specialem diæcesim Papæ. Occidentem non specialem diæcesim eius esse, sed partem vniuersalis, ut Ægyptus pars erat Ægyptiacæ diæceseos, non specialis prouincia Episcopi Alexandrini. Suburbicarias & Romanas Ecclesias easdem esse, sed Occidentis totius Ecclesias eo nomine non designari. Romanæ Ecclesiæ nomine specialem semper intellectam, quæ Romanæ prouinciæ finibus continebatur, Ecclesiam; eamque ab Italicis, & ceteris Occidentalibus distinctam. Latinam Ecclesiam à Romana diuersam omnes Occidentis Ecclesias comprehendisse quæ Latina lingua utebantur. Romanam porro Ecclesiam non Latinarum tantum & Occidentalium caput extitisse, sed omnium. Græcos ante schisma, quum primatum eius ac principatum agnouerint, post schisma suo Patriarcha illum vindicasse. In summa non Patriarcham Occidentis, sed caput & principem Patriarchatum Papam esse, & vniuersæ Ecclesiæ primatem Episcopum.



SVMMMA PRIVILEGII.



Autum est auctoritate Regis, nequis *Eucharisticum* ad Iacobum Sirmundum, Pro Aduentoria, absque Hieronymi Drouart Bibliopolæ Parisiensis permisso intra sexennium imprimat aut diuendat : publicationis exemplarium, si quis secus fecerit, multa indicta, pro vt amplius in ipso Diplomate continetur. Lutetiæ Parisiorum 19. Iunij 1621.

Sic signatum,

Per Consilium,

DE HVMERY.

EVCHA-



EVCHARISTICI AD ADVENTORIAM PARS PRIOR

DE REGIONIBVS SVBVRBICARIIS.

CAPVT I.

REGIONEM Romanam pro tractu qui extra urbem Romam centesimo lapide includitur, semper usurpatam esse. Ita accipiendam in Nolana inscriptione, & apud Vopiscam in vita Probi. Romanam regionem eandem cum urbicaria regione, & eandem utramque cum Romana provincia, cuius metropolitanus fuit Episcopus urbis Romae. Territorium quoque urbicum, & urbicariam regionem esse idem. Territorium urbis, & urbica praefectura usque ad centesimum lapidem excucurrisse. Eo usque territorij ius habuisse praefectum urbis, & intra eos fines iurisdictionem suam semper exercuisse. Agri Romani fines, alios aliis temporibus fuisse. Agrum Romanum de tota Italia dictum. Praefectum urbi de omnibus criminibus tam in urbe, quam intra centesimum admissis cognouisse. Eandem in urbe & extra urbem intra centesimum, iurisdictionem praefecto urbi competisse. Quid sit propria iurisdictione, quid lege concessa, & quatenus inter se differant.

DOLENDVM est, Sirmonde, te tuam operam causis agendis in foro non addixisse: nemo melius rabulariam fecisset: ita versutus es, ac nigra in candidum vertere callidus, & colores reperire doctus. Qui

A

tantus poteras euadere causidicus, te talem non extitisse, nec eo impulsus esse, quo natura tua te tam feliciter trahebat, valde miror. Sed causidicina fortasse nimis tibi visa vilis est: ludimagister esse maluisti. Laudo iudicium, nimium bene scisti eligere. Nam ut alias magisteriæ istius vestræ in ludo potestatis utilitates ac prærogatiuas omittam, vos qui pueris instituendis studium vestrum dica- uistis, soli semper dicitis, soli docetis: quodlibet effutientes nemo refutat. Causidicis non licet esse tam disertis. Hæc magna miseria est, ubi dixeris habere qui contra dicat. Hoc fato viuunt, qui operam foro nauant. Optimus fuisses aduocatus, fateor, sed ut vinceret, solus semper audiendus eras. Nam si partis aduersæ patronus, ut mos est, etiam auditus esset, tum væ tibi causidice, nunquam tenuisses, sed victus semper, & multa insuper ferendus discessisses. sic in hac de suburbicariis tractatione, si quis te solum legeret, secundum te fortassis ut pronuntiaret, induci facile posset. vicisses certissimo, si contra nemo dixisset. sed malo tuo præsto sunt, qui lectorem docere possint quam stulte stolideque sis pertinax malæ causæ defensor. De illis ego vnus sum quem tu vis causidicum esse Diuionensem. Sim sane quod libet, & quod volueris cunque, dum tibi similis ne sim. Ego causidicus Diuionensis, tu rector Claromontanus ex ludimagistro. Age ergo ne tempus perdamus, protinus in rem ingrediamur, & tecum propius tanquam ad lineam dimicantes, congregiamur.

Vrbicariam præfecti vrbis administrationem & iurisdictionem ad centesimum vsque lapidem excucurrisse, & quattuor regiones siue prouincias suburbicarias complexam fuisse, friuolum tibi commentum videtur. atque hoc te probasse iactas in censura tua, vbi ostendisse te ais præfectum vrbis, vrbicum fuisse magistratum, non prouincialem. Profecto facile tibi fuit id probare de quo dubitabat nemo: id ostendere, quod omnes videbant. aliud habes nihil quod dicas? At quis vnquam tibi negauit præfectum vrbis vrbicum fuisse magistratum? quis vnquam prouincialem fuisse affirmauit? de furfure ipse tibi, ac de luto monstra fingis, quæ facile debelles, luteus & furfuraceus Hercules. *Administrationi eius, inquis, vrbis vrbisque termini, non diœceses competunt, aut prouincie.* Si hoc tibi confiteamur, quid litigandum habebis? vt te pacatiore tandem vtamur, totum istud tibi concedatur. Sed vicissim, si homo es, nobis illud des oportet, suburbicaria loca, suburbicarias partes, suburbicarias denique regiones, iurisdictioni eius competisse. an & hoc negabis? tam præfractum te esse, ac tam perfrixtæ frontis non puto. loca illa, quæ intra iurisdictionis vrbicæ terminos sita erant, quo nomine appellata, aut appellanda fuisse censes, si non suburbicaria, vel vrbicaria, vel suburbana denique, quod idem est, fuere dicta? potin es facere vt audiamus aliquando te verum confiteri? nunquam facies, nisi coactus. Sed si bene te noui, ne coactus quidem facies. nam nulla ratio potest

te cogere, nulla veritas vincere. Scire porro de terminum velim, an nullas putes fuisse regiones sub vrbana præfectura? atqui singularum etiam coloniarum ac municipiorum magistratibus suæ fuere regiones attributæ, intra quarum fines liberam iurisdicendi coercendique potestatem haberent. Sæculus Flaccus de conditionibus agrorum: *Regiones dicimus, intra quarum fines singularum coloniarum, aut municipiorum magistratibus, ius dicendi coercendique est libera potestas.* Hoc eodem sensu vocabulum *περιχωρία* retinuerunt recentiores Græci. in actis Concilij Chalcedonenſis, act. xiii. ἐγὼ δὲ δίδωμι Βασιλινούπολιν ἀπὸ Νικίαις ἡμοῦν. καὶ γὰρ περιχωρίῳ αὐτῆς. ταῦτα γὰρ βεβαιώματα οἶδε καὶ ἔπειτα ἀπὸ ἡμῶν Βασιλινούπολις, εἰ μὴ περιχωρίῳ Νικίαις. & paulo post: ὡς περὶ Ταπείας καὶ Δωρεὶς περιχωρίαις εἰσὶν ἀπὸ πλεον Νικίαις, οὕτως καὶ περὶ ταύτης καὶ Βασιλινούπολις ἀπὸ πλεον Νικίαις. βασιλῆς ὡς Ἰουλιανὸς, ἢ οὐκ οἶδ' ἂν περὶ αὐτῆς, ἐποίουν αὐτῇ πόλιν, καὶ λαβὼν ἀπὸ Νικίαις περιχωριατευόμενος κατέστησεν ὁ κ. & ὁ ἕτερος ἀπὸ τότε ἕως νῦν τῷτο κρατεῖ· ἐὰν λείψῃ ἐν Βασιλινούπολιν περιχωριατευόμενος, ἀπὸ Νικίαις πέμπεται ὁ κ. & πάλιν ἀπὸ Βασιλινούπολεως μωίσσεται ἐν Νικίαις. καὶ ἡ περὶ τὴν οὖσα περιχωρία, πάλιν μὲν ταῦτα ἐγγράφοντο πόλιν. Basilinopolis quæ prius erat territorij Niceni regio, vrbs postea facta est. Sic regiones circa urbem & sub vrbe, quarum intra fines ius dicendi coercendique potestatem habebat præfectus vrbis, vrbicariæ dicebantur, & suburbicariæ, hoc est suburbanæ. Si regiones sub se habuit vrbana præfectura, habuit vtiq; & pro-

uincias. nam regio & prouincia idem: præcipue postquam regiones illæ intra præfecturæ vrbicæ terminos consistentes, prouinciæ factæ sunt, & suos singulæ habere cœperunt præsides & consulares. hinc & suburbicariæ prouinciæ, & suburbicariæ regiones eadem passim appellatæ reperiuntur. Nec propterea tamen præfectum vrbis prouincialem fuisse magistratum dicendum est, quod de omnibus criminibus intra regiones illas admisis cognosceret, & ad centesimum vsque quo prouinciæ suburbicariæ cohibebantur, iurisdictionem suam extenderet. De cæteris Italiæ regionibus, quas prouincias ante Constantini tempora dictas fuisse in Censura tua negabas, quia nunc non negas, & satis hoc tibi probatum est in epistola ad amicum, nunc nihil dicam. Possem tamen si adhuc negare pertenderes, idem tibi confirmare ex Suetonio, & Frontino de coloniis, aliisque passim scriptoribus qui ante Constantinum vixerunt.

Quemadmodum igitur in coloniis & municipiis regiones dicebantur quæ territorium coloniarum constituebant, intra quarum fines, coloniarum municipiorumque magistratibus ius dicendi coercendique libera potestas erat: sic plane suburbicariæ regiones appellabantur, quæ totum illum vrbicarium tractum circa urbem & sub vrbe intra centesimum milliare comprehensum complectebantur, intra cuius fines præfecturæ vrbicæ iurisdictione conclusa fuit ac terminata.

Totus autem ille tractus suburbicarius, spatium,

inquam, illud omne terrarum quod circa urbem erat, & intra centesimum ab urbe cohibebatur, regionis etiam *urbicariae* nomine veniebat, ut ostendimus in epistola. Huius *urbicariae* regionis mentio fit in leg. iii. Cod. Theod. tit. *tributa in ipsis speciebus inferri*. verba legis hæc sunt: *vinum quod sollemnis expressio popularibus commodis ex provincialium collectione desiderat, illico suscipiatur aduectum, ut erogationis pro tempore cura præstetur, ut ea vina populi usibus erogentur, quæ natura sua processum temporis ferre non possunt: quod peræque in omni vino quod ex urbicaria regione confertur, observandum esse censemus*. Dic nobis ac nos doce quænam illa sit *urbicaria* regio, si non ea est quam diximus? quod si aliam esse docere non potes, quid aliud tibi restat, quam ut tacere discas?

Urbicariam hanc regionem, Romanam etiam fuisse dictam in eadem epistola multis probauimus. Nam ut Roma, & urbs idem, sic Romanam regionem & *urbicariam* eandem fuisse, necesse est, quæ & Romana provincia in Ecclesiasticis dicebatur, cuius vel a primis nascentis Ecclesiæ temporibus metropolita fuit Episcopus urbis Romæ. Romanam istam regionem, tu qui tantus es Romanæ fidei defensor, ac Romanæ sedis assertor, & Romanarum omnium rerum protector ac propugnator, subito nescio qua de causa miseram nullo suo merito euertendam suscepisti. quid illa mali tibi fecit? cur eam sic odisse cœpisti, qui alia omnia Romana sic amas? Sed omissis aliis argumentis ac testimoniis, quibus eam regionem adstruebam, tu

illam vt conuelleres, vnicam inscriptionem veterem arripuisti, quæ Romanæ regionis meminit, verum alio sensu, vt quidem tibi placet, & serio affirmas. mirarer si quidquam tibi placere posset, quod rectum esset, aut si aliquid adfirmares, quod confirmare posses. Sed si hoc haberes, nondum tamen omnia quæ vis haberes, necdum illa Regio Romana, quam cum vrbicaria regione eandem fecimus, nulla esset, nisi Nolana. stat quippe adhuc multis aliis tam testimoniis, quam argumentis quibus eam subfulsimus, quæ destrui non posse cum videres, ideo ne tentasti quidem. Quam Romanam autem esse non vis, ego Nolanam esse nolo. vter nostrum rectius id velit nolite, ipsa inscriptio fidem faciet, quam hîc iterum totam & integram producemus:

POLLIO IVLIO CLEMENTIANO
SVBVENTORI CIVIVM
NECESSITATIS AVRARIÆ
DEFENSORI LIBERTATIS
REDONATORI VIÆ POPVLI
OMNIVM MVNERVM RECREATORI,
VNIVERSA REGIO ROMANA
STATVAM COLLOCAVIT
CVRANTE CL. PLOTIANO.

Nolæ & Nolano cui positam hanc inscriptionem me non ignorare dicis, me ex te didicisse clamas, atque ita paratragædias: *Vnde hanc inscriptionem mutuatus es nisi a Grutero? unde Grutterus nisi a Sirmondo? Sirmondus ergo est qui vidit: Sirmondus est qui legit:*

Sirmondus est qui exscripsit. Parce arteriis bone vir. rauim tibi cauendam censeo. quid frustra pulmonem agitas? hæc singula confiteor. Sed Sirmondus non est qui intellexit: aut sane Sirmondus est, qui non intellexit. pro tuis illis vtrumuis horum tibi reddo, & vtrumque certe verum est. Nam licet illam inscriptionem ipse videris, legeris, exscripseris, tamen in ea quid esset regio Romana te minime intellexisse, id cuius vbi monstraui, patebit. Nolæ posita hæc statua, & Nolano ciui. quid inde sequitur? Romanam regionem, quæ statuam illam collocandam curauit, fuisse vnam ex regionibus Nolanæ vrbis? Hoc tu vis? istud tibi placet? sed quis tibi de hoc assensus est? quo enim auctore id probas? quo argumento firmas? vnde porro regio Romana Nolæ, aut quare sic dicta? an quia Romani ciues in illa regione Nolanæ vrbis degabant? Hoc non dicis, & ridiculum esset. collocata illa statua & inscriptio post Constantinum: quod *auraria* vox quæ ibi legitur, satis indicat. quo tempore non solum tota Italia Romana, sed etiam totus orbis Romanus, hoc est Romana ciuitate donatus. Quod autem affers de porta Romana quæ Cularone fuit, hoc est Gratianopoli, quid ad rem facit, aut quid simile habet cum regione Romana Nolæ? Porta Romana Cularone dicebatur, quæ Romam ibatur, vt Viennensis qua Viennam. quam in multis porro vrbibus hoc idem vsu venisse probabile est, vt portæ Romanæ in iis dicerentur per quas exeuntibus Romam iter erat? de sex regionibus

bus Nolæ, quis tibi concedet harum vnâ Romanam fuisse dictam, & eandem hanc esse cum Iouia regione cuius altera inscriptio meminit in eiusdem statuæ basi posita? quis hoc tibi indicauit? a quo didicisti? vnde tibi hæc ἀποδείξεις? probabile istud aut verisimile existimas, vt duæ diuersæ inscriptiones vnâ eandemque regionem, modo Iouiam appellent, modo Romanam? vbi mens tibi erat cum hæc scriberes? Enimuero etsi nesciamus quænam illa Iouia regio fuerit, & vnde sic appellata, de Romana tamen hoc vere tibi possumus affirmare, Romanam ibi regionem, non de aliqua Nolanæ vrbis regione, sed de regione vrbicaria esse accipiendam, quæ tam in ciuilibus, quam in ecclesiasticis Romana prouincia, & regio Romana vocabatur.

Quæris ex me, porro, si Nolæ Nolano ciui posita statua est, quonam beneficio Romanos, Etruscos, Umbros, Samnites, & quotquot centesimo lapide perstringuntur, a Nolano ciue affectos censeam, vt statuam ab vniuersis mereretur? Hoc quod me rogas, statuam ipsam interroga. ipsa litterata est, & ex ea disces, nisi ipse statua es, vt subuentori ciuium, libertatis redonatori, necessitatis aurariæ defensori, & omnium munerum recreatori, vt patrono suo denique inimitabili hanc statuam decretam fuisse ab vniuersa regione Romana. Nolæ autem potius quam in alia vrbe Romanæ regionis ideo censuisse collocandam, quia Nolanus scilicet erat ciuis, idcirco in vrbe, ex qua erat oriun-

duſ, hunc illi ſtatuae honorem præcipue decretum: quod alias in his monumentis ponendis uſitatum fuiſſe ſcimus, & ipſe quoque ſcis, niſi diſſimulare vis.

Non neſcias etiam illud oportet, niſi omnia neſcire vis, patronos olim non ſolum ab urbibus ac ciuitatibus, ſed etiam ab integris prouinciis adoptari ſolitos, qui legationibus fungerentur, & cauſas omnes illius urbis aut prouinciæ a qua adoptati eſſent, tuerentur ac defenderent apud principem aut præfectos eius, aut etiam ſenatum. Secundum illum morem uidetur vniuerſa Romana regio Clementianum iſtum patronum ſibi cooptaſſe, & pro meritis eius ac benefactis quæ in inſcriptione ſupra ſcripta recensentur, ſtatuum eidem cenſuiſſe, & quia Nolanus erat ciuis, in urbe Nolana ponendam curauiſſe. Horum autem patronorum qui olim ab urbibus & prouinciis adoptabantur, mentionem paſſim extare reperiſ, cum in veterum libris, tum monumentis antiquis.

Ridiculum vero illud ac pluſquam puerile, quod minime animaduertiſti, *vniuerſam regionem*, de vna aliqua regione urbis Nolæ tua interpretatione dici, quod de ipſa urbe tota vix dici potuerit. magnum ſcilicet illud fuit, tanto patrono, ac tam bene de ciuibus omnibus merito, non totam urbem, quod par erat, ſed vnam parvæ urbis regionem ſtatuum cenſuiſſe, & dicere hanc ei ſtatuum ab vniuerſa illa regione poſitam. Valde ſane hoc honorificum, & amplum, quod illa pars urbis vni-

uerſa, & non pars aliqua partis hunc illi honorem decreuit. Videris ipſe an vox *uniuerſa* conueniat parti alicui vr̄bis non magnæ. mihi nequaquam conuenire videtur. & ineptum proſus eſt. quare diſtædet me tuarum ineptiarum, quarum quia te non pudet, ideo proſecto me tui pudet. Atque hæc cum ita ſint, audes etiam monere nos, ac cauere iubes, aliud deinceps quam Nolanæ vr̄bis partem intelligamus, cum in Nolanis monumentis Romanam regionem legemus. o vanitatem! quaſi vlla vſp̄iam extent alia monumenta Nolana, in quibus mentio fiat Romanæ regionis, præter illam inſcriptionem, quam ſupra produximus. Sed quid ſi alibi quam in monumentis Nolanis mentio eius regionis occurrerit, quid cenſebis domine Rector? vtrum de Nolanæ vr̄bis parte accipiemus, an non? ex tuis verbis coniecturam facio exiſtimare te Romanam regionem, tunc Nolanam tantum eſſe intelligendam, cum in Nolanis monumentis habetur eius mentio. abi, laudo te: ſapiſti plus quam putabam. recte ſubodoratus es alibi etiam poſſe, quam in Nolanis ſaxis, huiusce Romanæ regionis veſtigia reperiri. qua in re bonum ac ſagacem te habuiſſe naſum fateor, & res ipſa indicabit. Auctorem enim tibi dabo non Nolanum, nec de Nolanis rebus loquentem, qui tamen Romanæ regionis meminit. quo ſenſu aut qua ſignificatione, tu indicabis ipſe.

Vopifcus in vita Probi circa finem ita ſcribit:
Poſteri Probi vel odio inuidiæ vel timore, Romanam rem

fugerunt, & in Italia circa Veronam, & Benacum & Larium, & in his regionibus larem locauerunt. manifesta vitij tenetur hæc lectio. quæ enim rem Romanam fugere poterant illi posteri Probi, lares in Italia locando circa Benacum & Larium? Res quippe Romana non per Italiam tantum, sed per totum orbem Romanum diffusa fuit, nec in vrbe sola Romana hæsit. Salmasius qui notas in illos Historiæ Augustæ scriptores nuper edidit, obseruat eo loci manu exaratos codices ita legere: *vel odio inuidie vel timore Romanam refugerunt.* & hanc scripturam asserit veram. nam *Romana* ibi ἐλληνικῶς ponitur pro Romana regione, more loquendi Latinis auctoribus non incognito. sic enim idem Vopiscus ibidem *Veronensem*, posuit absolute pro Veronensi regione: cum imago Probi in *Veronensi* ita fulmine icta esset, ut prætexta eius coloris mutaret. Sic apud Plinium passim, in *Narbonensi*, in *Viennensi*, in *Lugdunensi*, legere est. eodem plane modo Varro *Venetam* dixit pro Veneta regione. ita enim apud illum recte legitur ex scriptis codicibus de re Rust. lib. ii. cap. 15. *Hoc etiam in Veneta factum accepi.* Salmasio ego hac in re assentior. posset tamen etiam ita videri scriptum in exemplaribus antiquis fuisse: *Romanam reg. fugerunt.* Hoc est, Romanam regionem fugerunt. nam R E G. in Notis est regio. vt ut sit certum est in illo Vopisci loco non de Romana re sed de regione Romana agi, atque ita Vopiscum debere intelligi. Nunc quæro quid censeas? an ibi Romana regio erit Nolana? nihil tam absurdum est, quod a te di-

ci posse non putem. Hoc tamen certo scio te non esse dicturum. insignis plane, & auro contra carus ille Vopisci locus. ex quo discimus Romanam regionem ab Italia distinctam, & Romanam regionem eam fuisse dictam quæ centesimo lapide claudabatur & ad iurisdictionem præfecturæ urbanæ pertinebat. Hæc eadem & vrbicaria regio dicebatur, ut supra ostendimus. Posterius igitur Probi imperatoris, eo occiso vel odio inuidiæ vel metu, non vrbe tantum exceſſerunt, sed etiam ultra centesimum recesserunt, & Romanam regionem refugerunt, atque in Italia circa Veronam & Benacum sedes locarunt. Romana igitur illa regio apud Vopiscum sic ab Italia distinguitur, quemadmodum cētesimus ab Italia separatur in leg. ii. cod. Theod. *de in integrum restitutione*. & suburbicariæ regiones ab eadem Italia passim discernuntur, tam in cod. Theod. quam in Notitia imperij. Nam illa Romana, siue vrbicaria regio, suburbicarias intra se regiones continebat, & ipsa intra centesimum ab vrbe lapidem continebatur. sic *uniuersa Romana regio* in Nolana inscriptione pro vniuerso illo tractu accipienda est, qui intra centesimum comprehendebatur, quique suburbicaria omnia loca quoque versum ad centesimum vsque procurrentia comprehendebat.

Quæ autem ἐν τοῖς κοσμηκοῖς Romana regio vocabatur, idem quoque nomen habuit, & eosdem fines ἐν τοῖς ἐκκλησιαστικοῖς. Nam prouincia Metropolitana Episcopi vrbis Romæ, etiam Romana appellata est,

& ijsdem limitibus continebatur, quibus Romana regio, cuius finibus iurisdictio præfecti vrbis limitata fuit. Et certe certissimum est Metropolitanam prouinciam Episcopi Romani, vel ab ipsis nascentis Ecclesiæ incunabulis ad formam ac typum administrationis ciuilis fuisse constitutam. quod etsi in omnibus non obtinuit, in plerisque tamen hoc seruatum est, vt Ecclesiasticæ prouinciæ ad normam ciuiliū exigerentur & constituerentur. in prouincia vero Metropolitana Episcopi Romani quin ad eum modulum fuerit formata, nemini dubium potest esse, nisi qui solem meridie non lucere, iurare sit paratus. Episcopus igitur vrbis eandem quam præfectus vrbis, & ijsdem cancellis terminatam sub se regionem habuit siue prouinciam. vtraque prouincia Romana & regio Romana dicta est. vtraque easdem suburbicarias regiones & Ecclesias ambitu suo complexa est. qua de re infra pluribus erit agendum.

Constatne iam, an non constat tibi de Romana regione siue prouincia? oculis quæso tandem tuis vttere, ac mentis vsum quem videris amisisse, per me recipe. despero id te facturum. nulli quippe peiore conditione, aut maiore periculo cæci sunt, quam qui cæci esse volunt. de illorum numero cæcorum ac genere tu es, τὸ πρὸς τοὺς τὰ τ' ὁρμαῖα. Sed his latius explicatis de vrbicaria siue Romana regione, nihil amplius dubitationis aut magnæ difficultatis habitura confido quæ de territorio vrbis Romæ in Epistola ad amicum disseruimus. Quemadmodum

enim in colonijs & municipijs territorium dicebatur illud omne agri spatium, cuius intra fines coloniae municipijve magistratui iurisdictio coercitioque concessa erat: sic cum ad centesimum ab urbe Roma lapidem praefecti urbici iurisdictio sese porrigeret, totum illum regionum tractum centesimo lapide conclusum, vrbicarum regionis nomine dictum docuimus, ac proinde territorium quoque vrbicum vel vrbicarium vocitari posse diximus. Ad illa quid nunc opponis Sirmonde? nugas & deliramenta, meramque inscitiam. a primo doctum acutumque hominem te credidi. sed cum nihil dignum acuto doctoque facias ac dicas, mutare nunc cogor sententiam. imposuerunt mihi qui te talem esse persuaferant. Iurisditionem praefecti urbis ad centesimum usque milliare exporrigi tu in censura tua fatebaris. cur nunc hoc sustines negare? quis te mutavit tantus Deus? aut ibi errabas, aut heic nugaris. Male omnino ratiocinari eos contendis qui ex magistratus oppidi cuiusque potestate de territorij ambitu coniiciunt, cum ex territorij potius finibus, quoad se magistratus potestas ac iura extendant, colligi debeat. Haec tua ratiocinatio est, in qua multum te fugit ratio. ἀλλοθεν heic te λαγνὴν recognosce. Dic igitur mihi, sed bona fide, si potes Sirmonde, si ex territorij finibus certo semper colligi potest magistratus potestas, & iurisdictio quoad se exporrigit, si nunquam ultra territorij fines magistratus oppidani iurisdictio egreditur, nonne tam bene ratiocinabitur ille, qui

ex magistratus oppidi cuiusque iurisdictione, de territoriali ambitu, quantus sit conijcit, quam qui de territorij terminis quo vsque se promouet magistratus potestas, colligere vult? nonne hæc inuicem conuertuntur? Magistratus oppidani iurisdictionis territorium vrbs non excedit: ergo necesse est, quo vsque iurisdictionis magistratus extenditur, eo vsque extendi quoque territorij fines. Quod si igitur præfecti vrbanis iurisdictionem vsque ad centesimum processisse certum est, nonne etiam constabit, territorium vrbs, hoc est vrbicariam regionem, eosdem habuisse fines? sed negas eousque iurisdictionem vrbicæ præfecturæ procurrisse, & illis argumentis id probas, quorum ἀσυλλογιστῶν modo probauimus. sed ea de re paulo post viderimus. nunc pulchram illam ratiocinationem tuam, vel ἀλογιστῶν potius dispiciamus ac discutiamus. Quod enim ex territorialibus terminis colligi debere statuis quos vsque ad fines iurisdictionis magistratus extendatur, id tam falsum est, quam quod falsissimum. certum quippe est multas colonias ac municipia, territorium habuisse sine iurisdictione, alias autem etiam iurisdictionem in alienis territorijs habuisse. quod in tuam gratiam quia id ignoras, & aliorum quos in errorem confidentia ista tua poterās inducere, paulo fusius explicandum, ex Hygino alijsque qui de agrorum conditionibus scripserunt, eadem opera locos aliquot ex eorum scriptis illustrabimus & emendabimus.

Monent igitur ijdem auctores, quoties de iurisdictione

dictione coloniarum aut municipiorum agitur,
 semper respiciendas esse leges quæ colonijs aut
 municipijs datæ sunt, & videndum nunquid post
 leges datas, aliquid per commentarios aut epistolas
 aut edicta principum, adiectum eisdem vel abla-
 tum sit. Hoc enim sæpenumero fiebat, cum ex vo-
 luntate & arbitrio principis tota hæc res penderet,
 qui territoria coloniarum pro libito suo, modo
 imminuebat, modo ampliabat. in colonijs dedu-
 cendis cum ex alieno territorio assignandus ager
 sumeretur, ita ut plurimum in legibus inscribi so-
 lebat: Q V O S. A G R O S. Q V Æ. L O C A. Q V Æ V E.
 Æ D I F I C I A. I N T R A. F I N E S. I L L O S. I N T R A. F L V -
 M E N. I L L V D. I N T R A. V I A M. I L L A M. D E D E R O.
 A S S I G N A V E R O. I N. E I S. A G R I S. I V R I S D I C T I O.
 E S T O. C O L O N I Æ. I L L I V S. C V I V S. C I V I B V S. A G R I.
 A S S I G N A B V N T V R. Hæc verba teste Hygino sic
 quidam interpretabantur, ut vellent, quidquid in-
 tra fines supra memoratos esset comprehensum, id
 omne iurisdictioni coloniae accederet. ita accipi
 debere negat Hyginus: neque enim aliud defendi
 posse iurisdictioni coloniae, quam quod datum
 assignatumque fuerit. alioquin sæpe intra dictos
 fines & oppidum aliquod posse occurrere, quod
 non in sua conditione remaneret, nec idem esset
 in ipso ius quod ante fuerit. Verba Hygini, quæ in
 editionibus corruptissima sunt, ita legi debent:
*alioquin sæpe & intra fines dictos oppidum est aliquod,
 quod non in sua conditione remaneret, nec idem esset in ipso
 ius quod ante fuit. sed nec fuisset, nec esset in legibus, nec ita*

complecti deberet: QVOS. AGROS. QVÆ. LOCA. QVÆVE. ÆDIFICIA, si vniuersa regio quæ cancellata, coloniæ iurisdictioni accederet, dixisset enim: INTRA. FINEM. ILLVM. ET. FLVMEN. ILLVD. ET. VIAM. ILLAM. IURISDICTIONIO. COERCITIOQVE. ESTO. COLONIÆ. ILLIVS. quod si ita conceptæ leges fuissent, sine dubio vniuersitas agrorum quæ centuriata erat, iurisdictioni coloniæ accessisset. sed quum ita in legibus scriptum erat, QVOS. AGROS. QVÆ. LOCA. QVÆVE. ÆDIFICIA, omnino excipiebatur id quod non erat assignatum, vocabaturque subsiciuum. sic in eos agros qui redditi erant veteribus possessoribus, iurisdictionio non erat eius coloniæ, cuius ciues agros assignatos accipiebant. Ceteri enim omnes possessores qui suis agris expulsi non erant, aut quibus agri sui reddebantur, conditionem non mutabant, sed in eodem iure, quo ante assignationem fuerant, manebant. sic autem apud eundem Hyginum scribendum est: *alioquin cum ceteros possessores expelleret, & pararet agros quos diuideret, quos dominos in possessionibus suis remanere passus est, eorum conditionem mutasse non videtur, neque ciues coloniæ accedere iussit.* perperam hodie legitur: *namque ciues coloniæ accedere iussit.* quod contrarium plane sensum efficit Hygini menti. soli igitur illi quorum agri diuidebantur, quique possessionibus suis expellebantur, conditionem mutabant, & iurisdictioni eius coloniæ accedebant, cuius coloniæ ciuibus agri dati erant & assignati; ceteri qui in suis possessionibus remanebant, aut quibus agri sui redde-

bantur, iurisdictionem sub qua prius fuerant, non mutabant. Plerumque tamen etiam moris erat, ut quum ex alieno territorio agri assignandi sumebantur, proprietas quidem tantum daretur illi coloniae cui agri assignabantur, territorij vero ius ac iurisdictione non auferretur eis, quibus ademptus erat ager. & hoc est quod ait idem Hyginus: *Hi autem quibus assignati sunt deducebantur intra centuriationem, & quae superfuerant subsiciua eis concessa sunt, id est eorum reip. ex quorum territorio sumpserunt agros: ita ut in eos qui assignati erant agros, & in eos qui redditi erant veteribus possessoribus, iurisdictione salua esset eis ex quorum territorio sumpti erant agri.* Interdum igitur uniuersum territorium auferrebat sine iurisdictione, interdum cum iurisdictione: aliquando etiam aliquid agri eis quibus territorium abstulerant, relinquebant, quatinus iurisdictionem haberent. Saeculus Flaccus: *Ergo fit ut plura territoria confusa unam faciem limitationis accipiant, aliquibus vero auctores diuisionis reliquerunt aliquid agri eis, quibus abstulerunt, quatinus haberent iurisdictionem: aliquos intra muros cohibuerunt.* Hyginus: *Non semper quidquid centuriatum erit, ad coloniam accedit, sed id tantum quod datum assignatumque fuerit sunt nihilominus quaedam municipia quibus extra murum nulla sit iurisdictione.* Atque illa erant municipia quibus totum territorium ablatum erat cum iurisdictione, aut qui territorij quidem proprietatem habebant, sed nullum ius territorij, hoc est nullam iurisdictionem in territorio. e contra-
tio saepe iurisdictionem, ut diximus, in eos agros

habebant, quorum proprietas ad alios pertinebat.ⁱ Sæculus Flaccus sub finem : præterea auctoris assignationis diuisionisque, non sufficientibus agris coloniarum quos ex alienis territorijs sumpsisset agros, assignauerunt quidem futuris ciuibus coloniarum, sed iurisdictio in eis agris qui assignati sunt, penes eos remansit ex quorum territorio sumpti erant. quod ipsum diligenter intuendum erit & leges respiciendæ. Sic enim corrigendus est ille Sæculi locus. in alienis igitur territorijs multæ coloniæ iurisditionem habebant : & loca illa siue regiones in alienis territorijs positæ, quarum iurisdictio ad aliam coloniam spectabat, præfecturæ vocabantur. Aggenus: Colonia quoque loca quædam habent assignata in alienis finibus, quæ loca solemus præfecturas appellare. Frontinus : quidquid perticæ siue vniuersitati applicitum est ex alterius ciuitatis sine præfectura appellatur. Sæculus Flaccus: illud præterea compertum, horum etiam agrorum qui ex vicinis populis sumpti sunt, proprias factas esse formas : id est, suis limitibus quæque regio diuisa est, et non ab vno puncto omnes limites facti sunt. sed ut supra dictum est, sua quæque regio formam habet, quæ singule præfecturæ appellantur, ideo quia singularum regionum diuersi atque alij præfecti erant, vel ex eo quod in diuersis regionibus magistratus coloniarum iurisditionem mittere soliti sunt. ita legendum in verbis Flacci, quæ insignia sunt, atque obiter explicanda. Plerumque regionum illarum quæ ex alienis territorijs sumptæ, coloniæ alicuius vniuersitati applicabantur, diuersi fuere præfecti: quoties scilicet proprietas tantum ad coloniam transferebatur non etiam iuris-

dictio. ideoque præfecturæ illæ regiones appella-
bantur, quod diuerfos singulæ haberent præfe-
ctos. interdum iurisdictio ipsa cum finibus colo-
niæ adtribuebatur. tunc magistratus eius coloniae
cui agri erant assignati ex alieno territorio, præfe-
ctos illo mittere solebant qui ius dicerent, atque
inde præfecturæ dictæ. Ex his omnibus potest qui-
uis colligere, quam male ipse colligas, dum ex ter-
ritorij finibus, quo vsque iurisdictio magistratus
municipalis sese extenderit coniiciendum arbitra-
ris. ex his, inquam, quæ diximus, patet te tam ma-
lum esse coniectorem, quam collectorem, & pessim-
um insuper ratiocinatorem. vt videas tamen
quam studiose gratiam tuam velim, potius quam
te iratum habeam, condono tibi, & concedo id
quod vis. do inquam te præclare ratiocinatum esse.
ex territorij finibus debere colligi, quos vsque ad
fines excurrat iurisdictio magistratus. Si quis hoc
tibi concesserit, quid inde facies lucri? aut quid ex
illa re boni efficias? more tuo meras nugas, & som-
nia, qualia videre solent imaginosi. Quæris si ex
præfectura vrbis Romani territorij petenda sunt
spatia, nullumne ante Augustum qui præfectos
instituit, Romanæ vrbis territorium censeam fuisse?
Quæro vicissim a te, si de territorio vrbis Ro-
mæ, aut agri Romani terminis agitur, eosne semper
eosdem fuisse dices? Si ad antiquissima Romæ
tempora te reuocem, videbis non solum angustis-
simos agri Romani fines, sed pæne fuisse nullos:
Quippe quum patrij soli gleba nulla, sed statim hostile po-



marium, mediusque inter Latium & Tuscos, quasi in quodam biuio collocatus omnibus portis in hostem incurreret. Verba Flori sunt, qui de Romani soli limitibus loquitur, quales fuere sub primis consulibus. mansisse semper tales, nec te tam stultum fore putabam, ut putares. & tamen adeo præter opinionem meam ineptus es, ut eos non latiores aut ampliores Augusti æuo statuas fuisse, quam quales erant primis Romæ adhuc nouellæ temporibus. qua de re paulo post dicam. nunc quia te sequor, ordine quem sequeris; ibo.

Vt ex alio capite, quã ex iurisdictione præfecturæ urbicæ, fines urbici territorij cõstituas, ita argumētaris vel potius argutaris: Si propterea, inquis, quod de criminibus quæ intra cētesimū admissa essēt, præfectus urbi iudicabat, ideo urbis terminos ad cētesimum produci placet; cur nō itidem quia de controuersijs senatorum, quæ per prouincias inferebantur, præfectus idem Valentiniани lege tertia, cod. Theod. de iurisdictione, cognoscebat, eosdem urbis terminos & prouinciarum omnium fuisse decernamus? at hæc absurda sunt & insulsa. immo tu absurdus & insulsus. nec hoc tantum. nam aut inscitiam tuam per hæc prodis, aut imposturam. siquidem te adeo imperitum fuisse non mihi persuadeo, ut differentiam non animaduertes. nihil enim illo tuo simili dissimilius. sed offucias offundere voluisti. adeone penitus sedit hic tibi morbus, ut semper imponas? imponam quoque ego tibi, sed silentium & pudorem. Quod præfectus urbis de omnibus criminibus tam in vrbe quam intra centesimum

admissis iudicabat, ex eo præfectum vr̄bis tam in vr̄be quam intra centesimum iuris dicundi coer-
cendique potestatem habuisse nemo non decer-
nat: ac proinde omne illud spatium, quod intra
centesimum iacet, fuisse iurisdictionis eius distri-
ctum, vt barbari loquerentur, & territorium. vr̄bi-
cæ iurisdictionis hi fines erant. vr̄bicæ quoque re-
gionis, & territorij vr̄bicarij eosdem fuisse termi-
nos liquet. at quia idem præfectus de controuer-
sijs senatorum per prouincias cognosceret, nemo
possit ex ea re statuere eundem vr̄bis præfectum
vllam habuisse iurisdictionem in prouincias. at de
senatorum controuerisijs iudicabat? hoc priuile-
gium fuerit senatorum, qui nullum alium iudicem
agnoscebant quam præfectum vr̄bis. sed ne priui-
legium quidem hoc fuit senatorum peculiare, sed
omnium reorum. perpetua regula iuris est, vt actor
rei forum sequatur. si senator prouinciali alicui
controuersiam intulisset, coram præside prouin-
ciæ res disceptabatur. si vero prouincialis litem
mouisset senatori, quia iudex senatorum præfectus
vr̄bis erat, ad præfectum vr̄bis ire debebat, vt sena-
tor qui reus erat, in foro suo litigare posset. præfe-
ctus vr̄bis, senatus princeps & præsul fuit teste Cas-
siodoro. Sed legem illam Valentiniani. tertiam
Cod. Theod. *de iurisdictione*, quam laudasti, recita, vt
tibi per iugulum eat, ac te mutum reddat. *actor rei
forum sequitur: ita vt si senatores aliquid a prouinciali-
bus poscant, eo qui prouinciam regit, cognitore confligant: si
vero prouincialis non suscipiat, sed inferat actiones, præfecto*

urbis disceptante decertet. quid nunc tibi videtur Sirmonde? an vllam præfecti urbis iurisdictionem per prouincias hæc tibi statuere aut stabilire visa est? qualis igitur hæc tua fuit argumentatio? quid inde volebas colligere? nonne pudet vanitatis & inscitiae? nisi fucum facere voluisti, te sensu plane communi caruisse concedas oportet. elige vtrum de te malis dici. Sed vara vibiam sequitur.

Nam quæ de territorij Romani finibus, & agri Romani terminis differis, indigna te sunt. imo te digna. talem enim te adhuc ostendisti vt nihil tam absurdum iam mihi videri possit, quin dignum censeam quod a te dicatur. ex agri Romani terminis, territorij Romani fines, hoc est districtum iurisdictionis urbicæ cuius summa penes præfectum urbis fuit, constituendos cepses. *Romani autem agri fines, inquis, haud illi longinqui nec latissime patentes fuerunt.* immo enimvero si tua ratio vera est, non solum valde angustos Romani agri terminos, sed omnino nullos fuisse necesse est. Cum enim Ostiensem agrum, Ardeatem, Lanuuinum, Albanum, Tusculanum, Gabinum, Veientem, Cæritem, & si qui præterea interiecti aut vrbi viciniore, a Romano agro distinguas, non video quam late patens fuerit agri Romani modus, quinimmo nullum fuisse Romanum agrum oportet. Fateris ipse oppidorum supra scriptorum nullum esse quod viginti passuum millibus Roma distet, esse quæ decimum aut duodecimum non excedant. quo ex spatio si tantum agri detrahas quantum singula cuiusque

cuiusque oppidi territoria occupabant, non solum, quod ais, modicos agri Romani fines fuisse comperies, sed omnino pæne nullos. Latinus enim ager, & Etruscus, & Sabinus alijque quibus vndique Roma vallabatur, Romæ pomærium tangebant. Roma ipsa in Latino agro posita. Romanis igitur priusquam populos illos deuicissent, patrij soli hoc est Romani gleba nulla fuit, sed portas vrbs egressis statim ager hostilis occurrebat. Florus: *Quippe quum patrij soli gleba nulla, sed statim hostile pomærium, mediisque inter Latium & Tuscos quasi in quodam binio collocatus omnibus portis in hostem incurreret.* Hic modus agri Romani fuit sub primis consulibus. quod si idem fuit sub Augusto, quemadmodum velle videris, qui Tuscum & Latinum agrum a Romano separas, nullus omnino ager Romanus fuerit, nulla proinde extra muros vrbs, præfecti iurisdictio: siquidem te iudice, præfecti vrbi propria & iure magistratus congruens administratio Romani territorij fines egressa non est. atqui territorium illud Romanum, de quo constituendo frustra laboras, si Latini Tusci que agri terminis circumscriptum fuit, nullum omnino fuit. Tota igitur ex tua sententia præfecturæ vrbicæ iurisdictio intra muros vrbs conclusa erat, ad eorum municipiorum formam, quibus extra murum nulla iurisdictio. sed vt alios nunc omittam, quid Cassiodoro respondebis? hæc enim ille de præfecto vrbi: *Dirigioni tuæ non solum Roma commissa est, quamuis in illa contineantur vniuersa, verum etiam intra centesimum mil-*

D

que excederent regionibus, postquam & illarum quoque Italię regionum populi deuicti sunt, agroque multati. Et sane quis non videt, vt Romanę vrbis termini non semper iidem fuere, sic nec agri Romani semper eosdem extitisse terminos, sed processu temporis, vt vrbis sic & Romani agri fines fuisse dilatatos & ampliatos: ætate Romuli ager Romanus arcus formam reddidisse dicitur, cuius chordam efficiebat Tiberis. Reges qui Romulum sequuti sunt, variis temporibus fines eius protulerunt, hostibus qui in vicinia erant debellatis, & agro multatis, qui territorio vrbis subinde adiungebatur. Non solum igitur in suburbanis Romę locis, sed etiam in longinquis, ager Romanus dicebatur, qua priuatus qua publicus, ex territorio populorum deuictorum sumptus, & ciuibus Romanis diuisus & assignatus, aut reip. adplicatus, & publicus factus, arandusque ciuibus Romanis datus. Hinc agrum Romanum etiam vltra Picenum ita appellatum apud Varronem legimus de re Rustica, qui ex Catone de Originibus hæc refert: *Ager Gallicus Romanus vocatur, qui viritim datus est vltra agrum Picenum. montes Romani & ager Romanus vocabantur in Ascula Piceni, vt ex Frontino de Coloniis discimus. Hæc eius verba sunt in voce Carfeolis: Ita populo non debetur. vsque ad muros priuati possident. sunt etiam montes qui Romani appellantur, ea ratione qua in agro Asculano supra diximus. in voce Asculanus ager, ita scribit: agros in montibus Romani acceperunt familiariter, qui montes Romani*

appellantur. Asculum autem ultra centesimum fuisse situm non ignoras. Vides igitur agrum Romanum ultra centesimi miliaris fines positum. Ager quoque Romanus in Hernicis dicebatur. Scribit Liuius lib. xxvii. *Frusinone natus Androgy-nus. Haruspices eum extorrem agro Romano procul terra contactu alto immergendum responderunt.* Frusinonis oppidum quinquaginta millibus passuum plus minus Roma distabat. vt fragmento veteri legis Agrariæ mentio sæpe occurrit, *agri publici populi Romani in terra Italia.* sic per totam Italiam ager Romanus passim apud auctores appellatur, qui populi Romani erat, aut a priuatis ciuibus Romanis colebatur. Hyginus Urbicus de locis sacris: *in Italia autem densitas possessorum multum improbe facit, & lucos sacros occupant, quoniam solum indubitate populi Romani est, etiam si sit in finibus coloniarum aut municipiorum.* Frontinus de agrorum qualitate: *Est & ager similis subsiciuorum conditioni, extracclusus & non assignatus, qui si Reip. populi Romani aut ipsius coloniae cuius sine circumdatur, siue peregrinae urbi, aut locis sacris aequae ad populum pertinentibus, datus non est iure subsiciuorum, in eius qui assignare potuerit, remanet potestate.* ager itaque Romanus non solum in variis Italiae locis extra centesimum, sed etiam tota Italia agri Romani nomine censebatur. Liuius alicubi scribit Dictatorem nisi in agro Romano creari non posse, agrum autem Romanum de tota Italia intelligi, & agri Romani fines Italiae finibus terminari. Hyginus quoque fines Romanorum hoc est agri Roma-

ni, Italiae finibus circumscribit. de limitibus constituendis: *item dicitur in Germania in Tungris pes Drusianus qui habet monetalem pedem, & sescunciam, ita ut ubicumque extra fines legesque Romanorum, id est, ut sollicitius perferam, ubicumque extra Italiam aliquid agitur, inquirendum.* Et sane subiugata iam tota Italia, nec hoc tantum, sed etiam ciuitate Romana donata, quod lege Iulia illi datum est, a L. Iulio Cæsare consule lata, nullus in Italia fuit ager nisi Romanus. nullus enim erat amplius peregrinus, nullus hosticus. Peregrinus autem ager dicebatur, qui ciuitatis Romanæ ius non habebat. Festus: *Peregrinus ager est, qui neque Romanus neque hostilis censetur.* quæ differentia in Italia sublata, lege illa Iulia qua ciuitas omnibus Italis data est. sic postquam constitutione Antonini totus orbis qui Romanis parebat, ciuitate donatus est, & omnes qui sub imperio Romano erant, ciues Romani effecti sunt, ager Romanus, & solum Romanum, dicebatur, quidquid Romani imperij finibus contineretur. siue igitur agrum Romanum eo sensu dictum accipiamus, qui ciuitatis Romanæ iure fruebatur, siue simpliciter eum sic appellatum volumus qui a Romanis cum privato tum publico nomine possidebatur, constat ante Augustum, non tantum per totam Italiam agrum Romanum fuisse, sed etiam Italiam ipsam vniuersam agri Romani nomine censitam, quia nemo iam scilicet in Italia agros possideret, nisi ciuis Romanus.

Hæc cum ita sint, tamen ut scias quam placide

D iij

tecum, & clementer agere cupiam, assentiri tibi volo, vsque ad Augusti tempora non alios fuisse agri Romani terminos, quam quos posuisti, nec latius patuisse, quam putauisti: quid fiet postea? an inde colliges & concludes præfecti vrbis qui ab Augusto primum institutus est iurisdictionem non vltra vicesimum processisse, quia Romanus ager non vltra illud spatium procurreret, nec latioribus finibus circumdaretur? scilicet non potuit Augustus cum præfectum vrbis crearet, & iurisdictionem illi vsque ad centesimum attribueret, eos vsque ad fines, vrbici territorij ambitum promouere, & sic terminos agri Romani dilatare? atqui iurisdictione præfecturæ vrbicæ, quum ad centesimi finem extenderet, censeri quoque omnino debuit, territorij vrbici ius eo vsque protendisse. ius enim territorij & iurisdictionis idem. nec iurisdictionis sine territorio potest esse. aliud ius territorij, aliud territorij proprietas. compluribus olim coloniis iurisdictionis etiam in alieno territorio fuit concessa. tota plerumque & integra territoria multis coloniis adempta, seruato tamen illis territorij iure hoc est iurisdictione in eis agris quorum possessione expellebantur. Augusto Romæ licuisse non putas territorium vrbicum proferre, & iisdem finibus determinare quibus iurisdictionem vrbicæ præfecturæ terminauerat? licueritne hoc illi an non licuerit, nunc te non sollicito: sed quum satis constet iurisdictionem præfecti vrbis ad centesimum vsque, ab Augusto fuisse protensam, omnino

necessum fuit, & vsque ad illum terminum vrbici territorij fines promoueri, & vrbicum territorium dici vel vrbicariam regionem, cuius intra fines præfecto vrbis iurisdictio & coercitio adtributa est. Nam cum iurisdictio nulla sit sine territorio, nec extra territorium possit euagari, vrbicam iurisdictionem, & vrbicum territorium eisdem fines habuisse censendum est. Vt ut sit, ius territorij vsque ad centesimum lapidem præfecto vrbis fuisse omnino verum est. Sed dum iurisditionis vrbicæ, & regionis vrbicariæ terminos coarctas, imperitiæ tuæ promoues, quæ nullis contenta finibus, passim vagatur, vt errores erroribus cumulet, & veteres nouis subinde tueatur. Nam vt probes legitimam præfecti vrbis potestatem vicesimo ab vrbe lapide fuisse terminatam, nec vltra hoc spatium patuisse fines agri Romani, hos quoque vrbis terminos Vlpiano diei contendis, quos præfectus cum exierit, potestatem non habet. leg. vltima, D. *de officio præfecti vrbis*. Scilicet hoc vnū tibi restabat, vt quam malus & imperitus fueras agri Romani decempedator, tam malus esses terminorum vrbis limitator, & æqui imperitus Iurisconsultus. vbique profecto in illa tua Aduentoria magnam inscitiam ostendis, sed nusquam alibi quam in hoc loco maiorem. tu agri Romani fines cum vrbis terminis eisdem facis, & agrum cum vrbe confundis. Romani agri fines, tuo calculo vsque ad vicesimum ab vrbe lapidem extendebantur. eo vsque vrbis terminos hoc est muros promouebis? vrbein suis conuulsam

sedibus, extra urbem collocabis? & impune hoc feres? quis tam misericors, qui hoc tibi queat ignoscere? si stomachosior essem vapulares. sed pædagogicam istam censuram tibi rectori relinquamus. quod nostrum est agamus. Iurisconsultus dixit, *urbem muris finiri*. leg. 1. D. *de verborum significatione*. muri igitur sunt urbis termini. Romæ amplius aliquid dabatur. nam continentibus ædificiis Romam finiri ibidem docet idem Iurisconsultus. Nunc velim mihi dicas an putes illa urbis continentia ædificia usque ad vicesimum milliarium, quos terminos agro Romano posuisti, excucurisse? Hoc si feceris ut sciamus, tum tibi non grauate concedemus, eosdem fuisse urbis atque agri Romani terminos, vnum atque idem fuisse sacrificium amburbiale, & ambaruale, quo urbis & agri Romani fines simul lustrabantur.

Nunc ponenda, & exponenda lex illa vltima Vlpiani D. *de officio præfecti urbi*, ut quid pro te faciat, quid contra, spectemus. sic igitur ait illo loco Iurisconsultus: *præfectus urbi cum terminos urbis exierit potestatem non habet, extra urbem potest iubere iudicare*. in hac lege explicanda hæsit aqua magnis Iurisconsultis. quo minus miror te ibi lapsum esse, vbi omnes gressum non tenuere, cum ibi semper erres, vbi reliqui non peccant. alij igitur in expositione huius legis recta correxerunt, alij nihil recti dixerunt. magna pars in eo consentit, *terminos urbis de centesimo debere accipi*, & *extra urbem idem esse, quod extra centesimum*. Pace virorum magnorum dixerim,

dixerim, nihil absurdius. nam aliud vrbs, aliud centesimus. alij fines centesimi milliarij, alij vrbs termini. non iidem denique fines urbanæ præfecturæ, & pomœrij vrbs. Præterea si vera esset hæc interpretatio, *extra urbem* idem esse, quod *extra centesimum*, sequeretur inde, præfecto vrbi etiam extra iurisdictionem fuisse. poterat enim iubere iudicare extra urbem ex eadem lege. habebat ergo iurisdictionem extra centesimum. nemo autem poterat iubere iudicare, nisi qui magistratus erat, nisi qui iurisdictionem habebat. leg. xiii. D. *de iurisdictione*. Eum qui iudicare iubet magistratum esse oportet. & leg. iiii. eod. tit. *iurisdictione est etiam iudicis dandi licentia*. sed cum certum sit nullam præfecto vrbi extra centesimum fuisse iurisdictionem, extra centesimum non poterat iubere iudicare; quæ pars est iurisdictionis. atqui extra urbem idem iubendi iudicare potestatem habebat. *extra urbem* igitur & *extra centesimum* non idem erat. Duo igitur spectanda sunt in hac lege, & in præfecto vrbi distinguenda, potestas & iurisdictione. potestas est merum imperium, vel ius gladij, vel quælibet altera grauior coercitio lege vel Senatusconsulto vel constitutione principum specialiter concessa. iurisdictione est notio quæ iure magistratus cõpetit. potestatis autem nomine merum imperium proprie venisse ostendit lex tertia D. *de iurisdictione*, his verbis: *merum est imperium habere gladij potestatem ad animaduertendum in facinorosos homines, quæ potestas appellatur*. per eam potestatem præfectus vrbi, maius omnibus imperium in vrbe

habebat post principem, ut proconsules in provincia sua, & reliqui prouinciarum præsides quibus ius gladij concessum erat. sed illam potestatem in vrbe tantum habebat præfectus vrbi, extra urbem hoc est extra muros urbis non habebat, sed poterat iubere iudicare, quæ pars est illius iurisdictionis, quæ magistratui competit iure magistratus. Græci non aliter illam legem videntur legisse aut intellexisse. sic enim eam reddiderunt: ὁ τῆς πόλεως ἐπὶ ἄρχος ἐν τῇ πόλει μίζων πρῶτον ὅτι μὲν τὸν βασιλέα. ὁ δὲ τῶν ὁρίων τῆς πόλεως ὅσον τε ὅτι τῇ ἐπὶ ἄρχῳ ἐξουσία οὐκ ἔχει πλέον τῇ κελεύσει δικάζει. nec ego aliter vnquam Iurisconsulti verba sum interpretatus. qua in opinione quoque esse doctissimum Aleandrum nuper magna cum voluptate legebam.

Ex his liquido potest constare, nullomodo tibi constituisse rationem, sed longe a veri via aberrasse te, quum asseruisti præfecti vrbi propriam & iure magistratus competentem iurisdictionem urbis terminos egressam non esse, hoc est ut interpreta- ris, territorij Romani fines, qui viginti passuum millia ab vrbe non excedunt: quidquid autem præfecto extra hos cancellos intra centesimum concessum esset, id illi non iure magistratus, sed speciali principum constitutione fuisse tributum. atqui merum illud imperium, ius inquam gladij, grauior illa delictorum coercitio, quæ lege aut constitutione principis magistratibus tribuebatur, præfecto vrbi in vrbe tantum concessa fuit. nam

extra urbem solam eam iurisdictionem habebat, quæ proprie & iure magistratus competit. qui contrarium igitur tibi dixerit, ille verum dixerit. & tu posthac Iurisconsultum agere, & quæ Iurisconsultorum sunt tractare audebis? abisis, abi potius, ἢ κολοκύθας γράφε, cum isto tuo cucurbitaceo & ventoso sincipite.

Publicorum iudiciorum exercitationem, & grauiorem criminum omnium coercitionem, in qua gladij potestas erat posita, quæ lege vel constitutione principis delegabatur, quæque merum imperium appellabatur, eam inquam potestatem præfecto vrbi intra centesimum tantum & per prouincias tributam esse vis; iurisdictionem vero propriam, & quæ magistratus iure competit, in vrbe duntaxat, & intra vicesimum ab vrbe eum habuisse defendis. Dic mihi, o Iurisconsultorum margaritum, quis te hæc arcana iuris edocuit? a quo didicisti de criminibus cognouisse per prouincias præfectum vrbi, & ius animaduertendi in facinorosos eidem ultra centesimum fuisse concessum? iurisprudentiam fortasse aliam nouisti quam ea quæ dicit leg. 1. D. de officio præfecti vrbi, *quidquid intra urbem admittitur, ad præfectum vrbi videtur pertinere; sed & si quid intra centesimum milliariū admissum sit, ad præfectum vrbi pertinet. si ultra ipsum lapidem, egressum est eius notionem.* ultra centesimum nulla erat præfecti vrbis iurdictio, nulla de criminibus & causis capitalibus cognitio, ac proinde nulla coercitio; tantum abest vt eam grauior-

E ij

rem puniendorum delictorum potestatem habuerit per prouincias, in quibus præsides maius imperium omnibus post principem habebant, & eandem illam potestatem, quæ præfecto vr̄bis in vr̄be data erat, atque intra centesimum.

Sed minime miror in iure te tam puerum videri. apud vos scientia iuris nec ediscitur nec edocetur: illud miror, te quæ nesciebas, sumpsisse tibi vt alios doceres, & Iurisconsultos huius ætatis maximos reprehenderes qui præfecti vr̄bi iurisdictionem non vr̄bis tantum terminis, sed etiam centesimi lapidis finibus circumscripserunt. Tu nouarum distinctionum repertor, ac noui iuris conditor, iurisdictionis illius vr̄bicariæ plures facis species, & diuersos limites statuis. Sic enim eas distinguis, vt alia fuerit eius in vr̄be, & in agro Romano iurisdictionis, alia intra centesimum & per prouincias. quare si recte sensum tuum assequor, videris eandem facere iurisdictionem illam, quam in vr̄be & agro Romano hoc est intra vicesimum habuit præfectus vr̄bi: eandem autem illam quæ intra centesimum & per prouincias ultra centesimum positas speciali principum voluntate ei concessa fuit. Hoc vt probes, Vlpiano testimonium denuncias, qui apud legum Mosaicarum collatorem Tit. xiv. constitutionibus eo peruentum tuo tempore obseruat, vt Romæ præfectus vr̄bi solus cognosceret si quid in legem Fabiam intra milliarium centesimum admissum esset. Quid est Sirmonde? quid tibi vis inde concedi? sane ex istis

tuis verbis te sanam mentem habuisse tibi nemo concedet: constitutiones principum Vlpiani tempore hoc præfecto vrbi dederant, vt solus cognosceret si quid in Fabiam commissum esset intra centesimum. ergo vt Sirmondus argumentatur, quidquid intra centesimum iurisdictionis habuit præfectus vrbis, hoc illi speciali principum voluntate concessum fuit, propria vero & iure magistratus competens eius iurdictio Romani territorij fines egressa non est, qui ultra vicenum lapidem non patebant. bene miræ profecto res istæ sunt. Sed velim mihi dicas, o Grammaticorum Iurisconsultissime, per easdem constitutiones, nonne idem præfectus vrbi cognoscere poterat si quid in vrbe & agri Romani tui finibus admissum esset? non expectabo dum respondeas. sed ipsemet mihi dicam negari non posse quin cognosceret. cum enim omnia omnino crimina sibi vindicaret urbana præfectura tam ea quæ in vrbe, quam quæ intra centesimum admitterentur, postquam eidem præfecturæ lege hoc est constitutione principis, attributa quoque est legis Fabiæ cognitio, haud dubium est quin super ea recognouerit, non solum si intra centesimum in Fabiam commissum esset, sed etiam si in vrbe, & intra vicesimum illud tuum agri Romani. igitur si speciali principum constitutione tributum fuit præfecto vrbi quod habuit iurisdictionis intra centesimum, etiam necesse est eam quæ in vrbe ipsi competebar, & intra fines agri Romani, beneficio ac voluntate principum:

specialiter fuisse concessam. nullam enim differentiam iurisdictionis, aut disparem cognitionis rationem in præfecto vr̃bis agnoscit Iurisconsultus, sed simpliciter dicit omnia omnino crimina sibi vindicasse præfectum vr̃bi, & ad eum pertinuisse non solum quidquid in vr̃be, sed etiam quidquid intra centesimum admitteretur. quantamcunque igitur, & qualemcunque habuit iurisdictionem præfectus vr̃bi, vt ad centesimum vsque processit, sic centesimum non excessit. Iurisconsultus: *sed & si quid intra centesimum milliarium admissum sit, ad præfectum vr̃bi pertinet. si ultra ipsum lapidem, egressum est præfecti vr̃bi notionem.* sic quum legis Fabiæ cognitio in eundem translata est constitutionibus principum, quam antea Romæ & in prouinciis vsurpabant procuratores Cæsaris, ita super ea cognoscebat, si quid intra centesimum in eam legem commissum esset. nam ultra centesimum præfecti prætorio erat cognitio. Vlpianus apud legum Mosaiicarum collatorem Tit. xiv. *Frequens est legis Fabiæ cognitio in tribunalibus præsidum: quamquam eam quidam procuratores Cæsaris vsurpauerint tam Romæ quam in prouinciis. Sed enim iam eo peruentum est constitutionibus, vt Romæ quidem præfectus vr̃bi solus super ea cognoscat, si intra milliarium centesimum sit in Fabiam commissum. enimvero si ultra centesimum, præfectorum prætorio erit cognitio.* pudet me in re nota tam multa verba perdere, ac tam certis probandis immorari. tu hoc facis, cui quod certum, incertum est. tantus enim tuus stupor est, aut tanta malignitas, vt vtrumque

pro merito satis mirari non possim. ut ex omni ponte constringaris, nec amplius mouere te possis, ad originem ipsam ascendamus, & institutionem præfecturæ urbanæ quæ ex consensu omnium scriptorum ad Augustum debet referri.

Præfectum igitur vrbi Augustus instituit, cuius fidei urbem committeret. hinc *custos urbis* Iuuenali, & *villicus urbis* dictus est præfectus vrbi. & Seuerus in epistola ad præfectum vrbi, apud Iuriconsultum: *cum fidei tuæ urbem nostram commiserimus.* Hinc Dioni *πρεσβύτερος τῆς πόλεως* dicitur. sic enim de præfecto vrbi: *ἵνα τὰ τε ἄλλα τῆς πόλεως πρεσβυτέρῃ.* Hic præfectus ex consilio & præcepto Mæcenatis, & instituto Augusti, capitalium omnium causarum paucis exceptis cognitionem habuit, & omnium criminum animaduersionem tam quæ in vrbe quam quæ extra urbem vsque ad centesimum admitterentur, nec in eos tantum homines qui Romæ degebant, sed in omnes qui extra urbem intra centesimum consistebant, iurisdictionem illam suam potestatemque exercuit & exeruit. Dio lib. LII. καὶ ταὶ δίχαι τῶ θανάτῳ, τοῖς τε ἐν τῇ πόλει, πλὴν ὧν αὐτὸς εἶπεν, καὶ τοῖς ἔξω μέχρι πεντήκοντα καὶ ἐπὶ αὐτοῦ οἰκούντων κρίνει. sic ille præfectus vrbi capitales omnes causas dijudicabat & de omnibus criminibus cognoscebat, non solum quæ in vrbe, sed etiam quæ extra urbem vsque ad centesimum admittebantur. Vlpianus leg. i. D. de officio præfecti vrbi: *omnia omnino crimina præfectura urbis sibi vindicauit, nec tantum ea quæ intra urbem admittuntur, verum*

ea quoque quæ extra urbem intra Italiam epistola diui Seueri ad Fabium Cilonem præfectum urbi missa declarat. verba illa, verum ea quoque quæ extra urbem intra Italiam, nimis laxè concepta sunt: nec enim eorum criminum quæ ultra centesimum in tota Italia admitterebantur, animaduersionem habuit præfectus urbi, sed eorum tantum quæ intra centesimum. nam ultra ipsum lapidem quod erat, iurisdictionem eius & cognitionem egrediebatur. Suspicio igitur apud Vlpianum in illo singulari libro de offic. præf. urbi, sic olim fuisse scriptum: *verum ea quoque quæ extra urbem intra Italia c. m.* hoc est, *intra Italia centesimum milliarium.* quas notas vel singulares litteras cum minime Tribonianus intelligeret, aut etiam corrupta illius loci lectio tunc esset in libris Vlpiani, *Italiam* pro *Italia c. m.* lectum esse. nam certum est nihil in Italia notionis aut potestatis habuisse præfectum urbi extra centesimum lapidem. magna autem ex parte præfecturæ urbis iurdictio criminalis fuit. ius enim animaduertendi, coercendi, & atrociter verberandi habuit, & de his præcipue cognoscebat, quæ maiorem animaduersionem exigebant. hinc tutores siue curatores, qui male in tutela siue cura versati, grauiori animaduersione indigebant, quam ut eis suspectorum infamia sufficeret, ad eum remittebantur. leg. 1. D. de officio præfecti urbi. propria igitur hæc eius iurdictio fuit, maleficiorum grauior omnis coercitio, in qua merum imperium fuisse positum discimus ex lege vi. D. de officio procons. Hæc
 grauior

gravior delictorum coercitio, hoc merum imperium, hæc denique gladij potestas præfecto vrbi concessa fuit, non tantum in homines qui Romæ habitabant, sed in omnes etiam qui extra urbem vsque ad centesimum. nam omnium criminum cognitio quæ in vrbe, & quæ extra urbem ad centesimum vsque admittebantur, ad eum pertinebat. recte igitur Cassiodorus dixit in formula præfecturæ urbanæ, ditioni eius non solum Romam esse commissam, verum etiam intra centesimum milliarium potestatem illum protendere antiqua iura voluisse, *ne tanta ciuitatis iudicem muralis agger includeret, cum Roma omnia possideret.* Hoc tamen imperium potestatemque, vsque ad centesimum milliare protensam, quæ maior omnibus in vrbe post principem fuit, quæque illi lege hoc est constitutione principis data est, habebat tantum dum in vrbe erat; si urbem hoc est vrbis terminos excessisset, eam non amplius habebat, leg. III. D. *de officio præfecti vrbi*, quam supra explicauimus. Poterat tamen extra urbem iubere iudicare, hoc est iudicem dare. quod ex propria eius iurisdictione, & quæ iure magistratus competit, dependebat. potestas enim, quæ in illa lege vocatur, hoc est, merum imperium, quod in grauiori criminum coercitione, & capitali animaduersione positum est, lege dabatur, non iure magistratus competebat. iudicis vero dandi potestas, propriæ iurisdictionis pars erat. Hoc enim proprium fuit prætoris potestatis, cui propter vim imperij more maiorum iudices

dare licebat. nam tota prætoris iurisdicção in his duobus erat posita, vt aut iudicaret ipse, aut iudicare iuberet. Cicero in Legibus: *iuris disceptator qui priuata iudicet, iudicare iubeat, prætor esto.* Præfecto vrbi hoc idem concessum fuit propter vim imperij vt & ceteris vrbis magistratibus, quibus id more datum erat. leg. xii. D. de iudicijs: *is quoque cui mandata est iurisdicção, iudicem dare potest, vt sunt legati proconsulum, item hi quibus id more concessum est propter vim imperij, sicut præfectus vrbi, ceterique Romæ magistratus.* hoc proprium igitur & iure magistratus habebat præfectus vrbi, ne posset iubere iudicari, vt & prætor, ceterique Romæ magistratus. iurisdicção autem erat etiam iudicis dandi licentia, vt constat ex leg. iii. D. de iurisdicção. atqui hæc iurisdicção præfecto vrbi iure magistratus competebat, sicut & prætori, & ceteris vrbis magistratibus: secus in prouincialibus, vt proconsulibus & prouinciarum præsidibus. iudicis enim dandi licentia non illis propria aut iure magistratus competebat. leg. xii. D. de iudicijs: *iudicem dare possunt quibus hoc lege vel constitutione vel Senatusconsulto conceditur, lege sicut proconsuli.* non igitur hanc propriam habebant potestatem, sed a lege datam. Præfectus vrbi propriam habebat, quæ & illi iure magistratus competebat, etiam vrbis terminos egresso, etiam agri Romani fines vsque ad centesimum. Vt hinc, nisi ca: cus sis, facile videre possis quam imperite neget propriam & iure magistratus congruentem iurisdicçãoem præfecti vrbis, excessisse terminos agri

Romani qui ultra vicinum ab vrbe lapidem ex
sententia tua minime exturbant: & quam impe-
ritius asseueres potestatem illam, & merum impe-
rium quod lege datur, & rerum capitalium cogni-
tionem, non solum intra centesimum habuisse
præfectum vrbi, sed etiam per prouincias. quo
falsius aliquid, ne si falsitas ipsa quidem velit, fin-
gere possit. Vt paucis concludam, capitalium cau-
sarum cognitio, & omnium criminum animaduër-
sio, & grauior coercitio in vrbe, & extra urbem ad
centesimum vsque præfecto vrbi lege data erat:
nam constitutiones principis etiam pro lege sunt,
& legem esse constat, *quodcumque imperator per episto-
lam & subscriptionem statuit, vel cognoscens decreuit, vel
de plano interlocutus est, vel edicto præcepit.* leg. 1. D. de
constitutionibus principum. hanc potestatem
præfectus vrbi habebat tantum cum in vrbe erat: si
terminos vrbis exiisset, hoc est si extra urbem fuisset,
eam non amplius habebat; eam dico potestatem
quæ lege datur, quæ merum imperium appel-
latur, quæ in capitali animaduersione, & grauiori
coercitione consistit. extra urbem tamen poterat
inbere iudicare. quæ iurisdictio iure magistratus
eidem competeat.

Ex his quæ diximus & fusc disputauimus, cuius
potest constare qui Sirmondus non sit aut Sir-
mondianus, districtum iurisdictionis vrbicæ, cui
præerat præfectus vrbi, centesimo ab vrbe lapide
fuisse comprehensum: hoc territorium eius fuisse:
regionem vniuersam quæ illo ambitu clauderetur,


ad eius iurisdictionem pertinuisse, cum omnia omnino crimina, quæ intra regionis illius vrbicariæ terminum admitterentur, ad eius cognitionem coercionemque spectarent. Hæc regio cuius intra fines vrbica præfectura iurisdictionem coercionemque haberet, quin vrbicaria dicta sit negare iam nemo potest: quin territorium quoque vrbicum, vel vrbicarium dici potuerit, ne id quidem potest quisquam negare, nisi tu Sirmonde, quem semper honoris causa excipio. Nam quid aliud est territorium Pomponio leg. ccxxxix. *de verborum significatione*, quam vniuersitas agrorum intra fines cuiusque ciuitatis? *quod ab eo dictum*, inquit, *aiunt quidam quod magistratus eius loci intra eos fines tenendi hoc est submouendi ius habet*. quacunque igitur posset magistratus submoto incedere, id eius territorium vocabatur. *submoto incedere magistratum* dicebant veteres qui per turbam a lectoribus submotam incederet. quam loquutionem olim Liuius & Plinius restituiimus. *per dimotum incedere* dixit Lactantius. territorium igitur cum id omne spatium appellaretur cuius intra fines iurisdictionis coercionisque, ac terrendi, id est submouendi magistratui eius loci libera potestas esset, cuiquamne dubium est, quin vniuersa regio quæ centesimo ab vrbe lapide claudebatur, cuius intra fines præfectus vrbi iurisdictionem coercionemque habebat, territorium vrbicum, aut quod idem est, regio vrbicaria siue Romana potuerit appellari? territorium Pomponius cum definiat

vniuersitatem agrorum intra cuiusque ciuitatis
 fines, *uniuersitas* etiam simpliciter dicebatur. Fron-
 tinus de limitibus agrorum: *solum autem quodcumque*
coloniae est assignatum, id vniuersum pertica appellatur.
quidquid enim huic uniuersitati applicatum est, ex alterius
ciuitatis sine, siue solidum, siue cultellatum fuerit, praefe-
ctura appellatur. idem alio loco: *huic enim uniuersitati*
limes finem non facit, etiamsi publico itineri seruiat. alibi
 apud eosdem auctores de limitibus, *uniuersus ager*
 pro eodem dicitur: & *uniuersus agri modus; & vniuer-*
sum solum: aliquando etiam *uniuersa regio*, vt apud
 Hyginum de limitib. constituendis: *Si vniuersa*
regio cancellata erat, colonia iurisdictioni accederet. Hinc
uniuersa regio Romana in inscriptione veteri quam
 supra exposuimus, non erit regio aliqua vrbis
 Nolæ, sed vniuersitas Romana, hoc est territorium
 vniuersum vrbicum, vel vniuersa regio vrbicaria
 centesimi lapidis finibus comprehensa, quæ ad iu-
 risdictionem præfecturæ vrbicæ pertinebat. Ne-
 minem adeo puto futurum indocilem, quin ex his
 omnibus queat doceri, te in determinandis agri
 Romani finibus & iurisdictione præfecti vrbi de-
 finienda, non magis peritum fuisse mensorem
 quam iurisperitum. Ecquid te pudet in vno eoque
 primo capite tam multa eaque insignia peccasse?
 pæne me piget tam multa castigasse. ὦ κατὰρρα
 nunquamne verum dices! si nescis, cur doceri non
 vis? si didicisti, cur non vis fateri? Si quod Augiæ
 nunc stabulum esset, stercorebus eius exportandis
 delegatum me multo mallem quam expurgandæ

errorum tuorum cloaca, quæ si vlla hoc nomine olim Romæ fuit, hæc certe maxima est.

CAPVT II.

ITALIÆ diuisionem in suburbicarias & annonarias regiones rectam esse. Trebellij locum in epistola ad amicum recte expositum. Annonariam regionem opponi vrbicariæ. Vrbicariam omnes suburbicarias intra centesimum sitas comprehendisse, annonariam reliquas extra centesimum positas. Italiam speciali appellatione dictam eam Italiæ partem, quæ extra centesimum. Omnem annonariam regionem, & totam Italiam apud Trebellium esse idem. Non omnes annonarias sub vicario Italiæ, nec solas suburbicarias sub vicario vrbis fuisse. Vmbros & Vilumbros una cum Sabino- rum regione, Piceno adiunctos, Piceni suburbicarij nomine venisse. Annonarias appellatas ad distinctionem suburbicariarum, & contra. Annonarij & suburbicarij appellationem distinctionemque ante Constantini Magni tempora natam, & notam fuisse. Annonarius dictas ab annona quam soluerent. Solas Italiæ provincias extra centesimum huic olim functioni fuisse obnoxias. Hinc annonaria suburbicariaque regionis discrimen. Hoc discrimen etiam durasse, postquam Italia tota, intra & extra centesimum, annonariam præstationem cæpit agnoscere.



VRBICARIA regione, per ea quæ in superiori capite fusius disseruimus iam satis asserta, & iurisdictione vrbicæ præfecturæ intra vrbicariam illam regionem vsque ad centesimum iam plus satis confirmata, nunc asserenda restat annonaria regio, ac Italiæ diuisio in annonarias & vrbicarias regiones confirmanda. Nunc igitur hoc agamus. eam explodi debere iactas? tu potius extrudendus furcillis, & e

musico theatro exhibendus, qui nihil aliud explodis nisi quod plausum meretur; nihil laudandum putas nisi quod explodendum est. Sed domine Rector, dic nobis, non tua sed bona fide, cur non recta tibi videtur hæc diuisio? cur cum censorem ageres, non eam reprehendisti? cur silentio tuo adprobasti? eo confidentius nunc me in ea ostentare dicis, quod eam in censura tua intactam reliqueras. itane vero? immo si nescis longe melior mihi videretur si eam reprehendisses:& quod nunc explodendum iudicas, iam incipit eo ipso mihi magis arridere, & propter eam nunc ipsi mihi magis plaudo. magnum sane hoc argumentum, rectam esse quod a te reiecta est. immo nullo modo proba esset, si tibi probaretur.

Vrbicariam regionem eam dictam fuisse, & vrbicarium territorium dici etiam potuisse multis probaueram, cuius intra fines iurisdictio præfecti vrbis coercitioque esset. eo sensu vrbicariam regionem appellari ostenderam leg. iiii. Cod. Theod. *tributa in ipsis speciebus inferri*. Romanam quoque regionem in ea significatione apud Vopiscum & inscriptionis Nolanæ auctorem, confirmaueram. quæcunque autem regiones speciatim in illa vniuersitate vrbicariæ regionis intra centesimum comprehensæ essent, eas vrbicarias etiam appellatas, & suburbicarias hoc est suburbanas, quod nullæ magis essent suburbanæ, easque omnes centesimo finiri demonstraui. De annonaria regione restabat. eam nos assererebamus nō ex vno, qui

tamen omniū instar esse posset, Trebellij loco, sed aliis præterea non paucis argumētis. quorū omniū istud erat longe validissimum. Nam si vrbicariæ distinctæ ab annonariis, vt Picenum vrbicarium & annonarium, Tusciam vrbicariam & annonariam passim apud auctores distingui videmus, ex eo quiuis queat intelligere Italiae regiones alias fuisse vrbicarias, alias annonarias: & proinde vrbicariam regionem cuius mentio in leg. iii. Cod. Theod. tit. quo supra, quæ vrbicarias omnes siue suburbicarias regiones, hoc est suburbanas complectebatur, diuersam esse ab annonaria regione cuius meminit Trebellius, quæ generatim reliquas Italiae regiones, quæ suburbicariæ non erant, quæque annonariæ dicebantur, comprehendebat. neminem adeo Tiresiam futurum putavi, quin statim huius assertionis veritatem videret & cognosceret. sed tu qui Tiresias omnes, & Phineas cæcitate superas, hoc videre non potuisti. quin immo insuper, vt alios etiam cæcos faceres, & falsam eam esse omnibus persuaderes, quia tibi videbatur, nostram Trebelliani illius loci interpretationem impugnandam arripuisti, vt fundamento euerso cui tota, vt putabas, molitio incumberebat, corrueret ipsa facile, præcipitesque traheret suos auctores & vindices. Trebellium igitur ipsum audiamus, teque nouum Trebellij interpretem, vt quod ille dixit, & quod eum dixisse vis, quantopere distent, intelligamus. verba eius hæc sunt in Tetrico seniore, vbi de Aureliano sic loquitur: *Pudore victus vir nimium*
seuerus

seuerus eum quem triumphauerat, correctorem totius Italiae fecit, id est Campaniae, Samnij, Lucaniae Bruttiorum, Apuliae, Calabriae, Etruria atque Umbriae, Piceni & Flaminiae, omnisque annonariae regionis. quæris quid habeat hic locus, quod errori meo patrocinari putem? quæro vicissim quid habere tibi videatur quod imperitiæ tuæ & contumaciæ velificetur? Sed quid velis videamus, ut id te frustra voluisse ostendamus. vis Trebellium cum totam Italiam dixerit, & omnes eius prouincias enumeratione sua complexus sit, totam Italiam intelligere, & omnes eius prouincias designare, non solas annonarias. fateor quoque Trebellium totam Italiam dicere, sed non alio sensu intelligere quam quo tunc accipiebatur, ut plurimum ac fere semper, Italiae nomen, de omnibus nimirum Italiae prouinciis, exceptis suburbicariis, quia cum vrbe simul ibant, & vrbicaria regione intra centesimum milliarium comprehensa, continebantur. Totam Italiam Trebellius haud minus recte dicere potuit de omnibus illis, quas dixi, regionibus, quam Athanasius τὴν πᾶσιν Ἰταλίαις, aut Hieronymus omnem Italiam, de solis septem Italiae prouinciis, quæ vicario Italiae parebant. sic enim & in ea significatione totam Italiam eos auctores intellexisse probabas. quod autem ais Trebellium loco supra memorato, enumeratione sua omnes Italiae prouincias comprehendisse, hoc falsissimum est. nullam enim ex illis, quas suburbicarias fuisse volumus, nominatim recensuit, cum cæteras omnes

remotiores nominauerit. vbi enim in illa enumeratione Picenum suburbicarium? Nam Picenum quod ibi cum Flaminia iungitur, annonarium fuisse, ne tu quidem possis inficias ire. vbi Tuscia suburbicaria? Tuscia siquidem illa quæ Vmbriæ adnexa erat, & ibi simul cum Vmbria iunctim nominatur, annonaria fuit, & ab vrbicaria distincta. vbi denique Valeria? atqui eam fuisse vnam de suburbicariis ostendimus, & intra centesimum lapidem positam. sed vrbicarias illas quoque tibi concedamus ab eo recensitas fuisse, & nominatim enumeratas: ne sic quidem verum erit, Trebellium illa sua recensione omnes Italiæ provincias nominatim complexum esse. nec enim in illa enumeratione Venetiam & Istriam inuenies, non Liguriam, non Æmiliam, non Alpes Cottias, non Rhænam primam denique aut secundam: quas omnes provincias nominatim non enumerauit, sed annonariæ regionis nomine comprehendit. Huic objectioni ita occurristi: Galliæ rogatæ regiones illas esse, non Italiæ: easque solas annonarias a Trebellio dici, & intelligi, cum ceteræ Italiæ regiones non fuerint annonariæ. quid fingi potuit imperitius aut ineptius, quam hoc a te fictum est? quasi Trebellij temporibus, aut ipsius Constantini ea pars Italiæ, Gallia rogata etiam tunc diceretur sicut olim dicta est? sed ineptiam tuam siue potius alogiam de Gallia ista rogata, quam & annonariam fuisse vis, paulo post exagitabimus. nunc quod agimus, agamus. iustas adhuc, & in isis perpendere

neminem mihi concessurum, scriptorem non omnino malum, qualis est Trebellius, tam putida usum esse tautologia, ut paucis & continuatis pæne verbis idem repetat, hoc est Tetricum correctorem Italiae factum bis scribat. *quod fieri, inquis, necesse est, si unum atque idem est Italia & annonaria regio.* Sed non usum esse tautologia Trebellium, nec unum atque idem esse semper Italiam & annonariam regionem, sed aliquod esse aliquando inter ista discrimen, faxo docearis, si doceri patieris. Trebellij ætate, ne ad inferiora tempora descendam, certum est Italiae nomen interdum angustius, interdum latius sumi solitum. cum latius sumebatur, Italia urbem ipsam cum urbicaria regione, & omnem annonariam comprehendebat: anguste vero sumpta, non nisi eam Italiae partem complectebatur, quæ tota extra centesimum excurrebat, exclusis & exceptis omnibus urbicariis siue suburbicariis, quas claudebat centesimus. Pars illa Italiae omnes annonarias regiones; vel, ut Trebellius loquitur, omnem annonariam regionem complexa erat, & ab urbicaria quæ omnes suburbicarias continebat, separabatur. sic annonaria regio non aliam Italiae partem designare poterat quam quæ extra centesimum erat, quæque ab urbicaria distinguebatur intra centesimum conclusa. At Italiae vocabulum, prout strictius aut laxius acciperetur, modo urbicariam cum annonaria regione, modo solam annonariam designabat. Trebellius igitur cum dixisset totius Italiae Tetricum factum ab Au-

reliano correctorem, ne quis intelligeret totam Italiam dici lata illa generali notione, quæ vrbicariam annonariamque regionem comprehendebat, hoc est omnes intra centesimum, & vltra centesimum positas prouincias, paucis interiectis verbis, sese explicauit, & illam Italiam totam, cuius Tetricum factum correctorem scripserat, ad solam annonariam restrinxit, & ad eam Italiam, quæ ab vrbicariis regionibus separabatur. hinc enumeratis aliquot Italiæ prouinciis, iisque annonariis, nulla inter eas nominata suburbicaria, vt reliquas annonarias quæ restabant, vno verbo absolueret, & simul indicaret, quo sensu dixisset, Tetricum totius Italiæ correctorem factum, subiunxit, *omnisque annonariae regionis*. sic cæteras Italiæ prouincias, quas enumeratione sua non comprehenderat, quæque nominatim enumerandæ supererant, vnico illo verbo annonariæ regionis expediuit, & simul ostendit, quas iam nominauerat prouincias, annonarias omnes esse, & Italiam totam, quam supra posuit, de hac omni tantum annonaria quam subiunxit, esse intelligendam. igitur *omnis annonaria Trebellio & tota Italia* vnum atque idem fuit, nec bis tamen idem dixit. nam posteriore clausula priorem explicauit, quæ alias obscura poterat esse & ambigua. siquidem *tota Italia* aliquando vrbicarias cum vrbe annonariasque omnes regiones complectitur, aliquando solas annonarias. At annonaria regio nunquam latiore significato poterat accipi, quam de illa Italiæ parte quæ extra

centesimum patebat, & ab omni vrbicaria regione erat seclusa. quemadmodum autem Trebellius totam Italiam de sola annonaria regione dixit, ac de illa sola Italia quæ vltra centesimum, sic *omnem Italiam* eadem acceptione posuit Aurelius Victor in Herculio, cum dixit, *omnem olim Italiam eadem functione moderataque egisse, quo exercitus, & imperator, qui semper, aut maxima ex parte aderant, ali possent.* de annonaria enim intelligit, hoc est, de illa Italiæ parte, quæ annonam alendo exercitui præstabat, atque inde annonaria appellata est. cuius annonariæ functionis vrbicaria olim fuit immunis, ut paulo post ostendam. atque hæc est Italia quæ passim in Codice Theodosiano, & Notitia imperij ab vrbicariis & suburbicariis regionibus secernitur. Hæc nostra est illius Trebelliani loci, nunc ad tuam veniamus, & videamus qualis sit interpretatio. scribis, *annonarias a Trebellio regiones eas tantum intelligi quæ vel in Gallia togata sitæ vel proxima huic essent: ad quas ille cum percensendis Italiæ regionibus peruenisset (Flaminiam enim & Picenum annonarias fuisse) quia ceteræ quæ sequebatur annonariæ item erant, tum ideo ne ullam excluderet, OMNIS ANNONARIÆ REGIONIS clausulam subiecisse. Ceterum annonarias istas non solas, sed ijs quas ante nominarat adnexas, totius Italiæ regiones complecti aliud proinde, annonarias, aliud totius Italiæ regiones esse.* Hæc tua omnia verba sunt. nihil in illis immutavi: nihil de meo adposui, aut adfinxi. si verum libenter audires, libenter heic ego etiam tibi verum dicerem. sed licet inuitus audias, hoc tamen tibi dicam.

oportet, quod vero verius est, arte magna, & non minore conatu, te maximas vt nugas blatterares laborasse, & pauciora in illa interpretatione tua, verba esse quam vitia. Primum, quî tibi in mentem venit in illo Trebellij loco, Galliam togatam somniare, & ab Italia eam distinguere, cum Galliæ togatæ nusquam ibi meminerit Trebellius, sed totius tantum Italiæ? cuius Italiæ si partem fuisse negas Galliam togatam, aut si alio nomine, quam Italiæ tunc notam fuisse arbitraris, vt modeste ac modice dicam, insanus es. sed nec adeo te insanire puto, qui sciam te scire circa Constantini tempora, a quibus haud longe Trebellius, partem illam Italiæ, quæ olim Gallia togata vocabatur, Italiam proprie ac specialiter fuisse appellatam, & vicarium qui eam regebat, non Galliæ togatæ vicarium, sed Italiæ dictum. cur igitur nunc, aut quo consilio Galliam nobis togatam obtrudis? aut cur eam ab Italia distinguis? cur regiones Italiæ ab annonariis, quas in illa togata Gallia sitas esse vis, diuersas facis? nonne hæc insulsa sunt, absurda, falsa, commentitia?

Iam quid illo falsius, aut commentitium magis, quod solas in Gallia togata regiones, & quæ proximæ huic essent, vt Flaminiam & Picenum, annonarias fuisse autumas? quis hoc tibi auctor prodidit? quis testis confirmavit? saltem nos docuisses, quo argumento, qua coniectura rem ita se habere expiscatus sis. an satis erit, vt aliquid verum sit, hoc verum esse te pronuntiare? quidquid sine teste

dixeris, sine auctore docueris, hoc erit certum & indubitatum? *ἀντὶ τοῦτο*. credite posteris. Sed rationes tecum putemus, & tuas cum nostris comparemus, si paria facere poterunt. Vellem nimium ex te scire cur hac in re dispar tibi conditio visa sit, Gallia togata, & reliquæ totius Italiae? cur ex regionibus Italiae, quas ab Gallia togata regionibus imperite separas, duas tantum aut tres, easque Gallia viciniore, annonarias tantum fuisse tibi persuaseris, reliquas non item? an propter contagionem ex vicinitate contractam, regiones illæ Italiae annonariæ factæ sunt, quod Galliam scilicet togatam de proximo contingerent, quæ tota annonaria esset? vicinitas igitur illis miseris regionibus nocuit. *sic mala corporibus transiione nocent.* ex illis Italiae regionibus, quæ Gallia togata proximæ erant, quæque ideo annonariæ tibi fuisse videntur, duas tantum nominas, Picenum, & Flaminiam. poteras etiam nominare Tusciam & Umbriam. Nam ea Tuscia quæ cum Umbria iungebatur, haud minus annonaria fuit, quam Picenum illud quod Flaminia adnexum legitur. Sed quis tibi dixit, aut unde didicisti, Flaminiam aut Umbriam fuisse annonarias? nusquam enim ita vocatæ apud veteres reperiuntur. de Piceno sane constat, ut & de Tuscia, annonarias eas fuisse, quandoquidem ita passim in veteribus libris appellatas legimus. Picenum annonarium dicitur apud veteres, sed ad differentiam alterius Piceni, quod erat ac dicebatur suburbicarium aut urbicarium. Tuscia item annonaria,

ad distinctionem alterius Tusciæ suburbicariæ. si Flaminia nusquam apud veteres annonaria nominatim memorata reperitur, quia scilicet nulla erat Flaminia suburbicaria, a qua distingueretur, cur Flaminiam magis tibi persuadebis annonariam fuisse, quam aut Campaniam, aut Samnium, aut Lucaniam, aut alteram quamlibet Italię regionem? cur Galliæ togatę regiones, magis erunt annonarię quam reliquę totius Italię ciuitates? potes ullam rationem huius diuersitatis, aut disparilis conditionis, siue veterem producere, seu nouam procudere? nullam attulisti, ideo quia nullam potuisti. auctorem etiam nullum produxisti, quia nullum habuisti. sed ego auctorem tibi dabo, quo auctore tuto possis credere, non eas tantum, quas tibi lubet, sed omnes omnino totius Italię regiones, quo sensu totam Italiam dixit Trebellius, fuisse annonarias. is est Aurelius Victor, cuius auctoritatem, ut puto non defugies: loco notissimo, ac iam omnium manibus & oculis tritissimo. sic ille scribit in Herculij vita: *cum omnis Italia eadem functione, moderataque ageret, quo exercitus, atque imperator, qui semper aut maxima parte aderant, ali possent, pensionibus inducta lex noua.* functio illa quam omnis Italia agnoscebat, qua exercitus atque imperator alebantur, non alia potest esse quam annonaria. hinc passim *annonaria functio* in Codice Theodos. quę diuersa a pensione vel tributo, cui olim cum obnoxia non esset Italia, cępit esse sub Diocletiano. hanc igitur annonariam functionem omnis
Italia

Italia præstabat, nulla Italiæ regio eius immunis fuit. sed omnem Italiam dixit Victor, in ea significatione qua Trebellius totam Italiam, exceptis suburbicariis quæ intra centesimum. sic enim vterque Italiam intellexit, atque ita passim accipienda Italia in Cod. Theod. cum a suburbicariis distinguitur ac separatur. Nam & Trebellius cum & totam Italiam nominasset, & plures Italiæ provincias nominatim enumerasset, reliquas vero annonariæ regionis nomine comprehendisset, nullam ex suburbicariis inter eas nominavit. Vides ex illo Victoris Aurelij loco omnem Italiam functioni annonariæ fuisse obnoxiam, ac proinde omnes Italiæ regiones, non eas tantum quas volebas, annonarias fuisse. sed hoc etiam non videbis, ita cæcus es; aut videre noles, ita pertinax es. missum igitur faciamus testimonium illius Victoris. tu nobis vnus eris pro centum testibus. tuo itaque te ipsum testimonio reuincam, ac tuo tibi met gladio iugulum recidam. nonne ipse es qui in fine huiusce secundi capituli Aduentoriæ tuæ probare voluisti non solum annonarias regiones, sed etiam suburbicarias annonariam functionem debuisse? atqui suburbicariæ regiones tibi sunt quæcunque erant sub dispositione vicarij vrbis. Et illæ regiones omnes eadem omnino fuere, quas heic enumeravit Trebellius, quas in hoc Trebellij loco Italiæ regiones proprie esse vis, quas denique ab annonariis illis distinguis, quæ in Gallia togata, sic tibi videtur, erant sitæ. non dubium est omnes regiones,

H

quæ annonariam functionem penderent, fuisse
 annonarias. vnde enim dictæ annonariæ nisi ab
 annonaria functione, quam soluebant? cur igitur
 heic sex, aut septem tantum Italiæ regiones anno-
 narias facis, easque ferme solas quæ in Gallia toga-
 ta erant sitæ, & duabus ab hinc paginis, omnes
 omnino Italiæ regiones functionibus annonariis
 obnoxias, hoc est annonarias fuisse contendis?
 mirifice tecum ipse pugnas. ecquid te pudet de-
 sultoriæ istius leuitatis? incogitantia hæc tua est aut
 inconstantia mirabilis. tantulo in spatio ac tam
 breui gyro tam contraria sibi scribere aliquem
 aut loqui quis non miretur? omnibus ego te Ver-
 tumnis iratis & iniquis natum deputo, immo te
 ipsum vt vnicum Vertumnum, & opinionum
 tuarum leuissimum desultorem cum risu miror.

Sed verba interpretationis tuæ ad illum Trebel-
 lij locum iterum excutiamus, & perpendamus:
*annonarias a Trebellio regiones eas tantum intelligi, quæ
 vel in Gallia togata sitæ, vel proxima huic essent: ad quas
 ille cum percensendis Italiæ regionibus peruenisset, Flami-
 niam enim & Picenum annonarias fuisse, quia ceteræ
 quæ sequebantur annonariæ item erant, tum ideo ne ullam
 excluderet, OMNIS ANNONARIÆ REGIONIS
 clausulam subiecisse.* quo magis hæc verba tua confi-
 dero, eo magis in his ego te tanquam in speculo
 pro maximo nugatore contemplor. Italiæ regio-
 nes tibi sunt tantum, quas ibi Trebellius enu-
 merat; quas vero non enumerauit, sed *omnis anno-
 nariæ regionis* clausula complexus est, non Italiæ re-

giones tibi sunt, sed Gallia togata. Gallia nimirum togata regiones diuersae ab Italia regionibus. quae in Gallia togata sitae regiones, omnes annonariae. quae in Italia, non item, exceptis duabus, Piceno & Flaminia. haec duae tantum ex Italia regionibus annonariae erant, quia proximae fuere Galliae. Haec omnia ex tuis illis verbis colligi possunt: quorum absurditatem & imperitiam si quis non videt, fateatur oportet se nihil videre. cur ex Italia regionibus, & ex his quas recensuit Trebellius duas tantum annonarias vis esse, Picenum & Flaminiam? nonne Tuscia etiam annonaria? quid de Umbria censes cui adnexa fuit? si Flaminia annonaria, quia cum Piceno annonario iuncta erat, qui minus annonaria quoque Umbria, quae Tusciae annonariae adiungebatur? quattuor igitur iam tenemus annonarias Italiae provincias, Umbriam, Tusciam, Picenum & Flaminiam. si quattuor istae Italiae regiones fuere annonariae, cur reliquae non fuere? quae ratio diuersitatis? Si omnes autem Galliae togatae regiones annonariae, cur aliquae ex regionibus Italiae tales? sed ut alia omittam, Deus bone, quam ineptum illud est, quod iam exagitaui, quod iterum exagitandum est, de Gallia togata? quasi Gallia togata vlla esset, aut vsquam nominaretur, Trebellij temporibus? quasi pars Italiae non censeretur? quasi regiones eius non haberentur inter Italiae regiones? quasi nomine distinguerentur? atqui illa ipsa Gallia togata, hoc est regiones illae quae olim Galliam togatam constituebant,

haud ita longe post Trebellij ætatem circa Constantini tempora Italiam strictius & specialius sumptam constituerunt, & qui eas regiones regebat propræfectis, non Galliæ togatæ vicarius, ut scis, sed Italiæ dicebatur. non igitur verum est quod ais, immo nihil veritati magis *ex sequens* contrarium, Trebellium in enumerandis Italiæ provinciis, postquam ad eas peruenit, quæ annonariæ fuerunt, quia ceteræ quæ sequebantur annonariæ item erant, ideo ut omnes comprehenderet, clausulam hanc subiecisse, *omnisque annonaria regionis*. immo enim vero ex hac clausula quam subtexit, vel maxime patet, tam eas quas nominatim percensuit, quam illas, quas annonariæ regionis nomine complexus est, fuisse annonarias. cum enim aliquot Italiæ regiones enumerasset, & longum esset ceteras nominatim recenseri, ut rem compendij faceret, addidit clausulam istam, *omnisque annonaria regionis*: qua clausula, & illas quas minime nominavit complexus est, & illas quas antea nominauerat, annonarias quoque & ex annonaria regione fuisse ostendit, simulque declaravit, quo sensu totius Italiæ factum correctorem Tetricum intellexerit. non enim totius Italiæ generali notatione acceptæ, quæ urbem & urbicarias regiones, & annonarias omnes comprehendebat, sed Italiæ strictius sumptæ, qua continentur omnes regiones quæ in Italia sunt, exceptis suburbicariis, factum eum correctorem intellexit. *tota igitur Italia, & omnis annonaria regio*, idem penitus sunt, & ex ad-

uerso respondent. ita sensisse Trebellium nihil magis fidem fecerit, quam quod in illa enumeratione regionum Italiae, ne ullam quidem ex iis quas certo constat suburbicarias fuisse, nominavit. Qui corrector igitur Italiae per illa tempora dicebatur, non alias regiones Italiae sub se habebat, quam annonarias, quae extra centesimum. nam vrbicariae siue suburbicariae quae intra centesimum erant, urbem sequebantur, & ad vrbicam iurisdictionem pertinebant. quibus tamen regionibus suburbicariis, sui quoque postea impositi praesides & consulares, ut paulo post dicam. *Correctoris Italiae* passim occurrit mentio in veteribus inscriptionibus. ubi vox *Italiae* simili modo accipienda est, ut apud Trebellium, *omni annonaria regione*, extra centesimum posita, & seclusa ab vrbicaria quae intra centesimum sita erat.

Nunc pensum hoc absoluamus, & futilem istam tuam telam detexamus. sequitur: *Ceterum annonarias istas non solas, sed iis quas ante nominarat adnexas, totius Italiae regiones complecti. aliud proinde, annonarias, aliud totius Italiae regiones esse.* si annonarias non solas apud Trebellium, sed iis quas ante nominarat adnexas Italia tota complectitur, cur tibi libitum est, Galliam togatam tot iam seculis intermortuam ex Orco reuocare, & ab Italiae regionibus secerne-
re, & sic specialem quamdam Italiam constituere, cuius regiones annonariae non essent, & ab annoniis distinguerentur, quae in Gallia togata sitae?
tu regiones quas percensuit Trebellius Italiae re-

giones esse docuisti; quas vero minime nominauit, sed annonariæ regionis appellatione designauit, Galliæ togatæ vindicasti. Nunc vero & istam Galliam togatam, hoc est annonariam regionem, & illas Italiæ regiones Trebellio nominatas, totius Italiæ regionibus comprehendi asseris. Igitur si recte animi tui mentem assequor, Italia generalius sumpta, & Galliam togatam comprehendebat, & Italiam pressius ac specialius acceptam. sed tuumerat docere Trebellij Pollionis tempore, hoc est paulo ante Constantini imperium, Galliæ togatæ nomen adhuc in usu fuisse, & statim post Constantinum quæ specialis antea fuerat Italia, hoc esse desuisse, & e contra quæ Gallia togata vocabatur, specialis Italiæ nomen accepisse. tu enim ipse es qui per ea tempora specialem Italiam non plures prouincias occupasse contendis, quam quas olim Gallia togata obtinebat, & Italiam eam proprie ac specialiter appellatam affirmas, atque ideo seclusam a Campania, Calabria, Lucania, Bruttis, Apulia, Tuscia, & ceteris, cum apud Athanasium, tum in epistola concilij Sardicensis. atqui illæ ipsæ sunt regiones, quas in isto Trebellij loco, regiones Italiæ fuisse scribis, & ab annonariis distinguis quæ in Gallia togata sitæ erant. Hæc iam supra multis castigauimus. sed pro merito satis, etiamsi centies castigetur, non potest tanta siue imperitia siue ablepsia castigari. Ceterum quod ita inferis & concludis, *aliud annonarias, aliud totius Italiæ regiones esse, ut falsissimum est, sic verissimum esset, si quidem*

non plures forent regiones annonariæ, quam quas posuisti. certum quippe est, aliud esse totum, aliud esse partem: ac proinde aliud totam Italiam, aliud partem Italiæ. sed iam tibi ostensum est, annonarias regiones, non partem Italiæ facere, sed totam, sicut *totam* intellexit Trebellius, & *omnem* Aurelius Victor. nam omnis Italia, ut ex Victore scimus, annonaria fuit, hoc est annonariis obnoxia functionibus. sic totam Italiam dixit Trebellius, de omni annonaria regione, & omnem annonariam regionem de tota Italia. sic optime & verissime concludi potest, idem annonarias, idem totius Italiæ regiones esse. nullam enim suburbicariam nominavit Trebellius, aut inter eas quas speciatim enumeravit, aut inter eas quas regionis annonariæ nomine complexus est. omnes igitur annonariæ, & quas nominatim recensuit, & quas annonariæ regionis clausula designavit, quasque totius Italiæ appellatione comprehendit. suburbicariæ autem regiones. ideo Italiæ nomine non censebantur, nec de Italia esse quodammodo existimabantur, quia intra centesimum conclusæ, & in vrbicaria regione positæ, vrbicum territorium constituebant. Hinc Italia extra centesimum nomen habere incipiebat, & illud Italiæ tantum esse putabatur, quod erat ultra centesimum. nec vero te mouere debet, quod Trebellius *totam Italiam* dicendo, non tamen vrbicarias regiones comprehendit. nam omnis, ut dixi, Italia ea tantum intelligebatur quæ extra centesimum: regiones quippe quæ intra centesimum,

cum vrbe iunctim ibant, & vrbi adnexæ erant, & ad vrbicariam iurisdictionem pertinebant: vrbicum denique territorium, & vrbicariam regionem constitutebant, ideo ab Italia tam re quam appellatione distinguebantur. at vltra centesimi fines, hoc est territorium vrbicum, Italia incipiebat appellari. id egregie ostendit Dionis locus lib. LII. qui de iurisdictione præfecti vrbi loquens, totum illud regionis tractum quod ab vrbe ad centesimum vsque intercedebat, Italiæ nomine neutiquam donauit: quod vltra terminum illum fuit, Italiam nominauit. Hæc eius verba sunt: *Ἐκ τῆς θαλάσσης δὲ διέχουσι τὴν πόλιν καὶ τοὺς ἐξω αὐτῆς μέγας πεντήκοντα καὶ ἑξακοσίων σταδίων οἰκιστὶ κρίνη. De Italia centesimi fines egressa ita subiicit: τὴν τε Ἰταλίαν πᾶσαν, τὴν ὑπὸ πεντήκοντα καὶ ἑξακοσίοις ἀπὸ τῆς πόλεως σταδίων ἔσθαι. vides τὴν Ἰταλίαν πᾶσαν, omnem Italiam a centesimo appellari incipere, & intra centesimum Italiam non fuisse dictam. Probat hoc idem insigniter lex II. Cod. Theod. de in integrum restitutione, his verbis: *placuit ad interponendam contestationem in vrbe Roma vsque ad anni tricesimi extremum diem spatia prorogari: & intra centesimum vrbis Romæ milliarium, si tamen ab his iudicibus qui Romæ sunt, fuerit iudicandum: per omnem vero Italiam vsque ad finem anni vicesimi & noni. Italia omnis in hac lege opponitur centesimo, & vltra centesimum ponitur. sic leg. IX. de annona, & tributis, suburbicariæ regiones, ab omnibus Italiæ regionibus separantur: ita enim habet: tabulariorum fraudes se rescasse per suburbicarias regiones vir clarissimus Anatolius**

Anatolius consularis missa relatione testatus est. & paulo post: quod iubemus ut etiam per omnes Italiae regiones par ratio seruetur. Omnis igitur Italia, tota Italia, omnes Italiae regiones, de Italia quæ extra centesimum & quæ a centesimo incipiebat, accipi debent. ita intellexit Trebellius, cum *totam Italiam* dixit, ita Aurelius Victor. sic omnis Italia, & omnis annonaria regio idem. nec aliud omnes Italiae regiones, & omnes annonariae. & tam hæ quam illæ ab urbicariis siue suburbicariis diuersæ.

Ceterum operæ pretium est scire, aut saltem diuinare, si id certo scire non possumus, quid ita tibi placuerit, cum omnes Italiae regiones annonariae fuerint, septem ex his tantum annonarias fuisse velle. sunt autem istæ: Venetia cum Istria, Æmilia, Liguria, Flaminia cum Piceno, Alpes Cottiae, Rætia prima, Rætia secunda. cur præter has nullam in Italia annonariam regionem tibi fuisse placeat, per te non liquet. nullam enim affers rationem. nullum auctorem profers. nec tamen ipse satis auctor magnus es, ut tibi sine teste credamus, aut voluntatem tuam pro ratione ducamus. quid igitur, aut quem sequutus es? quis tibi huius opinionis fundus? Hoc si indicasses, molestiam nobis quærendi dempsisses, & laborem nostrum deminuisses. sed quoniam id nos scire noluisti, non prohibebis saltem suspicari. suspicionem igitur meam tibi ea de re ostendam, ut si vera sit, annuas; si falsa, quid verius sit nobis monstrare digneris. septem supra scriptæ regiones, quas solas

annonarias fuisse tibi persuades, eæ fuerunt, quas Italiae vicarius administrabat. ceteras omnes Italiae regiones quæ vicario urbis parebant, cum suburbicarias fuisse, tum ita appellatas esse quod sub vicario urbis essent, quouis pignore contendis: quia vero suburbicariæ simul & annonariæ esse non poterant, quandoquidem annonariæ non dicerentur nisi ad discrimen suburbicariarum, quod in distinctione Tusciæ annonariæ & suburbicariæ patet, Piceni item annonarij & suburbicarij, cum suburbicarias omnes vicario urbis subiecisses, hoc scilicet restabat, ut annonariæ regiones vicario Italiae subiici debere videretur. Nam nisi hoc esset, suburbicarias cum annonarijs confundi oporteret; tum ratio non appareret discriminis, quod inter Tusciam annonariam, & suburbicariam, inter Picenum suburbicarium & annonarium fuisse ex veterum auctoritate constat. suburbicarias omnes ut censes administrabat vicarius urbis, quæ & ab ipso sic dictæ sunt suburbicariæ. ergo annonariæ dandæ fuerunt Italiae vicario. Hoc te sequutum esse non affirmo, præsertim cum taceas ipse, sed cum nihil probabilius videam quod tibi in eam sententiam descendenti præire potuerit, suspicor haud temere, te nihil aliud habuisse causæ, quare solas eas septem regiones annonarias fuisse tibi ipsi finxeris. recte an secus id suspicatus sim, tuum nunc erit nos docere, & siquam aliam rationem habuisti, eam nobis indicare. Sed profecto quia valde mihi fit verisimile tibi non aliam in mente

fuisse, qui certo sciam nec esse potuisse, ostendam tibi quam falsus animi fueris, & quam falsas rationes sequutus sis. etsi enim cogitationem tuam non diserte exprompseris, nec clarius expresseris, id te tamen cogitasse, verba tua satis aperte clamant. primum præter illas septem regiones, quæ solæ tibi sunt annonariæ, Tuscia etiam quæ Vmbriæ annexa est, annonaria fuit, eaque non sub dispositione vicarij Italiæ, sed sub vicario vrbis. eadem igitur & annonaria fuit, quia passim eam sic veteres appellant: & suburbicaria quoque, quia sub vrbis vicario. quid igitur fiet alteri Tusciæ, quæ suburbicaria vocatur ad distinctionem annonariæ? nam si annonaria illa, etiam erat suburbicaria, quia vicario vrbis parebat, friuolum & nugatorium discrimen erit Tusciæ annonariæ & suburbicariæ. in Piceno recte hæc *διακρίσις* procedit. nam suburbicarium Picenum sub dispositione vicarij vrbis fuit, annonarium cum Flaminia sub administratione vicarij Italiæ. quid ita vero hoc discrimen in vna prouincia seruatum apparet, in altera neglectum? in Piceno clare distinctum, in Tuscia penitus confusum? expedi te heic si potes, aut aperte saltem explica. si non habes quid certi statuas de Italiæ prouinciis, quænam ex his suburbicariæ, quænam vero annonariæ, quid heic te magnum facis, ac operam tuam nobis vendas? homo inepte, vel dic tandem aliquid quod sequamur, vel sequere quod docemus.

Deinde nisi peruorse saperes, animaduersum

illud a te oportuit, quo tempore scribebat Trebellius, qui annonariæ regionis meminit, nondum ullos vrbis aut Italiæ in orbe Romano extitisse vicarios. annonariæ ergo regiones in Italia fuere, antequam vlli essent vicarij. si annonariæ, vtique & suburbicariæ. Nam si Pollionis æuo fuit vllum Picenum annonarium, quod fuisse confiteris, fuisse oportet & suburbicarium. nec enim dicitur annonarium Picenum nisi ἐπὶ διακρίσιν καὶ πρὸς διαγνώρισμόν Piceni suburbicarij. de Tuscia annonaria idem statuendum: non illa sic cognominaretur, nisi aliqua esset Tuscia suburbicaria. si suburbicariæ porro regiones etiam tum cognitæ in Italia fuere, cum nulli adhuc erant vrbis vicarij, suburbicarias necesse est aliunde nomen esse sortitas quam ab vrbis vicarijs, & alias fuisse quam quas vrbis vicarius administrabat. imperite igitur faceret, qui numerum annonariarum regionum redigere postulâret ad numerum prouinciarum quas vicarius Italiæ regebat, aut suburbicarium extendere ad numerum earum quæ vicario vrbis parebant. nam & longe plures numero vicarius vrbis administrabat quam suburbicarias, nec annonarias omnes sub dispositione sua habebat vicarius Italiæ. quod vel ex Tuscia & Vmbria constare potest, quæ annonariæ cum essent, vicario tamen vrbis parebât, non vicario Italiæ. Omnis igitur Italia annonaria, vt liquet ex Aurelio Victore & Trebellio Pollione locis superscriptis. suburbicariæ vero illæ solæ, quæ in vrbicaria regione, hoc est vrbis territorio positæ, &

intra centesimum inclusæ. Quare iterum concludamus, non aliud annonarias regiones, aliud Italiæ totius esse, sed idem prorsus esse Italiam totam, & omnem annonariam regionem. i nunc atque aude dicere aptam & expeditam tuam esse Trebelliani loci interpretationem. immo nihil ineptius illa, nihil impeditius. qui mihi non credent, rem ipsam testem habebunt. si ad iudicem ire vis, ne Ducæum quidem Frontonem tuum, qui te tantum amat, ac tua tanti facit, capere reformido. nam nisi fallor, & tibi vapulanti fauebit, & meo iudicio subscribet.

His tot argumentorum iaculis confixus & confossus, vique veritatis ipsius, toto suo pondere incumbentis oppressus, nondum tamen manum porrigis, nec arma mouere desistis,

Ἀλλ' ἐὼς καὶ περὶ δευρὶ πεπερωμένος ὄρεα ἀπολήγεις.

Telum adhuc vnum tibi superest, vt putas, validissimum, quod manu deficiente vix retinens, tamen intentas, & sic infestum vibras. *Pugnant, inquis, ista secum, annonarias regiones in Italia dici quæcumque sint intra centesimum, & Vmbriam tamen inter annonarias numerari, quæ intra centesimum continetur. suburbicarias rursus eo spatio definiri, quod centesimo terminatur, cum Picenum quod inter suburbicarias censeris comperitum est, extra centesimum lapidem positum esse nemo nesciat. non fortissimum tantum ac potentissimum argumētum tibi visum esse video, sed omnem omnino te in eo spem victoriæ posuisse certo scio. sic vrges illud & inculcas: sic totis intortum viribus, &*

rotatum iacularis. quātum vero in illo vnico argu-
mento, & quam validum præsidium collocatum
tibi putaueris, apud amicos dissimulare non potui-
sti, quibus audio te dixisse, paratum esse nostris ra-
tionibus concedere, & ad sententiam nostram ac-
cedere, si modo probaremus Picenum, quod sub-
urbicarium vocabatur, intra centesimum fuisse
positum, Vmbriam vero, quam suburbicariam esse
negamus, extra centesimum submotam fuisse.
Hoc si verum est, si bona fide istud dixisti,

Noster es, & captos hinc iam obliuiscere Grajos.

Nam si non alius tibi restat scrupulus, nec aliud
quidquam iam obstat, quominus nobis ita sentien-
tibus assensum tuum commodes, tam facile, & ille
tibi scrupulus eximi, & hoc impedimentum amo-
ueri potest, quam cadit imber, cum pluit. Digladi-
aris porro solus heic ipse tecum, & cornua in ven-
tum iactas, pedibusque arenam spargis, *ἄνθρωπος ὡς εἰς
χέρας θυμολύμνος*, sic quasi viceris tibi met ipse trium-
phum canis, & lauream postulas. sed priusquam de
triumpho, de curru, de laurea cogitares, victoriæ te
certum esse oportuit, & manifestis rebus ostendi-
sse, Vmbriam intra centesimum conclusam, Pice-
num suburbicarium a centesimo exclusum. Nihil
,, horum heic facis & tamen clamas, aut Vmbriam
,, de annonariarum albo expungendam, aut anno-
,, narias etiam intra centesimum aliquas fuisse con-
,, fitendum: Aut Picenum porro suburbicarium ne-
,, gandum vllum fuisse, aut suburbicarias etiam vltra
,, centesimum positas agnosci debere: ita cassam &

futilem ac secum ipsam pugnantem nostram istam,,
suburbicariæ & annonariæ regionis, quam ex Tre-,,
bellio confirmabamus distinctionem. Hæc magni-,,
fica tua verba sunt, sed nihil plus quam verba, quæ
sic rebus cassa sunt, vt tu ipse bona mente & sano
iudicio. sed ita inaniter garriendo, operam non
perdidisti. cerebrum tibi fortasse calebat, ideo per
calamum frigefactare illud voluisse arbitror. Nul-
lam igitur heic causam, aut rationem edis quæ nos
adigat credere, Vmbriam centesimo contineri, aut
Picenum suburbicarium extra eos fines totum ex-
cludi. Næcias tantum inanes, & nugas vento tu-
midas solidisque rationibus vacuas aggeris, quæ
vno spiritu possunt diffuari. Sunt enim folia farfa-
ri. Ceterum in ea Vindiciarum censura quam Ad-
uentoriæ tuæ subiecisti, vt iterum censorem te
sentiret coniector Anonymus, exquisite totam
hanc rem persequutus es, causis etiam additis, qua-
re ita putares, ac ita esse quoque nobis persuaderes.
quo facto fateor officium te boni ducis fecisse;
quia tibi cum duobus res erat, & diuersis locis vno
tempore pugnandum, nihil opportunius aut com-
modius visum est, quam diuidere copias, & alibi le-
uem armaturam, alibi graues & statarios milites
instructos opponere. Ego vt vbique vincaris, om-
nibus locis occurram, & absente collega, nihilo se-
cius aciem instruam, & prælium capeßam. sic enim
numero ac virtute militum meorum confido, vt
auxilium eius minime expectandum censeam, aut
victoriam amplius differendam. Nec poterit præ-

reptam a me sibi suam palmam conqueri. nam & meam illi concedam, quam occupavi. sed iam signa canant.

De Piceno suburbicario primum videamus, quod intra centesimum fuisse negas. Partem Piceni docueramus intra centesimum concludi, partem centesimo excludi. partem illam quæ intra centesimum esset, suburbicarium Picenum vocari; partem quæ extra centesimum, Picenum annonarium. sic Tusciæ totius cum altera pars diceretur annonaria, altera suburbicaria, annonariam eam dici ostenderamus quæ ultra centesimum posita esset; suburbicariam vero quæ centesimo terminaretur. de Tuscia quum nihil haberes, quod contra hiscere aut reprehendere posses, quin annonariæ suburbicariæque hæc appellationis esset ratio; de Piceno, vbi eadem appellatio, ac proinde eadem quoque appellationis ratio debuit esse, vt idem diceremus ferre non potuisti; atque ideo nouus nobis Demetrius Poliorcetes repente cum ariete apparuisti ad disturbandam ac dissipandam illius assertionis nostræ molem. sic enim capite quarto Censuræ vindiciarum gloriabundus incessisti, ac
 „ magnifice iactasti, Picenum suburbicarium extra
 „ centesimum esse totum, Vmbriam intra centesi-
 „ mum esse totam, nihilque nos habere quo arietis
 „ huius vim atque impetum subterfugeremus. aries
 ille, Sirmonde, arietinum tuum caput est, duri capitonis, cuius *κρίξιν* & insultum solis ego veruecibus, aut veruecum in patria natis formidandum
 cenleo.

censco. tales caueant occurfare: cornu ferit ille. ceterum nos cum κυρίῳ τοῖς, facile ἀντικεισόμεν. sed quantus in iras & ictus insurgat hic ἀπελθόμενος aries, de propinquo congressi, ac pede collato nunc si placet experiamur. hinc igitur tundere & quatere incœptas. *iter ab vrbe Roma in Picenum duplex olim fuisse, vnum Anconam versus per Vmbros, alterum Hadriam vsque per Sabinos. ex vtriusque itineris rationibus constare Piceni fines ultra centesimum positos fuisse. iter per Sabinos quod erat in Picenum ex Itinerario Antonini describis, & nos quoque heic pariter tecum describemus.*

AB VRBE HADRIAM VSQVE
M. P. CLXVI. sic.

<i>Eretum</i>	M. P. XVIII.
<i>Vicum nouum</i>	M. P. XIV.
<i>Reate</i>	M. P. XVI.
<i>Cutillas</i>	M. P. XVIII.
<i>Interocrium</i>	M. P. VI.
<i>Falacrinum</i>	M. P. XVI.
<i>Vicum Vatiæ</i>	M. P. IX.
AD CENTESIMVM	M. P. X.
<i>Asculum</i>	M. P. XII.
<i>Castrum Truentinum</i>	M. P. XX.
<i>Castrum nouum</i>	M. P. XII.
<i>Hadriam</i>	M. P. XV.

Horum, inquis, oppidorum, quæ heic ante Ascu-
lum habentur, nullum est in Piceno; quæ Asculum,,

„ præcedunt, Sabinorum sunt omnia. cur igitur
 „ Asculum vltra centesimum milliare positum no-
 „ tetur, & inde incipiant Piceni fines, nihil explo-
 „ ratius est quam ab ea parte Piceni regionem totam
 „ extra centesimum sitam esse. sic argumentaris,
 Domine Rector. sed *ὅτι ἡλὼ τὸν ἡλὼν, πασιπάλῳ τὸν*
πάσιπάλῳ, ita tuum istud argumentum, altero argu-
 mento repercutiam, ac retundam. Sabinos quorum
 oppida vides Asculum præcedere, cuius eos Italiæ
 regionis fuisse censebis? in qua tibi placebit illos
 regione censeris, ex illis septemdecim regionibus in
 quas Italia tunc temporis diuidebatur? Num per se
 dices vnam Italiæ regionem Sabinos constituisse?
 inter eas septemdecim Italiæ prouincias dic nobis
 vbi sit, aut quem locum habeat, Sabinorum aut Sa-
 binensis regio? postquam igitur illa Italiæ prouin-
 ciarum diuisio facta est, quæ & longe ante Con-
 stantinum, & post Constantinum diu obtinuit, Sa-
 binos necessario oportet in alicuius nomen regio-
 nis ac numerum concessisse, & vni alicui ex illis se-
 ptemdecim prouincijs attributos esse, si ipsi per se
 prouinciam non fecerunt. quænam erit igitur ex
 earum numero prouincia cui Sabinos accessisse
 credamus? aut Tusciam, aut Vmbriam, aut Picenum
 fuisse necesse est. nulli enim ex Italia populi vici-
 niores Sabinis. Sed de Tuscia minus credibile est.
 siquidem Etruriam ab Vmbris & Sabinis Tiberis
 dirimebat. De Vmbria posset aliquis dubitare. nam
 a tergo Vmbriam habuere Sabini, Plinio teste. sed
 tantum abest Sabinos Vmbriæ fuisse adnexos, vt

etiam ipsi Umbri qui intra centesimum, quique Sabinis vicini, ne quidem Umbriae regionis esse per illam nouam diuisionem, censerentur, sed Piceno attribuerentur, ut paulo post ostendam. Sabinos igitur Piceno suburbicario assignatos, & Picenum suburbicarium non solum Umbros & Vilúmbros, ut mox dicetur, sed etiam totam Sabinorum regionem complexum esse minime dubitabis. scribit Plinius, *infra Sabinos Latium esse, a latere Picenum, a tergo Umbriam.* igitur propter vicinitatem, ut pote qui Piceni contigui essent, & contermini, Piceno dati Sabini. Hinc Curium Sabinorum agrum sub Piceni prouincia recenset Balbus apud Frontinum de Coloniis. idem Reate in Piceni regione collocat. sic Reatina regio, & vniuersum Sabinorum territorium in Piceno situm erat. sic Picenum ea parte qua Sabinos complectebatur, intra centesimi fines totum inclusum fuit, ac proinde pars ea Piceni tota suburbicaria fuit.

Nunc ad alteram partem accedamus qua Anconam per Umbros iter fuisse vis, & an longius eo itinere Picenum Roma abfuerit, consideremus. ex eodem Itinerario sic interualla nos metiri iubes, & verba eius ita recitas.

A B V R B E A N C O N A M.

Ocricolos M. P. XLVII.

Narniam M. P. XII.

Ad Martis M. P. XVIII.

Meuaniam M. P. XVI.

K ij

<i>Nuceriam</i>	M. P. XVIII.
<i>Dubios</i>	M. P. VIII.
<i>Prolaqueum</i>	M. P. VIII.
<i>Septempedam</i>	M. P. XV.
<i>Trea</i>	M. P. IX.
<i>Auximum</i>	M. P. XVIII.
<i>Anconam</i>	M. P. XII.

Ita descriptionem huius itineris, ex auctore Itinerarij retulisti. Sed bene factum quod & auctoris ipsius consulendi, librique inspiciendi, cum mihi facultas data est, tum etiam cupido incescit. Nam si fidei tuæ credidissem, nihil propius fuit quam ut fallerer. tu probare nobis satagebas, iter illud ab vrbe Anconam per Umbros esse: idque ut illius Itinerarij auctoritate confirmares, laborabas. atqui auctor ipse me docuit Itinerarij, non iter illud per Umbriam esse, sed per Picenum. sic enim in omnibus, qua scriptis, qua editis codicibus unanimiter scriptum offendimus, AB VRBE PER PICENVM ANCONAM. cur ipse tantum citasti, AB VRBE ANCONAM? an tuus liber duas illas voces PER PICENVM, non habuit? nullus liber editus non ita legit. an aliquod scriptum exemplar præ manibus tibi fuit, in quo ita legeretur? nullus manu exaratus codex, non eas agnoscit. cur igitur illas subtraxisti? cur dissimulasti? scilicet verebaris, ne non satis Sirmondus videreris, si bona fide heic egisses:

Et si non aliqua imposuisses, mortuus esses.

Sane mortuum te malles. Per Picenum itaque non per Vmbriam iter illud ab vrbe Anconam fieri, auctor ipse de titulo clamat. Piceno igitur, vt vides, auctor ille, & Ocricolos, & Narniam & Meuaniam, & reliquas Anconam vsque, attribuit: Nam si Vmbriæ adiudicaret, haud dubium est, quin per Vmbriam, non per Picenum, iter istud ab vrbe Anconam haberi proscripsisset, ac titulo ipso declarasset. sed quid fiet? quomodo procedet istud, inquiet aliquis? nonne & Narnia & Meuania & Nuceria passim apud veteres inter vrbes Vmbriæ recensentur, & in Vmbria ponuntur? Strabo, Plinius, Ptolemæus, vno ore omnes hoc affirmant. fateor hoc esse verum. sed sciendum est Vmbriæ partem illam, quæ intra centesimum sita erat, modo Tusciæ, modo Piceno adscribi solitam, sed Piceno magis. Nam Vmbriam a Tuscia Tiberis diuidebat. de Tuscia tamen id testatur Seruius ad illud *Æneid. Viuidus Vmber. Acerrimus*, inquit, *Tuscus. nam Vmbria pars Tusciæ.* idem II. *Georgicæ* n: *Clitumnus fluuius est in Meuania, quæ vrbs est Vmbriæ, partis Tusciæ.* nam ita legendum doctissimo Hieronymo Aleandro assentior. partim igitur suburbicariæ Tusciæ, partim suburbicario Piceno, illa pars Vmbriæ accensebatur, quæ intra centesimum sita erat, sed Piceno magis. idque ante omnia manifestissime probat ille locus ex Itinerario Antonini supra citatus, qui iter ab vrbe Anconam, quod per Vmbriæ oppida habebatur, per Picenum haberi scribit. & illud etiam clarius

ostendunt verba Scauolæ leg. xli. D. *de legat. tertio*: vbi Vmbriæ regionem in Piceno aperte collocat. sic enim ille: *idem postea petiit ab heredibus suis, ut regionem Vmbriæ Piceno coheredes uxori suæ restituerent cum omnibus quæ ibi erant, & mancipiis rusticis vel urbanis, & actoribus exceptis manumissis. quæsitum est quum Eros & Stichus serui in diem vitæ testatoris in Vmbria in Piceno actum administrauerint, sint autem Damæ, &c.* Vmbriæ regionem manifesto in Piceno ponit. Nā Vmbriam in Piceno vocat, quæ in Piceno erat suburbicario, & illā Vmbriam intelligit, quæ intra centesimum posita, Piceni suburbicarij nomine comprehendebatur: ut Vmbria quæ extra centesimum excurrerat, cum Tuscia annonaria iungebatur, & ambæ sic simul iunctæ prouinciā vnā Italiæ constituebant. Nec aliud causæ fuisse existimandum est, quare Spoletium Balbus, quæ Vmbriæ metropolis erat, in Piceno posuerit, & agrum Spoletinum prouinciæ Piceni adscripserit. sic enim tribus locis apud Frontinum de coloniis legitur, pag. c. PARS PICENI. EX LIBRO BALBI PROVINCIA PICENI. *Ager Spoletinus in iugeribus & limitibus est intercisiuis assignatus; ubi cultura est. & pag. cxxviii. EX LIBRO BALBI PROVINCIA PICENI. sequitur: Picenensis ager determinatur limitibus maritimis & Gallicis, quos dicimus decumanos & cardines, &c.* statim subiicitur: *Ager Spoletinus, in iugeribus & limitibus intercisiuis est assignatus. & pag. cccxliii. in fragmento quod ex Palatino codice vetustissimo descriptum est. EX LIBRO BALBI*

PROVINCIA PICENI. *Ager Spoletinus in rigoribus & limitibus est assignatus intercisiuis, ubi cultura est. ceterum in soluto est relictum in montibus vel subsiciuis. nec de mendo potest incidere cuiquam suspicio. ita enim sine varietate etiam in antiquissimis libris scriptum habetur. quod autem Pollentinus pro Spoletinus corrigi volebas, haud scio quam bonus Re-ctor in tuo collegio fueris, sed certe malus heic corrector fuisti. Nam Pollentini agri seorsim habetur mentio apud eundem Balbum in descriptione Piceni. Cum videres spem illam correctionis tibi decollasse, & id frustra te tentasse, aduersus Balbum ipsum insurrexisti, & malum mensorem fuisse dicere ausus es, vt fidem eius in dubium vocares & auctoritatem eleuares. quam & id quoque frustra, aliorum esto iudicium. Quid de Plestinis vel Pelestinis dices? hos inter Vmbriae populos, cum Spoletinis Plinius in sexta Italiae regione commemorat his verbis: Ocriculani, Ostrani, Pitulani, Pelestini, Sentinates, Sarsinates, Spoletini. Pelestinos tamen istos, & eorum regionem Pelestinam, Frontinus alique agrimensores in Piceno constituunt, & Pelestinam Piceni passim vocant. Frontinus de coloniis pag. ciiii. *Ager qui a fundo suo tercio vel quarto vicino situs est, in iugeribus iure ordinario possidetur, sicut est Interamna Pelestinæ Piceni. idem alio loco: Interamna Pelestinæ Piceni. ager eius in iugeribus, & limitibus est assignatus ubi cultura est. Hanc Interamnam Plestinæ Piceni, alibi distinguit idem a Flaminiae Interamna. sic enim in fragmento**

Palatino legitur: *Ager, qui a fundo suo tertio vel quarto vicino situs est, in iugeribus iure ordinario possidetur. sicut est Interamna Flaminia, & Interamna Pelestina Piceni. & alibi pag. cxx. situs est in iugeribus & iure ordinario possidetur. sicut Interamna Flaminia, & Interamna Pelestina Picenensis. ita ibi scribendum est.* sexcentis porro locis apud eundem Frontinum occurrit mentio vtriusque Interamnæ, & eius quæ in Flaminia, & illius quæ in Vmbria Piceni sita erat, quam in Pelestina semper idem collocat. Interamnates autem isti Vmbri qui in Pelestina Piceni, cognomine Nartes dicebantur, vt ab aliis Interamnatibus alterius Interamnæ discernerentur, qui cognominabantur Lirini, quod duobus Liris fluminis capitibus eorum oppidum circumdaretur. Interamnates igitur illi Vmbri qui & Nartes vel Nahartes, Piceno suburbicario erant attributi, vt & Pelestini, & Meuanienfes & Narnienfes, & Spoletini, qui omnes Vmbriæ populi fuere. Hæc Interamna decem & octo milliaribus Spoletio distabat, & Roma propius aberat quam Spoletium. ita enim Itinerarium Augusti Antonini.

A B V R B E A R I M I N V M .

<i>Rostratam villam</i>	M. P. XXIII.
<i>Ocricolos ciuit.</i>	M. P. XXV.
<i>Narniam ciu.</i>	M. P. XII.
<i>Interamnam ciu.</i>	M. P. VIII.
<i>Spoletum ciu.</i>	M. P. XVII.

Paulo

Paulo aliter hæc interualla numerat Itinerarium Hierosolymitanum. sic enim ea metitur.

Ocriculo M. XII.

Narnia M. XII.

Interamna M. IX.

Tribus tabernis M. III.

Fano fugitiui M. X.

Spoletio M. VII.

Viginti enim millia passuum heic habes ab Interamna Spoletium. sed hoc præter rem. illud ad rem est, quod Interamna, Narnia, Meuania, Ocricolum, Spoletium, quæ Vmbriæ ciuitates erant, Piceni prouinciæ censebantur esse, & Picenum suburbicarium vna cum Sabinis Vmbri Vilumbrique constituebant. quidquid igitur Vmbriæ intra centesimum fuit, Piceno datum, & Piceni suburbicarij nomine comprehensum est. quidquid vero extra centesimum erat, Vmbriæ quidem censebatur, sed cum Tuscia annonaria iunctum vnam Italiæ prouinciam efficiebat, & ab vno consulari regebatur. sic Piceni quidquid extra centesimum procurrebat, Flaminia adnexum, pro vna prouincia Italiæ computatum est, quam vnus idemque corrector regebat. Suburbicaria vero Tuscia, & Picenum suburbicarium prouinciæ per se integræ suos singulæ seorsim habuere consulares a quibus regerentur. Picenum igitur aliud fuit suburbicarium, quod Vmbriorum regionem omnem, Sabinorumque intra centesimum positam occupabat; alterum annonarium extra centesimi fines consti-

tutum & Flaminiae adiunctum, vt vna prouincia fieret ex illis duabus regionibus. De Tuscia autem quum minime inficiari posses, alteram esse suburbicariam, & alteram annonariam, eamque dici suburbicariam, quæ intra centesimum sita erat; negari enim haud poterat, quin illa Tuscia pars intra centesimum esset: de Piceno cuius & par diuisionis ratio fuit, & denominationis quoque, confidentius eo negare sustinuisti, quia non sperabas fore vt aliquis tibi demonstraret, partem vllam Piceni intra centesimi terminos stetisse. & hic erat ille tibi aries cuius vim & impetum sustineri non posse gloriabaris. Nunc postquam illum obtritum comminutumque vides, fac quoque si potes vt cõtumaciam illam tuam pertinaciamque, conuictam & retusam videamus. nonne te pudet tantum roboris ac fiducia in illo arietino capite collocasse, quod Arretina testa fragilius nobis deprehensum est? sed de Vmbria & suburbicario Piceno iam satis tibi factum arbitror. hoc enim tantum requirebas.

Postquam suburbicarias satis ἐκρίσιν, repente ad annonarias conuersus, cornua quoque iterum obuertis in Anonymum coniectorem, quem frustra adstruere conatum esse arguis, annonarias ex eo dictas, quod annonam penderent, quam suburbicariae videlicet, non debebant. Vtrum hoc dixerit Anonymus nescio, sed fac dixisse. ita sane intellexit. & ego pariter cum illo sentio. quid habes tu contra quod dicas aut opponas? ais ex leg. xvi.

Honorij Cod. Theod. de indulgentiis debitorum, probari suburbicarias quoque regiones annonariam functionem pensitasse. Etiam aio vel ex illa vnica lege, vt alia non producantur, id manifesto posse colligi. ita inde constabit suburbicarias regiones etiam fuisse annonarias. Vnde enim annonarias nomen inuenisse putas nisi ab annona, aut annonaria functione quam soluebant? igitur si suburbicariae fuere quoque ex annonarijs, quod discrimen statues inter suburbicarias & annonarias? cur Tuscia suburbicaria ab annonaria diuersa? Picenum suburbicarium aliud, aliud annonarium apud veteres notatur? potes aliquam huius distinctionis ac discriminis rationem edere, probabilem saltem aut verisimilem, si non veram? dum loquuntur alij, & varias causas afferunt, quid taces ipse, & symbolam tuam in medium non confers? fac tandem quaeso aliquando, vt ex te scire possimus, quot numero in Italia fuisse censeas annonarias regiones, & quare sic vocatas. qui omnes aliorum coniecturas reiicis & reprehendis, profer ipse aliquam meliorem, quam laudemus ac sequamur. hoc a te petimus, hoc te poscimus, & si vis, etiam rogamus. Interim vero nunc tecum Sirmonde placide ac amice, si lubet, hanc rem disputare liceat, ac disceptare. sic fortasse veritatem eliciemus. Hoc pro certo primum & confesso sumamus, annonarias haud aliunde habuisse nomen, quam ab annona quam praestabant, & annonaria functione quam pensitabant. Deinde annonarias regiones nuf-

quam alibi quam in Italia, dictas reperiri. his positis statuendum est, aut vniuersam cum vrbe, & vrbicaria regione Italiam huic annonariæ functioni fuisse obnoxiam, aut Italiae tantum partem. Si vniuersa Italiae diœcesis, quam præfectus prætorio Italiae administrabat, hanc functionem semper agnouit, omnes omnino Italiae prouincias, & illas quæ sub vicarij vrbis erant dispositione, & illas quæ vicario Italiae parebant, cum annonarias fuisse, tum ita vocatas esse oportet. Iam si hoc verum est omnes Italiae regiones, & annonariam functionem pensitasse, & annonarias fuisse, quæ sit vt inter illas regiones quæ sub vicario vrbis erant, aliquæ annonariæ cognominatæ, aliquæ etiam inter eas quas Italiae vicarius regebat, hoc cognomine signatæ reperiantur? nam annonaria Tuscia fuit sub vicario vrbis; annonarium autem Picenum sub vicario Italiae. Quid ita vero his cognominibus fuere notatæ istæ prouinciæ? an vt distinguerentur a suburbicariis eiusdem nominis prouinciis? sane ita apparet. Nam & Tuscia altera suburbicaria cognominabatur, alterum item Picenum suburbicarium. sed quid opus ista cognominis distinctione? quæ ratio inter eas diuersitatis, ac differentiae fuit, vt per illas notas discerni debuerint? suburbicaria illa Tuscia, si omnes Italiae regiones annonariæ, fuerit vtique & ipsa annonaria. Tuscia vero illa quæ vocitabatur annonaria, si suburbicariæ omnes ea fuerint, quæ sub vrbis erant vicario, atque ex eo sic dictæ sunt, vt opinaris, fuit etiam & ipsa

suburbicaria. cur igitur ex illis duabus Tusciis altera dicta est annonaria, altera suburbicaria, cum tamen vtraque esset sub dispositione vicarij vrbis, ac proinde suburbicaria; vtraque annonariam functionem penderet, ac propterea annonaria vtraque vocitanda videretur? In Piceno quoque eadem quæ in Tuscia dubitationis ac difficultatis ratio, quamvis aliquid in eo disparile sit ac dissimile. Nam Tusciam vtramque suburbicariam & annonariam idem vicarius vrbis administrabat: Picenum autem alterum a vicario vrbis regebatur, alterum ab Italiæ vicario, & similiter vt Tuscia, in suburbicarium, & annonarium diuidebatur. itidem quæstionis est, cur Piceni pars altera suburbicaria, altera dicta sit annonaria. Nam suburbicarium Picenum, haud minus fuit annonarium, quam illud alterum cui hoc cognominis peculiariter impositum est. cur igitur annonarium a suburbicario Piceno tanquam diuersum distinctum est, cum suburbicarium æque esset annonarium? dixeris fortasse, atque ita dicturum iam prospicio, vt Piceni suburbicarij regio maxime fuerit annonaria, non tamen e conuerso annonarij Piceni regionem, suburbicariam fuisse. nam Picenum suburbicarium illud appellari quod sit sub vrbis vicario. inde ergo discrimen. quod enim alterum vicario vrbis pareret, suburbicarium esse dictum: alterum quod erat sub dispositione vicarij Italiæ, annonarium appellatum. Hoc tu vis Sirmonde? hoc tibi placet. at necquicquam placet. nihil istud iuuabit

te. primum quæro cur hoc idem discrimen, hæc eadem distinctio seruata quoque est in Tuscia annonaria & suburbicaria, cum tamen non diuersis vicariis parerent, sed vtrique vicarij vrbis administrationi subiecta esset? cum igitur vtrique sub vicario vrbis esset, vtrique annonariam functionem præstaret, cur nihilominus, quasi eiusdem sortis & conditionis non essent, altera suburbicaria, altera annonaria cognominata est? Deinde etiam si fateremur Picenum illud quod vicario vrbis parebat, suburbicarium dici ad differentiam alterius Piceni quod erat sub dispositione vicarij Italiæ, non propterea tamen pars ea Piceni quam Italiæ vicarius administrabat cognominari debuit annonaria, cum præsertim, pars altera, quæ suburbicaria dicebatur, quæque erat sub vrbis vicario, non minus fuerit annonaria, quam ista, cui tamen hoc velut proprium cognomen attributum est. At enimvero hoc discrimen vtriusque Piceni annuarij suburbicariique recte procederet, si quidem solæ illæ annonariæ fuissent, quas vicarius Italiæ regebat, vt solæ suburbicariæ, quas vrbis vicarius administrabat. istud quidem tu supra velle videbaris, & in ea opinione versari. sed nunc eam heic ipse refellis, ac tute temet ipsum conuincis, dum probas omnes omnino Italiæ regiones annonarias fuisse, & annonariam functionem pensitasse. Hanc etiam magis res ipsa refutat, cum certum sit, annonariam Tusciam sub vrbis vicarij dispositione fuisse. non igitur omnes annonariæ sub Italiæ

vicario, vt nec solæ suburbicariæ, sub vrbis vicario, vt pote quem etiam aliquas sub se constet annonas habuisse. sic aliunde quam ab vrbis vicario, suburbicarias nomen inuenisse plus quam exploratum est.

Igitur cum omnes istæ, & longe numero plures *ἀνεία* sequantur opinantem cunctas Italiæ regiones annonas fuisse, cumque has difficultates nullo modo detur euincere, facile euinciunt ipsæ, vt credere velimus, non totam Italiam, sed partem Italiæ tantum annonariæ functioni obnoxiam olim fuisse, cuius altera pars fuerit immunis. nec hoc tantum, sed illud etiam *ἐκ πάσης ἀνάγκης* sequi necesse est, partem illam, quæ annonam pensitaret, non fuisse suburbicariam, & e contra quæ suburbicaria esset, functiones annonas non agnouisse. vnde enim, quæso te, ex duabus Tusciis vna suburbicaria cognomine notata est, nisi quia esset altera Tuscia, quæ suburbicaria non erat? aut vnde rursus annonariam vnam putamus cognominatam, nisi vt distingueretur ab altera, quæ non fuit annonaria? atqui vtrumque discrimen falsum erit, & minime procedet, si suburbicariarum appellationem ab vrbis vicario deducemus; aut si annonas omnes fuisse Italiæ regiones concedamus. Confusa, inquam, erunt & indiscreta discrimina suburbicariæ annonariæque Tusciæ, si hoc admittimus. nam quam veteres vocant suburbicariam, ea non minus annonaria quam altera; quæ vero annonaria cognominatur, ea non minus suburbi-

caria. immo suburbicariam vtramque & vtramque annonariam sic fuisse censendum est, si vtraque sub vicario vrbis fuit, si vtraque annonaria fuit. videmus tamen eas passim apud veteres cognominibus distingui, & alteram suburbicariam appellari, alteram annonariam. vnde hoc, nisi quod ea Tuscia quam veteres dixere suburbicariam, non fuit annonaria, & quam annonariam cognominare, non fuit suburbicaria? idem omnino pronuntiandum est de Piceno annonario, & suburbicario. Ex his certo statuere quilibet possit, cum Italiae tantum partem olim annonariis functionibus obnoxiam fuisse, tum non aliam partem eas functiones pensitasse, quam quæ suburbicaria non esset. Nam & omnes annonarias a suburbicariis, & ab annonariis omnes suburbicarias sic oportet fuisse diuersas, vt Tusciam annonariam a suburbicaria, & Picenum suburbicarium ab annonario passim apud veteres separari videmus ac distingui. Nunc videndum quænam Italiae regiones olim annonariam functionem soluerint, quænam eius immunes fuerint. vnus est, sed insignis ad eam rem locus Aurelij Victoris, quem iam supra produximus, iterumque heic producemus. sic igitur habet ille in vita Maximiani: *cum omnis Italia eadem functione moderataque ageret, quo exercitus atque imperator qui semper aut maxima parte aderant, ali possent, pensionis indicta lex noua.* si omnem ibi Italiam de tota Italiae diœcesi accipiamus, non in eas difficultates, & *ἀποζητίαι* incidemus quas supra ostendimus vitari
non

non posse, si quis vniuersam Italiam annonariæ illi functioni obnoxiam fuisse contendat. Omnis igitur Italia de Italiæ tantum ea parte intelligenda, quæ extra centesimum, quæque Italia proprie dicebatur, vt ab vrbicaria regione vel vrbico territorio, quod intra centesimum erat, secerneretur. sic Italiam omnem a centesimo seclufit Dio lib. LII. & lex II. Cod. Theod. *de in integrum restitutione.* cuius heic iterum verba ponam, supra iam nobis allata: *Placuit ad interponendam contestationem in vrbe Roma vsque ad anni tricesimi extremum diem spatia prorogari: & intra centesimum vrbis Romæ milliarium, si tamen ab his iudicibus qui Romæ sunt fuerit iudicandum. per omnem vero Italiam vsque ad finem anni vicesimi & noni. sic omnem Italiam, ea significatione dixit Victor pro omni Italia quæ extra centesimum milliare, quæque ab vrbicaria regione intra centesimum inclusa secludebatur. intra illud spatium centesimi vel vrbicariæ regionis, conclusæ omnes erant suburbicariæ vrbicariæque regiones. Hinc Italia passim a regionibus suburbicariis, tam in Codice Theod. quam Notitia imperij distincta ac separata legitur. ita etiam Trebellius loco iam supra citato, & explicato, cum Italiam totam nominasset, aliquot Italiæ regiones nominatim percensuisset, reliquas omnis annonariæ regionis nomine complexus esset, nullam inter eas provincias suburbicariam memorauit. quo facto satis datur intelligi, totius Italiæ nomine, non aliam cum Italiam designasse quam quæ extra*

M

centesimum, quæque a centesimo incipiebat; nec per annonariam regionem, aliam intellexisse Italiæ partem, quam quæ ab vrbicaria distinguebatur, & extra centesimum tota erat posita. sic omnis Italia, & omnis annonaria regio, vna eademque res. omnis Italia iuxta Trebellium annonaria fuit. omnis Italia secundum Aurelium Victorem annonariam functionem alendo exercitui imperatorique Romano præstitit. huius functionis igitur immunem fuisse oportet vrbicariam regionem intra centesimum sitam, quæque situ suo regiones suburbicarias comprehendebat. hinc igitur & non ex alia causa natum discrimen vrbicariæ & annonariæ regionis, suburbicariarum & annonariarum regionum. inde est quod Tuscia suburbicaria vocabatur, quæ intra centesimum, annonaria quæ extra centesimum. nec aliunde porro, quam ex hoc principio Piceni pars quæ centesimo cludebatur, suburbicaria vel vrbicaria appellata est, cum alterum Picenum, quod erat vltra centesimum, cognominaretur annonarium. Sed dicet aliquis, cur immunis illa vrbicaria regio præstandæ annonæ, cum functionem annonariam tota agnosceret Italia quæ extra centesimum? sane quam vrbs ipsa non præstabat, verisimile est nec præstitisse vrbicariam regionem, quæ territorium vrbs erat, & iisdē, vt par est credere, immunitatibus fruebatur. vrbicaria enim regio, vrbs quodammodo esse censebatur, & eadem iurisdictione coercebatur; eadem quoque, vt probabile est, sorte & conditio-

ne in omnibus cum ipsa vrbe vtebatur. omnis ergo Italia exceptis suburbicariis regionibus, eam functionem soluebat, & hanc soluebat tantum: nam aliorum omnium onerum tributorumque expers & immunis hanc solummodo præstationem annonæ, eamque leuem ac moderatam pendebat.


Quod autem ex aliquot legibus, quæ in Codice Theodosiano habentur, liquere potest, suburbicarias etiam regiones annonariam functionem agnouisse, id minime mirandum est. scire enim licet, post Constantini Magni tempora eam soluere functionem cœpisse quam antea non soluerent. idque ipsi Constantino palam est attribui debere, qui & tributa vetera non solum vbique auxit, sed etiam noua multa excogitauit. instituto etiam præfecto prætorij Italiæ, penes quem totius rei tributariæ summa erat, tributum annonæque oneribus, vniuersa Italiæ diœcesis quam administrabat, tum premi cœpisse videtur. sic & vrbicarias regiones, & omnes Italiæ prouincias æqualiter tributariæ pensioni, & annonariæ functioni sub eo factas obnoxias non veri tantum simile est, sed etiam verum. Nam & tributum quod nullum olim pensitabat Italia, quodque postea sub Maximiano Herculio parti tantum Italiæ fuerat indictum, vniuersam a Constantini temporibus Italiam id dependere solitam fuisse multis testimoniis potest confirmari. sic & de annonaria functione, cum eius antea forent immunes vrbicariæ regiones, postea eo quoque cœperunt onere grauari. discrim-

men nihilominus idem mansit, vt annonariæ scilicet dicerentur quæ non erant suburbicariæ. nam suburbicariæ semper fuerunt suburbicariæ hoc est suburbanæ. nihil enim in hac parte mutari potuit. sed quum suburbicariæ, antea annonariam functionem minime pensitarent, hoc est annonariæ non essent, postea id factæ sunt, & tamen suburbicariæ manserunt: & sic hæc differentia semper seruata est, vt ab illis distinguerentur, quæ annonariæ ab omni tempore fuissent. Nam etsi omnes suburbicariæ etiam fuerint annonariæ, non tamen omnes annonariæ, vtique & suburbicariæ fuere. solæ quippe suburbicariæ vel suburbanæ, quæ in vrbicaria regione sitæ, & intra centesimum conclusæ. & satis hæc magna ratio dari potest discriminis, quod erat inter suburbicarias & annonarias, Tusciam scilicet annonariam & suburbicariam, Picenum annonarium & suburbicarium: etiam si concederemus suburbicarias, ab omni æuo annonarias quoque fuisse. Nulla grammica certior esse potest apodixis quam hæc est; nulla reddi ratio verior, quare suburbicariæ ab annonariis distinctæ. quæ ex distinctione sic illustrata, & confirmata, clarissime elucescit, ac comprobatur, suburbicarias solas eas fuisse dictas, quæ intra centesimum, in vrbicaria regione sitæ continerentur, præsertim postquam demonstrauius, Picenum quod suburbicarium dicebatur, intra centesimi fines positum fuisse. Nam de Tuscia suburbicaria, quin intra centesimum tota fuerit, nullo modo potest dubi-

tari. Multa diximus & pæne nimium multa, nondum tamen adhuc satis ut te errorum tuorum pœnitere possit. nunquam enim resipisces, si bene te noui. sed hæc aliis proderunt qui simili in errore versabuntur, nec tamen similiter erunt malarum quas capiti suo semel incalceauerint opinionum tenaces.

C A P V T III.

S V B V R B I C A R I A S dici prouincias suburbanas, & sub urbe sitas, non autem sub urbis vicario positas. Suburbicarium & suburbanum esse idem, ut urbicarium & urbanum. Suburbicarias & suburbanas regiones in Cod. Theod. easdem appellari. Suburbanum agrum intra Italiam opponi longinquo, & utrumque transmarino, qui extra Italiam. Italiam suburbanam, & urbicariam vel suburbicariam Romanamque regionem prorsus eandem esse. Suburbicariarum vel suburbanarum regionum originem & appellationem male ab urbis vicariis repeti, quos instituit Constantinus. Suburbicarias ut annonarias regiones ante Constantinum de nomine cognitatas fuisse. Cur solum Picenum in Notitia suburbicarium cognominetur. Ex decem prouinciis, quæ sub urbis erant vicario, solas quattuor suburbicarias fuisse. Italiam non duas, sed unicam fuisse diæcesim. De Italia specialiter & relative sumpta.



QUAM vanus sis gloriarum flator, & ridiculus buccarum inflator, dum iactas magno præsidio nos deiectos esse, extorta nobis Trebellij Pollionis auctoritate qua muniebamur, qui superius caput haud incuriose legerint, facile animaduertent. Sed Sabini olim quod volebant, somniare consueuerant: &

sæpe non vidit, dum putat vidisse lunam per nubila, quisquis est tibi similis, & imaginibus laborat.

Οὐκ ἴδεν, ἀλλ' ἐδόκησεν ἰδεῖν διὰ τῆς σελήνης.

Immo enimvero ex his quæ supra diximus iam perspicuum est, & locum illum Trebellij recte a nobis expositum esse, & Italiam cum angustius sumitur, ab vrbicariis regionibus distingui solitam, omnesque regiones quæ extra centesimum erant, omnino fuisse complexam; nec non suburbicarias esse dictas quæ intra centesimum continerentur, quæque ab annonariis secernerentur. Hoc stabilito fundamento nihil est in tota epistola ad amicum, quod non ex omni parte cohæreat, firmumque & inconcussum maneat. sic nos in arce victores adhuc stamus, quam tu variis assultibus tentatam, quoniam tenere nequiuisti, quid restat, nisi vt maxima pudoris cum iactura & honoris, irritus inde ridiculusque discedas? Et cum hæc ita sint, nos tamen ad id iterum vocas quod in Censura tua te docuisse dicis. Tunc illius adhuc Censuræ mentionem facere sustines, cuius & auctor tacere, & ipsa tacere debuit, si huius honori, & illius pudori consultum velles? At huic etiam stultæ opinioni impudenti mendacio commendationem conciliare voluisti, dum proxime a doctissimo viro Hieronymo Aleandro approbatam mentiri ausus es. si improbare approbare est, sic sane ille probauit. quid enim tam contrarium tuæ de suburbicariis coniectationi, quam quod ille de suburbicariis

scripsit? nam vt multum ingenuus est, & ingenio-
sus, & per hæc multum tibi dissimilis, facile vidit,
& libere confessus est, suburbicarias regiones dici
quæ suburbanæ sunt. sicut enim *urbicarium* &
urbanum idem est, ita & *suburbicarium* *suburbanumque*
idem esse debere. male vero vir idem ille doctissi-
mus, urbicarias alias a suburbicariis fuisse existi-
mauit. tu recte easdem facis. itaque si quis ex vtro-
que vestrum quod recte quisque sensit, sumpserit,
tum veram de suburbicariis sententiam eliciet &
efficiet. & hæc nostra erit: suburbicarias nempe
esse suburbanas, & easdem cum suburbicariis urbi-
carias, quæ sic dictæ quod in urbico territorio sitæ
essent, & ad iurisdictionem urbicæ præfecturæ
pertinerent. Atque hanc eandem sententiam,
etiam amplexus est, & calculo suo comprobavit
illustrissimus Cardinalis Petronius: suburbicarias
quippe regiones eas dici agnouit, quæ centesimo
lapide terminabantur, quæque intra fines erant
urbicæ præfecti urbis iurisdictionis. quod si illos
viros præstantissimos audisses, profecto non tam
ineptum & Latinitatis imperitum Grammaticum
professus esses. tu enim nouus censor ad Aristar-
chum, Grammaticus ad Scaurum, suburbicarias
regiones appellatas esse censes, non quæ sub vrbe
essent, aut suburbanæ, sed quæ sub urbicario, aut
sub urbicarij dispositione. sed quis ille, rogo te,
urbicus vel urbicarius? num præfectus urbi? negas.
num prætor urbanus? negas id quoque. an procu-
rator rei priuatæ per urbem, aut aliquis urbicus

rationalis? tantumdem. an aliquis vrbicus magistratus? nihil minus. quis igitur ille tibi vrbicarius sub cuius regimine posita regiones, suburbicariarum nomen inuenerint, quasi sub vrbicario posita? vicarius ille vrbis est. vbi legisti vnquam aut audiuisti vicarium vrbis dictum esse ἀρτυνμικῶς vrbicarium? sed ne iratum te habeamus, demus hoc tibi, καὶ ἐξοχλῶ sic eum appellatum: quæ ratio huius appellationis, quod exemplum, quæ analogia, vt prouincia suburbicaria dicatur, quæ vrbicario paret, aut sub vrbicario est? Hac eadem ratione & vocabuli forma, prouinciæ prætoriae etiam dicendæ forent *subprætoriae*, quia sub prætore. Consulares prouincias sic aliquis vocare posset, immo deberet, *subconsulares*, quæ sub consularibus erant. Nec dubitem quin eodem modo de proconsularibus fieri debeant *subproconsulares*, ac de præsidalibus, *subpræsidales*. Romanus quoque orbis, qui Romanis parebat, secundum illam tuam Latinitatem elegantissime *subromanus* diceretur. quî enim minus quam suburbicaria regio, quæ paret vrbicario? Profecto si vis hoc efficere, vt suburbicarius locus sit, vrbicario subiectus, non autem, sub vrbe situs aut suburbanus, nouam tibi excudendam Grammaticam censeo, & nouam condendam Latinitatem. vetus enim Latina Grammatica nusquam tibi hanc vocem cum ista significatione exhibebit:

En cor Zenodoti, en iecur Cratetis:

• *Cato Grammaticus, Latina Siren.*

Age nunc mihi responde sis, o Grammaticorum
smaragde,

smaragde, si suburbicaria regio dicebatur, quæ sub vrbis erat vicario, an non & eodem sensu *suburbana* poterit dici? nullum dubium est quin possit. nam vt *urbicarius*, & *urbanus* idem est, sic *suburbicarius* & *suburbanus* vt idem sit oportet. quemadmodum igitur prouincia suburbicaria dicitur, quæ est sub vicario vrbis, eadem quoque recte dicitur *suburbana* pro ea quæ vicario urbano paret, aut quæ est sub vrbis vicario. Nunc si nobis potes ostendere *suburbanam regionem* ea notione apud Latinos poni, tum etiam tibi concedemus, suburbicarias regiones ea significatione qua tibi placet, appellari. sed vapulent quotquot sunt Latinæ linguæ auctores, qui nusquam hanc vocem hoc sensu vsurparunt. immo vero vapulet ille potius, & quidem meritissimo, qui tam peregrinam & exoticam, tam alienam cælo soloque Latino Latinitatem, inferre Latio tentauit.

Suburbicariæ igitur sunt suburbanæ: suburbanæ autem, quæ sunt sub vrbe sitæ, non quæ sub urbano positæ, aut urbano subiectæ. Nam vt ab vrbe *urbicus*, *urbicarius*, & *urbanus* deriuantur, sic a suburbio *suburbicus*, *suburbanus* & *suburbicarius*. quæ suburbicariæ regiones in Codice Theodosiano passim vocantur, idem Codex etiam *suburbanas* vocauit leg. xiii. de accusationibus. cuius hæc verba sunt: *referant autem de suburbanis prouinciis iudices ad præfecturam sedis urbanæ, de ceteris ad præfecturam prætorio.* intra centesimum præfecti vrbis erat iurisdicção; extra centesimum præfecti prætorio;

N

suburbanæ prouinciæ extra centesimum. atque ideo iudices ad præfecturam urbanam de illis prouinciis referre iubentur. illæ sunt nostræ suburbicariæ, eadem plane cum suburbanis. prouinciæ suburbanæ meminit Symmachus epist. LXXXIIII. lib. I. *alia quoque de causa studij mei ardor incanduit, quod tecum super talis viri laude putavi gratulandum, qui e prouincia suburbana tantum reportat publici desiderij quantum reliquit exempli.* fuerat ille de quo loquitur alicuius prouinciæ suburbicariæ præses aut consularis, Piceni vt puta suburbicarij, vel Tusciæ suburbicariæ, aut Valeriæ. idem Symmachus lib. II. epist. LXXIV, *suburbanas prouincias appellat, quas alij suburbicarias.* Valentinianus protector dudum patrocinio culminis tui per me traditus atque commissus domesticis occupationibus attinetur, atque ideo magnopere poposcit obeundum sibi aliquod negotium per suburbanas prouincias demandari. Hæ sunt quas vrbi vicinas vocat lex III. Cod. Theod. *de habitu quo uti oportet intra urbem.* qua lege Imperator, maiores crines & indumenta pellicium seruis inhiberi præcipit, non solum intra urbem, sed etiam in vicinis regionibus: *quod innotescere non solum intra urbem petimus, verum etiam in vicinis regionibus non licere sancimus.* vbi vicinæ vrbi regiones, suburbicariæ sunt vel suburbanæ. quidquid enim in vrbe non licuit, id nec in suburbicariis licebat, vt pote quæ iure eodem tenerentur, & ad eandem iurisdictionem pertinerent vrbicæ præfecturæ. *suburbicaria loca* dixit vetus interpret Vaticanus in expositione sexti Niceni canonis

pro locis quæ circa urbem erant vel sub vrbe. sic *loca suburbana* eodem sensu posuerunt auctores limitum constituendorum. sed nota notis prædicamus, dum suburbicarium docemus esse idem quod suburbanum. Neminem scio excepto te vno, Sirmonde, aut tam imperitum, vt id ignorare possit, aut tam impudentem, vt negare velit. tu vnus igitur repertus es, qui hoc nescires, aut sciens negares. Pudoris qui nihil habent, eos habere scientiam nihil moror.

Suburbicariæ igitur siue suburbanæ regiones eæ fuerunt, quæ sub vrbe sitæ, & centesimo lapide comprehensæ totum vrbicum territorium complectebantur, intra cuius fines præfecto vrbis iurisdicção coercitioque esset. atque inde vrbicariæ quoque eadem appellatæ quod in vrbis territorio erant constitutæ. nam & *urbicaria regio*, dicebatur, totus ille tractus agri suburbanus, qui circa urbem erat, & centesimo lapide determinabatur. Vniuersæ Italiæ agrum veteres in suburbanum, & longinquum diuidebant, & vtrumque a transmarino qui extra Italiam erat, seiungebant. sic Italia altera suburbana fuit, altera longinqua. suburbana centesimo finiebatur: longinqua extra centesimum euagabatur vsque ad mare & Alpes. Hinc transmarinæ prouinciæ, & transalpinæ, passim Italiæ opponuntur apud veteres. Columella lib. i. cap. vi. transmarinas prouincias Italiæ regionibus opponit: *sicut transmarinis quibusdam prouinciis, ubi puteorum in modum, quos appellant siros, exhausta humus editos a se*

*fructus recipit. sed nos in nostris regionibus quæ redundant
vligine, magis illam positionem pensilis horrei probamus.
eodem. Huic autem nubilarium applicari debet, maxi-
meque in Italia propter inconstantiam celi, quo collata
semitrita frumenta protegantur, si subitaneus imber inces-
serit. nam in transmarinis quibusdam regionibus ubi æstas
pluuia caret, superuacuum est. idem cap. i. eiusdem
libri, totius Italiæ rura in longinqua, & suburbana
diuidit, & transmarinis quæ extra Italiam, opponit.
sic enim ille: Nunc quoniam plerosque nostrum ciuili
ambitio sepe euocat, ac sæpius detinet euocatos, sequitur ut
suburbanum prædium commodissimum esse putem, quo ut
occupato quottidianus excursus facile post fori negotia
contingat. Nam qui longinqua, nec dicam transmarina
rura mercantur, velut heredibus patrimonio suo, & quod
grauius est, viui seruis suis cedunt. & cap. vii. longin-
quos fundos vocat, in quos non est facilis excursus
patrifamilias. eodem plane modo Varro lib. i. Rei
Rusticæ, cap. xvi. hortos sub vrbe, hoc est subur-
banos, a longinquis separat: itaque sub vrbe colere
hortos late expedit, sic violaria ac rosaria, item multa quæ
vrbs recipit: cum eadem in longinquo prædio ubi non sit
quo deferri possit venale, non expediat colere. sic longin-
quam Etruriam vocat Symmachus quæ extra cente-
simum erat, ad distinctionem suburbicariæ Tusciæ,
hoc est suburbanæ, quæ intra centesimum. lib. x.
cap. XLVII. cuius germana multo angustior facultatibus,
ex Etruria longinquis adesse præcepta est. Etruria illa ex
cuius longinquis mulierem eam euocatam scribit
Symmachus, annonaria fuit, extra centesimum*

posita: nam suburbicaria vel suburbana intra centesimi fines sita erat. idem de Spoletio dixit: *Spoletium suburbanitas nostra est.* prædia tamen suburbana Columellæ, aut hortos sub vrbe apud Varronem tam laxè interpretari non debemus, vt vsque ad centesimum pertigisse censeamus, præsertim cum idem Columella non longius agri suburbanì fines extendat, quam quo fieri possit quotidianus excursus. Hoc de suburbanis prædiis & hortis verum esse putauerim. ceterum de suburbanis regionibus & prouinciis, haud dubitandum est, quin id nominis eis competierit, quæ centesimo lapide clausæ vsque ad ipsius centesimi fines pertingebant. longius enim patent, ac plus spatij occupant prouinciæ, quam horti aut prædia. Nam vel vna sola prouincia potuit quidquid urbem & centesimi fines interiacet, spatio suo occupare, & suburbicaria tamen ac suburbana rectè dici. quod de omnibus prouinciis suburbanis verum esse liquet, quæ ab vrbe incipiebant, & centesimo finiebantur. totum illum tractum vrbicariæ vel suburbicariæ regionis, *suburbanam Italiam* vocat Plinius lib. xxvi. cap. iv. *siccentur hodie Æthiopide Pomptinæ paludes, tantumque agri suburbana reddatur Italia.* Pomptina palus in agro Latino erat, Circeis vicina, sexaginta millibus passuum plus minus ab vrbe distans, & multum agri occupabat, in suburbana, vt Plinius dicit, Italia. Hæc suburbana Italia intra centesimum comprehensa, urbem semper sequebatur, & vrbicaria regio dicebatur, atque ab reliqua

Italia quæ extra centesimum distinguebatur. Dio narrat in Tiberio, eum de toto imperio Romano tres partes facere voluisse, & vnam ex tribus regendam accipere. sic igitur orbis imperium partiebatur, in urbem Romam & Italiam, in exercitus, in reliquas prouincias. Dio partes illas Græce sic expressit, *πρὸς Ρώμην καὶ διὰ τὴν Ἰταλίαν, τὰ στρατόπεδα, καὶ λοιποὺς ὡς ηὐτοῖς*. notanda illa verba, *Ρώμην καὶ ἄλλαν Ἰταλίαν*, Romam, & reliquam Italiam. ergo cum vrbe Roma pars aliqua Italiæ simul ibat, & coniunctim ponebatur. & hæc est suburbana Italia, vel vrbicaria Italiæ regio, quæ ab reliqua Italia vltra centesimum posita distinguebatur. quo in tractu suburbanæ Italiæ, quæcunque regiones sitæ fuere, & centesimo comprehensæ, *suburbicariæ* etiam ipsæ siue *suburbanae* sunt appellatæ, vt ex his quæ supra diximus constat.

Tu vero quasi nullæ ante Constantinum suburbanæ regiones fuerint, earum originem appellationemque ridicule repetis & arcessis ab vrbis vicariis, quos a Constantino Magno primum constat esse constitutos. Hi vicarij vrbis cum Italiæ vicariis totam Italiæ diœcesin administrabant pro præfectis prætorio. sic tu nec plures nec pauciores nec alias fuisse vis suburbicarias, quam quas ille vicarius vrbis sub sua dispositione haberet. Hinc vrbicarias & suburbicarias dici cœpisse, quæ nullæ antea erant, nec notæ nomine fuerant. Hanc adeo falsam ac ridiculam coniectationem tuam in Censura a te iam antea propositam, ab Amici epistola

confutatam, ab omnibus explosam heic iterum nobis obtrudis, qua spe aut voto, nisi vt iterum extrudatur? Hoc te siquidem dedita opera quæsiuissse apparet, vt iterum eruditis esses derisui, cui satis non fuit semel derideri. Hoc voluisti? Hoc igitur fiat, & mostibi geratur.

Decem in Notitia numerantur prouinciæ sub dispositione viri spectabilis vicarij vrbs Romæ, nimirum istæ: *Campania; Tuscia & Vmbria, Picenum suburbicarium, Sicilia, Apulia & Calabria, Bruttij & Lucania, Samnium, Sardinia, Corsica, Valeria.* Has omnes decem prouincias suburbicarias tibi fuisse placet, quod essent sub vrbs vicario, atque inde etiam nomen inuenisse. mirum mihi videri dixeram in Epistola, cum omnes supra scriptæ prouinciæ suburbicariæ fuerint, atque ita sint appellatæ, quod inter eas vnica tantum isto cognomine notata reperiretur. Hoc etiam nunc valde miror. omnes erant suburbicariæ, quid vna tantum ibi cognominatur suburbicaria? Cur quod omnibus fuit commune nomen, hoc ista sola quasi proprium & peculiare occupauit? respondes, quod te respondurum esse iam in Epistola præsenferam, ideoque etiam tuo iam tunc responso occurreram. sed tamen quoniam nihil aliud habes quod respondeas, ita respondes: *Piceno nimirum suburbicarij nomen addi, vt ab altero Piceno distingueretur, quod annonarium dicebatur, & erat sub dispositione vicarij Italiae.* Dixeram ego iam tibi, nihil opus fuisse ista nominis additione aut distinctione, cum eo ipso quod inter

prouincias suburbicarias numerabatur, & sub dispositione vrbis recenscebatur, satis intelligi daretur, suburbicarium illud esse Picenum. quis enim de alio posset accipere Piceno, quam suburbicario, quod inter suburbicarias collocaretur? Ita si ego recenserem omnes prouincias quæ sub ditione sunt Christianissimi Regis Francorum, & inter eas Burgundiam quoque meam, vt par est, ponerem, nihil fane opus haberem addere Francicam: nemo enim posset intelligere me de illa loquutum Burgundia, quæ Francica non est, & regis Francorum ditioni minime subiecta est. Cur igitur Piceno quod erat sub vrbis vicario, suburbicarij cognomen adiunctum est, cum sic satis suburbicarium intelligi posset, etiam si non nominaretur? sed honoris tui causa faciam, vt hanc tuam licet inanem & friuolam, additionis illius & distinctionis rationem recipiam. Dictum fane sit, quoniam ita vis, in ea Notitia Picenum suburbicarium, vt discerneretur ab annonario. Nunc quæram, & quæri fane dignum est, primum cur ex integro Piceno, duæ prouinciæ factæ sunt, quarum altera cesserit vrbis vicario, altera vero attributa sit vicario Italiae. Deinde cur non vtrumque Picenum aut totum Picenum potius, sic vicario vrbis regendum datum est, quemadmodum vtramque Tusciam tam annonariam quam suburbicariam vnus idem vicarius administrabat? Præterea cum Picenum illud quod erat sub vrbis vicario suburbicarium diceretur, cur alterum annonarium dictum

dictum est, quod sub vicario Italiae fuit? an quia
solas annonarias administrabat ille vicarius Italiae?
atqui annonarias etiam fuisse aliquas sub vicario
urbis patet ex Tuscia annonaria quam is regebat.
tu vero etiam omnes Italiae regiones fuisse anno-
narias volebas. cur ergo Piceno illi quod erat sub
vicario Italiae, annonarij cognomen inditum,
quum illud alterum quod vicario urbis parebat, &
suburbicarium ex eo dicebatur, æque esset anno-
narium? si poteris hæc mihi dubia soluere, & istas
obiectiones perrumpere, cum ista tua noua subur-
bicariarum notione ac notatione; tum ego quan-
tum acuminis habere te putas, tantundem habere
te putabo. sed hoc non facies, nec eris tam acutus.
Audi nunc sis quid ex illis colligam. Profecto si
omnes annonarias non administravit Italiae vica-
rius, sed aliquas etiam quæ annonariæ essent, vica-
rius urbis rexit, suburbicarias non fuisse omnes
neesse est; quæ vicario urbis parebant, nam inter
eas etiam aliquæ annonariæ. atqui annonariæ non
dicuntur nisi ad differentiam suburbicariarum,
nec suburbicariæ nisi vt discernantur ab annona-
riis. sic enim Picenum suburbicarium & annona-
rium, Tuscia suburbicaria & annonaria inuicem
distinguuntur. Patet igitur non sic distingui
disiungere oportere suburbicarias, & annonarias,
quod suburbicariæ essent sub urbis vicario, anno-
nariæ sub vicario Italiae. quemadmodum autem
annonarias regiones fuisse atque ita appellatas esse
certum est, antequam ulli essent vicarij Italiae, sic

etiam suburbicarias fuisse oportet longe ante Constantini Magni imperium, & vicariorum vrbis ab eo institutionem. Etenim si Trebellij Pollionis temporibus, annonaria regio aliqua fuit, vt Picenum annonarium, fuit vtique & suburbicaria regio aliqua, vt Picenum suburbicarium. Trebellium porro vixisse antequam Constantinus Magnus natus esset, aut vllos creare posset vicarios vrbis aut Italiae, ne tu quidem negabis, qui omnia soles manifesta negare. suburbicariae igitur non ab vrbis vicariis dictae nec illo tempore natae sunt, quo constituti primum fuere vicarij, quum eas longe ante notas fuisse exploratum sit. Nam suburbicariae, vt supra docuimus, sunt suburbanae. Suburbicarias porro cum totidem facias, quot erant sub vrbis vicario regiones, quantum hac in re ratio calculi te fefellerit, ac ratio mentis te fugerit, si æra sumamus, & hanc summam, peruersis calculis a te iam subductam, iterum subducamus, facile mox patebit. Decem prouinciæ numerantur sub dispositione vicarij vrbis apud auctorem Notitiæ: decem ipse suburbicarias numeras, sed ex hoc numero subtrahendas esse multas, quæ suburbicariae non erant, discussis exactius ratiociniis, statim faxo appareat. Pleonasmò igitur peccantes rationes tuas, age nunc si lubet purgemus, ac putemus.

Prima in illo albo *Campania* memoratur. eam primam suburbicariam ponis, quia sub vrbis scilicet vicario. quam falsus fueris, cum ipsi tibi, tum

aliis ostendet lex XII. Cod. Theod. de indulgentiis debitorum, quæ suburbicariam fuisse negat, dum a suburbicariis distinguit disertis his verbis: *Præter censuales functiones Campania quam & vetustatis gravior onerat adscriptio, & post hostium vastavit incurfio, per æquatis territorijs, nonam partem tantummodo præteriti assis publicarum toleret functionum. Picenum vero & Tusciam suburbicarias regiones septimam tributorum ad supputationem professionis antiquæ per uniuersos titulos iubemus agnoscere.* si suburbicaria fuit Campania, cur a suburbicariis regionibus, Tuscia & Piceno in hac lege separatur? Dic aliquem, o Rhetorum ocelle, dic, si potes, heic colorem, quare distinguatur a suburbicariis quæ suburbicaria sit & ipsa. Hanc primam igitur omnium nunc licet eximas de numero tuarum suburbicariarum.

Secunda nominatur, *Tuscia cum Vmbria.* calculo tuo vtraque nimirum suburbicaria. Sed duæ, o Logista, Tusciæ fuerunt: suburbicaria vna, altera annonaria. Hoc te iam docuerat Anonymus; hoc Epistola Amici confirmarat. quid adhuc dubitas, aut cur dissimulas? annonariæ meminit Ammianus lib. XXVII. *Noua portenti species per annonariam apparuit Tusciam.* meminit etiam Iordanes: idem per suos ad cancellos annonariæ Tusciæ feliciter dimicantis iudices fugat. mentio etiam eius habetur in Epistola Pelagij quæ scripta est, ad Gaudentium, Maximilianum, Geruntium, Iustum, Terentium, Vitalem & Laurentium dilectissimos fratres per Tusciam annonariam. Suburbicariæ vero Tusciæ mentio occurrit in

Nouella Maioriani *de adulterijs*, in inscriptione quæ ita concepta est: *Impp. Leo & Maiorianus AA. Rogatiano consulari Tusciæ suburbicariae. & in leg. xii. Cod. Theod. de indulgentijs debitorum*, his verbis quæ iam paulo ante retulimus: *Picenum vero & Tusciam suburbicarias regiones septimam tributorum ad supputationem professionis antiquæ per vniuersos titulos iubemus agnoscere. Vtriusque vero Tusciæ meminit Cassiodorus iv. Var. ut Gotthi per Picenum siue Tuscias utrasque residentes cogantur exsoluere debitas functiones. per utrasque Tuscias palam est cum intelligere Tusciam annonariam & suburbicariam. Vtriusque porro nominatim etiam extat mentio apud Caium & Theodosium auctores Limitum constituendorum: Terminus testacius in ped. CCCCL. per Tusciam urbicariam & annonariam. nullo modo igitur iam dubium est, quin duæ Tusciæ fuerint, vna suburbicaria, altera annonaria. suburbicariam autem suum seorsim habuisse consularem constat, ex inscriptione Nouellæ Maioriani. sic Piceno suburbicario suus fuit peculiaris consularis. Tuscia ergo illa quæ cum Vmbria iungebatur, quæque vnum cum Vmbria eundemque habebat consularem, erat annonaria non suburbicaria. sic Picenum quod Flaminiae adnexum est, annonarium erat non suburbicarium. Atqui hæc ipsa Tuscia annonaria est, quam sub dispositione vicarij posuit auctor Notitiæ. si vera tua ratio est, hæc fuerit etiam suburbicaria. sed cur alteram omisit, quæ proprie suburbicaria dicebatur, quæque ab annonaria*

distinguebatur? Dices vtramque fuisse sub vrbis vicario, & Tusciæ nomine tam suburbicariam quam annonariam comprehendisse auctorem Notitiæ. sane si suburbicaria Tuscia in illo laterculo, librarij vitio non est omissa, nihil verisimilius censeam, quam Tusciæ nomine totam Tusciam, id est, suburbicariam & annonariam, ab auctore Notitiæ fuisse comprehensam: præsertim cum tota Tuscia pareret vrbis vicario. Non igitur opus illi fuit aut necesse, Tusciam annonariam a suburbicaria diuidere, quia non diuersis vicariis, sed vni parebat vniuersa. In Piceno opus fuit illa diuisione. nam alterum regebatur a vicario vrbis, alterum ab Italiæ vicario. ideo Picenum quod erat sub dispositione vicarij vrbis, suburbicarij nomine insigniuit, non quia ex eo suburbicarium esset cognominatum, sed vt ostenderet, solum istud paruisse vrbis vicario, cum alterum, hoc est annonarium, Italiæ vicario pareret. quod igitur volumus, illud est: constare primum duas fuisse Tuscias, annonariam, & suburbicariam. deinde vtramque ad vicarij vrbis dispositionem pertinuisse. si omnes prouinciæ quæ sub eius administratione fuerunt, suburbicariæ dictæ sunt, dic, te rogo, dic noue Quintiliane, ac nos doce, cur ex duabus Tusciæ partibus, quum totam ipse administraret, & vtraque sub eius administratione posita esset, altera suburbicaria, altera annonaria appellata est? Domine Rector, si fauore tuo nos tantillum dignos ducis, rege si lubet, ac dirige nos in hoc

dubio. suburbicaria tota, qua patebat, fuit Tuscia; cur pars eius tantum suburbicaria dicta est? si hæc ratio sola est, si alia nulla est suburbicariarum appellationis, si solæ illæ sic nominatæ sunt, quæ sub vicario vrbis; cur hoc nomen vni potius Tusciæ parti datum est, quam alteri, cui non minus id nominis competebat, quæ similiter erat suburbicaria? Absurditatem hanc, & stuporem hac in re tuum iam satis supra patefecimus, & multis exagitauius. Vel hæc sola ratio, nisi stultiuidus esses, facere poterat, vt videres, suburbicarias non ideo dici, quod sub vrbe essent vicario, nec omnes quas ille administrauit, ita appellatas esse: alioquin nulla foret ex illis quas regebat, quin eodem hoc nomine censeretur deberet. At heic vides, nisi cæcus etiam nunc es, ex duabus Tusciis quæ vicario vrbis subiacebant, alteram suburbicariam, alteram annonariam dictam, & alteram ab altera hoc cognomine distinctam, & annonariam a suburbicaria tam re quam nomine fuisse diuersam. non igitur inde dictam esse suburbicariam, quod sub vrbe vicario esset, etiam clausis oculis, etiam cæcis patet. Nam & annonariæ non minus id nominis congrueret quam suburbicariæ, & sic nulla discriminis quod inter vtrasque fuit, ratio reddi posset, immo nullum inter eas discrimen a principio constitutum esset. Suburbicaria ergo Tuscia erat suburbana, & intra centesimum sita, & hac nota discernebatur ab annonaria, quæ extra centesimum posita, & Vmbriæ coniuncta vnam Italiæ

prouinciā efficiebat, & ab vno consulari regēbatur. sola huius argumenti claua, monstrum illud coniectationis tuæ de suburbicariis ab vrbis vicario cognominatis, afflictum & prostratum eliditur. sic annonariam Tusciam cum Vmbria nunc ad eas apponito prouincias, quæ de albo suburbicariarum debent eradi, & Tusciam suburbicariam inter eas primam numerato, quæ vere fuere suburbicariæ, hoc est suburbanæ.

Tertia sequitur, *Picenum suburbicarium*. Hæc secunda sit suburbicaria. Nam vere esse suburbicariam tam fas est credere, quam nefas est dubitare. Hoc ipsa de se clamat, & de solo cognomine id testatur. Picenum autem suburbicarium ideo notatum est, cum vt discerneretur ab annonario quod erat sub dispositione vicarij Italiæ, tum vt sciretur solum hoc suburbicarium paruisse vrbis vicario: alioquin opus non fuisset hanc notam discriminis apponere, si vtrumque vicario vrbis paruisset. non igitur suburbicarium dictum quod esset sub vrbis vicario. nihil enim erat necesse ita illud cognominari, si omnes prouinciæ quæ patebant vicario vrbis, suburbicariæ essent appellatæ. hinc apparet annonariæ, & suburbicariæ regionis distinctionem longe antiquiorem esse vicariis vrbis, & Italiæ, immo ipsis præfectis prætorio Italiæ, quorum vices gerebant illi vicarij in Italiæ diœcesi administranda. Hoc, si cor habuisses, facile sensisses; si frons tibi fuisset, non negasses.

Quarta subiicitur *Sicilia*. suburbicariam hanc

fuisse mira pertinacia, mira animi stoliditate contendis. sed omnia reclamant: omnia te conuincunt. si suburbicaria esset, cur tam apertis ac disertis verbis disiungeretur a suburbicariis, leg. ix. Cod. Theod. *de extraordinarijs muneribus*? sic habet lex illa: *non enim per Italiam tantum, sed etiam per urbicarias regiones, & Siciliam patrimonialium & emphyteuticorum fundorum vires seruandas esse perspeximus.* Pōnit hæc lex seorsim urbicarias, & Siciliam seorsim, & Sicilia tamen erit vna ex illis urbicariis? nonne hoc monstri simile est, hominem non indoctum, & valde, vt ipse sibi videtur, ingeniosum, rem adeo absurdam potuisse animo suo semel infigere, & penitus infixam refigi nulla ratione nunc pati posse? Hoc de te, Sirmonde, primum mirabar, qui te non noram. postquam nosse cœpi, mirari desij. Nam nunc etiam non dubito quin de acumine tuo ipse tibi blanditus fueris in excogitanda, & inuenienda illa ratione, qua suburbicariam facere Siciliam, & inter suburbicarias infercire conatus es, quæ nec suburbicaria vnquam fuit, & adeo clare seiungitur ab urbicarijs, in illa lege quam paulo ante retulimus. eam enim causam in Censura tua attulisti, acute mehercule excogitatam, & ingenio tuo dignam: nempe quod curandis fundis patrimonialibus & emphyteuticariis de quibus lex agit, diuersus esset in Sicilia rationalis, ab eo qui rationalis per urbem Romam, & suburbicarias regiones dicebatur. & hanc causam quæ tum aptissima tibi videbatur, etiam nunc aptissimam tibi videri dicis.

Sane

Sane Sirmonde, vt ineptissimus videreris, nulla potuit aptior afferri, nec aliquod certius ineptiæ tuæ testimonium reddi. Profecto verissimum est, quod asseris diuersum fuisse Rationalem per Siciliam, & per vrbicarias regiones. hoc enim nos docet Imperij Notitia, quæ sub dispositione viri illustris Comitis rerum priuatarum recenset,

Rationalem rei priuatæ per Italiam.

Rationalem rei priuatæ per urbem Romam,

& suburbicarias regiones.

Rationalem rei priuatæ per Siciliam.

Rationalem rei priuatæ per Africam.

Rationalem rei priuatæ per Hispanias.

Quod igitur alius rei priuatæ rationalis esset per Siciliam, alius per vrbicarias regiones, non propterea diuersam fuisse Siciliam argutaris a suburbicariis, sed vnam ex suburbicariis & ipsam, licet diuersum haberet rationalem. miram, ita me Deus iuuat, rationem, & efficacem! quippe quæ efficere etiam possit & euincere, non Siciliam tantum, sed Illyricum, sed Africam, sed Gallias cum Hispaniis suburbicarias fuisse. sic enim inferretur, causæ aliud non esse quare supradictæ regiones a suburbicariis sciungerentur, quam quod diuersos haberent rationales, ceterum omnes fuisse suburbicarias, licet diuersis rationalibus subiectas. Ego vero, etiamsi aliud argumentum non posset adduci, quo probaretur Siciliam non fuisse inter suburbicarias, tamen ex eo quod non idem præesse diceretur Siciliae rationalis, & regionibus suburbicariis,

Siciliam de suburbicariarum regionum numero non esse protinus collegissem. quid enim aliud posset colligi? alius recensetur rationalis per Siciliam, alius per suburbicarias regiones, & tamen inter suburbicarias Sicilia ponetur? quis hoc sic mihi poterit suadere, vt persuadeat? οὐ πείσῃς οὐδ' αὖ πείσῃς. adde quod lex illa quam superius produximus, rationalis mentionem non facit, sed simpliciter præcipit, per vrbicarias regiones, & Siciliam fundorum patrimonialium, & emphyteuticorum vires esse seruandas. ergo Sicilia non erat inter suburbicarias, non erat vna de suburbicariis, quum tam manifeste, inuicem ibi distinguantur & seiungantur. erat, inquis, sed ideo ibi separatur a suburbicariis, quia in fundis patrimonialibus curandis diuersum haberet rationalem ab eo qui per vrbicarias curabat. quid est Sirmonde? rationalis ille qui per Siciliam fundos patrimoniales curabat, an non & alias res cum putas curasse quæ ad principis rationes pertinebant? Dic mihi quibus in rebus curandis, aut quibus in rationibus tractandis, eundem censeas præpositum fuisse rationalem Siciliae & regionibus suburbicariis? immo enimvero non tantum diuersus per Siciliam & suburbicarias rationalis rei priuatæ fuit, vt paulo ante ex Notitia imperij docuimus, sed etiam diuersus procurator rei priuatæ, sic enim eadem Notitia notat:

Procurator rei priuatæ per Siciliam.

Procurator rei priuatæ per Apuliam & Calabriam.

Procurator rei priuatæ per Dalmatiam.

Procurator rei priuatæ per Italiam.

Procurator rei priuatæ per urbem Romam.

Procurator rei priuatæ per urbicarias regiones.

Sicilia utique distinguitur a regionibus suburbicariis, & quia diuersa & distincta ab illis, diuersum quoque ac distinctum cum procuratorem rei priuatæ, tum rei priuatæ rationalem habuisse notatur. tuo tamen iudicio Sirmonde fuit vna de suburbicariis, eamque in hunc numerum cogis? o subtile, & ad amussim factum iudicium, quod ipsum etiam pro amussi possit esse! Euge Sirmonde, ὅταν τις ἀνεπίστος. omnia sic tibi futura sunt facilia. Etenim difficile non esse dicis huius rei causam assequi, cum eodem, inquis, more apud nos videamus a rectoribus prouinciarum sæpe distingui rectores arcium oppidorumque nonnullorum, quæ ipsa tamen in iisdem prouinciis continentur. Hoc ipsum est, quod a te expectabam. sequitur securis manubrium; vara vibiam: absurda & falsa rationi, ineptissima & falsissima comparatio subiungitur. quid hac similitudine dissimilius, quid absurdius? an eandem tibi rationem habere videtur Sicilia ad urbicarias regiones comparata, quam habent arces & oppida ad prouinciam in qua sunt sita? prouincia erat Sicilia, prouinciæ quoque, regiones suburbicariæ. an castella & oppida quæ in prouincia sunt, prouincias similiter putabis esse? Demus vnā fuisse de prouinciis suburbicariis Siciliam, sic certe numerum auxerit prouinciarum suburbicariarum. Sed arces & oppida, quæ sunt in prouinciis, quantumlibet magnus earum

numerus fuerit, hoc non efficient, vt maiores, aut latiores habeat fines illa prouincia, in qua sita sunt, aut vt de vna prouincia plures fiant. quid igitur? quæ ratio comparationis tuæ? comparas arcium castellorumque rectores, cum rectore prouinciæ, in qua illæ ipsæ arces, illa oppida continentur. quam ad rem istud? aut quomodo hoc tibi processurum speras? quid inde efficere possis videamus, & quam examussum quadret instituta a te comparatio. Sicilia rationalem rei priuatæ suum habuit, suum item habuere regiones suburbicariæ. qui rationalis rem priuatam rationesque principis curabat per Siciliam, munus idem obibat, eodemque officioungebatur in illa prouincia, quo rationalis ille qui per suburbicarias regiones rem principis priuatam administrabat. ex æquo vterque rem principis curauit, par vtriusque dignitas fuit, par vtriusque in rationibus discutiendis ratio: alter alteri subiectus non fuit, sed vterque, vt & reliqui omnes ceterarum prouinciarum rationales, sub dispositione fuere viri illustris Comitum rerum priuatarum. quemadmodum igitur rationalis Siciliae diuersus erat a rationali regionum suburbicariarum, sic Siciliam quoque distinctam ac disiunctam fuisse oportet a regionibus suburbicariis. in rectoribus vero castellorum & oppidorum quid simile? immo quid non dissimile? singulæ arces, & singula castella in vnaquaque prouincia suos peculiare rectores habent. atque hi rectores sæpe distinguuntur a rectore prouinciæ in qua constituti sunt. quid

tum postea. Sirmonde? quid inde sequi dices? an rectores illi arcium, & oppidorum, quæ in vnaquaque prouincia sunt, ita conferendi sunt cum totius prouinciæ rectore, vt rationalis Siciliae cum rationali regionum suburbicariarum conferebatur? Sane Rector prouinciæ, vt omnes arces & castella, quæ in prouincia continentur, sub se habet, ita castellorum arciumque illarum rectores, qui in sua prouincia constituti sunt, sub se habere existimandus est. sic igitur distinguuntur rectores arcium oppidorumque a rectore prouinciæ in qua sunt sita, quemadmodum rationales rei priuatæ, per Siciliam, per Italiam, per Illyricum, & reliquas prouincias, distinguebantur a Comite rerum priuatarum, cui omnes illi rationales parebant. ostende porro nobis rationalem rei priuatæ per Siciliam, paruisse rationali rei priuatæ per suburbicarias regiones. Hoc si ostendis, *δείξας νικησας*. sic enim apta & vera tua fuerit comparatio; sic etiam nobis satisfecerit ratio, qua probabas Siciliam ab vrbicariis seiungi, non quod diuersæ essent, sed quod diuersum haberent rationalem. Sed si id non potes, confitere saltem, te in cōparationibus instituendis tam ineptum esse, quàm in rationibus adstruendis futilem & absurdum. Hoc telo coniecto, vbi in vanum, & vacuum cecidisse illud vides, aliam tragulam iniicis. Si Siciliam, inquis, lex illa penitus a suburbicariis excludit, de lege altera quæ vnica est in Cod. Theod. *si per obreptionem*, quid censes? Quid censeo Sirmonde? iam dicam tibi, vbi legem illam


videro. non longum faciam, nec te morabor. Lex ipsa ad præfectum prætorio Italiæ & Illyrici data est: verba legis in fine hæc sunt: *igitur sinceritas tua idipsum per omnem Italiam, tum etiam per vrbicarias Africanasque regiones, ac per omne Illyricum prælata oraculi huius auctoritate firmabit.* quæris Siciliam, quæ heic non nominatur, ex quo putem harum partium capite contineri? magna hæc quæstio est, & difficilis ad eam responsio. quid tibi videtur? quid responderes ipse, si quis hoc idem ex te exquireret? si tuæ mentis esses, ita te responsurum non dubitarem. Sicilia ab vrbicariis regionibus aperte distinguitur leg. ix. Cod. Theod. *de extraordinariis muneribus.* diuersum habuit rei priuatæ rationalem procuratoremque, ab eo qui per vrbicarias regiones procurabat. ergo non potest Sicilia regionum vrbicariarum nomine comprehensa existimari: non potest etiam Illyrico, non potest Africanis regionibus comprehendi. necesse est igitur, vt sub Italiæ nomine comprehendatur. quis enim nescit Italiæ nomen apud veteres plerumque non Siciliam tantum, sed etiam Corsicam & Sardiniam complecti? quæ tres insulæ siue prouinciæ, vt Italiæ diœcesi attributæ fuere, sic etiam sub eadem Italiæ appellationem deuenerunt. hospitem ac peregrinum esse oportet in solo Latino qui hoc ignoret. ita sane qui suus ac sanus erit, de Sicilia respondebit. te quem iracundia dementauit, aliter sentire ac censere minime mirum est. Duas Italiæ fuisse dicis diœceses quæ in illa lege distinguuntur,

Italiam & suburbicarias: ad Italiae diœcesim non pertinuisse Siciliam, quia vicario Italiae non subesset: restare ergo ut vrbicariarum numero comprehendatur. errata non plura sunt quam verba, sed totidem fere sunt. dic age quis tibi dixit, aut quis docuit, duas Italiae fuisse diœceses? tota Italia cum suburbicariis, cum Sicilia, Corsica & Sardinia, unica tantum fuit diœcesis. tres omnino tantum fuere diœceses sub præfecto prætorij Italiae, Italia ipsa, Illyricum & Africa. Audi sis aut vide, quid scripserit imperij Notitiæ auctor: *sub dispositione viri illustris præfecti prætorio Italiae, diœceses infra scriptæ, Italia, Illyricum & Africa.* sequitur apud eundem Italiae descriptio in decem & septem prouincias, Illyrici in sex, Africae in septem. ubi nunc illæ duæ, quas tibi fingis, Italiae diœceses? sed fingamus fuisse: unde didicisti harum alteram Italiam, alteram suburbicarias fuisse? duo sane sub se vicarios habuit præfectus prætorio Italiae, qui Italiae diœcesim vniuersam vice sua regerent. horum alter vicarius vrbis, alter Italiae vicarius dictus est. qui vicarius vrbis dicebatur, urbem quidem & suburbicarias regiones sub sua dispositione habuit, sed non solas. nam & Tusciam annonariam quæ distinguebatur a suburbicaria, rexit idem, & in his Siciliam quoque, quam manifesto a suburbicariis exclusit lex ix. Cod. Theod. tit. quo supra. sic nec suburbicariae solæ sub vrbis vicario, nec omnes quæ sub illo fuere, suburbicariae dictæ sunt, nec suburbicariae regiones vnam Italiae diœcesim constitue-

runt solæ. sic Sicilia in hac lege non vrbicariarum nomine continetur, sed Italiæ. Italia autem omnis eadem lege ita accipitur, de omni Italia, regionibus suburbicariis, quæ intra centesimum erant, exceptis, vt lex 11. Cod. Theod. *de integri restitutione*, omnem Italiam dixit, de tota Italia quæ extra centesimum. Hoc quam sæpe iam tibi dictum est! iterum tamen inculcandum. Hæc miseria est, habere rem cum hoste, qui semel prostratus, toties calcandus est. Nunc etsi nondum fortasse tibi, certe iam aliis omnibus, qui Sirmondi non sunt, constat Siciliam de suburbicariarum numero esse tollendam.

Quinta subiicitur, *Apulia cum Calabria*, inter prouincias quæ sub vrbis erant vicario. Suburbicariam hanc fuisse ais. suburbicariam negat fuisse Notitia imperij, quæ procuratorem rei priuatæ alium notat per vrbicarias regiones, alium per Apuliam & Calabtiam, & saltus Carminiacenses. Ergo Apulia & Calabria non erat suburbicaria, quippe quæ suburbicariarum regionum nomine minime comprehendebatur, & diuersum haberet procuratorem, ab eo qui rem priuatam procurabat per vrbicarias regiones. Nihil certius hoc argumento, licet aliter Sirmondo videatur. Nam si dixero vrbicarias regiones habuisse procuratorem curandæ rei priuatæ principis, Calabriam item & Apuliam, suum quoque rei priuatæ procuratorem habuisse, quis tam Sirmondianus est, hoc est tam ineptus, qui cogitare queat, me vrbicariarum regio-

regionum nomine Apuliã etiam & Calabriam comprehendisse, aut hanc prouinciam de suburbicariis fuisse vnã, intelligere possit? nemo possit, nisi Sirmondus sit. Quia tamen in eadem Notitia inter eos qui sub dispositione Comitis rerum priuatarum militabant, procurator etiam legitur rei priuatæ per Italiam, quæris ex me, Apuliamne & Calabriam putem Italiæ nomine contineri. poteras compendi facere hanc quæstionem: ego tibi dico, minime contineri. idque eodem argumento, quo & suburbicariis minime comprehendisse dixi. quis tam cæcus quin hoc videat? alius erat rei priuatæ procurator per Italiam, alius per vrbicarias regiones, alius per Apuliam & Calabriam. vide sis an dare mihi possis aliquem tam stupidum atque hebetem, qui putare queat Apuliam & Calabriam ex illo Notitiæ loco, aut inter suburbicarias esse, aut Italiæ nomine contineri. Sed de Italia non integrum mihi esse hoc negare autumas, qui Italiæ velim nomine, quidquid est extra centesimum, comprehendere. cum igitur meo iudicio in Italia sint Apulia & Calabria, nihil aliud causæ afferri posse censes, cur heic ab Italia separantur, quam quod a diuersis procuratoribus administrarentur. hanc eandem scilicet causam attuleras, vt Siciliam faceres vnã de suburbicariis, licet alium suburbiciæ, alium Sicilia rei priuatæ rationalem haberent. sic nunc me meo premis argumento, atque eadem manu te defendis. sed si aliud patrociniũ non habes, narro tibi, Sirmon-



de, nullam habes. qui latere teſto diſcedere ſperabas, vndique illud apertum præbes. ita nec me feris, nec te regis. Italiae ſane nomine quidquid eſt extra centeſimum, comprehendi dixi, ſed quum Italia ſimiliter ponitur. quid? an poteſ negare quin Italia ita accipi debeat leg. 11. Cod. Theod. *de integri reſtitutione*? legem ipſam centies iam productam, iterum heic producamus, vt gladium tibi in iugulum demittat: *Placuit poſt completum vigeſimum & quintum annum, ex eo quo viceſimi & ſexti anni dies illuxerit, ad interponendam conteſtationem in vrbe Roma vſque ad anni triceſimi extremum diem ſpatia prorogari, & intra centeſimum urbis Romæ milliarium, ſi tamen ab ijs iudicibus qui Romæ ſunt fuerit iudicandum. per omnem vero Italiam vſque ad anni viceſimi & noni finem. in ceteris omnibus prouincijs vſque ad completum annum vigeſimum octauum.* vides heic an non vides, Italiam omnem dici quæ extra centeſimum? in aliis legibus vbicunque mentio Italiae occurrit ſeparatim ab vrbicariis regionibus, haud dubium eſt quin accipi oporteat de omni Italia extra centeſimum poſita: omnes enim vrbicariæ, vt iam docuimus, intra centeſimum continebantur. Italia igitur cum ſimpliciter & absolute nominatur, aut totam lata ſignificatione Italiam vna cum vrbe & ſuburbicariis regionibus complectitur, aut Italiam ſtrictiori notione comprehendit, quæ extra centeſimum ſecluſa eſt, & ab vrbicariis regionibus ſeparata. Hoc ſenſu paſſim in Codice Theodoſiano accipi conſuevit, vbi ab vrbicariis regionibus diſtingui-

tur, aut a centesimo excluditur. At enim uero cum Italia relatiue sumitur & coniunctim cum ea persona ad quam fit relatio ponitur, tunc Italiae appellatione non plures continentur prouinciæ, quam quot sub illo sunt ad quem relatio fieri debet. ita relatiue sumpta Italia, modo plures modo pauciores, interdum vnā tantum prouinciā comprehendit. exempli gratia, si quis præfectum prætorio Italiae audiat, tunc Italiam totā cum vrbe & suburbicariis regionibus intelligi non dubitet, quia præfectus ille totā Italiam administrabat. at cum de correctore Italiae sermo est, quia corrector ille omnem Italiam exceptis regionibus urbicariis regebat, Italiae ibi nomen non plures prouincias complectitur, quam quæ extra centesimum erant positæ. Si de vicario Italiae mentio fiat, Italia septem tantum prouincias comprehendit, quia non plures erant sub dispositione vicarij Italiae. Cum Italiae Comitem legimus in Notitia imperij, tunc Italiae appellatio non extenditur vltra Italiae tractum qui circa Alpes erat. nec enim maiorem Italiae partem regebat Comes ille. Notitia imperij: *sub dispositione viri spectabilis Comit̃ Italiae, tractus Italiae circa Alpes.* licet tantulam ille portionem Italiae administraret, nihilominus tamen comes Italiae dicebatur. ita cum Mediolanum legimus metropolin esse Italiae, non totius eam Italiae metropolin intelligimus, sed eius tantum partis aut prouinciæ, in qua Mediolanum, Italiae nimirum transpadanæ, aut Liguria. nec enim vni-

ca per totam Italiam metropolis fuit Medi^olanum. Eodem plane modo cum eadem imperij Notitia notum nobis facit, alium fuisse procuratorem rei priuatæ per Italiam, alium per Calabriam & Apuliam, quia procurator ille rei priuatæ per Italiam, non etiam procurabat per Calabriam & Apuliam, cum de illo procuratore Italiæ agitur, certum est Italiæ nomine Apuliam & Calabriam non contineri. inter præpositos Thesaurorum qui sub comite sacrarum largitionum militabant, vnus erat præpositus Thesaurorum per Italiam Aquileiæ. Putares Italiæ nomine totam Italiam illam tuam designari, quæ vicario Italiæ parebat. atqui præpositus ille Thesaurorum per Italiam, Thesauris non præerat per Liguriam, sed alius fuit Thesaurorum Mediolanensium præpositus Liguriæ. sic cum agitur de præposito Thesaurorum per Italiam, Italiæ nomine Liguriam minime comprehendere certum est. Italiæ igitur appellatio, cum relatiue sumitur, pro rerum aut personarum qualitate quibus adiungitur, varias recipit significationes, & modo plures, modo pauciores Italiæ prouincias, interdum vnā quamlibet tantum Italiæ prouinciam designat. alia est Italia cum de præfecto prætorij Italiæ agitur: alia cum de correctore Italiæ: alia cum de vicario Italiæ: alia cum de comite Italiæ: alia cum de præposito thesaurorum Italiæ: alia denique, cum sermo est de procuratore rei priuatæ per Italiam. Longe aliter res se habet in suburbicariis regionibus. certæ illæ regiones fue-

re, certis finibus circumscriptæ. qui suburbicarias itaque nominat, omnes nominat, & nullam excipit. a loco enim denominatæ sunt, nec fines suos mutare possunt; vrbicariæ siquidem quod in vrbis territorio sitæ essent dictæ sunt, & suburbicariæ quod suburbanæ. at Italiæ vocabulum pro personarum varietate ad quas refertur, variat quoque significationem, & interim latius, interim strictius sumi solet. de suburbicariis hoc idem non potest. certos illæ quippe fines habuere constitutos, & de loco nomen sumpsere. Sed de Italia dicemus iterum capite sequenti. Nunc de suburbicariis hoc etiam constat, inter eas locari non debere, nec in earum numerum referri posse Apuliam & Calabriam.

Sexta prouincia, *Bruttij & Lucania*. non tu rogandus, an suburbicariam velis esse. patet velle ex eo quod esset sub vrbis vicario. sed tu docendus es suburbicariam non fuisse. Lex prima hoc docet, Cod. Theod. *quibus equorum vsus concessus*. lege illa sancitur, exceptis senatoribus & honoratis, & aliis quibusdam, *ceteris omnibus per Picenum & Flaminiam, nec non etiam Apuliam & Calabriam, Bruttios & Lucaniam atque Samnium habendi equi vel equæ copiam esse præclusam*. at lege iii. eod. tit. equorum vsum similiter prohibet imperator per vrbicarias. omnes igitur illæ prouinciæ in priori lege nominatæ non fuere suburbicariæ. Profecto Picenum illud quod cum Flaminia iunctim ibi ponitur, suburbicarium non erat, sed annonarium. Apuliam & Cala-

briam non fuisse suburbicarias, paulo ante demonstrauimus. Hinc etiam ostenditur Lucaniam & Bruttios, & Samnium vrbicarias non fuisse, ut pote quæ inter eas numerentur ac memorentur prouincias, quas ab vrbicariis diuersas fuisse constat. præterea cum prima lex huius tituli equorum vsum prohibeat per supra scriptas prouincias, tertia vero hoc idem sanciat obtineri per suburbicarias regiones, vel cæcis clarum est, prouincias prima lege enumeratas non fuisse vrbicarias, sed ab vrbicariis diuersas. Bruttios igitur & Lucaniam, a suburbicariis nunc segregare debes, quam temere in hunc gregem compulisti.

Septima, *Samnium*. nihil habet nec ista, quod inter suburbicarias agat, quia de illarum grege ac numero non est. quæ de Bruttiis & Lucania diximus, ut ex hoc laterculo expungerentur, de Samnio quoque dicta sunt.

Octaua & Nona sequuntur, *Sardinia* nempe & *Corfica*. Si Sicilia non fuit suburbicaria, quid est quod istæ duæ pro suburbicariis haberi postulent? frustra in hunc numerum recipi possunt, exclusa Sicilia. tres istæ prouinciæ ab vno rationali regabantur, qui rationalis trium prouinciarum dicitur in Cod. Theod. Hic fuit rationalis summarum. nam ita in Notitia scriptum habetur: *Rationalis summarum trium prouinciarum, id est Siciliae, Sardiniae, & Corficae*.

Decima & vltima, *Valeria*. hanc prouinciam fuisse suburbicariam, non quod esset sub vicario

urbis, quo nihil absurdius fingi potest, sed quod suburbana esset, & intra centesimum inclusa, satis abundeque docuimus in Epistola ad amicum. & hæc vna fuit ex quattuor suburbicariis, quarum mentio est leg. 1. Cod. Theod. *de calcis coctoribus*. ex decem igitur prouinciis, quæ sub dispositione vicarij urbis fuere, tres tantum suburbicarias heic fuisse videmus: Tusciam suburbicariam, Picenum suburbicarium, & Valeriam: quartam, hoc est Latinam regionem capite quinto infra adstruamus. Valeria autem ideo nusquam suburbicaria aut vrbicaria cognominata reperitur, quia nulla erat Valeriæ pars non suburbicaria, vt in Piceno & Tuscia, sed tota ac solida intra centesimum continebatur. Vides nunc, si quid vides, suburbicariarum originem ab institutione vicariorum deduci non posse, nec inde dici quod essent sub urbis vicariis. Nam ex decem quas regebat, quattuor tantum fuere suburbicariæ.

Quemadmodum autem mirum supra mihi visum est in descriptione prouinciarum Italiæ quæ vicario urbis parebant, quæque omnes erant tuo iudicio suburbicariæ, vnicam tantum inter illas suburbicarij cognomine notari apud auctorem Notitiæ, sic nunc mirandum in primis deputo, in eadem Notitia, vbi prouinciæ totius Italiæ recensentur, quæ sub dispositione præfecti prætorio Italiæ fuerunt, eandem distinctionem seruari suburbicarij annonariiue Piceni. atque vicarij non prius instituti sunt quam præfectus, sed contra.

certe vicarij, vices præfecti gesserunt. vt pro præfecto fuere, sic post præfectum. ex tribus diœcesibus quas administrabat præfectus prætorio Italiae, diœcesis vna fuit Italia ipsa. cur igitur in prouinciis Italiae denominatione, cum omnes parent præfecto prætorio. Picenum alterum suburbicarium cognominatur, alterum annonarium? ridiculum plane esset a vicariis causam huius arcescere cognominationis. quid enim opus hac distinctione in prouinciis enumerandis quas præfectus administrabat, quum omnes omnino administraret? antiquiorem igitur oportet fuisse cum vicariis, tum præfectis ipsis suburbicariae annonariaeque regionis appellationem. sic autem Notitia recenset Italiae prouincias quæ sub dispositione præfecti prætorio fuere. *Sub dispositione viri illustris præfecti prætorio Italiae diœceses infra scriptæ. Italia, Illyricum, Africa. Prouinciæ Italiae decem & septem. Venetia, Æmilia, Liguria, Flaminia & Picenum annonarium, Tuscia & Vmbria, Picenum suburbicarium, Campania, Sicilia, Apulia & Calabria, Lucania & Bruttij, Alpes Cottiae, Retia prima, Retia secunda, Samnium, Valeria.* agnoscis in hac enumeratione Picenum annonarium & suburbicarium distincte notatum? vnde vero putas hanc manasse distinctionem? dices vt dixisti a vicariis præfecti prætorio: & Picenum suburbicarium appellatum, quod erat sub vrbis vicario, annonarium quod sub vicario Italiae. cur non & sic ceteras distinxit, vt suburbicarij notam iis adiceret prouinciis, quas vrbis vicarius regebat,

&

&annonarij, illis quæ regebantur a vicario Italiæ? ita sane factum oportuit. sed vt hæc distinctio locum habere posset, illud etiam fuit necesse, quemadmodum suburbicariæ omnes dicebantur, quas regebat vicarius vrbis, sic annonarias omnes appellatas esse quas Italiæ vicarius administrabat. atqui non omnes annonariæ, sub vicario Italiæ fuere. nam aliquas etiam annonarias sub sua potestate habuit vicarius vrbis, vt Tusciam annonariam. sic nec solas suburbicarias sub se habuit vicarius vrbis, nec omnes annonarias Italiæ vicarius. aliunde igitur quam ab illis petenda ac deducenda suburbicariarum & annonariarum regionum distinctio. & quemadmodum annonariæ regionis appellatio longe antiquior Constantino, sic etiam suburbicariæ.

Ceterum festius es ac plane facetus, quum exemplum vel auctorem requiris, qui suburbicariarum meminerit ante Constantinum. quid? vt nullæ suburbicariæ fuerint antequam Constantinus imperaret? an ille omnium primus, vt aliquæ vicinæ vrbi, ac suburbanæ regiones essent & dicerentur, inuenit, & instituit? si vicinas, si finitimas, si vrbi adiacentes, si suburbanas denique fuisse aliquas ante Constantinum regiones concedis, concede & suburbicarias. quid enim aliud suburbicariæ, nisi suburbanæ? sane nec vrbicarium idem erit quod vrbicum, nisi suburbicarium esse idem quod suburbanum confitemur. quæris tamen & quiritaris, nos sine tabulis, sine teste, sine suffragio,

R

suburbicarias ante Constantinum appellatas affirmare. an nesciebas testes illos omnes qui suburbanaloca, aut suburbanas regiones vsquam nominarunt, testimonium quoque pro suburbicariis nostrisdixisse? suburbanarum prouinciarum facere nemo potuit mentionem, quin & suburbicariarum faceret. Hi sunt, si quæris, qui suburbicariis nostris suffragantur: alios si vis quære testes, aut alias tabulas, nos istis erimus contenti. sed mirum est, cum negare non possis annonarias ante Constantinum de nomine fuisse cognitatas, negare velle suburbicarias. non ignoras Trebellium meminisse annonariæ regionis, & illum vixisse ante Constantinum. si annonaria regio tunc fuit, fuit vtique & suburbicaria. Si Trebellij temporibus Italiæ regiones aliquot annonariæ fuere, atque ita sunt appellatæ, Picenum inter eas iam tunc sic fuisse cognominatum, nullo modo dubitandum est. Si Picenum annonarium tum fuit, etiam fuisse suburbicarium, quis possit dubitare? nec enim annonarium dictum est, nisi ad distinctionem ac discrimen suburbicarij. idem de Tuscia annonaria & suburbicaria dici potest, immo etiam debet. hac apodixi, nulla grammica certior est apodixis. tum igitur tibi concedam negare suburbicarias ante Constantinum fuisse, cum de annonariis recte hoc idem a te negari confitebor. si non potes istud, nec illud posse tibi sperandum est. Perstas adhuc porro & quasi stupidus in hac vna opinione defixus hæres, vt Italia fuerit in duas diuisa diœceses. vnde

hoc expiscatus es? quis auctor tibi fuit huius diuisionis? Notitia imperij tres tantum assignat diœceses præfecto præt. Italiae, Italiam ipsam, Illyricum, & Africam. sic Italia ibi pro vna tantum diœcesi computatur. cur duas facere ex vna tibi libitum est? Duo sane vicarij per Italiam fuere, qui pro præfectis eam administrarent, vicarius nempe vrbis, & vicarius Italiae. sed partes quas regerent, diœceses fuisse dictas, tu primus es, qui nos doces. Hoc nouum aliis videbitur, mihi etiam falsum. Nusquam enim Italia in duas diœceses diuisa, siue Ecclesiasticas velis, seu ciuiles. plures sane tam sacrae quam ciuiles in ea prouinciæ, duæ diœceses nusquam. quod duæ autem diœceses Ecclesiasticæ in ea non fuere, magnum argumentum est, nec fuisse ciuiles. Nam si duæ ciuiles fuissent, ad earum typum etiam constitutæ essent Ecclesiasticæ. id capite insequenti pluribus exequemur, vbi errorem tuum castigabimus, quo septem Italiae prouincias, quas Italiae vicarius regebat, Mediolanensi episcopo subiicis, prouinciamque facis vnâ Ecclesiasticam, quæ diœcesis erat, vt tu quidem putas, ciuilis. atqui plures in ea ciuili diœcesi prouincias fuisse Ecclesiasticas ibi docebimus. reuera igitur fuerit diœcesis Ecclesiastica quam Mediolanensis episcopus moderabatur, si quidem verum sit, omnes illas eum rexisse prouincias, quæ sub vicario Italiae fuere. sed hoc falsum. non fuit igitur Ecclesiastica illa diœcesis, ac proinde nec ciuilibis. sic Italia ipsa tota, vnica erat ciuilis diœcesis,

nec in duas vnquam distributa est, vt nobis persuadere conabar. Italiae porro administrationem sic inter se partitos esse vis duos illos vicarios, vt suburbicarias omnes rexit vicarius vrbis, Italiam vero, hoc est septem Italiae prouincias, qui vicarius Italiae dicebatur, administrauerit. & quia decem prouincias in sua regiminis portione habebat vicarius vrbis, totidem fuisse suburbicarias, somniabundus auguraris. atque haec apta tibi, & concinna partitio videtur. quam concinna sit, tu videris. falsam esse facile ipse video, & mecum omnes videbunt, qui falli nolent. Nam quoniam poterit vera videri, quum verum sit, Tusciam annonariam, quae ab vrbicaria distinguebatur, fuisse quoque sub vrbis vicario? sic vicarium vrbis non solas vrbicarias, sed alias etiam in sua habuisse potestate necesse est. quid ad hoc respondebis? negares certo scio, si negare posses. magnum heic tibi, & paratum effugium occlusum est. quid facias igitur? si mihi credis, tacebis. ita effugies. alias frustra fugam speres, aut ἐξελικτόν. Sed quod ais, si quis ordinem nostrum sequatur, fore vt nec vicario Italiae pareant omnes Italiae suae prouinciae, nec vicario vrbis, solae suburbicae: de vicario vrbis illud quidem verum est, non solas eum rexisse suburbicarias. an hoc poteris inficiari? vtramque Tusciam regebat annonariam & suburbicariam. ergo aliquas in sua potestate habuit prouincias, quae vrbicariae non erant. de vicario Italiae falsum est, quod argutaris, ex nostra partitione futurum, vt non

omnes ei subiectæ sint Italiæ suæ provinciæ. quæ
provincia illi subtrahitur per nostram illam distri-
butionem? dic si potes dicere. dormiebas an vigi-
lans somniabas cum hoc scriberes? vt video dor-
mienti somnia tua tibi imponunt, & vigilans vi-
cissim si quid somniasti, nobis imponere conaris.
sed a te exigere ne mentiaris, postulare esset, vt *lusu*
citharædus abstinere. citius deficeret lusciniolum
cantio quam Sirmondum mendacium & impostu-
ra. Si mentior, ipse Sirmondus esse volo.

C A P V T IV.

ITALIAM cum relatiue sumitur, pro rerum ac personarum
varietate ad quas refertur, modo plures, modo pauciores, interdum
vnam duntaxat prouinciam, comprehendere. Cum simpliciter &
absolute Italiæ nomen ponitur, alias totam Italiam cum urbicariis
regionibus, alias Italiam tantum quæ extra centesimum posita est,
significare. Hoc posteriore sensu Italiam passim in Cod. Theod.
accipi, cum ab urbicariis regionibus distinguitur. Quo sensu
aitur Italiæ dixerit Synodus Sardicensis & Athanasius, item
Hieronymus omnem Italiam in Chronico. Italiæ partem illam, in
qua olim Gallia togata, specialiter aliquando Italiam dictam esse.
Sic appellatam ante Constantinum fuisse. Hinc vicarium Italiæ
dictum quædam partem Italiæ regendam accepit. De Italia medi-
terranea & Transpadana. Hanc prouinciam Italiæ veteribus
dictam. De prouincia Episcopi Mediolanensis. Iterum de subur-
bicariis vt probentur esse suburbana, & centesimo comprehensa.
Canalis Italiæ quid sit. Τὸ κανάλιον τῆς Ἰταλίας.

DE Italiæ angustius sumptæ finibus superiori
capite multa diximus. iterum heic nonnulla
dicenda sunt, & per hanc lineam tecum iterum

mihi ferraducenda est. ego hinc stabo, tu aliter
secus consistes. sic igitur tandem trahemus. Et si
tibi tenax spiritus atque indomabilis est, peruica-
ciam tamen tuam si frangere non potero, saltem
dabitur fatigare. Persuasit te heic ridicula & stulta
opinio, Italiam, ubicunque eius occurrit mentio
apud auctores post Constantinum, non plures
quam septem prouincias complecti, etiam si tota,
etiam si vniuersa Italia dicatur. Huius sententiæ
hæc tibi ratio est, quod in administrationis suæ
parte plures non haberet, qui vicarius Italiæ voca-
batur. longe alia me inuasit persuasio, qui explo-
ratum habeo, huic tuæ opinioni tunc locum tan-
tum esse debere quoties de vicario Italiæ agitur.
tunc enim relatiue Italia de septem tantum pro-
uinciis intelligi debet; quia totidem prouincias,
nec plures, vicarius Italiæ regebat. quemadmodum
e contra, ubicunque fit mentio præfecti prætorio
Italiæ, non septem eas solas prouincias Italiæ no-
mine, sed vniuersam cum vrbe, & vrbicariis regio-
nibus Italiam comprehendi plus quam certum est.
quotiescunque vero simpliciter Italia nominatur,
nec vlla relatio fit, aut ad præfectum prætorio, aut
ad vicarium, tunc Italiam eam solam demum acci-
pi oportet, quæ extra centesimum posita est, & ab
vrbicariis regionibus seclusa. Nam vrbicariæ siue
suburbicariæ regiones intra centesimum conclu-
sæ, & in vrbico territorio constitutæ quodammo-
do de vrbe esse existimabantur & ab Italia distin-
guebantur. Hinc prope infinitis auctorum locis,

qui ante Constantinum, & post Constantinum vixerunt, Italia ea proprie & stricte appellata legitur, quæ a centesimo incipiebat, & ab vrbicaria regione, qua prouinciæ suburbicariæ continebantur, erat distincta. Hoc multis supra testimoniis comprobauimus, & pluribus adhuc infra confirmaturi sumus. Nunc quid nostris rationibus opponas, quid tuis ego reponam obiectionibus, videamus. Italiæ nomen quoties occurrit post Constantinum, nunquam aliter accipiendum putas, nisi de septem prouinciis quas Italiæ vicarius administrabat. id quam falso opineris, ostendam tibi paucis. Comitem Italiæ cum audis, fuit ille post Constantinum, censesne totidem eum prouincias, quot vicarius Italiæ regebat, rexisse? ne a tua opinione recedas hoc censes necesse est. atqui Italiæ tantum tractus circa Alpes sub eius erat dispositione. Notitiam inspicere: *sub dispositione viri spectabilis, comitis Italiae, tractus Italiae circa Alpes.* Spectas mihi Italiam ibi angustissima significatione usurpari, de solo Italiæ tractu circa Alpes: quem tractum qui administrabat, comes Italiæ dictus est. Magister militum præsentium plures præpositos rei militaris sub se habuit, diuersis Italiæ locis & prouinciis impositos. Duos eiusmodi præfectos Notitia ponit in prouincia Italia: præfectum Sarmatarum Gentilium Apuliæ & Calabriæ: præfectum Sarmatarum Gentilium per Bruttios & Lucaniam. Verba ipsa Notitiæ si cupis noscere, ea heic tibi notabo, vt laborem tuum quærendi subleuem:

item in prouincia Italia.

Præfectus Sarmatarum Gentilium, Apulia & Calabria.

Præfectus Sarmatarum Gentilium per Bruttios & Lucaniam.

Vides Apuliam & Calabriam, Bruttios item & Lucaniam in prouincia Italia poni. & tamen superscriptas prouincias Italiae tuae vicarius sub sua dispositione non habebat. Eadem Notitia præposituras Magistri militum præsentium a parte perditum in Italia ita recenset: *in prouincia Venetia inferiore: in prouincia Flaminia: in prouincia Liguria: in prouincia Campania.* Ergo Campania non minus Italiae esse censebatur, licet sub vicario Italiae non esset, quam Venetia, aut Flaminia, aut Liguria, quæ eidem vicario parebant. multi thesaurorum præpositi sub comite sacrarum largitionum per diuersa loca militabant. Ex illorum numero vnum eadem Notitia nouit ac notauit, qui præpositus thesaurorum per Italiam dicebatur. Hic tamen ne totam quidem illam Italiam, quam tuus Italiae vicarius regebat, administrauit. alius enim erat præpositus thesaurorum Mediolanensium, alius Liguriae. Liguria igitur, quod ad præposituram thesaurorum attinet, ab Italia erat seiuncta. sic varie pro rectorum præfectorumque diuersitate accipiebatur Italiae nomen, modo laxius, modo strictius, modo etiam angustissime de vnica tantum Italiae prouincia. Hoc ita in ciuilibus administrationibus obtinebat, nec secus in Ecclesiasticis. Cum Mediolanum dicitur Metropolis Italiae, sic enim apud Theodoretum *μητρόπολις τῆς Ἰταλίας* appellatur, an
totam

totam Italiam dici putabis: qualem quantamque
 præfectus prætorio administrabat? πολλοὶ γὰρ καὶ οὗτοι.
 immo ne totam quidem eam accipi par est, quæ
 regebatur ab Italiæ vicario. nec enim illius Italiæ
 totius metropolita fuit episcopus Mediolanensis,
 sed Liguriæ tantum, aut Italiæ transpadanæ. siqui-
 dem in illa Italiæ provinciæ partes, quæ vicario
 Italiæ suberat, tres fuere Metropoles, siue provin-
 ciæ Ecclesiasticæ, Rauennensis, Mediolanensis, &
 Aquileiensis. Sic Aquileia non minus & Rauenna
 possent Italiæ dici metropoles, quam Mediola-
 num. ita & Treuiros, μητροπὺν τῆς Γαλλίας idem
 Theodoretus appellauit, cum tamen omnium
 Galliarum metropolin fuisse Treuiros nemo dicere
 possit. Longe igitur aliud est quum Italia relatiue
 sumitur, relatione facta ad varios præfides & præ-
 fules a quibus regebatur; tunc enim pro varietate
 præsidum, varie etiam accipitur: aliud vero quum
 simpliciter atque absolute ponitur absque vlla re-
 latione; tunc aut tota Italia cum vrbe, & vrbicariis
 regionibus designatur, aut certe ea sola Italia in-
 telligitur, quæ extra centesimum erat, & ab vrbicariis
 regionibus centesimo comprehensis distin-
 guebatur. & in hac vltima significatione sæpenu-
 mero positum legitur Italiæ nomen, apud aucto-
 res tam qui Constantinum præcesserunt, quam qui
 posteriores Constantino fuere. Dio lib. LII. πᾶσιν
 Ἰταλίαι vocat, quæ extra centesimum, cum Italiæ
 nomine minime donasset eam regionem quæ
 intra centesimum. Trebellius in Tetrico totam

Italiam dixit, & intellexit, quæ ultra centesimum posita erat, exclusis suburbicariis regionibus, ut in eius loci expositione fuse nobis supra demonstratum est. sic intelligenda est Italiæ appellatio quum ab vrbe distinguitur, ut in illa loquutione quæ pluries occurrit apud auctores, ubi dicitur vrbe & Italia alicui interdictum fuisse. nam cum vrbe vr-bicariæ simul regiones, hoc est vrbicum territorium, vel tota vrbicaria regio comprehendebatur. An post Constantinum ita aliquando acceptum sit Italiæ nomen, nunc videndum est. tu negabas, ego aiebam. ita acceptam fuisse vel vnica lex poterat euincere, quam tibi toties opposuimus, cui nihil vnquam reposuisti, nihil respondisti. Nunc tandem aliquid ad eam si potes repone: nam eam heic iterum tibi opponemus. tam sæpe inculcata aliquando fortasse animo tuo insidet, & *duccis* tuam pertundet. sic igitur habet lex u. Cod. Theod. *de integri restitutione*; quæ aperte Italiam a centesimo milliaro separat & excludit his verbis: *Placuit ad interponendam contestationem in vrbe Roma vsque ad anni tricesimi extremum diem spatia prorogari, & intra centesimum vrbis Romæ milliarium, si tamen ab ijs iudicibus qui Romæ sunt, fuerit iudicandum. Per omnem vero Italiam vsque ad anni vicesimi & noni finem.* En centesimum vrbis milliarium, hoc est spatium illud omne quod centesimo comprehendebatur, ab Italia distinctum! en Italiam omnem a centesimo disclusam! quid est Sirmonde? dic tandem aperte, quid sentis? aperi te quæso, & animum tuum heic

nobis ostende. an omnis Italia heic tibi videtur eas septem tantum significare prouincias, quæ vicario Italiæ tuo parebant? hoc certe non dices, quia tibi dicenti nemo crederet. si omnis igitur Italia in hac lege omnes Italiæ regiones complectitur, exceptis quæ centesimo continebantur, quomodo censes accipiendam *omnem Italiam* in illis legibus vbi Italia omnis ab vrbicariis regionibus separatur? ita enim leg. vnica Cod. Theod. *si per obreptionem*, vrbicariæ regiones ab Italia secernuntur: *sinceritas tua idipsum per omnem Italiam, tum etiam per vrbicarias regiones, ac per omne Illyricum prolata huius oraculi auctoritate firmabit.* & leg. i x. Cod. Theod. *de extraordinariis muneribus*: Nos autem non per Italiam tantum, sed etiam per vrbicarias regiones & Siciliam patrimonialium & emphyteuticorum fundorum vires seruandas esse perspeximus. nempe & in his duabus legibus omnem Italiam de septem Italiæ tantum prouinciis intelligi contendes? atqui iam amplius hoc tibi integrum non est, postquam luce clarius ostendimus, non omnes fuisse vrbicarias quas volebas, sed solas eas quæ centesimo terminabantur. sic *omnis Italia* eodem sensu in his duabus legibus posterioribus & in illa quam priore loco citauimus, accipi omnino debet. Eadem quippe est Italia quæ a^o centesimo excluditur, eadem quæ ab vrbicariis regionibus distinguitur.

Scribit D. Hieronymus in Chronico, *Post Auxentij mortem Mediolani Ambrosio constituto, omnem ad rectam fidem Italiam conuersam.* tu more tuo, ex

ridicula illa tua opinione, omnem Italiam eo loco de septem Italię prouinciis capiendam autumas. an septem tantum prouincię, totam tibi Italiam constituent? sed cur septem prouincię solę Mediolani Ambrosio constituto ad rectam fidem conuersę sunt? an quia illę solę septem de fide peruerse sentiebant? an quia nihil iuris in alias habebat episcopus Mediolanensis, ideo solas eas septem, tanquam sedi suę subiectas ad fidem conuertit? atqui falsissimum est, quod tu tamen asseuerasti, omnes istas prouincias sedi Mediolanensi fuisse subiectas. Nam Flaminia & Piceni, quę tamen vna fuit ex illis septem prouinciis, Metropolis erat Rauenna, quę episcopum Mediolanensem nunquam pro Metropolitano agnouit, quin immo episcopus eius *αρχιεπίσκοπος* etiam sibi vindicare ausus est aduersus summum Pontificem. Istria quoque & Venetię Metropolis fuit Aquileia, cuius Episcopus etiam Patriarcha dictus est, tātum abest, vt episcopum Mediolanensem pro superiore aut primatu vnquam habuerit. tu vero qui adeo peritum te facis totius antiquitatis Ecclesiasticę, imperitissime ex illis septem prouinciis, vnā prouinciā Ecclesiasticā constituisti quę Mediolanensi episcopo pareret. Igitur si nihil iuris in supra dictas prouincias habuit Mediolanensis episcopus, cur eas ad fidem conuertisse dicitur Ambrosius postquam Mediolani episcopus est constitutus? si autem aliquas conuertit, quę suę sedi subiectę non erant, cur non & ceteras pariter ad

fidem potuit conuertisse prouincias Italiae, generali significatione sumptae? Maximam fuisse illa tempestate non solum per omnem Italiam, sed etiam per totum Occidentem Ambrosij auctoritatem, sciunt qui historiam illorum temporum lectitarunt. Seuerus Sulpitius lib. 11. de Priscillianistis loquens: *Regressi Mediolanum aequae aduersantem sibi Ambrosium reppererunt. tum vertere consilia, ut quia duobus episcopis quorum ea tempestate summa auctoritas fuit, non illuserant, largiendo & ambiendo ab imperatore capita extorquerent.* De Damaso & Ambrosio loquitur. Hac igitur summa auctoritate Ambrosius, postquam episcopus Mediolani constitutus est, non solum haereticos per prouincias sibi subditas, sed etiam si qui per omnem Italiam a fide deuij fuere, potuit ad rectam viam reducere, & discipulos in gregem compellere. Hoc sensu Hieronymus in Chronico dixit, Ambrosio Mediolani constituto, omnem Italiam ad fidem fuisse conuersam. Hoc eodem sensu scribit idem epist. LXXI. per Theophili Alexandrini epistolas post Christum Romanam & totam Italiam fuisse liberatam. si totam Italiam ibi de septem tantum Italiae prouinciis accipiendam putabis, ita etiam omnem Italiam in Chronico tibi licebit interpretari.

Vt firmares Italiam post Constantinum non plures quam septem prouincias complexam fuisse, nec vnquam aliter apud auctores illorum temporum Italiae nomen accipi debere, Synodi Sardicensis Epistolam in Censura produxeras, quae ab

Italia, vt putasti, hoc sensu Campaniam & Calabriam Apuliamque secludit. nihil illam Epistolam tuæ sententiæ fauere, dilucide & aperte, nisi clausos oculos cæcos habuisses, Epistola ad amicum tibi ostenderat. sed turbatæ & emotæ mentis hominibus omnia perturbata videri, non mirum est. sic arquatis, etiam quæ lutea non sunt, lutea videntur. Vt vero nostrum prouincias cum diœcesibus confuderit, & ab Ecclesiasticis ciuilia non distinxerit, ex his quæ iam dicturi sumus apparebit. nonne tu, vt nunc alia omitam, quæ mox prodentur, ex septem Italiæ prouinciis, quam diœcesin ciuilem constituebas, vnā prouinciam Ecclesiasticam fecisti? Mediolanensi episcopo tres prouincias Ecclesiasticas, hoc est tres metropoles subiecisti? & quum diœcesin multarum prouinciarum complexionem esse exponeres, hanc tamen diœcesin negauisti, quæ tamen tres prouincias complectebatur? Tu, inquam, ex tribus sacris prouinciis Rauennensi, Mediolanensi & Aquileiensi, vnicam prouinciam conflauisti, quæ vni episcopo Mediolanensi pareret. Parum hoc fuit; tu ex toto Occidente multas diœceses complexo, prouinciam vnā vt faceres, ita prouinciam interpretatus es, in versione veteri sexti Niceni canonis, quam ex Vaticana Bibliotheca promisti. i nunc, & argue nos prouincias cum diœcesibus confudisse, aut ciuilia cum Ecclesiasticis miscuisse. Sed verba Synodi videamus quibus illam tuam septem prouinciarum Italiam adstruebas. ἡ αἰγία συνόδος οὕτως

ἡρεῖσα ὑπὸ Ρώμης καὶ Ἰταλίας, Καμπανίας, Καλαβρίας καὶ
 Απουλίας. tu his verbis ab Italia secludi Cāmpaniam,
 Calabriam & Apuliam, affirmabas. ego id negavi,
 quia nulla post Italiam interiecta esset distinctio:
 alioquin ita loqui debuissent patres illos, si idem
 quod tu intellexissent, & ab Italia prouincias illas
 separare voluissent: ὑπὸ Ρώμης, & Ἰταλίας, καὶ Καμ-
 πανίας, καὶ Καλαβρίας, καὶ Απουλίας. quod si ita scripsis-
 sent, haud dubitarem nunc tuæ sententiæ subscri-
 bere. sed cum nulla addita disiunctiua particula,
 post Italiam statim subiunxerint superscriptarum
 prouinciarum nomina, patet non ut eas ab Italia
 distinguerent, ita loquutos esse, sed Italia nomi-
 nata, aliquot etiam notiores Italiæ prouincias, ex
 quibus episcopi ad Concilium conuenerant, no-
 minatim enuenerasse. Hoc idem fecit Athanasius
 in Epistola ad solitarios his verbis: ὑπὸ τε μεγάλης
 Ρώμης καὶ τῆς Ἰταλίας πάσης, Καλαβρίας τε καὶ Απουλίας,
 & Καμπανίας Βρεττίας τε. quid heic habes quod argu-
 teris? an πάσης Ἰταλίας nomine septem tantum Italiæ
 prouincias comprehensas dices? hoc ut efficeres, ut
 verba illa ad sensum tuum torqueres, ita locum
 verteras: *e magna Roma Italiaque vniuersa, ex Calabria,
 Apulia, Campania, Bruttijſque.* Imperitissime, & con-
 tra Græcæ loquutionis fidem. quod enim dixit
 Athanasius Καλαβρίας τε καὶ Απουλίας, non Apuliam
 & Calabriam ab Italia seiunxit, sed eas inuicem
 coniunxit. Calabria siquidem & Apulia simul
 iunctæ prouinciam vnā faciebant. sed quomodo
 accipiendus & vertendus ille locus Athanasij fue-

rit, docuimus in Epistola. vbi ostendimus sic etiam Trebellium in Tetrico loquutum. cum enim Italiam totam dixisset, seiunctis nominatim & recensitis aliquot notioribus Italiae prouinciis, vt Campania, Apulia & Calabria, & Samnio Lucaniaque, reliquas prateriit, & annonariae regionis clausula complexus est. sane quin per πάντων Ιταλίας, vniuersam Italiam intellexerit Athanasius, qui dubitare potest, imperitus est. ita enim passim apud eundem Italiae nomen positum legitur, non de septem prouinciis, sed de tota Italia. Epistola ad episcopos Africanos: ἰκανὰ μὲν τὰ γραφέντα πᾶσι τε τῆς ἀγαπητῆς καὶ συνασπαστρῆς ἡμετέρας Δαμάσου τῆς ἐπισκόπου τῆς Ρώμης, καὶ τῆς σὺν αὐτῇ ἱερέων συνέλθόντων ἐπισκόπων· ὧς δὲν ὁ ἡπῖον καὶ τὰ τῆς ἀγῶν ἡρμοσμένων συνέδων, ἐν τε τῇ Γαλιλῆα καὶ τῇ Ιταλίᾳ πᾶσι τῆς ὑμῶν πίστεως. an & ibi Italiam de septem tantum Italiae prouinciis intelligemus? & in Apologia secunda, pag. DCXXV. καὶ ὅτι καὶ ὅσιος ὁ μέγας ὅσι, καὶ οἱ τῆς Ιταλίας, καὶ οἱ τῆς Γαλιλῆας, ὅς ἄλλοι ἀπὸ Σπυριανῶν, καὶ ἀπὸ Αἰγυπτίων καὶ Λιβύης, καὶ οἱ τῆς Πενταπόλεως πόλεις. nec alio sensu ἀπὸ Ιταλίας in Epistola Constantini apud Eusebium lib. III. de vita eiusdem: ἵν' ὅπως δὲ κατὰ πλεονέχῃ Ρωμῆος πόλιν τε καὶ Αφείκων, Ιταλίας τε ἀπασαν, Αἰγυπτίον, Σπυριανῶν, Γαλιλῆας, Βρετανίας, Λιβύας, ὅλυν Ελλάδα, Ασιατικὴν τε εὐχρησιν καὶ Ποντικὴν καὶ Κιλικίαν μιᾷ καὶ συμφώνῳ φυλάττειν γνώμη. nec aliter apud Gelasium in actis Concilij Niceni: ὅσις ἐπίσκοπος πόλεως Κορδούβης τοῖς κατὰ Ρώμην καὶ Σπυριανῶν καὶ Ιταλίας πάντων καὶ τῆς ἐν λοιποῖς ἐθνεσιν ἐκκλησίας. an alia mente nomen Italiae heic & in

Athanasio

Athanasio tibi positum videtur, quam in Edicto Aureliani apud Eusebium lib. vii. ca. xxiv. vbi hæc verba leguntur? Βασιλεὺς ὁ Αὐρηλιανὸς τοῦτοις νῆμαί πορσαύτων τὸν οἶκον οἷς οἱ κατὰ πλεὺς Ἰταλίαν καὶ πλεὺς Ῥωμαίων πόλιν ἐπίσκοποι τῶ δόγματι ἐπιτέλλοιεν. tibi videatur quod libet, mihi non ita videtur, nec esse quemquam adeo stupidum arbitror, quin mihi assentiatur Ἰταλία ἀπασθῆναι, vt apud Athanasium habetur, & *Italiam omnem*, vt apud Hieronymum est, non septem Italiae prouincias significare, sed vniuersam, quæ omnes Italiae regiones comprehendat. Italia etiam sic accipienda in Epistola Latina Synodi Sardicensis ad Iulium vrbis Romæ episcopum, quæ inter Hilarij fragmenta edita est. ita igitur habet: *Tua autem excellens prudentia dispo- nere debet vt per tua scripta qui in Sicilia, qui in Sardinia, qui in Italia sunt fratres nostri, quæ acta sunt, & quæ definita cognoscant, & ne ignorantes eorum accipiant lit- teras communicatorias, id est Epistolia, quos iusta sententia degradauit.* vellem scire vtrum putes heic Italiam de septem tantum prouinciis intelligi debere. sed quum nulla ibi mentio fiat Campaniæ, Calabriæ & Apuliæ, cui dubium est quin omnes illæ regio- nes Italiae nomine intelligendæ veniant? Igitur ex his omnibus quæ in medium attulimus exemplis constat, quotiescunque in scriptis veterum etiam post Constantinum, Italiae simpliciter facta men- tio reperitur, de omni Italia non de Italiae parte accipi oportere, & multo magis, cum *omnis* adiun- ctum occurrit, aut *tota*, aut *vniuersa*. quis enim tam

rudis aut hebes est, qui totam Italiam de parte tantum Italiæ putet accipiendam? talem te esse non ego sum qui dico, sed ipse de te αὐτοῦ ἐὶ clamas.

Hæc cum ita sint, minime tamen inficiandum est, quin ea pars Italiæ in qua olim Gallia togata, proprie & peculiariter Italia appellata fuerit. Verum eam Italiæ appellationem a Constantini temporibus primum cœpisse, aut ab Italiæ vicariis originem sumpsisse, hoc est quod tuto inficiari possumus. immo vicarius ille qui partem eam Italiæ regendam accepit, ideo vicarius Italiæ dictus est, quod illis regionibus, vt proprium ac peculiare hoc Italiæ nomen hæserit. longe quippe ante Constantini tempora, Plinij etiam æuo, regionibus Cispadum & Transpadum, Italiæ nomen attributum est. Plinius vndecimam Italiæ regionem, *Italiam Transpadanam* vocat, totamque in Mediterraneo collocat. Hæc regio Transpadana, & prouincia Transpadana, & Italia etiam Transpadana passim in veteribus inscriptionibus appellatur. Hæc correctorem etiam habuit, qui corrector Italiæ Transpadanæ dicitur in veteri inscriptione Romana.

CORR. ITALIÆ TRANSPADANÆ.

CORR. CAMPANIÆ.

In hac Italia situm erat Mediolanum: hinc apud Athanasium ac Theodoretum legimus Mediolanum μητρόπολιν τῆς Ἰταλίας appellatum. De hac Italia Transpadana intelligere debemus. Hæc sola pro-

uincia Transpadana Mediolanensi episcopo parebat. & de ista prouincia Italia accipienda est subscriptio in Arelatensi prima Synodo: *Ex prouincia Italiae, ciuitate Mediolanensi, Merocles episcopus.* & in his Ambrosij verbis ex Epistola ad Episcopos Italiae de sanctis Vitale & Agricola: *passi sunt in ciuitate Bononiae, prouincia Italiae:* tu qui de tota ea Italia quæ vicario Italiae suberat, capiendum duxisti, magnopere te traduxisti. Cispadana porro regio, etiam Cispadana Italia dicebatur, & tota Italia Mediterranea quæ in Cispadanam & Transpadanam diuidebatur. Hæc prouincia Italia proprie dicta est, & absolute Italia. Notitia præposituras militares in prouincia Italia Mediterranea percensens, oppida eius hæc nominat. Forum Fuluij, Opitergium, Patauium, Veronam, Cremonam, Augustam Taurinorum, Dertonam, Nouariam, Vercellas, Bononiam, Pollentiam, quæ oppida omnia, partim Liguriæ, partim Æmiliæ & Venetiæ fuere. Inde illæ subscriptiones episcoporum qui Synodo Sardicensi adfuerunt:

Lucius ab Italia de Verona.

Fortunatianus ab Italia de Aquileia.

Seuerus ab Italia de Rauennensi.

Vrsacius ab Italia de Brixia.

Protafius ab Italia de Mediolano.

Nam omnes supra scriptæ vrbes in illa Italia Mediterranea, quæ & Italia proprie dicebatur, erant sitæ. ab ea Italia non solum Campania & Apulia distinctæ, sed & cæteræ Italiae regiones, vt eiusdem

Synodi Sardicensis subscriptiones Episcoporum ostendunt, quæ ita habent :

Maximus a Tuscia de Luca.

Vincentius a Campania de Capua.

Ianuarius a Campania de Benevento.

Stercorius ab Apulia de Canusio.

Calepodius a Campania.

Sed longe clarius id ostendit Athanasius initio Apologiæ secundæ, vbi omnes nominatim prouincias percenset, ex quibus Episcopi ad Synodum Sardicensem conuenerunt: τοῖς δὲ κριθεῖσιν ὑπὸ ἱμερῶν συνεψηφίσαντο μὲν ἐπίσκοποι πλείους τετρακοσίων, ὧς ἐπὶ ἑξήκοντα Αἰγύπτου, Λιβύης καὶ Πενταπόλεως, Πιλαγίνης, Ισαυρίας, Κύπρου, Παμφυλίας, Λυκίας, Γαλατίας, Δακίας, Μισίας, Θράκης, Δαρδανίας, Μακεδονίας, Ἡπείρων, Θεσσαλίας, Αχαΐας, Κρήτης, Δαματίας, Σισκίας, Παγονιῶν, Νωρικῶν, Ἰταλίας, Πικηνῶν, Τροκίας, Καμπανίας, Καλαβρίας, Απουλίας, Βειττίας, Σικελίας, Αφείκης πάσης, Σαρδανίας, Σπυρίας, Γαλιλίας, Βρεταννίων. quinque & triginta heic in totum enumeratæ sunt prouinciæ. ex totidem numero prouinciis Synodum fuisse congregatam scribit idem in epistola ad solitarios his verbis: ἡ δὲ ἀγία συνόδος ἡ ἀπὸ λέξεως πλέον ἐπὶ ἑξήκοντα συνελθούσα, ἐπιγινώσκει πρὸς τὴν Ἀρετινῶν κακότητος ἐδέξατο τοὺς πρὸς Ἀθανάσιον εἰς ἀπολογία. in illis igitur triginta quinque prouinciis recensendis, Italiam pro vna computauit, & a Piceno, Tuscia, Campania, Calabria, Apulia & Bruttis separauit. bono etiam ordine usus est. nam a Pannoniis & Norico, Italiam quia vicinior erat, primam nominauit, deinde ab illa

Italia, Tusciam & Picenum, Italiae proximas, inde Campaniam, Calabriam, Apuliam, & Bruttios, & Siciliam, ac sic totam ordine Italiam peruasit ab Alpibus ad Siciliam usque. Non solum autem Campaniam & Calabriam, & Apuliam & Bruttios ab Italia distinxit, sed etiam Tusciam, & Picenum. ut hinc etiam scias Italiam eam quam Athanasius nominat, non fuisse omnino eandem quæ vicario Italiae parebat, nec inde nomen habuisse, sed eam quam diximus Italiam prouinciam Mediterraneam. Picenum enim etiam erat sub dispositione vicarij Italiae, at non erat in Italia Mediterranea: ideo ab Italia illud discernit Athanasius, ut & Tusciam. quod non fecisset, si Italia tota illa fuisset dicta quam vicarius Italiae administrabat. quippe constat eum cum Flaminia Picenum quoque administrasse. non igitur ea pars Italiae, proprie Italia denominata est, postquam vicarius eam regendam suscepit, sed quum antea iam sic vocaretur, ideo vicarius ipse Italiae dictus est, quia partem illam administrandam accepit, quæ Italiae proprie vocabatur. Anastasius Bibliothecarius prouinciam Italiae eam vocat, & a Tuscia Campaniaque distinguit. sic enim in Stephano quarto: *Protinus antedictus Stephanus Papa aggregans diuersos Episcopos Tusciae atque Campaniae, & aliquantos istius Italiae prouinciae.* idem in Zacharia: *Hic inuenit totam Italiae prouinciam valde turbatam & Romanum ducatum.* & in Stephano tertio: *& de iniquitatis filij morsibus Romanam hanc urbem, vel cunctam Italiae prouinciam liberauit.*

Nunc tu mihi non leuiter pro non leui errore atque imperitia tua castigandus occurris, qui totam eam Italiam, quanta qualisque fuit sub Italiae vicarij dispositione, vnam Ecclesiasticam fuisse censes, quæ episcopo Mediolanensi soli, quasi Metropolitæ suo subesset. Hoc tu ille magnus sacræ vindex antiquitatis, & veterum conciliorum promus condus, nec solum in Censura tua, sed etiam nuper in Aduentoria contendere ausus es, septem nimirum illis prouinciis, quæ diœcesin vicarij Italiae constituebant, vnicam Ecclesiasticam hoc est Mediolanensem, prouinciam contineri? Hoc scribere sustinuisti? *Φεῖ δ' ἀμαθείας καὶ ὀργάνους!* Ducæum Frontonem tuum heic appello qui te super omnes miratur. miratione etiam dignum heic inuenerit, sed multo magis miseratione. vnicam Italiae fuisse diœcesin sub præfecto prætorio supra docuimus, ex decem & septem prouinciis constantem. Hanc in duas partes diuisam ita duo vicarij pro præfecto administrabāt, vt vicarius vrbis decem, vicarius Italiae septem prouincias sumpserit gubernandas. quemadmodum autem in ea parte quæ regenda cessit vicario vrbis, plures erant Ecclesiasticæ prouinciæ, vt Romana, Capuana, Sicula, Sardinienſis, Calabria, &c. sic etiam in altera parte quam vicarius Italiae regebat, plures fuere: tres enim fuisse liquet, Rauennensem, Mediolanensem, & Aquileiensem. Tu vero septem illarum prouinciarum vnicam metropolin fuisse Mediolanum, & vnicum illis Metropolitam præfuisse

Mediolanensem episcopum asseueras. at tantum abest, vt solus ille in illa Italiae parte fuerit metropolitanus, vt etiam legamus Rauennensem & Aquileiensem in Conciliis primo loco subscripsisse, & Mediolanensi praelatos esse. Maxima siquidem post Romanum Pontificem auctoritas Aquileiensis episcopi fuit, qui & Patriarcha dicebatur, & secundum a Pontifice locum facile obtinebat, vt tertium Rauennensis. sic quarto tantum loco, post Aquileiensem & Rauennensem sedebat episcopus Mediolanensis. hinc in concilio Romano quod sub Iulio celebratum est, hunc ordinem tenere metropolitae: *Benedictus Aquileiensis, Rufus Carthaginiensis, Agapitus Rauennas, Iulius Mediolanensis.* in Concilio Aquileiensi sub Damaso, primo loco sedit, Valerianus Aquileiensis, deinde Ambrosius Mediolanensis. Peramplam sane olim & multo ampliorem quam nunc est fuisse constat prouinciam Mediolanensem, sed ita nunquam, vt Rauennensem ecclesiam, aut Aquileiensem iure metropolitico sedi suae subiectas habuerit. Ciuitates porro Mediolanensi olim Archiepiscopo subditas, lubet heic subiicere ex veteri Notitia Bibliothecae Thuanæ, quæ Italiae metropoles hoc ordine recenset, vt Mediolanensem vltimo loco ponat, & Romanam primo, quam in Tuscia collocat. *In prouincia Etruria siue Tuscia, ciuitas Romensium, metropolis. In prouincia Capuensi, ciuitas Capuensis, metropolis. In prouincia Flaminensi, ciuitas Rauennensium, metropolis. In prouincia Venetiensi & Histriensi, ciuitas Aquileien-*

sium, metropolis: ipsa est *Forum Iulij*. In prouincia *Ticiniensi* seu *Liguriensi*, ciuitas *Mediolanensium* metropolis: ciuitas *Vigintimiliensium*, ciuitas *Albingensium*, ciuitas *Vadis*, ciuitas *Genua*, ciuitas *Dertona*, ciuitas *Eporedia*, ciuitas *Taurinis*, ciuitas *Alba*, ciuitas *Astensis*, ciuitas *Aquis*, ciuitas *Vercellis*, ciuitas *Novaria*, ciuitas *Cremona*, ciuitas *Bergomo*, ciuitas *Laude*, ciuitas *Regium*, ciuitas *Parma*, ciuitas *Brixia*, ciuitas *Curia*. Hæ ciuitates omnes metropoli *Mediolanensi* olim fuere subditæ, partim in *Æmia* *Liguria*que, partim in *Rhætiis*, partim in *Alpibus* sitæ.

Stolidus igitur ipse es cum stolide sciscitari me dicis de *Campania* & *Apulia* & *Calabria*, cuius sint prouinciæ, *Italiæne* an *Romanæ*. An non hoc me sciscitari oportuit? cum enim *Italiam* in duas diœceses diuississes, in *Romanam* vel *urbanam*, quæ *urbis* vicario cesserat, & *Italiam* quæ vicario *Italiæ* attributa erat, de *Italiæ* autem diœcesi vnicam prouinciam *Ecclesiasticam* constituisses, episcopo *Mediolanensi* subiectam, quid restabat, nisi vt ex altera quoque diœcesi quam vicarius *urbis* regebat, vnicam faceres prouinciam, quæ *urbis* episcopo tanquam primati suo pareret? sane cum ex tua sententia de *vicariana Italiæ* diœcesi vnica prouincia *Mediolanensis* conflata esset, cur non & eodem modo, altera *vicariana urbis*, & *urbicariarum*, vt putabas, regionum administratio suam quoque, & vnicam non peperit, ac formauit *ecclesiasticam prouinciam*? & quoniam septem illæ prouinciæ quas vicarius *Italiæ* administrabat, vni episcopo

episcopo Mediolanensi erant subiectæ, cur non, & illæ omnes, quas vicarius vrbis regebat, Romano episcopo immediate, vt primati seu metropolitano, non sunt assignatæ? Si vero omnes vrbicariæ regiones, quæ vicario vrbis parebant, prouinciæ Romanæ adscriptæ non sunt, nec Romano episcopo subditæ, cur eas omnes, quæ sub vicario Italiæ fuere, vni episcopo Mediolanensi gubernandas assignasti? cum Ecclesiasticas prouincias & administrationes ad ciuiliū formam constitutas esse tibi non placeat; qua de causa, in episcopi Mediolanensis prouincia ita obtinuisse censes, in Romanæ non obtinuisse? ante vicariorum vrbis & Italiæ institutionem, nulline per Italiam episcopi fuere constituti? nulline episcopi in subiacentibus & vicinis vrbi regionibus extitere? Romana Ecclesiastica prouincia fuit nulla, cuius curam ageret episcopus Romanus? an Mediolanensis, Rauennensis, Aquileiensis, vt de ceteris taceam, metropolitæ tunc nondum erant? qui sunt igitur illi episcopi per vrbem & Italiam qui in edicto Aureliani memorantur apud Eusebium lib. vii. hist. Eccles. cap. xxiv. Βασιλεὺς ὁ Αὐρηλιανὸς τοῦτοις ἡμῶν πατριῶν τὸν οἶκον οἷς οἱ κατὰ τὴν Ἰταλίαν καὶ τὴν Ρωμῆαν πόλιν ἐπίσκοποι τῶ δόγματι ἐπιτέλλοιεν. isti qui per vrbem Romam & Italiam episcopi heic nominantur, quam ad formam erant constituti? vrbis Romæ episcopus quam prouinciam tunc habebat? sub quibus metropolitanis reliqui illi per Italiam episcopi? *Nondum*, inquis, *Italia in duas diœceses erat*

diuisa. nunquid & nondum Ecclesiastici regiminis erat forma constituta? Hæc tua videtur esse sententia. Postquam igitur ex tota Italia duæ diœceses ciuiles factæ sunt, quæ a duobus vicariis regerentur, stabilita tandem etiam est Ecclesiasticæ gubernationis forma. sic diœcesis Italiæ, episcopo Mediolanensi tota subiecta est. cur hæc eadem forma in episcopo Romano obseruata non est, nec ille itidem alteram diœcesin totam gubernandam accepit, quæ a vicario vrbs regebatur, quemadmodum Mediolanensis Italiam omnem, quæ vicario Italiæ suberat, vt prouinciam suam iure metropolitæ administrabat? cur denique in diœcesi vrbicariarum regionum plures fuere Ecclesiasticæ prouinciæ, quarum fuit vna Romana; per Italiæ vero diœcesin vnica constituta est, eaque Mediolanensis? Profecto si Mediolanensis episcopus totidem illas sub se prouincias habuit, quas sub sua dispositione habebat vicarius Italiæ, oportet prouinciam Mediolanensem, ad typum vicarianæ diœcesis fuisse formatam: siquidem prouincia illa Ecclesiastica, ex totidem prouinciis ciuilibus constabat, quot vicarij Italiæ diœcesis. sin autem Mediolanensis prouincia, ante quam vlli instituerentur vicarij, iam constituta erat, & totidem prouincias ciuiles complectebatur, quot vicario Italiæ postea administrandæ sunt attributæ; sequitur necessario, Italiam proprie ac peculiariter iam tum fuisse appellatam illam Italiæ partem, quæ Galliæ rogatæ olim nomine censebatur, antequam vlli

vicarij per urbem Italiamque essent instituti. at volebas Italiam eam sic proprie vocari cœpisse, ex quo vicarius Italiæ creatus est. sic quocunque te vertes, non habebis quo te vertas. primum constat Mediolanensem prouinciam, non omnes ciuiles prouincias complexam fuisse quas vicariana Italiæ præfectura complectebatur, vt nec Romānam prouinciam omnes sub sua metropoli prouincias habuisse, quas vicariana urbis potestas sub sua dispositione habebat. nihil igitur in forma Ecclesiastici per Italiam regiminis, ex vicariorum institutione immutatum est. nihil ad ciuilis eorundem administrationis exemplum typumque constitutum est. Deinde certum etiam & exploratum est, vrbicarum regionum appellatio quemadmodum a vicariis urbis originem non sumpsit, sic nec Italiæ angustius sumptæ appellationem ab Italiæ vicariis manasse aut initium cepisse. nam multo ante quam urbis & Italiæ vicarij instituerentur, vrbicaræ & suburbicaræ regiones dicebantur, quæ in vrbico territorio sitæ, centesimo lapide terminabantur, quæque ad iurisdictionem præfecturæ vrbicæ pertinebant. ideo etiam suburbicaræ appellatæ, quia nullæ magis essent suburbanæ. Italia etiam vocabatur pars illa Italiæ Mediterranea, Cispadana Transpadanaque, quam olim Gallia togata occupabat. creatis igitur & institutis a Constantino præfectis prætorio Italiæ, qui tres diœceses regerent, Italiam, Illyricum & Africam, Italiæ diœcesis duobus vicariis pro præfecto re-

genda data est. Horum vnus qui Italiam Mediter-
raneam sumpsit administrandam, vicarius Italiae
dictus est: alter qui vicarius vrbis est appellatus,
cum vrbe & vrbicariis regionibus, quæ numero
paucæ fuere, vt centesimo comprehensæ, reliquas
Italiae prouincias, & in his Siciliam, Corsicam &
Sardiniam administrationi suæ commissas rexit.
quemadmodum autem Romana prouincia quæ
suburbicariis ecclesiis a Ruffino circumscribitur,
& subuurbicariis locis a Vaticano interprete deter-
minatur, non omnes sub se prouincias habebat,
quæ vicario vrbis parebant, (nec enim suburbica-
riæ omnes dicebantur, quæ sub vicario vrbis
erant) ita nec Mediolanensis episcopus omnes
eas prouincias sedi suæ subiectas habuit, quæ vica-
rij Italiae dispositioni subiacebant.

Suburbicarias porro vrbicariasque regiones, eas
solas fuisse dictas quæ suburbanæ essent, quæque
in vrbicario territorio constitutæ centesimo ab
vrbe lapide continerentur, etsi iam in superiori-
bus satis abundeque probatum est, nunc etiam
alio argumento vincam, quod ἀρρηκτον esse, &
ἀνὰ τὴν πόλιν, nisi fateris ipse, omnes æqui bonique
fatebuntur. Valentinianus Vrsicinum relegarat,
exiliumque eius vno intra Gallias loco circum-
scripserat: mox liberiore indulto exilio, & inde
abscedendi facta copia, quocumque vellet etiam
euagandi, sub ea conditione potestatem dedit, ne
in urbem vel suburbicarias regiones pedem infer-
ret. verba rescripti, vt apud Baronium legitur anno

Christi CCCLXXVII. ita habent: *Dudum Vrsicini inquietudine prouocati, fauentes concordiae populi Christiani, quinetiam urbi sacratissimae prouidentes, uno interim loco, intra Gallias dumtaxat, perturbatorem tranquillitatis publicae statueramus iure cohiberi, scilicet ne applicatione morum late dissensionis incommodum spargeretur. verum naturae nostrae mansuetudine leuigati, ita memorato abscedendi copiam, ne ad urbem Romam vel certe suburbicarias regiones pedem inferat, neque nequitiae suae contagionem conetur infundere. Datum est hoc rescriptum ad Ampelium praefectum urbi. eodem porro exemplo etiam rescripserunt iidem imperatores ad Maximinum vicarium urbis, hoc modo inter alia: ex quo oritur ut Vrsicino quem propter quietem populi Christiani, & debitam religioni ac legibus disciplinam, uno interim loco morari intra Gallias iusseramus, discedendi copiam fecerimus sub ea conditione, ne vagandi arbitrium praerberemus, neue ad urbem Romam vel regiones suburbicarias valeat commanere. Nunc te mihi da, Sirmonde, tantisper, & ades dum, quaeso te, ut hanc rem pensitatus mecum consideres. suburbicariae tibi sunt regiones Sicilia, Corsica, & Sardinia, nimirum quia sub vicario urbis essent: at Picenum & Flaminia ideo tibi inter suburbicarias non computantur, quia vicario Italiae parebant. Sicilia quingentis aliquot millibus passuum plus minus ab urbe distabat, transmarina erat, extra Italiam posita erat. longius etiam ab urbe & Italia summo-
tae, & magis etiam transmarinae Corsica Sardinia-
que; Picenum vero cum Flaminia, etsi extra cen-*

tesimum situm, tamen ad centesimum erat pos-
tum, tamen intra Italiam, & centum tantummodo
millibus passuum ab vrbe dissitum. Tuam fidem
Sirmonde, an ratione tibi videtur vsus Imperator,
vt Vrsicinum intra Gallias relegatum ab ea parte
Italix qua Romam e Gallia venientibus iter est,
qua facilis ad urbem & suburbicarias regiones ac-
cessus datur, non solum Italiam ingredi permise-
rit, sed etiam regiones prope centesimum positas,
ab altero vero Italix latere, vnde minime veren-
dum erat, ne ad urbem accederet, ita longe sub-
moueri voluerit, vt non tantum Italix ab ea parte
ingressu, sed etiam Siciliæ, Corsicæ, Sardiniaque
accessu prohibuerit? hoc tu verisimile credis? hoc
credibile censes? an potes aliquam rationem ede-
re, aliquid causæ dicere, cur Imperator Vrsicinum
ab vna parte tam longe ab vrbe repulerit, ab altera
tam prope accedere passus sit? Certe qui Vrsicino
liberam vagandi potestatem ita dederat, ne ad
urbem aut suburbicarias regiones accederet, Pice-
num & Flaminiam accedere non prohibuit, quia
suburbicariæ non erant; Siciliam vero & Corsicam
& Sardiniam intrare vetuit, quia tuo iudicio subur-
bicariæ fuere. quid absurdius autem dici vel fingi
potest? vt Asculi vrbis ingressus per illud edictum
Valentiniani, Vrsicino patuerit, quæ vrbs in Pice-
no annonario sita, ad centesimi fines erat posita;
Sardinia vero & Corsicæ Siciliæque aditus fuerit
interdictus, quæ prouinciæ tot centum millibus
ab vrbe distabant, & mari etiam interiecto ab Italia

diuidebantur? ideo Vrsicinum & eiusdem erroris consortes non solum vrbis, sed etiam suburbicarum regionum aditu se prohibuisse refert Imperator in eo rescripto, ne ex vicinitate hominum inquietorum turbæ in vrbe mouerentur, & populus ad vociferationes & tumultus excitaretur. *sic enim, inquit, mansuetudinis nostræ indulgentiam te nperemus, ne occasione præstita vicinitate inquietorum ad aliquam forsitan vociferationem religiosi populi studia prouocentur.* cur igitur eos ab vna parte vrbis non longius quam ultra centesimum ab vrbe summo-uit, ab altera vero, ultra quingenta aliquot millia-ria summos, nec Italiam solum intrare vetitos, sed etiam prouinciarum aliquot transmarinarum, & extra Italiam positarum accessu prohibitos, exulare voluit? an vicinitas eorum ex illa parte magis vrbi nocere poterat, quam ex alia? immo minus. nec enim e Galliis intra quas primo relegati fuerant Romam tendentibus iter per Siciliam est, sed per illam alteram partem. ea parte tamen non longius ab vrbe pelluntur quam vt ne centesimi fines ingrediantur. si nulla ratio est quare longius hinc quam illinc ab vrbe pelli sum-mouerique debuerint, necesse est, certum aliquod spatium extra urbem quasi circino ductum acci-piamus; intra quod spatium ingredi & consistere edicto suo vetuerit Vrsicinum Valentinianus. ita moris etiam hodie est principibus, cum alicui aula sua vel Regia vrbe interdicunt, sic abesse iubere, vt dicis gratia, decem leugis propius, aut viginti per

circuitum, urbem illam vel aulam ne accedant. Romani principes ut plurimum, huiusmodi expulsionem ab urbe qualibet, centum millium spatio definiebant. leg. II. Cod. Theod. de episcopali iudicio: *Sancimus itaque hac lege ut quicumque residentibus sacerdotibus fuerit episcopali loco detrusus & nomine, si aliquid vel contra sententiam vel contra quietem moliri fuerit deprehensus, procul ab ea urbe quam indignus infecit, secundum legem diuæ memoriæ Gratiani centum millibus vitam agat, sit ab eorum cætibus separatus, a quorum est societate discretus, careat urbe quam tenuit.* Hoc autem centesimi spatium eo magis in iis qui urbe Roma pellebantur, seruari solebat, quod urbis territorium iurisdicçãoque vrbicæ præfecturæ centesimo lapide terminaretur. ideo quibuscunque urbe interdiceretur, etiam centesimi finibus excedere iubebantur, hoc est terminos egredi vrbicarię regionis. infinita huius relegationis cum facile colligiqueant exēpla, vnicum tātum modo ponam quod ad rem facit. Theodosius schismaticos qui sese a communione Papæ urbis Romæ segregauerant, ultra centesimum ab urbe iubet expelli, leg. LXII. Cod. Theod. de hæreticis. verba legis hæc sunt: *circa hos autem maxime urgenda commotio est, qui prauis suasionibus a venerabilis Papæ sese communione suspendunt, quorum schismate plebs etiam reliqua vitiatur. his conventionem præmissa, viginti dierum condonauimus inducias, intra quos nisi ad communionis redierint unitatem, expulsi usque ad centesimum lapidem solitudine quam eligunt macerentur.* sic igitur & in Valentiniani rescriptis
supra

supra citatis, quibus Vrsicino tam vrbe quam suburbicariis regionibus interdicitur, non vltra centesimum suburbicarias illas regiones patuisse censendum est, sed vicinas, & vrbi circumiacentes regiones æqualiterq. ab vrbe vndiquaque distantes accipere par est. atque hæ sunt suburbicariæ regiones, hoc est suburbanæ, quæ centesimi milliarij ambitu clauderentur, quæque intra vrbis territorium constitutæ, vrbicariæ etiam inde dicebantur. quare idem erat, si quis vltra centesimum vrbis milliare pelleretur, & suburbicariarum regionum finibus excedere iuberetur. quod vt certius constet, sciendum est eundem Vrsicinum, quem Valentinianus senior pedem in suburbicarias regiones inferre prohibuerat, Valentiniani iunioris edicto, vltra centesimum vrbis milliare fuisse quoque expulsus. rescripti exemplum apud Baronium extat ad annum Christi, CCCLXXXI. ex eo hæc verba sunt inter alia: *at nonne absurdus est quod Vrsicini iussit amentia, quam quod serenitas nostra mitibus persuasit edictis, vt omnes qui impios catus profanata religione tentarent, ad centesimum vrbis milliare pellerentur?* & sub finem: *post hæc nisi omnes, vt nominatim iussionis nostræ summa complectitur, vel quos turbas istiusmodi molientes sanctorum episcoporum concilia consensu ostenderint, vltra centesimum milliarium ab vrbe depuleris, atque earum ciuitatum finibus extorres esse præceperis, quarum plebem vel ecclesias vel per se, vel per simile sui vulgus exercent, præter aestimationis iniuriam cuius apud bonos non levis iactura est, piaculum neglectæ sanctionis*

incurres. vides eos ab vrbe Roma nominatim vltra centesimum expelli, aliarum vero ciuitatum finibus simpliciter extorres fieri, quia scilicet aliarum ciuitatum fines, non vsque ad centesimum milliare patebant, vt vrbis Romæ. centesimi igitur milliarij terminus, & suburbicariarum regionum idem omnino fuit. sic lex xii. Cod. Theod. *de integri restitutione*, centesimum ita ab *omni Italia* secludit, vt lex vnica, *per obreptionem*, eodem Cod. *omnem Italiam* ab vrbicariis regionibus separat. & lex item ix. *de extraordinariis muneribus*, vrbicarias easdem regiones, ab Italia Siciliaque distinguit.

Sed quoniam in Italia adhuc sumus, breuiter heic & obiter explicabimus, quid sit ὁ κανάλιον τῆς Ἰταλίας apud Athanasium Apologia secunda, pag. dxcv. postquam enim commemorauit episcopos qui Concilio Sardicensi interfuerunt, ex Hispania, Roma, Italia, Gallia, Africa, Ægypto, ita subiungit: οἱ ἐκ τῆς κανάλιος τῆς Ἰταλίας, Πελοπόννησος, Βιάντων, Φαλαγγίδιος, & ceteri. male ibi interpretes *Canalium Italiae* reddunt, & de loco Italiae quodam sic nominato intelligunt. ὁ κανάλιον Latina vox est cum Græca terminatione. ὁ κανάλιον igitur est *canalis*: vt ὁ βρέγιον, est *breuis*: Græci enim breuem ὁ βρέγιον appellant. *Canalis* autem Latinis significat viam publicam, in qua cursus publicus explicatur. ita accipitur leg. xv. Cod. Theod. *de cursu publico*. neque tamen sit cuiusquam tam insignis audacia, qui parangarias aut paraueredos in ciuitatibus ad canalem audeat commouere. & leg. ii. cod. Cod. *de curiosis*, his verbis: *nec*

vero multos esse per singulas provincias iussimus, quippe
sufficit duos tantummodo curas genere, & cursum publicum
gubernare, ut licet in canalibus publicis hæc necessitas ex-
plicetur, numerus tamen amplior esse non debeat. sic etiam
ὁ χημάλιον ponitur Can. xxi. Concilij Sardicensis: καὶ
τὸ τοῦ δὲ ἐκείθεν μάλιστα γνώριμον γνήσεται, καὶ πληρωθήσεται
ἐὰν ἕκαστος ἐκ μέρους τῆς ἐν ταῖς παρόδοις ἢ ἐν χημάλιω καθεστώτων
ἐπισκόπων θεασάμενος, ἐπισκοπὴν ἐπιζητοῖν πλεὺς αἰτίας τῆς
παρόδου καὶ ποδὶ πλεὺς πορείας ποιῆται. ὁ χημάλιον, παρόδοις
ipse Canon interpretatur. Balsamon & Zonaras,
δημοσίας ὁδοὺς, δι' ὧν διέρχονται οἱ ἐξοδῶντες ἀδελφικόπως,
ὡς δίδουν ἐν ὑδραγωγίᾳ τὸ ὕδωρ. χημάλης γὰρ ἀγωγὴς ὕδατος
λέγεται, ἢ ὅτι λέξις Ρωμαϊκὴ. χημάλιον igitur est canalis.
at Baronius perperam *canalium* Latine reddit, quod
idem est ac si quis *breuium* Latine diceret, quia
Græci breuem βρέβιον dicunt. Episcopi igitur apud
Athanasium, οἱ ἐν ταῖς χημάλιω τῆς Ἰταλίας, hoc est
in canali Italiæ constituti, erant episcopi earum
Italiæ ciuitatum, per quas publicus cursus ageba-
tur, & quæ in viis publicis erant sitæ. *peruias* hu-
iuscemodi vrbes vocat Ammanianus: ut contra
denia oppida Ciceroni in Philippicis quæ extra viam
publicam erant posita. Glossæ veteres Concilio-
rum manuscriptæ *canalem* strictam viam & angu-
stam inter montes interpretantur. ita enim ha-
bent: *Thymelici, ioculatores, comitatus, ubi potestas est. in*
canali, ubi via angusta inter montes est. sine dubio
respexit huius glossulæ auctor ad illa verba can.
xxi. Sardicensis, *si unusquisque vestrum qui in transitu*
seu canali constituti estis episcopi. ἐν ταῖς παρόδοις, ἢ ταῖς

ἡτοιμασθαι. ita legendum in Græcis, non vt vulgo, ἡτοιμασθαι. sic habent omnes scripti codices. sed hæc alias.

CAPVT V.

DE numero suburbicariarum, nihil certius esse quam quattuor eas fuisse. Hoc probari ex leg. 1. Cod. Theod. de calcis coëtoribus, quæ non plures numerat. Omnes intra centesimum ab vrbe fuisse comprehensas. Quidquid Vmbria intra centesimum erat, Piceno attributum, Piceni suburbicarij nomine venisse. Latinam regionem siue Latinam Campaniam, vtrumque Latium complexam, in suburbicariarum numerum recte relatum esse ab auctore epistola. Cur in descriptione prouinciarum Italia Latina regio vel Latium locum non habeat inter Italia prouincias. Ex duabus Italia prouinciarum descriptionibus, antiquam pro recentiore, & vice versa quæ recens est, pro vetusta perperam laudari ab auctore Aduentoria. Quattuor suburbicarias has fuisse, Tusciam suburbicariam, Picenum suburbicarium, Valeriam, & Latinam regionem. Valeriam a via Valeria denominatam, antiquam esse prouinciam. Intra quattuor harum regionum fines centesimo circumscriptos iurisdictionem habuisse præfectum vrbi. De præfecturæ urbicæ terminis pugnantiâ scripsisse Sirmondum in Censura & in Aduentoria. De iurisdictione vicarij vrbis. Symmachi epistolæ recta expositio.

RÆCIPVVS Aristarchi nostri labor est, vt victus non cedat, conuictus non fateatur, toties deuictus tamen iterum rebellet. Sed omnes vires suas tandem collegit, vt eas in hoc postremo conatu effunderet. quod voluit, & quod voluimus efficit. eas quidem, sed in ventum & vacuum effudit, & effusus ipse super, cum totis viribus ad solum datus, sic solidum

inuenit. Suburbicarias ille regiones intra centesimum contineri quantopere indignatus est. quid non fecit ut hoc ne fieret? quam ægre hoc sibi de mente ac manibus cripi & extorqueri passus est! nihil non mouit, ut ab hac opinione non demoueretur. Siciliam, Corsicam, Sardiniam, quæ a suburbicariis regionibus distinguuntur, cum in Notitia imperij, tum in Codice Theodosiano, suburbicarias tamen esse vi & ingratiis voluit. Apuliam, Calabriam, & Campaniam quæ diuersæ a suburbicariis regionibus apud eosdem auctores notantur, vellent, nollent, hunc titulum subire coegit. de duabus Tusciis, suburbicaria annonariaque, suburbicariam fecit vnam, nec eam quæ annonaria dicebatur a suburbicaria distinxit, ut passim distincta legitur apud auctores. Nouam præterea Grammaticam instituit, & nouæ Latinitatis auctor extitit, ut *suburbicarium* scilicet non esset idem quod *suburbanum*, sed prouincia *suburbicaria* diceretur, quæ sub vrbe erat vicario posita. Hæc omnia Censor ille, ut viam sibi muniret ad suburbicarias ecclesias per totum Occidentem construendas, ipsumque adeo Occidentem suburbicarium constituendum. Præcipuus vero, Sirmonde, tuorum duumvirum si scire cupis, labor hic fuit, ut tu in euertenda veritate quam ipsi adstruxerunt, incassum laborares. sic non illi frustra sudarunt, quia tu frustra. illi duumviri ut video tibi negotium facessunt: sed quod magis te vrit, iuuenes sunt.

Ω ἥν, ἢ μέλα δὴ σε νέοι τέττοισι μαχηταί.

Parum esset, si senex tantum esses, sed ἥν εἰ καὶ μωρός. Nam quæ maior stultitia est, quam te id ætatis, non solum per te non sapere quid rectum sit, sed etiam ab aliis monitum discere nolle? Hoc licet nolis, tamen te docebo:

Νέος γέγονα παιδαγωγῆσω σ' ἐγώ.

De suburbicariis regionibus, quæ proprie sic dictæ forent, & vnde hoc nomen inuenerint, iam diximus, nunc quot numero fuerint, dicendum restat. Hoc ipsum equidem iam docueramus in Epistola ad amicum; sed quoniam quæ ibi scripsimus, in tuo lapideo cerebro nondum satis commalleolata sunt, iterum heic ea inculcemus, vt validius imprimiqueant. quattuor fuisse suburbicarias plus satis confirmari putabam ex leg. 1. Cod. *de calcis coctoribus vrbis Romæ*, quæ ad præfectum vrbi data est, & in qua regiones tantum quattuor vrbicariæ nominantur. nam in ea lege ita legendum esse ostendimus: *vecturarios etiam ex quattuor regionibus suburb. præcipimus dari*. Heic tu vt inepte facetum te faceres, ex pessimis magistris hoc est calcis coctoribus, quattuor suburbicarias regiones esse, didicisse nos iocaris. sed optimum tibi esse censeo, vt iocos nunquam attingas: nihil salibus tuis insulsius. scholasticum pingue redolent, & pædagogicam fatuitatem. scilicet quasi coctores illi calcis quorum in lege mentio est, & non lex ipsa quattuor fuisse suburbicarias nos docuerit, quæ quattuor tantum ponit. sed vnde tu, aut ex

quibus doctoribus, o famæ tuæ decoctor, decem eas numero fuisse didicisti, quæ quattuor tantum fuere? *Hoc Notitia*, inquis, *imperij docet*. quomodo id docet? decem Italiæ prouincias sub vicarij vrbis dispositione recenset, & vnâ inter eas tantum suburbicariæ cognomine notanter insignitam. an tu illas omnes decem suburbicarias esse voles, cum vna tantum suburbicaria nominetur? non igitur imperij Notitia, cuius notitiam nullam habes veram, sed inscitia tua, & pertinacia te decem suburbicarias esse docuit. cui doctrinæ, etsi alia omnia suffragarentur, vel nomen ipsum ac notio suburbicariarum maxime refragatur. cum enim suburbicariæ sint suburbanæ, quasdam prouincias sub dispositione vicarij vrbis constat fuisse, non tantum non suburbanas, sed etiam extra Italiam positas, vt Siciliam, Corsicam, & Sardiniam. Scio tamen Ciceroni secunda Verrina, Siciliam suburbanam prouinciam dici. Sed sciendum est Ciceronis tempore nullam fuisse prouinciam intra Italiam. ex transmarinis autem prouinciis nulla viciniore erat Sicilia, vt pote quæ angusto freto ab Italia disiungeretur. ideo suburbanam eam prouinciam appellat, & Florus quodammodo suburbanam, quia nulla tunc magis fuit suburbana. postquam vero Italia ipsa in multas prouincias diuisa est, & singulis Italiæ regionibus consulares rectores & præsidēs impositi sunt, suburbicariæ vel suburbanæ exinde proprie appellari cœptæ, quæ viciniore vrbi essent, & sic porro κατ' ἐξ ὀνόματος nominatæ, quæ

centesimo continebantur, & in vrbicaria regione erant sitæ, quia nullæ magis suburbanæ. atque hæc quattuor in totum numero fuere. quod igitur male didicisti, nunc tibi bene dediscendum est.

De Piceno, inquis, & Tuscia quin suburbicariæ sint, quia ambigi non posse intelligunt, de reliquis duabus inter se non consentiunt. Nec igitur ipse ambigis quin Tuscia & Picenum suburbicariæ fuerint. de Tuscia bene est, quod heic fateris eam fuisse suburbicariam. vnde ergo suburbicaria illa dicta est? superfluum est quærere, cum certum sit te ideo suburbicariam censere dictam quod sub vrbis esset vicario: sed magis erat quæstionis, cur altera Tuscia, quæ fuit quoque sub vrbis vicarij dispositione, annonaria sit appellata, quum suburbicaria etiam dici debuerit. Hoc si ex te quæram, quid respondebis? quam rationem distinctionis allegabis? cum vtræque sub vicario vrbis esset, vtræque suburbicaria, cur alteri suburbicariæ cognomen hæsit, alteri nunquam id cognominis tributum est? atqui si suburbicariæ omnes appellatæ, quæ vicario vrbis parebant, hæc annonaria Tuscia, quæ sub eodem vicario fuit, cur non & suburbicaria cognominata est? immo cur ab altera quæ sic cognominabatur distincta est? cur ex vna Tuscia duæ factæ, & hac nota inuicem discretæ sunt, quum tota ab vno eodemque vicario regeretur? hunc locum supra pluribus tractauimus. Expedi igitur hinc te si potes; si minus potes, æternum hæreas licet in hac lutosa voragine defixus, more mali Aruernatis, iam defessi, ac plus iusto

iusto onerati. Magnus mihi vir eris, si ex hoc cœno plantam euellis. Nobis expedita & in promptu ratio est, qui suburbicariam Tusciam inde vocatam probauimus, quod suburbana esset, & vrbicariam quod in vrbicaria regione, hoc est vrbis territorio situm haberet, & intra centesimum comprehenderetur. Alteram vero Tusciam quæ extra centesimum posita erat, annonariam appellatam ad discrimen suburbicariæ, & propter eas quidem quas superius exposuimus rationes. Pars autem ea Tusciæ, quæ suburbicaria dicebatur, quin tota intra centesimum sita fuerit, ne te quidem qui negare posses solem de die lucere, negaturum esse confido. de Piceno suburbicario, vbi nomen est idem, cur non & eadem sit nominis ratio? sed Picenum ideo suburbicarium quasi suburbanum dici nolebas, quia totum, vt volebas, extra centesimi fines esset positum: Umbriam contra suburbicariam negari nobis esse ineptum tibi videbatur, quæ tota, vt rebaris, intra centesimum erat. Hoc indignabaris, hoc moleste ferebas. nunc quantum ad hanc rem, animo tranquillo esse potes & quieto. Iam enim tibi supra demonstratum est, quidquid Umbriæ intra centesimum continebatur, vna cum Sabinorum regione, Piceno olim vindicatum, & Piceni suburbicarij nomine fuisse comprehensum. Fixum igitur istud tanquam trabali clauo maneat, cum suburbicariæ Tusciæ, tum Piceni suburbicarij, non aliam fuisse cognominis causam ab ea quam diximus, nec plures ab illa parte vrbis, quæ

versus Alpes spectat, suburbicarias fuisse. Nec enim ex eo suburbicariæ dictæ possunt videri quod essent sub vrbis vicario; alioquin annonaria etiam Tuscia, suburbicaria etiam dicenda foret, quæ sub vrbis etiam vicario fuit. sic discrimen confunderetur annonariæ suburbicariæque Tusciæ, quo passim veteribus istæ duæ solidæ Tusciæ partes inuicem distinguuntur. Duas igitur iam habemus ex illis quattuor, etiam tua confessione suburbicarias, *Picenum & Tusciam*. De reliquis duabus, verum est, me ab Anonymo coniectore dissentire, cum in aliis fortasse inter nos consentiamus. Duas ille, quæ restabant quærendæ, suburbicarias in vtroque Latium reperiebat, veteri & nouo, & vtrumque Latium pro duabus computabat. Ego vero totum Latium, vetus & nouum, pro vna regione vt par erat numerando, hac posita tertia, quartam ad explendum numerum adtexebam *Valeriam*. quam prouinciam a Valeria via nomen sumpsisse, & totam intra centesimum fuisse liquet. Hanc nostram de Latina regione & Valeria sententiam ita multis & certis rationibus in Epistola amici comprobauimus, vt doctis etiam ferme omnibus adprobauerimus. Tu solus, repertus es qui reclamares, domine quondam Rector. tu inquam, cui recta curua sunt, qui curua pro rectis habes. an mirum est tam peruerso cum sis ingenio natus, eam te improbasse, quæ aliis omnibus proba & recta visa est? ac de Latina primum regione stomachabundus indignaris, eam in suburbicariarum

numero reponi, facinus hoc esse, clamitans, mentis errorem, & audaciam. sed quæ dementia ista, vel quæ audacia est, dic nobis, o modestiæ tu & sapientiæ specimen, Latinam regionem quæ Latium vtrumque complectebatur, vnâ ex suburbicariis facere, quum totam suburbicariam fuisse, totam intra centesimum conclusam ne tu quidem possis inficiari? at tu non solum suburbicariam negas, sed etiam nullam fuisse vis, quia in recentioribus Italiæ prouinciarum descriptionibus, Latij aut Latinæ regionis nomen nusquam legitur. eodem exemplo etiam neges licebit vllam fuisse Tusciam suburbicariam: Nam nulla suburbiciæ Tusciæ mentio fit, in illis ipsis descriptionibus prouinciarum Italiæ, quæ hodie in antiquis Bibliothecis extant. neutra sane ex illis duabus, quas posuisti, prouinciarum Italiæ notitiis, Tusciæ suburbiciæ nomen aut mentionem exhibet. Tuscia enim illa quæ cum Vmbria in vtraque descriptione coniuncta habetur, aut annonaria sola fuit, aut tam annonariam quam suburbicariam complexa est. Igitur si cum duæ essent Tusciæ, vna tamen tantum in omnibus quæ extant Italiæ prouinciarum notitiis ponitur, cur similiter Latina regio suburbicaria non erit, & vna de suburbicariis regionibus, licet sub alia prouincia comprehensa? sic enim suburbicaria aliqua fuit Tuscia, & diuersa quidem ab annonaria, quamuis solo Tusciæ nomine vtramque indiscretim comprehendant omnes Italiæ regionum Notitiæ. sed quis nisi mente

captus & oculis ignorare potest secundum Augusti descriptionem, Latium ex vndecim prouinciis fuisse vnam, in quas ille totam Italiam distribuerat. si mentem habes, mentem aduerte. Latina regio, vtrumque Latium complexa, vetus & nouum, tota intra centesimum fuit, vna ex vndecim Italiae regionibus fuit Augusti temporibus, qui & praefectum vrbi primus instituit, & iurisdictionem eius vsque ad centesimum extendit. sic & Augusti temporibus & diu post Augustum, cum vndecim Italiae regiones numerarentur, Latium pro vna computabatur. mutauit haec res postea diuersis vicibus, cum sub Hadriano, tum sub Constantino, & plures in Italia prouinciae factae sunt: an propterea Latium in sua regione non mansit? in suis finibus non stetit? aut intra centesimum, sicut antea erat, non substitit? per se quidem sub posterioribus imperatoribus seorsim suum rectorem aut praesidem non habuit, nec ipsa prouinciam vnam fecit: non tamen idcirco minus suburbicaria fuit, quod cum alia prouincia iuncta, & Campaniae attributa, ab vno eodemque consulari regeretur. vt numerus suburbicariarum constaret, integrae solidaeque regiones in duas sectae sunt prouincias, vt Tuscia in suburbicariam & annonariam, Picenum in suburbicarium & annonarium. & tu Latinam regionem, quae olim ipsa per se vna inter vndecim regiones Italiae, quum vndecim tantum erant, numerata est, & intra iurisdictionis vrbicae, & vrbici territorij terminos

comprehensa, suburbicariam negabis esse? sed non legitur vlla Latina regio in descriptionibus prouinciarum Italiae, quae nunc habentur. quid tum o iunceum acumen, quid tum? an suburbicaria Tuscia locum habet in vlla descriptione earumdem prouinciarum? etsi grauitur impudens es, hoc tamen certo scio, non dicēs. quod autem inter eas Italiae prouincias quae post Constantinum cognita sunt, Latij aut Latinae regionis nomen nusquam compareat, haec ratio est, quod Latium per se prouincia non fuit, nec praesidem suum seorsim habuit, a quo regeretur. Consularis enim Campaniae Latium quoque regebat. eo factum est, vt Latium in Campaniae nomen concesserit, sed cum hac distinctione, vt Campania Latina diceretur ad differentiam Felicis vel Capuanae, quae proprie olim solaque dicebatur Campania. Sciendum est igitur iam inde ab Hadriani temporibus vsque ad Constantini & deinceps, Italiam non per regiones diuisam fuisse, sed per prouincias, hoc est praesidium praepositoras. Hadrianus primus totam Italiam ex Augusti diuisione in vndecim regiones distributam quattuor consularibus regendam dedit. sic totidem Italiae prouincias constituit, quot consulares per Italiam instituit. ita vnusquisque illorum consularium tres sub se Italiae regiones habuit, vno excepto qui duas tantum habebat. Hinc vndecim Italiae regiones quattuor consulares administrabant Hadriani aetate: totidem igitur Italiae prouinciae tunc factae sunt. Postea vero nu-

merus prouinciarum & rectorum ampliatus est, siue a Constantino primum, siue etiam ante Constantinum. plures tamen semper fuere regiones quam prouinciæ. nam binæ interdum, ternæ etiam interdum regiones simul iunctæ, vnam prouinciā constituebant, quæ ab vno præside aut consulari regebatur. sic Flaminia cum Piceno vna prouincia erat, & vnum consulem habebat. Calabria cum Apulia correctorem vnum. Bruttij cum Lucania similiter, & pro vna prouincia computabantur, & vni correctori parebant. sic Venetiæ & Histriæ combinatis vnus præerat consularis. Vtramque vero Tusciā cum Vmbria sociatā vnus item consularis rexit, atque ita tres regiones in vnam prouinciā coaluerunt. Postea tamen suus etiam datus videtur Tusciæ suburbiciæ consularis, cuius habetur mentio in Nouella Leonis & Maioriani *de adulterijs*, quæ inscripta est, *Rogatiano Consulari Tusciæ suburbiciæ*. Hic sub Theodosio nondum, vt apparet, institutus erat. nam Imperij Notitia quæ Theodosij filiorumque eius temporibus scripta est, nullam eius mentionem facit inter octo Italiæ consulares. Italiæ igitur prouinciæ non per regiones, sed per præsides & consulares, atque correctores dinumerabantur. Notitia imperij per Italiam octo consulares recenset, duo correctores, præsides septem. sic septemdecim tunc temporis erant Italiæ prouinciæ. at longe plures fuere regiones. Hinc non mirum est, si Latium inter illas prouincias, nec nomen habuit

nec locum, quippe quod nec specialem habuerit præsidem aut correctorem. sic neque Tuscia suburbicaria ibi nominatur aut numeratur ob eandem rationem. Aurelia Italiæ etiam regio fuit ab Aurelia via denominata. Huius meminere ex veteribus, limitum constituendorum auctores, & qui de coloniis scripserunt: ex recentioribus vero Paulus Diaconus. at nusquam illa comparet in eo prouinciarum Italiæ Catalògo qui in Notitia extat. quia scilicet præsidem proprium consularemve nullum habuit, & hæc eadem ratio est cur Latinæ regionis in ea Notitia nec vola nec vestigium appareat. non enim singularis prouincia fuit, nec peculiarem præsidem habuit, sed a consulari Campaniæ regebatur, ac nomine etiam Campaniæ, sed Latinæ censebatur, vt a vera Campania discerneretur. Nihilo tamen secius hanc Latinam Campaniam siue hanc Latinam regionem vnam de suburbicariis fuisse liquet, vt pòte quæ intra centesimum constituta, & in vrbico territorio sita, ad præfecturæ vrbicæ iurisdictionem tota pertineret. Adeo autem verum est Latinam regionem, vrbicariam olim fuisse, & intra vrbicum territorium positam, vt etiam hodieque totus ille Latinæ regionis tractus centesimo ab vrbe lapide comprehensus, *Campania Romana* vulgo dicatur, & *territorium Romanum*.

Hæc tertia quum sit de nostris quattuor suburbicariis, Valeria quarta est. de qua dicemus si prius examinauerimus descriptionem prouinciarum

Italiæ, quam pro antiqua nobis obtrudis, quam-
 que adeo a Constantino Magno vsque ad Theo-
 dosium obtinuisse vel ipse male tibi persuades,
 vel maligne nobis persuasum cupis. sic igitur
 habet illa: IN ITALIA PROVINCIÆ NUMERO
 XVI. *Campania, in qua est Capua, Tuscia cum Vmbria*
in qua est Roma, Æmilia, Flaminia, in qua est Rauenna,
Picenum, Liguria in qua est Mediolanum, Venetia cum
Histria in qua est Aquileia, Alpes Cottie, Samnium,
Apulia cum Calabria in qua est Tarentus, Bruttia cum
Lucania, Retia prima, Retia secunda, Sicilia, Sardinia,
Corfica. hanc eandem dinumerationem, ne te so-
 lum beatum pulcrumque hoc nomine putes, nos
 quoque in antiquis multis codicibus scriptam vi-
 dimus & legimus. Ac penes me etiam nunc sunt
 schedæ veteres, quibus continetur. Hoc etiam te
 monebo, in plerisque exemplaribus manu exaratis
 non XVI. sed XVII. numero prouincias exhiberi, &
 Graias Alpes pro Valeria in eundem numerum
 referri, quas alij inter Galliæ prouincias reponunt.
 sunt & Codices qui XVIII. prouincias Italiæ nume-
 rant, Valeria tamen omiſſa, quam non præterit
 Paulus Diaconus qui & ipse decem & octo prouin-
 cias Italiæ recenset. Cum hac porro descriptione
 conferre nos iubes alteram quæ in vtriusque im-
 perij Notitia legitur, & habetur his verbis: PRO-
 VINCIÆ ITALIÆ XVII. *Venetia cum Histria,*
Æmilia, Liguria, Flaminia & Picenum annonarium,
Tuscia & Vmbria, Picenum suburbicarium, Campania,
Sicilia, Apulia & Calabria, Lucania & Bruttij, Alpes
Cottie,

Cottia, Rætia prima, Rætia secunda, Samnium, Valeria.
Ex his duabus prouinciis Italiae adnotationibus priorem a Constantino Magno, ad Theodosium usque usitatam fuisse, posteriorem Theodosij filiorumque eius temporibus natam usurpatamque asseris, ac præ te fers etiam facile esse hoc docere si dubitari posse crederes. Tu dubitari de hoc non posse credis? tu hoc docere te posse confidis? o stultam credulitatem! o stolidam confidentiam! verba mihi desunt quibus tantam, quanta in te est, impudentiam imperitiamque, digne exagitem. alterutrum confitearis oportet, aut cor te non habere nisi plumbeum, aut os tibi non esse nisi ferreum. Doceres, inquis, hoc ita esse, si dubitari a me posse crederes? Nunc igitur id doce, quæso, nam tibi narro, me dubitare. Sed quibus argumentis, quibus testimoniis, quibus denique auctoribus probabis antiquam illam esse, quam priore loco posuisti, descriptionem, istam recentem? an quia Piceni annonarij nulla extat in illa mentio, quæ habetur in ista? atqui iam ante Constantini Magni tempora annonarias in Italia regiones fuisse cognitæ locus Trebellij Pollionis in Tetrico potest te docere. an quia suburbicarij Piceni non meminit illa, cuius ista mentionem facit? atqui suburbicarias regiones iam inde a Constantino Magno notas fuisse nec ipse diffiteri potes, qui earum nomen & originem ab urbis vicariis arcessis, quos Magnum Constantinum instituisse constat. an ideo antiquam iudicas, & Constantini Magni temporum,

Z

quod Flaminiam seorsim prouinciam faciat a Piceno seiunctam? atqui & ante Constantini imperium, & post eundem vsque ad Theodosium & deinceps, Flaminiam semper cum Piceno iunctam, & pro vna prouincia numerari solitam fuisse, & ab vno correctore regicertum est. Trebellius qui ante Constantinum vixit, Piceni & Flaminiae iunctim meminit in Tetrico. Vetus inscriptio Fani Fortunae in Piceno, Constantino Magno posita, mentionem facit correctoris Flaminiae & Piceni. C V R A N T E L. T V R C I O S E C V N D O A P R O N I A N I P R A E F. V R B. F I L. A S T E R I O C O R R. F L A M. E T P I C E N I. Turcius Apronianus praefectus vrbi, cuius & mentio est in alia veteri inscriptione, praefecturam vrbis accepit Constantino II. & Constante Coss. & per tres tantum menses eam administravit. Vetus catalogus praefectorum vrbis qui ex Gallieni temporibus vsque ad Constantij imperium fuere: *Constantio II. & Constante Coss. prid. Id. Iulias Turcius Apronianus menses tres praefectus vrbi.* sed haec obiter. Lex Valentiniani & Valentis prima Cod. Theod. quibus equorum vsus concessus, Flaminiae quoque & Piceni iunctim mentionem exhibet: *ceteris omnibus per Picenum & Flaminiam, nec non etiam Apuliam & Calabriam, Bruttios & Lucaniam habendi equi vel equae copiam praclusam esse sancimus.* Notitia postremo imperij, quae sub Theodosio filiisque eius scripta est, Flaminiam etiam cum Piceno iunctam sic recenset, vt vnus idemque corrector vtriusque prouinciae fuerit. quis igitur nunc am-

bigere queat, Flaminiam & Picenum sic simul iunctas, ab vno correctore administrari solitas, non solum ante Constantinum, sed etiam ab ipso Constantino vsque ad Theodosij filiorumque eius tempora, in hoc eodem statu mansisse, & Picenum illud quod cum Flaminia iunctum erat, ab altero Piceno quod seorsim ab vno Consulari regebatur diuersum fuisse? Hoc si verum est, quomodo verum erit illud quod asseris, a Constantino Magno vsque ad Theodosium obtinuisse prouinciarum Italiae descriptionem illam, quae vnum tantum Picenum nominat, quae Flaminiam ab illo Piceno seiungit, quae nullum Picenum annonarium agnoscit, nullum suburbicarium? atqui si nullum tunc, hoc est sub Constantino, & post Constantinum vsque ad Theodosium, si nullum, inquam, suburbicarium fuit Picenum, nulla etiam fuerit necesse est regio suburbicaria. quomodo igitur hae stabunt? aut qua ratione tecum ipse consenties? tu suburbicarium Picenum inde dictum affirmabas quod esset sub vrbis vicario. tu suburbicariarum originem ac denominationem ab vrbis vicariis repetebas. vrbis porro vicarios ex Constantini Magni institutione constitutos fuisse constat. Ergo & prouincias suburbicarias tunc cognitae & auditas fuisse oportet. At si prouinciae suburbicae tam notae fuere, notum etiam, vt par est, iam tum erat Picenum suburbicarium, & iam tū hac nota distinguebatur ab annonario Piceno. Curigitur notitia illa prouinciarum Italiae, quam

antiquam esse vis, & Theodosij quidem temporibus anteriorem, neque Piceni annonarij meminit, neque suburbicarij, quum tamen satis constet annonariæ regionis appellationem Constantino Magno antiquiorem esse, suburbicariæ vero tua sententia sub Constantino ipso natam demum & inuentam? Dixeris fortasse, atque ita etiam certe dicis, suburbicarias quidem sub Constantino dici primum noscitarique cœpisse; ceterum Piceni integri diuisionem in suburbicarium & annonarium, & Tusciæ in suburbicariam & annonariam, longe posteriorum esse temporum. Sed age, Sirmonde, indica nobis, si tanti nos putas, quis auctor tibi ita sentiendi? doce nos, si potes docere, quo primum tempore, aut qua de causa, Picenum & Tuscia, quum integræ antea essent prouinciæ, in duas postea sint diuisæ? Partem illam Piceni, quæ sub vrbis erat vicario, suburbicariam dictam esse affirmas, & distinctam ab altera parte, quæ annonaria dicebatur, quæque sub Italiæ vicario fuit. Ergo statim atque vicarij per Italiam creati sunt, & prouincias Italiæ inter se partiri cœperunt, hæc diuisio quoque instituta est, vt Picenum nempe suburbicarium vocaretur quod esset sub vicarij vrbis dispositione, & annonarium quod vicario Italiæ pareret. At cur ille tuus prouinciarum Italiæ catalogus quem a Constantino Magno hoc est ab ipsa vicariorum institutione vsque ad Theodosium obtinuisse contendis, neutrius Piceni mentionem facit, nec suburbicarium aut annonarium

nominat? an nondum tunc erat Picenum in duas
prouincias diuifum? atque ideo vnus tantum me-
minit Piceni? hoc velle videris. ſub quo igitur
vicario tunc fuit integrum illud Picenum? vtrum
vr̄bis an Italiae vicario parebat? ſi vicario vr̄bis
ſuberat, vtique iam tum ſuburbicarium fuiſſe
Picenum illud oportet. omnes enim tua ſententia
ſuburbicariae, quaecunque ſub vr̄bis vicarij diſpo-
ſitione fuere. ſic totum ſolidumque Picenum ſub-
urbicarium tunc fuit, quia ſub vr̄bis vicario. quan-
do igitur diuiſum eſt aut quare? cur alterum Pice-
num annonarium factum eſt? quid ita pars eius
altera, quae vicario Italiae attributa eſt, annonarij
Piceni nomen accepit? an quia ſolas annonarias
regiones rexit Italiae vicarius? atqui Tuſciam an-
nonariam rexiffe vicarium vr̄bis non potes infi-
cias ire. Sed malles fortasſe Picenum, tunc quum
integrum fuit, totum fuiſſe ſub vicario Italiae. an-
nonarium ergo tunc erat totum. Nam ſi poſtquam
in duas partes diuiſum eſt, pars illa quae remanſit
penes vicarium Italiae, annonaria dicta eſt, ad diſ-
ferentiam ſuburbicariae, quae vicario vr̄bis eſt tra-
dita, proſecto priuſquam diuideretur, & quum
totum adhuc eſſet ſub Italiae vicario, totum anno-
narium fuiſſe, ac totum ita appellatum eſſe neceſſe
eſt. ſed cur annonarium quod ſub Italiae vicario,
quum certum ſit, nec omnes annonarias ſub vica-
rio Italiae fuiſſe, nec ſolas dictas annonarias quas
ille adminiſtraret? verum fortasſean tibi magis
placeat neutra appellatione donatum fuiſſe quum

integrum & vnum fuit Picenum. Sane possemus hoc tibi non concedere. nam si sub vrbis vicario fuit, vtique etiam tuo iudicio suburbicarium fuit; si sub Italiae vicario, omnino etiam ex tua sententia annonarium. sed hoc tibi concedamus. restabit semper quæredum nobis ac tibi docendum, cur aut quando de Piceno integro duæ prouinciæ factæ sint, quarum vni Piceni suburbicarij, alteri annonarij cognomen datum est. Hoc sub Theodosij filiorumque eius imperio factum esse dicis. sed quum sine teste dicas, sine auctore, sine ratione, adeone quemquam stultum esse credis, qui tibi credat? Igitur cum exploratum sit omnibus, ac tibi etiam confessum, annonariarum regionum appellationem Constantino Magno antiquiorem esse, annonariæ autem regiones nusquam expresse ac disertim nominatæ reperiantur, nisi ad discrimen suburbicariarum, vt in Piceno & Tuscia cernere est; certo etiam certius haberi debet, Piceni annonarij suburbicariique diuisionem, item Tusciæ annonariæ & suburbicariæ distinctionem priorem esse temporibus Constantini Magni, ac proinde descriptionem illam prouinciarum Italiae, quæ huiusce distinctionis nullam rationem habuit, nullamque mentionem fecit, non solum Constantiano, sed etiam Theodosiano æuo longe posteriorem iudicandam. Atque vt scias recentem illum esse Catalogum, & sequioris æui, quo nullum amplius in vsu erat suburbicariæ annonariæque regionis discrimen, scito eamdem quoque diuisio-

nem apud Paulum Diaconum reperiri, nulla facta mentione, aut distinctione Piceni annonarij, aut suburbicarij. sic enim ille lib. II. de gestis Longobardorum, cap. xx. *Dehinc prouincia est Flaminia, post Flaminiam Picenus occurrit, habens ab austro Apenninos montes, ex altera vero parte Hadriaticum mare. Hac usque ad fluuium Piscariam pertendit, in qua sunt ciuitates, Firmus, Asculus & Pinnis, & vetustate consumpta Hadria.* Vides hunc Paulum Diaconum, recentissimum scriptorem in hac sua Italiae prouinciarum dinumeratione, vnum duntaxat Picenum ponere, & a Flaminia illud distinguere ac disiungere, cum & ante Constantinum, & sub Constantino, & post Constantinum, ad Theodosiana usque tempora, vt constat ex vtriusque imperij Notitia, Picenum semper annonarium Flaminiae adnexum prouinciam vnā Italiae constituerit, quae ab vno correctore regebatur: Picenum porro alterum fuerit suburbicarium, cui suus seorsim praerat consularis. at eandem quam Paulus Diaconus, rationem seruat in describendis Italiae prouinciis Elenchus ille tuus, quē nobis pro antiquo obtrudis. sic enim scribit: *Flaminia in qua est Rauenna, Picenum, Liguria.* Picenum, vt vides, seiungit a Flaminia, Picenum tantum vnum facit. at Flaminiam semper cum Piceno iunctim positam reperies, non solum sub Theodosio, sed etiam sub Constantino Magno & retro. quo igitur mentis errore, vt verba tua tibi reddam, qua audacia, quod vetustum est, nouum facere voluisti, & quod recens erat vetustati adscribere

potuisti? Cui porro, nisi tibi, verisimile fiat antiquiorem illam Italiae diuisionem, quæ sub Constantino Magno obtinebat, in omnibus libris seruata esse, & ad nos usque peruenisse; posteriorem vero istam, quæ Theodosianis temporibus demum nata ac reperta est, quæque priorem illam Constantinianam aboleuit, minime ad nos transmissam fuisse, nec in libris vulgariis descriptam? atqui posteriora solent prioribus derogare, & in eorum locum succedere, non contra. quis hodie nobis liber seruauit distributionem illam Italiae in undecim regiones, quam Augustus instituerat, quamque Plinius descripsit? nec sane mirum est. multæ enim aliæ atque aliæ subinde diuersis temporibus, ac sub variis imperatoribus factæ sunt Italiae prouinciarum diuisiones ac descriptiones, quæ abolitionem illius induxere, quæ ab Augusto fuerat instituta. quare omnium recentissimam hanc constat esse, quæ in libris manuscriptis hodie legitur, quotquot in antiquis bibliothecis asseruantur. Hinc in iisdem libris veteribus fere semper subiungi solet eadem manu descriptus Galliae prouinciarum catalogus, quem ex Isidori breuiculo sumptum esse recte doctissimi viri affirmant: ut hinc etiam noueris non admodum antiquam, sed omnium recentissimam esse tuam illam Italiae prouinciarum adnotationem.

De Valeria nunc superest, quam vnâ ex suburbicariis diximus esse, ut suburbicariâ quoque fuisse doceamus. Huius prouinciæ nomen in illo tuo
Catalogo

Catalogo prouinciarum Italiae non legitur:& hinc recentem intelligere debes, atque illorum temporum, quibus nulla amplius hoc nomine prouincia extabat. Nam postremis temporibus pro Valeria, Marforum regio vt diceretur, inualuit. Marfi sane ipsi olim in Valeria, sed extincto & abolito Valeriae nomine, Marforum regio appellata est tota illa prouincia. Anastasius de vitis Pontificum in Bonifacio quarto ciuitatem Valeriam in Marforum regione ponit: *Bonifacius natione Marforum, de ciuitate Valeria.* Notitia Vaticana apud Baronium, quae suffraganeos episcopi Romani episcopos recenset, quaeque infimis temporibus scripta est, inter alias ciuitates quae Valeriae olim censcebantur Furconam quoque in Marsis collocat. At Furconam Valeriae ciuitatem fuisse tradit etiam Paulus Diaconus de gestis Langobardorum lib. ii. cap. xx. sic enim de Valeria scribit: *hac habet vrbes, Tiburim, Carseolos, Reate, Furconam, & Amiternum, regionemque Marforum & eorum lacum qui Fucinus appellatur.* sic Marfi qui olim intra Valeriam computabantur, toti fere regioni nomen dederunt, oblitterato prouinciae Valeriae nomine. idem Paulus ibidem: *Marforum quoque regionem ideo aestimo intra Valeriam computari quia in Catalogo prouinciarum Italiae minime ab antiquis descripta est.* At Valeriae prouinciae meminit vetus vtriusque imperij Notitia sub Arcadio & Honorio, & inter eas Italiae prouincias eam recenset, quae a praesidibus regebantur. meminit & lex vltima Cod. Theod. quibus equorum usus concessus,

his verbis: *pastores Valeriae provinciae uti equinis animalibus non iubemus.* an illis demum temporibus provinciam Valeriam natam putas, nec anterioribus fuisse temporibus cognitam? sane leges illae omnes Codicis Theodosiani, quae suburbicariarum regionum meminere, & ex quibus quattuor in totum suburbicarias fuisse discimus, antiquiores non sunt. satis sit vel illo tempore provinciam Valeriam fuisse notam, ut sciamus unam de suburbicariis fuisse. immo satis hoc non sit; ostendendum enim nobis est longe esse antiquiorem. profecto si quis hoc tibi docendum relinqueret, Valeriam cum antea provincia non esset, Theodosij demum filiorumque eius imperio, provinciam esse factam, multum sudares. sed nolumus te tantum laboris tam frustra sumere. atque ut scias nos gratiam tuam velle, hoc onere te leuabimus. Docemus igitur te, modo doceri patiaris, Valeriam, antiquum viae nomen esse, nec adeo recens provinciae; sane non recentius esse quam Flaminiae aut Aureliae, quae & ipsae Italiae regiones, a constratis viis Flaminia & Aurelia nomen similiter acceperunt. In libris de limitibus agrorum ex libro Balbi, post provinciam Piceni, statim subiungitur PROVINCIA VALERIA. & in ea provincia recensentur, *Ager Amiterninus, Ager Veius, Ager Corfinius, Colonia Superaequana, Colonia Peltinorum, Marsum municipium, Colonia Solomontina.* Huius etiam provinciae mentio duobus aut tribus locis apud Frontinum de Colonis occurrit, sed semper cum vitio. Ex *Commentario*

Clauidij Caesaris. Lex agris limitandis, metiundis, partis Tusciae, & Campaniae, Apuliae & Valeriae regionis collecta territoria. idem alio loco: Lex agrorum ex commentario Caesaris. Lex agris limitandis, metiundis, partis Tusciae prius & Campaniae, Apuliae & Valeriae regionis collecta territoria. Perperam in his duobus locis hodie legitur, *vel variae regionis.* sic Valeria prouincia a Valeria via denominata est, vt Flaminia & Aurelia regiones, a viis Flaminia Aureliaque. totus igitur ille tractus quem via Valeria occupauit, Valeriae prouinciae nomen dedit, quae tota intra centesimum erat, ideoque vna de suburbicariis censebatur. quo nomine olim appellata fuerit, nihil refert. regio enim illa vel pars regionis, cui postea Valeriae prouinciae nomen impositum est, cum semper intra centesimum fuerit, semper etiam suburbicaria, & vrbicaria fuit. Centesimus ab vrbe lapis, finis erat vrbici territorij, vrbicaeque iurisdictionis. omnes vero regiones aut regionum partes intra illum centesimum comprehensae, & in illo territorio vrbico sitae, quocunque numero fuere, & quibuscunque nominibus appellatae, vrbicariae suburbicariaeque hoc est suburbanae censebantur, & ad praefecturae vrbanae iurisdictionem pertinebant. quod enim nomina saepe variarunt, hoc earum situm non mutauit, nec conditionem aliam fecit. Latium olim dicebatur, & duplex fuit, vetus ac nouum: ac vtrumque intra centesimum erat. sic Latina regio tota fuit suburbicaria & vrbicaria, postea nomen mutauit, & sub Latinae Campaniae

nomine, Consulari Campaniæ regenda commissa est. an propterea sedes mutauit, aut suburbicaria esse desijt? Partem Samnij intra centesimum, Mar-
fos Pelignosque peruadebat via Valeria. postea, sed longe ante Constantinum, de toto illo tractu facta est prouincia, quæ vrbicaria & ipsa suburbi-
cariaque, quia intra centesimum tota. atque hæc est prouincia Valeria, a via sic nominata. quidquid Vmbriæ intra centesimum fuit, cum parte Piceni, & Sabinorum regione, suburbicarij Piceni nomi-
ne comprehensum est, & prouincia inde seorsim constituta, quæ peculiarem Consularem accepit, & a Piceno annonario, quod extra centesimi fines positum erat, separata est. pars porro Tusciæ quæ intra centesimum deprehensa est, & in vrbico territorio centesimi finibus terminato sita erat, vrbicaria suburbicariaque est appellata, eoque duæ Tusciæ factæ sunt, annonaria & suburbicaria: annonaria quæ extra centesimum, suburbicaria quæ intra centesimi fines. sic quattuor regiones siue prouinciæ suburbicariæ, vel ante Constantinum, vel sane circiter Constantini tempora constitutæ sunt, Latina regio siue Latina Campania, Valeria, Picenum suburbicarium, & Tuscia suburbicaria. atque istæ sunt quattuor regiones suburbicariæ, quarum meminit lex prima Cod. Theod. *de calcis coctoribus*. in his quattuor regionibus tota præfecti vrbi iurisdictio constituebatur, hæ quattuor regiones totum vrbicum territorium centesimo comprehensum constituebant. Ex his porro quat-

tuor prouinciis tu Latinam regionem nullam esse, Picenum esse extra centesimum, Valeriam nimis recentem, Tusciam incertam dicis. quid imperite? an nullam Latinam regionem putas fuisse, quia nomen mutauerat, & pro Latina regione, Latina Campania dicebatur? an suburbicarium Picenum extra centesimum, quod vocabatur suburbanum, & Sabinos cum Vmbris Vilumbrisque intra centesimum positis complectebatur? an Valeriam nimis recentem quæ iam tum Balbi mensoris temporibus, qui sub Augusto vixit, prouinciæ nomen habebat? & quam sub Constantini imperio præsidem suum habuisse constat? Quod autem Tusciam incertam vocas, quare ita eam appelles, mihi prorsus incertum est. fortasse incertum habes an vlla fuerit suburbicaria Tuscia? certum poterat reddere lex XII. Cod. Theod. *de indulgentiis debitorum*, quæ Picenum & Tusciam *suburbicarias regiones* vocat. Poterat facere ne incertus esses Nouella Maioriani *de adulteriis*, quæ scripta est *ad consularem Tusciæ suburbicariæ*. præstare etiam poterant ne incerta tibi videretur Cæius & Theodosius inter auctores de limitibus qui *Tusciæ urbicariæ & annonariæ* meminere: si post hæc testimonia, & alia longe plura, quæ superius retulimus, adhuc est incerta tibi Tuscia, ego sum certus, nihil tibi esse certi. atqui initio huius capitis dicebas de Piceno & Tuscia ambigi non posse, quin suburbicariæ essent. sic tu omnium hominum incertissimus es, atque idem inertissimus. modo ais, modo negas, & paulo

momento huc atque illuc impelleris.

Nunc vt anus ad armillam, sic tu ad veterem tuum errorem redis, quo in limine ipso Aduentoriae tuae negabas praefecti urbis iurisdictionem ad centesimum vsque lapidem sese porrexisse. Praefectus, inquis, urbi non prouincialis, sed urbanus fuit magistratus. Hoc verum esse iam tibi concessimus, & adhuc concedimus. prouincia nulla erat, nulla dicebatur quam praefectus urbis administraret. Regio illa circa urbem & sub vrbe cuius intra fines iurisdictionem habebat, prouincia nunquam dicta est, nunquam inter Italiae prouincias siue *ῥημενίας* quae decem & septem fuere, numerata est. Sic tamen urbanus fuit magistratus, vt eius iurisdictionis non urbis muris terminaretur, nam vsque ad centesimum ab vrbe milliare procurrebat. notissima sunt Cassiodori verba in formula de praefecto urbi: *Ditioni tuae non solum Roma commissa est, quamuis in illa contineantur vniuersa, verum etiam intra centesimum milliarium te potestatem protendere antiqua iura voluerunt, ne tantae ciuitatis iudicem muralis agger includeret, cum Roma omnia possideret.* Vniuersus ille tractus circa urbem centesimo comprehensus, urbis territorium quodammodo fuit, & urbicaea regio & Romana dicebatur, & ad praefecturae urbicae iurisdictionem pertinebat. Ceterum, territorium illud urbicum nunquam prouinciae nomen habuit, ne vllam quidem olim intra se prouinciam hoc est *ῥημενίας* complectebatur, sed sub sola praefecti urbis iurisdictione totum erat. At

sub posterioribus imperatoribus multiplicato
 prouinciarum præsidiumque per Italiam numero,
 cum antea nullæ fuissent intra centesimum & vr-
 bicariam regionem prouinciæ, regionibus aliquot
 centesimo comprehensis, præsides impositi sunt,
 & ex regionibus prouinciæ siue *ἐπαρχίας* factæ
 sunt. Iurisdicção tamen præfecto vrbi semper intra
 illas regiones, etiam postquam singulæ proprios
 præsides habuerunt, salua & inlibata remansit.
 Huiusmodi regiones suburbicariæ siue suburbanæ
 dictæ sunt, & vrbicariæ, talesque in totum numero
 quattuor fuere, quas supra asseruimus, Tuscia
 suburbicaria, Picenum suburbicarium, Valeria &
 Latina Campania, quæ & in vrbicaria regione
 sitæ, & intra centesimum comprehensæ, inde sub-
 urbicariæ vrbicariæque cognominabantur. nec
 dubium igitur intra harum regionum fines præ-
 fecto vrbi iurisdicundi coercendique potestatem
 fuisse. Nec præfecturæ tantum vrbicæ, sed etiam
 ceteris vrbicis magistratibus, quod notandum,
 intra centesimum vrbis milliære iurisdicção fuit
 concessa. id constat ex leg. 11. Cod. Theod. *de integri
 restitutione*, cuius hæc verba sunt, iam superius no-
 bis allata, huc iterum adferenda: *placuit post comple-
 tum vigesimum & quintum annum, ex eo quo vicesimi &
 sexti anni dies illuxerit ad interponendam contestationem,
 in vrbe Roma vsque ad anni tricesimi extremum diem
 spatia prorogari, & intra centesimum vrbis Romæ millia-
 rium, si tamen ab ijs iudicibus qui Romæ sunt, fuerit iudi-
 candum.* ex hac lege agnoscitur si quid a iudicibus

urbanis iudicatum ac decretum esset, non solum id in vrbe Roma obtinuisse, sed etiam intra centesimum vrbis milliare. ex quo ostenditur iurisdictionem eorum vsque ad centesimum sese extendisse. sic senatores vrbis, ita enim vocabantur, vltra centesimum tutelam gerere nulla lex erat quæ cogeret. in vrbe igitur tantum, & intra centesimum id oneris suscipere cogebantur. vide leg. *xxi. de excusat. tut.* Vniuersa enim regio, quam centesimus cingebat, & vrbicaria ac Romana regio dicebatur, vt supra ostendimus, & vrbis territorium censebatur, intra cuius fines iurisdictionem coercionemque habebat præfectus vrbi, qui omnium vrbicorum magistratum vertex erat, & summus vrbis custos audiebat. Sed quid argumentis ad hanc rem confirmandam pluribus vtimur? quid testimonia citamus, aut testes alios frustra sollicitamus? vnicum iam mihi contra te, Sirmonde, testem placet ad testimonium vocare, cuius auctoritatem, nisi fallor, defugere non poteris. quis ille, dices, quis ille tantus auctor est, ac tanti faciendus? Sirmondus est. hominem nosti? an quisquam tibi pluris erit? atqui scripsit ille in Censura sua non vno loco, præfecti vrbis iurisdictionem centesimo milliario
 „ definiri, quidquid Cápantiæ, Sáni, Piceni, Valeriæ,
 „ Tusciæ intra centesimum ab vrbe lapidem erat, id
 „ totum ad præfecturæ vrbis terminos pertinuisse,
 „ se, præfecti vrbis administrationi vrbem, vrbisque
 „ territorium, hoc est vniuersum terrarum spatium
 „ quod centesimo comprehendebatur cessisse. Hæc
 „ ille

ille omnia in Censura capite ipso secundo primæ dissertationis de regionibus suburbicariis ad litteram scripsit. Capite vero quarto eiusdem Censuræ ipsissima verba eius hæc sunt: *nos vero urbicarias & suburbicarias regiones dictas in primis eas fuisse quæ centesimum ab urbe lapidem, hoc est totam præfecti urbis iurisdictionem ambitu suo comprehenderent, nec ipsa a centesimo comprehenderentur, non abnuimus, quod iam ante professi sumus.* quis hæc dixit, aut scripsit? Sirmodus. quis nunc id negat & contrarium scribit? Sirmodus idem. Sirmondus igitur ipse est, qui Sirmondum refellit ac refutat. cum igitur vtrumque verum esse non possit, & quod heic, & quod illic ab illo scriptum est, alterutrum saltem verum sit oportet, aut illic eum pueriliter errasse, aut heic illum seniliter delirare. Dic nobis, o tuarum desultor, & sanarum opinionum desertor, vtrubi hallucinatus es? Dices, *πρὸς τὰς ἀμεινότερας*. sed hoc in te secus obtinet. tuæ posteriores curæ, deteriores sunt. sic ætas tibi non solum sapientiam decoquit, sed & deterit scientiam. ante hoc biennium recte sentiebas iurisdictionem præfecti vrbi centesimo lapide terminari, nunc in alia sententia es, & agri Romani terminis eam definiri statuis. quis tibi mentem mutavit? vt video, non citius cænophoro fundus vertitur, quam tibi sinciput. sed de agro Romano, cuius finibus iurisdictionem præfecturæ vrbicæ circumscribis, quidquid dici potuit, vt ineptire te doceremus, id abunde superius a nobis dictum est: Nunc nouæ quas heic attulisti rationes subuertendæ

sunt, & noua quæ protulisti, testimonia sunt confutanda. nihil est facilius. nam & illæ te iugulant, & hæc ipsa te confodiunt. sic arma nobis quibus ipsi defendamur, subministras, & tela quibus petaris, aduersum te ipse suggeris. *Hunc agrum*, inquis, *Romanum quæ cingebant prouinciæ & quotquot omnino centesimi partem aliquam attingebant, suos singulæ rectores habebant, consulares, præsides, correctores, quibus nihil commune fuit cum præfecto vrbis. in vicarij autem vrbis erant potestate, qui reliquas eius diæcesis prouincias, hoc est suburbicarias ceteras administrabant.* Hæc tibi videtur ratio potentissima, & validissimum argumentum, quo iurisdictionem præfecti vrbis, intra fines agri Romani concludas, hoc est sexto ab vrbe milliario circumscribas. Nunc audi sis, Sirmonde, & quoniam nec mentem nec oculos habes, saltem aures adhibe. Agrum Romanum si quem putas fuisse illo tempore, qui ab illis prouinciis occupatus non fuerit, quas agrum illum Romanum cinxisse vis, miserrime falleris. Ager Romanus tunc nullus fuit, tunc nullus dictus est: aut si vllus fuit, eum occupauerunt illæ prouinciæ, quæ intra centesimū. non igitur agrum Romanum cingebant, sed urbem ipsam circumdabant prouinciæ suburbicariæ intra centesimum positæ. Romam in Tuscia prouincia constitutam scribit Paulus Diaconus in gestis Langobardorum lib. II. sic ab ea parte qua Tuscia erat, nullus ager Romanus erat. sic Tuscia suburbicaria non solum statim ab vrbe incipiebat, sed etiam vrbs ipsa intra Tusciam prouinciam tota

stabat. idem Paulus ibidem, Campaniam statim ab vrbe incipere dicit, & hæc eius verba sunt quibus hoc dicit: *Septima prouincia Campania ab vrbe Roma usque ad Siler Lucania fluium perducitur.* ita nec ab illa parte ager ullus Romanus, aut si fuit, certe sub Consulari Campaniæ fuit. De Valeria idem dicendum. Nam Paulus eodem lib. cap. xx. prouinciam Valeriam inter Campaniam Picenumque constituit, & ab Oriente Samnium attingere scribit; partem vero eius occiduam ab vrbe Roma initium capere, vrbes autem habere, Tibur, Carseolos, Reate, Furconam, &c. sic inter Valeriam prouinciam, & urbem Romam, nullus agro Romano locus relictus. Piceni porro suburbicarij prouincia quæ Sabinos, Vmbros & Vilumbros complectebatur, statim etiam ab vrbe initium ducebat, nec spatij quidquam vacare circa urbem agro illi Romano tuo sinebat. quapropter si in prouinciis superscriptis ideo nihil iuris habuit præfectus vrbis, quod suos singulæ rectores haberent, quibus nihil commune cum præfecto vrbis, sed in vicarij vrbis erant potestate, restat inde colligi, totam vrbicæ præfecturæ iurisdictionem intramuranam fuisse, nec quidquam iuris ac potestatis extra urbem illi competisse. omnes enim supra memoratæ prouinciæ usque ad portas vrbis & pomærium ipsum pertingebant. vbi igitur ager ille tuus Romanus? qui si aliquis fuit, profecto etiam fuit sub vicarij vrbis potestate. vt hac etiam ratione intelligas nihil iurisdictionis habere potuisse in agro Ro-

mano præfectum vrbis, si vera sunt quæ dicis. quid de agro Romano loquor? nullam, ne in vrbe quidem ipsa, iurisdictionem habuit præfectus vrbis, si vera est tua sententia. Cum enim scribas in suburbicariis prouinciis nullam competisse præfecturæ vrbicæ iurisdictionem, propterea quod illæ vicario vrbis suberant, eadem prorsus ratione etiam tibi censendum est, nullam, nec ipsa vrbe quidem iurisdictionem eius fuisse. Nam vicarius ille non minus per urbem potestatem suam exercuit quam per suburbicarias prouincias. inde & vicarius vrbis audiebat, inde & *propræfectis in vrbe Roma, finitimisque prouincijs*, appellatur vicarius vrbis in antiqua inscriptione. Vicarius vrbis, non solum prouincias suburbicarias hoc est vrbi finitimas, & intra centesimum positas sub sua dispositione habuit, sed etiam urbem ipsam, in qua ius dicebat, & quidem aliquando etiam cum præfecto ipso vrbis, vt constat ex leg. ult. Cod. Theod. *de suarijs*. vt præfectus vrbis intra centesimum, sic vicarius intra quadragessimum tantum ab vrbe ius reddebat. Cassiodorus in formula vicarianæ vrbis præfecturæ: *ad similitudinem summorum carpento ueheris. intra quadragessimum sanctissimæ vrbis iura custodis*. idem de præfecto vrbis in formula præfecturæ vrbicæ: *Ditioni tuæ non solum Roma commissæ est, quamuis in illa contineantur vniuersa, verum etiam intra centesimum milliariū potestatem te protendere antiqua iura voluerunt*. vt diuersi igitur vtriusque iurisdictionis fines; sic diuersa vtriusque potestatis iurdictio, præfecturæ, in-

quā, vrbanae, & vicarianae vrbicae, fuit. quare vicarij vrbis institutio nihil vnquam immutauit, nec imminuit de iurisdictione quam semper in vrbe & intra centesimum hoc est in tota vrbicaria regione habuit praefectus vrbi. Semper enim de omnibus criminibus tam in vrbe quam intra centesimum admissis cognouit. Si quando vero praefectum vrbis abesse contingeret, vice illius cognoscebat vicarius vrbis. Hoc me docuit Index manuscriptus omnium praefectorum vrbi qui a Gallieni temporibus vsque ad Constantium praefecturam vrbis administrarunt, qui hodie in manibus est viri clarissimi praestantissimique Nic. Fabricij Peyresij, in suprema Curia Aquensi senatoris. ita igitur habet: *Coss. quos iusserint DD. NN. Augusti ex die XIIII. Kal. Martias Gallicano & Basso Id. Maj Septimius Bassus praefectus vrbis. Licinio v. & Crispo Cas. ex die tertio Idus Iulias in Idus Aug. vice illius cognouit Iulius Cassius eo quod ad Augustum profectus est. Septimius Bassus regressus praefectus vrbis. Hic Iulius Cassius qui absente praefecto vrbis vice illius praefecturam gessit, & cognitionem pro praefecto exercuit, sine dubio vicarius vrbis fuit. Hoc confirmatur & altero eiusdem catalogi praefectorum vrbi loco qui sic habet: Constantio II. & Constante prid. Idus Iulias Turcius Apronianus menses tres praefectus vrbi. item VIIII. Kal. Nouembres Fabius Titianus praefectus vrbis. Acyndino & Proculo. ex die IIII. Non. Mai in VII. Idus Iun. Iunius Tertullus vicarius cognouit eo quod ad Augustum profectus est, postea reuersus Titianus praefectus vrbis. sed haec alias pluribus.*

Nunc tibi restat Epistola cxix. lib. ix. Epistolarum Symmachi, in qua velut in arce summa fortissimum huiusce tuæ hariolationis præsidium collocasse videris, eoque dignam duxisti quæ priorem tuam dissertationem clauderet. quoniam vero semper infelix es in citandis pro te testibus, qui te testimonio suo subuertant; eandem hanc tuam infelicitatem, similemque fati tenorem faxo & heic agnoscas. Ex ea probare instituisti præfecti vrbis angustos adeo iurisdictionis terminos fuisse vt Albam vsque non excurrerent. Integram Epistolam, sicut a te producta est, ipse quoque legendam proponam, vt intelligant omnes, nihil in ea te penitus intellexisse; vtque omnibus constet, non illud quod asseuerasti, sed contrarium plane constare. Ea igitur sic habet.

SYMMACHI EPISTOLA LIB. IX.

EPIST. CXIX.

Secundum proximæ ætatis exempla, clarissimo & excellentissimo viro, fratri nostro præfecto vrbis incestatæ Primigeniæ virginis quæ sacra Albana curabat, a collegio nostro vindicta delata est. Sed quia litteris eius causæ probabiles asseruntur, quod neque muros æternæ vrbis tanti criminis reos fas sit intrare, neque ipse ad longinqua possit occurrere: cum facinus vbi admissum est, debeat expiari, necesse perspeximus potestatem finitimam conuenire, & cui prouinciarum iura mandata sunt; vt in Primigeniam quæ publicarum ceremoniarum maculauit arcana, corruptoremque eius Maximum, qui quidem flagitium non

negavit, seueritas semper his adhibita exeratur. Dignaberis igitur, consideratis confessionibus, quæ nefandi tragædiam prodiderunt, iniuriam castissimi sæculi reorum supplicijs vindicare.

Caret inscriptione hæc Epistola. scriptam esse ad vicarium vrbis coniiicis. coniecturam plane tuam agnosco, hoc est friuolam falsamque. sed cur ita tibi coniiicere libuit? an quia finitimam potestatem dicit se conuenisse Symmachus, & finitima potestas tibi videtur intelligenda de vicario, cum vrbana potestas diceretur de præfecto vrbis? an hic tuæ coniecturæ fundus? o perspicacem & acutum coniectorem! saltem meminisse debueras, vicarium vrbis ita dictum fuisse, vt præfectum vrbis: in vrbe similiter sedem habuisse: in vrbe iudicasse: in vrbe vicariam potestatem pro præfectis exercuisse. sic finitimam potestatem non magis de illo dici posse quam de præfecto vrbis: nec minus vrbicam potestatem eius fuisse, quam præfecti vrbis, certum est. per finitimam igitur potestatem, cui prouinciarum iura mandata sunt, intelligendus est rector aliquis vnius ex prouinciis finitimis, præses, vt puta, Valeriæ, vel Campaniæ consularis. nullæ enim magis ab illa parte finitimæ prouinciæ. Sed ad rem veniamus quæ de agitur, & videamus vtrum ex illa epistola colligi possit, quod tantopere contendis, præfecti vrbis iurisdictionis terminos adeo fuisse angustos vt Albam vsque non excurrerent. Primigenia virgo Vestalis quæ Albana sacra curabat, incestata fuerat, vt verbo

Symmachi vtar, a quodam Maximo. huius rei cognitio spectabat olim ad Collegium Pontificum. postremis temporibus præfectus vrbis, vt de omnibus omnino criminibus cognoscebat, ita huius quoque criminis cognitionem & animaduersionem sibi vindicauit. cuius moris aliquot exempla ætate sua extitisse scribit Symmachus. igitur iuxta morem illum qui tunc inoleuerat, & cuius exempla tunc extabant non pauca, collegium Pontificum incestum Primigeniæ præfecto vrbi vindicandum detulerat. Præfectus vrbis cognitionem recusauit propter eas causas quæ in epistola continentur, & quas paulo post excutiemus. Nunc de te quæro, cum Albæ crimen admissum fuerit, vtrum censeas aut Pontifices ignorasse, quovsq; iurisdictio præfecti vrbis excurreret, aut præfectum vrbis ipsum nescisse, quid suæ esset iurisditionis, aut quos ad fines procederet. si sciuerunt Pontifices, vt id certe ignorare non potuerunt, Albam sitam esse extra iurisditionis præfectianæ terminos, cur importune præfectum vrbis interpellarunt, vt ea de re cognoscere vellet de qua iudicem illum sedere non posse satis nouerant? præfectus vero vrbis qui scire debuit Albam extra iurisditionis suæ territorium esse, cur in recusanda cognitione, non recta id respondit quod erat, rem suæ cognitionis non esse, crimen eo loci admissum, qui fines excederet suæ iurisditionis? regula autem iuris est, iudici extra territorium impune non pareri. Præfectus vrbis in reiicienda illa cognitione

cognitione nihil horum allegavit. quid igitur ille? causas eum probabiles asseruisse scribit Symmachus, propter quas ea de re cognoscere non posset: *quod neque muros æternæ urbis tanti criminis reos fas sit intrare, neque ipse ad longinqua possit excurrere.* Ergo si crimen ex eo genere criminum fuisset, quorum reos fas erat urbis æternæ muros intrare, sine dubio de eo cognovisset præfectus urbi. reos citari & ante se sisti iussisset, eosque iudicasset. Nam in vrbe positus omnium omnino criminum tam quæ in vrbe, quam quæ intra centesimum milliarium admitterentur, cognitionem coercionemque habebat. pertrahebantur autem rei cuiuscunque criminis in urbem ab ipso iudicandi, nec solum ex vigesimo, sed etiam ex centesimo lapide, qui terminus erat iurisdictionis vrbicæ præfecturæ. sic prouinciæ præses, in prima prouinciæ quam regebat ciuitate constitutus, omnes cum ciuiles tum capitales ex tota prouincia causas cognoscebat. Non igitur quod Alba extra territorium suum esset, ideo de crimine quod in ea vrbe admissum erat cognoscere se non posse præfectus urbis allegavit, sed quod nefas erat tanti criminis reos urbem intrare. at enimvero quoniam urbis ingressu prohibebantur tanti facinoris rei, & neque intra urbem stare, neque ante præfectum urbis sisti poterant, ceterorum reorum more, restabat illud, ut præfectus ipse eo excurreret, ad noscendum crimen, ubi admissum erat, & reorum pœna expiandum. Sed nec ad


longinqua se posse occurrere idem litteris suis respondit. quare non posset, causam nullam attulit. duas afferri posse video. aut enim moles negotiorum vrbanoꝝ quibus distringebatur, & reoꝝ criminumque multitudo quibus audiendis cognoscendisque totos dies cum vacare oportebat, liberum illi ab vrbe egressum, & ad longinqua excursum non præbebat. Et cum omnia crimina, non solum quæ in vrbe, sed quæ in vrbicaria regione intra centesimum committebantur, audire cogeretur, a summo mane vsque ad noctem horum cognitioni vacabat. Iuuenalis :

*Hæc quota pars scelerum quæ custos Gallicus vrbis
Vsque ab lucifero donec lux occidat, audit?*

Adde quod vrbis tutela ac custodia eius vnus curæ ac fidei erat commissa. hinc custodem vrbis eum vocat idem poeta : & alio loco villicum vrbis. Dio *πρεσβύτερος τῆς πόλεως*. non igitur præfecto vrbi licebat ab vrbe longius abesse, aut extra urbem abnoctare, ne custode suo vrbs careret. Hæc prima ratio est, quare præfectus vrbis ad longinqua non posset occurrere, quam veram putamus esse. sed verior fortasse hæc altera. præfectus vrbis, extra urbem hoc est extra muros vrbis non habebat potestatem, vt constat ex leg. vlt. D. *de officio præfecti vrbis*. potestas est merum imperium, & ius gladij, & grauis coercitio, & capitalis criminum animaduersio. Hanc maiorem potestatem, merumque imperium intra urbem tantum vsurpare & exercere, præfecto vrbi fas erat. urbem si egressus esset,

potestatem illam non habebat, sed iurisdictionem tantum, quæ magistratus iure competit, secundum quam & iubere iudicare, hoc est iudicem dare poterat, argumento eiusdem legis vlt. D. *de offic. præf. urbi*. Crimen de quo agitur in Epistola Symmachi Albæ admissum fuerat intra territorium præfecti urbis. sed huiusce criminis reos urbem intrare fas non erat; quare ante præfectum sisti non poterant, ut ab ipso iudicarentur. Crimen igitur eo loco, ubi admissum erat, & audiendum fuit & vindicandum. sed præfectus urbis illo excurrere non potuit, propter occupationes urbanas; aut etiam si potuisset, potestatem tamen animaduertendi in facinorosos non habuisset. iudices tantum dedisset, quod vnum illi licebat extra urbem, in causis scilicet capitalibus & quæ merum imperium, grauioremque coercionem exigunt, quam intra urbem solum habebat. sic in causa Primigeniæ & Maximi coacti sunt Pontifices potestatem finitimam conuenire, ut de his supplicium sumeret, quando quidem facinus confitebantur. Quod si urbem ingredi fas eos fuisset, & præfecto urbis exhiberi potuissent, quis dubitet, quin eos iudicaturus fuerit? Nam & criminis qualitas, & personæ quæ deliquerant, ad iurisdictionem ipsius pertinebant, & locus ubi crimen erat admissum, in urbico territorio situs intra iurisdictionis eius terminos continebatur, quos terminos centesimo lapide circumscribi, omnes antiqui nouique scripsere. tu solus ex hominum memoria repertus es qui negares, quum

tamen ante hunc & alterum annum hoc recte concessisses. Itaque quoniam & solus contra omnes stas, & parum ipse tibi constas, quid aliud expectare potes, aut sperare debes, quam vt magno consensu & constanter ab omnibus qua Iurisconsultis, qua philologis explodaris, pro ista tua tam noua, tam inaudita, tam inerudita, tam denique ridicula de præfecturæ urbanæ iurisdictionis, vrbicque territorij finibus coniectatione? qua in re quumne intelligentiæ quidem vulgaris vsum nec sensum communem habueris, nullius vel mediocriter eruditi possis assensum tibi polliceri. imperitorum plausum si captasti, capias etiam per me licebit. hæc imperitiæ tuæ merito merces debetur. hoc inscitia tua dignum est.





EVCHARISTICI AD ADVENTORIAM

PARS POSTERIOR

DE ECCLESIIS SVBVRBICARIIS.

CAPVT I.

SVBVRBICARIAS Ecclesias non alias dici posse quam quæ in suburbicarijs regionibus erant Ecclesie. Suburbicarias quum a situ & loco nomen habeant, certos quoque habere fines, nec pro rerum varietate ad quas referuntur, notionem earum esse diuersam. Aegypti vocem non magis ambiguum esse quam suburbicarij. Suburbicarijs locis & Ecclesijs metropolitanam episcopi Romani prouinciam olim fuisse determinatam. De hac prouincia Ruffinum Synodi Nicena sextum canonem accepisse, ut & Vaticanum & Arabem eiusdem canonis interpretes. Aristinum & Symeonem Magistrum Græcos & antiquos canonum collectores non aliter exposuisse. Nicenam Synodum eo canone de solis metropolitanis Ecclesijs agere, earumque iura ac priuilegia, ad metropolitana Romanæ prouinciæ formam constituere ac confirmare.

PERVENIMVS iam tandem salui suburbicarijs ab regionibus ad Ecclesias suburbicarias. tertio pedatu ab his ad illas transiri poterat. quod in itinere tam breui conficiendo tantum temporis contriuimus, culpæ nos fortasse posses, nisi ipse maximam

Cc iij

culpæ partem sustineres. Dum te per singula, cæcorum more palitantem, errantemque sequimur, dum errores tuos singillatim omnes persequimur, & ipsi circumacti sumus. sic salebræ & ambages, per quas sequendus fuisti, aculei muricesque, quibus totam viam sparsisti, de breui longam concinnarunt, de facili molestam morosamque multum. sed nos remotis remoris, quas obieceras, & disiectis quas opposueras, obicibus, ex impedita expeditam planaque fecimus. iam sumus in tuto. Bona pars nostri laboris peracta est. Etenim explicata de suburbicariis regionibus quæstione, minimû habitura est difficultatis, de suburbicariis Ecclesiis disputatio, quæ tractanda superest. Nam quis dubitet, nisi qui stultus sit, nisi qui tuum habeat genium, suburbicarias Ecclesias eas esse, nec alias dici posse, quam quæ in suburbicariis regionibus erant constitutæ? profecto si quas Ecclesias habuere regiones suburbicariæ, oportet & illas fuisse suburbicarias. Ecclesiæ porro suburbicariæ, si quibus in regionibus fuere locatæ, necesse est & illas regiones suburbicarias fuisse. sic igitur Ecclesiæ suburbicariæ in regionibus suburbicariis erant sitæ, ut Africanæ Ecclesiæ in Africanis regionibus: ut Gallicanæ regiones, habuere Gallicanas Ecclesias. & sic de ceteris. tu primus omnium extitisti qui mirabili magis incertum an ridiculo commento suburbicarias Ecclesias a suburbicariis regionibus duceres separandas. sed ruebat illud commentum, nec poterat stare, nisi illi commentitium

fundamentum substruxisses. Ponendum igitur tibi primum fuit, & fingendum, suburbicarias regiones, non eas esse quas vocabuli vsus & ratio exigebat, suburbanas nempe, & circum urbem, vel sub vrbe sitas regiones, sed inde dictas suburbicarias fuisse, quod essent sub vrbis vicario. Hoc confecto & illud factum habere te necesse erat, suburbicarias Ecclesias eas omnes dici posse, quæcumque sub vrbis episcopo essent, quibuscunque in regionibus, & orbis partibus forent sitæ. sic orbis totus, secundum hanc notionem, quia sub vrbis Papa totus est, aut esse debet, totus fiet suburbicarius. de Occidente quid miramur, cuius omnes prouincias suburbicarias facis, vbi totum orbem per te fieri suburbicarium videmus? vrbs etiam ipsa Roma, ita me Deus amet, erit hac eadem ratione, suburbicaria. & triplici quidem sensu, ne putemus eam parum suburbicariam fuisse. nam suburbicaria dicetur, & quod sub vrbico præfecto, & quod sub vrbis vicario fuerit, & quod sub vrbico Papa. Papæ! multis modis urbem habebimus suburbicariam. quid mirum? eodem modo hæc eadem vrbs etiam futura est suburbana. quæ enim minus suburbana, quæ sub urbana præfectura, & vicaria, & ὑποουσιον, quam suburbicaria, quæ sub vrbico præfecto, vicario & episcopo? nihil causæ possis dicere, quare magis suburbicaria fuerit dicenda, quam suburbana. ita & totum etiam orbem appellari conuenit suburbanum, qui totus urbano Papæ subiectus est, vt Pontifici summo & Monarchæ: Occidens

uniuersus suburbanus, quia eidem vrbi Papæ paret, vt suo Patriarchæ: tota prouincia Romana, suburbana, & quia sub vrbe, & quia sub vrbi Papa, tanquam suo metropolitano. vrbs denique ipsa etiam suburbicaria & suburbana, quia vrbico Papæ tanquam Episcopo suo subiecta esset. vt omittam vicarium vrbi & vrbi præfectum, a quibus quoque dici potuit suburbana, etiam si non diceretur ab vrbano Papa. O mirificam Grammaticam! o miræ Grammaticæ mirificum potius architectonem, qui non solum nobis totum orbem suburbanum, sed etiam urbem ipsam, si Deo placeat, suburbanam fecit! ingeniosum qui te negabunt, ingeniosum quid sit esse, nescient. sed hoc ingenium tuum, Sirmonde, non laudo, miror magis. nec mirari tantum cogor, sed duabus additis litteris, miserari. præ nimio sane acumine interdum ineptus es. id me fateri non pœnitebit. Tu suburbicarias regiones inde nomen accepisse contendis, quod sub vrbi essent vicario. cur non & ipsam urbem suburbicariam dictam esse concedis, quæ non minus sub illo vicario, quam regiones illæ? Erubesceres nunc, credo, & ineptiarum tuarum te puderet, si quid esset pudor scires, & nisi iam pridem ruborem omnem eiurasset istud os tuum. Iam si igitur suburbicariæ regiones non a persona aliqua magistrature vrbico sunt denominatæ, sed a loco situque ipso circum urbem aut sub vrbe; quis ambigere queat, quin & hæc eadem sit suburbicariarum Ecclesiarum denominationis ratio?

ratio? ut suburbicariæ nimirum Ecclesiæ non ab vrbicis Papis nomen nactæ sint, sed ab vrbe, quod sub vrbe sitæ videlicet, & vrbi circumiacentes fuerint, & intra regiones suburbanas constitutæ. Hæc necessario præmittenda fuerunt disputationi de Ecclesiis suburbicariis, ut de nomine earum ubi constitisset, facilius porro meliusque de re ipsa constare posset.

Nunc his præmissis, ad quæstionem ipsam, quæ de suburbicariis Ecclesiis agitur, discutiendam accedamus. Hanc litem primus mouit Ruffinus in expositione sexti Niceni canonis, dum in eo decretum scribit, ut quemadmodum Episcopus Romanus suburbicariarum Ecclesiarum, sic Alexandrinus episcopus Ægypti, curam ac sollicitudinem gereret. quærendum igitur fuit, & diu est cum quæritur, ecquas suburbicarias Ecclesias intellexerit Ruffinus, quæ specialem diœcesim episcopi Romani constituerent. inter omnes autem constat, & conuenit Synodum Nicenam illo sexto Canone de speciali prouincia episcopi Romani loqui, ac proinde Ruffinum etiam per suburbicarias Ecclesias specialem episcopi vrbis Romæ prouinciam intelligere. *Prouinciam* quoque appellat vetus ille eiusdem Canonis interpres, quem ex Vaticana produxisti primus, eamque suburbicariorum locorum finibus circumscribit ac terminat. quænam illæ suburbicariæ Ecclesiæ, & suburbicaria loca, quæ denique prouincia illa fuerit suburbicariis Ecclesiis, & suburbicariis locis definita, cuius

specialem curam gesserit episcopus Romanus, nunc in eo sumus, vt inuestigemus, & exquiramus. Vniuersum Occidentem tibi placet fuisse. cur vero ita placet? *Hanc prouinciam*, inquis, *Græci quoque ipsi Occidentem vniuersum complexam esse fatentur.* itane Græci? Sed quanam illi Græci? vtrum antiqui & Orthodoxi, an recentiores isti & schismatici? Zonas, Nilus, Balsamo, & tota illa caterua. Deus bone quid audio? Schismatici illi omnes sunt. & tu his hominibus credes in determinanda Romani Pontificis diœcesi? hos testes adhibebis ad eam confirmandam? Dic nobis, o Catholicæ fidei columen, o sedis Apostolicæ columna, dic nobis, itane tibi Græculi satis idonei videntur, Romanæ diœceseos adsertores, quos vnitatis Romanæ desertores esse non ignoras? an expectas vt sedis illius auctoritatem asserant, a qua defecerunt? & sane ita est. Græci illi sunt qui fatentur totum Occidentem diœcesim esse episcopi Romani. sed ideo Occidentem fatentur, vt negent Orientem. intra Occidentis fines totam concludunt, vt ab Orientis finibus penitus eam excludant. partem orbis ea diœcesi contineri idcirco non negant, vt totum orbem complexum esse non concedant. postremo diœcesin episcopi Romani in Occidente quidem agnoscunt, sed solum in vno, sed in solo totam. Præter Occidentem, nec specialem nec vniuersalem vllam diœcesim summo Pontifici fuisse fateri volunt. Nam si vniuersalis episcopi titulo Occidentem ab eo regi confessi essent, simili iure ac titulo Orientem quo-

que sub eius imperio debere esse, confitendum habuissent. nec enim a parte, sed a toto dicitur vniuersalis: nec episcopus iure dici queat vniuersalis, qui partem tantum aliquam orbis, non orbem vniuersum regat. Græci ergo postquam vnitatem Ecclesiæ sciderunt, & sese ab illa petra Petro absciderunt, regni quidquid ac iuris in Occidente habuit episcopus Romanus, totum id eum non tanquam vniuersalem episcopum, sed tanquam specialem Occidentis Patriarcham habuisse contenderunt, ne sub illo scilicet vniuersali regimine, si concederent illud, Oriens ipse comprehenderetur. sic specialem totius Occidentis Patriarcham esse confessi sunt, vt totius orbis vniuersalem negare possent. ita omnem episcopi vrbis diocesin specialem pariter vniuersalemque Occidentis intra limites & cancellos coegerunt. Græcorum hominum opinioni hoc in loco quum subscriberes, cur eam pro parte amplexus es, pro parte repudiasti? nequaquam illa diuidi potuit, aut diuelli. nam vel tota tibi recipienda fuit, vel tota fuit reiicienda. quod enim Græci Papam Occidentis Patriarcham constituunt, id amplexaris: quod iidem eundem non cognosunt nec confitentur vniuersalem, id respuis; & recte quidem, quis negat? sed propter hoc, illud ab illis statutum est. vt istud habeant, illud habere tibi concedunt. nec enim alio fini, nec ob aliam rem confessi sunt ac consenserunt Papam esse totius Occidentis specialem Patriarcham, quam vt inficiari possent eundem totius

Dd ij

orbis vniuersalem. Si vis illud cum illis obtinere, & istud debes iuxta illos tueri ac tenere. alterum siquidem ab altero pendet. nec enim aliter poterant efficere vt Papa non esset vniuersalis, nisi sententia sua Patriarcham illum specialem totius Occidentis esse dicerent. quo pacto non pro ea potestate, quam amplissimam in vniuersam Ecclesiam habere Papa creditur, sed pro ea quam vnusquisque habet Patriarcha in sua speciali diœcesi, totum Occidentem ab eo administrari regique affirmarunt. Et hoc certo consilio ac veluti de compacto videntur egisse, vt vniuersalis episcopi ius simul cum nomine, summo Pontifici denegarent, Orientemque eius dominationi subtraherent, quem pari iure, parique imperio ab suis Patriarchis regi asserunt, quo Occidentem a Papa vrbs Romæ. quam igitur ad rem, aut quo animi proposito, tu qui summum imperium in vniuersam Ecclesiam summo Pontifici contra Græcos aliosque schismaticos summo-pere defendis, quo consilio, inquam, cum Græcis eundem totius Occidentis specialem statuis Patriarcham? atqui temet ipsum pugnare tecum videres ipse, ac menti tuæ sententiam istam repugnare, si quid sentiret aut sciperet. sic quod vna manu fundas & adstruis, altera funditus euertis, ac subruis. Romani sane omnes, Græci que veteres qui ante schisma vixere, parem omnino Papæ potestatem in Occidente atque Oriente semper agnouerunt, nec alio iure rexisse illum Occidentis prouincias, quam Orientis, cum primitiuæ Ecclesiæ

praxis ostendit, tum antiquorum patrum scripta testantur. quod pluribus confirmabimus capite quinto & vltimo huius operis. Tu vero quasi Græci veteres idem cum hodiernis senserint de speciali episcopi Romani prouincia, aut quasi Romanos & Græcos schismaticos idem super ea sentire sit necesse, Ruffinum cum Zonara idem sensisse ac scripsisse contendis in illa prouincia determinanda: Ruffinum inquam, qui tanto anterior fuit, & qui Romanus vixit illo tempore quo Græci nondum a sede fideque Romana desciuerant. Quod enim Zonaras, & nouitius & Græculus, & schismaticus scriptor, in exponendo sexto Canone Nicenæ Synodi prouinciam specialem Romani Pontificis, ex suorum Græcorum sententia, totum Occidentem esse interpretatus est; tu Ruffinum & Romanum & tanto antiquiorem Zonara auctorem, inuitum vis idem dixisse, licet non dixerit, in eiusdem sexti Canonis expositione, sic ex mente Zonaræ sensum Ruffino affingis qui nunquam illi venit in mentem. & quasi sensus vtriusque idem fuerit, ex verbis illius, huius verba interpreta- ris, atque ita quod Græci prouerbio dicunt, τὰ ἀσπίκλωσα σὶν ἀπὸ τῆς. Zonaras Occidentales prouincias, τὰ δὲ ἄλλα, τὰ ἑσπέρια Romano Pontifici subesse dicit. Ruffinus suburbicariarum Ecclesiarum curam eum gerere asserit. tu inde suburbicarias Ecclesias easdem cum prouinciis Occidentalibus esse tibi persuasisti. Hoc vt obtineas, non res, non tempora, non homines, non mores, nihil horum distinguis

ac discernis, sed ~~τοὺς μὲν μὲν~~ coniicis, & mirifice cuncta conturbas. Ex hodiernorum igitur Græcorum opinione schismatica & erronea, qui specialem episcopi Romani diœcesin totum Occidentem complecti fatentur, hoc necessario consequi colligis, vt constet Ruffinum vel Synodi mentem non expressisse, vel suburbicatarum nomine Occidentales omnes Ecclesias comprehendisse. ita tu quidem argumentaris, domine doctor, & hæc argumentatio tantam vim tibi habere visa est, vt glorieris, ideo me tacitam illam dissimulasse, ne me in angustias compelleret. vt falsus animi es, o bone! vt somnia tua te ludunt umbris volitantibus! quam vnica negatione non solum eludere, sed totam plane elidere licebat, eam ego suspensis pedibus, ne plantas scilicet mihi læderet, præterissem? Quid porro dices de altero tuo vetere Vaticano Niceni Canonis interprete, qui Pontificis Romani prouinciam omnem suburbicariis locis determinauit? an & illum concludes, aut male mentem Synodicepisse, aut suburbicariorum locorum nomine totius Occidentis prouincias intellexisse? totum istud qui tibi negauerit, quid facies? ad Græculos nempe recurres, vt inde probes totum Occidentem fuisse, specialem episcopi vrbis prouinciam, ac proinde loca suburbicaria, omnes esse Occidentis prouincias. satis illi confututi sunt, alios quære. satis ipse refutatus es, alia argumenta require. Negasse totum sufficiebat quod a te probari non posse sentiebam. sed probare etiam volui

non esse, quod esse negare simpliciter potui. rebus igitur manifestis & aperto pignore tibi monstraui totum Occidentem non fuisse specialem episcopi Romani prouinciam, sed illam in Occidente quærendam. Occidentem vero fuisse partem vnâ vniuersalis Pontificiæ diocesis, & Orientem alteram; ex his duabus partibus totam vniuersalem constituisse. Præterea prouinciam illam specialem episcopi Romæ, de qua Synodus Nicena sexto suo Canone intellexit, & quam Ruffinus cum Vaticano interprete, suburbicariarum Ecclesiarum, aut suburbicariorum locorum nomine expressit, fuisse prouinciam metropolitanam, vrbici Papæ, quæ & prouincia Romana dicebatur. Postremo hanc prouinciam Romanam, quæ episcopo Romano tanquam suo metropolitano parebat, sic suburbicariis locis, aut Ecclesiis suburbicariis fuisse definitam, vt Romana regio, quæ sub vrbis præfecto erat, suburbicariis regionibus, intra centesimum comprehensis, terminabatur. Denique fines omnino eosdem olim fuisse Romanæ & vrbicariæ regionis sub præfecto vrbis & prouinciæ Romanæ sub episcopo vrbis, qui eam metropolitæ siue primatis iure regebat. Hoc iam multis in epistola ad Amicum probaui: hoc idem etiam pluribus in hoc opere confirmauero. inde ergo necessario sequeretur, & Ruffinum recte Synodi Nicenæ mentem expressisse, nec tamen suburbicariarum nomine Occidentales omnes Ecclesias comprehendisse. Hæccine fuit illa tua argumentatio, tam

valida tamque violenta? Hoccine fuit illam taci-
tam dissimulasse, quam totam dissipauimus ac
minimo negotio diffinimus? tu potius eam nos
dissimulasse, ipse simulasti, vt sic more tuo lectori
imponeres, & offuciam faceres.

Nam quereris & me incusas, quasi confectum a
re nihil esset, rem denuo a capite arcessere, & nega-
re suburbicarias dici alias posse, quam quæ subur-
bicariis prouinciis contineantur. per hanc quere-
lam iam tacito tibi, si mihi credis, & quieto licet
esse. Vnde enim potius quam a capite ipso rem
arcessendam putas? aut vnde tibi melius lis qua
de agitur repetenda videtur, quam ab illa causa,
quæ litis ansam præbuit? ceterum quid a te confe-
ctum sit, ipse videris. Ego me scio illud omne in-
fectum fecisse, quod opere tanto confeceras. ideo
tota tela retexenda, & a capite ipso denuo redor-
dienda fuit. Hinc illæ lachrimæ. Hoc tibi cordo-
lium est. sed quod fors tulit, ferendum est. immo
ipsi tibi imputabis. cur non meliora dederas? Ne-
gaui porro, atque etiam nunc pernego, suburbica-
rias Ecclesias alias dici posse, quam quæ in subur-
bicarijs prouincijs erant collocatæ. vagum alio-
quin & ambiguum foret vocabulum, quod certas
& statas Ecclesias non denotet, cum certam ac de-
finitam Synodus Episcopi Romani diœcesis desi-
gnarit, & designatam a Synodo Ruffinus signanter
expresserit Ecclesiarum suburbicariarum nomine.
Mea sunt hæc omnia, vt recte tu quidem opinaris.
at enim uero hæc ipsa falsa & inepta esse, & ad rem
meam

meam nihil facere nisi vt me inærtia inſcitixque condemnent. Hæc etiam opinor tua ſunt. bene habet, & gratum eſt. ego inſcitus, ego iners. ſed longe non ibimus, vt experiamur, ecquis noſtrum inſcitior inertiorque ſit exiſtimandus. heic heic vbi ſumus, hoc videbitur. *Et ad P'os.* heic igitur illud apparebit. Primum ad ea quæ ſuperius poſuimus, opponis, ſuburbicarij notionem pro rerum ad quas refertur varietate, modo anguſtiorẽ, modo laxiorẽ eſſe. O ſollertis ac ſciti virum ingenij! atqui hoc ipſum eſt, o ſcientiarum omnium & artium medulla, hoc inquam ipſum eſt quod vocabulum illud vagum & ambiguum vnice poſſit reddere, ſi pro rerum varietate, modo laxius, modo anguſtius ſumatur. Aliæ, vt reris, fuere ſuburbicariæ, quæ ad præfectum vrbiſ, aliæ quæ ad vicarium vrbiſ, aliæ quæ ad episcopum vrbiſ referebantur. quid laxius, aut incertius, aut ambiguum magis reperiri poſſit hoc vocabulo, quod tam varias admittat ſignificationes, pro rerum ſcilicet ac perſonarum varietate, ad quas relatio facienda eſt? ſi memoratas uſpiam ſuburbicarias regiones inuenero, non facta mentione vicarij vrbiſ, vt puta, vel præfecti vrbiſ ad quem referri debeant, quis me expediet, aut qua notione accipere me oportebit illas ſuburbicarias, vt in ambigui biuiõ non hæream? plures vrbiſ vicarius, pauciores præfectus vrbi ſub ſe ſuburbicarias habuit. vtrum de his quas præfectus, an de illis quas vicarius vrbiſ regebat, exponam? exempli gratia; Procurator rei priuatæ

per urbem & suburbicarias regiones in vtriusque imperij Notitia notatur. quæ sunt illæ suburbicariæ? quam ad rem, aut quam ad personam relationem fieri conuenit, vt scire possim quas & quot numero suburbicarias Procurator ille rei priuatæ rexit? vtrum eas quas vicarius administrabat, an quas præfectus vrbis, intelligam? an & suas ille quasdam rei priuatæ procurator vrbicus, & peculiare suburbicarias habuit, quæ ab ipso denominatæ sint, vt ab vrbis vicario præfectoque? Vicarium illum ipsum sumamus vrbis, cuius proprias suburbicarias facis. si nesciam quot & quas prouincias ille sub sua dispositione habuerit, & legero alicubi, aut aliquis mihi dixerit suburbicarias prouincias sub eius esse dispositione, nihilo certior inde vel doctior discedam: nam nec numerum earum, nec situm ex eo cognoscere poterō. cum enim suburbicarias ab eo dictas autumes, quod sub vrbis essent vicario, quascunque ille, aut quot numero cunque rexit, aut vbicunque positas, suburbicariæ vtique omnes semper futuræ sunt, & sub hoc nomen venturæ. nec minor, immo etiam longe maior ambiguitas existet in diœcesi episcopi Romani, & suburbicariarum Ecclesiarum appellatione. cum enim & illum episcopum vrbis Romæ fuisse statuas, & prouinciæ Romanæ metropolitam, & Italiæ primatem, & Occidentis Patriarcham, & orbis monarcham, suburbicariæ necessario omnes erunt Ecclesiæ, & illæ quas iure metropolitæ gubernat, & quas primatis titulo regit: nec minus

item suburbicariæ, quæ sub eius patriarchatu sunt, quam eæ quas tanquam episcopus vniuersalis & totius orbis monarcha sub imperio suo premit ac ditione. si audiero igitur aliquem dicere, aut si alicubi scriptum offendero, episcopum Romanum suburbicariarum Ecclesiarum sollicitudinem ac regimen habere, vtrum de vniuersali eius diœcesi, suburbicarias illas intelligere me oportebit, an de Patriarchali, an de primatiana, an de metropolitana? ambiguum profecto id erit, & nunquam certo sciendum propter incertam vocabuli significationem. inde est quod suburbicarias apud Ruffinum tu de Occidentalibus solis interpretatus es, illustrissimus Cardinalis Petronius de totius orbis Ecclesiis, alij aliter. Nec mirum. has enim omnes, & alias lōge plures, & quas quis voluerit, & animo suo finxerit expositiones, accipere possint suburbicariæ cum ista tam vaga & instabili notione. Verum ne vagentur amplius, nec limites quos a natura accepere, transilient, suos intra fines nunc retrahendæ sunt, quos certos olim statosque habuisse nomen earum indicio est. inde enim dictas suburbicarias apparet, & ratio nominis id ostendit, vnde & suburbia. quod sub vrbe scilicet, & circa urbem positæ, vicinæ vrbi & circumiacentes fuerint. A loco igitur in quo sitæ fuere, non a personis, nec a rebus appellationem nactæ sunt, nec pro rerum ac personarum varietate locum suum situmque subinde mutare, nec fines suos migrare possunt. Age nunc, vt voces tuas tibi reddam, quis tibi

Ec ij

Grammaticorum assentietur, suburbicarij vocabulum, quod a loco non a personis appellatum est, pro rerum varietate ad quas refertur, varie sumi, & modo de illis regionibus quæ sub vrbe sunt, accipi, modo de illis quæ longissime ab vrbe distitæ, in vltimis orbis partibus erant sitæ? cædent illi te potius, quam hoc tibi concedant. Tu tamen vt confirmes suburbicarias regiones, modo laxiores, modo angustiores fines habuisse, exemplo id illustras, atque ita verba facis: *Quæso te, præfecturam Parisiensem cum audis, eosdemne illius fines animo fingis, cum de prætore Parisiensi agitur, eosdem cum de episcopo, eosdem cum de Curia supremoque tribunali Parisiensi.* quam bene tecum actum est, quam pulcre ac beate quod me adeo leni ingenio natum nactus es aduersarium! Hoc nisi esset, quid te fieret nescio, ita male accipi dignus es cum isto tuo stupore, & inertia. quæso te, Parisiensem præfecturam cum audis, putasne præfecturæ Parisiensis nomine cum episcopi Parisiensis diœcesin intelligi, tum etiam summi Tribunalis Parisiensis territorium? tam bardus non es vt credas, nec tam impudens vt dicas; & tamen hoc tua verba tinnire videntur. immo hoc ipsum aperte sonant. Ergo præfectura Parisiensis tuo iudicio dicitur, & quam prætor Parisiensis regit, & cuius curam gerit episcopus Parisiensis, & cuius intra fines iurisdictionem territorii ius habet suprema Curia Parisiensis? Harum trium iurisdictionum nomen vnum idemque fuisse censes, fines vero diuersos? mira profe-

cto fabularis, & vix cuiquam credibilia, quia nemini vnquam audita, & quia penitus falsa & nugatoria. ecquis vnquam audiuit præfecturam Parisiensem dici de Parisiensis episcopi diœcesis? ecquis fando accepit vnquam territorium vniuersum siue districtum iurisdictionis supremæ Parisiensis Curia, præfecturam Parisiensem appellari? Præfectura quippe Parisiensis vocatur, omne illud terrarum spatium, cuius intra fines ius dicere licet præfecto siue prætori Parisiensi. Alia est, & aliud nomen habet, aliosque fines Parisiensis episcopi diœcesis, nec vnquam præfectura est appellata. Supremum vero Parisiense tribunal, non solum vltra præfecturam Parisiensem iurisdictionis suæ terminos extendit, sed etiam vltra prouinciam, vt vocant, insulæ Franciæ, & multas alias præterea prouincias complectitur, quæ nec præfectum Parisiensem agnoscunt, nec episcopo Parisiensi parent, & longissime a ciuitate Parisiensi sunt remotæ. Hæc omnia igitur nominibus distincta sunt, vt mirum non sit etiam distincta esse finibus. Alia est præfectura Parisiensis, alia diœcesis episcopi Parisiensis, aliud denique summi tribunalis Parisiensis territorium. & hæc tres potestates siue iurisdictiones, tam re quam nomine, quamque etiam finibus inter se disparatæ sunt, & discretæ. iurisdictiones diuersæ, nomina diuersa, fines diuersi. At in suburbicariis regionibus quarum gratia superius a te exemplum allatum est, vt idem dici conueniat, nullo modo poteris obtinere: omnia enim sunt

E c iij



diffimilia. Suburbicariæ quippe regiones vnum semper idemque nomen seruant, siue de præfecto vrbis agatur, siue de vicario, siue etiam de vrbis episcopo, quacunque de re loquaris aut agi legas, suburbicariæ semper & vbique vocantur. Dicatur aliquis rei priuatæ procurator per urbem & suburbicarias regiones, alius rei priuatæ rationalis, per urbem & suburbicarias, præfectus vrbis intra iurisdictionis suæ terminos suburbicarias habuisse, sub vicario vrbis suburbicarias fuisse, suburbicariæ semper eadem erunt tam re quam nomine. Ergo vt semper nomen idem possederunt, quibuscunque de rebus aut personis ageretur, sic semper eosdem obtinere terminos, nec minus finibus indiscretæ fuere, quam nominibus; immo quia nominibus distinctæ non sunt, ideo nec finibus. Hinc scire potes, exēplum quod superius attulisti, nulla ex parte quadrare, sed vndiquaque claudicare. Hoc vt quoquomodo posset conuenire, finxeras diœcesin Parisiensis episcopi & summæ Curiae Parisiensis iurisdictionem, Parisiensis præfecturæ nomine comprehensas, diuersos nihilominus fines ac terminos habuisse a præfectura Parisiensi. sed male & inepte fictum hoc fuisse, ne tu quidem ipse qui fictor es negaueris, si modo sano sincipite sis. Nec tamen hac stetit figmentum tuum. nam vt aliqua saltem ex parte miserum illud exemplum, videri aptum posset & accommodatum, aliquid etiam discriminis comminisci voluisti suburbicarias inter Ecclesias prouinciasque. sic igitur ser-

modocinatis: quæso te Parisiensem præfecturam cum audis, eosdem illius fines fingis cum de prætore Parisiensi agitur, eosdem cum de episcopo, eosdem cum de Curia supremoque tribunali Parisiensi? insanus sis si fingas. cur igitur eadem intelligi aut concipi vis spatia cum prouinciæ, eadem cum Ecclesiæ suburbicariæ nominantur? Pulcre admonuisti, Sirmonde, & gratiam habeo pro monitu. sane non eadem spatia occuparunt Ecclesiæ suburbicariæ, & prouinciæ. plures enim Ecclesiæ fuere in singulis prouinciis suburbicariis. sed non arbitror hoc te voluisse. voluisti nimirum Ecclesias suburbicarias fuisse diuersas a prouinciis suburbicariis, vt inde sequi necesse sit, episcopi vrbis, & vicarij vrbis & præfecti vrbis, & aliorum si qui ab vrbe nomen ducunt, diuersos potestatis ac iurisdictionis fuisse terminos. nihil demo vel demuto de verbis tuis. hæc omnia sunt. igitur si bene te capio, hæc tua sententia est: episcopum vrbis qui suburbicarias ecclesias sub se habebat, longe alios potestatis ac iurisdictionis fines habuisse, quam aut præfectus vrbis, aut vrbis vicarius, aut si quis alius ab vrbe nomen duceret magistratus, sub quorum potestate & administratione prouinciæ suburbicariæ fuere. distinctæ igitur finibus erant, vt arbitraris, prouinciæ & ecclesiæ suburbicariæ, licet idem nominis obtinerent, & vtræque suburbicariæ vocarentur. sed rogo te Sirmonde, pace quod tua, bonaque cum venia liceat interrogasse, censesne suburbicarias illas Ecclesias in nullis prouinciis fuisse sitas nullas extitisse vsquam prouincias quibus illæ

continerentur Ecclesiæ, nisi me fallis, haud negabis. si quæ fuere, quod aliud nomen illis prouinciis fuisse censes, quæ suburbicarias Ecclesias completebantur, quam suburbicariis? Hoc si fateris, interrogauero rursus: Prouinciæ illæ vere suburbicariæ quæ dicebantur, & quæ sub vrbis erant vicario, vel præfecto vrbis, an nullas in territoriis suis vnquam habuere Ecclesias? habuisse vtique non dubito quin mihi concedas. Ecclesiæ igitur illæ quæ intra prouincias suburbicarias erant constitutæ, quo alio nomine appellabuntur, nisi suburbicariæ vocentur? Iam vides si oculos habes, iam sentis, opinor, si tibi cor adest, oppido perquam ridicule stulteque te prouincias suburbicarias ab Ecclesiis distinxisse. quascunque enim tibi finges Ecclesias suburbicarias, quibuscunque in regionibus eas collocabis, ibi & prouincias esse suburbicarias fateri cogeris. vbicunque rursus gentium prouincias fuisse statueris suburbicarias, si quæ in illis prouinciis conditæ reperientur Ecclesiæ, suburbicariæ omnes, velis nolis, futuræ sunt, atque ita dicentur. falsum ergo, nec minus ineptum hoc discrimen, quod a te statuitur suburbicarias Ecclesias inter, & prouincias siue regiones. Vaticanus tuus interpret Niceni sexti Canonis, *suburbicaria loca* dixit, pro suburbicariis Ecclesiis, quas Ruffinus in eadem re exponenda posuit. *suburbicaria vero loca* quid aliud sunt, quam *suburbicariæ regiones*, vt passim appellantur, & *suburbicariæ partes*, vt eas vocat lex xii. Cod. Theod. *de extraordinariis muneribus.*

muneribus. his verbis: *neque suburbicariis partibus tiro-*
num immineret exactio. sic *suburbicariae partes, suburbi-*
caria loca, & suburbicariae regiones suburbicariaeque pro-
uincia, synonyma sunt plane, atque earundem
omnino nomina rerum regionumque. tibi vero
homini in primis cordato an vecordi, quasi subur-
bicaria illa loca nullas Ecclesias habuerint, aut quasi
suburbicarię illę Ecclesię nullibi locorum fuerint,
suburbicarias Ecclesias & suburbicarias prouincias,
nulla alia differentię nota discerni placuit, quam
quod istę prouincię dicantur, Ecclesię vocentur
illę. quod quam delirum sit, & super quidquid est
ridiculi deridendum, licet taceam, res ipsa satis lo-
quitur. quamuis autę nulla in delirantibus sit ratio,
quid tamen sis sequutus, & quam causam habueris
huiusmodi distinctionis inter suburbicarias
Ecclesias, & suburbicaria loca constituendę, ope-
rę pretium est attendere. eo id a te factum apparet,
vt prouinciam episcopi vr̄bis, qui suburbicariarum
Ecclesiarum curam gerebat, aliam faceres tam a
diocęsi vicarij vr̄bis, quam ab vr̄bicaria regione
pręfecti vr̄bi, qui prouincias curabant suburbica-
rias. ergo quantum de iudicio tuo possum iudica-
re, suburbicarię Ecclesię seorsim suos certosque
fines habuere, prouincię vero suburbicarię seor-
sim item suos, eosdemque semper, sed diuersosa
suburbicariarum Ecclesiarum finibus. Atqui hoc
in vtrisque falsissimum esse quilibet deprehen-
dat. iam tibi supra ostendimus, suburbicarias Ec-
clesias, si eo sensu accipiantur, quo eas accipi vis,

licet eodem nomine, licet sub eodem præfule, non tamen easdem semper fuisse, sed alias atque alias notiones ac terminationes accepisse, pro varietate scilicet relationis. quid enim? an non aliæ fuere suburbicariæ Ecclesiæ quas Papa tanquam episcopus vniuersalis regebat, aliæ quas tanquam Patriarcha, aliæ porro quas vt primas, aliæ quas vt metropolitanus curabat? Has iuxta tam diuersas acceptiones Romana prouincia suas Ecclesias habuit suburbicarias, habuit & suas Italia, totus Occidens habuit suas, nec minus & vniuersus orbis, cuius & suæ fuere suburbicariæ. sic nulla in toto orbe Ecclesia fuit, quin fuerit suburbicaria, non tamen eadem ratione nominis, nec eadem relatione. nihil tam vagum est, nihil æque motorium & incertum, quam isthæc tuarum Ecclesiarum suburbicarum appellatio, hoc sensu accepta. De prouinciis suburbicariis an quid secus est, quas tamen ab Ecclesiis suburbicis distinguis? immo res eadem prorsus est, eadem varietas in illis & incōstantia finium notionumque. Nam prouincias suburbicarias, heic & in Censura, censes alias fuisse quæ sub præfecto vrbis, alias quæ sub vrbis vicario, & plures istum, pauciores illum sub sua dispositione habuisse: atque ita suburbicarias prouincias pro varietate rerum & magistratuum vrbicorum, modo laxiores, modo strictiores fines possedisse. quid igitur diuersa tibi facere libuit Ecclesias suburbicarias a prouinciis suburbicariis? nonne tibi licuit easdem faciendo, diuersas tamen illis notiones & terminos assigna-

re? sic neque bene effecisses quod optabas, ut alia esset nimirum diœcesis episcopi vrbis, qui suburbicarias Ecclesias, alia vicarij vrbis aut præfecti qui suburbicarias regebat regiones. sed hoc longe a tuis viribus abest, ut efficere possis, ex duobus diuersis earundem regionum, suburbicarum ut puta, rectoribus, alter ut pauciores, numero plures alter in sua potestate suburbicarias rexit; alter ampliores, breuiore alter iurisdictionis ac potestatis terminos habuerit. quod idem plane est, ac si quis dixerit Proconsuli Africæ, & prouinciæ eiusdem procuratori diuersos iurisdictionis ac potestatis fines fuisse datos; nec eosdem in eadem prouincia administranda limites habuisse constitutos Siciliæ Consularem, & qui per eandem Siciliam rem priuatam principis procurabat. nec enim minus a loco dictæ sunt, & suis finibus circumscriptæ fuere suburbicariæ regiones quam Africanæ, quam Ægyptiacæ, & Siculæ, aliæve quælibet prouinciæ. Heic tamen me interrogas cur episcopi vrbis & præfecti vrbis, & vicarij vrbis, & aliorum si qui ab vrbe nomen ducunt, eosdem potestatis ac iurisdictionis terminos esse iubeam. quidni ego iubeam si iubere meum sit, & si sit verum superscriptos omnes magistratus easdem suburbicarias rexisse? Rationalis erat rei priuatæ per urbem & suburbicarias: procurator rei priuatæ per urbem & suburbicarias: præfectus vrbis erat, & suburbicarum regionum: Episcopus Romanus, episcopus vrbis fuit, & metropolita Ecclesiarum subur-

bicariarum: quidni ego censeam sanciamque harum omnium suburbicariarum eisdem omnino terminos ac fines fuisse? an tu potes aliter sentire? si tibi vel gutta sensus communis adesset, haud aliter sentires. Vicarius vrbis suburbicarias quidem & ipse sub sua dispositione, sed non solas habebat. nam præter eas aliquam multas etiam prouincias administrabat, quæ non erant suburbicariæ. suburbicariæ igitur regiones cum a loco appellationem mutuatae fuerint, cum ab vrbis vicinitate ita dictæ sint, situm mutare non possunt pro varietate rerum & hominum ad quas referuntur, & a quibus reguntur, nec ad longinqua transferri. Equidem hoc a me scribi videre te dicis, sed contra me, sed contra coniectorem. quid ita contra me, quid contra illum, dic amice, nam ego iam te in amici loco habeo post Aduentoriam. Umbriam, inquis, quæ vrbi proxima est, de suburbicariorum numero expunxisti, Picenum suburbicarium agnoscis, Umbriam negas, quæ tamen vrbi vicinior est quam Picenum. An hæc tibi sola causa est quare fateri nolis suburbicaria ex eo dicta esse quod circa urbem, & sub vrbe sint? magna profecto causa, dignaque quam faceres magni, ut propterea de vera suburbicariarum appellatione nobis assentiri non posses. sed si istic errauimus, Sirmonde, quod Umbriam vrbi vicinam regionem, suburbicariam tamen non fecimus; ne quid causæ possis dicere, suburbicaria iam fiat, & in suburbicariarum numerum reponatur, & pro quattuor suburbicariis

quinque deinceps numerentur. an hoc sat habebis? vnus adhuc restat tibi scrupulus. Picenum, inquis, “ quod ab vrbe paulo longius erat remotum, quam “ Vmbria, suburbicarium agnoscitis. magnum hoc “ peccatum fateor esse si verum est. sed verum sit : an ideo suburbanum, & vrbi vicinum non dicetur Picenum, quod licet extra centesimum milliare situm, ad ipsos tamen centesimi fines positum fuit? atqui & Lucaniam longinquiorem, quam Picenum est, & ab vrbe magis distitam, vicinam tamen vrbi vocat Nouella Theodosij *de suariis, boariis, pecuariis.* verba Nouellæ : *de vicinis prouinciis id est Lucania, sex millia quadringentorum, Campania M. DCCCCL.* Cicero & Florus *Siciliam suburbanam* appellant: at Picenum longe magis suburbanum quam Sicilia, & ex vero magis suburbicarium appellari queat. Verum hoc nihil est. istoc ego non vtar. nihil enim pro nobis facere possit, qui suburbicarias omnes intra centesimi cancellos compegimus. quamobrem Picenum nisi intra centesimum est, frustra nobis suburbicarium est. quin fuerit, nunc nemini liceat dubitare, postquam ostendimus, quidquid Piceni agri intra centesimum fuit, quidquid Vmbriorum regionis, & Vilumbrorum, cum toto Sabinorum territorio, suburbicarij Piceni nomine fuisse comprehensum. sic Vmbriæ pars quæ intra centesimi fines erat, Piceno adiecta est, & ex illa Vmbriæ parte, & vniuersa Sabinorum regione factum Picenum suburbicarium. ideo suburbicariam Vmbriam nullam agnouimus, quia nulla vnquam hoc

nomine nota fuit. suburbicarium vero Picenum hoc cognomine cognitum & ipsi agnoscere coacti sumus, quod Vmbros & Sabinos qui intra centesimum erant, complectebatur. id abunde superiore libro docuimus. quare si nihil habes nisi hoc, quo suburbicarias easdem cum suburbanis regionibus fuisse neges, vt res est, ne id quidem nunc habes. Nunc igitur, quod alios iubes, tacere ipse debes. sed hoc iam nimis serum est, cum pudori, tum famæ tuæ. vtrique consultum iuisses, si de hac re nunquam mutuiisses.

Scripseram porro, incertum & ambiguum fore, quas Ecclesias suburbicarias dicat Ruffinus, si vllas ita accipi placeret, quæ extra suburbicarias prouincias essent. inane illud esse, inanilogus ipse argutaris. quid ita? *quasi vero*, inquis, *Ruffini ætate suburbicariarum Ecclesiarum obscurius nomen fuerit quam prouinciarum.* Quasi vero, inquit ipse, Ruffini ætate, suburbicariæ vllæ Ecclesiæ fuerint extra eiusdem nominis prouincias, aut quasi aliæ sic dici potuerint, præter eas quæ in prouinciis suburbicariis erant constitutæ. Concedo tibi non obscurius Ecclesiarum suburbicariarum nomen fuisse, quam prouinciarum; nullum quippe inter eas discrimen, nisi quod aliud Ecclesia est, aliud prouincia, & plures Ecclesiæ in vna prouincia. Ceterum si cui notæ prouinciæ suburbicariæ, notum eidem, quæ in illis prouinciis erant Ecclesiæ, suburbicarias fuisse. Vicissim nemo suburbicarias Ecclesias audit, quin statim intelligat prouinciarum suburbicariarum

Ecclesias illas esse. nihil hoc modo obscurum, aut ambiguum, nec in Ecclesiis nec in prouinciis suburbicariis. si cui vero, idem quod tibi, distinguere nimirum ac disiungere placeat suburbicarias Ecclesias a prouinciis eiusdem nominis, idem prouincias suburbicarias distinguat a prouinciis suburbicariis necesse est, & suburbicarias item Ecclesias ab Ecclesiis suburbicariis discernat. suburbicariæ quippe tuæ Ecclesiæ, quas a prouinciis suburbicariis separas, prouinciarum quarundam Ecclesiæ scilicet fuere, quas prouincias & ipsas suburbicarias oportet fuisse: suburbicariæ vero prouinciæ nostræ, Ecclesias & illæ quasdam habuere, quas Ecclesias ipsas quoque dici posse suburbicarias, ac etiam sic dictas esse, nemo est qui ambigat. sic & prouincias habebimus suburbicarias a prouinciis eiusdem nominis penitus diuersas, & Ecclesias similiter suburbicarias, quæ re ipsa non erunt eadem cum Ecclesiis suburbicariis, licet eadem sint appellatione. quo quid obscurum magis, quid magis ambiguum & incertum dici potest? Finge vero Ruffinum pro suburbicariis Ecclesiis dixisse prouincias suburbicarias: quis autem dubitet quin sic dicere potuerit, immo etiam debuerit, si quidem Occidentales omnes Ecclesias intellexit: plures enim in Occidente non Ecclesiæ solum, sed etiam prouinciæ Ecclesiasticæ, sed etiam integræ solidæque diœceses. dixerit igitur Ruffinus prouincias suburbicarias sub cura episcopi vrbis fuisse; quis tempore Ruffini potuit alias prouincias intelligere, quam

quæ passim apud auctores illius temporis, cum in Codice Theodosiano, tum in vtriusque imperij Notitia suburbicariæ regiones appellantur, & suburbicariæ provinciæ? produc aliquem si potes, erue, profer auctorem vel Ruffino contempora- neum, vel anteriorem, vel posteriorem, qui sub- urbicarias provincias eo sensu vsurpauerit, quo tu Ruffinum tibi fingis vsurpasse. si Ruffini ætate non aliæ provinciæ suburbicariæ cognitæ, quam quas diximus, Ruffinum oportet, aut id vocabuli in hac significatione finxisse, aut iam factò & vsi- tato nouam significationem affinxisse. Nouum verbum finxisse ad Occidentem designandum nullo modo verisimile est, cum in promptu habe- ret vsu trita notaque vocabula: cum Occidentem dicere posset, aut Occidentales Ecclesias, provin- ciasque, quiduis denique potius quam suburbi- carias istas, hoc sensu obscuras & incertas. Noto vocabulo nouam notionem attribuisse, id vero longe minus credibile est. suburbicariæ provinciæ dicebantur suburbanæ, id est sub vrbe sitæ, & vrbi circumiacentes. at si per suburbicarias intellexisset Ruffinus Occidentales, & hanc vocem in hoc si- gnificatu vsurpasset, tum suburbicariæ ipsi essent non suburbanæ, vt ratio vocabuli poscebat, sed sub vrbico Papa positæ regiones, & ipsius regimini suppositæ. quod contra vsum, contra rationem est Latini sermonis. Sed demus tibi, Latine & ele- ganter appellari potuisse suburbicarias quæ sub vrbis erant episcopo, ὁ πάλαισιμον huius vocis in hac signifi-

significatione sumptæ nonne potuit deterrere Ruffinum ne ea vteretur, ad eam rem designandam, quam certo, vt ipsa certa erat, vocabulo debuit designare? specialem episcopi Romani diœcesin, hoc est patriarchalem hac voce voluit Ruffinus exprimere. atqui vox ista sic accepta non magis specialem eius diœcesin quam vniuersalem exprimit: non minus patriarchalem quam metropolitanam: metropolitanam denique non minus quam primatiam: nec minus postremo prouinciam Romanam denotare potest quam Italiam, nec Italiam minus quam totum Occidentem, nec minus Occidentem quam vniuersum orbem. Has omnes significationes & accipiunt & accipere sunt idoneæ, suburbicariæ prouinciæ hac notione positæ. præterea suburbicariæ etiam prouinciæ fuerint illæ, quas ab vrbis vicario fuisse dictas obstinato animo pertendis. quarum prouinciarum complexio, nullo modo quod ad prouincias ipsas & prouinciarum numerum attinet, conuenire potest cum prouincia metropolitana episcopi Romani, vel cum primatiana, multo minus cum patriarchali, & vniuersali. sic igitur infinite obscurum erit & incertum, quas Ecclesias suburbicarias dixerit Ruffinus, si aut alias Ecclesias accipi placeat, quam quæ in prouinciis erant suburbicariis, aut alias prouincias suburbicarias intelligi quam quas certum est ad præfecti vrbis iurisdictionem pertinuisse, & in vrbico territorio sitas fuisse. vnde & vrbicariæ sunt dictæ, vt suburbicariæ de vrbis vicinitate. quod ex

Gg

iis quæ diximus ita constat, vt nullum verum sit verius, nullum certum certius. Addis postremo, quemadmodum præfecti vrbis & vicarij vrbis potestas quos fines haberet, ignorari non poterat, ita episcopi Romani specialis diœcesis quovsque pertineret, exploratum itidem ac ratum, Ruffini temporibus scilicet, fuisse. nec de isto mihi tecum diuidia est, aut contentio. fateor hoc totum. sed exploratum etiam tunc ac ratum erat, quid essent, aut quæ dicerentur prouinciæ suburbicariæ. non alias autem fuisse, quam quæ intra centesimum ab vrbe, & iurisdictionis vrbane præfecturæ fines, vrbique territorij comprehensæ essent, id etiam ratum & exploratum esse debet. si quis igitur specialem episcopi Romani diœcesin iisdem notis, ac regionum nominibus designarit, quibus designari solebat vniversum præfecti vrbis territorium, easdemque regiones assignarit speciali eiusdem diœcesi, quæ vulgo præfecti vrbis territorio iurisdictionique consuerunt assignari, quis dubitet, quin eisdem fines constitutum eat, vtriusque potestatis, præfecturæ inquam vrbane, & episcopi vrbani diœceseos? Hoc fecere antiqui Latini interpretes sexti Canonis Synodi Nicenæ, qui in speciali episcopi Romani diœcesi exponenda *suburbicarias Ecclesias*, vel *suburbicaria loca*, vel *ciuitates circum urbem* episcopo Romano pro diœcesi speciali siue prouincia attribuerunt. iisdem locis & regionibus suburbicariis terminabatur tota præfecti vrbis iurisdictionis. sic & Romanam prouinciam, quæ sub

urbis episcopo, & vrbicariam siue Romanam regionem, quæ sub vrbis præfecto, iisdem limitibus ac finibus circumscriptam fuisse oportet, quandoquidem iisdem locorum nominibus signanter significanterque ab auctoribus vtraque descripta est.

Sed errare me vehementer affirmas, si aut Synodo Nicenæ aut Ruffino qui Synodum interpretatus est, propositum id fuisse censeo, vt Romanæ dioceseos partem vllam nominatim exprimeret. Profecto, Sirmonde, si ita censeo, si ita censui, merito succenses, nec quicquam causari possum, quo errorem excusam, aut castigationem recusam. sed si vicissim nihil tale vnquam scripsi, nihil tale sensi, quid causæ possis dicere, quin falsi tam manifesti reus, pro falsario & impostore pœnas merito mihi dare debeas? vin igitur hoc paciscamur, & pactam fidem seruemus? ita sane lubet. aut ego insigniter falsus sum, aut tu insignis es falsarius. vel me ratio fugit, vel te fides. vtrum verius sit, mox patebit. Hoc me dicis dicere, Synodum assignauisse Ægypti prouincias Alexandrino episcopo: debuisse ergo & Romano certas adscribere. Egone isthæc scripsi? ego scribere quiui? cur paginam non adscripsisti, sicut aliis in locis soles? cur locum non indicasti? euoluatur & reuoluatur tota ad amicum Epistola, si quidquam in ea tale dictum a me scriptumve reperietur, tum ego te, quod negavi semper, oris & animi probi virum esse non inuitus fatebor. Ex illis tamen verbis, quasi mea sint, quæ

fingis esse, quam oscitanter verba Synodi legerim;
 quam parum mentem eius assequutus sim, demon-
 strare conaris: sed conatus hic ibit in neruum, ut
 tu dignus es in neruo esse, propter tam improbum
 & impudentem conatum. quam vero non oscitan-
 ter sextum illum canonem legerim, & quam non
 prae intellexerim, fidem faciet interpretatio mea
 heic subiecta ex Epistola ad amicum pag. cvii. sic
 igitur ibi verba mentemque Synodi sum interpre-
 tatus: *Hinc Niceni Concilij patres cum de constituenda
 Alexandrini episcopi diœcesi in illo Concilio agerent tracta-
 rentque, eam ad typum & exemplar Romanae constitue-
 runt, & decreto suo sanxerunt, quod in sexto canone
 eiusdem Concilij habetur, ut idem mos antiquus in tota
 Ægypto obtineret, qui Roma obtinebat, hoc est ut idem
 iuris, idemque potestatis haberet Alexandrinus episcopus in
 Ægypto, Libye, & Pentapoli, quod in sua provincia habere
 ex antiquo solitus esset urbis Romae episcopus; ὅτι καὶ τὰ
 ἐν τῇ Ρώμῃ ἐπὶ τοῦ τῆς αὐτοῦ σὺνδῆτος ὅτι· quoniam hoc
 consuetum est Romano episcopo, ἵεροῦς scilicet habere
 omnis suae provinciae. quenam illa provincia fuerit, non
 exprimitur verbis illius canonis. Graecis enim notissimum
 tunc temporis id erat. At Ruffinus presbyter Aquileiensis,
 in huius canonis expositione nominatim eam expressit, &
 ex mente canonis, sicuti Ægypti regimen Alexandrino
 episcopo assignavit, sic Romano suburbicariarum Ecclesia-
 rum curam, & sollicitudinem attribuit. Hæc ipsissima
 mea verba sunt, quibus sextum illum Synodi
 Canonem exposui. hæc ad litteram mea expositio,
 tota est, qualis posita est in amici Epistola. Nunc*

vide si quid habes, quod in ea naso tuo displiceat, & an ex ea tibi liceat arguere, quantumlibet argueris, censere me Synodo propositum fuisse ut Romanæ prouinciæ partem vllam nominatim memoraret. quis ignorat, id in eo Concilio minime tunc agitatum fuisse, nec ea de re actum, ut certa prouincia Romano episcopo assignaretur? immo ad exemplum typumque Romani episcopi prouinciæ, quæ tum certa erat, nec a quoquam turbabatur, suam episcopo Alexandrino diœcesin constituerunt illi patres & stabiliuerunt, propriamque & certam ex incerta reddiderunt. Nam eam turbabant Meletiani, & multa sibi in ea diœcesi adrogabant contra iura ac priuilegia episcopi Alexandrini, presbyteros ac diaconos & episcopos passim instituendo, & Ecclesias erigendo. Parem igitur potestatem episcopo Alexandrino per omnes Ægypti prouincias confirmarunt, quam habere ex antiqua consuetudine solitus erat in sua prouincia, hoc est in Romana, episcopus Romanus. Synodus eam nominatim non expressit, quid enim opus erat exprimere, quæ notissima tunc omnibus erat? Hæc omnia dixi in mea interpretatione. quid igitur me dixisse mentiris, Synodo & Ruffino fuisse propositum partes Romanæ prouinciæ nominatim exprimere, & certas prouincias assignare episcopo Romano, sicut certas assignauerat Alexandrino? cur Ruffinum cum Synodo coniungis, cuius in re pari dispar propositum fuit? Synodus prouinciam episcopi Romani, nominatim non expressit;

Gg iij

nec enim exprimere habuit necesse, quam satis habuit designasse. Ruffinus autem, qui Synodi verborum interpretis erat, ut munere interpretis fungeretur, cuius est, non solum si quæ sunt obscuriora explicare, sed etiam quæ per se clara sunt, dilucidius exponere, nominatim speciatiunque id expressit, quod Synodus tantum subintellexit. nec enim Synodus ullam ibi prouinciam episcopi Romani nominauit, tantum abest ut partem eius ullam nominatim commemorauerit aut commemorare debuerit: quippe quæ sic loquatur: ὁ πρῶτος ἐκ τῆς Πάριδος ἐπισκοπῆς τῆς τοῦ αἰῶνος ἐστὶ. quod licet paulo obscurius conceptum, de prouincia tamen dictum accipi debere notum erat, ut scilicet id moris habuerit in sua prouincia episcopus Romanus. cum igitur certum esset de prouincia, siue diœcesi speciali episcopi Romani Synodum intellexisse, Ruffinus id clare exposuit, & Synodi mentem in aperto posuit, & prouinciam illam quam Synodus intellexit, suburbicariarum Ecclesiarum nomine signanter expressit ipse. ut scilicet sic totius Ægypti curam sollicitudinemque gereret Alexandrinus episcopus, cum pari potestate, qua suburbicarias Ecclesias curare ex antiquo cōsueisset episcopus Romanus. apposite omnino ad Synodi mentem. igitur *suburbicariæ Ecclesiæ*, siue *suburbicaria loca* sic omnem episcopi Romani prouinciam secundum Ruffinum & illum alterum Vaticanum interpretem constituebant, ut Ægyptus, Libye & Pentapolis totam Ægyptum, siue Ægyptiacam

diœcesin. sed quemadmodum cum Ruffinus Ægyptum Alexandrino episcopo administrandam tribuit, certam diœcesin, certisque finibus circumscriptam denotat; sic regiones siue Ecclesias suburbicarias cum assignat Romano episcopo pro sua prouincia, certis illas finibus determinatas oportet fuisse, vt certam prouinciam designarint, cui soli nomen istud suburbicariarum conuenire possit. Nam si suburbicariæ istæ Ecclesiæ de alia atque alia prouincia vel diœcesi sumi queant, quid erit certi in expositione Ruffini? nemini tunc ignotum erat, quot & quas prouincias Ægyptus contineret, extra quam nullæ aliæ vsquam extabant Ægyptiacæ prouinciæ. ita esse omnino debuit, & de illa prouincia quam suburbicariæ Ecclesiæ constituebant, vt certa fuerit, & certis regionibus circumscripta, tum vt nullæ extra eam alibi extiterint Ecclesiæ suburbicariæ. Quod si vero Ecclesiæ suburbicariæ eo sensu accipiantur quo tibi placet accipi, nulla erit tam magna vel tam parua prouincia vel diœcesis, quam non istæ suburbicariæ ita sumptæ significare possint: nulla pars erit Italiæ, nulla pars Occidentis, nulla pars orbis quin sub hanc appellationem cadere queat: tota immo Italia, totus Occidens, totus orbis erit suburbicariarum, erit suburbicarius. Sed quæris in Ægypti voce an nihil putem esse ambigui? Ego quæro quid in ea voce putes ambigui fuisse. Ægyptus nunc tota diœcesis dicebatur, quæ Libyam simul & Pentapolin comprehendebat: nunc sola pars eius quæ proprie

Ægyptus est appellata. Hoc verum est, Sirmonde, sed illud falsum, quod dicis, hoc me ignorasse. illud ipse potius nescisse videris, Ægyptum cum sola dicitur, totam intelligi; cum Libye & Pentapoli distinguitur, partem Ægyptiacæ diœceseos significari. sic Thracia cum sola nominatur, totam Thraciam diœcesin complectitur. cum vero inter alias eiusdem diœcesis partes Thracia numeratur, non tota, sed pars tantum intelligitur: nam provincia quædam Thraciæ sic etiam proprie dicta est. idem est de Africa, cuius sex fuere provinciae, quarum vna vocabatur Africa, cum tamen omnes Africæ nomine comprehenderentur. ita igitur & de Ægypto. quippe Ægyptus, modo partem Ægyptiacæ diœceseos, modo totam significat, sed cum illa distinctione quam posuimus. nam cum sola ponitur, haud dubium est quin de tota accipiatur. quamobrem cum Rufinus Ægyptum dixit, haud dubitari potest quin de tota intellexerit, quæ per partes exponitur in ipso Canone Niceno. idque fecit more etiam Græcorum, qui Ægyptum cum solam nominant, de tota Ægypto intelligunt, quæ Ægyptum & Libyam & Pentapolin comprehendebat. Canon idem ille Nicenus ut a Paschasino recitatus est in eodem Concilio, act. xvi. *ἡ ἐκκλησία Ρώμης πρῶτον ἐξέτερον καὶ δεύτερον. ἔχει τὴν Ἀφρικανὴν καὶ τὴν Αἰγυπτίαν, ὥστε τὸν ἐπίσκοπον Ἀλεξανδρείας πρῶτον ἔχει ἐξουσίαν.* Ita etiam recitatum est ab Aetio Archidiacono: *τὰ ἄρχαια ἐστὶν κρατεῖται τὰ ἐν Αἰγύπτῳ, ὥστε τὸν Ἀλεξανδρείας πρῶτον ἔχει ἐξουσίαν.*

Canone

Canone 11. Concilij Constantinopolitani: *ὁ
 ὑπὸ ἐπισκοπῆς ἐπίσκοποι τῆς ὑποφωτισμένης ἐκκλησίας μὴ
 ἐπιτέλῃ, μηδὲ συλχεῖται ἐκ ἐκκλησίας, ἀλλὰ κατὰ τοὺς
 κήρυκας τοῦ μὲν Ἀλεξανδρείας ἐπίσκοποι τὰ ἐν Αἰγύπτῳ μένον
 οἰκονομεῖν. per Ægyptum numquid intelligit totam
 Ægyptiacam diæcesin, hoc est Ægyptum, Libyam
 & Pentapolin? Canone xxx. Concilij Calchedo-
 nensis: *ὅτι οἱ διδάσκοντες ἐπίσκοποι τῆς Αἰγύπτου ἔχουσιν
 μαχόμενοι τῇ καθολικῇ πίστει, ὑπογράφει τῇ ἐπιστολῇ τοῦ
 ὁσιωτάτου ἀρχιεπισκόπου Λέοντος, ἐπὶ τῷ παρόντος ἀνελθόντος,
 ἀλλὰ φάσκοντες ἕως εἰς τὴν Αἰγυπτιακὴν ἐπισκοπὴν καθ' ἑαυτοὺς
 γινώσκοντες καὶ ἀφ' αὐτῶν τῷ ἀρχιεπισκόπῳ μηδὲν τῷ τοιοῦτον ποιεῖν.*
 vetus versio secundi Canonis Constantinopolita-
 ni: *ut episcopus Alexandrinus solam Ægyptum gubernet.*
 per solam Ægyptum, omnes Ægypti prouincias
 complexus est. ita igitur & Rufinus Alexandrinum
 episcopum Ægypti sollicitudinem gerere dixit, &
 totius Ægyptiacæ diæceseos intellexit. quid istic
 ambigui est? quid obscuri? quis hęc potest hærere?
 quis errare? Sed profecto, inquis, cautior te atque intelli-
 gentior fuit Rufinus: sciebat nimirum Ægypti & subur-
 bicariarum ambigua esse vocabula. profecto parum
 ipse cautus es, atque intelligens, si putas illum am-
 biguis vocabulis rem certam exponere voluisse,
 aut recte potuisse. Verum ille longe te doctior fuit
 & prudentior, qui non ignorauit, & Ægypti &
 suburbicariarum vocabula, certam ac definitam
 habere significationem, ut certos statosque fines
 habuere. tu vero inscitus & indoctus, si hoc nescis,
 aut malignus, & improbus, si dissimulas. sed ambi-*

Hh

guitatem harum duarum vocum, quam parem esse vis, comparemus inter se, Ægypti inquam & suburbicariarum, ut videamus utrum ex æquo ambigua, aut vtra magis ambigua fuerit. *Ægyptus*, inquis, *nunc integra est diæcesis, nunc una eius pars tantum.* Dico tibi tunc partem esse tantum, quoties cum aliis partibus enumeratur; ceterum cum per se sola ponitur, semper pro tota non pro parte solere sumi. Vbinam, quæso te, ambiguum illud est, quod in Ægypto quærebas? ut ut sit, Ægyptus nihil unquam minus quam partem Ægypti, nihil plus quam totam significauit. Extra Ægyptum vero nulla Ægyptiaca prouincia. Nunc quot modis dictæ fuerint, aut dici potuerint Ecclesiæ suburbicariæ, temetipsum sinam dicere. dic igitur, iam togam composuimus, & aures substringimus: *suburbicariæ Ecclesiæ dici possunt, tum ea priuatim quæ in urbe, urbisque sunt episcopatu; tum ea item quæ prouincia Romanæ ambitu continentur; tum ea postremo quæ solidam episcopi Romani diæcesin, & patriarchatum constituunt.* Cur eas omisisti quæ Italiæ hoc est primatiana eius diæcesi continentur? numquid illæ minus suburbicariæ? quid non eas addidisti, quæ vniuersalem eius diæcesim constituunt, hoc est totius orbis suburbicarias? an minus tibi suburbicariæ videntur, quæ sunt sub urbis episcopo, quatenus est orbis vniuersi episcopus, quam illæ quæ sub eodem sunt, quatenus est Italiæ primas, aut Occidentis patriarcha? cur postremo illas præteristi suburbicarias, quæ in suburbicariis pro-

vinciis erant constitutæ? censesne in suburbicariis regionibus quæ vicario vrbis, vt censes, parebant, nullas Ecclesias fuisse? Non dubium est quin his omnibus, & pluribus etiam modis Ecclesiæ suburbicariæ dici possint. Sed cum de earum nomine quæstio sit, cur dicis ita eas dici posse? cur non dicis, ita dictas esse? multum est discriminis, inter id quod est, & quod esse potest. quinimmo multa non sunt, quæ nec esse possunt. Hoc de tuis suburbicariis licet affirmare, nunquam ita dictas esse, nec dici etiam potuisse. Iam vero illud magno non emptum nollem, tanti mihi visum est, quod quæ in vrbe sunt Ecclesiæ, suburbicarias etiam facis. censen potuisse me risu temperare, cum hoc legerem? dicito quod volueris, haud quiui mihi impedire ne riderem. miratus olim nec sine risu fueram, quod suburbicaria & suburbana Romæ loca, tam procul ab vrbe remouisses, & ad extremos vsque orbis angulos promouisses. nunc re in contrarium versa, non minor, sed maiore cum risu admiratio me incescit, quod suburbanas cum suburbiis ipsis Ecclesias in media vrbe ponas, urbemque adeo ipsam suburbanam facias. nihil igitur erit discriminis inter vrbis & suburbiorum Ecclesias. suburbicariæ enim utræque dicentur. Nunc si centies ineptum ac futilem te vocarem, centies quidem verum dicerem: sed quum sexcenties talis sis, nihil plus facerem, nihilque hoc ad rem faceret. conuiitiis igitur parcam, & quæ te digna sunt aliis æstimanda relinquam. Nunc de via in semitam regre-

diamur. Diximus omnes Ægyptiacas prouincias intra Ægyptum stetisse, nullam extra Ægyptum Ægyptiacam prouinciam fuisse. De suburbicariis an idem dici queat, experiamur. Præter eas, quæ in vrbe, suburbicarias Ecclesias, multæ extra urbem fuere suburbicariæ, in urbis nempe episcopatu, & in ipsis suburbiis positæ. præter has urbis & suburbiorum Ecclesias, suburbicariæ & illæ ponendæ sunt, quas prouincia Romana ambitu suo comprehendebat. Extra Romanæ prouinciæ suburbicarias, pedem pones in suburbicariis Italiæ. Omnis Italiæ suburbicarias egresso, occurrent tibi, Galliarum suburbicariæ, Illyrici, Africæ, Hispaniarum, Britanniarum, totius denique suburbicariæ Occidentis. postquam ab his Occidentis suburbicariis exieris, tum tibi aditus patebit, ad Asianas, Thracias, Ponticas suburbicarias, ad Orientis & Ægypti, totius postremo sub utroque sole iacentis orbis suburbicarias. sic omnes vniuersi orbis prouinciæ suburbicariæ sunt, quia sub urbico Papa sunt, sed diuerso modo. aliter enim totus orbis suburbicarius est, quam totus Occidens: aliter Occidens, quam tota Italia: aliter Italia quam tota prouincia Romana: aliter prouincia Romana, quam totus episcopatus urbis: aliter episcopatus urbis quam vrbs tota. nam & ipsa quoque suburbicaria. Præterea alio etiam modo appellatæ vel appellandæ suburbicariæ, quæ in suburbicariis regionibus præfecto urbis, & vicario urbis subiectis, erant sitæ. Igitur quum tantus sit numerus & tam

variæ species suburbicariarum, quum tot modis sumatur, ac tot significationibus varietur earum appellatio, nihil plus tamen in eis ambigui subesse affirmas, quam in Ægypti appellatione. ridere potius an tui misereri debeam nescio: postquam vtrumque ad satietatem feci, mirari tamen satis non possum, quod vtroque te dignum alternis præbeas, modo risu, modo commiseratione. An nihil sit in suburbicariis ambigui, nunc vel ex istis cognosce quæ ego dicam. Iuxta tuam illam tam variam ac variegatam suburbicariarum notionem, omnes Ægyptiacæ diœcesis Ecclesiæ suburbicariæ etiam dici queant, haud minus quam Occidentis; tota enim Ægyptus sub vrbico Papa, quatenus ille est vniuersi orbis episcopus. cur igitur suburbicarias Ecclesias quasi proprias tribuit episcopo Romano Ruffinus, aut cur Ægypti Ecclesias a suburbicariis distinxit? Dices, eo distinctas satis intelligi, quod Ruffinus de speciali diœcesi episcopi Romani, quæ Occidens est, intellexerit; Ægyptus autem non intra specialem eius diœcesim fuerit, sed intra vniuersalem. Dubitandi tamen & ambigendi amplam heic materiem vides, & plus quam iustam rationem. nam suburbicariæ non minus appellari merentur quæ in diœcesi vniuersali Papæ sitæ fuere, quam quæ in speciali. nec minus Ægypti omnes Ecclesiæ suburbicariæ ex merito fuerint appellandæ, quam Italicæ, aut Romanæ, aut Occidentales. quippe quum omnes ex æquo sub vrbico Papa fuerint. Tu vero perinde ac si certa foret ac

fixa suburbicariarum appellatio, suburbicarias de Occidente interpretaris, *quoniam hac specialis*, inquis, *erat episcopi Romani diœcesis*. Hoc quam falsum sit alibi diximus, & adhuc dicemus. sed cur non de Italia potius liceat interpretari? Nam & hæc specialis quoque eius diœcesis, & vere quidem diœcesis fuerit, quæ plures prouincias Ecclesiasticas complectebatur. tu autem Italiam totam Papæ tanquam speciali suo primati subiicis. Cur non & de metropolitana eiusdem prouincia accipere possis istas suburbicarias? Hanc enim specialem Papæ diœcesim de Papis etiam vnus est qui facit, eamque intra Pisanam & Capuanam constituit. Vides etiam si certum sit, & canonem de speciali prouincia episcopi Romani intellexisse, & interpretes ita cepisse & exposuisse, non necessario tamen id sequi, aut Synodum de Occidente esse interpretandam, aut interpretes Synodi, qui suburbicarias episcopo Romano pro speciali diœcesi assignarunt, suburbicariarum nomine Occidentem designasse. Hoc tamen tibi placet, & stupidos omnes vis esse quicunque stupori tuo subscribere nolent. Ita igitur hoc caput concludis; clausulam enim ipsam tuis verbis totam, *καὶ αἰγῶν* lubet subiicere: *In Niceni Canonis tractatione, ubi Ægyptus cum suburbicariis Ecclesiis, hoc est Alexandrina Ecclesia cum Romana comparatur, quemadmodum dubitare non potuit, quin Ægypti nomine Libyam quoque & Pentapolim ab eo comprehensam scirent omnes; ita neminem adeo stupidum putauit fore, qui suburbicarias Ecclesias aliud quam totius*

Occidentis Ecclesias omnes interpretandas censeret. Heus tu o iste, vt stuporis largus es! vt tu stupore abundas! nimium profecto liberaliter ac libenter hunc omnibus impertiris, præsertim cum nihil isthic de alieno, sed de tuo omnia largiaris. quid? an etiam illustrissimi, etiamne Cardinales hoc munere a te donati abibunt? stupidissimus ergo tuo beneficio, idem qui & illustrissimus Cardinalis Baronius. nec enim ille *suburbicarias Ecclesias* apud Ruffinum totius Occidentis Ecclesias omnes interpretandas censeret. Hunc stupore etiam vicerit illustrissimus Cardinalis Perronius, qui *suburbicarias Ecclesias*, non de Occidentis, sed de totius vrbis Ecclesiis putauit accipiendas. At etiam nunc in viuis est, & diu sit, illustrissimus Cardinalis Bellarminus, qui duobus illis de stupore nihil concessurus videtur, quippe qui nec ipse magis quam illi *suburbicarias* de Occidente capiendas autumet, Balsamonisque & Zonaræ interpretationes vnus omnium maxime reiiciat, quæ Occidentem solum pontifici Romano subiiciunt. Aut tu igitur stupidus, aut tres superscripti Cardinales. sed tu potius sis. minus enim interest reip. te talem esse, talemque videri, quam si illi tales haberentur. Et sane tuus tantus stupor est vt ipsum me plane dederit in stuporem. miror enim te ac omnino stupeo *suburbicarias Ecclesias* alias accipere potuisse quam *suburbicariarum regionum Ecclesias*, & *regiones suburbicarias*, & *suburbicaria loca*, aliter interpretari quam *suburbana*.

Sed iam tempus est, nodis omnibus solutis, quos in hac quæstione de industria adstrinxeras, & remotis remoris, quas obieceras, nunc plana ac patenti via ad verum euadere. suburbicariæ Ecclesiæ Ruffini non aliæ sunt, quam suburbicariarum regionum Ecclesiæ: nec aliæ suburbicariæ regiones quam suburbanæ, vrbi nempe vicinæ regiones, & sub vrbe vel circa urbem sitæ. sic autem dictæ κατ' ἔξοχην & αὐτονομαστικῶς regiones omnes quæ intra centesimum erant inclusæ. nullæ enim magis suburbicariæ, hoc est suburbanæ. eadem etiam vrbicariæ appellatæ, quod in vrbico territorio positæ essent, & ad iurisdictionem præfecturæ vrbianæ pertinerent. Hinc Picenum vrbicarium, & suburbicarium idem: Tuscia vrbicaria & suburbicaria apud auctores pro eadem. Hæ vrbicariæ suburbicariæque regiones Romanam regionem constituiebant, cuius mentio apud Vopiscum, & in veteri inscriptione, quæ tota sub præfecti vrbis iurisdictionem fuit, tota intra centesimum. Hæ eadem & vrbicaria dicebatur, vt constat ex leg. iii. Cod. *Theod. tributa in ipsis speciebus inferri.* quæ in ciuilibus Romana regio, eadem quoque in Ecclesiasticis Romana prouincia. sic enim Romana regio sub præfecto vrbis, vt Romana prouincia, sub vrbis episcopo. Hæc prouincia metropolitana fuit episcopi Romani, cuius Ecclesias omnes immediate curaret, episcopos consecraret, qui nulli alij primati hoc est metropolitano subiecti erant, vt habetur in veteri Notitia. Prouinciam igitur metropolitanam

politana[m] episcopi vrbis; iam inde a primis & antiquissimis Ecclesiæ temporibus, constitutam, & formatam fuisse constat, ad typum & instar Romanæ regionis, quæ præfecti vrbis iurisdictioni suberat, vt Romana regio & prouincia eadem fuit, sic eosdem quoque fines habuit. Quemadmodum enim Romana regio præfecti vrbis suburbicariis regionibus determinabatur, sic & Romana regio vel prouincia suburbicariis Ecclesiis, apud Ruffinum, & suburbicariis locis apud Vaticanum veterem interpretem definitur. eam prouinciam Romanam, τῇ Ρωμῆαι χωρίον vocat Ignatius in Epistola ad Romanam Ecclesiam: τῇ ἐκκλησίᾳ ἥτις ἀσκήσεται ἐν τούτῳ χωρίῳ τῇ Ρωμῆαι. quæ verba perperam falsi suspecta habet vir vndequaque doctissimus. χωρίον τῇ Ρωμῆαι est regio Romanorum, vel regio Romana. sic regio Cypriorum in actis Ephesini Concilij part. II. act. VII. ὁ τῇ Κυπρίων χωρίον, vt videtur fuisse in Græcis, vel Κυπρίων ἐπερχία. Romana igitur regio & Romana prouincia, idem. vltra huius prouinciæ Romanæ fines, Romana Ecclesia non erat, nec dicebatur. Atque hæc ipsissima est Romana prouincia, cui vetus Notitia, sed infimorum temporum, Marfos attribuit, Campaniam, Tusciam & Vmbriam, suburbicarias omnes regiones hoc est suburbanas; etsi paulo latiores tunc videatur habuisse limites; his de causis quas in Epistola ad amicum explicauimus. Hæc eadem est specialis prouincia episcopi Romani, quam Innocentius tertius inter Pisaniam & Capuanam constituit. &

collocat. Quinde hac Romana, siue metropolitana
episcopi Romani prouincia loqui voluerit Ruffi-
nus, cum in expositione sexti Niceni Canonis
suburbicarias Ecclesias Romano specialiter regen-
das, & curandas assignauit, minime dubium est. Id
plane confirmat vetus Vaticanus eiusdem Canonis
interpres, a te Sirmonde, sed contra te productus,
qui *suburbicaria loca* vocat, quas Ruffinus *suburbica-
rias* Ecclesias, & suburbicariis illis locis, omnem
episcopi Romani prouinciam determinat, & cir-
cumscribit. Verba eius hæc sunt, vt ea in Censura
tua attulisti: *antiqui moris est, vt episcopus urbis Romæ
habeat principatum: vt suburbicaria loca, & omnem pro-
uinciam suam omni sollicitudine gubernet. prouincia
episcopi Romani, Sirmonde, quænam illa est, nisi
Romana? Romana prouincia quæ alia, nisi metro-
politana? tua fide caue dixeris, sed bona, si potes,
dic nobis, an prouincia Romana totus Occidens
tibi videtur fuisse? an prouinciæ nomine totus
Occidens venire posse? an hoc tibi conuenire vi-
detur, vt totus Occidens prouincia dicatur, qui
non solum infinitas pæne prouincias, sed etiam
multas solidas diœceses ex pluribus constantes
prouinciis contineret? De suburbicariis porro
locis quid dices? vt prouincia vna tibi Occidens
est, sic totius Occidentis prouinciæ omnes, subur-
bicaria tibi erunt loca? suburbanus Romæ locus
erit Italia, erit Africa, erit Gallia, erit Germania?
inter suburbana Romæ loca pones etiam Britan-
niam? quid enim aliud sunt suburbicaria loca,*

quam suburbana? quæ *suburbicaria loca* dixit ille
 vetus interpres, *suburbana loca* vocantur apud au-
 ctiores de Limitibus agrorum. *Latinus & Myrrontius*
togati auctores Augustorum, de locis suburbanis, vel diuersis
itineribus pergentium in suas regiones. hic est titulus.
 sequitur: *Aliquibus locis pro terminis monumenta sepul-*
crane veteranorum constituimus. sic enim distinguen-
 dus est ille locus, qui vulgo confuse legitur. Nunc
 lubet ex te quærere, si modo vigilas & veterum
 illum, quo merfus eras, excussisti, an suburbicario-
 rum locorum hoc est suburbanorum nomine, to-
 tum putes Occidentem ab illo interprete fuisse
 comprehensum? Demus tibi, quod nemini dari
 potest, suburbicarias vel suburbanas fuisse totius
 Occidentis prouincias, cur non ille, prouincias
 dixit? cur loca nominauit, quæ prouinciæ fuere?
 idem de Ruffino quæri possit, cur Ecclesias dixerit,
 quas dicere debuit prouincias, si quidem totum
 Occidentem intellexit. multæ quippe prouinciæ,
 multæ diœceses, non solum Ecclesiæ multæ. Vel ex
 eo maxime liquere cuilibet potest, vtrumque in-
 terpretem, Aquileiensem & Vaticanum, de me-
 tropolitana prouincia episcopi Romani, id est
 Romana, verba sexti Canonis accepisse & expo-
 fuisse, non de toto Occidente. in illa enim prouin-
 cia Romana, multæ Ecclesiæ, multæ ciuitates, &
 multa loca, sed nulla prouincia sacra. prouinciæ
 quidem erant multæ ciuiles in prouincia Romana;
 sed quoties de episcopis sermo est, tum demum
 prouinciæ eæ solæ intelliguntur, quæ Ecclesiasticæ

sunt, & multas sub se ciuitates habent. Talis erat prouincia Romana, quæ prouincias quidem aliquot ciuiles complectebatur, vt Picenum suburbicarium, Tusciam suburbicariam, & Valeriam, sed Ecclesiasticam nullam. nulla siquidem ex illis prouinciis metropolin habuit. sic plures ciuitates, & Ecclesias, & episcopatus sub se habuit prouincia Romana, nullas prouincias. ideo suburbicarias Ecclesias, cum de illa intelligeret, dixit Ruffinus; & *suburbicaria loca* Vaticanus interpres: *loca & ciuitates circa urbem* Arabicus eiusdem Canonis interpres. Nam vt tibi iam constare possit, si modo mens tibi stat, quo sensu Ruffinus in explicando Canone illo sexto *suburbicarias Ecclesias* posuerit, & *suburbicaria loca* tuus ille Vaticanus, dabimus qui te doceat, Arabicę versionis Nicenorum Canonum vetustum auctorem. Quam versionem Turrianus vester statim post Nicenam Synodum, studio ac diligentia Alexandri Alexandriae episcopi curatam fuisse vult. ideo tanti eam ille facit. quod an verum sit, alibi ad veritatis fidem discutiemus: interim pro vero habeamus. Arabicus igitur ille de Græco interpres sextum hunc Canonem ita vertit & interpretatus est. qui autem Canon in Græco sextus est, ibidem octauus habetur. audi nunc sis, & præparatas purgatasque aures adfer: *Constitutum est, vt episcopus Ægypti, id est, patriarcha Alexandrinus præsideat, & habeat potestatem totius Ægypti, & omnium castellorum, & ciuitatum quæ sunt circum eam, quoniam sic conuenit. Siquidem similiter episcopus urbis Romæ, id est*

successor Petri Apostoli potestatem habet omnium ciuitatum, & locorum quæ circa eam sunt. Ciuitates istæ, & loca quæ sunt circa urbem Romam, suburbicariæ an non omnino sunt Ruffini Ecclesiæ, & suburbicaria loca Vaticani interpretis? quid ais, o magister? an tibi aliud videtur? & quisquam adeo cæcus erit, qui hoc non videat, aut tam peruerse malus, ut licet videns, dissimulet tamen se videre? suburbicariæ igitur Ecclesiæ, sunt ciuitates vel Ecclesiæ suburbanæ, sub vrbe, vel circum urbem positæ. suburbicaria loca, sunt suburbana, vel vrbi circumiacentia. subiacentes Romæ ciuitates dixit Anastasius in Stephano III. inter hæc vero dum magna persecutio a Longobardorum rege Aistulpho in hac Romana vrbe, vel subiacentibus ei ciuitatibus extitisset. alibi, adiacentia Romæ loca. & in Hadriano, populi Romani suburbana. & in Stephano tertio, castra Romæ subiacentia. & suæ iurisdictioni ciuitatem hanc Romanam, vel subiacentia ei castra subdere indignanter asserebat. Incertus auctor Hierarchiæ subcœlestis nondum editus Ecclesiam, siue provinciam Romanam ex populo Romano, & adiacente constare dicit lib. II. cap. II. Apostolica vero sedes dicitur etiam quandoque Romana Ecclesia, quia tam ipse Petrus, quam coapostolus eius. Paulus Romanum populum, & adiacentem in Dei fide, non tamen primo, ut dicit ad Corinthios, sed principaliter doctrina & moribus instruxerunt. Græci τὰ πρὸ πόλιν χωρία, τὰ ὑπὸ πόλιν χωρία, τὰ πρὸς πόλιν ἐκχωρία, huiusmodi suburbanas vel suburbicarias regiones, vrbi subiacentes, circumiacentes, & adiacentes vocare consueuerunt,

& vnica voce *πὺν παύρωρον*, *πὺν παύρικίδα*, *urbicariam* vel suburbanam regionem, vt Latini dixere, de ea regione quæ circum urbem Romam.

Iam vidimus quomodo Latini veteres interpretes sextū illum canonem Nicenæ Synodi exposuerint. an aliter Græci antiqui accepere? prorsus eodem modo. Aristinus auctor Græcus, ac vetus canonum collector scripsit *σευόψιν τῶν ἱερῶν κληόνων*, quam apud Casaubonum olim vidi ex Regia Bibliotheca. Hunc sextum Canonem in illa *σευόψι* ita ab eo conceptum legere est: *Αἰγύπτου καὶ Λιβύης καὶ Πενταπόλεως ὁ Ἀλεξανδρείας ἐχέτω πὺν ἐξουσία. καὶ ὁ Ρώμης τῶν ὑπὸ Ρώμῃ, καὶ ὁ ἐν Ἀντιοχείᾳ καὶ οἱ λοιποὶ τῶν οἰκείων. Εἴ τις δὲ ἐπίσκοπος τῆς τῆς παύτης δίχα ᾠήται γνώμης, μὴ ἔστω ἐπίσκοπος. ἐπὶ δὲ πὺν τῶν πολλῶν ψῆφον γινωσκόντων καὶ κληόνων, εἰ πρὸς τινὲς ἀντιλέγῃεν, εἴεν ἀθέτατοι.* hoc est, *Ægypti & Libya & Pentapoleos episcopus Alexandrinus habeat potestatem: & urbis Romæ episcopus, eorum quæ sub urbe Roma sunt: atque Antiochenus similiter, & reliqui suarum quisque provinciarum. Si quis autem sine sententia primatis episcopus fiat, ne sit episcopus. si vero aliqui tres ordinationi a pluribus secundum regulam facta contradicant, irriti sunt.* hunc canonem iisdem etiam prorsus verbis expressum exhibet Symeon magister & logotheta, in Epitome canonum, quæ & ipsa nondum liberauit armaria Bibliothecarum. Ab Aristino igitur accepit aut ab illo Aristinus. sed Aristinum ego omnino vetustiore esse censeo. Sollemne porro illud est omnibus eiusmodi canonum epitomatoribus, non eos iisdem verbis

ponere quibus a Synodo conditi vel editi sunt, sed solam eorum sententiam breuiter ac dilucide expositam referre. sic & Harmenopulus in Epitome canonum quos in compendium redegit, hunc eundem canonem Nicenum ita concepit: κατείτω τὰ ἄρχαῖα ἐν τῷ ἑξουσιάζειν, καὶ τῷ οἰκείῳ ἐπὶ ἑκάστου ἐξουσιάζειν. Εἰ δὲ τις ἐπίσκοπος τῆς τῆ μητροπολίτις διὰ ἁγνῆται νόμου, καθαρῶς. *Antiqua consuetudines quoad archiepiscopos, obtineant, & suarum singuli prouinciarum habeant potestatem. si quis autem sine conscientia metropolitæ episcopus fuerit ordinatus, deponatur.* Hi omnes breuissime & planissime Synodum Nicenam in illo canone explicarunt, quam fusius infra exponam. de solis quippe metropolitæ eam loquentam esse, & metropolitanis prouinciis plane constat, vt in sua quisque scilicet prouincia quoad episcoporum ordinationes, & aliam administrationem, potestatem haberet summam; ita vt si quis sine metropolitani auctoritate ordinatus foret episcopus, ordinatio esset eius irrita. Ergo & de Romani episcopi metropolitana prouincia etiam ibi intelligendum est, vt post paulo docebimus. eam prouinciam Aristinus, & Symeon magister τῶν ὑπὸ Πάυλῳ definiuerunt. τὰ ὑπὸ Πάυλῳ duplicem possunt recipere sensum. aut enim τὰ ὑπὸ Πάυλῳ sunt, omnes quæ Romanæ vrbi subiacent-regiones, quatenus totius orbis caput & metropolis erat vrbs Roma: aut ex solæ regiones, quæ ipsi erant subiectæ, quatenus metropolis fuit Romanæ prouinciæ. Priorem sensum prorsus respuit ac re-

fuit canonis sententia, quæ de prouincia speciali
 episcopi vr̄bis Romæ tantummodo loquitur,
 quam in exemplum ceteris vniuersæ Ecclesiæ me-
 tropolitanis Ecclesiis proponit, vt normam eius
 formamque sequantur; in suarum prouinciæ
 administratione singuli metropolitę. De Occidēte
 vero nullo modo possumus interpretari τὰ ὑπὸ
 Ρώμῳ. Etenim vt totius Occidentis specialis me-
 tropolita non fuit episcopus Romanus, ita multo
 minus vniuersalis. solus quippe Occidens vniuer-
 salem episcopum non potest facere, cum pars tan-
 tum sit vniuersi. Restat ergo, vt τὰ ὑπὸ Ρώμῳ ac-
 cipiamus, ea quæ sub vrbe Roma sunt, quatenus
 Romanæ prouinciæ metropolis est. sic apud Ari-
 stinum & Symeonem magistrum τὰ ὑπὸ Ρώμῳ
 sunt, τὰ ὑπὸ πόλιν χωρία, vrbi Roma subiectæ vel
 subiacentes Ecclesiæ siue regiones. sic Can. ix. Concilij
 Antiocheni, χωρὰ ὑπὸ τῷ πόλιν. ἔχουσι γὰρ ἐπίσκοπον
 ἐξουσίαν ἔχει τῆς αὐτῆς περιχίας, διοικεῖν τε κατὰ τὴν ἐκείνῃ
 ἐπιβλεψάντων ἀρχιερέων καὶ πρεσβυτέρων ποιῆσαι πάσης τῆς χώρας
 τῆς ὑπὸ τῷ αὐτῆς πόλιν. & paulo supra: ἢ ταῦτα μόνον
 ὅσα τῇ ἐκείνου ἐπιβάλλῃ περιχίᾳ ἔσται ἐπ' αὐτὴν χώρας.
 Vrbi autem Romæ tam ἐν κοσμητικῇ quam ἐν πιδυμα-
 τικῇ subiectæ fuere suburbicariæ vel vrbicariæ
 regiones. *Vrbicariæ* sunt αἱ τῇ πόλει ὑποτεταγμένα
 χωρὰ. *suburbicariæ*, suburbanæ, & sub vrbe sitæ, a
 vicinitate vr̄bis ita vocatæ. nullæ aliæ quippe iu-
 risdictioni vr̄bis subditæ regiones, quam vicinæ, &
 centesimo ab vrbe lapide comprehensæ; qui ter-
 minus erat suburbicariarum & vrbicæ iurisdictionis

nis siue præfecturæ. Sed & τὰ ὑπὸ Ρώμῳ certum est, duplici significatione posse accipi. aut enim sic dicuntur, quæ sub Rômæ ditione sunt, aut quæ sub vrbe Roma sitæ sunt regiones, quas *suburbanas*, vel *suburbicarias* Latini vocant. Nam Græci indifferenter τὰ ὑπὸ πόλιν & ὑπὸ πόλει dicunt, quæ sub vrbe vel vicina vrbi, & rursus τὰ ὑπὸ πόλιν ἢ ὑπὸ πόλει, quæ vrbis ditioni dominationique sunt subiecta. ὡς δὲ γὰρ & ὑπὸ γῆ idem: ὡς δὲ ἡγεμόνι & ὡς δὲ ἡγεμόνα. Omnino igitur τὰ ὑπὸ Ρώμῳ Aristini sunt *suburbicaria* loca tui Vaticani interpretis: *suburbicaria* Ecclesiæ Ruffini: *ciuitates & loca circa urbem Romam*, Arabicæ Nicenorum canonum versionis. Hæc suburbicaria, hoc est sub vrbe vel circa urbem loca siue ciuitates, hæc suburbicariæ Ecclesiæ, episcopo Romano subiectæ fuere tanquam prouinciæ Romanæ primati & metropolitano. Cum igitur Ruffinus, & reliqui interpretes Romanæ prouinciæ metropolitano sic suburbicariarum Ecclesiarum & ciuitatum sub vrbe regimen tribuant, vt Alexandrino Ægypti totius, id ex mente canonis ac sententia potius quam ex verbis adstruxere. nec enim meminit Nicenus prouinciæ episcopi Romani, aut vllarum regionum, quæ prouinciam illam constituent. de prouincia tamen accipi debere cum certum esset, nec minus notum quænam illa foret, eam significanter expresserunt Ecclesiarum vel ciuitatum suburbanarum nomine, quomodo & Græci. Verba Ruffini hæc sunt lib. i. Hist. Eccles. cap. vi. *Vt apud Alexandriam vel in vrbe Roma vetusta*

consuetudo seruetur, qua vel ille Ægypti, vel hic suburbicarum Ecclesiarum sollicitudinem gerat. Aristinus ita habet: Αἰγύπτῳ καὶ Λιβύῃ καὶ Πενταπόλει ὁ Ἀλεξάνδρειας ἐχέτω τὴν ἐξουσίαν, καὶ ὁ Ρώμης τῇ ὑπὸ Ρώμῃ. prorsus eadem sunt. Nullum igitur iam dubium est quin tres illi veteres interpretes Ruffinus, Vaticanus & Arabs in exponendo ac vertendo illo sexto canone Nicenæ Synodi cum Græcis antiquis conspirauerint, ac de prouincia Romana, quæ metropolitana episcopi Romani fuit prouincia, verba supradicti canonis accipienda consenserint. quare nec dubitandum cuiquam nunc relinquitur, quin suburbicariæ vel suburbicæ apud Ruffinum, sint suburbanæ, & in suburbanis regionibus positæ Ecclesiæ. quæ sicut Romanam regionem præfecti vrbis, sic Romanam prouinciam omnem episcopi vrbis constituebant. Solum illud igitur iam putandum restat, ac disputandum, an tres illi interpretes mentem Synodi viderint, & recte eam expresserint. id vero facile videre est ex sensu canonis, & sententia Synodi, quæ in illo canone exposita est. Hanc qui non male ceperit, non malum eius Ruffinum fuisse interpretem cognoscet, vt ceteros taceam, qui illum sequuti sunt, aut non minus quam ille, rectam Synodi mentem sunt assequuti.

Hoc vt clarius elucescere queat, verba ipsius canonis integra heic apponenda sunt, & vera eorum sententia exponenda. quod etsi multi iam antea doctissimi viri præstare conati sint, & qui-

busdam præstitisse sint visi, nemo tamen id hæc-
 nus ad plenum præstitit, nec ab omni parte, & ex
 assequisquam adhuc ad verum peruenit. sic igitur
 ille canon conceptus est: τὰ ὁρχαῖα ἔη κρατεῖται,
 τὰ ἐν Αἰγύπτῳ καὶ Λιβύῃ καὶ Πενταπόλει. ὥστε τὸν ἐν
 Αλεξανδρείᾳ ἑπισκοπον πάντων τούτων ἔχῃ τιμὴν ὁμοίαν.
 ὅτι καὶ τὰ ἐν τῇ Ρώμῃ ἑπισκόπῳ τῶν σιωνιτικῶν ἐστίν,
 ὁμοίως δὲ καὶ τὴν Αντιόχειαν καὶ ἐν ταῖς ἄλλαις ἐπισκοπαῖς,
 τὰ πρεσβυτέρα σώζεσθαι ταῖς ἐκκλησίαις. Qui putarunt
 isto canone comparationem institui Romani &
 Alexandrini episcopi, Alexandrinæ & Romanæ
 diœcesis, illi sunt, qui nimis breuem suburbicarum
 Ecclesiarum diœcesim Romano tribui de Ruffini
 verbis indignantur, aut suburbicarias Ecclesias de
 Occidente apud Ruffinum interpretantur. sed
 digni non sunt vel hi vel illi qui audiantur. Syno-
 dum illi, Ruffinum isti non capiunt. Sed nec illi
 melius sentiunt, aut propius ad verum accedunt,
 qui tres in vniuersum patriarchas per totum or-
 bem constitui canone illo sibi persuaferunt, Ro-
 manum, Alexandrinum, & Antiochenum. Nihil
 aliud actum illo canone, nihil aliud a patribus
 Niceni Concilij sancitum statutumve, quam vt
 iura sua priuilegiaque metropolitanis omnibus
 Ecclesiis, & metropolitans per vniuersum terrarum
 orbem constitutis, seruarentur, & confirmarentur.
 quod clare ostendit clausula eiusdem canonis:
 ὁμοίως καὶ κατὰ τὴν Αντιόχειαν, καὶ ἐν ταῖς ἄλλαις ἐπισκοπαῖς
 τὰ πρεσβυτέρα σώζεσθαι ταῖς ἐκκλησίαις. Hoc clarius enim
 indicat ac docet, ex quattuor antiquis Nicenorum

canonum versionibus & editionibus, ea quæ secunda nominatur. sic enim hunc canonem reddidit: *Antiqui mores obtineant qui apud Ægyptum sunt, & Libyam & Pentapolim, ut Alexandria episcopus omnium exhibeat sollicitudinem: quia & urbis Romæ episcopo similis mos est. similiter autem & circa Antiochiam, & in ceteris prouinciis priuilegia propria reseruentur metropolitanis Ecclesiis. omnino autem manifestum est illud, quod si quis præter consilium metropolitani factus fuerit episcopus, hunc concilium definiuit, non debere esse episcopum.* quæ ἐκκλησίαι simpliciter sunt in Græcis, huius editionis auctor, Ecclesias metropolitanas interpretatus est, nec aliter debuit. nam de Ecclesiis metropolitanis Synodus intellexit. Occasionem autem huic sanciendo canoni dedit Ægyptij Meletij schisma, qui per vniuersam Ægyptum iura metropolitana Alexandrini episcopi turbabat, sibi que vsurpabat, multa que adeo tentabat aduersus antiquam consuetudinem, quæ in Ægypto obtinebat, & inualuerat. ius porro metropoliticum quod in variis Ecclesiastici actus muneribus ac negotiis consistit, præcipue tamen circa episcoporum ordinationes versatur totum. Horum sibi consecrationes adrogabant Meletiani per Ægyptum, aliaque multa Ecclesiasticæ administrationis obibant, & iniura Alexandrini episcopi inuadebant. Epiphanius hæresi LXVIII. de Meletio: καὶ ἐκάστη χώρα, καὶ καὶ ἕκαστος τόπον διερχόμενος καὶ ἴσα κληρικοὺς ὁπισχέποις τὴν πρεσβυτερίαν καὶ ἀρχόνους, καὶ ὡς οὐδὲν ἐκκλησίας ἰδίας. Huic schismati diuidiæque, vt obuiam iretur, ac

sua iura episcopo Alexandri confirmarentur, quæ rentabantur a Meletio, censuerunt Niceni Concilij patres, antiquum seruandum esse morem, qui olim in Ægypto, Libye, & Pentapoli, hoc est per totam Ægyptiacam diœcesim obtinuerat, vt scilicet horum omnium potestatem haberet, & per supradictas tres prouincias ius suum metropolitæ exereret & exerceret episcopus Alexandrinus, quoniam ita moris esset episcopo Romano, in sua nimirum prouincia. idem & per Antiochiam statui voluerunt, & per alias omnes prouincias, vt sua iura ac priuilegia Ecclesiis metropolitanis seruarentur. Ecclesia igitur Romana siue Romana prouincia, tanquam omnium prima ac dignissima patribus illis ceu typus proposita est, ad cuius instar & exemplum ceteris Ecclesiis & prouinciis per vniuersum orbem sua ~~ὑπερέχουσα~~ intacta & inuiolata præciperent custodiri. Synodi mentem non aliam fuisse, en tibi testem luculentum Nicolaum primum epist. viii. qui ita scribit: *Si instituta Nicenæ Synodi diligenter inspiciantur, inuenietur profecto, quia Romanæ Ecclesiæ nullum eadem Synodus contulit incrementum: sed potius ex eius forma quod Alexandrinæ Ecclesiæ tribueret, particulariter sumpsit exemplum.* Ecclesia Romana nulla tunc fuit, nullaque sic vsquam appellata est, nisi quæ tota Romanæ prouinciæ ambitu clauderetur quæque adeo ab omnibus distinguebatur, Rauennensi, Mediolanensi, Capuana, & aliis, & extra Italiam ab Africanis, Gallicanis, Hispanicis & ceteris. Ostendat Sirmondus aliam

Ecclesiam tunc temporis Romanam nomine fuisse dictam, præter eam quæ intra Romanæ prouinciæ fines fuit, aut se frustra in diuersum tendere fateatur. Concedamus illi, quod nequaquam concedi potest, sed concedamus, aliam illo tempore prouinciam, aliam quamlibet diœcesim, totam Italiam, totum si velit Occidentem Romanæ Ecclesiæ specialiter nomine venisse; saltem fateri cogetur non eam fuisse metropolitanam, ac nullam aliam metropolitanam extitisse episcopi Romani prouinciam, quam illam particularem Romanam. Hoc si habemus, sat habemus. cum enim superscripto sexto canone, de solis metropolitae agatur, ac priuilegiis Ecclesiarum metropolitanarum sactis tectis seruandis, idque ad formam ac typum Ecclesiæ Romanæ statui ibidem dicatur, primatiam licet habuerit diœcesim episcopus Romanus, licet & patriarchalem, non aliam tamen ad exemplum sumi decuit quam prouinciam metropolitanam. Alia namque sunt iura metropolitae, alia patriarcharum: quinimmo alia fuere aliis patriarchis priuilegia tributa. exempli gratia; patriarcha Constantinopolitanus, solos metropolitae, qui sub suo patriarchatu essent, consecrandi ius habebat, non etiam episcopos vniuersæ suæ diœcesis, nam a metropolitanis suis consecrabantur. Canon xxviii. Concil. Chalcedonensis: καὶ ὡςτε τοὶ τῆς Ποντικῆς καὶ τῆς Ασιατικῆς καὶ τῆς Θρακικῆς ἐκκλησίᾳς μητροπολίτας μόνοις χειροτονῶν ὑπὸ τοῦ πατριάρχου ἀνωτάτου θρόνου τῆς κατὰ Κωνσταντινὴν ἀνωτάτης

ἐκκλησίας. δηλαδὴ ἐκαστοῦ μητροπολίτου τῶν πατριαρχικῶν
 ἐκκλησιῶν μὲν τῶν τῆς ἐπὶ Ἀρχιεπισκοπῆς χειροτονιῶντος ἢ
 ἐπὶ Ἀρχιεπισκοπῆς καὶ τῶν τοῖς ἁγίοις καὶ ἁγίοις διηγόρευται.
 ius igitur patriarchale Constantinopolitani epi-
 scopi in solis metropolitanis sedi suæ subiectis
 consecrandis consistebat. ius vero metropolit-
 cum in consecrandis episcopis totius prouinciæ
 immediate spectabatur. quod ius non ereptum
 iure canones metropolitæ Asiæ, Ponticæ, &
 Thraciæ diœcesis, etiam postquam subiecti fuere
 sedi Constantinopolitanæ, & ab eiusdem sedis
 patriarcha ordinari cœperunt. Ius enim semper illi
 potestatemque habuere suorum episcoporum
 consecrandorum, etiam inconsulto patriarcha
 Constantinopolitano, cuius ad eam rem nec assen-
 sus requirebatur, nec auctoritas. in episcopo vero
 Alexandrino, & Antiocheno longe aliter res se
 habuit, atque alia eorum iura fuere ac priuilegia.
 nec solos illi quippe metropolitas per vniuersam
 patriarchatus sui diœcesin constitutos ordinabant,
 sed nemo episcopus in tota diœcesi eligebatur,
 absque eorum consensu & confirmatione. ideo-
 que sexto canone Niceno, vbi vtriusque mentio
 nominatim habetur, ibi non tanquam patriarchæ,
 sed tanquam puri puti verique metropolitani
 considerantur. Episcopus enim Alexandrinus
 reuera totius Ægypti metropolita fuit, & iure
 metropolitico per totam Ægyptiacam diœcesim
 utebatur, quod ad consecrationem ordinatio-
 nemque attinet episcoporum. Epistola Synodica

Concilij Niceni ad Alexandrinam Ecclesiam,
 quæ apud Theodoretum legitur lib. i. cap. ix.
 ὡς ὑποίς μὲν μηδεμίαν ἔξουσίαν εἶναι τοῖς ἀρεσχωμένοις
 αὐτοῖς παρεχέμεσθαι ἢ ὑποβάλλειν ὄνομα, ἢ ὅλως ποιῆναι
 χωρὶς τῆς γνώμης τῆς καθολικῆς καὶ ἀποστολικῆς ἐκκλησίας
 ἐπισκόπων τῶν ἐκ τῆς Ἀλεξάνδρου. & paulo post: εἰ δὲ ἴνα
 ποτὲ συμβαίη ἀναπαύσασθαι τὸ ἐν τῇ ἐκκλησίᾳ πλυνθεῖν
 σὺναναβαίνειν εἰς πλὴν τῆς τετελευτηκότος τοῖς ἀρχιε
 πρεσβυτέρους, μόνοι εἰ ἀξιοὶ φαίνονται, καὶ ὁ λαὸς ἀρεστο
 σὺνεπιψηφίζοντος αὐτοῖς ἐπισφραγίζοντος τῆς καθολικῆς
 Ἀλεξανδρείας ἐπισκόπου. & mox addit: ταῦτα ἐστὶ τὰ ἐξαί
 ρετα καὶ ἀφαίρετα Αἰγύπτῳ καὶ τῇ ἀνωτάτῃ ἐκκλησίᾳ
 Ἀλεξανδρείᾳ. Hæc sunt quæ vocantur in canone τὰ
 δεχάμα ἐστὶ τὰ ἐν Αἰγύπτῳ καὶ Λιβύῃ καὶ Πενταπόλει.
 Synesius epist. xcvi. ad Theophilum Alexandri
 num episcopum de episcopo Palæbiscæ: τῶν οὖν οὖν
 εἶνα καὶ μόνοι ἀποδέδωκεν Παλαιστίνης ἐπίσκοπον, ἀλλ' ὅθεν
 τῶν ἐκκλησιῶν, ἐκκλησιῶν οὖν οὖν, ὅσα γε τῶν γερόντων
 ἱερέων, εἰ μήτε ἐν Ἀλεξανδρείᾳ κατέστη, μήτε ὡς
 τριῶν ἐνθάδε, καὶ εἰ μὴ τὸ σῶμα τῆς χριστιανικῆς ἐκκλησίας
 εἰδίδωτο. Hoc igitur ius habuit, hanc ἔξουσίαν Alexan
 drinus episcopus per omnes Ægyptiacæ diœcesis
 prouincias ut nullus episcopus fieret absque eius
 auctoritate. Quemadmodum enim Ægypti, Libyæ
 & Pentapoleos, hoc est totius Ægyptiacæ diœce
 seos caput ac metropolis erat Alexandria, sic om
 nium Ægypti prouinciarum metropolitanus re
 uera fuit episcopus Alexandrinus, & metropoli
 tano iure per superscriptas prouincias semper usus
 est, cum in episcoporum ordinatione, tum in
 omni

omni actu Ecclesiasticæ dispositionis. Theodorētus lib. i. cap. i. de Alexandria: Αλεξάνδρεια πόλις ἐστὶ μέγιστη καὶ πολυάνθρωπος, ὥς τε Αἰγυπτίῳ μέγιστος, ἀλλὰ καὶ Ὁρθόδοξος καὶ Λιβύῳ τῇ πλεονεξίᾳ Αἰγυπτίῳ πλεονέχουσα πεπεσχυμένη. Non disparem, nec dissimilem fuisse episcopi Antiocheni potestatem καὶ αὐθεντίαν, per vniuersam Orientis diæcesim, cuius Antiochia metropolis fuit, patet ex hoc canone, & ex Innocentij primi epistola xx. ad Alexandrum Antiochenum ita scribentis: *Itaque arbitramur, frater carissime, ut sicut metropolitanos iure ordinas singulari, sic & ceteros non sine permissu conscientiaque tua, sinas episcopos procreari. in quibus hunc modum recte seruabis, ut longe positos, litteris datis, ordinari censeas ab ijs, qui nunc eos suo tantum ordinant arbitratu: vicinos autem si aestimas, ad manus impositionem tuæ gratia statuas peruenire: quorum enim te maxima spectat cura, præcipue tuum debent mereri iudicium.* initio epistolæ ait hoc se respondere reuoluentem Synodi Nicenæ auctoritatem. & sane verum est sexto illo canone Niceni Concilij Antiochenum episcopum, totius Orientalis diæcesis metropolitam agnosci, ac proinde episcoporum vniuersæ suæ diæcesis ordinatorem legitimum, non minus quam Alexandrinum suæ. sic enim scriptum est in eodem canone: κατὰ τοὺς ὅτι παρόντας ἐκείνο ὅτι εἴ τις χωρὶς γνώμης μετροπολίτου ἡμῶν τοῦ ὁπίσκεινος, τὸν ἱερεὺς ἢ μεγάλη συνόδος ὧς τε μὴ δεῖν εἶναι ὁπίσκειν. igitur quod prima illa Synodus, & omnia deinceps concilia, omnium metropolitaram proprium esse voluerunt, ut episcopus in tota prouin-

cia nullus ordinaretur, absque metropolitæ conscientia & auctoritate, id iuris habuisse Alexandrinum episcopum per totam Ægyptiacam diocesim, & Alexandrinum per Orientalem, ex prædicto sexto canone Synodi Nicenæ certum indubitatumque est. quod etiam confirmatur secundo canone Concilij Constantinop. quo vetantur episcopi suarum diocesum limites transcendere, & alienas inuadere: ibi & nominatim episcopus Alexandrinus sua diocesi hoc est Ægyptiaca iubetur esse contentus, & Antiöchenus sua, alique similiter metropolitæ intra suas quisque prouincias coercentur, cum ad alia munera Ecclesiastica obeunda, tum præcipue ad episcoporum ordinationem iure metropolitico peragendam. quapropter quum supra iam toties dictus sextus canon Nicenus de solis agat metropolitæ, & metropolitanarum Ecclesiarum priuilegiis, & veros suarum, quamlibet ample fuerint, diocesum metropolitæ agnoscat, Alexandrinum Antiochenumque episcopos, iisque ambobus, sicut & ceteris metropolitæ, sua iura conseruari præcipiat, ad eum modum moremque quem episcopus Romanus in sua prouincia seruabat; de alia prouincia episcopi Romani mentem canonis intelligere nemo possit, nisi de metropolitana. Meletius cum suis sectatoribus Alexandrini episcopi iura turbabat, & usurpabat, in consecrandis & ordinandis per diuersa Ægypti loca, clericis & episcopis. Alexandrinæ Ecclesiæ episcopus iure metropolitico subnixus per vniuer-

fam Ægyptum censcebatur ex antiquo, ita vt nul-
 lum in tota illa diœcesi creari fas esset episcopum,
 sine consensu eius, & auctoritate. Niceni Concilij
 patres vt Meletianorum insolentiam retunderent,
 & Alexandrino episcopo sua iura confirmarent,
 decreuerunt, vt mos antiquus in Ægypto, Libya,
 & Pentapoli obtineret, qui semper obtinuisset, vt
 per eas prouincias summam haberet potestatem
 Alexandrinus antistes, cum in aliis muneribus Ec-
 clesiasticis, tum præcipue in consecrationibus epi-
 scoporum, quæ res canonis illius fanciendi causam
 maxime præbuit: nam id maxime controuerteba-
 tur. iuris autem huius & potestatis Alexandrino
 episcopo asserendæ confirmandæque, forma su-
 mitur, & exemplar ab episcopo Romano: ἡμεῖς καὶ
 τὰ ἐν τῇ Ρώμῃ ἑπισκοπῶν τὸ τοιαύτως ἐστὶ. *quoniam &*
hic mos est Romano episcopo: in sua scilicet prouincia.
 nam ita necessario subintelligendum. quæri itaque
 nunc debet quænam illa diœcesis aut prouincia
 fuerit, in qua episcopus Romanus idem iuris ha-
 buerit, quod episcopo Alexandrino hoc canone
 tribuitur, quantum ad ordinationem scilicet epi-
 scoporum attinet. iam id quæsiuimus, iam inueni-
 mus: metropolitana illam esse ac Romanam pro-
 uinciam iam diximus. Hoc tamen adhuc exactius
 subtiliusque discutiamus, atque an de alia speciali
 diœcesi, quam de metropolitana capi verba
 Synodi possint, disquiramus. sic melius verum
 id apparebit quod docuimus, multoque certius
 ita esse constabit, postquam aliter esse non posse

ostenderimus. Certum est ex his quæ superius exposuimus, episcopum per totius Ægypti diœcesim ordinationes, & confirmationes ad episcopum Alexandrinum iure metropolitani spectauisse: nullum in tota Ægypto episcopum ordinari solitum, sine consensu conscientiaque eius. cum in hoc iure turbaretur a Meletianis, in hoc iure confirmatus est a patribus Nicenis; idque iuxta formam & consuetudinem, quam in sua speciali prouincia obseruare solitus erat episcopus Romanus, præter prouinciam metropolitanam, quæ Romanæ regionis finibus terminabatur, ac prouincia Romana dicebatur. Sirmondus totius Italiæ primatem fuisse in Censura sua censet episcopum Romanum, & hanc eius diœcesim primatiam facit. Nunc videamus an de ista diœcesi Synodum liceat interpretari, quoniam specialis & ista est; de speciali autem Synodum interpretandam esse nec Sirmondus diffitetur. Dat Synodus episcopo Alexandrino per totam Ægyptum idem iuris & potestatis circa episcoporum ordinationes, quod Romano episcopo datum erat in sua speciali prouincia. per omnes Ægypti prouincias, hoc est per totam Ægyptiacam diœcesim, nullum licebat eligi vel creari episcopum, nisi suffragium accederet & auctoritas episcopi Alexandrini. moris idem per totam Italiam episcopo Romano an fuerit, vel idem iuris, dispiciamus, immo non fuisse iam satis spectatum est, quis enim nescit omnes Italiæ metropolitanos, ceterorum more metropolitanarum,

iure suo suffraganeos suos ordinasse sine decreto episcopi Romani? Hoc certi & minime contro- uersi iuris in Ecclesia semper fuit, vt metropolita- nis omnibus liceret, etiam inconsulto patriarcha cui subiecti erant, ac sine eius præcepto, suos epi- scopos suffraganeos consecrare. Patriarchæ metro- politas sedi suę subiectos ordinabant, metropolitæ episcopos, episcopi clericos, & presbyteros. & quemadmodum episcopi non turbabantur a suis metropolitæ in clericorum & presbyterorum or- dinatione, ita nec metropolitæ a patriarchis in episcoporum suæ prouinciæ consecratione. nihil aliud ab ima ad summam chordam resonant om- nium conciliorum canones: nihil aliud tinniunt Paparum decreta & epistolæ. iuxta hanc veterem Ecclesiæ Catholicæ consuetudinem, tot sacris canonibus sancitam, tot pontificum Romanorum decretis firmatam, *vt extra conscientiam metropolitani nullus ordinaretur episcopus*, abunde probatum esse debet, metropolitanos Italiæ, in suis quemque prouinciis, non minus habuisse iuris, quantum ad episcopos ordinandos, quam episcopum Roma- num in sua metropolitana. Id sexcentis testimoniis & exemplis probari posset, si vsus esset, aut si du- bitari posset. Primas fuerit Italiæ, sicuti vis, episco- pus Romanus. solos tamen metropolitane suæ prouinciæ episcopos immediate sibi subiectos or- dinabat; reliquarum metropoleon non ordina- bat, sed a suis illi metropolitæ ordinabantur. sic cum primas esset quattuor Lugdunensium, & maxi-

L I iij

me Sequanorum, episcopus Lugdunensis; solius tamen primæ Lugdunensis, cuius metropolita fuit, ordinandorum episcoporum, ius ac licentiam habuit; ceterorum ordinationes, qui extra suam provinciam positi essent, nunquam sibi vindicavit. Hoc iure moreque vetus utebatur Ecclesia perpetuo atque constanti. De primatiana igitur diœcesi episcopi Romani per Italiam, si vlla fuit, quam nec fuisse certum est, minime tamen accipi debere canonem Nicenum, ob eam quam dixi causam constat; sed nec ipse de illa accipiendum censes. de patriarchali videndum ergo, quod tu censes, an accipi possit. Patriarchalis Papæ diœcesis tibi totus Occidens est. si per totum Occidentem id olim iuris habuisse Papam, potes ostendere, ut immediate ab ipso omnium episcoporum ordinationes dependerint, tum me tibi confitentem habeas, & Ruffinum errasse, qui Nicenum canonem de metropolitana eiusdem provincia interpretatus est, & errare etiam nunc omnes qui de Occidente, quæ specialis eius fuit diœcesis, non interpretabuntur. Sed licet fuerit, patriarcha totius Occidentis, episcopus Romanus, non tamen efficies, ut sequatur, omnium in toto Occidente episcoporum ordinationes immediate ad ipsum spectasse. Hoc enim ius patriarchale non erat, sed purum putum metropolitanicum. si patriarchale fuisset, hoc eodem vñ legerentur omnes patriarchæ. atqui certum est, & plus quam certum, patriarcham Constantinopolitanum, solos metropolitas sedi suæ subditos

ordinasse, non etiam omnes episcopos per vniuersam eius diœcesim constitutos. Id igitur iuris non alij patriarchæ habuere quam qui suarum diœceseon reuera metropolitæ fuere, vt Alexandrinus & Antiochenus. De his patriarchis qui μητροπολιτικὸν δίκαιον per vniuersam sibi subiectam diœcesim habebant, ita Iustinianus leg. xxix. Cod. de Episcop. audientia. ὅτι δὲ τινες τῶν θεοφιλεσάτων πατριαρχῶν ἐν ταῖς ἐπισκοπαιαῖς ἐν αἷς εἰσὶ καὶ μητροπολιτικὸν ἔχουσι γῆμα, τινες δὲ καὶ ὅλῳ πλὴν διοίκησιν τὰς χριστοῦ ποιῶνται τῶν ὑπὸ αὐτοῖς θεοφιλεσάτων ἐπισκόπων, εἴτε μητροπολιτῶν, εἴτε τῶν ἀλλῶν, ἐπὶ αὐτοῖς ἐκείνα θεασόμενοι ἅτε ὅτι τῶν θεοφιλεσάτων μητροπολιτῶν ἡδὴ διετάξαμεν· αὐτοὶ γὰρ αἱ ἐκ μητροπολίτης δικαίως καλοῦτο ὁ πλὴν ἐξουσίᾳ τῶν ὑπὸ πλὴν μητροπολιν ἐπισκόπων ἐκ τῶν ἁίων ἔχον καμόνων. quoniam vero quidam sunt sanctissimi patriarchæ, qui in prouinciis, in quibus constituti sunt, metropolitaram officium gerunt, alij etiam per vniuersam diœcesim, episcoporum qui sub eis sunt, tam metropolitanorum quam aliorum, ordinationes faciunt: de illis eadem obseruari sancimus, quæ de metropolitanis iam antea constituimus. is enim iure vocetur metropolitanus, qui in episcopos sibi subiectos ex sacris canonibus habet potestatem. Heic duo genera habemus patriarcharum: vnum eorum qui totius diœcesis erant metropolitæ, & omnium episcoporum tam metropolitanorum quam aliorum ordinationes faciebant. tales fuere Alexandrinus & Antiochenus in Ægyptiacâ, Orientalique diœcesi: Alterum eorum qui eius tantum prouinciæ cui præsidebant, episcopos ordinandi facultatem habebant, cuiusmodi

erant omnes exarchi illi diœceseon, qui primas sedes in vnaquaque diœcesi tenebant, quos tu a patriarchis distinguis. Et hos & illos metropolitæ iure appellari dicit Iustinianus, & de his eadem sancit, quæ de metropolitæ iam sanxerat: reuera enim metropolitæ fuere, illi diœceseon, isti prouinciarum. de quibus capite sequenti plura. Patriarchæ vero, qualis Constantinopolitanus, metropolitæ recte dici non poterant. nec enim propriam vllam habuit prouinciam cuius episcopus ordinaret, nec per totam sibi subiectam diœcesim episcopos omnes ordinauit, sed solos metropolitanos. Primate autem diœceseon siue patriarchæ, qui non totius diœcesis cui præerant, sed solius cui præsidebant prouinciæ, veri fuere metropolitæ, in ceteros per diœcesin constitutos metropolitæ id iuris non habebant, vt episcopos eorum suffraganeos ordinarent, aut ad eos ordinandos assensum suum requiri oportere intenderent. sic enim aperte contra sacros canones iuissent, qui *μὴ ἰν' ὧν* omnes sanciunt, solius metropolitani auctoritatem requiri in singularum prouinciarum episcopis ordinandis. Quare si episcopus Romanus omnium Occidentis episcoporum ordinationes habuisse credendus est, non aliter eas sibi vindicare potuit, quam aut iure metropolitæ specialis, aut iure summi pontificis, & episcopi vniuersalis. nihil est tertium. iure metropolitæ eas sibi vindicasse, non tu dixeris, non alius dixerit: nec enim totius Occidentis fuit metropolita, sed solius prouinciæ

uinciæ Romanæ. restat ergo, vt tanquam maioris ordinis pontifex, & ordinarius, vt vocant, ordinari-
orum, eas iuri suo vindicare potuerit. sed hoc nomine, & hoc iure, non minus per Orientem quam per Occidentem, omnium tam episcoporum quam metropolitanorum ordinationes suæ potestatis fuisse possit asserere. quodcunque fuerit horum, interpretatio de Occidente, in illo sexto canone locum habere non potest. Nam si patriarcham Occidentis fuisse admittimus episcopum Romanum, hoc nomine soli per Occidentem metropolitani, aut ab ipso ordinandi fuere, aut non sine eius consensu ordinandi, seruato interim iure suo metropolitanis omnibus, vt & ipsi suos ordinarent suffraganeos. sin autem ordinationes episcoporum per Occidentem sui iuris ac muneris esse, velit asserere, non iure patriarchæ id sibi potestatis tributum possit defendere, sed tanquam pontifex summus, & episcopus vniuersæ per orbem Ecclesiæ, & verus totius orbis metropolita, ac proinde legitimus licet extra ordinem, episcoporum ordinator. Ceterum nec hoc nec illo, nec vlllo sane modo ordinationes episcoporum per omnes Occidentis prouincias antiquitus agnouit episcopus Romanus, sed eas semper liberas metropolitanis reliquit, iuxta illam constantem perpetuamque omnium conciliorum regulam, *vt extra conscientiam metropolitani nullus ordinaretur episcopus, aut qui sic ordinatus esset, non esset episcopus.* Ideoque per Italiam, per Africam, per Gallias, &

Hispanias, aliasque Occidentis regiones episcoporum ordinatio penes metropolitanum prouinciæ semper fuit. sed nec iuris huius, quod metropolitanis compete-
bat, acriores illi fuere defensores, quam episcopi Romani aduersus eos, qui turbare illud conarentur, aut vlla ex parte imminuere. Leo magnus epist. LXXXVII. ad episcopos Viennenses de Hilario qui extra suam prouinciam episcopos ordinabat, & per hoc iura metropolitanorum tentabat, ita scribit: *Hilarius Ecclesiarum statum & concordiam sacerdotum nouis præsumptionibus turbaturus excessit, ita suæ vos cupiens subdere potestati, ut se beato Petro Apostolo patiaturs esse subiectum, ordinationes sibi omnium per Gallias Ecclesiarum vindicans, & debitam metropolitanis sacerdotibus in suum ius transferens dignitatem.* Ordinationes episcoporum per Gallias non sibi per hæc Leo vindicauit, sed Hilario eas sibi contra ius fasque vindicanti restitit, pro ea cura scilicet, quam vniuersæ gerere debuit Ecclesiæ. Hoc etiam clarius testatur in epist. xciii. ad eosdem episcopos Viennenses, his verbis: *unde quia nostra alia videtur intentio, nam omnium Ecclesiarum statum & concordiam cupimus custodiri sacerdotum, ad unitatem vos vinculo charitatis hortantes, & obtestamur & affectione congrua commonemus, ut ea quæ a nobis, Deo inspirante, & beatissimo Petro Apostolo, discussis probatisque nunc omnibus causis decreta sunt, pro vestra pace & dignitate seruetis: certi non tam nostro honori proficere, quod talia statuisse cognoscimur, non enim nobis ordinationes vestrarum prouinciarum defendimus; quod potest forsitan ad*

deprauandos vestrae sanctitatis animos Hilarius pro suo more mentiri: sed vobis per nostram sollicitudinem vindicamus, ne quid ulterius liceat nouitati. Non igitur sibi sed metropolitanis ad quos pertinebant, ordinationes episcoporum per Galliae prouincias, tanquam legitimas asseruit Leo, contra Hilarium, qui eas suo iuri nullo iure arrogabat. sic in causa Arelatensis & Viennensis archiepiscopi, cum de primatu inter eos contentio esset, Taurinatenſe Concilium decreuit, vt qui ex eis comprobasset suam ciuitatem esse metropolim, is totius prouinciæ honorem primatus obtineret, & ipse iuxta præceptum canonum, ordinationum haberet potestatem. sexcentis huiusmodi testimoniis probari facile esset, ius ordinationum per Gallias, & alias Occidentis prouincias fuisse penes metropolitanos singularum prouinciarum. idem ius, idem mos non solum in Galliis obtinuit, sed etiam in Italia ipsa, in Africa, aliisque Occidentis regionibus. in Africa sane constat, quæ Occidentis erat prouincia, nihil iuris ac potestatis habuisse Romanum episcopum, quod ad episcoporum attinet ordinationes, sed earum ius semper ac potestatem, penes singulos prouinciarum primates hoc est metropolitanos fuisse. id constat ex can. XIII. Codicis canonum Ecclesiæ Africanæ qui ita habet: *ab vniuersis episcopis dictum est, a nobis veterum statuta debere seruari, sicuti & inconsulto primatu cuiuslibet prouinciæ, tam facile non præsumant multi congregati episcopi episcopum ordinare.* Præterea hoc priuilegium etiam habuit primas

Carthaginensis per totam Africam, ut de quacunque Africæ prouincia vellet, episcopum posset ordinare pro cuiusque Ecclesiæ desiderio. can. LV. eiusdem Cod. *fuit semper hac licentia huic sedi, ut unde vellet, & de cuius nomine fuisset conuentus, pro desiderio cuiusque Ecclesiæ ordinaret episcopum.* Igitur quum & in Africa & in toto reliquo Occidente constet ordinationes episcoporum absque consensu & auctoritate Papæ peragi solitas fuisse, & e contrario constet per totam Ægyptum nullum olim ordinari fas fuisse episcopum, episcopo Alexandrino inconsulto, & non consentiente; quomodo stare poterit eorum interpretatio qui sexto Niceno canone parem potestatem asseri defendunt episcopo Alexandrino per Ægyptum in episcoporum ordinationibus, quam episcopus Romanus haberet per Occidentem, hoc est per specialem suam diœcesim? ius metropoliticum in ordinandis episcopis per totam Ægyptiacam diœcesim Alexandrino episcopo confirmat sextus ille canon, quia iuris huius controuersiam patiebatur a Meletio. idque confirmat ad formam ac typum episcopi Romani, ex consuetudine scilicet, quam in sua prouincia retinebat. hinc certo certius est de ea prouincia intelligendum esse, in qua ius illud metropoliticum, quod in episcopis ordinandis positum est, haberet episcopus Romanus. atqui etiam cæcis manifestum est, non in Italia, non in vlla alia Occidētis prouincia ius illud fuisse metropoliticum episcopo Romano præterquam in sua

prouincia metropolitana. quid igitur certius, quid manifestius quam de prouincia Romana cuius metropolita erat episcopus Romanus, accipiendum esse canonem illum Nicenum? omnes Romanæ prouinciæ episcopi de consecratione episcopi Romani erant, ad eius ordinationem immediate pertinebant, & proprie ac metropolitæ iure ipsi competebant. talis fuit, & tali iure vsus est per vniuersam Ægyptiacam diœcesim episcopus Alexandrinus: nec alio iure censebatur per Orientem hoc est Orientis diœcesim Ecclesia Antiochena. Hinc beatus Hieronymus epist. LXI. scribit ex Niceno Concilio totius Orientis metropolim esse Antiochiam. Leo epist. xx. ad Alexandrum episcopum, Antiochenam Ecclesiam non super aliquam prouinciam, sed super diœcesim suam, hoc est Orientis, constitutam esse agnoscit his verbis: *Reuoluentes auctoritatem Nicenæ Synodi, quæ una omnium per orbem terrarum explicat mentem sacerdotum, quæ censuit de Antiochena Ecclesia, cunctis fidelibus ne dixerim sacerdotibus esse necessarium custodire; quam super diœcesim suam prædictam Ecclesiam, non super aliquam prouinciam recognoscimus constitutam.* Canon igitur supra scriptus Nicenæ Synodi Alexandrinum Antiochenumque episcopos, metropolitæ meros suarum diœceson fuisse agnoscit, hisque ita consideratis metropolitana sua iura confirmat, vt & ceteris omnibus metropolitæ ad exemplum metropolitæ Romani, qui nullam aliam in Occidente prouinciam iure illo ac potestate metropolitana administrauit,

quam Romanam. Falluntur autem qui sexto canone Nicenæ Synodi putant repressam fuisse insolentiam patriarcharum, & certos illis prouinciarum terminos constitutos, quos ne excederent & ne in alienas prouincias inuaderent. immo occasione data ex schismate Meletij qui iura metropolitana episcopi Alexandrini circa episcopos ordinandos turbatum iuerat per Ægyptum, insolentiam eius & usurpationem hoc canone retulerunt Niceni Concilij patres, & iura sua Alexandrinæ Ecclesiæ antistiti constabiliuerunt, eodemque decreto reliquis similiter per vniuersum orbem metropolitans priuilegia sua custodienda sanxerunt in propriis prouinciis, iuxta morem quem tenebat in sua prouincia episcopus Romanus. De metropolitans igitur solis agit canon, & episcopus Romanus ibi tantum spectandus est tanquam metropolita, & prouincia eius specialis haud alia intelligenda est quam metropolitana. si totus Occidens metropolitana eius prouincia fuit, totus Occidens intelligendus. si totus orbis, de toto orbe debemus intelligere. præcipua potestatis pars, ac præcipuum ius metropolitans, circa ordinandos episcopos versabatur. hoc iure præcipue censebatur metropolitana dignitas. Hanc potestatem, hoc ius ordinationum, solis competens metropolitans, per totam Ægyptum habuit episcopus Alexandrinus: per totum Orientem Antiochenus. Episcopus vero Romanus, vt iterum iterumque hoc repetam, nihil quidquam iuris habuit per

Occidentem circa simplicium episcoporum ordinationes: nullo quippe nomine aut titulo potuit eas sibi vindicare. tanquam metropolita non poterat: nec enim fuit Occidentis metropolita. tanquam patriarcha, multo minus: nam hoc ius non erat patriarchale. metropolitæ quidem omnes per Occidentem pallium & consecrationem ab ipso non heri hodieque accipere soliti sunt. hoc erat patriarchale. sed per Orientem quoque eandem sibi potestatem vindicauit, vt patriarchæ metropolitæque omnes pallium ab ipso & consecrationem recipere deberent. non igitur tanquam patriarcha Occidentis, per Occidentem hoc facit, sed tanquam episcopus vniuersalis & patriarcha patriarcharum. sic nec Occidentis metropolita, nec specialis fuit patriarcha. vnica igitur erat prouincia Romana, in qua ius metropoliticum, ac potestatem metropolitæ propriè competentem in ordinandis episcopis exercere, iuxta canonum antiquorum instituta, potuit. ea est prouincia de qua canonis Niceni verba debent accipi, & vero etiam acceperunt veteres omnes eiusdem canonis enarratores: omnium vero optime mentem canonis cepit, & clarissime expressit Arabicæ versionis auctor, quam heic integram producemus: *Constitutum est, vt episcopus Ægypti, id est patriarcha Alexandrinus, præsideat, & habeat potestatem totius Ægypti, & omnium locorum, castellorum, & ciuitatum quæ sunt circum eam, quia sic conuenit. siquidem similiter episcopus Romæ, id est successor Petri Apostoli, potestatem habet omnium ciuitatum*

& locorum quæ sunt circa eam. ac similiter episcopus Antiochiæ, id est patriarcha potestatem habeat prouinciæ illius totius: & in aliis idem locis seruari debet, quod in præterito constitutum est. Vides cum quisquis est Arabem interpretem, non aliter considerare patriarcham Alexandrinum, quam vt episcopum Ægypti, hoc est totius Ægypti metropolitam. quæ vera canonis illius mens est. eidem vero Alexandrino patriarchæ, totam Ægyptum assignat, tanquam germano meroque metropolitæ: Romano autem episcopo solas ciuitates, & loca quæ circum urbem sunt, metropolitani iure administrandas tribuit. Atque eæ sunt ciuitates circa urbem quas *suburbicarias Ecclesias* vocat Ruffinus in eadem prouincia metropolitana episcopi Romani designanda. ea etiam sunt loca circa urbem, quæ *suburbicaria loca* vocauit in eiusdem canonis expositione Vaticanus interpres: quibus locis suburbicariis prouinciam omnem episcopi Romani, hoc est Romanam & metropolitanam prouinciam, definiuit. Verum est igitur veteres illos tres interpretes Synodum Nicenam, sexto eius canone de prouincia metropolitana episcopi Romani intellexisse: verum est, ita sextum illum canonem intelligi debere: verum etiam est ac verissimum, Romanam prouinciam, quæ metropolitana episcopi vrbis Romæ fuit, suburbicariarum Ecclesiarum vel suburbicariorum locorum finibus circumscriptam fuisse, ac propterea eosdem terminos habuisse, quos Romana regio habuit quæ sub præfecto vrbis erat, & subur-

suburbicariis regionibus intra centesimum comprehensis definebatur. Ex suburbicariis porro regionibus, & earum notione, quemadmodum facile probari potuit, quænam fuerint Ecclesiæ suburbicariæ; ita nunc vice versa ex suburbicariis Ecclesiis certo potest definiri quænam fuerint regiones suburbicariæ. Cum iam ex his quæ diximus cõstet, suburbicarias Ecclesias, & suburbicaria loca, de locis & Ecclesiis dici vrbi Romæ vicinis & suburbanis, circa urbem & sub vrbe sitis; constare etiam oportet, suburbicarias regiones & prouincias, quarum apud auctores extat mentio, eodem omnino sensu accipi pro finitimis & proximis vrbi prouinciis; nulla igitur iam erit Sicilia suburbicaria, non Corsica, non Sardinia, non Calabria, non Bruttij, nec si quæ aliæ remotiores ab vrbe regiones, quibus propterea nomen hoc *suburbicarij* conuenire non potest, quod ab vrbis vicinitate factum est. Hinc etiam certum erit, & certo colligi poterit, suburbicarias non omnes fuisse, quibus vicariana vrbis potestas præsidebat. nam multæ sub eius erant dispositione longius ab vrbe dissitæ, & quædam etiam extra Italiam sitæ: nec suburbicarias inde esse appellatas, quod essent sub vrbis vicario. Præterea cum iam certissimum etiam sit illud, suburbicarias Ecclesias & ciuitates, prouinciam metropolitānam constituisse episcopi vrbis, quæ & Romana dicebatur, ex eo cuilibet colligere promptum est, suburbicarias quoque regiones siue prouincias

N n

intra Romanæ siue vrbicariæ regionis, vrbicquē territorij fines constituisse, quibus finibus ad centesimum vsque milliare protensis terminabatur omni iurisdicção præfecti vrbis. sic quam operam opemque præstiterē indagandis ac reperiundis Ecclesiis suburbicariis regiones suburbicariæ, nunc eandem inuicem ac mutuo præstant stabiliendis suburbicariis regionibus, suburbicariæ Ecclesiæ. Harum igitur & illarum olim idem qui centesimi terminus fuit. Huc vsque Romanæ regionis sub præfecto vrbico, & Romanæ prouinciæ sub vrbico episcopo fines porrigebantur. Cum aliquis ab vrbe extra centesimum pellebatur, idem etiam intra suburbicarias regiones diuersari ac consistere vetabatur. nam omnes suburbicariæ intra centesimum, quæ & proximæ & vicinæ, & finitimæ vrbi regiones, & suburbanæ dicebantur. Hoc iam in superiori capite ex rescriptis Valentiniani senioris ac iunioris probauimus: nunc & alio rescripto Constantij Valentiniani iunioris patris id confirmabimus. Extat apud Baronium sub anno Christi cccxx. rescriptum eius quem diximus Constantij ad Volusianum præfectum vrbis de expellendo Cælestio Pelagiano extra urbem & centesimum lapidem, cum edicto eiusdem præfecti vrbis ad eandem rem pertinenti. Quæ cum mendosissime descripta vel corrupta referantur a Baronio, emendata heic subiiciam ex vetustissimo Codice Bibliothecæ Thuanæ.

INCIPIT SACRA EPISTOLA CONSTANTII
IMP. PATRIS VALENTINIANI AVGVSTI
DE EXILIANDO CÆLESTIO HÆRETICO PELAGIANO.

Imperator Constantius Volusiano præfecto urbis. Quum cum præterita superstitionis, tum recentia plena vanitatis iamdudum corrigi iusserimus, cotidianis insinuationibus maiora fieri nunciantur. Et quoniam discordia animos commouet populorum, & quæ iamdudum iusseramus præcipimus iterari. Vnde his lectis eximietas tua omnes qui Dei inuident pietati, diligenter inquirat: & eos facias statim e muris urbis expelli, ita tamen ne intra centesimum quidem lapidem habeant licentiam consistendi. Cælestium quoque magis ac magis ex urbe pelli mandamus. Constat enim hisdem e medio sublati gratiam ac concordiam tenere veterem firmitatem. sane deinceps si tale quicquam fuerit nunciatum, officium præstantiæ tuæ capitali sententiæ subdendum esse cognosce: non enim patimur impunitum esse, præcepta nostra exequutionis negligentia protelari. Vale parens carissime atque amantiissime. & adiecta subscriptione, Impleatur quod iussimus, quia hoc famæ tuæ expedit.

Sequitur edictum præfecti urbis quod ille more sollemni accepta Imperatoris epistola, publice simul iunctimque proposuit, ad eam promulgandam.

INCIPIT EXEMPLAR EDICTI PROPOSITI
A VOLVSIANO PRÆFECTO VRBIS.

Volusianus præfectus edixit. Hactenus Cælestium
Nn ij

diuinæ fidei, & quietis publicæ turbatorem iudiciis amica-
reis sacra subdiderunt. Iam leges etiam & edicta perse-
quentur absentem. Cui quod primum est, æternæ urbis
negatur habitatio, ut si vel in proximis fuerit diuersatus,
debitum non euadat exitium. Pro merito etiam temeritatis
atque ausus sui, cunctos huius edicti cautione præmonemus,
ne quis iniquo noxius latebram putet esse præbendam.
Cuicunque horridi sit posita pœna supplicij, ac stilum
necesse sit proscriptionis incurrere, quisquis reum diuinis
humanisque rebus apud se putauerit occultandum.

Comparet hæc aliquis cum Baronianis, atque
vtra sint meliora & emendatiora, iudicet. Nunc
quod nostrum est videamus. Per legem illam
Constantij quæ ad Volusianum præfectum urbis
data est, Cælestius ita ab vrbe pelli iubetur, ut ne
intra centesimum quidem lapidem consistendi
habeat potestatem. Per edictum vero Volusiani,
quo supra scriptam constitutionem de more pro-
mulgandam curauit, eidem Cælestio urbis habita-
tio ita interdicitur, ut ne vel in proximis diuersari
possit. proxima igitur vrbi censebantur, quæcun-
que intra centesimum. eodem quippe sensu ne
intra centesimum consisterent Pelagiani, sanxit
imperator, & ne in proximis vrbi diuersarentur,
edixit præfectus vrbi. sic *proxima* in illo edicto sunt
proximæ vel vicinæ vrbi regiones, quæ suburbi-
cariæ vel suburbanæ ab eadem urbis proximitate
dictæ. sic apud Symmachum lib. II. epist. LVII.
*quamuis ipse dixerim Romæ, aut in proximis positos vel
euocari debere vel consuli.* Proxima, id est suburbana

intra Italiam opponebantur longinquis, ut in
 priore dissertatione docuimus. *Longinqua* Italiae
 dicebantur quæ extra centesimum: proxima &
 suburbana, quæ intra centesimum. In actis Con-
 cilij Romani sub Syluestro, quæ in multis scriptis
 Codicibus reperiuntur, de quorum fide ac veritate
 nunc non disputo, enumeratis Latinis episcopis
 qui Concilio interfuere, additur in omnibus
 exemplaribus: *hij sunt de urbe Roma non longe.* hoc est
 non de longinquis, sed de proximis & suburbica-
 riis Romæ locis. Ita Aristinus sacrorum canonum
 Græcus collector, πὰ ὑπὸ Ρώμῳ, id est sub vrbe
 Roma sitas regiones episcopo urbis Romæ subiicit.
 sic Theodorus Hermopolites Græcus iuris inter-
 pres ad leg. iii. D. *de officio præfecti urbis*, τὰ ὑπὸ πόλιν
 præfecto urbi assignat, in quibus, ut & in vrbe, iu-
 risdictionem habeat. Lex autem illa tertia in Basi-
 licis ita Græce reddita est cap. iii. tit. iv. lib. vi. ὁ τῆς
 πόλεως ἑξάρχος ἐξελθὼν τῇ τῆς πόλεως ὁρῶν ὃ δυνάται
 πλεὺς ἐξουσίαν ἔχει τῆς ἐπιτρεπτικῆς. ἔτι μὲν τοι ὡς ἐν τῇ πόλει
 δυνάται κελύειν ὑπὲρ δικάζειν, ἢ καὶ ἔξω τῆς πόλεως. ad
 eam Theodorus hæc habet: ἐν γὰρ τῇ πόλει, inquit,
 καὶ τοῖς ὑπὸ πλεὺς πόλιν ἔχει καὶ κράτος καὶ δικαιοδοσίαν,
 ἔξωθεν τῆς πόλεως ἀρχὴ μιλίων ἑκατὸν. in vrbe enim
 ὅς ὑπὸ πόλιν locis habet ὅς potestatem ὅς iurisdictionem,
 ὅς extra urbem usque ad centum milliaria. πὰ ὑπὸ πλεὺς
 πόλιν sunt sub vrbe sitæ vel suburbicariæ regiones,
 intra quarum fines iurisdictionem habuit usque
 ad centesimum præfectus urbi. eadem erant subur-
 bicaria loca πὰ ὑπὸ Ρώμῳ, quibus Latini Græcique

interpretes prouinciam omnem episcopi urbis Romæ definiuerunt ac determinarunt. Quæ sequuntur apud eundem Theodorum de præfecto urbis, & legis superscriptæ expositione, quia sententiam nostram confirmant, quam priore libro posuimus, heic subiicere non grauabor: καὶ ὡσαύτως, inquit, οἱ λοιποὶ πόλιντες ἀρχόντες ἔξωθεν ἀφ' ἑαυτῶν ἐπὶ τῶν ὧν ἔχουσιν ἰδιώται εἰσὶ, καὶ ἀκινδύνως αὐτοῖς ἀπειθοῦσιν οἱ ὑποτέλεις, ἔτω καὶ ὁ ἐπὶ τῆς πόλεως ὄρων τυγχάνων οὐκ ἔχει πλέον ὁξυσιάν ἐπὶ τῇ πόλει. εἰ γὰρ εἴποι τις τὸν ἀρχόντα ἐπὶ τῆς πόλεως τῆςδε ἔξωθεν ὄντα τούτης καὶ ἀφαιρείοντα εἰς ἄλλαν ὕπαι, ἀρχὴν ἔχει καὶ διανομοσύνην, ὅθεν καὶ ὡς λέγων εἰ μὴ ὅτι ἐν αὐτῇ ὕπαι δύο ἀρχὴν (εἰς) ὅπως ἀποπον. εἰκότως οὖν καὶ ὁ ἐπὶ τῆς πόλεως ὄρων οὐκ ἔχει κρατίους καὶ διανομοσύνην, ὡς τῆς παλαιότερας Θράκης καὶ Μακεδονίας ὄντος ἀρχόντος ἐκ διανομοσύνης ἔχοντος. ἐν μὲν τοὶ πόλεις ἀφ' ἑαυτῶν ὁ ἐπὶ τῆς πόλεως διώταί τινι κελεύσας δικάζει ἔξω τῆς πόλεως· οἷμα δὲ ὅτι ἀρχὴν ἕκαστον μιλίων. de præfecto urbis Constantinopolitanæ hæc dicit Hermopolites. de urbis Romæ præfecto eadem sunt. ad huius enim exemplar ille constitutus. præterea ut intra centesimi spatium quod ab urbe Roma intercedebat, consulares ac præfides erāt, qui prouincias in illo regionis tractu positas regebant: sic etiam intra centesimū ab urbe Constantinopolitana lapidem, Thraciæ & Macedoniæ prætor prouinciæ sibi creditæ terminos habebat. nam Constantinopolis in Thracia. hoc tamen nihil obstabat quominus præfectus urbi tam Romanæ quam Constantinopolitanæ iuris-

dictionem in vrbe, & vsque ad centesimum ab
 vrbe milliarium haberet, & de omnibus crimini-
 bus cognosceret, dum intra vrbis terminos hoc est
 muros manebat. Extra urbem potestatem illam
 non habebat summam, hoc est ἐξουσίαν τὴν ἐπὶ τῇ πόλει,
 sed poterat iubere iudicare, & iudicem dare. hæc
 superius multis explicata sunt. Quoties igitur ab
 vrbe & suburbicariis regionibus, hoc est extra
 centesimum pellendus erat aliquis, ad præfectum
 vrbis, cuius iurisdictio ad hos vsque fines progredie-
 batur, rescribere solebat imperator. Extra cen-
 tesimum notio erat, vt notum est, præfecti præto-
 rio. ἐκλογαὶ βασιλικῆς, cap. ii. titulo iv. lib. vi. ὁ τῆς
 πόλεως ἐπὶ τῶν κρίνων τὰ ἐκλήματα πόλιν, καὶ ἐξορίζει
 τὴν περὶ τὴν πόλιν αἰμυροτόμους, ἀναφέροντας τὰς βασιλικὰς περὶ
 τῆς νήσου ἐν ἣ ὀφείλει ὁ κατακριθεὶς ἀφ' ἑαυτοῦ. ζητεῖ καὶ τὰ
 ἐντὸς ἑκατὸν μιλίων ἔξω τῆς πόλεως πλημμελοῦμενα, ὅ μιν
 τὰ πορρωτέρω. ibidem: ἐπὶ τῶν τῆς πόλεως οὐ μόνον τὰ
 ἐκλήματα πόλιν κρίνει καὶ ἐν τῇ πόλει αἰμυροτόμους, ἀλλὰ καὶ
 χρηματικῶν δικῶν ἐπακούει. ἀλλὰ καὶ ἐντὸς ἑκατὸν μιλίων
 ἔξωθεν τῆς πόλεως πλημμελοῦμενα, οὐ μὲν τὰ πορρωτέρω.
 solitæ ergo illæ regiones, quibus vt & vrbe inter-
 dicere præfectum vrbi posse dicit Iurisconsultus,
 centesimi terminos non egrediebantur, & omnino
 erant suburbicariæ. Hinc si cui tota Italia interdi-
 cere vellent Imperatores, ad præfectum prætorio
 Italiae rescribere solebant: si quem vero iuberent
 toto imperio Romano cedere, eodem exemplo
 ad quattuor præfectos prætorij rescriptum dabāt.
 Baronius in annalibus ad annum Christi ccccx.

post illud edictum Volusiani, præfecti vrbi, quod paulo ante retulimus, subiunxit alterum edictum quattuor præfectorum prætorio, contra Pelagium & Cælestium. Verum illud edictum ad eum annum nequaquam pertinet, sed ad annum ccccxviii. quo anno Impp. Honorius ac Theodosius post Synodum Carthaginensem aduersus Pelagianos congregatam, generali lege Pelagianorum sectam per totum orbem condemnarunt, Pelagianosque ipsos vbicunque reperti essent, accusatos & conuictos deportatione damnari sanxerunt. rescriptum ipsum cum edicto præfectorum simul iuncto, sicut ab illis de more promulgatum fuit, hoc loco subiiciam ex vetustissimo Codice Thuanæ Bibliothecæ. Nam male apud Baronium edictum præfectorum seorsim ab imperatorum rescripto, & sub alio positum anno legitur: multis præterea mendis refertum vtrumque, ab eo refertur, quæ partim illius Codicis ope adiuti, partim coniectura ducti omnia fere sustulimus.

INCIPIT SACRVM RESCRIPTVM
ACCEPTIS SYNODI SS. (CARTHAGINENSIS)
GESTIS DATVM.

IMPP. HONORIVS & THEODOSIVS AVGG.
*Palladio præfecto prætorij. Ad conturbandam Catho-
licæ simplicitatis lucem, puro semper splendore radiantem,
dolosæ artis ingenio nouam subito emicuisse versutiam,
peruulgata opinione cognouimus. quæ fallacis scientiæ.
abumbrata mendaciis, & furioso tantum dibacchata
luctamine,*

luctamine, stabilem quietem celestis audet adrectare fidei, dum noui criminis commentatores, insignem notam plebeie æstimant vilitatis, sentire cum cunctis: & prudentia singularis palmam arbitrantur, adprobata destruere. Cuius impie commentationis auctores Pelagium Celestiumque percrebuit extitisse. Hij parenti cunctarum rerum Deo, præcipueque semper maiestatis, interminatione potenti omne ultra principium transeunti, tam trucem inclementiam seu: voluntatis assignant, ut cum formandi operis curam sumeret, qualitatemque hominis struendi profunda spiritus conceptione libraret, fundati muneris finem anteferret exordio, & mortem præmitteret nascituro: non hanc insidiis vetiti fluxisse peccati, sed egisse penitus legem immutabilis constituti: ad declinandum leti exitialis incursum nihil prodesse abstinentiam delinquendi, cuius ita vis putaretur adstricta, ut non possit aboleri deinceps: Primitiui hominis errorem, in quem capta mentis inops rationis cecitas inruisset, delapsus ad posteros non fuisse, tantumque apud eum quem maluesadæ gratia infelix rapuisset inlecebra, transgressionem interdicti extitisse discriminis. Cum euident Catholicæ legis omnifaria testetur auctoritas illum interitus omnium fuisse vestibulum, quem diuinæ præceptionis sedulum liqueat corrupisse mandatum. Aliaque quamplurima quæ sermo respuit, lex refutat, quæ perpetue absit recordari, etiam sub dispositione plectendi. Quæ maturato remedio, & celeritate festina oportet intercipi, ne corroborato usu nequitia adulescentia, vix valeant coerceri. siquidem aures mansuetudinis nostræ recens fama perstrinxerat, intra sacratissimam urbem nostram aliaque loca, ita pestiferum virus quorundam inoleuisse pectoribus,

ut interrupto directæ credulitatis tramite scissis in partes studiis asserendi, materia impacatæ dissensionis inducta sit. nouoque scandali fomite concitato, beatissimæ Ecclesiæ acta nutet & adtemptata tranquillitas, aliis aliud iter ancipiti interpretatione sectantibus, & absoluta sanctorum apicum cum sit claritas, ac dilucide quid sequi vniuersitas debeat explanans, pro captu versipellis ingenij profanam nouorum, aut suam mouentibus quæstionem, Palladi parens carissime atque amantissime. Ob quam rem illustris auctoritas tua, victura in omne æuum, lege nos statuisse cognoscat, ut pulsus ex urbe primitus capitibus dogmatis execrandi Cælestio atque Pelagio, si qui huius de cetero sacrilegij sectatores, quibuscunque locis potuerint repperiri, aut de prauitate damnata aliquem proferre sermonem, a quocunque correpti, ad competentem iudicem pertrahantur, quos siue clericus, siue laicus fuerit, deferendus habeat potestatem, & sine præscriptione aliqua perurgendi, quos relictæ cōmunis scientiæ luce, nouæ disputationis tenebras introferre deprehenderit, contra Apostolicam scilicet disciplinam euangelicamque claram & sine errore sententiam; vafra rudis sectæ calliditate pugnantes, inuoluentesque splendentem fidem veris ambagibus differendo. Hos ergo repertos ubicunque de hoc tam infando scelere conferentes, a quibuscunque iubemus corripere, deductosque ad audientiam publicam, promiscue ab omnibus accusari, ita ut probationem conuicti criminis stilius publicas insequatur, ipsis inexorati exilij deportatione damnatis. Decet enim originem vitij a conuentu publico sequestrari, nec in communi eos celebritate consistere, qui non solum facto nefario detestandi, verum etiam exemplo venenati spiritus sint cauendi. Iuuat autem per omne pane

Imperium nostrum qua mundus extenditur, huiusmodi promulgata diffundi, ne scientiae fortasse dissimulatio pastum praestet errori, atque impune se quisquam putet audere quod condemnatum vigore publico sese sinxerit ignorare. DATVM II. KAL. MAIAS. RAVENNÆ. DD. NN. HONORIO XII. ET THEODOSIO VIII. AVGG. COSS.

Eodem exemplo rescribere iidem Augusti, & ad reliquos tres praefectos praetorij. Nam cum hanc legem per vniuersum, qua mundus extenditur, imperium Romanum, promulgatam diffundi voverint, necessario rescriptum eodem tenore ad omnes praefectos mitti debuit, ut a singulis per omnes prouincias dioeceseon sibi subiectarum, propositis, ut moris erat, edictis vulgari posset. Nec enim, exempli gratia, praefectus praetorio Orientis sub edicto suo vel programme, si quæ ad praefectum praetorio Italiae fuerant data rescripta, curabat promulganda, sed ea tantum quæ acceperat ipse, per dioeceses sibi subiectas, sub edicti sui siue programmatiss propositione omnium notitiæ vulgabat. Certum est igitur Honorium & Theodosium aduersus Pelagianos factæ constitutionis simile exemplum omnibus praefectis misisse. atque ideo in veteri Codice post superscriptam constitutionem statim sequitur edictum quattuor praefectorum praetorio ad quos data fuit, quique propositis sollempniter edictis eam promulgarunt. Exemplar edicti ita se habet:

IVNIVS QVARTVS, *Palladius, Monaxius, Agri-*

Oo ij

cola iterum, præfecti prætorio edixerunt. Pelagium atque Cælestium Catholici dogmatis fidem nefandis tractatibus destruentes, sententia principalis inualuit, ut venerabili urbe submoti, bonorum concilio multarentur. Hoc igitur omnes admoneri oportet edicto, ne quis sinistræ persuasionis erroribus sinistrum præstet assensum. Etsi sit ille plebeius ac clericus qui in caliginis huius obscæna reciderit, a quocunque tractus ad iudicem sine accusatricis discretione personæ, facultatum publicatione nudatus inreuocabile patietur exilium. Nam superna maiestas ut non colligit execrandam ignorationem, ita ineptæ disputationis reiicit iniuriam.

Hoc illud edictum fuit, sub cuius propositione, præfecti quattuor prætorio in suis quisque diœcesibus, superius Honorij contra Pelagianos rescriptum promulgarunt ac publicarunt, quod male in annum ccccxx. Baronius retulit. Ita autem moris fuit, ut in rescriptis ac constitutionibus principum publice proponendis ac diuulgandis, sua ipsi edicta simul proponerent tam præfecti prætorio quam præfecti urbis. non aliter publicabantur rescripta imperatorum, quam sub edictis præfectorum ad quos erant data. Hinc illa sollemnia in omnibus ferme constitutionibus, quæ ad præfectos mittebantur: *Illustris auctoritas tua hanc legem propositis promulgari iubebit edictis.* Priore loco edictum proponebat suum præfectus vel urbis vel prætorio, quo quid a principe constitutum esset, notum faciebat, simulque edicebat, & illo edicto omnes admonebat sub pœna statuta seruandum

esse principis decretum : tum deinde legem ipsam vel constitutionem subiiciebat. Hoc modo publicabantur. inde *παραγγελλία & παρρησία* illa edicta præfectorum dicta sunt, quod in publicatione imperialium rescriptorum, rescriptis ipsis præponerentur, & anteferrentur. Hinc illæ sollemnes loquutiones in Theodosianis Nouellis ad præfectos datis de huiusmodi edictorum propositione, & legum promulgatione facienda: *hanc legem sublimis auctoritas tua sub programmatis sui propositione curabit euulgari.* & in Iustinianeis: *Ἐγὼ τοῦτω παρρησίᾳ ὑμῖν ἐπέμψα τῆς τοῦ θεοῦ δουλῆς νόμου ἢ σὺν ἐκδοξότης ἐπὶ παρρησίᾳ τῶν ἐν τοῖς σινοήθῃς τόποις παρρησιάρχων συνδασσάτω καὶ ἐκφασὶ ποιήστω.* Hoc ex aliquot Theodosij Valentinianique Nouellarum subscriptionibus confirmabimus, quas & corrigemus. Nouella Theod. *de testamentis*, tit. iv. in subscriptione sic habet: *Dat. xii. Kal. Nouemb. Rom. Aetio III. & Q. Aurelio Symmacho vv. cc. coss. pp. in foro Diui Traiani. Antelato edicto Albini iterum pp. p. & Patricij.* scribe ac distingue: *pp. in foro Traiani, antelato edicto Albini iterum pp. p. & Patricij.* hoc est, proposita in foro diui Traiani, antelato edicto Albini iterum præfecti prætorio & patricij. & tit. v. *de sepulcris*, Nouellæ subscriptio ita quoque legi debet: *Proposita in foro Traiani, viii. Id. Apriles, antelato edicto Albini viri inlustris pp. p. II. & Patricij.* ita & sequentis: *pp. in foro Traiani, v. Id. Iunias, antelato edicto Albini v. c. perperam his omnibus locis, Antelata edicto, scriptum est. nec enim lex*

promulganda edicto præfecti qui eam promulgabat, præponebatur, & anteferebatur, sed contra. Inde publicari & proponi sub edicto vel sub programme dicebantur, quia cum promulgarentur, edicto vel programmati præfectorum subiici subiungique solebant. Nouella *de triginta annorum præscriptione*, ad Firminum Præf. præf. tit. viii. id manifeste ostendit, cum hac subscriptione: *Dat. xv. Kal. Iul. Rauennæ, Asturio, & Protogene vv. cc. Coss. pp. in fero Traiani xiii. Kal. Aug. sub edicto Firmini viri illustris p. f. p.* si sub edicto Firmini proposita est lex illa, ergo Firmini edictum præcedebat, & antepositum erat. idem igitur est, *lex proposita sub edicto*, & *proposita antelato edicto*. Hæc indubitata sunt, sed quid ad suburbicarias? sane suburbicarios transire limites haud negauerim. Verum tanti erat vel ad longinquiora excucurrisse relictis tantisper cum vrbe suburbanis. Dic magister, quid censes tu? an pro emanfore castigandum putabis? nullus feceris. in tui gratiam ita sumus euagati. Nam si circa suburbicarias semper hærerem, tu semper vapulares. Hæc parui temporis tibi requies interim data est. sed ego tibi nuncio me iam ad suburbicarias reuerti: os denuo percidendum para.

CAPVT II.

TRES tantum episcoporum gradus fuisse, patriarchas, metropolitans & episcopos. Non plures agnoscere Synodum Chalcedonensem. Exarchum diaecesos nono eius canone, & septimodecimo patriarcham diaecesos significare. Graecis incognitum esse genus illud exarchorum quod inter patriarchas & metropolitanos interiectum sit. Patriarchas qui diaecses regerent, diaeceson exarchos ita dictos, ut prouinciarum exarchi dicebantur, qui prouincias regebant, metropolitani. De variis patriarcharum priuilegiis & honoribus. De diaecesibus Orientis & Occidentis, & primis singulorum diaeceson prouinciis. Qui prime per unamquamque diaecesin prouinciae praeerant, exarchos & patriarchas diaecesos esse dictos. Exarchos Pontica, Asiana & Thracica diaeceson, nec ante quam sedi Constantinopolitana subiicerentur, nec postquam eidem subiecti sunt, quicquam iuris in alios metropolitanos habuisse. Meros ipsos ac veros tantum suarum extitisse prouinciarum metropolitans, eoque de metropolitanarum quos non ordinabant, causis cognoscere non potuisse. De metropolitanis patriarcha Constantinopolitano subiectis, quinam eorum *Ἐκκλ. dicti fuerint*, & qui *Ἐκκλ. habuerint*. Nullos honorarios & sine re exarchos fuisse. De variis exarchis. Alia multa.



SEXTI Niceni canonis explicatione, ad noni Chalcedonensis interpretationem, hoc est ab hallucinatione tua in illo canone exponendo, ad delirationem in isto enarrando tuam transeamus. vtrius porro canonis peior interpres fueris nescio, nisi quod vtriusque pessimum interpretem fuisse certo scio. Ex Niceno episcopum Romanum totius Occidentis specialem patriarcham constituis: ex Chalcedonensi quattuor episcoporum gradus sta-

tuis. ab hoc illud plane pendet. Nam nisi hoc teneas, frustra de illo obtinendo cogites. Hæc tua igitur prima molitio fuit, ut de Occidente toto prouinciam vnā constitueres, & suburbicariis locis omnes Occidentis prouincias ac diœceses comprehenderes. Nam nisi quattuor gradus episcoporum in Ecclesia commentus esses, non habebas quo episcopum Romanum, faceres episcopum vr̄bis suæ, prouinciæ Romanæ metropolitānum, primatem Italiæ, patriarcham Occidentis. nisi hos inquam, quattuor gradus struxisses, sententiam illam de Occidentis patriarchatu frustra ac perperam te adstruxisse videbas. ideo tot numero fuere commachinandi. nam si vel vnus ex eo numero abesset, ad patriarchatum Occidentis haud poterat ascendi. en ut parua res magni sæpe momenti est, ac non paruum præstat adiumentum! sic peruenisti quo tendebas: sic effecisti quod volebas. Ceterum nouæ machinationi bono firmoque opus fuit fundamento, cui tuto superstrui posset. Ut felix ingenium habes, atque ad omnia paratum, hoc quoque reperisti. Nonus & septimusdecimus canones Synodi Chalcedonensis ad eam rem tibi visi sunt idonei, quos in partes tuas oborto collo traheres, ac fundandis illis tuis quattuor gradibus supponeres ac substrueres. Hi sunt igitur gradus: episcopi singularum ciuitatum, metropolitani prouinciarum, exarchi siue primates diœceseon, & sedium sic proprie dictarum rectores patriarchæ: ergo fuere tibi primates, qui diœceses haberent, sedes
non

non haberent, & vice versa patriarchæ quibus nudæ sedes essent, quas regerent, nullæ vero diœceses subessent? pulcre, & ex sententia successerat hoc negotium. iam tibi ipsi plaudebas, ac plerique ex tuis ingenium laudabant. verum ista tanta gloria, meritis tuis parta frui tibi diu non licuit, ita statim & ex improviso non expectatus interuenit laudum tuarum turbo, qui & vnde an scias nescio: causidicum putas Diuionensem. Hic commentum istud stare non passus est, ac totam illam noui operis ædificationem ad solum diruit. Non mirum itaque si tantopere in eum excanduisti, vt picam vocares, petulantem, impotentem sui, atque etiam si Deo placet, rabiosum. Hæc senum natura est: facile ad iram incenduntur. Et in hoc, vt aliis in rebus, *οἱ παῖδες οἱ γέροντες*. Vide sis mihi pueros, quorum timore animorum, quanto irarum igne incalescant si quis improbus ac petulans castella de chartis pictis quæ per ludum ædificauerint, aut domunculas quas in arena construxerint, per lasciuiam destruat. Idem de te quod de pueris est. quod tanto labore, tanta cum mole molestiaque confabricaueras, repente dirutum ac prostratum videre, sine animi fermento non potuisti. Hoc tibi pectus peracuit, & bilem in nasum conciuuit. sed dic sodes, *ὦ πρόχολε* magister, si tumor ille tuus omnis & ira concessit, si iam ad te rediisti, si iam tuus es, cur quattuor episcoporum gradus, quum tres tantum fuerint, tibi placitum est confingere? cur tribus antiquis vnum de nouo ac de tuo adfingere? *adeone,*

inquis, pingui & crasso es sensu ut quattuor numerare non possis? Adeone tu, inquam, excors & cæcus & incogitabilis, & ἄλογος logistes existis, ut quattuor numerare queas ubi tres tantum fuere? Synodus Chalcedonensis can. ix. & xvii. de iudiciis clericorum ita sancit: *Εἰ δὲ τις ἀδικῶν τῷ ἐκ τῆς ἰδίας ἐπισκοπῆς ἢ μητροπόλεως, τῷ ἐκ τῆς ἐξάρχου διοικήσεως ἢ ἐκ τῆς βασιλευούσης θρόνῳ διαζέσθω. si quis se a proprio episcopo aut metropolitano iniuria affici putauerit, apud exarchum diœceseos, aut apud Constantinopolitanæ urbis Regiæ sedem iudicetur.* Heic quæris, episcopū, metropolitanum, exarchum diœcesis, & θρόνον siue sedis urbis Regiæ archiepiscopum patriarcham, quot numero esse censeam? sane quattuor sunt, sed tres sunt tantummodo diuersi gradus episcoporum. Hoc tibi mirum videtur? Dic sodes igitur, episcopum, metropolitam, patriarcham cuiuslibet diœceseos, & patriarcham Constantinopolitanum an tu quattuor gradus esse censes? Profecto si patriarchas cuiusque diœceseos, & patriarcham sedis Constantinopolitanæ pro duobus computas gradibus, tum tibi liceat tot gradus putare fuisse patriarcharum, quot singuli fuere patriarchæ. Exarchus diœcesis in illis canonibus est quilibet patriarcha, *πατριάρχης ἐκείνης διοικήσεως*. θρόνος vero τῆς βασιλευούσης Κωνσταντινουπόλεως, sedes est archiepiscopi Constantinopolitani, qui & ipse patriarcha fuit, & suæ quanta patebat diœceseos exarchus. quis hoc neget? quis hoc negare queat, nisi eadem farina conspersus, immo ex eodem quo tu furfure sic

concretus? ὦ κακὸν καὶ ἀσιῶν ἄρτην φέρομα! præcipuum ut video & fere vnicum quattuor illorum graduum fundandorum argumentum inde arripuisti, quod in Synodo patriarcha Constantinopolitanus non nominetur, sed *θρόνος τῆς βασιλευσσης πόλεως*. hinc *θρόνους*, siue sedes, ab exarchis diœceseon, a metropolitibus & ab episcopis distinxisti, & sic quattuor gradus effecisti. o acumen Sirmondinum! quid facies igitur Theodoreto, qui Concilio ipse Chalcedonensi interfuit, & hunc canonem in sua canonum *συναγωγῇ* ita retulit, ut *θρόνον* nusquam nominarit, sed episcopum simpliciter Regiæ vrbis dixit? titulus xv. *συναγωγῆς* eius ita ab eo conceptus est: *πρὸς τὸν δεῖν τὸν ἀφοριζόμενον ἢ πατριάρχῃ πρὸς τὸν ἰδὸν ἐπίσκοπον ἔχοντα καὶ πατριάρχῃ πρὸς τὸν μητροπολίτην εἰ βούλει. εἰ δὲ μητροπολίτης ἀντίδικος εἴη, πρὸς τὸν ἐξάρχῃ τῆς διοικήσεως, ἢ πρὸς τῆς βασιλευσσης αὐτὴν ἐπιστάτῃ διαζέσθαι*. Episcopus vrbis Regiæ quis fuit? an non patriarcha? ἐξάρχῃ τῆς διοικήσεως, hoc est exarchus illius diœceseos, in qua metropolita & episcopus qui inuicem contendūt, constituti sunt, an non ille etiam suæ diœcesis patriarcha? Profecto si canon ille ita conciperetur, *πρὸς τὸν ἐξάρχῃ διοικήσεως, ἢ πρὸς πατριάρχῃ διαζέσθαι*, tum rationem quam nunc nullam habes, aliquam fortasse haberes. Tu perinde tamen ac si ita conceptus esset, interrogare me audes, episcopum, metropolitam, exarchum diœceseos, & *θρόνον* siue sedis archiepiscopum patriarcham quot numero censeam esse. Dic, o stabulum impudentiæ, cur sedis patriarcham

simpliciter dicis? an ita habetur, aut legitur in canone? cur non dicis Constantinopolitanæ sedis patriarcham, ut nominatim expressimque habet superscriptus vterque canon? Idemne futurus tibi videtur illorum canonum sensus, si loco Constantinopolitani patriarchæ, quem expresse nominant, simpliciter & absolute patriarcham dixissent? *ἐξάρχος τῆς διοικήσεως*, patriarcha est vniuscuiusque diœcesis: *θρόνος τῆς βασιλεύσεως Κωνσταντινουπόλεως*, sedes est patriarchæ Constantinopolitani. faciunt igitur illi canones causam clericorum ab episcopo suo metropolitano pulsatorum, ventilari, vel apud primatem diœcesis, hoc est patriarcham sub cuius diœcesi sunt positi, vel si malint apud sedem patriarchæ Constantinopolitani, tanquam patriarchæ summi, & supra ceteros omnes Orientis patriarchas constituti. sic igitur Synodum in Epistola ad amicum interpretatus sum, ut clerici vel episcopi cum metropolitano controuersiam, ex archidiacono diœceseos hoc est patriarchæ diœcesis illius cui subiectus est, aut patriarchæ sedis Constantinopolitanæ, disceptandam ac definiendam permittat. quid verius hac expositione? quid simplicius? Græca verba Synodi ita legunt: *καταλαμβάνετω ἢ τὸν ἐξάρχον τῆς διοικήσεως, ἢ τὸν τῆς βασιλεύσεως Κωνσταντινουπόλεως θρόνον*. Tu vero ut antiquum obtineres, ut idem esses qui semper, ut more tuo fucum faceres, & imposturam, parte meæ interpretationis subtracta & dissimulata, quasi Synodus patriarchæ Constantinopolitani mentionem nominatim

non fecisset, sed simpliciter patriarcham nominasset, ad eam suggillandam interpretationem quam dimidiatam tantum exhibuisti, in hæc verba prorumpis, & sic paratragedias: *quid ineptius? quid insulsius? quid a Synodi mente alienius fingi queat? Nam si cum AVT EXARCHVM, AVT PATRIARCHAM Synodus dicit, unum atque eundem dicit, quid restat, nisi ut cum in eodem canone PROPRIVM, AVT ALIVM EPISCOPVM distinguit, itemque EPISCOPVM AVT CLERICVM, nulla tamen inter hos tuo iudicio sit distinctio: sed unum idemque sit proprius episcopus quod alienus, idem clericus quod episcopus?* Hanc periodum tuam integram attuli, ut pateret, nihil illa ineptius esse, nihil absurdius: nihil cum a Synodi mente, tum ab expositionis meæ sensu alienius fingi vel excogitari posse. præterea ut ex eadem constaret, nihil te vno impudentius esse, nullum in mentiendo, & quodlibet fingendo confidentius atque audacius monstrum posse reperiri. vere dico, iuratus dico, non iratus dico, magnus impostor es, & insignis plagiarium. Cur partem meæ interpretationis, quæ de patriarcha Constantinopolitano agit, cuius in Synodo nominatim mentio fit, dissimulasti? cur eam tantum dimidiatam posuisti? cur mentitus etiam es Synodum dicere, AVT EXARCHVM, AVT PATRIARCHAM, cum dicat illa, AVT EXARCHVM DIOECESIS, AVT PATRIARCHAM CONSTANTINOPOLITANVM? an, quod supra dicebam, nullum statuis esse discrimen, inter patriarcham, & patriarcham Constan-

tinopolitanum? an idem putas esse cum clericus vel episcopus ad patriarcham suum iudicandus mittitur, & cum ad patriarcham Constantinopolitanum, hoc est, ex sua ad alienam diocesim? quod si in Synodi canonibus ita scriptum esset, *καταλαμβάνετω τὸν ἐξαρχὸν τῆς διοικήσεως ἢ τὸν πατριάρχικόν ὄντον*, tum stultiloquium illud tuum, locum habere posset, quo exarchum diocesis a patriarcha distinguas. cum vero Synodus ita scriptum exhibeat, *καταλαμβάνετω ἢ τὸν ἐξαρχὸν τῆς διοικήσεως, ἢ τὸν βασιλευσῆς Κωνσταντινουπόλεως ὄντον*, quis non perspicit aliam causam esse patriarchæ cuiuslibet diocesis, & aliam patriarchæ Constantinopolitani? alium esse patriarcham diocesanos illius, in qua episcopus & metropolitanus, qui inter se contendunt, constituti sunt; alium patriarcham Constantinopolitanum, ad cuius sedis audientiam ex aliena diocesi episcopi iudicandi mittuntur? Verum enimvero, ut cuilibet constare possit, quam sublesta & infida fide sit usus reuerendus hic de societate Iesu pater in referenda expositione nostra illorum canonum, lubet eam heic totam subtexere ex Epistola ad Amicum. sic enim optime patefcet eius impostura: sed & os illud ferreum, si non ingenua verecundi sanguinis purpura, cuius guttam nullam habet, Ibera tamen aliqua forsitan ferrugine erubescet. Ita igitur *περὶ λέξι* scripsimus in Epist. ad Amicum pag. LXIX. de horum canonum interpretatione: Longe alia mens est Synodi ac putauit „ Sirmondus, quæ summatim ac breuiter aperienda

est. Si clericus, inquit, cum clerico agat, apud iudicis
secularis tribunal experiri non debet, sed episcopum suum
adire, ut ex eius sententia negotium inter eos componatur.
sin vero clericus episcopo proprio, aut alterius prouinciæ
actionem intenderit, Synodus illius prouinciæ, causam quæ
inter episcopum & clericum vertitur, dignoscat, ac terminet.
ut si vel clericus vel episcopus cum suo metropolitano con-
trouersiam habuerit, ea controuersia ex archiepiscopo dioceseos, hoc
est patriarchæ, dirimenda ac definienda permittatur.
 Exarchus diocesis est patriarcha, atque ita inter-
 pretatus est Iustinianus Nouella cxxiii. his verbis:
 Εἰ δὲ καὶ πρὸς κληρικὸν ἢ ἀλλοῦ οἰουδήποτε προσέλθῃς
 καὶ ἐπισκόπου γῆται, ἀλλὰ οἰουδήποτε αἰτίας, πρῶτον ὁ
 ὁσιώτατος αὐτῶν μητροπολίτης κατὰ τοὺς ἀγίους κανόνας καὶ τοὺς
 ἡμετέροισιν νόμοις τὸ πρᾶγμα διακρινέτω. καὶ εἰ τις τοῖς
 κεκριμένοις ἀντείποι, ὅτι τὸν μακαριώτατον πατριάρχην τῆς
 διοικήσεως ἐκείνης αἰαφερέτω τὸ πρᾶγμα. εἰ δὲ κατὰ μη-
 τροπολίτη τοιαύτη προσέλθῃς γῆται, εἴτε πρὸς ἐπισκόπου,
 εἴτε πρὸς κληρικὸν ἢ ἀλλοῦ οἰουδήποτε προσώπου, ὁ τῆς
 διοικήσεως ἐκείνης μακαριώτατος πατριάρχης κατὰ τὸν ὁμοιον
 ἔποι τὸ πρᾶγμα κρίνέτω. vbi manifesto πατριάρχης τῆς
 διοικήσεως Iustiniano dicitur, qui in sacris canonibus
 quorum meminit, ἑξάρχος τῆς διοικήσεως nuncupatur.
 quod autem additum est in illis canonibus, κατὰ-
 λαμβανέτω ἢ τὸν ἑξάρχον τῆς διοικήσεως, ἢ τὸν τῆς βασι-
 λεύουσης Κωνσταντινουπόλεως θρόνον, id ad specialem fin-
 gularemque patriarchæ Constantinopolis, vrbis
 scilicet Regiæ prærogatiuam pertinere quis non
 videt? per hæc enim verba licentiam tribuunt ca-
 nones suprascripti, illi clerico vel episcopo cum

» metropolitano suo agenti, aut apud patriarcham
» diœcelis in qua constitutus est, iure experiundi,
» aut apud patriarcham Constantinopolitanæ sedis,
» si in eum videlicet partes consenserint, aut si iudi-
» catis a patriarcha suo non steterint, &c. Reliqua
quæ sequuntur, in epistola videnda sunt; longiora
enim sunt, quam ut huc transferri debeant. fusi-
us quippe ibi confirmatur Græcos in Concilio Chal-
cedonensi parem in omnibus prærogatiuam, &
honoris præminentiam, & in rebus Ecclesiasticis
administrandis auctoritatem decreuisse episcopo
Constantinopolitano & episcopo Romano, ac
per omnia sedem Constantinopolitanam sedi Ro-
manæ exæquauisse. similiter igitur & prouocatio-
nem ab omnibus patriarchis Orientis, patriarchæ
Constantinopolitano decreuerunt, quia hoc iure
uti videbatur episcopus Romanus, cui appellatio-
nes episcoporum ex toto orbe Synodus Sardicen-
sis censuerat. Quod enim Synodus Chalcedonensis
clericos aut episcopos cum metropolitano suo
contententes exarchum diœceseos, in qua scilicet
constituti sunt, id est patriarcham suum iubet adi-
re, hoc erat de iure communi: ius quippe commu-
ne hoc fuit, ut ab episcopo metropolitano, a me-
tropolitano patriarcha iudex caperetur. quod vero
iisdem permittit, omisso exarcho diœceseos hoc
est patriarcha, recta petere Constantinopolitanæ
sedis patriarcham, id iuri communi, & regulæ
plane derogat, & priuilegium est patriarchæ Con-
stantinopolitani. Ceterum ius illud commune
semper

semper in Ecclesia Orientali obseruatum est. quod vero in gratiam & prærogatiuam patriarchæ Constantinopolitani priuilegium sanxerant Concilij Chalcedonenſis patres, nunquam obtinuit, nec in vſum receptum eſt. Hoc enim perpetuo & conſtanter, & vbique per Orientem tenuit, vt a ſententiis patriarcharum prouocatio non daretur. Hinc illa regula, *ὅτι τῶν πατριαρχῶν ἡ φωνὴ τῇ ἐκκλησίᾳ οὐχ ὑποκύπτει*. Ideo Iuſtinianus Nouella cxxiii. ſupra citata, cum ex illorum canonum Chalcedonenſium ſententia ab epiſcopo metropolitano, a metropolitano patriarcham hoc eſt exarchum cuiuſque diœceſis in cauſis Eccleſiaſticis appellari iuberet, omiſit clauſulam illam de patriarcha Constantinopolitano, qua ſanxere iidem canones eum adiri ſtatim poſſe in ſuper habito patriarcha diœceſis. Hanc fuiſſe Synodi mentem, hunc illorum canonum ſenſum, te vno excepto, nemo tam impudenter pertinax eſt qui negare poſſit. Græci nunquam aliter Synodum interpretati ſunt, qui orẽ vno *ὁ ὁμοθυμαδὸν* prouocationem Constantinopolitanæ ſedis patriarchæ per illa verba Synodi decerni a ceteris Orientis patriarchis conſentiunt. ita Nilus expoſuit in libro de primatu Papæ: ita Barlaamus accepit, de eodem primatu cap. ix. ita Latinos accepiffe, atque ita omnino accipi debere, nunc tertius teſtis accedat Hincmarus Rhemenſis in Epiſtola ad Hincmarum Laudunenſem cap. xxiii. De hiſ iſiſ canonibus agens ſic ille ſcribit: *Egit enim Anatolius tunc Constantinopolitanus*

episcopus apud Synodum & apud Imperatorem, nacta occasione de damnatione Dioscori secunda sedis Alexandrinae episcopi, hac calliditate, quoniam mens potentia auida, nec abstinet vetitis, nec gaudet concessis, ut quia in Constantinopolitana CL. episcoporum Synodo Nectarius obtinuerat, quatenus Constantinopolis praelata secunda & tertia sedi post Romanum pontificem primatum haberet, istud capitulum (canon scilicet nonus Concilij Chalcedonensis) aliis necessariis interpositum de appellatione episcoporum & clericorum ad sedem Regiae urbis Constantinopolitanae foret: quatenus constitutionem Sardicensis Concilij de appellatione clericorum apud finitimos episcopos, & appellationem episcoporum de regionali concilio ad sedem Apostolicam, eidem Apostolicae sedi abriperet, & sibi adscribi faceret; quo, sicut mox claruit, primatum sedis Apostolicae liberius contra sacros canones, & antiquam consuetudinem usurparet, & uniuersalis appellaretur & esset. quo sensu veteres cum Romani tum Graeci canonem illum nonum cum septimodecimo Concilij Chalcedonensis acceperint, patet ex istis. Ideo autem sedes Apostolica nunquam illos duo canones admisit, licet Concilium Chalcedonense receperit, quia patriarchae Constantinopolitano aperte vindicarent, quod suae sedis esse proprium episcopi Romani semper credi voluerunt, appellationes nimirum clericorum & episcoporum ab omnibus metropolitans & patriarchis. Hincmarus cap. xxiv. quia vero sedes Apostolica canones Chalcedonensis Concilij, praeter illud unum nonum capitulum in xvii. recapitulatum, quod contra Nicenos canones constitutum recipiat, idem

beatus Gregorius in Epistola ad Secundinum & in Homilia Evangelij xvii. euidenter ostendit. Per Nicenos canones intelligit Hincmarus, Synodi Sardicensis canones iv. & v. quibus de appellatione episcoporum ad sedem Apostolicam sancitum est. sunt illi ipsi canones de quibus Gelasius Papa in commo-
nitorio ad Faustum Magistrum: *ipsi sunt canones, qui appellationes totius Ecclesie ad huius sedis examen voluere deferri.* pro Nicenis canonibus in Ecclesia Romana habiti sunt, & pro talibus obtrusi in Concilio Carthaginensi. quia scilicet Sardicensis Synodus tanquam Nicenæ appendix, vno eodemque nomine Concilij Niceni, vt vno eodemque codice, comprehensa fuerit. Zonaras ad v. canonem Concilij Sardicensis: *ἐκ τούτου τῶ χθμότος οἱ τῆς ἀρεσβυτέρας Ρώμης ὁρχιερεῖς, αὐχοῦσι ἐνδεδοῦς αὐτοῖς τὰ ἐκκλησίαις πάσαις τῆ ὁπισκῆτων πρὸς αὐτοῖς ἀναφέρεσθαι, τῆς ἀρώτης οἰκονομικῆς στυλόου τῆς ἐν Νικαίᾳ τῶτον ἐστὶ τὸν χθμόα, ἄνδρως λέγοντες.* sed ille tanquam schismaticus loquitur, & Græcus, dum Romanos summos pontifices arguit mendacij. vtvt sit, contra illum canonem Concilij Sardicensis quo appellatio omnium episcoporum ex vniuersa Ecclesia episcopo Romano decreta est, manifesto venire visi sunt canones illi duo supra memorati Synodi Chalcedonensis, qui hoc idem priuilegium episcopo Constantinopolitanæ sedis attribuerunt. eoque nunquam a Romanæ sedis episcopo recepti fuere vel approbati. At si tuam interpretationem sequeremur, quid erat in illis canonibus quod merito posset

improbari? quod contra Sardicensis Concilij canones constitutum videri posset?

Græci semper Chalcedonensem Synodum, tanquam telum validissimum Latinis intenterunt, ad vindicandam episcopo Constantinopolitano eandem prorsus circa episcoporum appellationes prærogatiuam, quam sibi Romanus vindicabât. quinimmo venditarunt fortiolem hac in parte causam videri Constantinopolitani quam Romani episcopi: Sardicense quippe Concilium, quod de appellatione episcoporum ad sedem Romanam danda sanxit, non fuisse Oecumenicum, Chalcedonensem vero Synodum qua ius hoc idem priuilegiumque Constantinopolitanæ sedi tributum est, Oecumenicam fuisse. Barlaamus cap. ix. de primatu Papæ scribit nullum Oecumenicum Concilium Romano pontifici appellationem episcoporum decreuisse, quam quarta Oecumenica Synodus Constantinopolitano patriarchæ decreto suo adiudicauit. ὁ δὲ ὁμοῦνία, inquit, τῆ οἰκουμένης οὐνόδου παρὰ τῆ θρόνου τῆς Ρώμης ἐνομοθέτησε, τὸ τοῦ ἐπὶ αὐτῆς δέκατος χαρὼν τῆς τετάρτης οὐνόδου τὸν τῆς νέας Ρώμης θρόνον ἔχει ἐδικαίωσεν. ἵνα δηλονότι καὶ ἐκείνῳ ἐπὶ ῥήματι εἴ τις ἀδικοῖτο παρὰ τῆς ἰδίας μητροπόλεως, παρὰ τῆς δὲ ἀρχῆς τῆς διοικήσεως δικάζηται ἢ παρὰ τῆς Κωνσταντινέως πόλεως θρόνου. Græci enim, ut omnes norunt, Sardicense Concilium pro Oecumenico nunquam habuere. Balsamo in expositione quinti Canonis Sardicensis priuilegium hoc episcopi Romani circa appellationem episcoporum, non proprium ipsius esse scribit, sed com-

munc illi cum patriarcha Constantinopolitano:
 ὅπως ὃ ἐν τοῖς περιλαμβανομένοις χροίοις εἰπομένη, μὴ εἶ) τὰ αὐτὰ
 τῷ πάπᾳ ὁριθεῖται ἰδικὰ τοῦτον καὶ μὴ ἄλλο πρὸς νόμιμα, ὥστε ἔχον
 εἰς αἰρέσεως πόρτα ὅτις καὶ ποὶ καὶ ἀδικαζόμενον τὰς ἁγίας τῆς
 Ρώμης προσέρχεται, ἀλλὰ καὶ εἰς τὸν Κωνσταντινουπόλεως,
 καὶ αὐτὰ καὶ πάλιν φανερὸν. Ita nulla in re concedere
 summo pontifici, sed paria in omnibus cum illo
 facere patriarcham suum Græci ambitiosi voluere.
 Ceterum tragulam hanc de Chalcedonensi Conci-
 lio iniectam a Græcis Romani ut auerterent vel
 euitarent, non alio modo commodius id fieri posse
 sperarunt, quam non recipiendo superscriptam
 Synodum, in iis quæ contraria viderentur priuile-
 giis Ecclesiæ vniuersalis, vniuersalisque eius epi-
 scopi prærogatiuæ. qua de re videndus Gelasius
 Papa, *tomo de vinculo anathematis* post epist. viii. sic
 nec illi duo canones recepti, qui quantum Con-
 stantinopolitanæ sedi adrogarunt, tantum Roma-
 næ derogarunt, dum appellationes episcoporum
 huic sedi abiudicatas, illi alteri vindicant. Sed Ni-
 colaus primus Papa, hanc clauam Græcis de mani-
 bus ut extorqueret, iaculumque in eos retorque-
 ret, aliam viam iniit, longeque aliam methodum
 sequutus est. quid igitur ille fecit? supradictos ca-
 nones non solum admisit, sed eorum etiam aucto-
 ritatem Græcis opposuit, & obiecit, ad confirman-
 da Romanæ sedis priuilegia. sic armis Græcorum,
 aduersus ipsos usus est, ac τοῖς ἐαυτῶν πλεονεξίαις eos
 transfixit. idque, quod mirum, sola interpretandi
 ratione assequutus est. sic igitur nonum canonem

Concilij Chalcedonensis interpretatur in Epistola ad Michaellem imperatorem: *sed ne sine auctoritate canonica quidquam prosequi videamur, nunc Chalcedonensis Concilij sanctiones ad memoriam reducamus, quæ ita decernunt. si clericus habet causam aduersus episcopum proprium, apud Synodum prouinciæ iudicetur: quod si aduersus eiusdem prouinciæ metropolitanum episcopus vel clericus habet querelam, petat primatem diœceseos, aut sedem Regiæ vrbis Constantinopolitanæ. in quo hic tenor obseruandus est, ut si videlicet clericus, aut episcopus aduersus metropolitanum habet querelam, & tanta urgetur necessitate, vel si hoc graue non ferat, ubicunque sit positus, primatem diœceseos petat: quod si iuxta Constantinopolitanam urbem quisquam eorum constitutus, & solius eius præsulis iudicio velit esse contentus, petat eandem regiam urbem. cum enim dixisset, petat primatem diœceseos, præceptum posuit eadem sancta Synodus, regulamque constituit. Cum vero disiunctiua coniunctione addidisset, aut sedem Regiæ vrbis Constantinopolitanæ, liquet profecto, quia hoc secundum permissionem indulgit. Ergo saltem nunc non videtis ad maiora semper esse properandum? & quanto magis ad potioris auctoritatis iudicium tenditur querimonia, tanto adhuc amplius maius culmen petendum est, quousque gradatim perueniatur ad eam sedem, cuius causa, aut a se negotiorum meritis exigentibus in melius commutatur, aut solius Dei sine questione reseruatur arbitrio. quem autem primatem diœceseos, sancta Synodus dixerit, præter apostoli primi vicarium, nullus penitus intelligitur. ipse est enim primas, qui & primus*

habetur & summus: quæ viritim si locus exegerit in subditis demonstrabimus. Ne vero moueat, quia singulari numero diæceſeos, dictum est; sciendum est quia tantumdem valet dixisse, primatem diæceſeos, quantū si perhibuisset, diæceſeon, plena sunt enim sanctæ scripturæ tali forma loquutionis. quum in ea versione qua vsus est Nicolaus, quasi absolute positum habeatur, petat primatem diæceſeos, hoc ille κατ' ἑξοχὴν de summo pontifice dictum accipi voluit. quis enim, inquit, primas præter Apostoli primi vicarium? Sed cui dubium est quin Synodus episcopos cum metropolitanis controuersiam habētes, primatem velit petere diæceſeos intra quam consistunt, hoc est primatem suum? Græca canonis verba id manifeste ostendunt, quæ non simpliciter καὶ ὁ ἑξάρχῳ διοικήσεως habent, sed καὶ ὁ ἑξάρχῳ τῆς διοικήσεως. quid valeat illud τῆς, norunt Græce periti. idem quippe est ac si dixisset, καὶ ὁ ἑξάρχῳ τῆς ἐκείνης διοικήσεως. sic apud Iustinianum passim ὁ πατριάρχης τῆς ἐκείνης διοικήσεως. καὶ ὁ πατριάρχῃ τῆς ἐκείνης διοικήσεως. sensum Synodi recte expressit hæc vetus versio quæ sic habet: Si clericus aduersus suum seu alium episcopum habeat causam, apud audientiam Synodi provincia conqueratur: si vero contra ipsius provincia metropolitanum episcopum, episcopus siue clericus habeat controuersiam, pergat ad ipsius diæcesis primatem, aut certe ad Constantinopolitanæ Regiæ ciuitatis sedem: eorum ibi proprium negotium exquiratur. ἑξάρχης igitur τῆς διοικήσεως in Græcis est exarchus vel patriarcha illius diæcesis in qua positus est metropolitanus, qui ab episcopo suo lite. pulsatur. Huic autem licentiam

dat Synodus vel patriarcha diœceseos cui subiectus est ad eundi, vel certe si malit Constantinopolitanae sedis patriarcham. Nicolaus Papa primatem diœceseos de summo pontifice interpretatur, & *diœceseos* positum putat pro *diœceson*; reuera enim non vnius, sed omnium totius orbis diœceseon primas est Papa. Quam recta sit hæc expositio, tibi ipsi æstimandum relinquo. Iudicium ego meum non interponam. Hæreseos mihi crimen impingeres si Papam errauisse dicerem. Nunc tantum hoc dicam, si vera illa est interpretatio, tuam esse falsam; si vera tua est, illam non esse. sed vereor ne dicat aliquis, postquam hæc nostra legerit, vtramque esse falsissimam. Ex illa Nicolai expositione hoc saltem liquet, quod in canone de sede Constantinopolitana additum est, id ad speciale ac singulare illius sedis priuilegium referri debere.

Nunc veniamus ad Græcos canonum interpretes, & quomodo illi ἐξάρχους διοικήσεως in Synodo Chalconensi exposuerint videamus. Zonaras ad canonem ix. illius Synodi scribit exarchos diœceseon ab aliis exponi patriarchas, aliis metropolitans. ἐξάρχους ὃ τῶ διοικήσεων τοὺς πατριάρχας φασίν. ἄλλοι ὃ τοὺς μητροπολίτας. Græcos heic vtrobique errasse contendis. neutram enim interpretationem esse veram. tam igitur illi tuo iudicio falluntur, qui exarchum diœcesis pro metropolita accipiunt, quam qui patriarcham interpretantur. quid erit ergo exarchus diœcesis, si nec patriarcha est, nec metropolita? exarchus nimirum diœcesis, nec patriarcha

patriarcha nec metropolita, sed inter vtrumque medius, dimidiatus nempe patriarcha, & dimidiatus metropolitanus. mira profecto hæc sunt, Græcos genus illud episcoporum ignorasse, ex vtroque genere compositum patriarcharum, & metropolitanorum, & inter vtrosque positum. si tales fuerent quidam, cur eos non nouere? si nouere tales, cur in expositione canonum illorum non agnouerunt? cur exarchos diœceseon simpliciter id quod erant, interpretati non sunt? cur si diuersi erant a patriarchis & metropolitibus, omnino tamen aut metropolitas eos debere accipi, aut patriarchas affirmarunt? Zonaras de metropolitibus accipit, & scribit alios de patriarchis accepisse. quam vere ille de metropolitibus exposuerit, non laborandum est. quum nugas dicit, hoc solens facit. sed illud quod quæramus dignum est; cum exarchos diœceseon alij de metropolitibus intellexerint, alij de patriarchis, cur nemo id potuit intelligere, eos nec metropolitas fuisse, nec patriarchas, sed simpliciter id quod dicuntur exarchos diœceseon, hoc est mixtum genus ex vtroque, metropolitibus superpositum, suppositum patriarchis? cur tantopere laborarunt Græci interpretes in illis explicandis exarchis diœceseon? cur quod in promptu erat, hoc non dixere, exarchos illos esse diœceseon? immo cur hanc vocem explicare & interpretari sunt conati, quæ nulla egebat interpretatione? quemadmodum enim & metropolita quid sit & patriarcha quis dicatur, quoties eorum mentio occurrit, non expo-

R r

nunt, quia notum hoc omnibus: idem omnino esse debuit de exarcho diœcesis. Exarchus quippe diœcesis si medius fuit episcopi gradus inter patriarcham & metropolitam, nullumque aliud nomen habuit, profecto id omnibus tunc notum esse debuit. nam nemini tunc temporis, magis ignoratum esse oportuit quid esset exarchus diœcesis, quam quid patriarcha vel metropolita. ut quid igitur exarchum diœceseos alij metropolitam, alij patriarcham dici scripserunt? si speciale hoc nomen fuit cuiusdam generis & ordinis episcoporum, cur quasi commune patriarchis & metropolitis, his vel illis illud tribuere? oportet, aut illos omnes Græcos interpretes id nesciuisse quod nemo poterat nescire, aut te hariolari id fuisse, quod nusquam fuit. sed tu magis hariolus. nec enim Græci potuerunt ignorare, cum omnes patriarchas fuisse diœceseon exarchos, tum quosdam fuisse metropolitanos qui exarchi diœceseon essent ac dicerentur. Patriarcha Alexandrinus qui diœcesin Ægyptiacam regebat, exarchus vere fuit Ægyptiacæ diœcesis. Antiochenus patriarcha qui Orientis diœcesin administrabat, idem etiam omnino fuit diœceseos exarchus. hinc Græcis ἐξάρχος τῆς αἰατλικῆς διοικήσεως appellatur. inter metropolitanos porro fuere quidam, exarchi diœceseon appellati, illi scilicet qui non singulis prouinciis, nam hi prouinciarum exarchi dicebantur, sed qui integris diœcesibus præessent. Hoc de genere fuerunt Asianæ, Ponticæ & Thracicæ diœceseon

exarchi, postquam patriarchæ Constantinopolitano subiecti sunt. Nam & patriarchæ subiacebant, ab ipso ordinabantur, nullos ipsi metropolitanos subiectos habebant, nullos ordinabant, solo iure metropolitano censebantur in suis ordinandis episcopis, metropolitæ denique tantum erant ac dicebantur. Iam habemus igitur, cum patriarchas, tum metropolitas quosdam, exarchos diœceseon dictos. si tertium vllum genus fuit eorum, qui nec patriarchæ essent, nec metropolitæ; da nobis illud Sirmonde, vel auctorem da, qui nouerit, qui meminerit. sin nullum est, nec vllum fuit vnquam, nec vllus auctor dari potest, qui tales diœceseon exarchos memoret, fateare iam, quod negari non potest, in Synodo Chalcedonensi per exarchum diœceseos necessario, aut metropolitam intelligi debere, aut patriarcham. De metropolita intelligi non posse Synodus ipsa testatur, quæ manifesto τὸν ἑξάρχον τῆς διοικήσεως ἀπὸ τοῦ μητροπολίτου distinguit. Ergo de patriarcha accipi super omnem necessitatem necesse est. Sed omisso Zonara Balsamonem audire consultius tibi visum est. quoniam ita consulis, Balsamonem audiamus, sed non vt suades etiam auscultemus: ὁ μὲντοι ἑξάρχος τῆς διοικήσεως ἔστιν, ὡς ἐμοὶ δοκεῖ, οὐχ ὁ ἐκάστης ἐπὶ ἑρχίας μητροπολίτης, ἀλλ' ὁ τῆς ὅλης διοικήσεως μητροπολίτης. διοίκησις δὲ ἔστι ἡ πολλὰς ἐπὶ ἑρχίας ἔχουσα ἐν αὐτῇ. Inter Zonaræ & Balsamonis expositionem hoc solum interest, quod ille exarchum diœcesis de prouinciæ metropolita, hic de metropolita diœcesis accipiendum censer;

vterque tamen metropolitam interpretatur. Ceterum vtriusque interpretatio falsa est, vterque fallitur, vterque a Synodo refellitur, quæ metropolitam manifesto distinguit ab exarcho diœcesis. atqui non minus est metropolita qui diœceseos primas est, hoc est primus in diœcesi metropolita, quam qui secundus vel tertius: præsertim si ille metropolitanus primas diœceseos, alteri patriarchæ subiaceat & ipse nullos habeat sibi subiectos metropolitas. quod de illis metropolitanis diœceseon dici potest, quos intelligit Balsamo. Nam & patriarchæ subiecti Constantinopolitano, nullos ipsi sibi subditos cum habuerint metropolitānos, nihil plus erant quam simplices metropolitæ, nec alio iure aut nomine censebantur in tota sua diœcesi. quomodo igitur ipsi tibi constabis, qui dicebas eos a Synodo redargui qui exarchos diœceseon, metropolitānos interpretarētur, quum nunc nos iubeas auscultare Balsamoni ita interpretanti? saltem audisses aut legisses quod ille interpretationi suæ subiecit, tam fungus non fuisses, ut illi auscultandum putares. sic enim addit ille: τῶν δὲ ἀρχαίων παρόμοιον σήμερον οὐκ ἐνεργεῖ. καὶ γὰρ λέγων· ἔξαρχοὶ τινες τῶν μητροπολιτῶν, ἀλλὰ τοὺς ἐν ταῖς διοικήσεσιν ὄντας ἐτέρους μητροπολίτας, οὐκ ἔχουσιν ὅλως ἀποκλεισμούς αὐτοῖς. εἰσὶν οὖν ἐτέρους τινὰς εἰς τὸ τοῦτο καθεῖς, ἔξαρχοι τῶν διοικήσεων, ἢ τοῦτοι μὲν εἰς, ἀπορακτῆσαι δὲ τὰ ὑπὸ τῶν κανόνων δοθέντα τοῦτοις παρόμοια. eadem habet Mathæus Blastares in suo canonum syntagmate. ita enim scribit ad hunc canonem: διοίκησις δὲ λέγεται ἡ

ἐπαρχίας πολλὰς ἀείρουσα. ὅ ὃ τῷ ἐξάρχῃ παρ' ἐνόμιον,
 ὅ ἡν ἔχῃ οὐκ ἐνεργεῖ. Εἰ γὰρ καὶ λέγονται ἕντες τῷ μητρο-
 πολιτῷ ἐξάρχῃ, ἀλλὰ τοῖς ἐν ταῖς διοικήσεσιν ἑτέροις μητρο-
 πολιταῖς οὐκ ἔχουσιν ὅλως ὑποκαταστάσεις αὐτοῖς. Censet
 Balsamo, vt vides, aut alios olim fuisse diœceseon
 exarchos ab iis qui sua ætate exarchi inter metro-
 politanos dicebantur, quique aliud non erant,
 quam metropolitæ; aut eosdem quidem esse, sed
 iura illa ac priuilegia, quibus a Synodo Chalcedo-
 nensi sibi concessis olim fruebantur, suo tempore
 exoleuisse, nec amplius in vsu fuisse. Sed ille osten-
 dere debuit, aut tu nunc debes, quoniam eum se-
 queris, nec ille id amplius potest, vel non eosdem,
 qui olim, tunc fuisse diœceseon exarchos metro-
 politas, vel non eadem quæ olim iura, tunc ha-
 buisse. vtrumuis probandum suscepseris, oneri
 mihi crede non sufficies, & deficies citius, quam vel
 alterutrum efficias. certissimum quippe est, non
 alios fuisse metropolitas qui exarchi diœceseon
 dicerentur temporibus Concilij Chalcedonensis,
 quam qui Balsamonis, nec aliud ius aut priuile-
 gium eorum fuisse ætate Balsamonis, & eo tempore
 quo Synodus Chalcedonensis congregata est. ne
 frustra tendere cōtra pergas, facile hoc tibi osten-
 dam, si modo alios oculos quam tuos adiicere, &
 aliam mentem aduertere voles: nam & illos cæcos
 & hanc non sanam habes. sed quod non videbis,
 aut videre nolles, alij perspicient. Scribit Balsamo,
 metropolitas illos qui sua ætate exarchi diœceseon
 dicebantur, non alios metropolitas, in eadem

Rr iij

diœcesi constitutos, sibi subiectos habuisse, nec quicquam iuris in eos concessum illis fuisse. καὶ γὰρ, inquit, λέγονται ἑξάρχαι τινες τῶν μητροπολιτῶν, ἀλλὰ τοὺς ἐν ταῖς διοικήσεσιν ὄντας μητροπολίτας οὐκ ἔχουσιν ὅλως ὑποχείμενοις αὐτοῖς. Balsamonis porro temporibus præcipui inter illos metropolitanos, qui & diœceseon exarchi sunt dicti, fuere, metropolitanus Ephesi qui exarchus Asianæ diœceseos vocabatur; metropolitanus Cæsareæ Cappadociæ, qui exarchus Ponticæ diœcesis audiebat; & metropolitanus Heracleæ, qui Thracicæ diœcesis exarchus dicebatur. Ceterum hi tres metropolitani licet diœcesibus præessent, atque inde diœceseon exarchi dicerentur, non tamen alios eiusdem diœcesis cui præerant metropolitanos, sub se positos, aut eorum ordinationes in sua potestate habuere, sed suos illi tantum suffraganeos episcopos ordinabant; ipsi vero, ut & reliqui omnes metropolitani per universam diœcesim constituti, a patriarcha, cui subiacebant, ordinabantur. nullum igitur ius aliud maius illi exarchi diœceseon Balsamonis ævo habuere, quam metropolitanum: nihil iuris aut potestatis in metropolitanos illis datum fuit, quippe qui nullos sibi subiectos haberent metropolitanos, nec aliorum omnino quam suorum episcoporum ordinationes facere solerēt. Nihil plus eos iuris aut priuilegij habuisse Chalcedonensis Synodi tēpore, quis melior aut magis idoneus citari darique testis potest, quam Synodus ipsa Chalcedonensis? sic igitur illa canone vigesimo octauo de ordinatio-


nibus metropolitaram, Ponticæ, Asianæ, & Thraciæ diœceseos sanxit: καὶ ὥστε τοὺς τῆς Ποντικῆς, καὶ τῆς Ἀσιατικῆς, καὶ τῆς Θρακικῆς διοικήσεως μητροπολίτας μόνοις, ἐπὶ δὲ καὶ τοὺς ἐν ταῖς βαρβαρικοῖς ἐπισκόποις τῶν παροφρημένων διοικήσεων χειροτονῶντας ὑπὸ τοῦ πατριάρχου ὁμολογίου τῆς κατὰ Κωνσταντινούπολιν ἀνωτάτης ἐκκλησίας. satis constat ex hoc canone iam inde a temporibus Concilij Chalcedonensis ordinationes metropolitanorum omnium per Ponticam, Asianam, & Thracicam diœcesim ad sedem Constantinopolitanæ regię urbis pertinuisse, nullumque in suprascriptis diœcesibus metropolitam extitisse, cuius ordinatio ad alium metropolitam aut exarchum spectauerit, quam ad Constantinopolitanum patriarcham. sic exarchi illi Ponticæ, & Asianæ & Thraciæ diœceseon quo ex tempore Constantinopolitanæ subiecti sunt, nullos sub se habuere metropolitas, nullas metropolitaram ordinationes, sed æquo iure censebantur cum reliquis metropolitanis eius diœceseos cui præerant, & cuius exarchi dicebantur. Nam & ipsi a patriarcha Constantinopolitano ordinabantur, sicut & ceteri, nec aliud ius, aliudve nomen habebant, quam quod metropolitæ competit, in suas sibi subiectas provincias. quod enim exarchi diœceseon dicerentur, hoc ex antiquo nomen retinere, non quod totam regerent diœcesin, aut totius diœcesis cuius exarchi vocabantur, metropolitas sub se haberent, sed quod inter metropolitas vniuersæ diœcesis principem locum obtinerent, & primi præcipuique pri-

mates essent & exarchi. Ceterum vnusquisque eorum, vnam tantum ac singularem in tota diœcesi prouinciam iure metropolitano administrabat. ceteri ceteras in eadem diœcesi prouincias metropolitæ, suam quisque pari iure curabat. Exempli gratia; Cesareæ Cappadociæ episcopus, qui Ponticæ diœcesis exarchus audiebat, solam Cappadociam primam cuius metropolis erat Cæsarea, iure metropolitæ regebat; reliquæ totius diœcesis Ponticæ prouinciæ sub aliis erant metropolitæ, vt paulo post dicemus. idem de Asianæ diœceseos exarcho, idem de Thracicæ. Ante Synodum Chalcedonensem & priusquam patriarchæ Constantinopolitano subiicerentur, an aliquid plus iuris ac potestatis habuerint exarchi illi, in suas singuli diœceses, quærendum. nec sane plus videntur habuisse. id ex verbis canonis secundi Concilij Constantinopolitani constare potest. ita enim habent: τοὺς ὑποφ' διοίκησιν ἐπισκόποις τῆς ὑποφ' οὐσίαις ἐκκλησίαις μὴ ὑπερβαίνειν, μηδὲ συγχέειν τὰς ἐκκλησίας, ἀλλὰ κατὰ τοὺς ἑσθόντας τὸν μὲν Ἀλεξανδρείας ἐπίσκοπον, τὰ ἐν Αἰγύπτῳ μόνον οἰκονομεῖν, τοὺς δὲ τῆς ἀνατολῆς ἐπισκόπους, πλὴν ἀνατολίῳ μόνον διοικεῖν, φυλαττομένων τ' ἐν τοῖς ἑσθόνσι τοῖς καὶ Νιχίας πρεσβείων τῇ Ἀντιοχείᾳ ἐκκλησίᾳ. καὶ τοὺς τ' Ἀσιατῆς διοικήσεως ἐπίσκοπους τὰ κατὰ πλὴν Ἀσιατὸν μόνον οἰκονομεῖν, καὶ τοὺς τῆς Ποντικῆς, τὰ τῆς Ποντικῆς μόνον, καὶ τοὺς τῆς Θρακικῆς, τὰ τῆς Θρακικῆς μόνον οἰκονομεῖν. in hoc canone videre est, non vni exarcho tribui regimen & administrationem totius Asianæ diœcesis, aut Thracicæ, aut Ponticæ, sed pluribus. non enim

dicit,

dicit, τὴν τῆς Ἀσιατικῆς διοικήσεως ἐπίσκοπον aut ἑξάρχον,
 τὰ κατὰ πλεὺς Ἀσιατικὸν μέρος οἰκονομεῖν, sed τοὺς τῆς Ἀσιατικῆς
 διοικήσεως ἐπίσκοποις. plures igitur episcopi Asianam
 diœcesin pari iure & æqua potestate administra-
 bant, nec penes vnum exarchum totius diœcesis
 regendæ summa fuit. ita & de Thracica & Pontica:
 quibus singulis gubernâdis diœcesibus non vnum
 sed plures episcopos & exarchos assignat. Ægy-
 ptiacæ vero diœcesi vnum præesse facit, episco-
 pum Alexandrinum: Ἀλλὰ κατὰ πλεὺς κανόνας τὸν μὲν
 Ἀλεξανδρείας ἐπίσκοπον ὡς ἐν Αἰγύπτῳ μένον οἰκονομεῖν.
 vnicum Alexandriae episcopum Ægypto, hoc est
 Ægyptiacæ diœcesi administrandæ præficit. ita
 solus ille vere fuit Ægyptiacæ diœcesis exarchus.
 in Orientali autem diœcesi moderanda plures qui-
 dem etiam memorat episcopos quibus Orientis
 sollicitudinem & administrationem committit,
 sed nihilominus τὰ περὶ τὴν ἐκτέλεσιν seruanda præcipit An-
 tiocheno episcopo iuxta canones Nicenos. intel-
 ligit sextum canonem Nicenæ Synodi de quo tam
 multa supra. τὰ περὶ τὴν ἐκτέλεσιν autem illa quæ a Synodo
 Nicena Antiocheno episcopo attributa sunt, & a
 Constantinopolitana prima confirmata, eo specta-
 bant, vt licet iam tum plures Orienti regendo
 præessent metropolitæ, nullus tamen in totâ
 Orientali diœcesi ordinaretur episcopus absque
 consensu & auctoritate Antiochenæ Ecclesiæ an-
 tistitis: qua in re plane æquiparatus est Alexan-
 drino episcopo qui totius Ægyptiacæ diœcesis
 metropolita censebatur. igitur secundum Niceni

Sf



ἀποκεῖν αὐτῶν. sic metropolitani Asianæ, Ponticæ,
 & Thracicæ diœceseos ἀποκεφαλοὶ omnes erant, nec
 alter alteri subiacebat, priusquam subiicerentur
 patriarchæ Constantinopolitano. Postquam huic
 sedi subiecti sunt, quod Concilio Chalcedonensi
 factum est, omnes etiam tum æquales fuere, omnes
 ex æquo eidem patriarchæ subiacuere. Falluntur
 ergo qui putant exarchi diœceseos Asianæ, item
 Ponticæ Thracicæque ea olim iura fuisse, ut omnes
 metropolitanos in ea diœcesi cuius exarchus dice-
 batur constitutos ordinaret, eosque sibi subditos
 haberet. siquidem constat omnes quotquot fuere
 in Asiana vel Pontica vel Thracica diœcesi metro-
 politæ, paria iura hoc est metropolitana habuisse
 in suis episcopis ordinandis, paremque potesta-
 tem, nec ab aliis ipsos ordinari solitos fuisse, quam
 a comprouincialibus episcopis. Socrates lib. v. hist.
 Eccles. cap. viii. superscriptum secundum canonem
 Concilij Constantinopolitani ex temporum illo-
 rum Historia explicans, Ponticæ diœcesis patriar-
 chiam tribus metropolitanis administrandam con-
 tigisse scribit, Helladio qui post Basilium Cæsareæ
 Cappadociæ fuit episcopus, Gregorio Basilij fratri
 Nyssæ episcopo, & Otreio Melitenæ. Otreius vo-
 catur in leg. iii. Cod. Theod. *de fide Catholica*. Episto-
 la quædam Basilij scripta est *Οτρείῳ τῆς Μελιτινῆς*.
Οτρείος apud Socratem est. in veteri Codice *Τρωίλος*
 perperam. Cæsarea Cappadocia primæ Cappadociæ
 metropolis fuit. Nyssæ secundæ Cappadociæ: Me-
 litene vero Armeniæ. Ponticæ diœceseos hæ tres

fuere prouinciæ. cum vndecim fuisse constet, cur trium illarum tantum episcopos nominauit quos Ponticam diœcesim in commune regendam sortitos esse dicit? an quod illæ tres duntaxat tunc fuerint in vniuersa Pontica diœcesi metropoles, totidemque metropolitani, sub quibus tota diœcesis fuit? Hoc fortasse an aliquis putare possit, sed ego non putem. Nam persuasum habeo, & certum est, totidem in Pontica diœcesi fuisse metropoles quot prouincias. sed celeberrimi nominis erant illi tres quos nominauit, Helladius, Gregorius Basilij frater, & Otreius. ideo eorum tantum nominatim mentionem fecit. sic in Asianæ diœceseos administratione, Amphilochoij tantum meminit, & Optimi. *τὴν Ἀσιανὴν δὲ λαγχάνουσι Ἀμφιλόχιος Ἰκονίης καὶ Οὐρημὸς ὁ Ἀντιοχείας τῆς Πισιδίας.* Iconium metropolis erat Lycaoniæ; Antiochia Pisidiæ. cur Ephesum præterit Asianæ prouinciæ metropolim? cur episcopum Ephesinum totius Asianæ diœceseos exarchum prætermisit? ex vndecim Asianæ diœceseos prouinciis, Asia prima fuit. inde Asiæ metropolitanus, totius diœceseos exarchus audiebat. aut igitur aliorum Asianæ diœceseos episcoporum nomina nesciuit, aut duo tantum nominatissimos nominatim posuit. idem in Thracica diœcesi regenda vnicum tantum commemorauit Nectarium Constantinopolis episcopum: *ὃ κληροῦται Νεκταρίου μὲν τὴν μεγάλαν καὶ τὴν Θράκην.* per *τὴν μεγάλαν* intelligit Constantinopolim: per *τὴν Θράκην* totam Thracicam diœcesim, quam Nectario Constanti-

nopolitano episcopo soli administrandam assignavit. at id manifesto pugnat cum canone illo secundo Concilij CP. qui Thracicæ diœceseos οἰκονομία non vni episcopo, sed pluribus tribuit. sic enim disertim habet: καὶ τοῖς τῆς Ἀσιατρῆς ἐπισκοποῖς τὰ κατὰ πλεὺς Ἀσιατρῆς μόνον οἰκονομεῖν, καὶ τοῖς τῆς Ποντικῆς τὰ τῆς Ποντικῆς μόνον, καὶ τοῖς τῆς Θρακικῆς, τὰ τῆς Θρακικῆς μόνον οἰκονομεῖν. vt plures episcopi metropolitani Asianam & Ponticam diœcesim administrarunt, sic plures etiam non vnum duntaxat, Thracicam rexisse ex verbis illis canonis oportet. præterea non Constantinopolitanus episcopus, sed Heraclensis totius erat Thracicæ diœceseos exarchus. cum reliquis ille Thraciarum metropolitans Thracicam diœcesim curabat. nondum tres illæ diœceses Pontica, Asiana & Thracica sedi Constantinopolitanæ subiacebant, nec earum diœceseon exarchi metropolitanique superscriptæ sedis antistiti parebant. Concilio Chalcedonensi hoc demum statutum est, vt omnes prædictarum diœceseon metropolitani patriarchæ Constantinopolitano subiicerentur, ordinationemque ab eo acciperent. Ante id temporis ἀρχιεπίσκοποι fuere illarum diœceseon metropolitæ, vt manifeste obseruare est ex canone secundo Synodi CP. & recte idem obseruat ex eodem canone Balsamo. Constantinopolitana sane prima Synodus vt πρῶτος τῆς ἑμῆς haberet Constantinopolitanus episcopus post Romanum episcopum censuit, sed nihil de metropolitans eidem subiiciendis, aut ab eo ordi-

nandis sanxit. immo contrarium, vt diximus, ex canone eius secundo plane statui potest. Sciendum tamen est episcopos Constantinopolitanos, post eam honoris prærogatiuam sibi a secunda Synodo attributam, statim vsurpare cœpisse metropolitānorum ordinationes, per Thracicam, Ponticam & Asianam diœceses, & illa *ὑπερβολῇ* ita interpretatos esse, vt per ea datum etiam sibi hoc ius metropolitārum ordinandorum assererent. quod primo per vsurpationem sumptum, postea consuetudine inualeſcente corroboratum, Concilio demum Chalcedonensi confirmatum ac stabilitum est. Longe igitur ante Concilium Chalcedonense id sibi iuris adrogauerunt Constantinopolitanæ sedis episcopi, & quasi sibi a prima Constantinopolitana Synodo adiudicatum, per Chalcedonensem confirmari curauerunt. Gesta eiusdem Concilij hoc manifesto testantur, actione xvi. Nam cum in Concilio ea res ageretur, & super ea re conditus etiam esset canon, vt episcopus Constantinopolitanus metropolitā Asianæ, Ponticæ & Thracicæ diœceseos ordinaret, & omnes illum canonem subsignassent prædictarum diœceseon metropolitæ, intercederent autem Romatæ sedis legati, atque inuitos eos ac per vim coactos subscripsisse dicerent, in medium venire iussi, & interrogati metropolitæ responderunt, libenter ac sponte sua non solum subscripsisse, sed etiam ex consuetudine, quæ iam obtinuerat, & ex sacrorum canonum sanctionibus hæc iura deberi Constantinopolitanæ sedi, vt nimirum ordinatio-

nem ab ipsa omnes acciperent. inter alios episcopus Amaseæ, quæ metropolis erat Helleſponti prouinciæ in Asiatica diœcesi, dixit, *πρὸς ἐμὸν τῆς ἐπίσκοποι ἐχρητονηθῆσθαι ὑπὸ τοῦ θρόνου τούτου, καὶ διῶν τιμὴ ἀκολουθίαι, ἡκολουθήσῃ. καὶ ἐν τῷ ἐκείνῳ ἐποίησα βεβλήμενος* *εἶ) ὑπὸ τὸν θρόνον τῆτον.* Petrus episcopus Gangrensis Pamphyliae metropolitanus ex eadem Asiatica diœcesi idem respondit: *πρὸς ἐμὸν τῆς ἐχρητονηθῆσθαι ὑπὸ τῆς τῆς βασιλευούσης πόλεως. καὶ γὰρ μετ' αὐτοῖς ὁμοίως. καὶ διὰ τὸ σὺν ἐθέμενον ὡς σὺν ἡγήσθαι ἔχων.* Longo igitur iam tempore ante Concilium Chalcedonenſem hæc inualuerat consuetudo ut metropolitæ suprascriptarum diœceseon ordinarerentur a Constantinopolitanæ regiæ urbis episcopo. Hoc etiam ex canonibus non ex sola consuetudine illi deberi quidam respondere. Chalcedonenſis enim episcopus interrogatus, an per vim & coactus subscripsisset, dixit: *ἐπιστάμενος ὡς καὶ ἐκ τῶν κληρικών καὶ ἐκ τῆς πρεσβυτέρου σὺν ἡγίας ἐκ τῶν δόγματι τῶν οὐ Κωνσταντινουπόλεως θρόνος, ἐκὼν ὑπέγραψα.* Canones non alios potest intelligere quam Concilij CP. primi. sed nihil illi de ordinationibus metropolitæ Constantinopolitanæ sedi adtribuendis sanxerunt, sed de *πρεσβείῳ τῆς ἡμετέρας* tantum, ut scilicet secunda sedes post Romanam numeraretur, & ceteris omnibus præferretur. Verum τὰ *πρεσβεία* illa ita acceperunt ut etiam necessario ea sequi deberet metropolitæ ordinatio. sic cum eodem Concilio CP. canone secundo decretum est, ut Antiocheno episcopo τὰ *πρεσβεία*

seruarentur, de ordinationibus episcoporum, ut sine eius consensu in tota diœcesi nullæ fierent, intellectum est. sed in Antiocheno episcopo Ἐπὶ πρεσβείᾳ simpliciter dixit: at de Constantinopolitano τὰ πρεσβείᾳ τῆς τιμῆς. metropolitæ qui πρεσβείᾳ τῆς τιμῆς habebant, honorarij tantum erant metropolitæ, nec episcoporum ordinationes ad eos spectabant, sed ad veros metropolitās qui Ἐπὶ πρεσβείᾳ simpliciter habebant, hoc est iura metropolitana. multum igitur erat inter τὰ πρεσβείᾳ, & τὰ πρεσβείᾳ τῆς τιμῆς. Duæ fuere in Bithynia metropoles, Nicomedia & Nicæa. Nicææ metropolitanus τὰ πρεσβείᾳ τιμῆς tantum habuit quibus ceteris prouinciæ episcopis præferebatur. πρεσβυτέρῳ τῷ λαϊκῷ ἐπισκόπῳ τῆς ἐπισκοπῆς τῇ τιμῇ μέν. Nicomediensis vero antiquus Bithyniæ metropolita τὰ πρεσβείᾳ simpliciter, hoc est priuilegia & iura metropolitana; ὁ κύριος μητροπόλεως, quo totius episcopos prouinciæ ordinabat. Græci τὰ δίνσιον τῆς μητροπόλεως vocant, ὁ κύριος, ὁ ἀξίωμα: τὰ ἀριβιλήγια in rescripto Valentiniani ad Nicomedienses: ἵνα ὡς τὰ ἀριβιλήγια τῆς πόλεως τῆς ὑμετέρας πόλεως παλαιὰ ἀρχαία ἀρχαία σιωνήγια φυλαχθήσεται. ὅτε γὰρ ἵνα πρεσβυτέρῳ τῆς τιμῆς τῷ Νικαέων πόλεως ὁ δίνσιον ὁ ὑμέτερον δυνάται βλάψαι, ὅποτε ἐπαύξεται ὁ ἀξίωμα τῆς Νικομηδείων, εἴωρ ἐκείνη ἵνα ἐν δολτέρῳ ἔπω, ὅσα, μητροπόλεως ὀνόματι καλῆται. Ideo quotiescunque alicui episcopo hæc πρεσβείᾳ τῆς τιμῆς darentur vel a concilio vel ab imperatore, semper hac conditione dabantur, ut ὁ ἀξίωμα seruaretur vero & antiquo metropolitæ, καὶ ὁ δίνσιον quod

quod ipsi competeat circa episcoporum prouin-
 ciarum ordinationes. sub his conditionibus honorem
 hunc detulit Æliæ episcopo Nicena Synodus
 can. vii. ὅτι σιγήσα κεκράτηκε καὶ παρὰ τοῖς δεξιάς,
 ὥστε πὺν ἐν Αἰλίᾳ ἐπίσκοποι πρῶτος, ἐχέτω τὴν ἀκολουθίαν
 τῆς ἡμεῶν τῇ μητροπόλει σωζομένης τῷ οἰκείῳ ἀξιώματι.
 Igitur cum Constantinopolitana prima Synodus
 Constantinopolitanum episcopum τὰ πρεσβεία τῆς
 ἡμεῶν habere post Romanum censuit, honoris tan-
 tum prerogatiuam, καὶ τὴν ἀκολουθίαν τῆς ἡμεῶν eidem
 decreuisse censendum est, non etiam τὰ πρεσβεία
 simpliciter, & illa iura, quæ in consecrandis metro-
 politis aut ordinandis episcopis posita sunt. ipse
 tamen regiarum urbis auctoritate subnixus, διωάμεν
 τῆς βασιλευσσης πόλεως πεποιθώς, statim ab illo Con-
 stantinopolitano Concilio ordinationes omnium
 metropolitaram per Asianam, Ponticam & Thra-
 cicam diocesim constitutorum usurpare cæpit:
 nec aliter Græci acceperunt quam ex eo concilio
 datum quoque hoc illi ius fuisse cum illis πρεσβεΐσις
 τῆς ἡμεῶν. Hoc etiam sequutus est Socrates in expli-
 catione secundi canonis C P. & patriarcharum per
 Orientem dinumeratione. Nam primo loco me-
 morauit Constantinopolitanum episcopum, cui &
 Thracicam diocesim assignauit: καὶ κληροδοται, in-
 quit, Νεκιδάειος μὲν τὴν μεγάλην πόλιν καὶ τὴν Θράκιον.
 Thracica diocesim sex prouincias habuit, quarum
 prima fuit Europa. qui primæ prouinciæ metro-
 politanus erat, is totius dioceseos exarchus dice-
 batur. in Europa prouincia sita erat Constantino-

polis, sita erat & Heraclea. cum Constantinopolis Byzantium adhuc esset & diceretur, Heraclea metropolis Europæ fuit, & Byzantium ipsam suffraganeam habuit. Heracleæ episcopus, ut primæ in diœcesi prouinciæ metropolitanus, totius quoque diœceseos exarchus dictus est. sed postquam Byzantina ciuitas, Constantinopolis & noua Roma facta est, & imperij sedes, versæ vices fuere, nec id solum esse cœpit, quod erat Heraclea, hoc est Europæ prouinciæ metropolis, totiusque adeo diœceseos Thracicæ, sed omnibus etiam per Orientem sedibus prælata est, & secundum post Romam locum obtinere iussa. Heracleæ tamen episcopus dignitatem suam nomine tenus retinuit, ut exarchus Thracicæ diœceseos diceretur. quia igitur in Europa sita Constantinopolis erat Thraciarum prima prouincia, totas Thracias quasi propriam diœcesim Constantinopolitano patriarchæ assignauit Socrates. subiungit deinde protinus Ponticam & Asianam diœceses, quasi iam tunc subiectæ illi sedi fuerint, quasque tres illæ diœceses Concilij Constantinopolitani tempore patriarchatum constituerint episcopi Constantinopolitani. post illas diœceses Ægyptiacam episcopi Alexandrini diœcesim posuit, secundo nimirum loco post Constantinopolitanam, deinde & Orientalem tertio, quæ sub patriarcha Antiocheno fuit. Quod nisi iam tum tres superscriptas diœceses Ponticam, Asianam & Thracicam episcopo Constantinopolis subditas fuisse intellexis-

set, numquam eas Ægyptiacæ, & Orientali præposuisset. sed eas tanquam Constantinopolitani patriarchatus partes & appendices primo loco posuit, quia Constantinopolitanus patriarcha iam tum duobus illis patriarchis Alexandrino & Antiocheno præferebatur, ex eiusdem Concilij C. P. canone tertio. Ceterum longe alius ordo habetur in illo secundo canone, Synodi C. P. quem interpretatus est. Nam primo loco memoratur Alexandrinus episcopus: secundo Antiochenus, alique Orientalis diœcesis episcopi: tertio episcopi Asiæ: quarto Ponticæ; quinto Thracicæ diœceseos episcopi recensentur. Hæc omnia in secundo canone. tertius vero eiusdem Synodi canon, ut primatum honoris habeat urbis Constantinopolitanæ episcopus post Romanæ urbis episcopum sancit. nihil igitur in illo concilio constitutum est de ordinationibus metropolitaram, ut ad Constantinopolitanam sedem pertinerent, sed in eo quo prius erant ordine ac loco, & penes quos erant, relictæ sunt: sola honoris prærogatiua data est nouæ Romæ præfuli.

Nunc videndum est, exarchi illi diœceseon Asiæ, Ponticæ & Thracicæ, antequam sedi Constantinopolitanæ subderentur, quæ priuilegia habuerint, quam potestatem in sua quisque diœcesi, quam prærogatiuam iure sibi concessam usurpauerint, & quare hoc nomen exarchorum diœceseos meruerint. diximus iam supra meros eos fuisse metropolitas suarum prouinciarum, nec quidquam amplius. nihil iuris in ceteros diœceseos metropo-

litas habuisse, nihil iurisdictionis in tota diœcesi extra prouinciam suam sibi vindicasse. nam nec alios episcopos ordinasse quam suæ prouinciæ, suosque suffraganeos, nec metropolitaram ordinationibus se immiscuisse; nihil denique pro iure metropolitico egisse in tota diœcesi, præterquā in prouincia, cuius erant reuera metropolitæ, & quam iure metropolitæ administrabant. omnes qui sub illis erant, & intra eorum diœcesim constituti metropolitæ, episcopos sibi subiectos sine exarchi diœceseos consensu ordinare solebant, vt ipsi a comprouincialibus episcopis ordinari. quod igitur illorum exarchorum *ἐπισκοπάρχων* fuit in diœcesi, aut cur exarchi diœceseon sunt appellati? *ἐπισκοπάρχης ὑμῶν* tantum habuere, & prærogatiuam honoris, vt primi scilicet præcipuique essent totius diœceseos metropolitæ; ceterosque omnes dignitate anteirent. idque honoris & prærogatiuæ per totam diœcesim non aliunde consequuti sunt, quam quod primarias totius diœceseos prouincias regerent. ex dignitate ciuitatum prouinciarumque dignitatis & honoris incrementum earum præsulibus accessisse plus satis notum est. Hinc igitur qui primam aliquam totius diœcesis prouinciam regibat, is vt plurimum ceteris omnibus diœceseos metropolitæ honore ac dignitate antistabat, ac vniuersæ diœceseos primas censebatur & exarchus. Asiana diœcesis vndecim prouincias complectebatur. harum prima erat Asia ipsa. Asiæ prouinciæ metropolis Ephesus. Ephesi metropolita quia pri-

mam totius Asiænæ diœceseos prouinciã gubernabat, totius Asiænæ diœceseos exarchus audiebat. ita enim subscribere solebat: ὁ δὲ ἰνα ὑπὸ τοῦ τοῦ τῆς Εὐφροσύνης μητροπόλεως καὶ ἑξάρχος τῆς Ἀσιατικῆς διοικήσεως. Asiænæ prouinciæ reuera fuit metropolita, Asiænæ vero diœceseos patriarcha. Asiænæ porro prouincia, ἡ Ἀσιατικὴ ἐπαρχία dicitur in subscriptionibus episcoporum vi. Synodi C P. Θεόδωρος ἑὺ Θεοῦ ὑπὸ τοῦ τοῦ τῆς Περγαμῶν πόλεως τῆς Ἀσιατικῆς ἐπαρχίας οὐσίας ὑπὸ ἑξάρχου. Πατερίκιος ἑὺ Θεοῦ ὑπὸ τοῦ τοῦ τῆς Μαγνήτων καὶ Μαίαιδρον πόλεως τῆς Ἀσιατικῆς ἐπαρχίας οὐσίας ὑπὸ ἑξάρχου. Αντώνιος ἐλὺ Θεοῦ ὑπὸ τοῦ τοῦ τῆς Ὑπαμηνίων πόλεως τῆς Ἀσιατικῆς ἐπαρχίας. Ponticæ diœceseos vndecim prouinciæ fuere. Harum omnium prima fuit prouincia, Cappadocia prima. Hinc Cæsareæ episcopus, quæ caput erat primæ Cappadociæ, totius diœceseos Ponticæ exarchus dicebatur, atque ita subscribebat: ὁ δὲ ἰνα ὑπὸ τοῦ τοῦ τῆς Καίσαρειων τῆς πόλεως τῆς Καππαδοκῶν ἐπαρχίας, καὶ ἑξάρχος τῆς Ποντικῆς διοικήσεως. Thracica postremo diœcesis sex prouincias habuit, quarum prima fuit Europa. ita enim recensentur in Notitia vtriusque imperij: *Europa, Thracia, Hemimontus, Rhodope, Mæsia secunda, Scythia*. Apud Constantinum Porphyrogenetam libro de Thematibus imperij Orientalis, ex Hierocle Grammatico qui *Συνέκδημον* scripsit, quinque tantum referuntur, & hoc ordine enumerantur, ἐπαρχία Εὐρώπης, ἐπαρχία Ροδόπης, ἐπαρχία Αἰμνημόντου, ἐπαρχία Θράκης, ἐπαρχία Μείσας. ἐπαρχία Σκυθίας omisit. sub finem capitis addit *Constan-*

tinus; ἕως ὧδε δὲ τῆς Θράκης θέμα κατὰ τὸν Ιεροκλέους
 Σιωέκδημον. δὲ τῆς Θράκης θέμα, vel δὲ Θρακῶν θέμα
 vocat Thracicam diœcesim. caput autem illud de
 Thracici thematis prouinciis a Constantino Por-
 phyrogenneta ex Hieroclis Synecdemo relatum,
 valde hodie perturbatum est & corruptum, & ab
 interpretibus male acceptum. quod heic obiter
 occasione data emendabimus. scribendum igitur
 in titulo, ἐπαρχία Θράκης. Deinde caput ipsum ita
 incipere debet: Ἐπαρχία Εὐρώπης, ὑπὸ Κοισυλάειον
 ὅσους βεβλῦται, πόλεις ιδ'. atque ita verti debet:
*Prouincia Europe sub Consulari, id est senatore, urbes
 habet quattuordecim.* Prouincia illa Thraciæ quæ Eu-
 ropa dicta est, regebatur a consulari. Consularem
 autem ideo senatorem reddit Hierocles aut Con-
 stantinus ipse, quia consulares illi qui prouincias
 consulares rexere sub mediis imperatoribus, non
 consulares dicebantur, quod consulatum gessis-
 sent, sed quod consulari potestate prouinciam ad-
 ministrarent. senatores igitur erant tantum qui
 plerumque post administratas iure consulari pro-
 uincias, quum consulares prouinciarum bis terve,
 aut pluries etiam fuissent, consules demum fiebant.
 Horum consularium qui prouinciarum rectores
 essent, & nunquam consules fuissent, & ante Con-
 stantinum & post Constantinum frequentissima
 extat, apud auctores, & in antiquis monumentis
 mentio. at præsides, οἱ ἡγεμόνες, ex equitibus vt pluri-
 mum sumebantur. fieri tamen potest, vt Constan-
 tinus Κοισυλάειον acceperit pro consiliario, & sic

Ῥοδῶπιον verterit. scimus quam multa peccent talia
 Græci homines infimæ præsertim ætatis in rebus
 Romanis, quæ paulo vetustioris erant sæculi. Se-
 quitur apud Hieroclem seu Constantinum: ἐπαρχία
 Ῥοδῶπης ὑπὸ τῷ αὐτῷ πόλεις ζ'. inepte vertunt: *Præ-*
fectura Rhodopes sub eadem urbes septem. scribendum:
 ὑπὸ τὸν αὐτὸν, scilicet κενσολάειον. *prouincia Rhodopes*
item sub consulari, in ea urbes septem. *prouincia tamen*
Rhodopes non sub consulari fuit, sed sub præside.
 putarim itaque librarij vitio omissam esse prouin-
 ciam Σκυθίας. præcedebat igitur illa, quæ regebatur
 a præside. sequebatur, ἡ Ῥοδῶπης ἐπαρχία ὑπὸ τὸν
 αὐτὸν, sub eodem scilicet præside. hoc indubitatum
 est. sequitur ibidem: ἐπαρχία Κριμιόντου ὑφ' ἡγεμόνα
 πόλεις ἑξ. male reddiderunt: *præfectura Mimanti, sub*
duce sex urbes. scribe & recte: ἐπαρχία Αἰμιμόντος,
 ὑφ' ἡγεμόνα, πόλεις ἑξ. *prouincia Æmimontus sub præside,*
urbes habet sex. & paulo post: ἐπαρχία Θεάκης ὑπὸ
 κενσολάειον, πόλεις ε'. *prouincia Thracia, sub consulari, in*
ea urbes quinque. & statim: ἐπαρχία Μισίας ὑφ' ἡγεμόνα,
 πόλεις ιδ'. *prouincia Mæsia, sub præside, urbes in ea xiv.*
 sex in totum Thracicæ diœceseos prouinciæ fue-
 re, quarum duæ regebantur a consularibus, Eu-
 ropa & Thracia; reliquæ quattuor a præsidibus.
 Et hæc obiter. Ex illis igitur sex Thraciarum
 prouinciis quæ Thracicam diœcesim consti-
 tuebant, prima fuit, Europa prouincia, Europæ
 vero prima ciuitas Heraclea. Atque inde me-
 tropolitanus Heracleæ, totius diœceseos exar-
 chus dicebatur, quia primariæ per diœcesim pro-

uinciæ fuit metropolita. in eadem Europa sita etiam fuit Byzantium quæ postea Constantinopolis: Rufus Festus in Breuiario: *ita ditioni Reip. sex Thraciarum prouinciæ sunt acquisitæ, Thracia, Æmimontus, Mæsia inferior, Scythia, Rhodope, Europa, in qua nunc secundæ arces Romani orbis sunt constitutæ.* quum adhuc Byzantium tantum esset, vt supra diximus, Heracleæ suberat, quæ caput erat vt primæ prouinciæ, sic totius etiam diœcesis. Postquam ex Byzantio Constantinopolis facta, & imperij sedes, in locum Heracleæ successit, & non solum Europæ prouinciæ diœceseosque Thracicæ metropolis constituta est, sed etiam omnibus per Orientem metropolibus prælata. Hinc Socrates li. v. hist. Eccles. cap. viii. Thracicam diœcesim, specialem facit exarchiam archiepiscopi Constantinopolitani: καὶ κληροῦται, inquit, Νεκταρίου πρὸ μεγάροιο καὶ πρὸ Θεάκω. & sortitur Nectarius Constantinopolim & Thracicam diœcesim. ex eo tempore Heracleensis episcopus qui exarchum Thracicæ diœceseos subscribere se consueuerat, metropolitam Europeanæ prouinciæ se tantum subscribere cœpit, cum reliqui tamen duo exarchi Asianæ & Ponticæ diœceseos, licet eidem sedi subiecti, pristinum titulum in subscriptionibus retinerent. id apparet ex subscriptionibus sextæ Synodi, vbi tres illi exarchi diœceseon ita subsignarunt. Φιλαλήθης ἐπίσκοπος τῷ Καίσρει τῆς πρώτης τῆ Καππαδοκίᾳ ἐπαρχίας, καὶ ἑξάρχος τῆς Γορλικῆς διοικήσεως. Philalethes episcopus Cæsariensium metropolis, primæ Cappadocia prouinciæ,

uincia, & exarchus Ponticæ diœceseos. Θεόδωρος ἐπίσκοπος
 τῆς Εφεσίων μητροπόλεως καὶ ἑξάρχος τῆς Ἀσιακῆς διοική-
 σιως. *Theodorus episcopus Ephesiorum metropolis & exarchus*
Asianæ diœceseos. Σισίνιος ἐπίσκοπος τῆς Ἡρακλεωτῆς μη-
 τροπόλεως τῆς Εὐρωπαϊκῆς ἐπαρχίας. *Sisinnius episcopus*
Heracleotarum metropolis, prouinciæ Europeanorum. Ἡ
 Εὐρωπαϊκῆς ἐπαρχία est Europa prouincia in qua
 sita, cum Heraclea, tum etiam Constantinopolis.
 Persuasum tamen habuerim & ferme pro certo, He-
 racleotam episcopū semper illum titulū vsurpasse
 exarchi Thracicæ diœceseos, sicut & illi duo supe-
 riores Asianæ & Ponticæ. Nam & postremis Græciæ
 imperatorum temporibus hunc eundem titulum
 vsurpauit, vt constaret ex Codino, aliisque recentio-
 ribus episcoporum Græciæ Notitiis. sic enim ille
 ibi proscribitur: ὁ Ἡρακλείας, πρεσβυτέρως τῇ ὑποφύμῃ
 καὶ ἑξάρχος πάσης Θράκης καὶ Μακεδονίας. πάσης Θράκης
 nomine sine dubio intelligitur πᾶν τὸ Θρακικὸν ἔθνος,
 hoc est Thracica diœcesis. sic ibidem Ephesinus
 episcopus totius Asiæ exarchus indigetatur, hoc
 est Asianæ diœcesis. ὁ Εφέσου ὑποφύμιος, καὶ ἑξάρχος
 πάσης Ἀσίας. quidquid horum fuerit, quod alibi
 pluribus suo loco expendemus, satis puto constare,
 Cæsariensem, Ephesinum & Heracleensem, tres
 illos episcopos, & antequam subderentur sedi
 Constantinopolitanæ, & postquam eidem subiecti
 sunt, nomine tantum ac titulo exarchos diœce-
 seon fuisse, reuera autem suarum duntaxat pro-
 uinciarum metropolitās. nihil enim iuris, nihil
 omnino iurisdictionis in ceteros diœceseos me-

metropolitanos habuere, sed solam honoris prælationem & prærogatiuam, ex eo quod primas præcipuasque in suis singuli diœcesibus prouincias regerent. hinc ipsi primarij præcipuique totius diœceseos metropolitæ & ceteris omnibus antelati, atque adeo totius etiam diœceseos exarchi propterea dicti. Ceterum metropolitæ illi quibus in tota diœcesi quantum ad honorem, antistabant, autocephali omnes fuere, & proprios episcopos suo iure ordinabant, & a Synodo prouinciæ suæ ordinabantur ipsi. Hoc idem porro & in aliis per Occidentem quoque diœcesibus vsitatum seruatumque licet obseruare, vt ex primarum prouinciarum dignitate, dignitas etiam accesserit earumdem præsulibus, vt qui scilicet primæ cuiuslibet in vnaquaque diœcesi prouinciæ præesset, toti etiam diœcesi velut præesse censeretur, ac totius quoque diœcesis primus episcopus vel primas diceretur. Africana in Occidente diœcesis fuit, sexque prouincias habuit: Africam ipsam, Byzacenam, Numidiam, Tripolitanam, Mauritaniam Sitifensem, Mauritaniam Cæsariensem. Harum prouinciarum primam fuisse Africam non dubium est. Africæ prouinciæ metropolis erat Carthago. Hinc episcopus Carthaginensis totius Africanæ diœceseos primus & maximus fuit metropolitanus. Hic si in Oriente fuisset, sine dubio dictus esset ἐξάρχης τῆς Αφρικῆς διοικήσεως, *Africanæ diœceseos exarchus*. Ceterum nec ipsi quicquam iuris aut potestatis datum fuit in alios prouinciarum Africæ metropolita-

nos: nec alio quam honoris titulo subiectos eos sibi habuit. nam neque illos ordinabat, sed a comprouincialibus episcopis ordinabantur. suos ipsi episcopos sine consensu Carthaginensis episcopi ordinabant. pleno itaque ac summo iure metropolitano fruebantur in suis singuli prouinciis. summa iudiciorum Ecclesiasticorum totius prouinciæ penes eos erat. Nam in causis episcoporum vel clericorum, ad eos prouocabatur, aut ad concilium vniuersale. Codex canonum Eccles. Afric. can. xxviii. *Vt presbyteri, diaconi vel ceteri inferiores clerici in causis quas habuerint, si de iudiciis episcoporum suorum questi fuerint, vicini episcopi eos cum consensu sui episcopi audiant, & inter eos definiant adhibiti ab eis episcopi: quod si & ab eis prouocandum putauerint, non prouocent ad transmarina iudicia, sed ad primates suarum prouinciarum, aut ad vniuersale concilium.* a primatibus igitur prouinciarum Africanæ diœceseos non dabatur prouocatio ad archiepiscopum Carthaginensem tanquam ad patriarcham, licet primus esset primas totius Africanæ, & proinde exarchus Africanæ diœceseos. canon xxv. eiusdem Codicis de iudiciis episcoporum, & clericorum causis: *quod si & ab eis episcopis prouocandum putauerint, non prouocent nisi ad Africana concilia, vel ad primates prouinciarum suarum.* primates autem & ipsi dicebantur, omnium Africanæ prouinciarum metropolitani haud secus ac Carthaginensis. ἀρχιεπίσκοποι igitur illi omnes primates erant. Nam & sine interrogatione alterius primatis poterant ordinari, nec minus &

ipsi episcopos suæ prouinciæ inconsulto alio primatē poterant ordinare. Hincmarus de eiusmodi primatibus, cap. xvii. *sed & quidam archiepiscopi vel metropolitani primates prouinciarum multoties in sacris canonibus inueniuntur, illi videlicet qui in loco defunctorum archiepiscoporum vel metropolitanorum ab episcopis vniuscuiusque prouinciæ sine interrogatione alterius primatis præualent ordinari, & ex antiquæ consuetudinis lege, a sede Apostolica pallij solent genio insigniri, & in loco decedentium episcoporum sine consultu vel licentia primatis alterius in sua prouincia quique possunt episcopos ordinare.* Tales fuisse primates Africanos notat idem paulo post: de quibus primatibus & Africæ prouinciæ concilia dicunt: quisquis, inquiens, episcoporum accusator, ad primatem prouinciæ ipsius causam deferat accusator. & item: qui prouocandum putauerint, ad primates suarum prouinciarum, sicut & de episcopis sæpe constitutum est, prouocent. *ἀποκρίσεις* igitur omnes fuere prouinciarum Africanæ diœceseos primates, sola honoris prærogatiua seruata Carthaginensi primati, ut primus scilicet inter illos primates esset, aut si vis etiam, primas primatum totius diœcesis, & vniuersæ Africæ patriarcha. præter illud *ἀπεστέγον τῆς τιμῆς*, hoc etiam priuilegium habuit archiepiscopus Carthaginensis, ut per vniuersam diœcesim Africanam dare & ordinare posset quos vellet & vnde vellet petentibus episcopos. qua in re, qui paria *ἀπεστέγον* episcopi Carthaginensis & Alexandrini fuisse putat, viri eruditissimi, valde profecto falluntur. omnes Africanarum prouinciarum primates, in suis sin-

Italia quoque omnis cum Sicilia, Sardinia &

Corfica, diœcesis fuit vna trium, quæ sub dispositione præfecti prætorio Italiæ diœceses erant. Hæc diœcesis ἐν τοῖς ἐκκλησιαστικαῖς a pluribus metropolitani administrabatur, omnibus pari iure parique potestate præditis, præsertim quantum ad episcoporum ordinationes attinet. siquidem singuli immediate suppositos sibi suos episcopos ordinabant, non requisito alterius primatis consensu. Hos inter Italiæ primates siue metropolitanos primus ac dignitate præcipuus fuit vrbis Romæ episcopus, qui prouinciæ Romanæ iure primatis siue metropolitani præsidebat, cuius prouinciæ episcopos immediate sibi subiectos, nulli alij primati subiacentes ipse consecrabat. & hæc est prouincia Romana quam vocat vetus Niceni sexti canonis Vaticanus interpres, quamque suburbicariis locis determinat, & quam Ruffinus suburbicariis ecclesiis circumscribit. Ea est denique quam Arabicæ versionis eiusdem canonis auctor in locis & ciuitatibus circa urbem Romam positis constituit. hæc, inquam, fuit metropolitana episcopi Romani prouincia, cuius metropolis vrbs Roma, quam *Romensẽ metropolim* vocat Notitia vetus, & in Etruria siue Tuscia collocat. Nam vrbs Roma in Tuscia prouincia. Ceterum si iure ac more vulgari omnium episcoporum vteretur episcopus Romanus, nec extra communia censendus esset, haud dubium est, quin ad exemplum ceterorum metropolitani qui primas sedes ac primarias prouincias in vnaquaque diœcesi tenebant, futurus

fuerit Italiae diœcesis primas vel exarchus vel patriarcha. hæc enim tria idem penitus sonant. & sane ita etiam dictus fuisset. Nam quod Ephesus & Asiae prouincia, in Asiana diœcesi, quod Heraclea in Pontica, quod Carthago & Africa proconsularis in diœcesi Africana, hoc Roma & prouincia Romana in Italia. Tertullianus de præscript. *age iam qui uoles curiositatem melius exercere in negotio salutis tuæ, percurre Ecclesias Apostolicas, apud quas ipsæ adhuc cathedræ Apostolorum suis locis præsidentur, apud quas ipsæ authenticæ litteræ eorum recitentur, sonantes vocem & repræsentantes faciem uniuscuiusque. Proximâ est tibi Achaia? habes Corinthum: si non longe es a Macedonia, habes Philippos, habes Thessalonicenses: si potes in Asiam tendere, habes Ephesum: si autem Italia, habes Romanam, unde nobis quoque auctoritas præsto est statuta. Romana porro illa Ecclesia nec iure nec nomine ultra prouinciam Romanam sese porrigebat, quod ad simplicium episcoporum ordinationes attinet. Nam quamuis esset primus Italiae metropolitanus, iure tamen suo ceteri Italiae metropolitani utebantur in consecrandis prouinciarum suarum episcopis, inconsulto Romano pontifice. Par igitur potestas & ἐξουσία fuit omnium Italiae metropolitanorum sub episcopo Romano; atque Africanorum sub Carthaginensi; Asianorum sub Ephesino; Ponticorum sub Cæsariensi; & Thracicorum sub Heraeleota. siquidem omnes superscripti metropolitæ αὐτεξούσιοι fuere, & αὐτεξουσίως suos quisque episcopos semper ordinauere. primatum honoris ha-*

bueretantum præfules illi, qui patriarcharum aut exarchorum diœceseos nomine toti diœcesi præerant, quia primis earum scilicet diœceseon prouinciis præsidebant. sic primus Italiæ metropolitanus, episcopus vrbis Romæ fuit, & per hoc primas etiam siue patriarcha totius Italicæ diœceseos. Diœcesis enim erat vna, Italia, non duæ, vt imperitissime magister noster & censor censet, qui Italiam in duas diœceses diuidit, quarum vna prouincias omnes suburbicarias complecteretur, altera Italiam speciali & angusta significatione sumptam. Italiam totam vna cum Sicilia, Sardinia & Corsica, diœcesim vnā fuisse ex tribus, quæ præfecto prætorio Italiæ parebant, iam in superioribus diximus. in Italiæ diœcesi principem locum obtinebat inter metropolitanos qui plures erant, episcopus Romanus, prouinciæ Romanæ metropolitanus, ac proinde dici potuit Italiæ totiusexarchus siue patriarcha, atque ita etiam dictus esset, si ad communem aliorum exarchorum siue patriarcharum modulum ac mensuram exigi deberet aut posset. At Roma non metropolis tantum Italiæ fuit, sed totius orbis: prouincia Romana non Italicarum modo prouinciarum & Italicæ diœceseos, sed omnium omnino prouinciarum prima: Ecclesia porro Romana non Italicarum duntaxat, sed vniuersarum per orbem Ecclesiarum caput fuit. vnde episcopus quoque vrbis Romæ, Ecclesiæ Romanæ sacerdos, prouinciæque Romanæ metropolita, non primus tantum Italiæ diœcesis metropolitanus,

politanus, sed omnium Ecclesiæ vniuersæ episcoporum, metropolitaram, primatum primas ac princeps dici haberique debet. Præterea inter Italiæ diœceseos prouincias, quæ septemdecim erant, prouincia Romana nusquam numeratur. non potest igitur inter eas prouincias primum habere locum, quæ nullum habet. Quare post episcopum vrbis Romæ, Romanæque primatem prouinciæ, nec Italiæ solum primum metropolitam, sed orbis vniuersi, qui primus in Italia metropolitanus fuit, eum quoque Italiæ diœceseos primatem siue patriarcham, quod idem est, fuisse pro certo habendum. non alius autem primus extitit quam qui primam in diœcesi prouinciam rexit. in vulgaribus Notitiis prouinciarum Italiæ primo semper loco Campania numeratur. Ceterum Campania non totius Italicæ diœceseos, sed earum tantum prouinciarum quæ sub dispositione vicarij vrbis erant, prima fuit. Eapropter quum ex dispositione vicariorum recensentur Italiæ prouinciæ, quia primo loco semper memoratur vrbis vicarius, & inter eas quas regebat prouincias prima erat Campania, quæ a consulari regebatur, ideo Campaniam Notitiæ fere omnes vulgatæ primam scribunt. Sed quum Italiæ diœcesis simpliciter in prouincias diuiditur, & per consulares rectoresque suos describitur, primum vbique locum obtinet, & in ordine semper prima ponitur Venetiarum cum Histria prouincia, quam consularis regebat, qui inter Italiæ consulares primus ac princeps recensetur in vtriusque

imperij Notitia. Hinc Venetiæ & Histriæ metropolitanus, patriarcha dicebatur, quia primam totius Italicæ diœceseos prouinciam curabat. quod pluribus sequenti capite confirmabimus.

Perpetuum vero hoc fuit in omnibus diœcesibus, vt primæ cuiusque in qualibet diœcesi primas, hoc est metropolitanus, primatum quoque totius obtineret diœcesis. sic ex quinque Lugdunensibus prouinciis, qui primæ Lugdunensis erat metropolita, secundum hanc regulam solus totius diœceseos exarchus fuit, totique diœcesi præfuit, & primas solus appellatus est, quum reliquarum Lugdunensium prouinciarum præsules, metropolitani tantum dicerentur. atque ita de ceteris per Gallias diœceseon exarchis siue primatibus, qui & patriarchæ passim ab auctoribus appellati leguntur. reuera enim patriarchæ fuere, hoc est exarchi diœceseon. nam ἑξάρχης τῆς διοικήσεως, & πατριάρχης τῆς διοικήσεως apud Græcos idem. Ex primatu itaque prouinciarum, primatus etiam sequebatur diœceseon, quarum illæ primæ prouinciæ fuere. Hinc veteres Notitiæ prouinciarum quæ in Bibliothecis reperiuntur, diligenter ac sedulo primarum in vnaquaque diœcesi prouinciarum nomina adnotata præferunt, hoc modo.

In Gallia prouinciæ xvii. prima Lugdunensis.

In Italia xvii. prima Campania.

In Africa vi. prima Carthago.

In Hispania vii. prima Tarracona.

In Illyrico xviii. prima Dalmatica.

In Thracia v. prima ipsa Thracia.

In Asia xii. prima ipsa Asia.

In Oriente x. prima Syria Cilicia.

In Ponto viii. prima Pontus Polemoniacus.

In Ægypto vi. prima ipsa Ægyptus.

In Britannia v. prima Britannia.

Tot numero fuere in utroque imperio diœceses, undecim nimirum, quarum sex habuit Occidentis imperium, quinque Orientis. quod verum quidem est si totum Illyricum xviii. prouincias complexum pro vna diœcesi computes. sed in Orientale & Occidentale diuidebatur. Orientale porro in duas diœceses, Macedoniam & Daciam. Macedonia diœceseos prima prouincia fuit Macedonia ipsa, & prouinciæ Macedoniae metropolis Thessalonice. hinc Thessalonicensis archiepiscopus totius Illyrici Orientalis exarchus, nec Macedoniae tantum, sed etiam Daciæ olim. sub Iustiniano Dacia suum patriarcham & exarchum habuit, Iustinianæ primæ archiepiscopum. Thessalonicensis autem, ut & alij diœceseon in Oriente exarchi, Constantinopolitano patriarchæ tandem subiectus est, & in ordinem metropolitaram redactus. Hic vicarius olim fuit summi Pontificis per Illyricum Orientale. in cuius vicariatum successit Iustinianæ primæ archiepiscopus sub Iustiniano. quem vide Nouella cxxiii. Πολυτάλειον autem gestabat Thessalonicensis, quod erat insigne patriarcharum, ut & reliqui diœceseon exarchi. & more patriarcharum scribebat, *ὡς μετεώτης ἡμεῖς*, cum reliqui

metropolitæ scriberent, etiam Ephesus & Cæsariensis atque Heraclienfis, ἡ ταπεινότης ἡμῶν. Formularium vetus: μητρολίτῳ δὴν οὐκ οἶδα μὲν γράφοντα, ὃ μετείτης ἡμῶν, εἰ μὴ μόνον τὸν Θεσσαλονίκης ἐν τοῖς ἡμῶν αἰσίν. ἐγγράφον ἡ τῆς νεωστὶ ἐν ταῖς ἡμέραις βασιλείας Καίσαρος ζυγού, ὅτε καὶ οἱ πρῶτοι τῶν Θεσσαλονικέων ἐκκλησιαστικῶν ἔβδλην τοὺς συναγωγὰς ἐν τοῖς σκιαδίοις αὐτῶν. sed de his alibi. Aliæ porro aliis temporibus primatum in singulis diœcesibus obtinere prouinciæ. de quo nos quoque alias plura. Supra memorata Notitia Thraciam primam facit ex Thraciarum prouinciis. Rufus quoque Festus in Breuiario Thraciam prouinciam Thracicæ diœceseos primam constituit. in vtriusque vero imperij Notitia, prima ponitur Europa. Hierocles quoque apud Constantinum de Thematibus primam recenset Europam inter Thracicæ diœceseos prouincias. primam eam fuisse Thraciarum non aliud maius indicium est, quam quod Heracleæ episcopus, & Europæ metropolitanus, vniuersæ Thracicæ diœceseos exarchus dictus est. Hoc eodem argumento probatur non Pontum Polemoniacum, vt veteres Notitiæ præferunt, sed primam Cappadociam, totius Ponticæ diœcesis habitam esse primam prouinciam. Nam Cæsareæ Cappadociæ antistes, toti diœcesi Ponticæ præsidebat, & exarchus vniuersæ illius diœcesis dicebatur. Inter Italiæ xvii. prouincias Notitia illa Campaniam primam facit. nos rationem supra reddidimus. Nam dubium non est quin Venetia cum Histria fuerit prima Italiæ pro-

uincia. Hinc huius prouinciæ metropolitanus patriarcha olim dictus est. In reliquis omnia fere conueniunt, quod ad primas singularum diœceseon prouincias attinet. in singulis porro prouinciis, quæ primæ vrbes fuerunt, eæ quoque primos habuerunt episcopos, qui & metropolitani & primates dicebantur totius prouinciæ. Eadem Notitia singularum prouinciarum primas quasque ciuitates etiam notatas exhibuit, sed in plerisque eas pro primis posuit, quæ primæ non fuerunt, aut primæ esse desierunt. in Asiana prouincia Ilium primam numerat; secundam, Ephesum. Ephesum Asiæ prouinciæ primam fuisse ciuitatem, vt Asiam diœceseos Asiæ primam prouinciam, notum lippis & tonsoribus. Inde Ephesi metropolita, Asiæ quoque diœceseos exarchus & patriarcha. Verum hæc latius & accuratius exequemur in nostro de sacris & ciuilibus prouinciis commentario.

Primatum autem illorum, siue exarchorum diœceseon, & patriarcharum, qui primæ cuiusque in diœcesi prouinciæ præfules erant, & propterea toti quoque diœcesi præerant, auctoritas præcipue ac dignatio spectabatur, in conuocandis atque indicendis totius diœceseos Synodis, quibus & præsidebant. Huiusce generis concilia generalia dicebantur & plenaria, atque etiam vniuersalia, ex vniuersa nempe diœcesi congregata, & sub vno primate diœcesis siue patriarcha celebrari solita. Talia olim celebrata sunt Africana concilia sub

Carthaginensi primate: Antiochena sub exarcho
 diœceseos Oriëntalis, hoc est patriarcha Antiochiæ:
 Gallicana ex diœcesi Galliarum sub Lugdunensis
 patriarcha: Romana sub Romano ex tota Italia,
 quale illud fuit, quod sub Agathone celebratum
 est, ex omnibus Italiæ prouinciis. & sic de ceteris.
 de his Conciliis auctor incertus & ineditus, qui de
 subcælesti hierarchia scripsit, ita loquitur lib. ii.
 cap. x. *generalia concilia sunt, quæ sub uno primate cele-*
brantur, ut Lugdunense, Lateranense, quæ sub uno
patriarcha celebrata fuerunt. vniuersalia vero proprie
designantur, quæ communia sub patriarchis omnibus fiunt,
ut Nicenum, Chalcedonense, Constantinopolitanum, &
similia. idem auctor paulo post: generalia conuocantur
& instituuntur a primate quolibet, metropolitanorum
tamen consilio, ut habetur in Carthaginensi Concilio capi-
tulo xviii. vniuersalia autem concordia primatum om-
nium aduocantur, temporali etiam principe annuente.
 vniuersalia vocat *ἡ οἰκουμένη*, quæ ab generalibus
 distinguit, cum tamen & ipsa etiam vniuersalia
 dicta fuerint, ex vniuersa diœcesi nempe conuo-
 cata. idem lib. iv. cap. xvii. dicit sex esse regularum
 Ecclesiasticarum species: primam quæ omnibus
 est communis, Euangeliorum & sanctæ scripturæ,
 quoniam obligat Christianos & infideles: secun-
 dam Catholicam & vniuersalem, quattuor sancta-
 rum vel octo Synodorum: tertiam generalem, ca-
 nonum scilicet primatum vel patriarcharum:
 quartam prouincialem, quæ est canonum metro-
 politanorum: quintam episcopalem, id est specia-

lem, scilicet Synodi diœcesanorum: sextam singularem, scilicet regularem, quæ est religiosorum. eas autem sic explicat: *tertiaregula siue canon est generalis, primatum videlicet constitutiones vel patriarcharum, sicut Latinorum, Græcorum, Indorum, Gallicorum, Anglicorum & similium, & talis debet esse semel in anno, sed aliæ inferiores pluries. Generalis autem vel primatialis dicitur quia solum constringit homines regionis illius, qui in illam ab initio consenserunt. quarta prouincialis, id est metropolitanoꝝ & comprouincialium episcoporum, prouinciales tantum adstringit. quinta episcopalis, specialis scilicet præsulũ & diœcesaneorum suorum, quæ ciues & diœcesaneos tantum complectitur.*

Sciendum porro est, quum tot exarchi id est primates diœceseon, siue patriarchæ fuerint, quot diœceses, non eadem tamen omnibus iura ac priuilegia vel prærogatiuas fuisse, sed aliis alias maiores minoresve, nec parem omnes auctoritatem ac potestatem in suis diœcesibus habuisse. fuere qui præter honoris prærogatiuam, & titulum patriarchæ vel exarchi diœcesis, nihil admodum iuris aut potestatis haberent in ea diœcesi cuius exarchi dicebantur. excepta enim prouincia metropolitana, cuius sollicitudinem gerebant, & quæ totius erat diœceseos prima, nihil in ceteris prouinciis diœceseos curabant, nec vllum imperium vel iurisdictionem in ceteros metropolitanos exercebant. pari potestate suas singuli administrabant prouincias. honore præcellebat ille tantum, qui primam regebat, & exarchus siue primas vel patriarcha

etiam diœceseos audiebat. tales erant exarchi Ponticæ, Asianæ, & Thracicæ diœceseos. Fuere quibus præter hunc honoris primatum, aliquid amplius datum fuit, vt archiepiscopus Carthaginensis, totius Africanæ diœceseos exarchus, cui potestas concessa erat, vnde vellet, & quos vellet in tota Africana diœcesi ad desiderium petentium episcopos creandi consecrandique. in Hispaniarum diœcesi hoc idem iuris tributum est Toletano patriarchæ. poterat enim in quibuscumque prouinciis, episcopos quos vellet ordinare. & hæc illi licentia Concilio Toletano xii. concessa legitur. sed nec ille nec archiepiscopus Carthaginensis subiectæ sibi diœceseos metropolitanos vnquam ordinauit, nec episcoporum qui sub metropolitanis erant ordinationes vsurpauit. omnes enim Africanæ diœceseos metropolitæ, qui suarum singuli prouinciarum primates erant, quantum ad episcoporum ordinationes attinet, plenam *αὐθεντία* habebant, & pleno iure metropolitico fruebantur, & ipsi a suis comprouincialibus consecrabantur. Patriarchæ vero fuere quidam, qui solos metropolitanos diœceseon sibi subiacentium ordinarent, simplicium autem episcoporum ordinationibus minime sese immiscerent, pleno iure seruato metropolitæ sub quibus erant, circa eorum ordinationes. tali genere ac iure vsus est patriarcha Constantinopolitanus in tribus diœcesibus sibi subditis, Asiana, Pontica & Thracica: Nam vt soli earum diœceseon metropolitani ab eo ordinarentur,

canone

canone xxviii. Synodi Chalcedonenſis ſancitum eſt. quod etiam eiufdem Concilij geſta teſtantur act. xvi. his verbis: *χρῆται δὲ τὸν ὁσιώτατον ἐκκλησιαρχὸν τῆς βασιλείδος Κωνσταντινουπόλεως νέας Ῥώμης τῇ αὐτῇ πρεσβείῳ τῆς ὑμῶν ἀπολαύσει, καὶ αὐτὸν εἰς αὐθεντίας ἐξουσίας ἔχει τῶν κληρικῶν τῶν περὶ μητροπόλιν, ἐν τε τῇ Ἀσιαῇ καὶ Γοιτικῇ καὶ Θερρικῇ ταῖς διοικήσεσιν.* Supraſcriptarum porro diœceſeon metropolitæ, ciuitatum ſibi ſubiectarum episcopos proprio iure & auctoritate ordinabant, inconfulto patriarcha Conſtantinopolitano. eadem acta ibidem: *περὶ μὲν τοὶς πόλιν ὁσιώτατοις ἐπίσκοποις κληρικῶν αὐτῶν πρεσβύτερων ἢ τῇ πλείονι τῆς ἐκκλησίας ἀλαβείσας ἐπίσκοποι, ὃ κῶρος ἔχοντες τῶν μητροπολίτεω καὶ τὸν κείμενον πατέρων χαρμόνα, καὶ μηδὲν ἐπικοινῶντος ταῖς ἐκείνων κληρικαίαις τῶν ὁσιώτατου ἐκκλησιαρχοῦ τῆς βασιλείδος Κωνσταντινουπόλεως.* Nullus ad hoc exemplum in Occidente toto fuit patriarcha, qui per diœceſim ſcilicet ſibi ſubiectam metropolitæ ſingulari auctoritate ordinandi po-teſtatem habuerit. ne episcopus quidem Romanus in Italia id iuris olim habuit, cuius exarchus ſpecialis dici viderique poterat. antiquo enim ac peruulgato primitiuæ Eccleſiæ more, metropolitani omnes a comprouincialibus episcopis ordinabantur, ſine cuiuſquam primatis vel patriarchæ permiſſu. Poſtea vero, vt mores & ritus & omnia ſubinde mutantur, hoc iuris non ſolum in Italia, nec in Occidente, ſed etiam in Oriente & per totum orbem ſibi vindicauit episcopus orbis Romæ, vt metropolitanos ipſe & patriarchas conſecraret,

Yy

vel pallij missione confirmaret. si quando igitur Italiae metropolitanos consecrauit episcopus vrbis Romæ, vel consecrandis assensum præbuit, non tanquam specialis Italiae primas aut patriarcha id fecit, nemo enim primas aut patriarcha in Occidente hoc habuit, sed tanquam vniuersalis Ecclesiae episcopus, & patriarcharum patriarcha: quo nomine non solos vniuersae Ecclesiae metropolitanos, sed etiam primates dioceseon, patriarchasque ipsos per pallij missionem consecrabat & confirmabat. Sed vt ad rem redeamus, longe maiorem quam supradicti omnes patriarchæ, longe ampliorum ac pleniorum *ἡγεμονίας καὶ αὐθεντίας* in sua vterque diocesi, quasi antiquo more sibi vsitatam ac debitam vsurparunt, Alexandrinus & Antiochenus antistites. Nec enim metropolitaram tantum, sed omnium omnino episcoporum ex omnibus prouinciis sibi subiectis ordinationes in sua potestate habuerunt, adeo vt nemo posset metropolitanus episcopum vllum per illas dioceses ordinare, sine consensu & auctoritate Alexandrini vel Antiocheni episcopi. parem igitur & eandem plane potestatem habuit in vniuersa Ægyptiaca diocesi patriarcha Alexandrinus, & in Orientali Antiochenus, quam Romanus in metropolitana sua prouincia, quamque ceteri omnes metropolitani in illis prouinciis quos metropolitico iure regebant. quamobrem Nicenus sextus ille canon, qui metropolitanis omnibus Ecclesiis iura sua ac priuilegia seruari debere sanxit, Alexandrinum episcopum,

Ægypti, Libyæ & Pentapoleos, hoc est vniuersæ
 Ægyptiacæ diœceseos metropolitam vel ab anti-
 quo sic fuisse agnoscit, vt episcopus vrbis Romæ
 prouinciæ Romanæ fuit metropolitanus, ac ceteri
 omnes vrbium metropoleon episcopi, suarum
 singuli fuere prouinciæ metropolitani. Nam
 quoad episcoporum ordinationes, in quibus præ-
 cipue iura metropolitanorum consistunt, ius idem
 antiquo more habuit episcopus Alexandrinus per
 totam diœcesim sibi subiectam, quod quilibet me-
 tropolitanus in sua prouincia. Hoc etiam aliquan-
 do concessum fuisse legimus patriarchæ Constan-
 tinopolitano, in persona Attici, vt nisi ex eius sen-
 tentia & auctoritate nemo ordinaretur episcopus.
 sed quum successor Attici Sisinnius hoc idem
 vsurpare vellet in ordinatione episcopi Cyziceni,
 dictum illi est, priuilegium illud personæ datum
 fuisse non sedi. Socrates hist. Eccles. lib. vii. cap.
 xxviii. *Ἐ τῶτο ἐποίησαν, ἀμνηστῶντες τὸ νόμου τὸ κελεύοντος,
 ὡς καὶ γὰρ ὁ μὲν τῆς ἐπισκοπῆς Κωνσταντινουπόλεως, χρεοῖται
 ἐπισκοπῆς μὴ γίνεσθαι. ἠρδῆσαν δὲ τῶ νόμου τούτου, ὡς
 Ἀπὸ καὶ μόνον εἰς πρῶτον τοῦ καὶ κατεθέντος.*

Ex patriarchis igitur siue diœceseon primatibus,
 alij solum honoris primatum, & titulum patriarchæ
 in diœcesi habuere, vt Asianæ, Ponticæ, & Thracicæ
 diœceseon primates alique omnes in Occidente
 primates, quicunque patriarchæ aut appellati sunt,
 aut fuere reuera. nam *ἐξάρχος διοικήσεως*, & *πατριάρχης
 διοικήσεως* idem est. & hoc sensu patriarcha quoque
 & primas idem. Aliis præter honoris prærogatiuam

Y y ij

primati diœceseos iure debitam, metropolitanorum etiam *Ἀρχιεπισκοπία* attributa est, vt patriarchæ Constantinopolitano. alij non solum metropolitatarum, sed etiam episcoporum simplicium per vniuersas sibi subiectas prouincias ordinationem singulari sibi iure & auctoritate defenderunt, vt Alexandrinus & Antiochenus patriarchæ. Ante hos omnes vero patriarchas, & super omnes episcopus Romanus, summusque idem Pontifex, vt totius Ecclesiæ caput, & patriarcharum coryphæus, pro illa plenissima & amplissima potestate, quam in Ecclesia Dei habere se intendit, non solum metropolitanorum omnium qui sibi ipsi caput sunt, quos Græci *ἀρχιεπίσκοποι* vocant, sed etiam primatum patriarcharumque ordinariam ac legitimam consecrationem, summamque Ecclesiæ vniuersalis administrationem sibi vindicauit. Ceterum hic idem ille summus Ecclesiæ rector & Petri successor, prouinciæ Romanæ metropolitanus erat, & extra illam prouinciam quos immediate ordinaret, episcopos nullos habebat. qua de re dicendum erit capite huiusce dissertationis quinto & vltimo.

Ex metropolitanis porro, hoc est prouinciarum primatibus, alij fuere qui nullius patriarchæ præmisso vel requisito consensu, cum ipsi ordinabantur a comprouincialibus episcopis, tum episcopos subiectarum sibi ac suffraganearum ciuitatum ordinabant. Hoc iure olim ac more vfi, Italiæ, Africæ, Galliarum, Hispaniarum, & totius Occidentis metropolitani, & magna ex parte Orientis,

qui quantum ad hoc *ἀρχιεπίσκοποι* omnes erant, licet aliis primatibus subessent, quibus id honoris & prærogatiuæ concessum fuit, propter prouinciæ primariæ cui præsidebant dignitatem, ut totius diœcesis primates dicerentur. Alij vero episcoporum quidem sibi subditorum liberam nec ab ullius patriarchæ auctoritate dependentem ordinationem habuere, sed ipsi a patriarcha qui toti diœcesi præerat, ordinabantur, & sic pæne ad plenum illi patriarchæ subiacebant, a quo *τὸν Ἀρχιεπίσκοπον* accipiebant. tales erant sub patriarcha Constantino-politano Asianæ diœceseos, Ponticæ & Thracicæ metropolitani omnes, cum exarchis tribus illarum diœceseon, postquam superscriptæ Regiæ urbis sedi subiecti sunt. Alij porro metropolitani, penitus & ad plenum patriarchæ illius cui subiacebant, iugum & imperium subiere. nam nec ipsi ordinari, nec suorum episcoporum ordinationem facere, sine consensu & conscientia patriarchæ diœceseos poterant, nec quicquam omnino gerere, aut administrare in propria prouincia, sine eius auctoritate. Ex hoc genere fuere omnes Ægyptiacæ diœceseos & Orientalis metropolitæ, sub patriarchis Alexandrino & Antiocheno. Præcipue vero hoc *ἰσχυρὸν καὶ ἐξουσίαν* patriarcha Alexandrinus habuit, ut nihil rerum geri in tota Ægypti diœcesi potuerit, nullus episcopus creari constituique ipso inconsulto: ut constat ex Niceno sexto canone, & Chalcedonensi trigésimo, atque eiusdem Concilij gestis, actione iv.

Hæc de variis patriarcharum metropolitaramque priuilegiis ac iuribus, ideo fusius differenda duximus, ut sciri posset, quod *ἐπισκοπῶν* in suis quisque diœcesibus olim habuerint exarchi Asianæ, Ponticæ, & Thracicæ diœceseon. Nam & ipsi patriarchæ dicebantur, & *πατριάρχαι* hoc est diœcesibus præerant. Constat autem ex iis quæ superius nec alios metropolitanos per diœcesin ut ordinarerent moris habuisse, nec quidquam iuris illis in eos competisse, sed solo honoris primatu, dignitatisque prærogatiua ceteros in diœcesi antecessisse metropolitans, ob eam quam superius exposuimus rationem. sic patriarchæ nomine pæne tantum tenus erant, qui nullos metropolitanos ordinarerent, nihilque iuris aut iurisdictionis in eos haberent, idque priusquam sedi Constantinopolitanæ subderentur. postquam ei subiecti sunt, etiam si quid antea iuris aut prærogatiuæ habuissent, id omne perdidissent, ubi ceteris scilicet metropolitans exæquari cœpti sunt, & in ordine metropolitaram repositi ab illa sede cum reliquis ordinandi. atqui certum est, Chalcedonensis Concilij tempore, & longo ante illud tempus tempore, superscriptos exarchos, patriarchæ Constantinopolitano subiectos fuisse, & ab eodem ordinari solitos, cum reliquis omnibus metropolitans, Asianæ & Ponticæ & Thracicæ diœceseon. quod præter illa quæ superius ad hoc confirmandum adduximus, manifeste ac liquido comprobatur epistola Synodi Chalcedonensis ad Leonem Papam scripta. scri-

bunt in ea patres Chalcedone congregati, cum iam pridem moris haberet patriarcha Constantinopolitanus, metropolitae Asianae, Ponticae & Thracicae diocesis consecrare, ius hoc illi confirmandum censuisse, non tam ut aliquod dignitatis incrementum sedi eius conferrent, quam ut seditiones ac dissensiones populi & cleri vitarentur, quae vulgo oriri solebant, sedibus vacantibus superscriptorum metropolitae, & praecipue Ephesini. verba Epistolae haec sunt: ὁ γὰρ ἐκ πολλοῦ κρατῆς ἔθος, ὅπως ἔχει ἡ Κωνσταντινουπολιτὴν ἀγία τῷ Θεοῦ ἐκκλησία. εἰς δὲ χριστοῦς μὴ ἐπολύτας τῶν διοικήσεων τῆς τε Ἀσιατικῆς, καὶ Ποιρικῆς καὶ Θρακικῆς, ἢ ἡμεῖς σὺν δικῶν ἐκκυρώσασθαι ψήφοι, ὅσους τὰς θείας τῆς ἁγίας Κωνσταντινουπόλεως πρεσβυτέρους, ὅσοι ταῖς μὴ ἐπολέσι πᾶσι διτάξιαι φερυτὰρ βύοντες, ἀλλὰ δὲ πολλοὺς πολλὰς, τελευτῶντων τῶν ἐπισκοπῶν αἰακύνθησιν ἰσχυροῖς, ἀνηγεμμένων ὄντων τῶν ἐν αὐταῖς κληρικῶν τε καὶ λαϊκῶν, καὶ ἐκκλησιαστικῶν ἔξιν συλχόντων. ὅπως ὁδοὶ πᾶσι ὑμετέροις ἔλατῃ ἀγιότητι, μέλιστα τῶν Εφεσίων εἴκεν, πλεονάκας ὑμῶν διανοχλῆντων. videnda etiam sunt acta eiusdem Synodi actione xi. in causa Bassiani & Stephani, qui ἐπισκοπῶν Ephesi inuasent. Nam quum de alio episcopo in eorum locum subrogando & ordinando ageretur, & quaestionis esset vbinam & a quo ordinari deberet, Asianae provinciae episcopi in vrbe Ephesina ordinandum esse, a comprouincialibus nimirum episcopis contendebant. Hunc morem a sancto Timotheo per septem & viginti episcopos deductum obtinuisse, ut episcopus Ephesi in prouincia consecraretur ab epi-

scopis Asiæ provinciae cuius erat metropolis Ephesus. Constantinopolitanæ vero Ecclesiæ clerus intendebat contra, & in vrbe Constantinopolitana, & a Constantinopolitano patriarcha consecrandum esse metropolitē Ephesinum: hoc de more ac de iure sedis illius esse. sic Basilium consecratum iam fuisse. Iohannem Constantinopolis Regiæ vrbis patriarcham iam antea per Asianam diocesim quindecim episcopos deposuisse. cum autem variis acclamationibus hinc inde certaretur, clerici Constantinopolitani clamarunt: *Ὁ τῶν πατέρων τῶν ρι' κρατεῖται. τὰ πρεσβύμια Κωνσταντίνης πόλεως μὴ σπόλῃται. ἡ χερσὶνία κατὰ τὸ ἔθος ὑπὸ τῶ ὧδε δεξιῇ πιπύπου ῥήνται.* vt hinc liqueat verum esse quod supra notabamus, Constantinopolitanos patriarchas ius illud metropolitæ consecrandi per Asianam, Ponticam & Thracicam diocesim ex Concilio CP. primo sibi adrogauisse, & hanc licentiam ab illo tempore vsurpauisse, quæ a Concilio demum Chalcedonensi ad plenum confirmata est. quapropter tempore iam Synodi Chalcedonensis, vt certissimum est, & episcopum Ephesinum exarchum Asiæ dioceseos; & Cæsariensem qui Ponticæ; & Heracleotam, qui Thracicæ dioceseos exarchus dicebatur, cum ceteris illarum diocesum metropolitæ patriarcha Constantinopolitanus ordinabat. quod si igitur tres supra dicti exarchi nullam iam tum iurisdictionem habuere, nullam in alios metropolitæ potestatem, quis de illis exarchis interpretari poterit nonum canonem Chalcedonensem,

sem, qui episcopum vel clericum cum metropolitano proprio litigantes, exarchum diœceseos adire debere constituit? Hoc certe nemo possit, nisi si communi sensu plane careat, aut sensu, qualem Sirmondus habet, abundet. Sed Balsamo ita interpretatus est? quid si Balsamo nugatus est? quasi parum esset nugator vnus, solum esse noluisti. Atqui considerasse te oportuit, quod idem addit Balsamo: *αρχόντων* illud exarchorum, hoc est metropolitaram qui diœceseon erant primates, sua ætate, nec vim nec vsum vllum habuisse. nam etsi exarchi diœceseon metropolitæ tum quidam dicerentur, nihil tamen illius iuris aut iurisdictionis in alios metropolitas datum fuisse. oportere igitur aut illos alios esse exarchos quam de quibus agit canon Chalcedonensis, aut eosdem quidem, sed non eadem, quæ olim priuilegia habere. Iam ex te libet quærere, ὧ καλὲ διδάσκαλε, an putes Balsamonem verba canonis Chalcedonensis de illis exarchis hoc est diœceseon metropolitæ interpretaturum esse, si sciuisset Chalcedonensis Concilij tempore non maiorem eos quam sua ætate potestatem habuisse aut prærogatiuam? nunquam sane fecisset, nec tam stipes fuisset. nunc quum tam multis ostenderim nihilo plus iuris illos habuisse, nec olim priusquam subiecti essent Constantinopolitanæ sedi, nec postquam eidem subiecti sunt, nullaque maiore prærogatiua subnixos fuisse tempore Synodi Chalcedonensis, quam Balsamonis ætate: quid inde sequitur, nisi properos ac nugaces

Z z

interpretes esse, qui de illo exarchorum genere putauerint accipiendos canones nonum ac decimum septimum Concilij Chalcedonensis?

Nunc quærendum est, quum sic apertis ac discretis verbis superscripti duo canones metropolitam ab exarcho diœceseos distinguant, quid tamen Græcos mouerit, ut per exarchum diœceseos, aut prouinciæ metropolitam, ut Zonaras; aut metropolitam diœceseos ut Balsamo, intelligendum putarent. Pro certo habuerim, eos ad vocem tantum exarchi respexisse, quomodo illo tempore accipiebatur, & sub patriarchatu quidem Constantinopolitano. Sciendum est igitur tres veluti classes atque ordines metropolitanorum sub patriarcha Constantinopoleos fuisse. vnum eorum genus fuit, qui metropolitæ simpliciter dicerentur. hi nec ullis episcopis præerant, nec ullam prouinciam sub se habebant: honorarij tantum erant metropolitæ, & solo nomine metropolitanarum decorabantur, & *ὑποτίμωι* duntaxat inscribebantur, non etiam exarchi, quia nullam *ἐξαρχίαν* haberent, hoc est nullam prouinciam, cuius exarchi dici possent. In secundo ordine fuere metropolitæ omnes veri legitimique & communes, qui singulas scilicet prouincias regebant, & earum quibus præerant prouinciarum exarchi ut erant reuera, sic etiam dicebantur. hi sunt qui *ὑποτίμωι καὶ ἐξάρχωι* nuncupabantur. Tertia porro classis, quæ prima & honoratissima, generis huiusce metropolitanarum fuit, qui non singulis tantum prouinciis, sed integris diœ-

cessibus, honore saltem ac nomine tenus præsidebant. atque isti ὑποτίμοι ὑποτίμων καὶ ἐξάρχαι inscribi solebant, quasi dicas, metropolitæ metropolitærum, & exarchi diœceseon. Ex hoc genere atque ordine tres tantum metropolitani fuere sub patriarcha Constantinopolitano; Cæsariensis nempe metropolita, qui Ponticæ diœceseos, Ephesinus qui Asianæ, Heracleota qui Thracicæ vocabantur exarchi. inter metropolitas igitur sedi Constantinopolitanæ subiectos, alij ὑποτίμοι tantum erant, alij ὑποτίμοι καὶ ἐξάρχαι τῶν ἐπισκοπῶν; alij vero ὑποτίμοι τῶν ὑποτίμων καὶ ἐξάρχαι τῶν διοικήσεων. alij metropolitæ tantum & honoratissimi: alij honoratissimi & primates prouinciarum: alij honoratissimorum honoratissimi, & primates diœceseon. qui metropolitæ tantum dicebantur & ὑποτίμοι, ideo ἐξάρχαι dici non poterant, quia nec episcopos nec prouinciam sub se habebant, cuius ἐξάρχαι viderentur. ut re ergo carebant, sic & nomine. Græculi vero interpretes cum in illo nono Chalcedonensi canone eam metropolitani & exarchi diœceseos, & patriarchæ Constantinopolitani mentionem fieri viderent, persuaferunt sibi, de solo patriarchatu Constantinopolitano, ac de clericis & episcopis metropolitisque solis sub illa sede constitutis conditum eum fuisse. hinc illi ἐξάρχαι διοικήσεως in eo canone, de metropolitæ prouinciarum aut diœceseon exarchis, qui sedi Constantinopolitanæ parebant, accipere. μητροπολίτω vero de illo genere metropolitærum qui nec exarchi prouinciarum erant nec diœ-

ceseon, sed metropolitæ tantum dicebantur, & a metropolitæ qui exarchi fuere distinguebantur. Ad eum igitur modum putauerunt iudicia debuisse exerceri in foro Ecclesiastico sub patriarcha Constantinopolitano, & hos gradus iurisdictionis esse, ut episcopus vel clericus cum illo metropolita contendens qui exarchus non esset, iudicem haberet metropolitam illum qui exarchus erat vel provinciæ vel diœceseos, aut certe patriarcham Constantinopolitanæ sedis. atque ita specialiter de solis clericis & episcopis C P. sedis, non vniuersaliter de omnibus constitutum illud factum esse a patribus Synodi Chalcedonensis interpretati sunt. si enim *ἐξάρχης διοικήσεων* in illo canone de illis exarchis accipimus, quos intellexit Balsamo, & de quibus intelligendum censet censor, tum specialem omnino canonem illum, non generalem fuisse dicamus necesse est, ac de solis patriarchatus C P. clericis tantummodo conceptum, non in vniuersum de omnibus enuntiatum. certum quippe est, huiuscemodi exarchos siue metropolitas diœceseon, quales in illius canonis interpretatione vult intelligi cum Balsamone hic magister noster, nusquam alibi in toto Oriente extitisse quam sub patriarcha Constantinopolitano. nullus siquidem in Oriente patriarcha, nec in Occidente quidem subiectos sibi diœceseon exarchos habuit, præter Constantinopolitanum. atque ille tres habuit sub se duntaxat tales, exarchum nempe Asianæ diœcesis, exarchum Ponticæ, & exarchum Thracicæ. At isti plano sunt

exarchi, de quibus canonem supraſcriptum exponunt Sirmondus & Baſamo. Specialis igitur ac *ἑκτικός* ille canon, & ſpecialiter enuntiatus, & propter ſolos clericos & epiſcopos & metropolitanos Conſtantinopolitanæ ſedi ſubditos factus, non generalis nec vniuerſalis, vt dectuit & oportuit in concilio œcumenico, quale fuit Chalcedonenſe. omnino igitur ſecundum illam expoſitionem, ſpecialiter & *ἑκτικός* conceptus & conſtitutus accipi deberet ille canon. alias quam abſurdum eſſet, dicere, vel etiam cogitare, decretum fuiſſe a Synodo vt cuiuſcunque per Orientem diœceſcos epiſcopi vel metropolitani, & ſub quocunque patriarcha conſtituti, inter ſe litigantes iudicem ac diſceptatorem acciperent vnum ex illis exarchis, qui patriarchæ Conſtantinopolitano parent, aut certe patriarcham ipſum Conſtantinopolitanum? aut abſurditas incurrenda eſt, aut ille canon ſpecialiter exponendus eſt. atqui non poteſt ita etiam exponi niſi abſurdiſſime. nec enim de clericis & epiſcopis aut metropolitanis ſub patriarcha Conſtantinopolitano magis, quam de aliis quibuſlibet, & quocunque ſub patriarcha poſitis hoc conſtitutum feciſſe Synodi Chalcedonenſis patres certifiſſima res eſt. de omnium quippe clericorum & epiſcoporum iudiciis in vniuerſum hoc ita ſanxere. nec aliam veteres quam vniuerſalem & vniuerſaliter conceptam huius canonis ſententiam fuiſſe interpretati ſunt. Iuſtinianus Nou. cxxiii. Gregorius Magnus epiſt. lvi. lib. xi. ſic enim ex illo canone iudicia

Zz iij

Ecclesiastica celebrari oportere, & hunc ordinem habere constituerunt, ut ab episcopo ad metropolitam provinciae, a metropolitano ad exarchum diœcesis, quem illi patriarcham diœcesis vocant, dirimendae ac terminandae clericorum causae dirigerentur. verba Iustiniani ex supradicta Nouella hæc sunt: Εἰ δὲ κατὰ μητροπόλιτον ὑγιαίνῃ προσέλθῃσι γῆνται, εἴτε πρεσβυτέρου, εἴτε πρεσβυτέρου κληρικῶς ἢ διῆς οἰσδὴποτε πρεσβυτέρου, ὁ τῆς διοικήσεως ἐκείνης μακαριώτατος πατριάρχης καὶ τὸν ὁμοιον ἔπον ὁ πρεσβυτά κρινέτω. ubi πατριάρχῃ διοικήσεως vocat imperator, qui ἑξάρχος διοικήσεως in canonibus dicitur. patriarcham diœcesis appellat similiter Gregorius epistola suprascripta: *Et si quis iudicatis contradixerit, ad beatissimum archiepiscopum & patriarcham diœceseos illius referatur causa, & ille secundum canones & leges huic præbeat finem.* sic primas diœceseos, quod alia vetus habet versio, & patriarcha diœceseos, & exarchus diœceseos omnino idem sunt. quod autem in canonibus Synodi Chalcedonensis additum legitur, ἢ πρεσβυτέρῳ τῆς βασιλευσσης Κωνσταντινουπόλεως δεόντω διαζέσθω, hoc iam diximus ut in fauorem ac prærogatiuam patriarchæ Constantinopolitani adiectum, & contra ius commune & regulam positum, ideo nec obseruatum ab Ecclesia fuisse, & a Iustiniano propterea omissum.

Exarchus igitur diœceseos in illis canonibus non est metropolita diœceseos, quales fuere numero tres sub episcopo Constantinopolitano, sed patriarcha diœceseos, qui metropolitanos sibi suppositos haberet plures, & iurisdictionem in eos exer-

cere iure posset. quod ius nunquam habuere tres illi exarchi siue metropolitæ diœceseon, qui sedi Constantinopolitanæ subiacebant. nihil enim iurisdictionis datum illis vnquam fuit in ceteros metropolitas, nec aliud ipsi fuere quam metropolitæ, nec aliter appellati sunt, postquam Constantinopolitanæ sedis archiepiscopum, tanquam suum patriarcham, καὶ πατέρα ἑξάρετον agnoscere cœperunt. Ex eo tempore ἑξίς & nomen μητροπολίτης habuere tantum, retento tamen titulo exarchorum diœceseos, licet reuera, exarchi prouinciarum singuli suarum dumtaxat essent. Canon igitur nonus Synodi Chalcedonensis sub nomine μητροπολίτης non solum metropolitas comprehendit, qui exarchi tantum erant prouinciarum, sed & hos etiam qui exarchi diœceseon dicebantur. Canon etiam vigesimus octauus eiusdem Synodi non aliter eos appellat quam μητροπολίτας, dum statuit, ὡς τῆς Ποντικῆς καὶ τῆς Ἀσιατικῆς καὶ τῆς Θρακικῆς διοικήσεως μητροπολίτας ab archiepiscopo Constantinopolitano χειροτονῆσαι. Per μητροπολίτας enim Asianæ, Ponticæ, Thraciæque diœceseos, tam exarchos intelligit, quam ceteros qui exarchi non dicebantur. omnes quippe ordinabat ex æquo Constantinopolitanus patriarcha. in veteribus Notitiis episcopatuum qui sedi Constantinopolitanæ suberant, hanc tantum prærogatiuam habent illi tres exarchi, quod primo loco recensentur, sed inter metropolitas, sed sub nomine metropolitaram. Codinus: αἱ ὑποχειρμένας μητροπόλεις τῆς πατριαρχικῆς θρόνου τῆς Κωνσταντινουπόλεως,

ὁ Καίσαρείας, ὁ Εφέσου, ὁ Νικομηδείας. idem: πρὸς τῆς Ἰζευῶς
 τῆς Θρόνων τῆς μητροπολιτῆς. ὁ Καίσαρείας, ὁ Εφέσου, ὁ
 Ηρακλείας, ὁ Αἰκύρας, ὁ Κυζίκου, &c. Leonis Philo-
 sophi dispositio de ordine metropolitārum & ar-
 chiepiscoporum patriarchæ Constantinopolitano
 subiacentium: Ἰζὺς παρκαλιδρίας τῆς ὑπὸ τὸν ἀντιπο-
 λιτὸν θρόνον Κωνσταντίνου πόλεως τελευτῶν μητροπολιτῆς, καὶ
 τῆς ὑπὸ αὐτοῖς ἐπισκόπων. πρὸς Καίσαρείας, Καππαδοκίας.
 πρὸς Εφέσου, Ασίας. ὁ Ηρακλείας, Θράκης καὶ Μακεδονίας.
 πρὸς Σαρδέων, Λυδίας. sic Cæsariensis metropolita-
 nus, vt ex hac Leonis ἀνατυπώσει apparet, tametsi
 exarchus Ponticæ diœceseos dictus fuerit, non
 aliam tamen habebat prouinciam, quam iure me-
 tropolitani regeret, aut cuius episcopos ordinaret,
 quam Cappadociam primam. ita nec Ephesi metro-
 politanus, qui exarchus dicebatur Asiανæ diœce-
 seos, alij cuiquam prouinciæ re ipsa præsidebat,
 quam Asiæ, quæ vna erat ex duodecim Asiανæ
 diœceseos prouinciis. idem est de Heracleæ metro-
 politano, qui & ipse Thracicæ diœceseos audiebat,
 nam toti diœcesi non præerat, sed vnā tantum in
 Thracica diœcesi prouinciam administrabat, cuius
 & erat metropolita. Nec sane quantum ad istos
 exarchos attinet, aliter hæc se res habuit, aut alia de
 his forma vel dispositio fuit Concilij tempore
 Chalcedonenfis, ac Philosophi Leonis imperatoris
 ætate. quapropter canones superscriptæ Synodi qui
 metropolitā ab exarcho diœceseos distinguunt,
 & exarchum diœceseos metropolitanis iudicem
 dari decernunt, de aliis omnino diœceseon exar-
 chis

chis intelligendi sunt quam de istis qui patriarchæ Constantinopolitano tunc suberant, qui metropolitæ tantum erant, sic dicebantur, & nihil iurisdictionis habebant in metropolitas. quinimmo & metropolitas eos eadem Synodus vocavit, & metropolitæ nomine comprehendit, nec ab eo tempore usque ad infima imperij tempora aliud habuere nomen. Constitutio Isaaci Angeli sub finem ita eos appellat: οἱ μὲν τοὶ πατριαρχάσδυτες μητροπολίται, ἡσὲν ἔπει, ὁ Καρχεῖας, ὁ Εφέσου, ὁ Κυζίκου, ὁ Σίδης, ὁ Αμφείας, ὁ Νεοκασαρῖας, ὁ Καρείας. Hæc vides & metropolitas nominari, & cum aliis metropolitæ recenseri. nec alij vt diximus censcebantur, nec aliter recenscebantur etiam Synodi Chalcedonensis ætate. alius igitur ab istis exarchis censendus exarchus ille diœceseos, de quo Synodus loquitur, ac plane diuersus a metropolita, & plus quam metropolita, vt pote qui de metropolitanorum causis cognosceret, quum isti exarchi de quibus intelligit curus noster rector, metropolitæ tantummodo fuerint, nec aliud ius, aut nomen aliud quam metropolitæ habuerint. Sed omissis Græculorum ineptiis interpretum, & ineptissimis eorum qui Græculos sequuntur interpretationibus, breuissima vna via est, & rectissima vna ratio, qua scire possimus quis appelletur ἐξάρχης διοικήσεως in superscriptis duobus Concilij Chalcedonensis canonibus 1 x. & x v i i. Hoc vt sciamus, tenere nos primum conuenit numerum omnium quæ per Orientem fuere diœceseon. sic nullus erit nobis ignotus diœceseos exar-

A a a

chus. nam quot fuere diœceses, totidem diœceseon exarchos fuisse nullum dubium est. vbi omnes porro nouerimus, tum ex omnibus facile fuerit eligere de quibus Synodus intellexit. quinque omnino in Orientis imperio fuisse diœceses, Asianam, Ponticam, Thracicam, Orientem & Ægyptum nec ipse *ὁ ἡγεμόνης* diffitetur: totidem igitur etiam fuere diœceseon exarchi. quare quum Synodus *ἐξ αὐτῶν διοικήσεως* nominauit, non alium potuit intelligere quam vnum aliquem ex illis quinque exarchis. nulli enim præter hos per Orientem exarchi diœceseon. Generaliter ille porro sancit ac statuit, vt in causis episcoporum & metropolitanorum inter se disceptantium, adeatur exarchus diœceseos, aut certe patriarcha Constantinopolitanus, vt negotia eorum iudicio suo dirimat ac terminet. quoniam vero vniuersales, non *ὑπὲρ* illi sunt canones, & de omnibus in vniuersum episcopis & metropolitibus, quacumque in diœcesi positis, omnino constituti, de omnibus similiter exarchis, cuiuscunque tandem diœceseos exarchi fuerint, intelligendi sunt. nec enim pro solis sub patriarchatu Constantinopolitano consistentibus episcopis aut metropolitibus aut exarchis decretum illud factum est. Sed & quemadmodum per illos canones clericus cum episcopo proprio, vel alio quolibet controuersiam habens, adire Synodum prouinciæ iubetur, & apud eius audientiam causam suam disceptare: sic episcopus vel clericus si cum metropolitano suo causam habeant, ad exarchum diœce-

feos referre debent. ad exarchum scilicet diœceseos illius, in qua & episcopus & metropolitanus, qui litigant, positi sunt: ad exarchum inquam illum cui tam episcopus qui agit, quam metropolitanus aduersus quem agitur, subiecti sunt. Huiusmodi igitur exarchus debet esse, qui metropolitanos iudicare possit, quique metropolitanos habeat sibi subiectos. Nec alius enim diœceseos exarchus, iudex esse queat metropolitanarum qui in eadem diœcesi sunt, quam qui eos sub se habet, qui eorum ordinandorum ius habet, qui iurisdictionem denique in eos habet. Ex omnibus porro diœceseō exarchis, quos quinque fuisse diximus, duobus solis hoc ius fuit, hæc potestas, vt metropolitanos totius diœcesis subditos sibi haberent, ac proinde ius in eos dicere, ac de eorum causis cognoscere possent. Ergo de duobus illis solis verba canonis & accipi debent & possunt, quæ sanciant exarchum diœceseos iudicem dari clericis vel episcopis cum metropolitano suo agentibus. quare ex illis quinque diœceseō exarchis, qui per Orientem fuere, tres metropolitæ tantum erant, cum ceteris metropolitæ patriarchæ Constantinopolitano subiecti erant, nullos ipsi metropolitanos sibi subiectos habebant, nullam in metropolitanos iurisdictionem exercere poterant; itaque de illis exarchis canones Chalcedonenses interpretari nullomodo possumus. Tres autem isti exarchi fuere, Asianæ, Ponticæ & Thracicæ diœceseō, quæ tres diœceses vnicam diœcesim patriarchalem archiepiscopi Constantinopolitani consti-

tuebant, tresque earum exarchi vna cum ceteris metropolitibus, eundem archiepiscopum, tanquam proprium exarchum, & patriarcham agnoscebant. quoniam vero de tribus istis exarchis Synodum exponere non possumus, superest ut de reliquis duobus exponamus. Hi sunt Ægyptiacæ diœceseos exarchus, & Orientalis. Patriarchæ isti duo fuere, cum tres illi superius nominati metropolitæ tantummodo fuerint Synodi Chalcedonensis tempore. Patriarcha igitur Alexandrinus, exarchus Ægyptiacæ diœceseos erat, & sicut erat, ita dicebatur. Antiochenus etiam patriarcha diœceseos Orientalis exarchus fuit, ac dictus est. sic appellatur in actis Concilij Antiocheni, quæ habentur inter acta Concilij Chalcedonensis act. xiv. πάλιν ὑπὸ τε τῷ ἐξάρχῳ τῆς ἀνατολικῆς κλητικῆς καὶ τῆς ἀδελφιδείσης ἀγίας συνόδου. in eodem Concilio Chalced. act. x. Ibas Edessenus episcopus Antiochenum patriarcham ἐξάρχῳ suum vocat. Εἰ δ' ἐκδέσσει αὐτὸν, ὅτε ἡ ἀνατολικὴ συνὸς, ὡς αἰρετικὸν ἀναθεμάτισεν, ἐξηκολούθησα ὧ ἐξάρχῳ μου. & paulo post: ὁ θεοσεβέστατος Ἰβας εἶπεν. Εἶπον ὅτι εἰ μὴ αὐτὸς ἐαυτὸν ἡρμύβουσε καὶ ἐδέξατο αὐτὸν ἡ ἀνατολικὴ συνὸς, καὶ γὰρ μὲν τῷ ἐξάρχῳ μου καὶ τῆς ἀνατολικῆς συνόδου ἀπηρνέμεν αὐτὸν. Igitur cum Ægyptus & Oriens diœceses æque fuerint, ac Pontus & Asia, Thraciæque, nec minus exarchi diœceseon appellati sint, Alexandrinus & Antiochenus patriarchæ, quam exarchi illi Asianæ, Ponticæ, Thracicæque diœceseos, cur in canonibus Chalcedonensibus vocem illam ἐξάρχῳ διοικήσεως non æque saltem ac-

cipiendam censuisti de patriarchis Alexandrino
 atque Antiocheno, quam de tribus aliis Asianæ,
 Ponticæ, Thracicæq. diœceseon exarchis: an magis
 isti diœceseon exarchi fuere quam illi? an minus
 proprie dictas illi diœceses rexere, quam isti? quod
 si ἐξ ἀρχῆς διοικήσεων in illis canonibus accipimus, de
 solis tribus Asiano, Pontico, & Thracico exarchis,
 tum necessario sequetur, canones illos specialiter
 accipiendos esse de solis metropolitaram & exar-
 chorum iudiciis sub patriarchatu Constantinopo-
 litano solitos exerceri. Nam tres illi exarchi pa-
 triarchæ CP. suberant: tres illæ diœceses, diœcesim
 eius patriarchalem constituebant. sed quemadmo-
 dum Synodus ipsa, sicut iam supra diximus, vniuer-
 salis fuit non *τοπική*, sic omnes eius canones vniuer-
 sales esse oportuit; ac de vniuersis tam metropo-
 litanis, quam exarchis diœceseon, vt concipi de-
 buerunt, ita etiam accipi debent. Rursum vero si
 de vniuersis, qui tum exarchi diœceseon dice-
 bantur, Synodum interpretabimur, necesse erit, vt
 omnium qui tunc fuere diœceseon exarchi, parem
 fuisse potestatem, atque eandem in metropolita-
 nos iurisdictionem censeamus. atqui constat ex
 quinque numero qui erant in Oriente, diœceseon
 exarchis, alios plenissimam habuisse potestatem,
 alios nullam: alios veros fuisse patriarchas, alios
 meros tantum metropolitans: alios denique patriarchæ
 subiectos fuisse, & nullos habuisse metropoli-
 tas sibi subiectos, alios e contra nulli suppositos
 fuisse patriarchæ, & omnes per diœcesim, sub se

positos habuisse metropolitas. At enim uero Synodus de illis omnino diœceseon exarchis explicari debet, qui iurisdictionem in metropolitanos haberent. de solis igitur duobus exarchis Ægyptiacæ & Orientalis diœceseos, qui & patriarchæ erant & metropolitas sub sua potestate habebant, exponenda est. Nam tribus illis reliquis, qui diœceseon exarchi dicebantur, Asianæ nempe & Ponticæ, Thracicæque diœceseos, præter nomen exarchi, nihil iuris in ceteros metropolitas competit: quin immo eodem iure cum ceteris censebantur, & una cum aliis earum diœceseon metropolitibus, patriarchæ Constantinopolitano parebant, & ab eodem ordinabantur. Recte igitur illi Græci interpretes qui ἑξάρχης διοικήσεων, τὸς πατριάρχης exposuerunt. nam ἑξάρχης διοικήσεως, & πατριάρχης διοικήσεως, & πατὴρ etiam διοικήσεως idem est. Latine primatem diœceseos licet dicere, atque ita etiam dixere. Inter diœceseon igitur exarchos, alij erant patriarchæ, alij metropolitæ tantum. Patriarchæ fuere, Ægyptiacæ, & Orientalis diœceseos exarchi: metropolitæ, Asianæ, Ponticæ & Thracicæ diœceseos exarchi, quibus præter exarchi diœceseos nomen, re prorsus & munere vacuum, nihil in tota diœcesi iuris fuit, præter quam in sua prouincia quam reliquorum metropolitæ more iureque administrabant. hinc metropolitæ & ipsi dicebantur, & inter metropolitas sedi Constantinopolitanæ subiectos numerabantur, ut constat ex illis Notitiis quas supra retulimus. Hoc etiam confirmat Elenchus

metropolitanarum sedium Constantinopolitano patriarchæ subiacentium, quem ex veteri libro sumptum Nicephori Historiæ subiunxit Patauius tuus. ita enim habet: αἱ ὑπὸ τῷ Κωνσταντινουπόλει μητροπόλει, ἡ Καὶ Ἄρδα, ἡ Εφεσος, ἡ Ηράκλεια, ἡ Νικη- μείδα, ἡ Ἀσκυρα. & quæ sequuntur. Inter metropo- litas igitur, & metropolitæ ipsi fuere, postquam Constantinopolitano patriarchæ subiecti sunt. nam antea patriarchæ etiam ipsi dicebantur, & ἀντιθέφαλοι erant, & suæ quisque diœcesis primi pri- mates. ubi alteri patriarchæ fuere subditi, hoc vno excepto quod pristinum retinere nomen, & or- namenta etiam patriarchalia, *πλουταῖα* enim ge- stabant, qui habitus est patriarcharum, cetera sim- plices metropolitæ facti sunt. sic ex metropolitæ qui patriarchæ CP. parebant, alij ἐξάρχαι διοικήσεων dicebantur, licet reuera suarum tantum ac singula- rum essent prouinciarum ἐξάρχαι: alij ἐξάρχαι τῶ ἐπισκοπῇ, qui hoc erant, quod omnes sunt metro- politæ, prouinciarum nempe, quibus præsunt, pri- mates & rectores. ἐξάρχης enim ἐπισκοπῆς quilibet me- tropolitanus appellabatur, qui modo alicui pro- uinciæ præesset. siquidem honorarij quidam, & præcipue in Oriente, fuere metropolitæ, qui nul- las sub se habebant prouincias, nullos episcopos. hi nec ἐξάρχαι dicebantur, vt superius docuimus, nec enim ἐξαρχίας hoc est prouincias, quas regerent habebant, & metropolitano prouinciæ suberant, sed honore solo metropolitico gaudebant.

Hæc cum ita sint, de nomine tamen exarchi sic

scribis: postremis imperij Constantinopolitani seculis, exarchi vacuum nomen, tanquam codicillos sine re multis metropolitanis honoris causa communicatum esse, qui diœceses reuera vel nullas, vel integras non habebant, ut Ancyrano, ut Cyziceno, ut Nicomediensi, ut Niceno, ut aliis permultis. Nihil non horum tuum est. nullum heic verbum est de meo. tu vero certiore nota notum facere non poteras quam ineptus & absurdus & imperitus sis. plane apparet aut aliud agentem, hæc te scripsisse, aut cum hoc maxime ageres, dormitasse, aut certe vigilantem nescisse prorsus quid ageres, nec cogitasse quid scriberes. Horum aliquid verum esse, vel etiam omnia, tam ex his quæ dixisti, quam ex his quæ dicam, palam fiet. dicis igitur, exarchi vacuum nomen sine re tanquam honorarios & inanes codicillos, datum fuisse quibusdam metropolitanis qui diœceses vel non integras vel nullas haberent. ergo tuo sensu tuaque sententia, plenum exarchi nomen, & cum re ipsa iunctum solis illis metropolitanis conueniebat, ac compete-
tebat, qui solidas & integras diœceses regebant. Hi soli tuo iudicio exarchi reuera sicut erant, ita & poterant appellari. Hi soli, inquam, non fuerunt exarchi sine re. cuius ergo rei dicemus eos exarchos fuisse? nempe diœceseôn. bene est. iam tenemus veros istos ac legitimos diœceseôn exarchos, quibus solis exarchi nomen cum re impositum est. nunc ad illos transeamus metropolitanos quos nomen exarchi vacuum sine re dicis habuisse. quinam illi fuere? Ancyranum nominasti, Cyzicenum, Ni-
come-

comediensem, Nicenum, aliosque permultos. Hi exarchi etiam dicebantur, sed sine re. quid ita Sirmonde? *quia diœceses vel nullas vel integras non habebant.* an nulla alia res erat, cuius exarchi fuerint? cuius exarchi dici potuerint? an diœcesis sola res est, quæ possit exarchum facere? qui castellorum, qui urbium, qui regionum, qui prouinciarum, qui etiam officiorum exarchi dicebantur siue primates, an ideo exarchi non erant, aut exarchi erant sine re, quia diœceses non habebant, quarum exarchi dicerentur? Ergo qui prouinciæ exarchus erit, sine re vacuum nomen exarchi possidebit? Hæc mira profecto philosophia est. sed Sirmondi est, ideo non mira. tales ille solet dare, ridendas potius quam mirandas. Et sane quis risu temperare possit, quis sibi imperare ne rideat, qui hæc legerit? cedo mihi sis, quotquot olim fuere agelasti, faxo sibi malas ridendo dissuant, vbi hæc audiuerint. Solum qui diœcesi præest metropolitanum, exarchum reuera esse quia diœcesi præest: qui vero metropolitani iure prouinciam vnicam regit, sine re exarchum esse ac titulum tantum inanem retinere, quia prouinciam vnā regat, non diœcesim vnicam. Hoc tuum inscitū scitum est, o magister omniscie: nunc meum quod sit, si scire vis accipe. Alia certe res est prouincia quam diœcesis. etiam res minor est, sed non minus res est. ideo qui prouinciam regit, non minus cum re prouinciæ illius exarchus est, quam diœcesis exarchus, qui diœcesim regit. Profecto qui prouinciæ exarchus est, non est sine re exarchus, sed

prouinciæ exarchus. sic qui vici alicuius, qui pagi, qui vrbis vnicæ ἐξάρχης, is non minus exarchus eius vrbis, pagi, vici, castelli dici queat, quam si prouinciam integram, vel integram diœcesim, exarchi potestate regeret. cuiuscunque rei dicatur exarchus vel primas, sine re non potest esse, nec quisquam potest exarchus intelligi, quin statim etiam res aliqua intelligatur, officium puta aliquod, aliqua ciuitas, aliqua regio, cœtus aliquis, vel aliqua societas, prouincia denique vel diœcesis aliqua, cuius exarchus esse possit. Hoc verbum ex illis est quæ *μετ' ἑ* referuntur. quomodo enim aliquis vel exarchus esse vel dici poterit, cui nulla res suberit, cuius exarchus sit? quomodo primas nisi aliquid sit, nisi aliqui sint, cuius vel quorum primas esse queat? ideo nunquam hoc vocabulum exarchi sine adiuncto positum reperitur: nunquam cuiquam sine re attributum, tanquam titulum inanem, vel honorarios codicillos imaginariæ dignitatis, vt ipse cantherino ritu somnians imaginatus es. Metropolitani aliquis exarchus dictus est? aut diœceseos fuit exarchus aut prouinciæ. Nec qui prouinciæ exarchus fuit, minus cum re fuit, quam qui diœceseos. Immo etiam multo magis si de metropolitani diœceseon exarchis accipiamus, quales erant tres illi sub patriarcha Constantinopolitano. Nam metropolitæ qui prouinciis præerant, reuera earum exarchi erant, easque pleno iure ac potestate regebant. Metropolitæ vero illi, diœceseon exarchi, qui alteri patriarchæ vt maiori exarcho suberant, vt Asianæ,

Ponticæ, Thracicæque diœceseon exarchi, qui sub Constantinopolitano fuere, diœceses eas non regebant quarum exarchi dicebantur, sed tanquam primi totius diœceseos metropolitani, hunc titulum honoris gratia duntaxat vsurparunt, & hoc nomen re vacuum prorsus ex antiquo retinuerunt, quum singuli suarum tantum prouinciarum essent metropolitæ, ad aliorum metropolitaram morem & exemplum. Hinc potes agnoscere, vera fore quæ de exarchis scripsisti, si versa fiant. Nam quos veros fuisse reris exarchos, tres illos nempe, trium superscriptarum diœceseon primos metropolitas, eos dum exarchi diœceseon appellati sunt, speciem tantum & appellationem sine re habuisse, reuera autem singularum duntaxat ac suarum prouinciarum metropolitas vel exarchos fuisse, certum est. quos vero inane nomen exarchi & re vacuum habuisse affirmas, eos optimo cum iure, vere solideque exarchos fuisse, earum scilicet quibus præsidebant prouinciarum. Patriarchæ autem qualis Alexandrinus & Antiochenus qui solidas & integras diœceses pleno iure ac potestate regebant, qui metropolitanos totius, cui præerant, diœcesis sibi subiectos habebant, hi vere diœceseon exarchi dicebantur, non verius tamen nec meliori iure quam prouinciarum exarchi, qui prouincias administrabant, & totius prouinciæ cui præerant episcopos sub se habebant, quales erant omnes metropolitæ prouinciarum rectores. hinc metropolitam Græci passim ἑξάρχων ἐπισκόπος vocant, vt patriarcham ἑξάρχων διοικήσας, &

πατειαρχίῳ διοικήσεως. Euagrius hist. Eccles. lib. iv. cap. xi. ὑποτίθηκε τοῖς ἐκάστης διοικήσεως πατειαρχαῖς ἀλλήλοις συμβαίνει, τοῖς τῶν πόλεων ἐπισκόποις τοῖς ἰδίοις ἐξάρχαις ἑπεσθαι. Exarchus episcoporum in aliqua prouincia, etiam totius prouinciæ exarchus est. sic ἐξάρχης ἐπιστάτης pro metropolitano in Concilio Sardicensi can. vi. χρητὴν παρότερον ἐκείνῳ τὸν ἐναπομείναντα ἐπισκόπον ὑπομινύσκεισθαι διὰ γραμμάτων τῷ ἐξάρχῳ τῆς ἐπιστάτης, λέγω δὲ τῷ ἐπισκόπῳ τῆς μητροπόλεως. quilibet igitur metropolitanus episcopus, etiam prouinciæ exarchus est. ἐξάρχης ad verbum est *primas*. sic enim Latini reddiderunt: qui scilicet in aliqua re primus est, qui ἐξάρχῃ, qui incipit, qui præit, vel qui præest. Vt Græci autem omnes metropolitanos ἐξάρχαις ἐπιστάταις appellarunt, ita Latini *prouinciarum primates* de metropolitanis dixere. sic omnes metropolitani vocantur in canonibus Africanis, vt infra dicturi sumus. non sola itaque diæcesis est, quæ faciat exarchum, sed sola diæcesis, facit exarchum diæceseos. sic qui prouinciæ præest metropolitanus, non simpliciter nec absolute est exarchus, sed prouinciæ est exarchus. sola igitur prouincia facit prouinciæ exarchum. alia res est diæcesis, alia res est prouincia. ita etiam alius est diæceseos exarchus, alius exarchus prouinciæ. Hic tamen non minus exarchus quam ille, nec minus bono cum iure, nec minori cum veritate. hinc quam falsum sit ostenditur quod scripsisti, postremis imperij Constantinopolitani sæculis, hoc nomen exarchi sine re pluribus metropolitanis hono-

ris tantum causa communicatum fuisse. sane & primis & mediis & postremis imperij Romani temporibus, & sub utroque imperio Orientis & Occidentis, omnes quotquot fuere, quotquot prouinciis præfuerunt metropolitani, prouinciarum exarchos siue primates fuisse, atque ita dictos esse, nisi quis Sirmondum dicat, nemo alius tam imperitus, tam pingui madens reperiri potest, qui nesciat. Solum hodie te noui, Sirmonde, qui possis dicere, metropolitam illū, qui prouinciæ præest, qui plenam in ea potestatem habet, qui subiectos sibi episcopos totius prouinciæ ordinat, honorarium tantum prouinciæ exarchum esse, & honoris causa exarchum dici. sic etiam quilibet patriarcha, honoris tantum causa diceretur dioceseos exarchus. nullus etiam metropolita foret, nisi honorarius. quotiescunque igitur metropolitam aliquem ἐξάρχον ἐπὶ γῆς appellatum legemus, de honorario metropolitano intelligemus, & qui hoc exarchi nomen, tanquam codicillos sine re solius honoris gratia impositum habeat. Hæc tua, Sirmonde, sententia est. at quomodo, quæso te, exarchus sine re dicatur metropolitani qui prouinciæ dicitur exarchus? non est sine re exarchus qui prouinciam habet, cuius ἐξάρχης, cuius exarchus est. metropolitani illi omnes quos commemorasti, tanquam sine re nomen habentes exarchorum, prouincias utique habuere, quarum exarchi erant, quarum exarchi dicti sunt. Ancyranus metropolitani, quem primo loco posuisti, exarchus fuit totius Galatiæ,

atque ita appellabatur. Nicenus, totius Bithyniæ exarchus: Cyzicenus, totius Hellesponti prouinciæ: Sardianus, Lydiæ. & ita de reliquis, quorum nemo dictus est exarchus, quin prouinciam hoc est ἐξαρχίαν habuerit, cuius exarchus diceretur. Codinus hoc te docebit, si voles discere. sic enim ille de metropolitibus, qui ἐξάρχαι καὶ ὑποτίμωι dicebantur:

Ο Αἰκὺρας μητροπολίτης, ἐξάρχης πάσης Γαλατίας.

Ο Κυζίκου, ἐξάρχης πάσης Ἑλλησπόντου.

Ο Σάρδεων, πάσης Λυδίας.

Ο Νικομηδείας, πάσης Βιθυνίας.

Ο Σίδης, πάσης Παμφυλίας.

Ceteros ibi vide quos recenset. Horum, ut iam dixi, nemo exarchus inscribatur, nisi re vera exarchus esset, & prouinciam hoc est ἐξαρχίαν haberet. multi enim fuere metropolitæ tantum honorarij, sed hi non dicebantur exarchi, sed ὑποτίμωι tantum. Veri autem metropolitæ, qui prouincias metropolitanas regebant, exarchi vocabantur. nec tamen vnquam exarchi dicti sunt, aut inscripti, quin prouinciæ nomen adderetur, cuius erant exarchi. ut hinc scias exarchi titulum, re vacuum & inane duntaxat nomen non fuisse. Cum metropolitanus, aut alius quilibet episcopus ad metropolitanum scriberet, non simpliciter eum exarchum inscribebat, sed illius aut illius prouinciæ exarchum. Vetus formularium Græcum manuscriptum ex Regia Bibliotheca. ὅπως γράφουσιν οἱ μητροπολίται τοῖς μητροπολίταις. Πατριερώτατε μητροπολίτα ὑποτίμωι καὶ ἐξάρχει πάσης ἀγιώτατε καὶ ἡγιώτατε διάδοχα, ἀγαπητὴ ἀδελφεὲ καὶ

συλλέττεται τῆς ἐκ μὲν ὑπαπανόπολης. οὕτω καὶ γράφοιτο τοῖς
 ἐκ χειρὸς τοῖς διὰ τῶν ὑπαπανόπολης καὶ ἐξάρχων. spatia
 vacua replenda erant nomine vrbis metropoleos
 & prouinciæ, cuius metropolitanus & exarchus erat
 ad quem scribebatur. si Nicenus igitur, exempli
 gratia, metropolita, scripsisset ad Ancyranum me-
 tropolitanum, ita scribendum habuisset: Γραμμάτιον
 μητροπολίτη Αγκύρας, ὑπαπαπανόπολης καὶ ἐξάρχων πάσης Γαλιτίας,
 ἀγαπητὲ ἀδελφε καὶ συλλέττεται, &c. nullus itaque me-
 tropolitarum exarchi titulo donabatur, quin pro-
 uinciam subiectam sibi haberet, & episcopos qui-
 bus præesset, & qui non reuera exarchus esset. &
 semper ad exarchi titulum, nomen prouinciæ ad-
 debatur, quia nemo erat exarchus sine prouincia, &
 sic nemo sine re exarchus. Codinus: Σημειώσω ὅτι
 παρὰ τὸν Φιλιππουπόλεως, οἱ μὲν τῆς Κωνσταντινουπόλεως
 νοτάριοι ὑπαπαπανόπολης ἐγραψάν καὶ ἐξάρχων πάσης Θράκης
 μόνον. ὃ δὲ Φιλιππουπόλεως Δαμιάτος γράψας ἡμῖν ἐγραφε
 ἑαυτὸν ὑπαπαπανόπολης καὶ ἐξάρχων πάσης Εὐρώπης καὶ Δραγο-
 βινκίας. Hinc ἐξάρχια Græcis est prouincia metro-
 politana, quam qui habet sub se, cum omnibus
 prouinciæ episcopis, is exarchus dicebatur. Notitia
 manuscripta in Regio Codice: ὁ Σαρδεων μητροπολί-
 της, ἐξάρχων πάσης Λυδίας. αἱ δὲ ἔστι νῦν ὁ Φιλαδελφείας,
 ἢ μὲν παρὰ τὸν ὀπίσθιον τῶν Σαρδεων. ἡνὸς δὲ νῦν
 μητροπολίτης ἐστὶ καὶ τὸν ὅσον καὶ πλεὺς ἐξάρχιας ἐκείνης, &
 τὰ λοιπὰς ὀπίσθιας ὑφ' ἑαυτὸν. Dicit episcopum Phi-
 ladelphia, cum prius metropolitæ Sardiano subie-
 ctus esset, factum esse ipsum postea metropolitam,
 & in locum metropolitani Sardium successisse, &

totius Lydiæ, & omnium qui in illa erant prouincia episcoporum regimen & ἐξαρχίας accepisse. eisdem apud Codinum habentur. idem scribit de Claudiopoli episcopo, totius Honoriadis metropolita & exarcho, cuius in locum postea subrogatus est Pontoheracleæ episcopus. ὁ Κλαυδιόπολεως, πάσης Οιωριάδος. αὐτῷ οὐ ἐνὶ νυνὶ ὁ Ποντοηρακλείας, ἐπίτροπος μὲν ὦν τῇ Κλαυδιόπολεως πρῶτον, ἡγούμενος δὲ μητροπολίτης ἔχῃ καὶ τὸν ὅπον καὶ πλεὺς ἐξαρχίαν ἐκείνης. vulgo deest in editis apud Codinum, πάσης Οιωριάδος, sed ita restitui debet ex Codice Regio. nam Claudiopoli prouinciæ Honoriadis metropolis erat.

Exarchia igitur est prouincia metropolitana. & ἐξάρχος ἐπὶ ἁρχίας est qui Latinis dicitur prouinciæ primas, metropolitanus nempe, qui prouinciæ præest. nec alij appellabantur exarchi inter metropolitas, quam qui ἐξαρχίας haberent. Metropolitanorum vero illorum qui ἐξαρχίας habebant, & reuera erant exarchi, hoc est veri metropolitani, duo fuerunt ordines & classes sub patriarcha Constantinopolitano. vnus eorum qui ὑπερίμοι ὑπερίμων καὶ ἐξάρχοι inscribebantur. alter qui ὑπερίμοι καὶ ἐξάρχοι tantum. Ceteri qui metropolitanarum titulo honorabantur, & sine re nomen habebant, ὑπερίμοι, non etiam ἐξάρχοι scribi solebant. Vetus Notitia Regiæ Bibliothecæ, cui per omnia compar & consimilis est ea quæ sub nomine Curopalatæ vulgatur, sub titulo τῶν ἐξαρχῶν metropolitas omnes comprehendit, qui reuera erant metropolitæ, hoc est qui prouincias sub se habebāt, quos in duas,

ut dixi, classes distinxit, & primam eorum fecit qui ὑπέρτιμοι τῶν ὑποτίμων καὶ ἐξάρχαι dicebantur: secundam illorum qui ὑπέρτιμοι καὶ ἐξάρχαι. in primas solos illos recenset metropolitas qui honoris causa diœceseon exarchi dicebantur, quum reuera aliud nihil essent quam prouinciarum suarum exarchi. in secunda ponit ceteros omnes metropolitas, qui singulis præerant prouinciis. ita igitur habet:

αὶ ἐξαρχίαι τῶν μητροπολιτῶν.

ᾱ Ο Καππαδείας Καππαδοκίας. ὑπέρτιμος τῶν ὑποτίμων καὶ ἐξάρχος πάσης αὐτοῦτης.

β̄ ὁ Εφέου. ὑπέρτιμος καὶ ἐξάρχος πάσης Ασίας.

γ̄ ὁ Θεσσαλονίκης. πρῶτος τῶν ὑποτίμων καὶ ἐξάρχος πάσης Θεσσαλίας καὶ Μακεδονίας.

οἱ ἐξῆς πρῶτες ὑπέρτιμοι.

δ̄ ὁ Αἰκίου. ἐξάρχος πάσης Γαλατίας.

ε̄ ὁ Κυζίκου. ἐξάρχος πάσης Ἑλλησπόντου, ἢ πόντου.

ς̄ ὁ Σαρδεων, πάσης Λυδίας.

ζ̄ ὁ Νικομηδείας πάσης Βιθυνίας.

& sic ceteri, ut apud Codinum, quorum ultimus est Hadrionopolis metropolita qui exarchus erat Hæmimonti. ita enim ad eum scribebatur, Παιερῶτατε μητροπολίτα Αδριανπόλεως, ὑπέρτιμε καὶ ἐξάρχε Αἰμυμονίου. ut notat Codinus. Hic Hæmimonti exarchus in veteri illa cunctis manuscripta ordine quadragessimus & ultimus est inter metropolitas sedi Constantinopolitanæ subiectos qui ἐξαρχίαι habebant, ut primus est Cæsariensis. sic quadraginta in totum metropolitani sub Patriarcha Constantinopolitano tunc temporis fuere, qui ἐξαρχίαι haberent, &

veri metropolitæ essent, prouinciisq[ue] præessent, & exarchi inde dicerentur. Codinus triginta sex tantum enumerat, sed quattuor omisit qui ex Regio exemplari restituendi sunt hoc modo.

λϵ̄ ὁ Ναυπάκτου, πάσης Αἰτωλίας.

λϚ̄ ὁ Φιλίππου πόλεως ἑξάρχαις ὅς τε ἔχθ.

λζ̄ ὁ Τραπεζοπόλεως. πάσης Ροδόπης.

λη̄ ὁ Ρόδου. Κυκλάδων νήσων.

λθ̄ ὁ Φιλίππων. πάσης Μακεδονίας.

μ̄ ὁ Ἀδριανού πόλεως. Αἰμημῶντος.

Apud Codinum statim post Naupacti metropolitam qui Ætoliaῖ ἑξάρχης, subiungitur ὁ Ἀδριανού πόλεως, mediis omissis, præter Philippopoleos episcopum cuius & meminit, notatque Thraciaῖ exarchum vulgo eum inscribi solitum a Notariis Constantinopolitanis, cum ipse Europaῖ & Dragobinciaῖ exarchum se præferret. Vetus Notitia ἑξάρχαις eum non habuisse scribit. Exceptis illis quadraginta metropolitibus, quorum primus erat metropolita Cæsarea, qui ἑξάρχης πάσης αἰαπολῆς tunc dicebatur, & vltimus Hadrianopolis, qui Hæmimonti exarchus cluebat; ceteri nec exarchias habebant, nec exarchi proscribebantur, nec veri erant metropolitæ, sed honorem tantum ac titulum nomenque metropolitaram gerebant. Notitia vetus & Codinus post mentionem Hadrianopolitani metropolitæ, qui vltimus erat exarchorum, sic statim subiiciunt: μέχρι τούτων οἱ ἔχοντες ἑξάρχαις. οἱ δὲ λοιποὶ πρῶτες μητροπολίται, ὑπὲρτίμοι μόνον λεγόμενοι. sic ex octoginta metropolitibus qui patriarchæ Constantinopolitano

suberant, tot enim enumerat antiqua Leonis Philosophi *Ἀγνῶσις*, soli quadraginta, dicebantur exarchi: ceteri metropolitæ tantum & *ὑπὲρῆμοι*. aut enim nullos episcopos subditos habebant, aut in alterius metropolitæ provincia positos, qui ut verus & antiquus metropolita, titulum exarchi provincię solus usurpabat. Exempli gratia, Hieropolitanus metropolita, qui & in illa Leonis *Ἀγνῶσις*, & in omnibus antiquis Notitiis post Adrianopolitanum ponitur, & quadregesimam primam inter metropolitas sedem obtinebat, episcopos quidem in Phrygia Pacatiana sibi subiectos aliquot habuit, non tamen exarchus Phrygiæ Pacatianæ dictus est, sed Laodicensis, qui verus erat metropolita & exarchus totius Phrygiæ cognomento Pacatianæ. ita & de Smyrnæo qui aliquot episcopis in Asia provincia præerat. vera tamen Asiæ metropolis fuit Ephesus, & sic Ephesinus episcopus, legitimus & antiquus Asiæ totius exarchus. plures etiam in Phrygia utraque fuere metropolitæ qui & episcopos sibi subiectos habuere, ut Ammorianus, & Cotyacensis, cum Synnadensis metropolita Phrygiæ Salutaris, Laodicensis Pacatianæ veri & antiqui fuerint exarchi, reliqui fere omnes *ἑσθῆς* & *ὑποκαταστάσις* non habebant, ut norant veteres Notiæ. In Bithynia tamen provincia hoc secus: accidit. nam tres habuit metropolitas Nicomediensem, Nicenum & Chalcedonensem, qui omnes exarchi Bithyniæ vocati sunt, ideoq. recensentur inter eos metropolitas qui *ἐξάρχας* habebant. Codinus:

ὁ Νικομηδείας, ἑξάρχος πάσης Βιθυνίας.

ὁ Νιχαίας, ὁμοίως.

ὁ Χαλκηδόνος, ὁμοίως.

Vnicus tamen olim legitimusque fuit Bithyniæ prouinciæ exarchus, Nicomediensium episcopus, quæ metropolis erat totius Bithyniæ. Erecta postea Nicea eiusdem Bithyniæ ciuitate in metropolim ab Imp. Valentiniano & Valente, diu metropolita Nicenus intra solum honorem nomenque metropolitæ substitit, cum ius & potestas exarchi penes Nicomediensem esset, qui omnes episcopos totius Bithyniæ sedi suæ subiectos habebat, eosque ordinabat, & ipsum etiā Nicenum, cui præter honorem & prærogatiuam metropolitæ, nihil plus iuris erat in tota prouincia, quam simplici cuilibet episcopo. atque ita iudicatum est a patribus Concilij Chalcedonensis in controuersia Anastasij Niceæ episcopi qui de iure aliquot ciuitatum contendebat aduersus Eunomium Nicomediæ episcopum, & antiquum Bithyniæ metropolitam & exarchum. Nam omnium totius prouinciæ episcoporum ordinationes Nicomediensi adiudicarunt; Nicenumque solo honore ac nomine metropolitæ contentum esse iusserunt. Videnda sunt acta superscripti Concilij, actione xiii. Cum enim per canones in vna prouincia duo metropolitæ esse non liceret, si quando aliqua de nouo ciuitas in metropolim erecta esset ab imperatore, ciuitatis illius episcopus, honorem tantum nomenque metropolitæ habebat: at ὁ δίκαιον, καὶ ὁ κύριος μητρολίτης in ordinandis

prouinciæ totius episcopis penes alterum remanebat, qui ex antiquo metropolitanus fuerat. atque hic vere prouinciæ exarchus erat, qui & omnes episcopos sibi subiectos haberet, & ipsum illum, qui de nouo creatus fuerat metropolita. talis fuit sub Nicomediensi metropolitano, Nicenus metropolita Chalcedonensis Concilij tempore, vt ex actis constat eiusdem Synodi act. xiii. his verbis:

οἱ ἐκδεξάμενοι ὄντες εἶπον. πρὸς μὲν αὐθεντίας μητροπόλεως ἐν ταῖς καὶ Βιθυνίας ἐκκλησίαις ὁ Νικομηδείας διαβέβητος ἐπίσκοπος ἐξεί, ὁ Νικίας πρὸς ὑμῶν μέντοι μητροπόλεως ἐχρὶς, ὡς οικειώμενος ὃ καὶ μίμησιν τῶν δι᾽ αὐτῶν ἐπισκόπων τῶν ἐκ Νικίας, τῶν τῆς Νικομηδείας. Huiusmodi autem

metropolitæ honorarios, qui honorem tantum, non etiam iura metropolitana habebant, Græci *secundos metropolitæ* vocauere. Hincmarus cap. xvii. Hos namque, qui huiusmodi priuilegia siue per imperialem pragmaticam formam, siue per pallij ab Apostolica sede largitionem adepti sunt, Græci *secundos metropolitæ* appellant: de quibus & in gestis Chalcedonensis Concilij & in eiusdem Synodi canonibus, & decretis Innocentij inuenimus: quibus & aliis sacrorum canonum & decretis sedis Romanæ claret sententiis, eosdem metropolitæ primates esse singulos singularum prouinciæ, qui ex antiqua, vt præmisimus, consuetudine, & Apostolica traditione, secundum sacros Nicenos canones, & conuocare Synodos & ordinare episcopos, & ordinari a prouincialibus coepiscopis sine cuiusquam alterius primatis interrogatione possunt, & disponere regulariter quæque per suas prouincias possunt. solus igitur metropolitanus ille, ad quem ex anti-

qua consuetudine, ἐξ Ἐπαρχίου, episcoporum ordi-
 natio, & totius prouinciæ sollicitudo pertinebat,
 prouinciæ primas, hoc est ἐξάρχης dici poterat. quis-
 quis autem vel ab imperatore per pragmaticam, vel
 a summo Pontifice per pallij missionem id hono-
 ris & priuilegij consequutus esset, honorarius erat
 quidem metropolita, sed primas prouinciæ, nec
 erat nec dicebatur. Nam nec episcopos prouinciæ
 ordinabat, nec quidquam in prouincia iure metro-
 politæ gerebat aut administrabat. Hanc eandem
 differentiam Græci ponunt inter eos metropolitæ
 qui ὑπερβίτοι tantum, & eos qui ὑπερβίτοι καὶ ἐξάρχαι
 dicebantur. nam ἐξάρχης de veris metropolitæ dice-
 bant, qui totius prouinciæ administrationem ha-
 berent, episcoporumque ordinationem quos Latini
primates prouinciarum appellant. siquidem ἐξάρχης
 ἐπαρχίας Græcis, & *primas prouinciæ* Latinis, plane
 respondent. ἐξάρχης enim est primas, vel qui primus
 est in re quacumque. quod autem scribit Hincma-
 rus, huiusmodi metropolitæ, qui prouinciarum
 primates & exarchi in veritate non erant, secundos
 a Græcis appellari metropolitanos, & huius appel-
 lationis haberi mentionem in actis Concilij Chal-
 cedonenfis; hoc verum esse constat ex rescripto Va-
 lentiniani ad Nicomedienses, quod iisdem actis in-
 fertum legitur act. xiii. vbi Nicea in metropolim
 ab imperatore tum nuper erecta, *secunda metropolis*
 vocatur, quia Nicomedia prima erat. verba rescripti
 hæc sunt: ὅτι γὰρ ἐκ παλαιότητος τῆς ὑμῶν ἐκκλησίας
 ὑμεῖς ἐστε δυνάμει βλαβέαι, ὅποτε ἐπαύξεται τὸ ἀξίωμα τῆς

Νικομηδείῳ, εἴτε ἐκείνη ἢ ἐν δουλτέραις ὁπωσδήποτε μητρο-
 πόλεως ὀνόματι καλεῖται. talis igitur in Græcia Nicenus
 fuit, secundus post Nicomediensem Bithyniæ me-
 tropolitanus, sed sub Nicomediensi. talis in Galliis
 Arelatensis, sub Viennensi. Huiuscemodi tamen
 secundarij & honorarij metropolitani plerumque
 de iure metropolitano ac primatu contenderunt
 aduersus veros, & antiquos metropolitanos: vt
 Nicenus aduersus Nicomediensem in Concilio
 Chalcedonensi, & Arelatensis aduersus Viennen-
 sem in Synodo Taurinensi. sed definitum sem-
 per ac decretum est, habere illum debere τὸ κύριον
 τῆς μητροπόλεως, qui iure ipso prouinciæ primas esset,
 & ex antiqua consuetudine potestatem haberet
 episcopos ordinandi. Nicenus autem cum prius
 nullum haberet episcopum suffraganeum, quin-
 immo ipse licet iam metropolitæ honore ac digni-
 tate donatus, cum reliquis prouinciæ episcopis
 subiaceret Nicomediensi metropolitano totius
 Bithyniæ exarcho siue primati, postea tamen &
 suffraganeos episcopos habuit, & exarchiam By-
 thyniæ cum Nicomediensi partiri cœpit, & totius
 quoque Bithyniæ exarchus non minus quam ille
 dictus est. Leonis sane Philosophi ἀνατύπωσις
 quinque illi suffraganeos adscribit, cum certum sit
 nullum habuisse, tempore Chalcedonensis Syno-
 di. Chalcedonensis quoque episcopus post Syno-
 dum Chalcedonensem metropolita factus est, sed
 nullos vnquam habuit suffraganeos: nihilominus
 tamen Bithyniæ exarchus est etiam dictus. Leo

Philosophus: τὰς Χερσηδόνος Βιθυνίας, ἑξῆς ὑποκαίμῃ
 οὐκ ἔστι. & hic solus inter exarchos locum habuit,
 qui exarchus reuera non esset, nec ullam exarchiam
 haberet.

Omnino igitur quot prouinciæ fuere sub pa-
 triarcha Constantinopolitano, tot etiam fuere
 exarchi & exarchiæ, cum tamen longe plures illi
 subessent metropoles quam prouinciæ, & metro-
 politani quam exarchi. solis enim, vt iam toties in
 superioribus dixi, metropolitanis illis, vt exarcho-
 rum nomen usurparent concessum erat, quibus res
 cum nomine aderat, hoc est qui sub se prouinciam
 & episcopos quibus præsiderent habebant. Nam
 vt multi archiepiscopi dicebantur in patriarchatu
 Constantinopolitano, quibus multi suberant epi-
 scopi, ita multi metropolitani, quibus nec prouin-
 ciæ nec episcopi. Hoc genus metropolitani ὑπέρτιμοι
 vocabantur, non etiam ἑξάρχοι. Archiepiscopi vero
 illi nec ὑπέρτιμοι nec ἑξάρχοι. Codinus: οἱ δὲ ἄρχιεπί-
 σκοποι οὐ γράφονται ὑπέρτιμοι· ἀδελφοὶ δὲ καὶ συναγελευργεῖ
 ὡσπερ οἱ μητροπολίται. vetus formularium αἰέκδοτον·
 οὕτω καὶ τοῖς ἄρχιεπισκόποις γράφοις δίχα τῶ ὑποκαίμου ἑ
 ἑξάρχου. Huiusmodi archiepiscopi, qui nullis præ-
 erant episcopis, in patriarchatu Constantinopoli-
 tano Leone Philosopho imperante nouem ac tri-
 ginta fuere; metropolitani vero octoginta, ex qui-
 bus soli quadraginta erant exarchi, hoc est exar-
 chias habebant: reliqui quadraginta ὑπέρτιμοι tan-
 tum titulabantur. Post Leonem multi alij metro-
 politæ variis temporibus creati sunt ex archiepi-
 scopis

scopis & episcopis, honorarij, & huius generis quos
 ὑποτίμους tantum dictos fuisse diximus. Codinus &
 vetus Notitia Regia: Εἰσὶ καὶ ἐπερὶ μητροπόλεως, ἔξω
 τῆς ὡς γράφει διατύπωσης ἁρχαία, εἴ πῃς ἀπὸ ἁρχιεπι-
 σκόπων καὶ ἐπισκόπων ἐτιμήθησαν κατὰ ἀγαθότητες καὶ ἰσχύς.
 sic multi archiepiscopi episcopique metropolita-
 rum nomine ac titulo honorari solebant, impera-
 torum beneficio, quibus tamen nulla provincia
 attribuebatur, nulli suffraganei adscribebantur
 episcopi. ἁρχαία autem illa διατύπωσης cuius meminit
 Codinus, est illa ipsa Leonis Philosophi ἀγαθότητες,
 quæ in primo tomo iuris Orientalis edita est cum
 hoc titulo: ἡ γενομένη ἀγαθότητες πρὸς τὴν βασιλείαν
 Λέοντος τὸν Σοφὸν ὅπως ἔχουσιν ἑξέως οἱ θεῖοι τῆς ἐκκλησίας
 τῆς ὑποκειμένης πρὸς πατριαρχίαν Κωνσταντινουπόλεως. Hæc
 Leonis ἀγαθότητες in statu suo permansit vsque ad
 Andronicum Palæologum seniore, qui nouam
 ἔκδοσιν fecit, & ἑξῆς illam metropoleon quæ sub
 Leone obtinuerat, totam immutauit, aliis sedibus
 promotis, aliis regradatis. Editā porro est hæc
 ἔκδοσις cum officialibus Palatij apud Cæsaropaletem.
 Huius ἑκδόσεως meminit & vetus Notitia hoc modo:
 ἡ Βαρῖνα λέγει οἱ ἱερεῖς ὡς αὐτὴ ἐστὶν ἡ Τιβεριὰ πόλις. ἀπὸ
 τῆς καὶ ἐν τῇ ἐκδόσει οὐχ ἀνέσκειται κειμήλια, οὔτε ἐν ταῖς
 μητροπόλεσιν, οὔτε ἐν ταῖς ἁρχιεπισκοπαῖς ἢ ἐπισκοπαῖς,
 ἀλλ' ὁ Βαρῖνης ἐστὶν ὁ Τιβεριὰ πόλεως. Notitia autem
 vetus quæ Nicephori patriarchæ Historico breuia-
 rio subiuncta est, metropoles sedi Constantinopo-
 litanæ subiectas sexaginta tantum enumerat, eas-
 que eodem ordine recenset, quo Leonis ἀγαθότητες.

apparet igitur vetustiore illam esse Notitiam quam Leonis *Ἀγτὸ πωσι*. nondum enim ad eum numerum tunc peruenerant metropolitanæ sedes, ad quem postea creuerunt sub Leone Philosopho cuius temporibus octoginta numeratæ sunt. post Leonem vero etiam numerus earum ampliatus est, multis archiepiscopatibus & episcopatibus in metropoles erectis. de quibus vide Codinum. In illa porro Notitia qui eam edidit ac Latine reddidit, vir suo iudicio vnde quaque doctissimus, meo vero non indoctus, ex Myris Lyciæ ciuitate, quæ vigesima sedes erat, nobis *Tamyram* fecit, quia in Græco esset, *τὰ Μύρα*, hoc est *Myra*: ut *τὰ Συώναδα*, *Synnada*. cur nobis similiter *Tasynnadam* urbem non finxit pro *Synnadis*? sed hæc obiter. Ad prouincias vero quod attinet, & veros metropolitanas hoc est prouinciarum exarchos qui patriarchæ Constantinopolitano parebant, sciendum est olim non plures quam octo & viginti fuisse, quia non plures prouinciæ hoc est exarchiæ sub illo fuere. totidem namque exarchi prouinciarum erant, quot prouinciæ. Tres diœceses sub se habebat patriarcha Constantinopolitanus, Asianam, Ponticam & Thracicam. in Asia undecim erant prouinciæ, in Põtica totidem, in Thracica sex. in totum octo & viginti prouinciæ fuere, ac totidem metropolitani, & exarchi, qui patriarchæ Constantinopolitano subiacebant, quique ab eo ordinabantur. si quis autem episcopus honore ac nomine metropolitanæ donatus fuisset beneficio imperatoris, iuxta

sacros canones solo honore contētus esse, & primati
 prouinciæ qui antiquitus fuerat, parere cogebatur.
 sic vnicus erat prouinciæ exarchus, licet duo essent
 metropolitæ. cum enim veri omnes metropolitæ,
 hoc est prouinciarū primates & exarchi a patriarcha
 Constantinopolitano deberent ordinari, metro-
 politæ illi qui per imperatoris pragmaticam hunc
 honorem consequuti fuerant, a metropolita pro-
 uinciæ, cui prius suberant, ordinabantur. Hac con-
 ditione olim ac iure metropolitani facti sunt Nice-
 nus & Chalcedonensis sub Nicomediensi totius
 Bithyniæ exarcho siue primate. Balsamo de his ho-
 norariis metropolitæ & eorum priuilegiis, ita scri-
 bit ad can. xii. Concil. Chalced. *ὅτι μὲν τοι ὁφείλοντα
 εἶναι δίκαια καὶ τὰς παλαιὰς, ἡγοῦμαι μητροπολίτη κατὰ τῆς
 ἐκκλησίας τῆς ὑμνηθείσης ἀπὸ ἐπισκοπῆς εἰς μητρόπολιν,
 ἐζητήσαντες τινες μαθεῖν ποῖα εἰσὶ. καὶ ἤκουσαν ὅτι πλεονέκτως
 καλεῖσθαι πλεονέκτως ἐπισκοπικὴν μητρόπολιν, κατὰ τὰ ἄλλα πρῶτα
 ὑποκαίεται αὐτῇ τῇ παλαιᾷ μητροπόλει ὁφείλει. ὁ γὰρ ταύτης
 ἐπίσκοπος καὶ τῆ παλαιᾶς μητροπολίτης χρηρονηθῆσεται καὶ
 πρὸς αὐτῇ χρηρονηθῆσεται καὶ ἀπλῶς αὐτῇ ὑποκαίεται.* Viden-
 dus & canon ipse qui prohibet duo metropolitæ
 in vna prouincia iura metropolitæ habere, & iubet
 eam ciuitatem quæ ab imperatore honorata fuerit
 nomine metropoleos, solo honore contentam esse,
 δηλονότι ὅτι μὲν τῇ καὶ ἀγῆθαι μητροπόλει τῇ οἰκείῃ
 δικαίῳ. *seruatis priuilegiis ac iuribus illi ciuitati quæ in
 veritate metropolis erat. ὁ καὶ ἀγῆθαι igitur μητροπολίτης
 is erat, qui prouinciæ totius exarchus siue primas
 dicebatur. tales primo sub patriarcha CP. fuere*

viginti & octo. nec enim plures sub illo erant prouinciæ. Postea variis temporibus multæ aliæ illi adiectæ subiectæque prouinciæ quas prius non habebat, ex Orientali diœcesi, ex Illyrico, ex Epiris, ex Italia. præterea multis in locis contra sacros canones a diuersis imperatoribus ex vna prouincia duæ sunt factæ, & duo metropolitæ in vna prouincia instituti, qui exarchiam partiebantur, & exarchi similiter prouinciæ dicebantur. de quibus consulendus Balsamo ad can. xxxviii. Synodi in Trullo. sic quadraginta factæ exarchiæ, hoc est metropolitæ prouinciæ, sedi Constantinopolitanæ subiectæ, reliqui metropolitæ, exceptis illis quadraginta, nec exarchias habebant, nec exarchi dicebantur, sed *ἐπίσκοποι* tantum.

Ex his omnibus liquido cuius constare debet, certissimo falsum esse quod scripsisti, Ancyranum, Nicomediensem, Cyzicenum, & alios huiusmodi metropolitas, qui veri prouinciarum erant exarchi, hoc nomen honoris tantum causa vsurpasse, & tanquam codicillos sine re vacuum & inane possedisse. quid ita vero Sirmonde? quia nullas diœceses habebant. sane. ideoque non dicebantur diœceseon exarchi, sed dicebantur prouinciarum, quia prouincias habebant. qui prouinciam regit, numquid eodem modo dici potest prouinciæ exarchus, vt exarchus diœceseos dicitur, qui diœcesim regit? vel tui Ducæi Frontonis fidem heic appello an non ita sit. vt ille in Græcis longe doctior est, & plus habet frontis, quam tu, hoc non negabit: prouin-

ciarum nempe primates episcopos haud minus vere ac proprie Ἐπαρχοὶ ἑπὶ ἁγίῳ Græce appellari, quam diœceseôn rectores, Ἐπαρχοὶ διακρίσεων. Nolo virum Græce peritum, nec opus est; cedo sis quemlibet de pueris Collegij tui Claromontani classiarium vel infimum, modo sensu communi non prorsus careat, hoc verum esse videbit, & fatebitur. sed operæ pretium est verba tua in hoc loco non præterire, quæ merentur attendi, ita inepta sunt, ac te digna, hoc est homine ineptissimo dignissima. sic enim ais, *Exarchi nomen honoris gratia multis metropolitanis communicatum esse, qui vel nullas diœceses, vel integras non habebant.* qui sunt illi, rogo te, metropolitani qui nullas diœceses habebant? nimirum qui prouincias tantum habebant. an non ita intellexisti? cur non recta hoc dixisti? cur per circuitum loquutus es? sed quinam illi sunt, ἰκετεύω σε, quos non integras diœceses habuisse dicis? an diuersi ab illis qui nullas? ita videris sentire. Ergo fuere tua sententia metropolitani quidam qui prouincias tantum, alij qui diœceses non integras, alij qui solidas & integras diœceses regerent. & istis quidem qui diœceses solidas rexere solis, exarchi nomen proprie ac iure ipso, vt censes, competebat: illis qui nullas vel non integras, non item. iterum peto vt me doceas, quæ sit non integra diœcesis. nisi quid secus me docueris, partem diœceseos putauerim esse, non integram diœcesim. atqui prouincia pars est diœceseos, interdum dimidia, interdum tertia, aliquando sexta, aliquando etiam duo-

decima, prout plures prouincias, aut pauciores habuerit diœcesis. vel duæ prouinciæ reddere possunt vnā diœcesim integram. multæ fuere solidæque diœceses ex tribus prouinciis quæ tantum constarent, fuere quæ ex duabus. Ergo prouincia quæ pars est diœceseos, est etiam diœcesis non integra: est etiam nulla diœcesis, quia nulla diœcesis est, nisi integra. Nam vt pars non est totum, sed in toto; sic prouincia non est diœcesis, sed in diœcesi. cur igitur eos metropolitanos qui nullas diœceses, hoc est qui prouincias tantum singulares regebant, ab iis distinxisti qui diœceses non integras sub se habebant? an aliquem ex illis quos enumerasti metropolitanis potes nominare, qui plusquam prouinciam, aut paulo minus quam diœcesim rexit? qui prouinciam nimirum cum semisse vel triente prouinciæ sub se habuerit? nullum potes. nullus enim ex omnibus maiorem in diœcesi partem habuit, quam vnā prouinciam, multi etiam minus quam vnā. quatenus plerumque in vna prouincia duo metropolitæ siue exarchi constituti fuere, qui exarchiam partiebantur & episcopos prouinciæ. sic nonnulli prouincias tantum dimidiatas rexere, nemo plures vel plus quam vnā. quorsum igitur spectat, aut quo tendit illa tua circumloquutio, de metropolitanis qui nullas aut non integras diœceses habebant, quos nomen exarchi sine re dicis usurpasse? De aliis certe intelligere non potuisti quam qui prouincias regebant. cur non simpliciter hoc expressisti? sed video quid sit: maluisti quid illi me-

metropolitani non habuerint, quam quid habuerint enunciare: ne si, quos exarchos sine re fuisse con-
tendis, prouincias eos habuisse dixisses, responderi
tibi posset, ergo prouinciarum quas habebant,
exarchos reuera fuisse, ergo non re vacuum hoc
exarchi nomen illis communicatum esse. *nullas*, in-
quis, *diaceses* rexere, ergo non fuere veri exarchi. certe
non fuere exarchi diæceseon, sed fuere prouincia-
rum. nam prouincias, quas regerent, & quarum
exarchi dicerentur, habuere. Ego non sum vnus de
astutis, sed facile vidi quid per illas ambages *nul-
larum*, & *non integrarum diæceseon* captares. quod ca-
ptabas non cepisti. *αὐτὴ γὰρ ἡ μὲντος ὁδὸς ἔσσασεν.*
tuti interdum magis sunt, qui non sunt tam astuti.
sane si simplicius heic te gessisses, minus ineptus
fuiſſes. nihil illis tuis *ἀνιγμοῖς* frigidius, nihil ine-
ptius, nihil futilius. *ἤντα καὶ ὁδὸς ὕμεις.*

Quod aliqui autem metropolitani, prouincia-
rum nempe rectores, exarchi sine re, vt reris, sunt
appellati, nihil hæc officere scribis, quominus exar-
chi olim ij propria notione sint dicti, qui solidas
multarum prouinciarum diæceses regebant. Hæc
tua sunt. Audi nunc mea vicissim. Ego dico quod
olim metropolitani quidam diæceseon exarchi
dicti sunt: nihil tamen hoc impedire nec obſtare
quo minus exarchi prouinciarum propria notione
metropolitani illi sint appellati qui solidas multa-
rum ciuitatum prouincias regebant. an quos pro-
pria notione diæceseon exarchos dictos fuisse ar-
bitraris, magis proprie ita dicti sunt, quam prouin-

ciarum exarchi qui reuera tales fuere? immo etiam, si verum quæris, multo minus. Exarchi illi prouinciarum metropolitani, episcopos omnes per eam cui præerant prouinciam constitutos ordinabant, eosque sibi subiectos habebant, & sic reuera totius prouinciæ exarchi erant, propriaque notione sic dicebantur. at illi exarchi diœceseon, quos intelligis, nullos habebant sibi metropolitanos per totam diœcesim subditos, nullos ordinabant, nec vllus in diœcesi prouinciæ sollicitudinem gerebant, excepta propria, cuius proprie, ac vere exarchi erant. honoris igitur tantum gratia quilibet ex illis diœceseos exarchus dicebatur, re autem verâ suæ tantum prouinciæ singularis erat exarchus. Exarchi vero diœceseon vocabantur non quod solidas diœceses pleno iure ac potestate regerent, sed quod illarum diœceseon primi metropolitani essent, quod primas sedes primamque prouinciam totius cuiusdam diœceseos tenerent. ἑξάρχων propria notione Græci appellant, qui primus est in aliqua re, vel, quod idem est, primas. hinc ἑξάρχης διαικλήσεως dictus est cuiuslibet diœceseos primus metropolitanus, qui primam scilicet sedem vel primam prouinciam totius diœcesis haberet. idem est & πρωτόθρονος. quare ita etiam vocabantur illi exarchi. Cæsareæ episcopus erat ἑξάρχης, id est πρωτόθρονος totius Ponticæ diœceseos, quia Cappadocia prima cuius metropolita fuit, inter illius diœcesis prouincias prima fuit. idem est de Ephesino, idem de Heracliensi, quorum ille Asianæ, hic Thracicæ diœcesis protothronus

thronus & exarchus audiebat. in Nouella Isaaci Angeli tomò primo iuris Orientalis, Cæsareæ metropolitæ *πρωτόθρονος* appellatur: ὅτι τούτοις πρῶτον καὶ ὁ πρωτόθρονος Καίσαρείας ἀνέκραξε καὶ αὐτὸς λέγων. & paulo post absolute ac simpliciter *πρωτόθρονον* vocat: καὶ μέλιστα ὅτι ἔπειτα τῇ ἀδελφῇ ἀποδομύσσει ἡρωῶ ὅ, τε πρωτόθρονος, ὁ Χρησθόνοος, καὶ ὁ Λούκιος. per *πρωτόθρονον* intelligit Cæsareæ metropolitanum, totius Ponticæ diœceseos exarchum. tres igitur illi exarchi diœceseon, Cæsariensis, Ephesinus, & Heracleota metropolitæ, nihil iuris ac potestatis in illis diœcesibus, quarum exarchi dicebantur, habuere, præter *πρωτοθρονίας* honorem. fuere vero alij exarchi diœceseon, quibus præter illam *πρωτοθρονίας* plena etiam ἐξουσία καὶ ἀρχὴ in sua diœcesi esset, adeo vt nihil rerum geri, nullus episcopus aut metropolita creari posset in tota diœcesi sine eorum consultu ac permisso. Talis Alexandrinus Ægyptiacæ diœceseos, & Antiochenus τῆς Ανατολικῆς exarchus, vt iam diximus. atque hi reuera ac propria notione *πατειαρχαὶ καὶ ἑξάρχαι* suæ quisque diœceseos fuere. nectamen illi propria magis aut meliori ratione diœceseon exarchi dicti sunt, quam prouinciarum exarchi, qui prouinciis suis similiter, vt illi diœcesibus, prærant ac præsidebant. igitur de exarchis illis veris diœceseon, ac plena potestate & auctoritate præditis intelligendus Synodi Chalcedonenfis canon, qui & metropolitanos sibi subiectos habebant, & metropolitanos sibi subiectos iudicare poterant: non autem

Ecc

de istis honorariis, & nomine tantum tenus diœceſeon exarchis, qui & alteri patriarchæ ſiue exarcho maiori ſubiacebant, nullosque ipſi ſibi ſubditos habuere metropolitanos, ideoque iudices metropolitanis dari non potuere. quod enim de huiſcemodi exarchis canonem illum tu cum Baſſamone interpretaris, proſecto tu quoque cum Baſſamone nugaris. quod autem aſſeris auctorem eſſe eundem Baſſamonem, extitiſſe ſua etiam ætate veteres illos diœceſeon exarchos, ſed antiquis priuilegiis caruiſſe, fides tua more ſuo etiam heic male ambulat. nec enim aſſerimenter hoc dicit Baſſamo, ſed ait aut ſua ætate exoleuiſſe priuilegia quæ antiquitus habuerunt illi exarchi, aut certe de aliis exarchis diœceſeon canones illos intelligendos eſſe. atqui iam ſatis ſupra demonſtrauiſus non alia illorum exarchorum fuiſſe iura tempore Chalcedonenſis Synodi quam Baſſamonis ætate. ergo inde ſequitur verum eſſe, quod etiam fatetur Baſſamo, de aliis exarchis ſupraſcripti Concilij canônes accipi debere. Et ſane de illis accipiendos eſſe conſtat quos diximus.

Perſeuerarunt, inquis, ex hoc numero exarchus Ponticæ diœceſis, episcopus Cæſarienſis; exarchus Aſianæ, Ephelinus; exarchus Thracicæ, Heracleenſis: atque hoc inter aſcitiſios exarchos, qui poſtea id nomen adepti ſunt, velut priſcæ dignitatis inſigne retinuerunt. quid iſtud eſt quod ais ex eo numero exarchorum tres tantum perſeueraiſſe, ac priſcæ dignitatis inſigne retinuiſſe? nunquid maior eorum olim fuit numerus? an plu-

res fuere quam tres in Oriente, huius generis ac notæ huius exarchi? qui sunt igitur illi qui ex eo numero non perseverarunt, nec pristinam suam dignitatem conseruarunt? confiteare nunc saltem te nescisse quid scriberes, & cum scribebas non cogitasse, scribere te quæ nescires. quinque omnino per Orientem vel tua confessione fuere diœceseon exarchi, quia quinque tantum diœceses. ex hoc numero duo sunt, de quibus verba canonis capienda non esse cum Balsamone contendis, Ægyptiacæ nimirum diœceseos exarchus, patriarcha Alexandrinus: & Orientalis diœcesis exarchus, Antiochenus patriarcha. sic tres numero tantum supersunt, de quibus intelligi possit ille canon. Exarchi igitur illi diœceseon, quos Balsamō intelligit, & quos adhuc sua ætate scribit extitisse, tres in totum fuere. Tu vero quasi Balsamonis ætate plures extiterint huiusmodi diœceseon exarchi, ex eo numero exarchorum, quos Balsamo designauit, tres perseverasse dicis, atque in pristina dignitate mansisse. Ergo alij non tam felices fuere, qui dignitatem suam non potuerunt conseruare. sed qui sint illi alij, nunc vir esto Sirmonde, & nobis eos ostende. Hoc nisi ostendis, ne te incogitabilem & inscium hominem credamus esse, frustra pertendes.

Tres superscriptos diœceseon exarchos nomen istud suum, & pristinae dignitatis vestigia retinuisse scribis inter alios plures adscititios exarchos qui postea id nomen adepti sunt. adscititij isti exarchi, quos & subdititios vocas, cur adscititij vel subdititij

Ecc ij

tibi sunt? qui aut quando nomen istud adepti sunt? quis eos hoc nomine donauit? quis hoc honore dignatus est? cur sic appellati? diœceseon exarchi, ita vocabantur quia diœceses regerent. isti quid habuerunt, quare sic appellarentur? cuius rei exarchi fuerunt? appellatos fuisse exarchos verisimile non est, nisi certæ rei cuius *Ἐαρχὸν* debuerint. at qui suarum singulos prouinciarum exarchos extitisse plus quam certissimum est. an hoc poteris negare? an ideo subdititios & adscititios exarchos eos vocas quia prouincias regebant, quia prouinciarum *Ἐπὶ πρῶτο*? qui vero magis sic subdititij, quam exarchi diœceseon, *οἱ τῶν διοικήσεων Ἐαρχεῖοντες*? Nunc eos inuicem comparemus, & videamus vtri magis subdititij, vtri magis ex vero exarchi fuerint. illi tui exarchi diœceseon, diœceses illas quarum exarchi dicebantur, non sibi subiectas habuere, nihil in illis potuere, nihil in reliquos metropolitanos iuris datum illis fuit: honoris igitur causa tantum quia primi essent totius diœceseos metropolitani, hunc titulum exarchorum diœceseos sibi vindicarunt. metropolitani vero nostri, & singularū prouinciarum exarchi, prouincias illas, quarum exarchi nuncupabantur, subditas sibi habebant, metropolitano iure ad plenum fruebantur, episcopos omnes prouinciæ sibi subiectæ ordinabant. Sani iudicij hominibus iam hinc æstimandum relinquo, vtri magis subdititij dicendi sint, istine prouinciarum, an illi diœceseon exarchi, & vtri magis nomini suo tituloque responderint. sed hæc fatua tibi insedit.

opinio, quam supra iam satis castigauimus, hoc exarchi nomen, solis diœceseon exarchis, quasi proprium ac debitum, ex vero meritoque competere: reliquos omnes quotquot exarchi dicti fuere, titulum hunc inanem sine re habuisse. quod vtrum magis mirer, an rideam nescio. nisi quia de re iam tale nihil miror, ideo potius libet ridere. sic ἑξάρχαι τῶν πόλεων, ἑξάρχαι τῶν χωρῶν, ἑξάρχαι τῶν τάξεων, ἑξάρχαι τῶν ὀφφικίων, ἑξάρχαι τῶν σιυνεδρίων, ἑξάρχαι τῶν σιυνόδων, ἑξάρχαι τῶν ἐπισκοπῶν, & quicunque alij cuius rei cunque ἑξάρχαι quorum apud Græcos passim occurrit mentio, vacantes tantum & sine re exarchi fuerint oportet, & hoc nomen sine re habuerint & vsurparint, quia non erant exarchi diœceseon. iidem Græci monasteriorum primores vel priores, vt Latine vulgo vocantur, ἑξάρχαι appellant. an & illos quia diœceseon exarchi non fuere, monasteriorum quibus præerant, non reuera exarchos, sed honoris tantum causa, & cum inani titulo fuisse dicendum est: nugæ nugacissimæ, hoc est Sirmondianæ. Germanus patriarcha Constantinopolitanus de monasteriis ad patriarcham pertinentibus: καὶ γὰρ οἱ ἱερεῖς λαχόντες ἐν τοῖς, πατριαρχικοῖς καὶ ἔσονται καὶ ὀνομασθήσονται, καὶ τὰ τῶν πατριαρχικῶν δικαίων ἑξάρχῳ ὑποκείσονται, καὶ τὰ σιυνήδη χαμονικὰ πρὸς αὐτὸν ἀποτίσιν. & paulo post: ἀναμφιλόγως γὰρ ἔστι καὶ αὐτῶν ἑξάρχος ὁ τοιοῦτος. πατριαρχικὸν ἑξάρχον vocat ibi bis terve, τῶν πατριαρχικῶν μονῶν ἡγεμονεύοντα. & πατριαρχικῶν μονῶν ἑξαρχεύοντα, ibidem: καὶ ἀγαθὰ ποιῶν, εἰ δεῖ σιυντόμως εἰπεῖν, μὴ ἔχῃ ὁμοίαν τοῖς τῶν ἐκασταρχῶν

πατριαρχικῶν μονῶν ἑξαρχοὺντας. idem alio loco: Εἴτε
 τὸν ἀπὸ τῆς πατριαρχικῆς ὀξοισίας ἀποσελλόμενοι ἑξάρχον,
 ὅτι ταῖς μοναῖς, αἷ ἐπάθη διέπειν, τυγχάνουσιν ὑποκείμενα.
 Sciendum tamen est, non aliū dictum esse exarchum
 inter monasteriorū præpositos, quam qui pluribus
 præset monasteriis. Nam qui vnus tantum mo-
 nasterij præfectus erat, ἄρχιμανδρίτης vocabatur aut
 ἡγουµένος, non ἑξάρχος. Omnia Constantinopolitanæ
 vrbis monasteria vnum exarchum habebant, & sin-
 gula quæque præterea suum archimandritam siue
 hegumenum. ille vero exarchus, suæ & ipse μονῆς
 archimandrita erat, & reliquarum omnium μονῶν
 ἑξάρχος. Sic etiam plura sub vrbe monasteria ab vno
 exarcho regebantur, qui omnes archimandritas
 atque ἡγουµένους sub se habebat. is πατριαρχικὸς ἑξάρχος
 dicebatur, quem patriarcha præficiebat monasteriis
 ad se pertinentibus tam in vrbe quam extra urbem
 positis. in Concilij C P. gestis sub Mena, actione v.
 in libello quem imperatori monachi porrexerunt,
 primo loco exarchi monasteriorum subscriptio
 legitur in hunc modum: Μαριανὸς ὕψ Θεοῦ πρεσβύ-
 τερος καὶ ἄρχιμανδρίτης μονῆς τῆς ἐν ἀγίοις Δογματίς, καὶ
 ἑξάρχος τῆς ἀγαθῆς μοναστηρίου ταύτης τῆς βασιλέως πόλεως
 ὑπέγραψα. reliqui ἄρχιμανδρίταις tantum & ἡγουµένους
 se subscribunt. sic non alius archimandrita diceba-
 tur ἑξάρχος quam qui plurium caput erat, & primas
 archimandritarum. ita certe nec alius metropolita-
 nus exarchi diœceseos sibi nomen adrogabat quam
 qui primus erat, & omnibus metropolitanis in
 diœcesi præerat: nec alius denique episcopus in

vnaquaque prouincia sese exarchum prouinciæ inscribebat, præter primum & in metropoli & prima sede constitutum, qui reliquorum episcoporum totius prouinciæ, caput & primas erat. non tamen minus exarchus prouinciæ & episcoporum per prouinciam constitutorum metropolitanus fuit, quam patriarcha, exarchus diœcesis illius cui præerat, & omnium qui in ea erant metropolitaram & episcoporum.

Hos autem exarchos, qui tibi veri legitimique sunt, ὑποτίμους τῷ ὑποτίμῳ καὶ ἐξάρχῳ nuncupatos esse scribis, cum ceteri subdititij, ὑποτίμοι καὶ ἐξάρχοι tantummodo vocarentur. festiuum profecto istud, & quantumuis ioculare est, ac ridiculum. tam hi quam illi quum dicantur exarchi, tu tamen vis hos subdititios esse, veros illos, & legitimos exarchos. quamobrem? an quos legitimos facis, ideo tales, quia ὑποτίμοι τῷ ὑποτίμῳ nuncuparentur: quos vero adscititios & nothos fuisse vis, subdititij propterea fuere, quod ὑποτίμοι tantummodo dicerentur? bona sane ratio. sed subdititia non est, gemina ac germana tua est. meliores enim non habes. certe honoratiores illi sic fuerint, qui ὑποτίμοι τῷ ὑποτίμῳ, isti minus honorati, qui ὑποτίμοι tantum: sed quum & hi pariter & illi ἐξάρχοι sint appellati, non minus hos quam illos exarchos fuisse, nec minus proprie aut vere dictos esse constare debet. Vnus ex illis, quos veros facis exarchos, ita inscribebatur, ὑποτίμος τῷ ὑποτίμῳ καὶ ἐξάρχῳ πάσης Ἀσίας, & ita reliqui duo. vnus autem ex illis,

qui tibi sunt subdititij, inscribi solebat, ὑπέρτιμος καὶ ἑξάρχος πάσης Λυδίας, & sic ceteri omnes suarum quisque prouinciarum nuncupabantur exarchi. quod ad exarchiam attinet, horum & illorum quæ differentia est? Diœceses integras dices illos rexisse? ergo diœceseon exarchi fuere. prouincias isti tantum regebant? ergo prouinciarum tantum erant exarchi. non minus tamen nec minori cum iure prouinciarum exarchi, quam illi diœceseon suarum, nec minus igitur exarchi. quid nunc habes quod dicas? an non pudet inscitiae simul & ineptiarum? erubesceres profecto si quid oris haberes aut pudoris, si vel quid sit pudor scires.

Toto in hoc opere, ac ventosa tua Aduentoria, vel nugacem te deprehendi oportet, vel mendacem. aut δὲ ὅλου nugaris, aut mentiris: aliud nihil agis. scribis hoc loco, ex tribus illis diœceseon exarchis duo priores ὑπέρτιμος τῆς ὑπέρτιμων καὶ ἑξάρχους, tertium πρέσβηρον τῆς ὑπέρτιμων καὶ ἑξάρχον nuncupatos fuisse. de duobus prioribus quod dices ὑπέρτιμος τῆς ὑπέρτιμων dictos esse, hoc falsum est. siquidem vnus tantum qui & primus, ὑπέρτιμος τῆς ὑπέρτιμων καὶ ἑξάρχος dicebatur; secundus enim, ὑπέρτιμος καὶ ἑξάρχος duntaxat; tertius vero, πρέσβηρος τῆς ὑπέρτιμων καὶ ἑξάρχος. Codinum habes auctorem: eundem quoque habeo. cum igitur audiamus.

α ὁ Καρχαίαις Καππαδοκίας, ὑπέρτιμος τῆς ὑπέρτιμων καὶ ἑξάρχος πάσης ἀνατολῆς.

β ὁ Εφέσου, ὑπέρτιμος ἔξάρχος πάσης Ασίας.

γ ὁ Ηρακλείας, πρέσβηρος τῆς ὑπέρτιμων, καὶ ἑξάρχος
πάσης

πάσης Θράκης καὶ Μακεδονίας.

Solus igitur ex his Codini verbis Cæsariensis episcopus ὑπέρλιμος τῆς ὑπερτίμων dictus est, Ephesinus ὑπέρλιμος καὶ ἑξαρχος tantum, Heracliensis autem παρόεδρος τῆς ὑπερτίμων καὶ ἑξαρχος. Cur ergo ex tribus illis exarchis duo priores ὑπερτίμοις τῆς ὑπερτίμων nuncupatos esse scripsisti, cum vnus tantum ita fuerit nuncupatus? an ita legi voluisti apud Codinum, ὁ Εφέσος, ὑπέρλιμος τῆς ὑπερτίμων καὶ ἑξαρχος πάσης Ασίας? an rationem aliquam habuisti, quæ sic legendum esse tibi suadeat? nos aliam habemus quæ dissuadeat. an ex libris antiquis & manuscriptis ita corrigendum esse vidisti? scripti omnes Codices, plures olim vidi tam in Palatina quam in Regia Bibliotheca, Ephesinum episcopum non aliter scribunt, quam ὑπέρλιμον καὶ ἑξαρχον πάσης Ασίας. & sane sciendum est illo tempore quo scripsit Codinus, aut si quis alius eius Notitiæ auctor, quæ in pluribus libris antiquis sine auctoris nomine reperitur, non aliter appellatum esse Ephesinum metropolitam, quam ὑπέρλιμον καὶ ἑξαρχον πάσης Ασίας, quum tamen Cæsariensis ὑπέρλιμος τῆς ὑπερτίμων, & Heracliensis παρόεδρος τῆς ὑπερτίμων vulgo nuncuparentur. rationem si placidus admittis edam. Hic titulus ὑπέρλιμος metropolitæ omnibus dabatur, seu reuera metropolitæ essent, hoc est prouinciarum exarchi & primates, siue honorarij tantum, quales fuere multi, qui nullas habebant prouincias. sed inter veros, & honorarios metropolitas hoc erat discrimen, quod illi ὑπερτίμοι καὶ ἑξαρχοι, quia ἑξαρχοι

reuera essent, id est prouinciarum primates, isti ὑπερίμοι tantummodo dicerentur. in vnaquaque autem diœcesi qui primam sedem obtinebat, & primam prouinciam tenebat metropolitanus, quia primus erat primas & ceteros omnes diœceseos metropolitas honore antecellebat, quasi vnus ante omnes & super omnes positus metropolitanos, & ὑπερίμοις, dicebatur ὑπερίμος τῷ ὑπερίμῳ, hoc est metropolita metropolitaram, & ἐξάρχος τῆς διοικήσεως. hoc iam supra a nobis fusius explicatum est. Hoc fuere olim, & dicti sunt, tres illi superscripti metropolitani, Cæsariensis, Ephesinus, & Heraclensis, quibus ἐξ ἴσου competebat hic titulus ἐξάρχος τῆς διοικήσεως, & ὑπερίμου τῷ ὑπερίμῳ. nulla inter hos tres exarchos erat differentia. pariter ἐξάρχοι τῶν διοικήσεων dicebantur, pariter ὑπερίμοι τῷ ὑπερίμῳ erant, quia multis ὑπερίμοις præerant. sed hoc tantisper quamdiu manserunt diœceses ac nomina diœceseon in imperio Orientali. postremis vero temporibus mutata administrationum forma, imperioque non vt antea in diœceses, sed in varia themata diuiso, eadem quoque mutatio in πολιτείας Ecclesiasticam inuasit, vt fere semper ciuilem sequebatur. vnum quodque thema interdum plures, interdum pauciores prouincias comprehendebat; interdum vnica tantum prouincia, & minus etiam quam prouincia hoc nomine veniebat. singulis thematibus præerat strategus vnus siue comes cum exercitu. hinc *themata* dicta, quasi positiones dixeris aut metationes castrorum. post hanc diuisio-

nem thematum in imperio iam multis prouinciis per barbaros multato mutilatoque, Cæsariensis episcopus qui olim ἑξάρχος Ποντικῆς διοικήσεως vocabatur, infimis illis temporibus dictus est ἑξάρχος πάσης ἀνατολῆς. ita enim apud Codinum, & in aliis Notitiis manuscriptis: ὁ Καίσαρείας, ὑπέρλιμος τῷ ὑπερλίμων καὶ ἑξάρχος πάσης ἀνατολῆς. nec audiendi sunt qui corrigunt, πάσης Ποντικῆς. nulla enim tunc erat Ποντικὴ διοίκησις. Hæc autem ἀνατολή cuius tum dicebatur ἑξάρχος Cæsariensis episcopus, diuersa erat ab ea cuius patriarcha vel exarchus item vocabatur archiepiscopus Antiochenus. sic enim ad eum scribebat patriarcha Constantinopolitanus: ἀγιώτατε δέσποτα πατριάρχα Θεσπόμεως μεγάλης Αντιοχείας, ἔ πάσης ἀνατολῆς. Hæc ἀνατολή siue ἀνατολικὴ διοίκησις quæ sub Antiocheno patriarcha fuit, qualis fuerit, & quas quotve prouincias habuerit, etiam pueri sciunt. altera illa ἀνατολή, cuius exarchus dictus est Cæsariensis episcopus, de minore Asia dicebatur, quam etiam hodieque *Natoliam* vocant. nam respectu Europæorum hominum, & qui Byzantium incolunt, ad Orientem sita est, & inde ἀνατολή dicta. Vetus inscriptio quam Constantinus lib. i. de Thematibus posuit, ex Vestiario Regio relata: Ἰορδάνου τῆς ἀνατολῆς, καὶ τῶν λοιπῶν ἐθνῶν ὑπὸ πλεῶν μικρὰν Ἀσίαν. Hunc Iordanem sub Arcadio floruisse idem refert. Hæc ἀνατολή cum tunc temporis fere omnes Asianæ diœceseos prouincias complecteretur, postea in varia themata scissa est, quorum præcipuum fuit, ἀνατολικὸν θέμα, vel ὁ θέμα τῆς ἀνατολῆς.

quod sex prouincias comprehendebat, Phrygiam Salutarem, Phrygiam Pacatianam, Lycaoniam, Pamphyliam, Pisidiam & Lyciam, quæ omnes prouinciæ sub Asiana olim diœcesi continebantur. Hoc autem ἀνατολικὸν θέμα vsque ad fines Cappadociæ pertingebat. Constantinus : ὅσα μὲν οὖν εἰσὶ μεσόγαια καὶ περὶ θίκα τὰς Ταύρω καὶ διήκοντα μέχρι τῆς ὀρείων τῆς Καππαδοκίας, καλεῖται ἀνατολική, μέρη γὰρ εἰσὶ τῆς ἀνατολικῆς θέματος. & paulo post : πρὸς δὲ πλάτος ἔχει μὲν ἑξ ὀριζων, μέρη ἵνα ἔῃ Βυκελλαρίδ & τὴν ὀρχίαν τῆς Καππαδοκίας. Hinc, vt videtur, propter vicinitatem episcopus Cæsariensis & idem Cappadociæ primas, titulum ἐξάρχου τῆς πάσης ἀνατολῆς sibi vindicauit. nam Cappadocia vicina erat & contigua Anatolico themati. idque postquam Pontica diœcesis, cuius olim exarchus vocabatur, in multa minutaque themata concisa fuit. ex vna siquidem Pontica diœcesi, & prouinciis vndecim quæ sub ea olim continebantur, postremis imperij temporibus quinque themata facta sunt. Thema Armeniacum, thema obsequium vel ὀψίκιον, thema Optimum, thema Buccellariorum, & thema Paphlagonum. de quibus vide Constantinum lib. i. de Thematibus. cum igitur Cæsariensis antistes primus esset omnium metropolitanorum qui patriarchæ Constantinopolitano suberant, & primatum honoris super omnes obtineret, vbi nulla fuit amplius Pontica diœcesis cuius exarchi titulum vt olim fumere posset, de viciniore & honoratiori themate Anatolico titulū exarchi vsurpauit, & ἐξάρχος πάσης

ἀνατολῆς dictus est : qui titulus tamen proprie pertinebat ad Ephesinum , qui totius Asiæ metropolitānus, Asiāque diœceseos exarchus , olim dictus fuerat. Nam & Asiāna diœcesis tota τῇ ἀνατολῇ nomine nuncupata est , & pleraque eius prouincias τῷ αἰατολικῷ θέμα sub se comprehendebat. sed siue constitutione alicuius Imperatoris hoc factum sit, siue vsurpatione ipsius Cæsariensis antistitis, certum est ita obtinuisse. igitur Cæsariensis ille primas qui πάσης ἀνατολῆς ἐξάρχος dicebatur, ὡς πῖμος etiam ὡς πῖμων dictus est, nam plures ὑπὲρ ῥίμωι siue metropolitæ sub eo erant, quia plures prouinciæ fuere in illo Anatolico themate, cuius exarchus audiebat. Ephesino vero episcopo sola Asia prouincia relicta est, cuius exarchus diceretur. Hæc Asia proconsularis fuit, & prima Asiāna diœceseos prouincia, cuius metropolita specialis erat Ephesinus episcopus, & præterea Asiāna totius diœceseos exarchus. sed quum tota illa fere Asiāna diœcesis, excepta Asia prouincia, in Anatolici thematis nomen concessisset, cuius exarchus dicebatur Cæsariensis præsul; sola Asia prouincia, & particularis eius exarchia, cum titulo exarchi, penes Ephesinum remansit. Hæc autem Asia etiam in thematis formam transiit, sub nomine Thracensium. Constantinus: Ὡδε νῦν καλούμενον τῶν Θρακησίων θέμα πάλαι μὲν καὶ καὶ ἑρχαὶ Ἀσία μικρὰ ὠνομάζετο, καὶ ὁ ταύτης κρατῶν αὐθύπατος Ἀσιάρχης ἦέρετο. quare Thracenses vocati sint illi Asiani prouinciales, vide apud eundem. Hoc itaque Thracensium vnicam tantum prouin-

ciam continebat, Asiam nempe proconsularem, quæ Asianæ olim diœceseos prima fuit, ex vndecim eius prouinciis vna. De hac igitur Asia prouincia siue Thracensium themate, intelligendus est Codinus, vbi apud eum legitur, ὁ Εφέσος, ὑπέρτιμος καὶ ἑξάρχος πάσης Ἀσίας. nulla enim illo tempore Asia præter illam quam diximus. de Asiana quippe diœcesi nullo modo potest intelligi. ideo igitur ὑπέρτιμος tantum, non ὑπέρτιμος τῶν ὑπὲρτίμων dictus est, quia nulli erant in Asiana prouincia ὑπέρτιμοι præter ipsum. quod enim non plurium prouinciarum ἑξάρχος, sed vnius diceretur, ac nullum metropolitam siue ὑπέρτιμον sub se haberet, idcirco non ὑπέρτιμος ὑπὲρτίμων, sed ὑπέρτιμος ὡς ἑξάρχος πάσης Ἀσίας nuncupatus est; eodem prorsus modo, quo Ancyranus, ὑπέρτιμος καὶ ἑξάρχος πάσης Γαλατίας, aut Cyzicenus, ὑπέρτιμος καὶ ἑξάρχος πάσης Ἑλλησπόντου, sunt appellati, & sic de reliquis qui singulares prouincias regebant metropolitæ. Heracliensis vero antistes πρεσβύτερος τῶν ὑπὲρτίμων etiam vocabatur, quod ἑξάρχος Θράκης καὶ Μακεδονίας nucuparetur. Duo autem illa erant themata, quorum vtrumque plures prouincias complectebatur, & plures ὑπὲρτίμοις habebat. Hinc πρεσβύτερος τῶν ὑπὲρτίμων dictus præsul Heracliensis, qui duobus illis præerat thematibus, & multis ὑπὲρτίμοις præsidebat. At Ephesinus licet ὑπέρτιμος tantum diceretur, vt pote qui vnicæ prouinciæ in qua nulli præter ipsum ὑπὲρτίμοι, præsideret, nihilominus tamen pristinam suam dignitatem sedisque prærogatiuam retinuit, vt secundus

nimirum esset omnium metropolitanorum qui patriarchæ Constantinopolitano subiecti erant. quos inter metropolitanos decem primi potiores dignioresque habebantur. ad eos cum scribebat patriarcha, nomen suum litteris adscribere consueverat, *patriarcha ille, ad metropolitam illum*: ceteris vero scribens ponebat tantum, *πατριαρχικόν εἰς τὸν δέινα*, *πατριαρχικόν*, subintellige *πιπτάκειν*. vetus Formularium: *ἐνθα γίνω δὲ ὑπογράφει ὁ πατριάρχης, ἔχεται ἐν τῇ ὑπογραφῇ τὸ ὄνομα τῷ πατρὶς ὃν γράφει πατρίων, εἰς ᾧ τὸ δῆλον μέρος τῷ πατριάρχῃ ἐνθα κείται ἡ βούλλα. εἰς ᾧ τοὺς λοιποὺς ἔχοντας, τοὺς συλλαλητικοὺς τοὺς μὲν ἀνθυμειάτους καὶ ὁφείκια ἔχοντας ἐνίμα καὶ πρεσβυτέρους βασιλέως, γράφει ὁ πατριάρχης τὸ ἐαυτοῦ ὄνομα πατρίων, Ματθαῖος υἱὸς Θεοῦ, εἰς ᾧ τὸ δῆλον μέρος τὸ ὄνομα τῷ πατρὶς ὃν γράφει. εἰς ᾧ τοὺς ἄλλους ἔχοντας, ὅπου κείται ἡ βούλλα, γράφοισι παρὸς μὲν τῇ βούλλῃ, πατριαρχικόν, μετὰ δὲ πρὸς βούλλαν, εἰς τὸν δέινα. οὕτω καὶ εἰς τοὺς μητροπολίτας, μέχρι μὲν τῷ δεκάτῃ θρόνου ἔχεται τὸ πατριάρχῃ ὄνομα, εἰς ᾧ τοὺς ἐξῆς πόλεις, πατριαρχικόν.*

Decem porro primæ illæ sedes hoc ordine recensentur tam in omnibus veteribus Notitiis, quam in antiquis Conciliorum subscriptionibus:

α ἡ Καρχηδονία.

β ἡ Εφεσος.

γ ἡ Ηράκλεια.

δ ἡ Ἀλικαρνα.

ε ἡ Κύζικος.

ς αἱ Σάρδεις.

ζ ἡ Νικομήδεια.

η ἡ Νίκαια.

Θ ἡ Χρυσοδών.

Ἰ ἡ Σίδων.

Sic ex quo tempore Constantinopolitanæ sedi subiecti fuere tres illi exarchi, Cæsariensis, Ephesus, & Heracleensis, hoc prærogatiuæ solum habuere inter reliquos metropolitas, ut primi inter primos sederent ac subscriberent, cetera veri merique metropolitæ forent. Nam & ipsi cum ceteris ordinabantur a patriarcha, suosque, ut ceteri, solos episcopos ordinabant. Olim idem patriarcha solos solebat ordinare metropolitanos qui reuera tales essent, hoc est prouinciarum exarchos. ceteri quibus hoc nomen honoris causa datum fuisset, ab antiquis & veris ordinabantur metropolitanis. postremis vero imperij temporibus omnes qui metropolitæ, aut archiepiscoporum nomine honorati fuerant, licet nullas sub se prouincias aut episcopos haberent, solus idem patriarcha Constantinopolitanus ordinauit. Auctor incertus lib. III. iuris Orientalis, *ὅτι τὸ πλὴν κατέδραν ἑξέως τῆς μητροπολιτῆς καὶ ἀρχιεπισκόπων, καθὼς ἐν χρονοφυλακίᾳ ἐπαυγάζονται.* in ea descriptione octoginta metropoles, & triginta nouem archiepiscopatus recensentur, eodem ordine ac numero quo recensiti leguntur in dispositione Leonis Philosophi. atque illi omnes metropolitani, archiepiscopi que a patriarcha solo Constantinopolitano ordinationem accipere consueuerant. idem auctor: *ἔδῃ τὰς πόλεις αἱ τὰς τὸ ἀρχιερωσύνης περικύβηται ἀξιώματα, καὶ αἷς ἱεροῖς ποιμνύες ὡς τῆς πατριαρχικῆς ἀρχιερίζονται δόξιας, ἐν αὐτοῖς ἀγαγὰ-*

ἀρχιερεῖς, ὡς πρὸς τοὺς οἰκουμένης βεραρχίας συνεχομένης,
καὶ τῶν βεραρχιών ἀπαλαμπύρους προφασισμένης. sed hæc
hactenus.

CAPVT III.

PATRIARCHAS dictos esse plures quam quinque. Primarios & precipuos quinque tantum fuisse patriarchas, sed non solos. Patriarcharum & exarchorum diæceseon, ut unum idemque nomen fuit, sic vnus idemque gradus. Inter primarum quinque sedium patriarchas, & reliquos eiusdem nominis, differentiam aliquam honoris & auctoritatis fuisse, nullam ordinis. Quinque etiam summos illos patriarchas, non parem omnes dignitatem habuisse, & tamen eundem gradum constituisse. Quum tres olim primæ sedes fuerint, postea quinque factas. Vnde patriarchæ appellati. Ante Iustinianum & post Iustinianum tres tantum gradus numeratos esse. Exarchum diæceseos in Chalcedonensi canone, patriarcham esse cuiusque diæceseos. Iurisdictionem in metropolitanos neminem habere qui non habeat & eorumdem ordinationem. Exarchos Ponticæ, Asiæ & Thracicæ diæceseon, nullam tempore Concilij Chalcedonensis habuisse iurisdictionem, & iam tunc patriarchæ C. P. subiectos fuisse. De Catholicis archiepiscopis, quod eiusdem ordinis, & gradus fuerint cum patriarchis.

DE Græcorum exarchis quinam, & numero quot fuerint, te dixisse abunde dicis. sane fateor. nunquam vidi abundantiores nugas, nec profusiora mendacia. abunde quidem & fuse, sed tam infeliciter hanc rem tractasti, ut nec semel verum dixeris. verum hoc solens facis, eo miror minus. Hoc capite de patriarchis eorumque diæcesibus dicturum promittis, ut hinc etiam discamus alios tertij, alios

quarti ordinis episcopos fuisse. magnam rem profiteris, haud scio an præstabis. quid præstare scias, quid promittere, nouimus. inter vtrumque, πλὴν ὅ μὲν. sed euentus hoc docebit. interim bene est, quod patriarchis diœceses nunc tribuis. iam resipuisse te video. solas sedes illis olim dabas, solis vero exarchis diœceses concedebas. Hoc igitur nomine diuersi non erant ab exarchis diœceseon patriarchæ, nam ipsi quoque diœceseon exarchi. sed hæc infra pluribus. nunc ad interrogata tua respondeamus. interrogas me quot legitimos in Ecclesia patriarchas habitos olim esse censeam. si rogasses quot præcipuos primariosque patriarchas quondam in Ecclesia numeratos existimem, quinque omnino fuisse tibi respondissem. si qui vero præter illos quinque primos ac præcipuos, patriarchæ dicti sunt, & reuera fuerunt, an eos non legitimos fuisse putes, nunc vicissim a te peto? Inter metropolitans quod aliqui extitere, qui honore & ordine ceteris antistarent, an ideo ceteros nec veros nec legitimos extitisse metropolitans putabis? ex octoginta metropolitanis qui patriarchæ C. P. parebant, decem primi ceteris honoratiores, & dignitate potiores habebantur, & inter decem illos primos tres priores, qui & diœceseon dicebantur exarchi. quod illi honoris prærogatiuam haberent, an propterea reliqui veri legitimique metropolitæ non fuere? sic in orbe Christiano, & vniuersa Dei Ecclesia primos ac præcipuos quinque numero patriarchas ita olim habitos esse certum est, vt solos

& legitimos non fuisse, satis constet. Nam multi alij præter eos tam in Oriente quam in Occidente hoc nomine donati sunt, qui & patriarchæ reuera fuere, diœceses rexere, multis metropolitanis præfuere, & πατριάρχης δὲ σὺν ἁγίοις habuere. de quibus paulo post erit dicendum. illorum quinque patriarcharum, quos solos ac legitimos fuisse vis, sedes primæ ac præcipuæ fuere, atque ita semper a veteribus sunt appellatæ. non igitur solæ patriarchales si præcipuæ; nec si solæ essent, præcipuæ dicerentur. Gregorius lib. vii. indict. ii. ep. lrv. ad Secundinum inclusum: *Hinc est enim ut quotiens in quattuor præcipuis sedibus antistites ordinantur, synodales sibi epistolas vicissim mittant, in quibus se sanctam Chalcedonensem Synodum cum aliis generalibus custodire fatentur.* Constantinus in Donatione: *Sancimus ut Romana sedes principatum teneat, tam super quattuor præcipuas sedes, Antiochenam, Alexandrinam, Constantinopolitanam, Hierosolymitanam, quamque super omnes in universo orbe terrarum Dei Ecclesias.* alia plura possem testimonia proferre, nisi hæc sufficere crederem. non soli igitur illi quinque patriarchæ, quia præcipui. nam si soli fuissent, præcipui nunquam, aut primi vel primarum sedium patriarchæ dicti essent. sic summarum curiarum hodie apud nos primi præsides, ideo primi dicuntur, quia collegas habent dignitate pares, ac pariter præsides: hos quia præcedunt, his quia præsunt, inde primi dicti. at si vnus tantum esset, & vnicus in singulis supremis curiis præses, is non primus, sed simpliciter & absolute præses diceretur. quod

illi igitur quinque patriarchæ, præcipui primique sunt appellati, & habiti, an non magnum certumque hoc argumentum est, alios minores fuisse, & minorum gentium patriarchas, inter quos illi excelluerunt, & præcipuum quemdam καὶ ἐξαίρετον honorem habuerunt? unde enim & quare isti præcipui, καὶ τῶν ἄλλων ἐξοχοί, nisi alios des fuisse, quorum comparatione ita dici queant? sed quod aliqui multi minores patriarchæ, & quinque duntaxat maiores, an ideo minus illi patriarchæ? an ideo pro patriarchis omnino non habendi? Quam ineptum igitur illud est, ac falsum, quod ais, me patriarcharum turbam animo mihi finxisse: me Galliam, Italiam, Africam, Orientem quoque ipsum peragrasse, ut patriarchas quærerem: me ubi nulli erant, novos & inauditos excitasse, & patriarchas fuisse, qui nunquam fuere, hariolatum esse. Hæc omnia αἰσχρολογία Sirmondiana sunt, non dicā qualia, satis est dixisse Sirmondiana. Egone alios mihi finxi patriarchas, quam quos fuisse certum est, quam quos ita appellatos esse certissimum est? immo tu potius eos me finxisse tibi fingis; novos & inauditos creasse, non hariolaris, sed plane aperteque mentiris. quid si tibi, quos non ipse peperit, sed reperi patriarchas, patriarchica omnia iura cum nomine habuisse, inter patriarchas sedisse, cum patriarchis & tanquam patriarchas in conciliis subscripsisse, pro patriarchis habitos & agnitos semper fuisse ostendo, tendesne adhuc ultra pertendesque non fuisse patriarchas? tam tenax fortasse, tamque pertinax non eris.

atqui nisi hoc ostendero, nisi aperto pignore probauero, volo hariolus esse, volo Sirmondus esse.

Ad Iustinianum nunc me vocas, grauissimum certissimumque auctorem, ut ex eo discamus, quot numero fuerint patriarchæ. *Is quinque omnino*, inquis, *patriarchas fuisse docet, tum ubique passim, tum diserte Nouella cxxiii.* verba Nouellæ ista sunt: Κελθόντων πρὸς μακαριώτατους ἀρχιεπισκόπους καὶ πατριάρχας, τούτοις τῆς ὁρεσούτης Ρώμης, καὶ Κωνσταντινουπόλεως καὶ Ἀλεξανδρείας, καὶ Θεσπόμεως, καὶ Ἱεροσολύμων, ἐν τῇ αὐτῇ χρεσσίᾳ, ταῦτα μόνον πρέχον, ἅπερ ἡ σιών ἤχα γινώσκει. certe patriarchas quinque tantum heic nominauit Iustinianus, sed quinque omnino fuisse minime dixit. quinimmo vel ideo nominatim eos videtur expressisse, ut de quibus intelligeret, notum esset; de illis nempe quinque primariis ac præcipuis, quos diximus patriarchis. Nam si soli tunc fuissent, patriarcharum nomine noti ac nuncupati quinque, satis habuisset dicere, Κελθόντων πρὸς μακαριώτατους ἀρχιεπισκόπους καὶ πατριάρχας, ἐν τῇ αὐτῇ χρεσσίᾳ ταῦτα μόνον πρέχον ἅπερ ἡ σιών ἤχα γινώσκει. Nam de aliis patriarchis, quam de his quinque nemo potuisset intelligere, si præter hos non alij cogniti fuissent.

Sed quoniam ad Iustinianum me vocasti, & eius auctoritatem mihi obtendisti, ad eundem quoque auctorem iubeo te venire, ut inde docearis præter illos quinque supra memoratos primarios patriarchas, in Oriente etiam aliquos fuisse, quibus id nomen cum re ac iure ipso adtributum est, ut de illis

Ggg iij



nunc nihil dicam qui in Occidente pariter hoc idem nominis habuerunt. nonne ipse ille Iustinianus quo certiolem grauioremque auctorem de numero patriarcharum neminem esse posse dixisti, nonne idem ille inquam imperator, Iustinianæ primæ patriæ suæ archiepiscopum, æque optimo iure patriarcham instituit, ac quisquam fieri vel esse potest patriarcha? Nam & plures illi prouincias Ecclesiasticas subiecit: multis metropolitanis præesse iussit: episcopos omnes subiectarum prouinciarum, vt ordinaret voluit: vt ipse a propriæ Synodi episcopis ordinaretur constituit. quid est patriarcham esse si hoc non est? verba Iustiniani ex Nouella cxxx. hæc habe. τὸν δὲ κτ' καὶ ἐν μακαριώτατον ἀρχιεπίσκοπον τῆς πρώτης Ιουστινιανῆς, ἣ ἡμετέρας πατρίδος ἔχει ἀπὸ τῶν οἰκίαν διχομοδοσίαν τοῖς ἐπισκόποις τῶν ἐπὶ τῇ Δακίᾳ, Μεδιτεγρᾶνέας, καὶ Δακίᾳ Ριπηνσίᾳ, Τριβυλλείᾳ, Δαρδανίᾳ, καὶ Μισίᾳ τῆς αἰωτέρας, καὶ Πανονίᾳ, καὶ πρὸ αὐτῶν πάντων χειροτονῶν, αὐτὸν δὲ ἀπὸ τῆς οἰκίας οἰκονομῶν χειροτονῶν. Sancimus etiam beatissimum pro tempore primæ Iustinianæ, nostræ patriæ archiepiscopum, semper habere sub sua iurisdictione episcopos prouinciarum, Dacia Mediterraneæ, & Dacia Ripensis, & Triballæ (Latini vocant Priuallim) & Dardania & Mysiæ superioris & Pannoniæ, & ab eo hos ordinari, ipsum vero a proprio ordinari concilio. quoniam autem suprascripto archiepiscopo Iustinianæ vices suas iam mandauerat Vigilius Papa, vt mos erat Paparum vicarios tam in Occidente quam in Oriente, metropolitæ & patriarchas etiam habere, statuit idem Iustinianus,

ut Iustinianæ primæ archiepiscopus perpetuus
 esset vicarius episcopi vrbis Romæ in omnibus
 prouinciis quas ei subiecit. Ἐν αὐταῖς τῇ ὑποκειμένῃ
 αὐτῷ ἐπὶ ῥήματι τὸν ὅπον ἐπέχει αὐτὸν τῇ Αποστολικῇ Ρώμῃ
 Ἰερῶν καὶ τὰ ὁριζήντα ἀπὸ τῆς ἀγίου Πάπα Βιγιλίου.
 qui ἀσχετόμος est, qui nulli alij patriarchæ vel pri-
 mati subiectus est, qui diœcesim integram, hoc est
 multas Ecclesiasticas prouincias sub se habet, qui
 episcopos sibi subditos sine cuiusquam alterius
 permisso ἀντιχεισίνω ordinat, qui a nullo ipse ordi-
 natur nisi ab episcopis comprouincialibus, an
 non ille verus ac legitimus est patriarcha? ubi res
 ac ius adest, quid nomen requiris? ubi cum re
 quoque nomen adest, quid amplius requiri potest?
 atqui certum est archiepiscopum illum Iustinianæ
 primæ, & patriarcham reuera fuisse, & patriar-
 chæ nomen habuisse, & pro patriarcha semper
 eum Græcos agnouisse. Nam & consecratio eodem
 more modoque peragi celebrarique solebat, quo
 & ceterorum summorum patriarcharum. metro-
 politani omnes & archiepiscopi consecrandi bis
 consignabantur. primum signaculum vocabant,
 paruum; secundum, magnum. & hoc erat conse-
 cratio. Patriarchæ vero semel tantum πρὸ σφραγίδας
 accipiebant. nam designatio vel nominatio quæ ab
 imperatore fiebat, quam Græci πρὸ βλήσιν vocant,
 pro minore signaculo valebat. Codinus de ordi-
 natione patriarchæ Constantinopolitani: ὁμοίως καὶ
 ἀποβαλλάκτος ἢ καὶ ἡ τῶν ἐτέρων πατριαρχῶν πρὸ βλήσις,
 τῇ τῇ Αλεξανδρείας, τῇ Αντιοχείας, καὶ τῇ Ιεροσολύμων,

Ἀλλὰ δὴ καὶ τῷ Ἀρχιεπισκόπῳ πρῶτης Ἰστανιαῖς Ἀρχίδος,
 καὶ πάσης Βουλγαρίας. is igitur & patriarcha sicut erat,
 ita dicebatur: cum patriarchis subsignabat: cetero-
 rum more patriarcharum consecrabatur. Barlaa-
 mus episcopus Hieracensis, quinque patriarchas in
 Oriente agnoscit, & Bulgariae patriarcham inter
 illos computat. Codinus vocat illum Ἀρχιεπίσκο-
 πον πρῶτης Ἰστανιαῖς Ἀρχίδος. in veteri formulario
 manuscripto vocatur, Ἀρχιεπίσκοπος τῆς πρῶτης Ἰστανιαῖς Ἀρχίδος καὶ πάσης Βουλγαρίας, *Archiepiscopus
 prima Iustiniana Achridensium*. hæc prima Iustiniana
 Achridensium patria fuit Iustiniani, & totius Bul-
 gariae metropolis, & Bulgarorum regia, vt habetur
 apud Zonaram in Basilio Porphyrogenneta: hodie-
 que *Ocridam* vocant. Postremis vero temporibus
 sub Innocentio tertio, archiepiscopus Trinouita-
 nus factus est totius Bulgariae Valachiaeque primas
 siue patriarcha. Rogatu enim Calojohannis Bul-
 garorum principis idem Innocentius Trinouita-
 num archiepiscopum totius Bulgariae primatem
 fecit, pallium ei ac mitram & annulum de more
 misit, & duos metropolitanos Belesbulnensem, &
 Postolauensem ei tanquam primati subiecit. sed
 Calojohannes qui primatem & patriarcham idem
 esse nesciebat, iterum scripsit ad eundem Inno-
 centium, ac eum rogauit, vt archiepiscopum primæ
 ciuitatis Bulgariae, quem iam primatem constitue-
 rat, etiam patriarcham creare dignaretur, ac pasto-
 ralem virgam ei mitteret. verba eius hæc sunt: *rogo
 & deprecor magnam sanctitatem tuam, vt compleat desi-*
derium

derium imperij mei, & mittat virgam pastorem ad congregandas oues, & cetera quæ patriarcha consuevit habere, & faciat præfatum primatem, patriarcham in sancta & magna Ecclesia Trinoai primæ ciuitatis totius Bulgaria, & habeat præfata Ecclesia, post mortem istius patriarchæ, patriarcham perpetuum ex præcepto sanctitatis tuæ. Innocentius ad has regis Bulgarorum litteras ita respondit: Venerabili fratri nostro archiepiscopo Trinouitano, in terris quibus imperas vniuersis priuilegium concedimus primatiæ, qui, & ipsius successores, & tuos in posterum successores, simili ab eis iuramento recepto Apostolica sedis auctoritate coronet, & in terra tua primatus obtineat dignitatem, eique metropolitæ tam in Bulgaria, quam in Blancia prouinciis constituti subiaceant, & iuxta formam canonicam reuerentiam debitam primati exhibeant & honorem. Alia vero epistola quam primati Bulgaria misit, primatem & patriarcham idem esse asserit, & hæc duo vocabula rem vnā & eandem exprimere, his verbis: te quoque in regno Bulgarorum & Blancorum primatem statuimus, & Ecclesie Trinouitane præfenti priuilegio auctoritatem concedimus primatiæ, statuentes vt tu & successores tui, qui tibi in Apostolica sedis deuotione successuri sint, ceteros metropolitanos Bulgaria, & Blancia præcellatis ratione primatus, & ipsi tibi, & eis iuxta formam canonicam, reuerentiam primati debitam exhibeant & honorem: fraternitatem tuam scire volentes quod apud nos hæc duo nomina, primas & patriarcha, penitus idem sonant, cum primates & patriarchæ teneant vnā formam, licet eorum nomina sint diuersa. Hæc ex libro manuscripto qui gesta Innocentij

tertij continet, nondum edito, descripsimus. *Blanciam* vocat Innocentius quam Græci Βλαχίας. hinc Οὐλγεβλαχία & Μαυροβλαχία apud Codinum. nunc *Walachiam* appellant. at *Trinouum* quæ Bulgarorum tunc erat regia, & totius Bulgariae prima ciuitas, aliis *Trenouum*, aliis *Trinauum* vel *Trinabum* dicitur: Græci Τόρνοβον dixere. Prouinciale vetus ex Bibliotheca amplissimi Ribierij *Tornouum* vocat, & Tornouienſi primati duo metropolitanos ſiue archiepiſcopos ſubiicit, Belebudiensẽ & Poſtibulenſẽ. In Bulgaria archiepiſcopus Tornouienſis qui primas: Belebudiensis archiepiſcopus, Poſtibulenſis archiepiſcopus: Scopiensis, Buζienſis, Budiensis, Brinciueconenſis, Lonaſienſis. Inter hos Bulgariae epiſcopos Budiensis vel Budinenſis vocatur ἀπὸ τῆς Βυδίνης quæ ciuitas erat Bulgariae in metropolim poſtea erecta. Codinus: ὁ Βυδίνης καὶ αὐτὴ ἐπιſκοπὴ ὅσα τῆς Βουλγαρίας ἐπὶ μὲν θ. hoc eſt, epiſcopus *Bidynes*. perperam doctus interpres, vertit *Obudines*. idẽ Codinus alibi: ἐλέγετο καὶ ἐφ' ἡμῶν ὁ μὲν ἐπολίτης Βυδίνης, καὶ ἐπεὶ εἰς Μαυροβλαχία. ſed hæc obiter. de aliis alibi viderimus. Belebudiensẽ metropolitam Bulgariae vocat illa Notitia, qui in libro de geſtis Innocentij Belebudenſis dicitur; & Poſtibulenſẽ, qui ibi Poſtolanenſis. *Tornouum* quoque appellat, quod in Epiſtolis eiũdem Innocentij *Trinouum* appellatur. Græcis, vt iam dixi, Τόρνοβον: apud quos archiepiſcopus ille Tornouienſis pro patriarcha etiam agnitus, & in numerum legitimorum patriarcharum relatus. ad eũ enim patriarcha Conſtantinopolitanus, eodem plane exemplo

quo & ceteris patriarchis scribere solebat. & hæc scribendi formula erat, quam ex veteri Formulario Græco Regiæ Bibliothecæ olim deprompsimus: *Αγιώπατε πατρίαρχα Τοριόβου καὶ πάσης Βουλγαρίας, εὐ αἰνῶ πνύματι ἀγαπητὲ ἀδελφὲ τῆς ἱμῶν μετεώτητος ἔ συλλεῖτηργέ, δι' ἡμεῶν τῶ Θεῷ ὑμαίνεσι πλεὺ ἀνωσιῶν ὅυ καὶ ὁμαλικῶς εἰς σύστασι καὶ ὠφέλῃ τῆ ἡμῶν αὐτίω χειρουργίῳ πληρώματος. καὶ ἐν ᾧ τέλει. ἔρρωσο ἐν κρείῳ μακαριώτατε δέσποτα.* non aliter scribebat ad reliquos tres patriarchas, Alexandrinum, Antiochenum & Hierosolymitanum, ut ex eodem Formulario videre est. ita enim, exempli gratia, Hierosolymitanum patriarcham in Epistolis compellabat. *αἰγιώπατε δέσποτα πατρίαρχα Ιεροβλύμων, αἰγίας Σιών, Συρίας, Αραβίας, πέραν Ιορδάνου Καὶ τῆς Γαλιλαίας, καὶ πάσης Παλαιστίνης, ἐν αἰνῶ πνύματι πορνιότατε ἀδελφὲ καὶ συλλεῖτηργέ, &c.* ita & ceteros. A Iustiniani igitur temporibus, usque ad infima Orientalis imperij tempora, Dardania siue Bulgaria, & priusquam a barbaris occuparetur, & postquam ab iisdem occupata est, suum semper habuit patriarcham, cui & plures prouinciæ subiectæ, & omnia iura ac priuilegia legitimorum patriarcharum ab eodem Iustiniano fuere concessa & attributa.

Quemadmodum autem idem Iustinianus Iustinianæ primæ episcopum, Daciæ Mediterraneæ, Daciæ Ripensis, Præualitanæ, Mœsiæ superioris, & Pannoniæ patriarcham constituit, ita & archiepiscopum quoque Carthaginensem totius Africanæ diœceseos patriarcham esse statuit, postquam

Africa barbaris erepta, Romano imperio restituta est. ita enim eadem Nouella cxxxi. de Carthaginensi archiepiscopo sanxit, cap. iv. καὶ τὸν ὁμοιον ἔσπον
 τὸ δίκαιον τῆς ἀρχιερωσύνης ὅπως τὰς ἐπισκόπων Ιουστινιανῆς
 Καρχηδόνης τῆς Αφρικῆς διοικήσεως δεδώκαμεν, ἐξ οὗ πρὸς
 ὁ Θεὸς ταύτῃσι ἡμῶν ἀποκατέστησε, φυλάττειν καὶ κηρύττειν.
 per hæc verba episcopum Carthaginensem totius
 Africanæ diœceseos ἀρχιερέα hoc est πατριάρχῃ
 constituit, cui simile ius tribuit in omnes Africæ
 prouincias, quod Iustinianæ primæ tribuerat cap.
 iii. eiusdem Nouellæ in omnes prouincias ibi enu-
 meratas. τὸ δίκαιον τῆς ἀρχιερωσύνης idem est ac τὸ
 δίκαιον πατριαρχικόν. μητροπολιτικόν δίκαιον, hoc idem ius
 vocat ibidem Iustinianus: καὶ αἱ πόλεις, καὶ οἱ
 τόπων ἐπίσκοποι οἷς ἐν διαφοροῖς τοῖς μητροπολιτικόν δίκαιον
 παρέχῃ, ὅς τινες προνομῶς εἰς τὸ διωκεῖς ἀπολαύτωρ.
 Veri enim patriarchæ hoc μητροπολιτικόν δίκαιον in vni-
 uersa diœcesi sibi subiecta habuerunt, vt Alexan-
 drinus in Ægyptiaca, Antiochenus in Orientali.
 metropolitæ siquidem reuera fuerunt suarum sin-
 guli diœceseon. Per illam igitur Iustiniani consti-
 tutionem haud dubium est idem iuris habuisse
 Carthaginensem episcopum in omnem Africanam
 diœcesim, quod Alexandrinus & Antiochenus pa-
 triarchæ in suas sibi subiectas diœceses. sic reuera
 patriarcha fuit Africanæ diœceseos. & si in Græcia
 fuisset, sine dubio ita appellatus esset. Magna sem-
 per episcopi Carthaginensis in Africana diœcesi
 priuilegia fuere. nam & primus maximusque totius
 Africæ primas habitus est, & hanc licentiam habe-

bat, vt ad desiderium petentium, ex quacunque vellet Ecclesia, episcopum creare posset: omnium denique Africæ Ecclesiarum sollicitudinem gerebat. non tamen tantam videtur olim potestatem atque auctoritatem habuisse, quantam ei postea concessit Iustinianus imperator Nouella superscripta. Omnes olim Africanarum prouinciarum primates, quantum ad episcoporum ordinationes attinet, ἀρχεπαλαιοι erant, & suos singuli suffraganeos episcopos inconsulto Carthaginensi primate libere ordinabant, ipsique a comprouincialibus episcopis ordinabantur. Ex illa vero Iustiniani Nouella, cuius verba supra recitauimus, omnium omnino totius Africanæ diœceseos episcoporum ordinationem iuri suo vindicare potuit, immo & vindicauerit episcopus Carthaginensis. ius enim illi plenum summumque τῆς ἀρχιερωσύνης, καὶ μητροπολιτικὸν δικαίον in Africam vniuersam tribuit imperator. ius autem illud μητροπολιτικὸν in ordinandis episcopis totum præcipue versatur. capite porro tertio eiusdem Nouellæ idem Iustinianus hoc idem ius metropolitico Iustinianæ primæ archiepiscopo concesserat in prouinciis ibidem nominatim recensitis, vt earū scilicet omnium prouinciarum episcopos ordinaret, & ab iisdem ipse ordinaretur. capite vero sequenti eandem potestatem καὶ τὸ δικαίον τῆς ἀρχιερωσύνης episcopo Carthaginensi per omnem Africanam diœcesim seruari præcipit: καὶ τὸν ὁμοίον ἔργον τὸ δικαίον τῆς ἀρχιερωσύνης, ὅσῳ ὡς Ἰουστινιανῆς Καρχηδόνος τῆς Αφρικῆς διοικήσεως δεδώκεται, φυλάττειν καὶ κελύεσθαι.

Ergo & episcopo Carthaginensi episcoporum per totam Africam ordinandorum ius ac potestatem similiter dedit Iustinianus, ut Iustinianæ primæ episcopo, per prouincias sibi subiectas. Hoc ius ordinationis in Africana vniuersa diœcesi certum est episcopum Carthaginensem ante Iustinianum non habuisse: nam ut iam diximus, antequam a Barbaris occupata esset Africa, singularum prouinciarum Africæ primates, qui & metropolitani, suorum sibi subiectorum episcoporum sine permissu episcopi Carthaginis ordinandorum liberum ius habebant. Iustinianus igitur Africa recepta, & Carthagine de suo nomine Iustiniana vocata, episcopum Iustinianæ Carthaginis hoc *δικαιον ἐπισκοπῆς* in omnem Africanam diœcesim habere voluit, quod ante non habuit, ut nemo scilicet in tota Africæ diœcesi sine consensu eius episcopus creari consecrarique posset. sic per Iustinianum verus ac legitimus totius Africæ patriarcha effectus est episcopus Carthaginensis. Hinc Leo nonus Epist. iii. ad Thomam episcopum de priuilegiis Carthaginensis archiepiscopi ita scribit: *Noueris ergo proculdubio, quia post Romanum pontificem primus archiepiscopus, & totius Africæ metropolitanus est Carthaginensis archiepiscopus: nec quicunque sit ille Gummitanus episcopus, aliquam licentiam consecrandi episcopos vel deponendi, seu prouinciale concilium conuocandi habet sine consensu Carthaginensis archiepiscopi, cuiuslibet dignitatis aut potestatis sit.* & Epist. iiii. ad Petrum & Iohannem episcopos: *nec quicunque ille sit Gummitanus episcopus,*

aliquam licentiam consecrandi episcopos vel deponendi, seu prouinciale Concilium conuocandi habet sine consensu Carthagenensis archiepiscopi, cuiuslibet dignitatis aut potestatis sit. tantummodo procurabit ille Gummitanus episcopus, quæ ad propriam parochiam pertinent: cetera autem sicut & alij episcopi Africani, consilio Carthagenensis archiepiscopi aget, qui solus in Africa pallium ab Apostolica sede habere solet, unde & episcopos consecrandi principale & antiquum ius retinet. principale & antiquum ius consecrandi episcopos per vniuersam Africæ diœcesim habuisse Carthagenensem episcopum, post Iustinianum verum est; ante Iustinianum, falsum. ius hoc tamen ex antiquo retinuisse episcopum Carthagenensem probare Leo nititur ex verbis Aurelij in concilio Carthagenensi capitulo XLIX. sic enim ait ibidẽ: unde & episcopos consecrãdi principale & antiquum ius retinet, sicut ex verbis Aurelij in Concilio Carthagenensi capitulo XLIX. potest intelligi quum dicit: in Ecclesia ad quam dignata est vestra sanctitas conuenire, crebro ac pæne per diem dominicam episcopos ordinandos habemus, & cetera. Ex his Aurelij verbis antiquitus vniuersorum Africanæ diœceseos episcoporum ordinationes ad Carthagenensem archiepiscopum pertinuisse conatur adstruere Leo. quam recte hinc iam sciri poterit. capitulo illo XLIX. Concilij Carthagenensis tractatur ac decernitur quot episcopi debeant episcopum ordinare. propositum in concilio fuerat ab Honorato & urbano episcopis, duo Numidiæ episcopos præsumpsisse Pontificem ordinare, iidemque censebant non nisi a duodecim celebrari ordinationes.

tunc Aurelius qui Concilio præsidebat, dixit, formam antiquam seruari debere, ut non minus quam tres sufficiant, qui fuerint designati ad episcopum ordinandum. in multis Africæ prouinciis hoc non posse fieri ut duodecim congregentur episcopi ad episcopum ordinandum. nam & in Tripoli quinque tantummodo esse episcopos, & incidere posse ut de illo numero duo necessitate aliqua occupati ad ordinationem occurrere nequeant. hoc igitur ipsum non debere impedimento esse Ecclesiasticæ utilitati, & sic tres tantum episcopos sufficere ad ordinandum episcopum. subdit deinde hæc verba ad litteram: *Nam & in hac Ecclesia ad quam dignata est vestra sanctitas conuenire, crebro ac pæne per diem dominicam ordinandos habemus: numquidnam frequenter duodecim potero vel decem vel non multo minus aduocare episcopos? sed facile est mihi duos adiungere paruitati meæ vicinos. quapropter cernit mecum charitas vestra hoc ipsum obseruari non posse.* atque hæc ipsa sunt Aurelij verba, ex quibus intelligi posse asserit Leo Carthaginensem archiepiscopum ius consecrædi episcopos habuisse per vniuersam Africanam diocesim. verum nihil illa minus quam hoc tinnire cuius apparet. quinimmo contrarium plane inde licere colligi liquet. Aurelius ut ostenderet quantum in eo difficultatis esset positum, ut duodecim vel decem episcopi in vnaquaque prouincia conuenirent ad vnum consecrandum episcopum, de se ac sua Ecclesia ipse affirmat, hoc in prouincia sibi subiecta obseruari non posse. per diem quippe dominicam ut plurimum,

ordi-

ordinationes episcoporum peragi solere. quo tempore singuli episcopi in suis parœciis sunt occupati. sic difficile esse tam multos episcopos in vnum conducere ad episcopum ordinandum, sed facile duos sibi vicinos ad eam rem aduocari posse. hinc vel maxime liquet, etiam si alia testimonia non suppetarent, episcopum Carthaginensem, solos episcopos prouinciæ suæ, hoc est Africæ proconsularis, cuius & metropolita specialis fuit, ordinasse: ceteros item Africanæ diœceseos metropolitæ siue primates pari more modoque, suffraganeos episcopos ordinandi ius habuisse. At post Iustinianum certum est, ex illa eius Nouella omnium totius Africanæ diœcesis episcoporum ordinationem ad archiepiscopum Carthaginensem spectauisse, ita vt totam per Africam nullum sine eius consensu episcopum ordinari liceret. quod & idem testatur Leo Epistola suprascripta. qui tamen ibidē asserit, hoc priuilegiū episcopum Carthaginensem ab Apostolica sede accepisse. post illam igitur Iustiniani constitutionem qua τῆς ἀρχιερωσύνης, καὶ τῆς μητροπολιτικῆς δυνάμεως per vniuersam Africæ diœcesim archiepiscopo Carthaginensi attribuit, idem ille iuris habuit, idemque potestatis in illa diœcesi, quod Alexandrinus in Ægyptiaca, quod Antiochenus in Orientali, & quisquis optimo iure patriarcha fuit.

Hos duo patriarchas, Achridenum & Carthaginensem, sub Iustiniano fuisse, præter illos quinque primarios docuimus. nunc & patriarchas vocatos esse, & cum patriarchis ab eodem Iustiniano com-

memoratos ac comprehensos restat ut doceamus: Iustinianus Nouella cxxiii. cap. xxi. iudiciorum Ecclesiasticorum hunc ordinem esse sanxit, ut episcoporum causas inter se contendentium metropolitana diiudicaret: a metropolitano, si iudicatis pars utraque non staret, patriarcham illius diocesis appellari liceret, & coram eo negotium disceptari. verba hæc sunt: *Εἰ πῖνες ὁ οὐσιώτατοι ἐπίσκοποι τῆ αὐτῆς σὺν ὁδοῦ ἀμφοισθῆτησιν ἵνα πρὸς ἀλλήλους ἔλθωσιν, εἴτε ὑπὸ ἐκκλησιαστικῶν δικαίων, εἴτε ὑπὸ ἀγίων ἱερῶν πραγμάτων, πρῶτον ὁ μητροπολίτης αὐτῶν τὸ πρᾶγμα κρίνῃτω. καὶ εἰ μὴ ἐμμείνη ἕκαστος τοῖς κεκριμένοις, τότε καὶ τὰ ὁ μακαριώτατος πατριάρχης ἐκείνης τῆς διοικήσεως μετὰ τῶν αὐτῶν ἀκροάσθω, καὶ κεῖνα ὁρίσῃτω ἅτινα τοῖς ἐκκλησιαστικῶν καὶ τοῖς νόμοις σὺν ἀδελφῇ, ὁσθενὸς μέρους κατὰ τῆς ψήφου αὐτῶν ἀντιλέγῃν διωάμενον. Statuit ibidem si clericus, aut alius quicumque aduersus episcopum agat, metropolitam iudicem esse debere; si vero episcopus cum metropolitano litem habeat, patriarcham illius dioceseos in qua constituti sunt, de eorum controversia cognoscere. εἰ δὲ καὶ ὑπὸ κληρικῶν, ἢ ἄλλου οἰουδὴποτε προσώπου προσέλθωσις κατὰ ἐπισκόπου γήνηται, καὶ οἰουδὴποτε αἴτησις, πρῶτον ὁ οὐσιώτατος αὐτῶν μητροπολίτης κατὰ τοῖς ἀγίοις κανόμοις καὶ τοῖς ἡμετέροις νόμοις τὸ πρᾶγμα διακρίνῃτω. εἰ δὲ καὶ μητροπολίτης ποιαύτη προσέλθωσις γήνηται, εἴτε ὑπὸ ἐπισκόπου, εἴτε ὑπὸ κληρικῶν, ἢ ἄλλου οἰουδὴποτε προσώπου, ὁ τῆς διοικήσεως ἐκείνης μακαριώτατος πατριάρχης κατὰ τὸν ὅμοιον ἔσπον τὸ πρᾶγμα κρίνῃτω. Si a clerico aut alio quocunque aditio contra episcopum fiat propter quamlibet causam, apud sanctissimum*

eorum metropolitam secundum sacras regulas & nostras leges causa iudicetur: at si quis iudicatis contradixerit, ad beatissimum archiepiscopum & patriarcham diœceseos illius referatur causa, & ille secundum canones & leges huic præbeat finem. si vero contra metropolitam talis aditio fiat, ab episcopo, aut clerico, aut alia quacunque persona, diœceseos illius beatissimus patriarcha simili modo causam iudicet. Cum hæc de Ecclesiastica iurisdictione constitutio generalis sit, & omnes omnino episcopos, metropolitas & diœceseon patriarchas comprehendat, qui sub imperio Romano tunc erant; an tu, Sirmonde, censebis eam de solis quinque patriarchis, & qui sub illis erant, metropolitæ & episcopis debere exponi? ita sane censeas oportet, qui Iustiniani ævo, & post Iustinianum, nusquam patriarchas nisi hos quinque agnitos reperiri posse affirmas. Ergo & illud etiam sentias necesse est, vniuersas orbis Romani diœceses, sub illis fuisse quinque patriarchis, nullam in toto imperio Romano tunc diœcesim extitisse, quæ non vni alicui ex his quinque patriarchis fuerit subiecta. Hoc modo & generalis illa fuerit Iustiniani sanctio, & de solis tamen illis quinque patriarchis intelligi debeat, quia omnes sub se totius orbis diœceses soli illi quinque patriarchæ habuere. Hoc si verum est, vicisti Sirmonde, nec vltius contendimus, sed victi palmas tendimus. In Africana primum diœcesi an hoc verum sit, an hoc stare possit, exploremus. Africanam diœcesim sub episcopo Romano, vt proprio ac speciali patriarcha fuisse censes. in Africana diœcesi fuere

episcopi, fuere metropolitæ, fuit etiam tempore Iustiniani super omnes metropolitas vnus *Ἀρχιεπίσκοπος*, episcopus nempe Carthaginensis qui toti diœcesi præerat, omnibus metropolitanis præsidebat, omnium episcoporum ordinationes suo iuri vindicabat, iurisdictionem denique in metropolitanos per vniuersam Africæ diœcesim constitutos habebat. Ecclesiasticæ porro iurisdictionis ordinem, qui in Africa tunc, vt in aliis omnibus diœcesibus obtinebat, reuocemus ad formam ac præscriptum quod in illa Iustiniani Nouella præcipitur. Episcopi sub metropolitano suo iudice contendere debebant, metropolitani sub illo qui toti diœcesi præsidebat, in qua constituti erant. Africanæ vero diœcesi quis tunc præerat nisi Carthaginensis episcopus? an non hoc illi datum est Nouella Iustiniani cxxxī. quam supra retulimus? quis igitur præter eum Africanæ diœceseos *Ἀρχιεπίσκοπος* aut *πατριάρχης*? si Africana vlla fuit diœcesis, quod non negabis, an qui Africanam diœcesim sub se habebat, *τῆς ἐκείνης διοικήσεως πατριάρχης* fuisse negabis? non potes inficari plures metropolitanos in Africana diœcesi fuisse: nec potes inficias ire omnium Africæ metropolitanorum archiepiscopum Carthaginensem principem fuisse. Iustinianus in illa de iudiciis Ecclesiasticis Nouella tres tatum episcoporum gradus ponit, episcopos, metropolitas & patriarchas diœceseon. Iudicia in foro Ecclesiastico ita celebranda esse constituit, vt episcopi iudicem habeant metropolitam suum, metropolitæ patriarcham diœcesis,

πατριάρχῳ τῆς διοικήσεως ἐκείνης. quo igitur in ordine, quo gradu collocabis ac statues archiepiscopum Carthaginensem? an metropolitanum? atqui plus fuit quam metropolita, metropolitanis omnibus, totique adeo diœcesi qui præfuit. an exarchum illum Africanæ diœceseos statues, Romanum vero pontificem patriarcham? sic quattuor fuerint gradus, episcopi, metropolitæ, exarchus diœceseos, & patriarcha diœceseos. Atqui tres tantum numerat Iustinianus, episcopos, metropolitas, & diœceseon patriarchas. tres tantum gradus a Iustiniano numerari fateris ipse paulo post, vbi dicis exarchos diœceseon, quorum ordinem tribus illis gradibus quartum inferebas, exoleuisse, dum adstruitur & amplificatur Constantinopolitana sedis auctoritas. igitur in iudiciis per Africam exercendis & iurisdictionis Ecclesiasticæ ordinatione, archiepiscopum Carthaginensem, aut illius diœcesis patriarcham fuisse fatearis oportet, aut tanquam vnum ex metropolitanis, alteri patriarchæ subiectum censeas. sed quis ille patriarcha, cui specialiter & immediate tota diœcesis Africana subdita fuit? tibi Romanus est. Ergo prouocatio ad illum fiebat ab omnibus Africæ metropolitanis. Atqui certum est omnibus Africanis Conciliis semper decretum fuisse ne ad transmarina iudicia prouocaretur. sic nunquam pontificem pro speciali ac proprio patriarcha agnouerunt Africani patres. non illi quippe denegassent, quod per sacros canones omnibus patriarchis semper datum fuit, vt summam iudicio-

rum haberent, & ius appellationum ex vniuersa diœcesi cui præerant. Præterea quid oppones Iustiano qui Carthaginensem totius Africanæ diœceseos ἀρχιερέα constituit? qui ἀρχιερεὶς διοικήσεως, an non ille & πατριάρχης & ἐξάρχος διοικήσεως recte ac vere dici potest? quare quum plenam iurisdictionem καὶ δικαιοδοσίαν in vniuersa Africana diœcesi habuerit archiepiscopus Carthaginensis, & hoc iuris eum habuisse censendum est, quod patriarchis singularium diœceseon tribuit supradicta Nouella Iustinianus: nempe vt metropolitas cum episcopis disceptantes iudicaret, ac de appellationibus a metropolitanorum sententia emissis cognosceret. Per πατριάρχην igitur διοικήσεως Iustinianus quemlibet primatem & antistitem intellexit, qui diœcesi præest, & multis prouinciis præsidet, metropolitanoque sub sua iurisdictione plures habet. Hoc nomine itaque τῷ πατριάρχῃ τῆς διοικήσεως, quin etiam comprehenderit episcopum Carthaginensem Africanæ diœceseos primatem, nullo modo potest dubitari. solus ille possit ambigere, qui putet Iustinianum de aliis omnibus diœcesibus in illa Nouella loquutum esse, solam vero Africanam excepisse, aut a numero diœceseon exclusisse sibi persuadeat. At id nemo queat nisi si forte Sirmondus aliquis.

Idem omnino dicendum statuendumque est de diœcesi quam regebat Iustinianæ primæ episcopus, qui & Achridanus patriarcha postremis Græciæ temporibus dictus est. multis ille prouinciis præfuit, multarum autem prouinciarum complexio-

nem diœcesim esse, si nescirem, ex te poteram discere; hoc enim ipse in Censura scripsisti, & verum est. igitur qui diœcesim regit, qui diœcesi præest, quo alio nomine dicendus est, si patriarcha diœceseos dici non potest? nam quum fatearis ipse, tres tantum tunc fuisse episcoporum gradus, si metropolitanus non fuit, sed supra metropolitanos positus, fuerit utique patriarcha: nullus quippe gradus inter patriarchas & metropolitas. non metropolitanum simplicem fuisse, sed multos sub se metropolitanos habuisse primæ Iustinianæ episcopum, cui melius credemus quam ipsi Iustiniano per quem hanc prærogatiuam habere meruit? sic igitur ille Nouella xi. ad Catellianum beatissimum archiepiscopum primæ Iustinianæ data: *Multis & variis modis nostram patriam augere cupientes, in qua primo Deus præstitit nobis, ad hunc mundum quem ipse condidit venire, & circa sacerdotalem censuram eam volumus maximis incrementis ampliare, ut primæ Iustinianæ patriæ nostræ sacrosanctus antistes, non solum metropolitanus, sed etiam archiepiscopus fiat, & ceteræ provinciæ sub eius sint auctoritate, &c.* Sciendum porro est in Orientis imperio metropolitanos, etsi reuera archiepiscopi fuerint, nunquam tamen archiepiscopos, ut in Occidente appellatos esse. solis patriarchis, & illis antistitibus qui plures metropolitanos sibi subiectos habebant, qui & Catholici dicebantur, hoc nomen apud Græcos donatum est. hinc patriarchis fere semper adiungi solebat nomen archiepiscopi. ita passim leges apud Iustinianum in Nouellis constitutionibus,

τοὺς μακαριώτατους ἀρχιεπισκόπους καὶ πατριάρχας· τῶν
 μακαριώτατων ἀρχιεπισκόπων Κωνσταντινουπόλεως καὶ πα-
 τριάρχων. fuere tamen etiam in Græcia archiepi-
 scopi quidam infra metropolitanos positi, qui nul-
 lis episcopis præerant, & minus erant quam metro-
 politæ. de quibus & de Catholicis archiepiscopis
 qui a patriarchis nisi nomine solo non differebant,
 paulo post hoc eodem capite dicâ. Archiepiscopus
 igitur is erat, idem qui & patriarcha, quique multis
 præsidebat metropolitanis. Iustinianus eadem
 Nou. *Ἐ* ideo beatitudo, *Ἐ* omnes præfata primæ Iusti-
 nianæ antistites, archiepiscopi habeant prærogatiuam, *Ἐ*
 omnem licentiam suam auctoritatem eis impertiri, *Ἐ* eos
 ordinare, *Ἐ* in omnibus superscriptis prouinciis primam
 habere dignitatem, summum sacerdotium, summum fasti-
 gium, a tua sede creentur, &c. si summum habuit fasti-
 gium, summum sacerdotium, patriarcha utique
 fuit. nam supremus Ecclesiasticæ dignitatis gradus,
 ἡ πατριαρχία. metropolitanos autem eum sub se ha-
 buisse, ut & multas prouincias, ex eadem Nouella
 constat his verbis: quando autem tuæ recordationis sedis
 gubernatorem ab hac luce decedere contigerit, pro tempore
 archiepiscopum eius a venerabili suo concilio metropolita-
 norum ordinari sancimus, quemadmodum decet archiepi-
 scopum omnibus honoratum Ecclesiis prouehi, nulla penitus
 Thessalonicensi episcopo nec ad hoc communione seruanda.
 Hac etiam nota vel patriarcham germanum licet
 agnoscas quod sedis gubernator ibi vocatur. hoc
 enim caractere patriarchas ab exarchis diœceseon
 distingui tibi placet, quod patriarchæ, rectores
 sedium

sedium proprie dicerentur. Verum autem ac legitimum hunc fuisse patriarcham adeo certum est, ut Iustinianus cum post Romanum & Constantinopolitanum patriarchas ceteris omnibus anteferri voluerit, & honore præcellere. Extat hodie in Bibliothecis *συναγωγή κανόνων* auctore Theodorito Cyrreste episcopo, quam in quinquaginta titulos diuisit. singulis eius collectionis titulis *Ἐὰν συνάδωται νόμιμα* subiunxit, legum nempe concinentium collationem ex Iustiniani Codice & Nouellis constitutionibus, Iohannes patriarcha Constantinopolitanus, *ὁ ἀπὸ τῆς χολασικῆς*, qui tempore ipsius Iustiniani vixit. is igitur sub primo titulo, qui est de patriarchis, Nouellam cxxxi. ita recitat: *καὶ ἀφ' οὗ τοῦ παπῆζορδου καὶ τοῦ αὐτοῦ ὁρῶν τὸν ἀγιώτατον τὸν πρεσβυτέρου Ρώμης ἐπίσκοπον, πρεσβύτερον εἶναι πάντων τῶν ἱερέων. τὸν δὲ μακαριώτατον ἐπίσκοπον Κωνσταντίνου πόλεως νέας Ρώμης εὐδύτερον ἔχει τὰ εἶναι μὲν τὸν ἀγιον ἀποστολικὸν θρόνον τῆς πρεσβυτέρου Ρώμης. τῶν δὲ ἄλλων πάντων προτιμᾶσθαι τὸν μακαριώτατον ἐπίσκοπον τῆς πρεσβυτέρου Ἰστανιαῖς τὸν ἐμμετέρου πατρίδος, καὶ ἔχει ἀεὶ ὑπὸ τὴν ἰδίαν διακοδοσίαν τοῦ ἐπισκόπου τῶν ἐκκλησιῶν.* quam vera sit hæc lectio distinctioque præ altera quæ in vulgatis huius Nouellæ editionibus habetur, nunc non disputo, sed nec de veritate vulgatæ lectionis dubito. saltē illud verum est, Iustinianæ primæ episcopum, a Iustiniano patriarcham fuisse factum, & quoties apud eundem Iustinianum mentio occurrit *πατριάρχῳ τῆς ἐκείνης διοικήσεως*, sub eonimine inter ceteros patriarchas illum comprehendi. nam & ipse patriar-

cha diœceseos fuit, qui multas sub se prouinciās habuit, quæ πατειαρχία siue diœcesim constituunt. Iustinianus Nou. vi. cap. iii. sanxit vt episcopi ad regiam urbem siue ad comitatum profecturi ex quacūque prouincia formatas τὰ συσταλικά acciperent a proprio metropolita, metropolitani vero a diœceseos patriarcha: εἰ δὲ γε μητροπολίτης εἴη ὁ πρεσβύτερος βουλόμενος χρᾶμματα κομίσαιτο τῷ τῆς διοικήσεως πατειαρχῷ πλὴν αὐτῷ παρεσίδου ἀναστάσιου ἐπὶ λέγοντα. in diœcesi siue prouinciis quas regebat Iustinianæ primæ antistes, metropolitani ad regiam urbem ituri a quo συσταλικά accipiebant? an ab altero quam ab illo? imperitus hoc dixerit. ergo πατειαρχῆς ille τῆς διοικήσεως. ergo & hoc nomine comprehensus in illa Nouella intelligi debet. Nam & supra se nullū in illa diœcesi antistitem agnouit, sub se omnes metropolitanos habuit. tres autem tunc tantum vel tua confessione gradus erant, patriarchæ, metropolitani & episcopi. ergo: scis quid velim postea. idem omnino & de Carthaginensi archiepiscopo statui debere iam diximus. metropolitanis omnibus Africanæ diœceseos ex ea Nouella Iustiniani τὰ συσταλικά dare debuit ad comitatum contendentibus. huic Iustinianus Ἀρχιερατικὸν δίδου tribuit. Iohannes archiepiscopus Constantinopolitanus sub secundo titulo τῆς σιναγωγῆς Θεοδορετι: φυλαττέτω τῷ Θεῷ Ἀφείκης ὁ Ἀρχιερατικὸν δίδου κατὰ τὸ δοθὲν αὐτῇ παρ' ἐνός. Ex Nou. cxxxi. Ἀρχιερατικὸν δίδου & πατειαρχικὸν idem esse iam supra ostendimus. sic Ἀρχιερατικὸς ὁ ὅτιος est πατειαρχικὸς

leg. xxix. Cod. de episcop. aud. εἰ μὴ πῶς πατρι-
 αρχίας τῆς ὑποτάξεως πῶς τῷ φιλοφιλῶντι πατριάρχῳ
 ἢ ὑπὸ τῷ φιλοφιλῶντι μητροπολίτῃ, ἢ ἄλλῳ τῷ φιλοφιλῶντι
 ἐπισκόπῳ ἐκείνῳ ψῆφος καὶ μὴ τερψίμῳ πῶς πατρί-
 αρχίᾳ, ἐκκλησίᾳ τῇ γρήται πτωχεύει ἐπὶ τὸν ἀρχιερατικὸν
 θρόνον φέρεσθαι πτωχὸν ἔφασκε, καὶ κείσε κατὰ τὸ μέγε-
 ρον αὐτοῦ ἐξετάζεσθαι. θρόνον etiam Αφείκης vocat ille
 Iohannes, quod quam vim habeat ipse scire potes,
 qui θρόνους siue sedes proprie dictas solos patriar-
 chas asseris rexisse. præterea notat Balsamon ad
 Photij nomocanonem, tit. i. cap. v. πτωχὸν ἐκκλησίαν τῆς
 Καρχηδονίας habuisse τὰ πατριάρχη τῷ ἀποστολικῷ θρόνῳ.
 sane aut patriarcha non fuit episcopus Romanus,
 aut etiam patriarcha fuit Carthaginensis episcopus.
 nihil etiam plus habuit patriarcha Constantino-
 politanus ipse, quam τὰ πατριάρχη τῷ ἀποστολικῷ θρόνῳ.
 Videndus idem Photius tit. viii. cap. i. & Balsamon
 ad locum, & can. xxxvi. sextæ Synodi.

Præter hos duo Iustinianæ primæ, & Iustinianæ
 Carthaginis patriarchas vin & alium adhuc tibi,
 verum, iustum, legitimum patriarcham, talem ha-
 bitum, talemque agnitum tradam? accipe adhuc
 vnum, & vnus adhuc Iustinianæ. In sexta Synodo
 τῇ ἐν τῇ Τεφύλλῃ, Iohannes nouæ Iustinianopolis
 episcopus sedit inter patriarchas, & cum patriarchis
 subscripsit. Admonitio eidem Synodo præ-
 posita: Ὅπως τῷ ἀγιοτάτῃ Πάπᾳ Ρώμης. εἶπα καὶ ἐξῆς. τῷ
 πατριάρχῳ αἱ ὑπογραφαί, Παύλου Κωνσταντινουπόλεως. Γε-
 ὄργου Αλεξανδρείας. Αἰαλασίου Ιεροσολύμων. Γεωργίου Αντιο-
 χείας. Ιωάννου νέας Ιουστινιανουπόλεως. μετ' οἷς ὑπογράψαντες

Κυριακὸς ἐπίσκοπος Καίσαρας τῆς Ἀσιανῶν ἐπισχίας, &c.
 Hunc Iohannem nouæ Iustinianopolis episcopum
 Cardinalis illustrissimus in postumo scripto, obser-
 uatione prima cap. xxxii. pro Iustinianæ primæ epi-
 scopo, qui & patriarcha Bulgariæ dictus est, per-
 peram accepit. Hæc noua Iustinianopolis longe
 alia fuit ab illa Iustiniana prima, patria Iustiniani
 imperatoris. Iustiniana prima, vt nemo nescit,
 vrbs erat Dardaniæ. at noua Iustinianopolis Cyprus
 appellata est, cuius episcopus semper ἀρχιεπίσκοπος
 fuit: at Concilio sexto in Trullo, cui & tanquam
 patriarcha subscripsit & inter patriarchas, priuile-
 gia ac iura sedis Constantinopolitanæ eidem de-
 creta sunt, & subiecta prouincia Hellesponti. Ca-
 non xxxix. eiusdem Synodi: τῷ ἀδελφῷ καὶ συλλειτουργῷ
 ἡμῶν Ἰωάννῳ τῷ τῆς Κυπρίων ἰήσου προέδρῳ, &c.
 σίνεορῶμεν ὥστε ἀχαινοπόμῃα διαφυλαχθῆναι τὰ πρὸς τῇ
 ἐν Ἐφέσῳ ὁ πρότερον σίνεληθόντων θεοφόρων πατέρων, τῶν
 ἁγίων τῶν προγεγραμμένων ἀνδρῶν πρὸς ἀρχιεπίσκοπον
 ὥστε πάλιν ἵκαν Ἰουστινιανούπολιν ὁ δίστατον ἔχον τῆς Κωνσταντι-
 νούπολεως. translatus autem tunc fuit cum vniuersa
 plebe sibi subiecta in Hellesponticam prouinciam,
 propter incursiones barbarorum, qui Cyprum in-
 sulam subinde vastabant. ideo & prouincia Helle-
 sponti illi subdita est, cum eadem prærogatiua
 ἀρχιεπισκοπίας, quam ipsi decreuerant olim Ephesini
 Concilij patres, vt priuilegia scilicet eadem habe-
 ret, quæ patriarcha Constantinopolitanus. δίστατα
 vero illa πατριαρχικὰ fuere. Patriarcha enim erat
 archiepiscopus Constantinopoleos. hinc tanquam

verus ac legitimus patriarcha cum ceteris patriarchis superscripto Concilio subscripsit: Ιωάννης ἀρχιεπίσκοπος ἱεὺς Ἰουστινιανουπόλεως οὐσίας ὑπέγραψα. Iustinianopolis igitur hæc noua, non erat Iustiniana prima, sed Cypriorum Ecclesia. Balsamo ad illum canonem: ὁ δὲ πρῶτος κληρὸν ἐξελεγεῖς ἀπὸ αἰτήσεως ἐτέρου ἀρχιεπισκόπου Κύπρου Ἰωάννου, ἐπικυροῖ μὲν καὶ τὰ ἐν Εφέσῳ πεπραγμένα, ὀνομάζων καὶ πάλιν ἐκκλησίαν τῇ Κυπρίῳ ἱεὺς Ἰουστινιανούπολιν· ἀρκεῖται δὲ ἔχει αὐτὴν καὶ τὰ δίκαια τῆς Κωνσταντινουπόλεως. Curopalates secundam Iustinianam Cyprum vocatam esse scribit, & Carthaginem, tertiam Iustinianam: ἅλλα δὲ καὶ τῇ ἀρχιεπισκόπου πρώτης Ἰουστινιανῆς Ἀρχιεπίσκοπος καὶ πάσης Βουλγαρίας. ἐπεὶ δὲ ἄλλοι Ἰουστινιανὴν ὄντι ἢ Κύπρον. καὶ πάλιν ἐν Καρχηδών. perperam vertit interpretes, & *tertia Chalcedon*, quasi legisset, Χαλκηδών. quod miror etiam placuisse Miræo. sed fallitur Curopalates de Iustiniana secunda. nam Cyprus Iustiniana secunda nunquam dicta est, sed noua Iustinianopolis. In Dardania duæ fuere Iustinianæ ab eodem Iustiniano denominatæ: *Iustiniana prima*, quam & ipse condidit, quæ & eius patria fuit: & *Iustiniana secunda*, quam restaurauit, quæ olim Vlpiana dicebatur. de quibus videndus Procopius lib. i v. de ædificiis Iustiniani. At Carthaginem idem, recepta a Vandalis Africa, Iustinianam simpliciter nominauit sine adiuncto primæ aut secundæ. hinc Ἰουστινιανὴ Καρχηδών vocatur Nouella cxxx i. cap. iv. Cyprus autem, noua Iustinianopolis appellata est. Fuit etiam Iustinianopolis vrbs secundæ Cappadociæ.

Hostibi tres trium Iustinianarum archiepiscopos sub Iustiniano & post Iustinianum & patriarchas fuisse, & patriarchas dictos, & pro patriarchis habitos esse tibi demonstrauius, præter illos primarios quinque, quos solos tales haberi viderique volebas. atqui tres illi supra memorati non solum τὰ ὀνόματα, sed etiam τὰ ἀπονόμια patriarcharum habuere, & ius pariter cum appellatione. vbi res & nomen adsit, quid amplius desideres? Nunc apparet, quam verum sit illud quod dixisti, euoluenti Nouellas omnes & quidquid in Græcia librorum est post Iustinianum, nusquam patriarchas, nisi illos quinque agnitos, reperiundos esse. sed maxime, & in primis illud in admirationem me rapit, & in-
 „ stuporem prorsus dat, quod scribere ausus es, Iusti-
 „ niani potissimum ætate, patriarcharum nomen
 „ inter Ecclesiasticas dignitates frequentari cœptum
 esse. Hoc scripsit ille Sirmondus, & adhuc potest a doctis doctus haberi? loquatur fama quod libet, certum est illi posthac non credere. fortunæ illa similis est. alter eam habet, alter meretur. quid Sirmonde? ante Iustiniani æuum non frequentabatur inter Ecclesiasticas dignitates patriarcharum nomen? Atqui iam ipsius Hadriani temporibus, tot ante Iustinianum annis episcopus Alexandrinus patriarcha vocabatur. Epistola eiusdem Hadriani ad Seuerianum quæ apud Vopiscum in vita Saturnini legitur, id testatur. *Ipse ille, inquit, patriarcha cum Ægyptum venerit, ab aliis Serapidem adorare cogitur, ab aliis Christum.* an ille solus tunc temporis patriarcha

vocatus est? immo & idem nomen habuisse verisimile est, qui pari iure & honore subditas sibi Ecclesias in Græcia regebant, vt Antiochenum, & si qui alij tunc plurium prouinciæ primates fuere. sed nimis illa vetera sunt Ecclesiæ tempora; ad cognitiora, & magis recentia descendamus, longe tamen Iustiniano antiquiora. Concilio Constantinopolitano primo, quod sub Theodosio Magno celebratum est, patriarcharum nomen ac dignitas iam tum in vsu frequenti fuit, vt constat ex Socrate Scholastico qui illorum temporum affinis, ætate Theodosij filiorum vixit. is & patriarchas in singulis diœcesibus constitutos scribit, & diœceses ipsas πατριαρχίας vocat. lib. v. cap. viii. hist. Eccles. ἐβεβαίωσαν τε αὖτις τῇ ἐν Νικαίᾳ πίστι καὶ πατριαρχίας κατέστησαν διασημάνοντες τὰς ἐπαρχίας, ὥστε τοὺς ὑπὸ διοικήσιν ὑποστέτοις ταῖς ὑποφείοις ἐκκλησίαις μὴ ὀπιβαίνειν. ita legendum est eo loco, non ὑποβείναι. in sequentibus πατριαρχίας appellat quæ can. ii. Concilij Constantinopolitani διοικήσεις appellantur. nusquam autem in illo Concilio patriarcharum nominatim fit mentio, licet iam tum hoc nomen communiter & passim vsurparetur, de episcopis diœceseon rectoribus, quia in Ecclesiasticis regulis condendis hæc superbiora nomina, patriarcharum & exarchorum, pro modestia sua semper vitarunt sancti patres. Hinc Concilio Carthaginensi cap. xxxix. sancitur, *vt primæ sedis episcopus non appelletur princeps sacerdotum, aut summus sacerdos, aut aliquid huiusmodi, sed tantum primæ sedis episcopus.* nam ἐξάρχης τῶν ἱερέων, & ἱεργάρχης,

& ἑρχιεράς, & πατριάρχης, & ἄκρος ἱεράς, nomina
 superbiæ sunt, & typhum sæcularem resipiunt. ideo
 nunquam in conciliorum canonibus vsurpata re-
 periuntur, nec in illis quæ ante Iustinianum, nec si
 quæ post Iustinianum celebrata sunt. quinimmo
 ipsi illi patriarchæ, qui reuera dicebantur, etiam in
 subscriptionibus nunquam aliter se quam episco-
 pos subscribebant. sic Concilij Chalcedonensis
 can. ix. & xvii. ἑξάρχης διοικήσεως, hoc est primas diœ-
 cesis, aut qui in diœcesi primus est episcopus, quasi
 modestius nomen esset, pro πατριάρχης διοικήσεως le-
 gitur. Concilij tamen Chalcedonensis tempore vox
 πατριάρχης æque communis erat, & æque vsitata,
 ac Iustiniani ipsius ætate. Nam & in eiusdem Con-
 cilij gestis mentio fit πατριαρχῶν ἐκάστης διοικήσεως, vt
 in actione ii. his verbis: οἱ ἐνδοξότατοι ἑρχοῦντες καὶ ἡ
 ὑψίστης σύγκλητος εἶπον· εἰ δοκεῖ τῇ ὑμετέρᾳ βίβλα βεβαίᾳ οἱ
 ὁσιώτατοι πατριαρχαὶ διοικήσεως ἐκάστης ἐπιλόξάμενοι ἕνα
 ἢ δύο τερον τῇ ἰδίᾳ ἐκάστης διοικήσεως, εἰς τὸ μέτρον πρὸς ἡγόντες,
 καὶ κοινῇ πρὸς τῆς πίστεως βουλοσάμενοι, τὰ σὺνδοκισμῶτα
 φανερά πᾶσι καταθήσοισι. Theodoretus denique Cyrri
 episcopus, qui Ephesini Concilij tempore vixit,
 collectionem canonum edidit, quæ adhuc in Biblio-
 thecis seruatur, quam in quinquaginta titulos diui-
 sit, singulosque titulos ex similibus canonibus, &
 ad eandem rem pertinentibus contexuit. huius
 συναγωγῆς κατόντων primum ille titulum fecit, πρὸς τῆς
 ὁριθεύσεως τοῖς πατριαρχαῖς ἐκ τῶν κατόντων ἡμεῖς, καὶ τῶ
 μὴ ἐξείσαι ὑπὸ αὐτῶν ὑφάρπαξαι ἐπὶ πρῶταις ἑτέρω πρεσβυτέρου
 ἐπὶ χρεωστία καὶ διοικήσεως. Ἀλλὰ καὶ τὰς ὑφάρπαξίσεις ἡδὲ
 τοῖς

πῶς ἀδίκηθαι οὐκ ἔστιν ἀποδιδόναι. Canones deinde subiuncti ex diuersis Conciliis, qui de patriarchis omnes tractant, isti:

- Τῆς ἐν Νικαίᾳ συνόδου χερῶν ἕκτος.
 Τῆς αὐτῆς ἐν Νικαίᾳ συνόδου χερῶν ἑβδόμος.
 Τῆς ἐν Κωνσταντινὺς πόλει συνόδου χερῶν δέυτερος.
 Τῆς αὐτῆς ἐν Κωνσταντινὺς πόλει συνόδου χερῶν τρίτος.
 Τῆς ἐν Εφέσῳ συνόδου χερῶν ἑβδόμος.

Omnes suprascripti canones de patriarchis agunt. *Sextus* canon Nicenæ Synodi Alexandrino patriarchæ, & Antiocheno sua iura ac priuilegia seruanda præcipit in suis diœcesibus ad exemplum Romani episcopi, cui parilis mos erat. *Septimus* eiusdem Synodi canon Æliæ episcopo hoc est Hierosolymitano patriarchæ honorem habendum esse decernit. *Secundus* canon Constantinopolitanæ primæ Synodi de patriarchis Ægyptiacæ, Orientalis, Asianæ, Ponticæ & Thracicæ diœceseon agit, vt finibus suis contenti sint, nec alienas prouincias inuadant. *Tertius* canon eiusdem Synodi de patriarchæ Constantinopolitani prærogatiua tractat, vt primatum honoris post episcopum veteris Romæ habeat. *Septimus* canon Ephesini Concilij nominatim de Nestorij condemnatione loquitur qui patriarcha Constantinopolitanus fuit. sic omnes hi canones recte in vnum fascem a Theodorito collecti, & sub titulum de patriarchis coniecti sunt. Ito nunc ac dicito patriarcharum nomen sub Iustiniano potissimum frequentari cœptum esse. at ego dixero non heic primum te hallucinari cœpisse, sed frequenter

hoc facere, & facturum alias, modo tibi Deus vitam producere dignetur. quod opto. nam certe nimis lepidus es ac festivus nugator.

Vt probatum habeamus apud Latinos æque vt apud Græcos, non plures quam quinque fuisse patriarchas, Anastasium Bibliothecarium audire nos iubet in Epistola quam octauæ Synodo præfixit ad Hadrianum Papam II. sic igitur ille Anastasius: *Cum Christus in corpore suo quod est Ecclesia, tot patriarchales sedes, quot in cuiusque mortali corpore sensus locauerit, profecto nihil generalitati deest Ecclesia, si omnes illæ sedes unius fuerint voluntatis.* Ex hoc argumento & comparatione quinque præcipuarum in Ecclesia sedium, cum quinque sensibus humani corporis, ad eam nos necessitatem adigi censes, vt aut docendum nobis sit, sensus in corpore plures esse quam quinque, aut confitendum patriarchas, Orientis Occidentisque consensu, plures hoc numero non fuisse. Profecto si quis olim mihi dixisset te adeo ineptum esse, nunquam credidissem: nunc vel plus credo quam quisquam possit mihi dicere. Et certe ineptior es, quam vel a quoquam dici, vel a quoquam credi queat. Audi nunc quæso vicissim, ac vide quas in angustias ego te redigam, & quali necessitate constringam. aut docendum habes, semper & ab omni æuo quinque patriarchas primarios in Ecclesia numeratos esse, aut aliquando pauciores quam quinque sensus in corpore humano fuisse. Tempus olim fuit in Ecclesia quum tres tantum præcipui patriarchæ numerabantur, Romanus,

Alexandrinus & Antiochenus: Has præcipuas primariasque sedes diu solas agnouit Ecclesia. an negabis? si hoc negare non potes, illud fatendum tibi est, illo tempore non plures quam tres sensus in corpore humano fuisse, quoniam plures quam tres patriarchales sedes Ecclesiæ corpus tunc non haberet. Romani ipsi Pontifices etiam post erectum Constantinopolis patriarchatum diu non nisi has tres sedes agnoscere voluerunt: vt Leo, Felix, Gelasius, Symmachus aliique. At postquam tandem Constantinopolitanum episcopum eis inter patriarchas recipere placuit, & in eodem numero ac loco Hierosolymitanum habere, non quinque sed quattuor tantum patriarchas numerarunt primarios: nec enim semetipsos patriarchis adnumerarunt. Papam quippe diuersi ordinis esse, ac longe maioris quam patriarchas, vt pote qui patriarchas omnes infra se positos cernat, & post se longo relinquat intervallo: Nam de omnibus iudicat, a nemine ipse iudicatur. Hinc Gregorius Magnus lib. ii. epist. xxxvii. ad Natalem Salonitanum, quattuor patriarchas tantum nominat ac memorat his verbis: *quod si quilibet ex quattuor patriarchis fecisset, sine grauissimo scandalo transire tanta res nequaquam potuisset.* idem lib. vii. indict. ii. epist. lvi. ad Secundinum, quattuor præcipuas sedes numerat. Nicolaus primus, Innocentius tertius, aliique omnes subsequentes Pontifices, has quattuor præcipuas sedes solas nouere, & harum sedium quattuor præcipuos patriarchas, quorum primus fuerit Con-

stantinopolitanus post summum Pontificem, qui non patriarcha ipse habendus, nec inter patriarchas numerandus, sed Papa est, hoc est vniuersalis episcopus, & patriarcha patriarcharum. Igitur si hoc de necessitate est, ut totidem sint in Ecclesia patriarchales sedes quot sensus in corpore, tuo iudicio qui quattuor tantum patriarchas agnouerit, quattuor tantum sensus confiteri debeat. Vide nunc & agnosce τὸ μέγεθος καὶ ἀπόπειρα illationis tuæ. Ita enim argutaris quasi semper in Ecclesia fuerint quinque primarij patriarchæ, aut quasi plures fieri non possint. si cum tres antea essent, quinque postea facti sunt, quid prohibet & plures esse posse? & sane etiam fuerunt. Etenim sex patriarchæ Concilio sexto in Trullo subscripsere. ergo tunc sex sensus in corpore humano fuisse oportet. quid ineptius? quemadmodum autem quum tres erant, non soli fuere, sed præcipui inter plures eiusdem ordinis patriarchas: ita & postquam duo adiecti sunt ad illos tres priores & antiquos, nec ipsi fuere soli quinque, sed alij etiam tunc extiterunt eiusdem ordinis ac nominis, licet non eiusdem dignitatis patriarchæ. Papæ vero Romani, ut diximus, non quinque, sed quattuor patriarchas primarios agnosci dicique voluere: Romanæ autem sedis episcopum non patriarcham, sed Papam hoc est simpliciter & absolute episcopum. Hos potius audire debueras, quam Anastasium Bibliothecarium, qui Græculorum hac in parte delirantium nugamenta sequutus est. illi enim quinque patriarchas ideo

ὅτι ἡ ἀκρὴ τῆς ἀφῆς καὶ τῆς γλώσσης, ὅτι πρὸς ἡμῖν οὕτως πως
 ὁμομάζονται. οὕτως ὁδὸς τις τῶν ἀνωτάτων πατριαρχῶν ἐκ
 τῶν θείων χρόνων ὅπου κληρωσάμενος πρῶτον, ὃ δούτερον
 καὶ ὃ μετ' αὐτοῦ ὡς ὑποφέρων διαζονάεται. Hos auctores
 habet Anastasius tuus in comparandis cum quin-
 que sensibus, quinque patriarchis: iidem illi nimi-
 rum qui summum Pontificem solum Occidentis
 patriarcham specialem ideo esse dicunt, ideo quin-
 que tantum patriarchas ponunt, ut ἰσοτίμοις omnes
 faciant, pares honore, pontificio, potestate. sed
 demus & quinque patriarchas, & vnum ex illis
 quinque esse Romanum episcopum, ac sic recte a
 Græcis cum quinque sensibus comparari: de pri-
 mariis semper & eximiis illis patriarchis intelligen-
 dum fuerit, qui soli non fuere, nam & multi præ-
 terea in Occidente & Oriente patriarchæ dicti sunt,
 ut iam diximus, ut mox dicturi sumus. sic quo tem-
 pore tres tantum eximij præcipuique fuere, cum
 nondum essent Constantinopolitanus & Hieroso-
 lymitanus patriarchæ, solos tamen non fuisse, sed
 alios etiam plures tum extitisse, qui hoc nomen &
 hanc dignitatem haberent, nec ipse fateri dubitas.
 atqui Trinitati tunc a quibusdam comparati sunt
 tres illi summi primariique antistites. ita eos, si
 bene memini, comparat Symmachus Papa in Epist.
 ad Eonium. si ineptias tuas vellem imitari, dicerem
 aut docendum esse tibi, in vna atque indiuidua
 Trinitate plures esse quam tres hypostases, aut in
 vniuersa Dei Ecclesia, quæ vna est, patriarchas plu-
 res hoc numero non fuisse confitendum. in has

angustias si te inigerem, nunquam inde te extricar-
 res. sed non sum ego tam ineptus. satis est quod
 illas liberaui, in quas me detruseras. in quibus ta-
 men ne diutius versarer, ut multum es misericors,
 etiam manum ultro ipse porrexisti, & viam qua
 euaderem ostendisti. sic ὁ πρῶτος καὶ ἰσχυρὸς. verum
 nihil ego tuam istanc humanitatem moror. iam
 sine te euasi. immo nusquam laxius fui, nunquam
 liberius spiravi quam in illis angustiis quibus me
 conseptum putabas. Angustia tuae tales fuere, nunc
 viam videamus qualis sit, quam monstrabas, ut ex
 illis eripere, ac me eripere possem. Non inficiari te
 dicis patriarcharum nomen exarchis olim, id est
 tertio episcoporum ordini, tributum aliquando
 fuisse, tempusque adeo extitisse quo patriarchæ ab
 exarchis diuersi apud Græcos non essent, neminem
 hoc nescire, vexare me porro ut hoc doceam, nec
 apte quicquam probare, cum facilius nihil fuerit
 quam id certis documentis ostendere. Documenta
 illa, Sirmonde, tam certa, quibus hoc tam facile
 probari poterat & ostendi, quæ tamen non vidi,
 nec usurpavi, quænam sunt? *an non aperte, inquis,*
Socrates lib. v. historia Eccles. cap. viii. diœceses Thracicam,
Ponticam, Asianam, Ægyptum & Orientem patriarchas
appellat, & patriarchas in singulis a Synodo Constantino-
politana constitutos scribit? Hoc erat vnum ex illis
 documentis, quæ producere debui nec produxi?
 adeone alienis oculis Epistolam ad Amicum
 transiisse dicam, ut locum illum Socratis ad eam
 rem ibi a me citatum non videris? sed non aliter

nec aliis oculis eam Epistolam te legere oportuit; cui tam negligenter ac perfusorie propositum tibi fuit rescribere. en supinitatem καὶ ἀελεψία, aut si hæc non sunt, vere meram fraudem & imposturam pag. LXXIX. Epistolæ ad Amicum, hæc verba diligens ac dissimilis Sirmondo lector reperiet: *Primas diæceseos in Occidente, idem omnino qui πατριαρχὴς διοικήσεως in Oriente: Hinc πατριαρχία δὲ τῶν διοικήσεων, apud Socratem Hist. Eccles. lib. v. cap. VIII.* Vides nunc iam, si oculis tamen adhuc tuis vteris, ibi me ex Socrate probauisse, quomodo vel tua sententia probandum id fuit, primates, hoc est exarchos diæceseon, eosdem cum patriarchis esse? quid adhuc vis amplius? quid ipse frustra te vexas? cur docere me debuisse dicis, quod ego docui, & eo quidem modo quo docuisse decuit? Sed de re quoniam inter nos conuenit, & confiteris ipse patriarchas eosdem aliquando fuisse qui & exarchi diæceseon, habes quod volebam. de te aliud nihil requiro, ac cetera tibi libens condono. Quæris an eo factum putem, vt iidem semper fuerint, aut tum etiam quum iidem erant, tres tantum in Ecclesia, & non quattuor episcoporum gradus numerati sint? Hoc si putem, falli me putas. Hæc igitur tua opinatio est, vel obstinatio, quattuor gradus episcoporum numeratos esse, episcopos, metropolitans, exarchos diæceseon, & patriarchas, etiam tum cum iidem erant exarchi diæceseon cum patriarchis. quid hoc est? an non hoc ænigmati simile est? iidem erant exarchi diæceseon, qui & patriarchæ; & tamen

non

non iidem erant? Exarchi diœceseon, patriarchæ fuere aliquando, & tamen ne tunc quidem fuere patriarchæ, cum patriarchæ fuere? an non hoc plane & aperte dicis? sane hoc ipsum. annuis ipse tempus extitisse quondam quo patriarchæ ab exarchis diœceseon diuersi apud Græcos non essent. fuisse tamen vel etiam illo tempore diuersos hinc apparet, quod diuersum ordinem constituerent, ac in tertio gradu subsisterent, stantibus in quarto patriarchis. sic eodem tempore diuersi fuere, & non diuersi; iidem ac non iidem. diuersi non erant, quia tu hoc scribis: diuersi tamen erant, quia hoc idem scribis quoque. sane si quum iidem erant, diuersum tamen ac tertium ordinem constituebant, diuersi tunc etiam a patriarchis erant. At tu aliquando non fuisse diuersos scribis; quomodo igitur ipse tibi constabis? si in diuerso ordine, omnino etiam diuersi. Nam vt episcopus a metropolitano diuersus, metropolitanus ab exarcho diœceseos, ita etiam oportet diuersum fuisse diœceseos exarchum a patriarcha. præterea ad quattuor illos gradus constituendos oportet, quemadmodum episcopus metropolitano subiectus erat, & metropolitanus exarcho diœceseos, ita exarchum diœceseos subiectum fuisse patriarchæ. At exarchi diœceseon, illo tempore dicebantur etiam patriarchæ. Ergo patriarchæ patriarchis erant subiecti. si subiecti non erant, ergo diuersum ordinem tunc temporis non constituerunt: ergo diuersi a patriarchis non fuere, sed ipsi etiam sicut reuera extitere,

Mmm

ita etiam dicti sunt patriarchæ. Tempus extitisse non abnuis quo exarchi diœceseon, dicerentur patriarchæ: an aliquod tempus fuit, quæso te, quo patriarchæ non fuerint diœceseon exarchi? nemo patriarcharum fuit sine diœcesi: nullus igitur patriarcha, non diœceseos exarchus. quis enim, rogo te, diœcesi præest, & non est diœceseos exarchus? quis autem patriarcha qui non alicui diœcesi præsit præsideatque? Alexandrinus antistes, Ægypti, Libyæ & Pentapolis patriarcha fuit, hoc est Ægyptiacæ diœceseos exarchus. Antiochenus, Orientis patriarcha, hoc est τῆς ἀνατολικῆς διοικήσεως ἑξάρχης. Æliensis episcopus, trium Palæstinarum fuit patriarcha. hæc illius fuit diœcesis: huiusce diœceseos exarchus fuit. Constantinopolitanus archiepiscopus, primo solius Thracicæ diœceseos, in qua sita erat Constantinopolis, exarchus siue patriarcha, mox & reliquarum duarum Asianæ & Ponticæ, non diœceseos sed diœceseon exarchus merito potuit vocari. Hæ tres diœceses cum diœcesim eius constituerent, nullius tamen vnquam diœceseos ille patriarcha dictus est, sed πατριάρχης οἰκουμένης, vt infra dicam. Omnes igitur patriarchæ exarchi diœceseon fuere, & vicissim omnes exarchi diœceseon patriarchæ sunt appellati. hinc πατριάρχῳ non simpliciter, sed πατριάρχῳ διοικήσεως pro eo qui diœcesi præest, & qui diœceseos exarchus est, passim legere licet. πατριάρχαι τῆς ἐκείνης διοικήσεως, πατριάρχης τῆς ἐκείνης διοικήσεως, millo locis apud Iustinianum in Nouellis occurrunt. mentio &

πατριαρχῶν διοικήσεως ἐκείνης in gestis Concilij Chalcedonensis actione II. Euagrius Hist. Eccles. lib. IV. cap. II. ὑποτέλλετο τοῖς ἐκείνης διοικήσεως πατριαρχαῖς ἀλλήλοις συμβαίνει, τοῖς τε τῶν πόλεων ἐπισκόποις, τοῖς ἰδίοις ἑξάρχοις ἑπείθεαι. Quare ἑξάρχος διοικήσεως, & πατριαρχὸς διοικήσεως idem est, atque idem omnino censendus est. vbi res eadem est, nomen quoque idem, cur erit ordo diuersus? cum omnes pariter fuerint alicuius diœceseos exarchi, pariter patriarchæ sint appellati, cur alios tamen quarti ordinis, alios tertij tibi placet fuisse? Tuam fidem, Sirmonde, hoc cum scribebas, verum esse putabas? Conscientiam tuam si perrogare liceret, si loqui posset, aliud responderet. Canon secundus Constantino-
politanae primæ Synodi quinque diœceses siue patriarchias recenset, quæ sub Orientis imperio fuere, Ægyptiacam, Orientalem, Asianam, Ponticam & Thracicam. Harum diœceseon rectores hoc est patriarchæ, vetantur illo canone fines sibi attributos transilire, & alienas prouincias inuadere. Tu ex illis qui ibi enumerantur πατριαρχαὶ exarchis, aut diœceseon patriarchis, alios in quarto ponis, alios in ordine collocas. quid ita aut quo iure? nullam differentiam aut discrimen inter diœceses quinque suprascriptas statuit nec agnoscit Synodus ipsa, nullam iuris aut ordinis diuersitatem inter ipsos patriarchas qui diœceses illas regebant: an pro sano faciet, qui constituet vllam?

Hoc tamen vt euincas, & patriarchas a patriarchis facias diuersos, isto argumento vteris & exem-

M m m ij

plo. *Vt Papæ, inquis, nomen apud Latinos omnium primum episcoporum nomen fuit, postea proprium & peculiare illius factum est, qui episcopus est episcoporum: sic patriarchæ nomen quod commune aliquando fuerat cum exarchis, ad eos postea solos translatum est, qui Ecclesiæ primarias quinque sedes regunt. quando istud factum, Sirmonde, vt patriarchæ nomen ad eos solos translatum sit, qui primarias quinque sedes regebant, & ceteris omnibus sit negatum? vnde igitur patriarcha Aquileiensis, patriarcha Gradenſis, patriarcha Lugdunensis, patriarcha Bituricensis, patriarcha Bulgariæ, alique plures tam Orientis quam Occidentis patriarchæ, quorum passim extat mentio, qui & hoc nomen olim habuere, ac retinere semper? atqui oportebat illud nomen non aliis episcopis dari, quam quorum factum est proprium, præsertim postquam ad eos solos translatum, quinque primarios antistites. cur igitur illi quos dixi, alique multi quos non dixi, passim in scriptis qua veterum qua recentiorum, patriarchæ reperiuntur appellati? De Papæ nomine certe verum est, commune olim cum esset omnibus episcopis, postea ad solum Romæ vrbis episcopum translatum fuisse. sed postquam proprium ac peculiare episcopi Romani hoc nomen cœpit esse, nulli alij episcopo tributum est: omnibus negatum est. quis hodie episcopus vocatur Papa præter Romanum? quis abhinc aliquot seculis retro sic vocatus est præter illum? De Patriarchæ appellatione longe aliter se res habet. Nam & quum tres tantummodo erant, & vbi quin-*

que facti sunt principalium sedium antistites patriarchæ, nunquam penes illos solos hoc nomen hæsit, sed aliis etiam quamplurimis datum est. ut constat ex iis quæ iam diximus, & quæ mox dicturi sumus. At si soli illi quinque patriarchæ meruerunt appellari, nemo præter eos hoc nomine debuit insigniri. quemadmodum enim ubi episcopus Romanus proprium, ac præcipuum Papæ nomen habere cœpit, nullus alius episcopus Papa reperitur uspiam nominatus, ita postquam propria hæc solum quinque appellatio ut esset, obtinuit, nemini præter illos donari debuit. cur ergo Nicolaus Papa primates Galliæ patriarchas nuncupat? cur Innocentius tertius primatem Bulgariæ, patriarcham vocat, & primates cum patriarchis eisdem esse dicit? cur Leo nonus archiepiscopum Gradensem, nouæ Aquileiæ patriarcham appellat, eique Venetiæ & Istriæ episcopos tanquam suo primati & patriarchæ obediens esse præcipit, epist. 11. ad episcopos Venetiæ & Histriæ? Cur Athalaricus in Epist. ad Ioannem Papam lib. ix. Variarum Cassiodori, alios patriarchas nominat quam illos quinque? sic enim scribit: *atque ideo sanctitas vestra statuisse nos præsentis definitione cognoscat, quod etiam ad uniuersos patriarchas & metropolitanas Ecclesias volumus pertinere, &c.* & paulo post: *alios vero patriarchas quando in comitatu nostro de eorum ordinatione tractatur, in supradictis conditionibus atque personis intra duo millia solidorum iubemus expendere.* in comitatu Athalarici an tractabatur, rogo te, de ordinatione quattuor patriarcha-

M m m iij

rum Orientis? idem post paulo: *vos autem, qui patriarcharum honore reliquis præsidetis Ecclesiis, quoniam constitutio nostra ab illicita promissione liberauit, restat ut bona imitantes exempla, sine aliquo Ecclesiarum dispendio dignos maiestate pontifices offeratis.* Iam fateri posses, si velles, certe deberes, nihil esse tam dissimile, quam quod videri maxime simile voluisti de Papæ deque patriarchæ nomine. Episcopi omnes olim Papæ vocabantur, postea sic solus vocari cæpit episcopus Romanus. Hoc verissimum. Exarchi diocæseon omnes olim dicebantur patriarchæ, postea quinque soli primarij ita dicti sunt. Hoc falsissimum. sed heic etiam tui similis fuisti. hoc enim habes, ut nihil quod quadret, quod cohæreat, quod simile sit, dicas. Quæ sequuntur, haud absimilia sunt: quippe tua sunt. Caterum, inquis, ut Romanum inter Pontificem, & reliquos episcopos, qui tum Papæ, sicut ille, vocabantur, magnum semper fuit apertūque discrimen: ita iisdem isti principum sedium antistites, tum etiam cum patriarchæ soli nondum vocabantur, ab iis tamen qui in tertio erant ordine patriarchis & exarchis distinguebantur, iisdemque honoris & dignitatis gradu præcellebant, & quartum episcoporum ordinem, velis nolis constituebant. quid velis ipse, Sirmonde, quid item nolis, ego facile video. Sed dari tibi ne quod petis possit, facis ipse. contra te plus quam pro te dicis. Hoc de te ut fatearis faciam, ac temetipso iudice conuincam, te frustra voluisse quod tantopere voluisti. magnum semper apertumque discrimen fuisse vis inter pontificem Romanum, & reliquos episcopos qui Papæ sicut

ille dicebantur. Hoc discrimen tantum, dic amabo, qua in re tunc fuit? inter Papam & Papas quæ differentia potuit esse? Episcopus vrbis Romæ Papa dicebatur, ceteri singularum vrbium episcopi Papæ item vocabantur. fratres illos compellabat, frater ab illis audiebat, Papas inuicem sese appellabant; quænam inter fratres & Papas differitas vel distinctio? an tu nescis Summum Pontificem tot modis considerandum esse, quot sunt gradus in Ecclesia dignitatum? quattuor gradus & ordines episcoporum tibi placet fuisse, episcopos videlicet singularum ciuitatum, metropolitanos prouinciarum, exarchos seu primates diœceson, & patriarchas sedium. Ergo & secundum hos omnes gradus Pontifex Romanus etiam te iudice spectari debeat: Nam & episcopus fuit vrbis suæ, prouinciæ metropolitanus, diœceseos exarchus, & patriarcha sedis, & præterea Summus Pontifex, hoc est totius orbis pastor. quatenus autem vrbis episcopus, quis dubitat quin comparari recte possit cum omnibus reliquarum vrbium episcopis? quatenus metropolitanus, cum reliquis metropolitanis? quatenus exarchus, cum exarchis? quatenus patriarcha, cum patriarchis ceteris? hinc illum ex quinque patriarchis vnum facis, & Occidentem illi quasi patriarchæ propriam specialemque diœcesim attribuis. quatenus vero Summus Pontifex, & vniuersæ Ecclesiæ rector, certum est eum cum nemine comparari posse, ne cum patriarchis ipsis quidem; tantum abest vt cum simplicibus singularum vrbium

episcopis. Hoc nomine non solum extra ordinem episcoporum, sed etiam patriarcharum positus est. Nihil ita sublime est ac supra omnes potestates positum, non sit ut inferius suppositumque Papæ. Papæ, inquam, ut hodie appellatur quum absolute dicitur, quum nemo iam præter eum Papa vocatur. Inter Romanum Pontificem, quatenus Papa est prout hæc hodie vox accipitur, & ceteros episcopos, magnum sane discrimen. Verum non ita accipiebatur olim, cum omnibus erat episcopis communis. tunc non simpliciter nec absolute Papa dicebatur episcopus Romanus, sed *Papa urbis Romæ*, & *Papa urbis*. Hoc in subscriptionibus antiquorum Paparum, & inscriptionibus Epistolarum passim legere est: *Innocentius Papa urbis Romæ*, *Leo Papa urbis Romæ*, *Siluerius Papa urbis Romæ*, *Simplicius Papa Romana urbis*. infinita exempla colligi huius rei possunt. hinc Papa urbis apud Anastasium pro episcopo urbis Romæ, in Stephano quinto: *qui omnes uno affectu parique amore eum ad Ecclesiam beati Petri perducentes, Dei ordinante providentia, Papa urbis consecratus*. ita enim in omnibus libris manu exaratis scriptum est, non *Papa orbis*, ut vulgo socij tui excuderunt. sic Papa urbis, & episcopus urbis, plane idem. nec sane aliter Papa vocabatur tunc Romanus Pontifex, nec alia notione quam ceteri episcopi. Leo Papa, Aurelius Papa, Sidonius Papa, Censorius Papa. omnes erant episcopi Papæ, & ipse Romanæ urbis episcopus etiam Papa cum aliis, nec alio modo. quemadmodum itaque episcopus Romanus,

quatenus

quatenus episcopus vr̄bis suæ, non differebat ab aliis singularum vr̄bium episcopis, nec in diuerso ab illis gradu constitutus erat. sic etiam quatenus vr̄bis Romæ Papa, distinctum diuersumque ab reliquis episcopis, Papis pariter appellatis, gradum non constituēbat, sed vt eodem nomine censebatur, sic & eodem ordine. quid nunc tibi placet, o magister & doctor noster? an vis adhuc vt hoc idem sit de patriarchis? insanum magnam & immanem differentiam statuebas inter episcopum Romanum Papam, & reliquos episcopos Papas, nec minorem inter patriarchas quinque primarios, & reliquos diœceseon exarchos, qui patriarchę pariter vocabantur. iam ostendimus nihil fuisse discriminis, nullam distinctionem ac diuersitatem gradus, inter Papam Romanum, quatenus erat Papa vr̄bis suæ, & reliquos episcopos, quum Papæ & illi vocarentur: scis puto nunc quid sequi debeat de patriarchis. cur enim non idem sit, quoniam idem esse voluisti? o miser homo, semper hac in parte infelix es. Exempla, comparationes, argumenta quęcunque pro te adducis, omnia tibi in contrarium cedunt. sed tibi animus contumax non deest, qui cuncta ista fortunę mala superet. sic licet omnes & omnia contra sint, pugnas tamen solus, & pertendis patriarchas a patriarchis diuersum gradum constituere. hæc profecto vis est, quę rationis experts, solo impetu & impressione vult vincere. sed verba tua repetamus, ea enim iam sum oblitus, ita valde mihi placuere: *principum sedium antistites, tum*

etiam cum nondum patriarchæ soli vocabantur, ab iis tamen qui in tertio erant ordine patriarchis & exarchis diœceseon distinguebantur, iisdemque honoris & dignitatis gradu præcellebant, & quartum, velis nolis, episcoporum ordinem constituiebant. quartus sane ordo, si ullus fuit, distinguebatur a tertio, sed quis tibi dixit fuisse? quis te docuit plures quam tres gradus episcoporum fuisse? ut gradibus, ita & nominibus semper illi tres ordines distincti fuerunt, episcopi, metropolitani, patriarchæ. nunc erunt per te quattuor, episcopi, metropolitani, patriarchæ, patriarchæ. sic duo gradus habebimus eiusdem nominis. nomina etiam eorum distinguere olim volueras, ut melius res tibi procederet. nam exarchos diœceseon in tertio ordine ponebas, & patriarchas sedium in quarto. hoc tibi non successit. ostendimus quippe exarchos illos diœceseon etiam patriarchas vocatos esse, patriarchas vero sedium etiam diœceses rexisse, ideoque etiam exarchos diœceseon fuisse. quid imperitiæ tuæ restabat? Hæc postquam afflicta est, succidaneam sumpsisti pertinaciam, qua nunc pugnas, patriarchas istos quamvis eiusdem nominis fuerint, idem ius habuerint, diœcesibus similiter præfuerint, ut illi quinque primi, diuersos tamen & diuersi ordinis fuisse. o magister inuicte, viceris si mihi ostendis patriarchas istos quos in tertio gradu locas, subiectos fuisse quarti ordinis patriarchis, aut ab illis ordinatos esse. sic vir ipse fueris, & verum fuerit, duo patriarcharum gradus extitisse quorum alter alteri subiiceretur, & ab altero ordi-

naretur. Hoc enim seruatum fuit in gradibus episcoporum diuersis statuendis, vt minor gradus maiori subesset, & ab eo ordinationem acciperet. ita episcopus metropolitano suberat, metropolitani patriarchæ. vide nunc sis an possis monstrare ex archos diœceseon, quos tertij ordinis facis, priusquam sedi Constantinopolitanæ subiicerentur, cum adhuc patriarchæ vocabantur, alicui ex patriarchis fuisse subiectos, aut ab aliquo patriarcha ordinari solitos. nunquam hoc monstrabis. si igitur ipsi patriarchæ dicti sunt, si nulli patriarchæ subiecti fuere, nullum ordinem episcoporum superiorem agnouere, ipsi vtique in supremo gradu steteret Ecclesiasticæ dignitatis. atque ita tres non quattuor gradus episcoporum fuisse oportet, ac superscriptos diœceseon ex archos siue patriarchas, in tertio, qui gradus erat omnium patriarcharum, consedisse. Postquam vero subiecti sunt sedi Constantinopolitanæ, quod Concilio Chalcedonensi factum, de tertio illo ac summo gradu in secundum deciderunt, & nomen patriarchæ simul cum re ac iure amiserunt. sic de patriarchis, quod antea erant, facti sunt metropolitæ. inde Euagrius in Historia Ecclesiastica scribit Ephesinum episcopum, ὁ πατριάρχης διόγειον in Concilio Chalcedonensi amisisse, quo vt patriarchæ Constantinopolitano subderetur, decretum est, & ab eo ordinaretur, vna cum reliquis duobus patriarchis Ponticæ & Thracicæ diœceseos.

Nunc venio ad illam rationem, quæ tibi vnica est,

N n n ij

duo statuenti patriarcharum gradus, ut hac quoque profligata, nihil amplius habeat imperitia tua quod mutire possit. Primarum quinque sedium patriarchæ honore & dignitate ceteris patriarchis præcelebant. ergo quartum episcoporum gradum constituebant, illi tertium; hæc tua ratio est. iuxta hanc eandem rationem licet etiam tres metropolitanorum gradus facias, ut duo patriarcharum. nam inter metropolitanos tres diuersi erant dignitatis & honoris gradus. alij ὑποπῑμοι καὶ ὑποπῑμων dicebantur, alij ὑποπῑμοι καὶ ἑξάρχαι, alij ὑποπῑμοι tantum. Igitur cum duo gradus facias patriarcharum, cur vnum facis metropolitanarum? At si patriarcharum duo diuersos ordines ideo tibi placet fuisse, quod alios alij honore anteirent, & dignitate potiores essent, cur hoc idem tibi non placet in metropolitans, quum certum sit alios aliis longe fuisse honoratiores ac maiori præditos dignitate? In patriarchis hæc differentia cur obtinebit, inter metropolitanos non obseruabitur? sed age missos faciamus metropolitans: quid de illis ipsis quinque patriarchis dices, quos in quarto gradu constituis, quos vnus eiusdem ordinis esse statuis, an illi omnes paris dignitatis & auctoritatis fuere? auide expecto quid heic responsurus sis. sed quid aliud respondeas quam non fuisse? Tantum quippe fuit discriminis, & tam immanis differentia primam sedem inter & quattuor reliquas, ut primæ sedis episcopus, hoc est Pontifex Romanus patriarcha patriarcharum diceretur, & omnes a primo sequen-

res sibi subiectos habuerit patriarchas. Profecto longe maius discrimen illud erat potestatis & auctoritatis, quo primus patriarcha, hoc est Papa, distinguebatur a ceteris quattuor patriarchis, quam quo quattuor illi primarij patriarchæ differebant ac distabant ab reliquis patriarchis vel exarchis quos tu in diuerso ac tertio ordine collocas. Etenim exarchi illi diœceseon, quo tempore patriarchæ dicebantur ac erant, nulli ex superscriptis quattuor patriarchis parebant: Papa vero Romanus quem primum patriarcham facis, & eiusdem cum aliis quattuor patriarchis ordinis, haud minus illos quattuor primarum sedium patriarchas obedientes, ac subditos sibi, quatenus vniuersæ Ecclesiæ summo rectori debere esse semper intendit, quam quoslibet cunque diœceseon exarchos & metropolitānos. Et sane tanta erat hæc differentia inter Papam & ceteros patriarchas, & ordinis distinctio, vt Papa vulgo compararetur Augusto, ceteri patriarchæ patriciis. Si patricij vnius eiusdemque gradus cum Augustis fuere, licet etiam Papam & patriarchas in eodem gradu componas. Walafridus Strabo de rebus Ecclesiast. cap. xxxi. *Comparetur Papa Romanus Augustis & Cesaribus: patriarchæ vero patricij qui primi post Casares in imperiis fuisse dicuntur.* Sed tu videris qui Papam in ordinem cogis, nec extra communia ponendum censes, vt ipse poni vult ac debet. Quid? in ceteris quattuor patriarchis licet in eodem gradu positis, an nulla fuit dignitatis & honoris distinctio? paretne omnino fuere? ca-

demne omnes prærogatiua ac auctoritate pollebant? eadem iura ac priuilegia habuere? licet egregie impudens sis, hoc tamen nullus dixeris. Primum patriarcha Constantinopolitanus, qui primus inter eos fuit, tam longo interuallo sequentes post se videbat, quam ipse longe aberat a primo. Nam iisdem priuilegiis, quibus Romanæ urbis episcopus, extollebatur. Deinde tres diœceses integras sibi subiectas habebat. reliqui tres singularum tantummodo diœceseon exarchi siue rectores erant. Postremo *πατριάρχης* ipse *οικουμενικός* vocabatur, alij tres, suarum duntaxat diœceseon patriarchæ. In summa tantum alios omnes dignitate & auctoritate superiaciebat, quantum ipse superabatur a primo. Quare si totidem diuersos episcoporum ordines statuendos censes, quot erant honoris ac dignitatis differentes gradus inter metropolitanos & patriarchas, profecto, non quattuor, sed vt minimum octo gradus episcoporum constituas oportet. Ita enim quattuor ordines patriarcharum fuerint, & tres metropolitanorum: quibus si addas singularum ciuitatum episcopos, iam octo gradus fiant. an totidem concedes fuisse? totidem concedas necesse est, aut non plures quam tres fuisse. nec sane fuerunt plures. In censum patriarcharum, vt nulli nisi qui ita vocati fuere referendi sunt, ita in eodem omnes gradu patriarchæ censendi, quicunque hoc nomen habuere, quamuis differentes dignitate. nec secus de metropolitanis, quos omnes hoc nomine gradum vnum constituisse constat, licet om-

nium par dignitas non fuerit. Nec sum autem adeo rerum expers, ut Cæsariensis aut Ephesini episcopi, qui exarchi diœceseon suarum fuere, parem unquam cum Antiocheno vel cum Alexandrino in Ecclesia auctoritatem censeam fuisse. sed adeone turdis, ac sensu communi vacuus, ut quum illi Cæsariensis & Ephesinus episcopi, suarum etiam diœceseon patriarchæ fuerint, & ὁ πατριαρχικὸν σίγλον cum nomine habuerint, in numerum patriarcharum neges reponendos? an quia in œcumenicis Conciliis primo loco semper quinque primarij patriarchæ subscribebant, deinde Ephesinus episcopus & reliquarum diœceseon patriarchæ, ideo non isti patriarchæ, quia post patriarchas scriberent? Hoc tu scribere non dubitasti. o fatuum & inficetum caput! sic etiam Alexandrinum & Antiochenum antistites licet patriarchas neges fuisse, quia & illi in Conciliis post Romanæ & Constantinopolitanæ sedis patriarchas subscribere consueverant. quid ineptius a quamlibet inepto fingi vel dici potuit? primum in primis illis Conciliis œcumenicis nulla distinctio patriarcharum fuit & metropolitaram; omnes patriarchæ, metropolitæ etiam erant suarum diœceseon. unde & continenter omnes ac continuatim, alius post alium subscribebant, primo loco primi scilicet metropolitani, ac deinceps sequentes, pro dignitate & ordine metropolcon quibus præsidebant. Deinde etiam si seorsim patriarcharum subscriptiones, seorsim metropolitaram poni consueuissent, exarchi illi

tantum scire possis, eos honoratiores videri quorum priores leguntur subscriptiones. ineptum igitur illud ac centies plus quam ineptum, quod Cæsariensem, & Ephesinum, & Heracliensem episcopos vel in illo tempore quo patriarchæ dicebantur, diuersi ordinis fuisse a prioribus potioribusque illis quattuor patriarchis inde adstruere conatus es, quod post eos subscriberent in Conciliis. Hac enim ratione tot episcoporum gradus statuere deberes, quot episcoporum subscriptiones in Conciliis habentur. singuli enim episcopi, singulum, vt cum Varrone loquar, constituerent gradum.

Sed locus hic poscere videtur, vt aperiā paucis, vnde tres primo primarij patriarchæ siue tres præcipuæ sedes, postea quinque factæ sunt, & cur in Oriente quattuor, in Occidente vnus tantum patriarcha fuit, ex illo genere eximio, atque egregiorum grege patriarcharum. Niceni Concilij temporibus, ne repetam altiora, vniuersa Dei Ecclesia per solos metropolitanos regebatur. vnicum hoc nomen erat, ac potestas ad episcopos cum ordinandos, tum si quid delinquerent coercendos ordinata. Inter illos metropolitanos principem facile locum semper obtinuit episcopus Romanus, propter dignitatem vrbis cui præerat, quæ caput & metropolis erat totius orbis, & propter meritum Beati Petri, cui successerat, Apostolorum principis. inde ille primas & ἡγεμὼν per totum orbem metropolitanorum. Ceterum prouincia quam metropolitano iure regeret, cuius episcopos immediate

O o o

ordinaret, nulla alia fuit quam Romana. Huius prouinciæ terminis Romana Ecclesia circumscripta erat, & hoc nomine a Rauennensi, a Capuana, & a reliquis Italiæ metropolitanis Ecclesiis distincta. Post Romanæ Ecclesiæ episcopum, secundas ferebat Alexandrinus episcopus, & tertias Antiochenus: propter urbium quoque dignitatem, quibus illi præsidebant, ceteris metropolitanis prælati. Nam post Romam, inter vrbes orbis Romani sine controuersia principatum obtinuerunt Alexandria & Antiochia, prima illa totius Ægypti, totius Orientis ista. sub Orientis nomine tum plures prouinciæ comprehendebantur, quarum omnium metropolis fuit Antiochia. Alexandria quoque non vnus tantum Ægypti caput erat, sed & Thebæorum & Αἰγύπτου καὶ τῆς Ἀντιόχειας. Hinc igitur Alexandrinus episcopus, non vnus tantum prouinciæ, nec Antiochenus vnus, sed plurium simul prouinciarum vterque metropolitæ fuere. sic & propter amplitudinem diœceseon quas regebant, & dignitatem urbium quibus præsidebant, post Romanum antistitem facile omnium primi præcipuique metropolitanorum, hi duo scilicet erant. nullus ad hoc exemplum in Occidente fuit, nec in Oriente metropolita. Ceteri omnes, singulis prouinciis singuli præerant. Sed qui solidam integramque diœcesim, hoc est multas prouincias sub se haberet, & pro metropolita gubernaret, præter hos duo tunc neminem extitisse certum est. inde illæ tres eximiae, & dignitate præcellentes sedes, metropolitanæ,

Romana, Alexandrina, & Antiochena. Romana, quod omnium toto orbe prima esset; Alexandrina & Antiochena, quod amplissimis diœcesibus præessent. idem quippe iuris ac potestatis habuit Alexandrinus episcopus in Ægyptiaca diœcesi, & Antiochenus in Orientali, quod Romanus in sua prouincia Romana, quodque ceteri metropolitæ in suis singuli prouinciis. ita enim illi suarum vterque diœceseon metropolitæ germani fuere, vt Romanus & reliqui suarum quisque prouinciarum. Id ex sexto canone Niceno satis constat, & ex iis quæ ad eius expositionem attulimus capite huiusce dissertationis primo. Hi duo igitur soli metropolitæ, quod non singularum prouinciarum, vt reliqui, rectores essent, sed solidarum diœceseon, inde etiam πατριάρχαι dicti sunt, hoc est τῆς πατρ. ἀσ. ἑξάρχῃ. falluntur enim & Græce imperiti sunt, qui putant πατριάρχῃ dici τῶν πατέρων ἑξάρχοντα. πατριάρχης vel πατριάρχης hoc modo dicendus esset, non πατριάρχης. sed πατριάρχης ἀπὸ τῆς πατρίας, vt Φεατριάρχης ἀπὸ τῆς Φεατρίας, ὁ τῆς Φεατρίας ἑξάρχων. Πατρία autem Græce idem quod πάτρι: vt Φεατρία idem quod Φεατρίη vel Φρητρίη. inde Latinum patria, quod ex antiquo Græco πατρία factum est, atque idem omnino est quod πάτρι vel πατρίς. nam πατρίς adiectiuum, vt πατρίδα γαῖαν apud Poetas, eodem modo quo Αἰίδα γαῖαν. vt Αἰὶς γῆ est Αἰία, sic πατρίς γῆ est πατρία. Hoc adiectiuum postea, transiit in substantiuum, & absolute πατρίς ἀπὸ τῆς πατρίας vsurpari cœpit. sic & Αἰίδα pro Asia Græci Latinique

O o o ij

poetæ dixerunt, & *Delphida* pro Delphorum regione: & *Arcada* pro Arcadia: *Nomada* pro Numidia. & similia sexcenta. πατρία igitur, & πάτην & πατρίς Græcis idem est. Nam & πατρίων Grammatici exponunt φυλίω, vt Hefychius. πατρίς quoque ab eodem ita exponitur. sed & πατρία omnes passim φυλίω interpretantur. hinc πατριαρχαι apud Hebræos olim οἱ τῆς πατρίαν hoc est τῆς φυλῆς ἄρχοντες. sed πατρία quoque, vt & πατρίς, vniuersam gentem aliquam siue regionem, ac plurium sub vno capite ac rectore prouinciarum complexionem significat apud Græcos. Hefychius πάτην, ἐπὶ ῥήσιν interpretatur. Suidas, πατρία, χώραι καὶ ἐπὶ ῥήσιν. Epiphanius vocem πατρίς pro qualibet regione vsurpat, vt pag. LI. ὅτι τὰς ἀγίας πατρίδας πλὴν πορείας ποιεῖσθαι. sic πατρία pro diœcesi quæ plures ἐπὶ ῥήσιν complectitur, proprie vsurpata. hinc πατριαρχὴς ὁ τῆς πατρίδας ἑξάρχης, ὁ τῆς διοικήσεως ἄρχων. Nam διοίκησις, κλίμα, πατρία, ἐπὶ ῥήσιν omnino eadem. Πατριαρχαι ἐκάστου κλίματος, & πατριαρχαι ἐκάστης διοικήσεως apud Iustinianum in Nouellis iidem sunt. inde igitur illi duo soli metropolitani, qui diœceses integras hoc est πατρίδας regebant, πατριαρχαι sunt appellati. Romanus enim episcopus quia vnus tantum prouinciæ metropolitana fuit, patriarcha nunquam dictus est. At omnium metropolitanorum, inquit, princeps erat, & vniuersæ caput Ecclesiæ? Hoc vero plus est quam πατριαρχὴν esse. hinc Nicenorum canonum Arabicus interpres Alexandrinum & Antiochenum episcopos, quum patriarchas vocet, Roma-

num Petri successorem tantum appellat. Verba eius hæc sunt, digna quæ ab omnibus considerentur: *Constitutum est, inquit, ut episcopus Ægypti, id est patriarcha Alexandrinus, præsideat & habeat potestatem totius Ægypti, quia sic conuenit, & quia similiter episcopus Romæ id est successor Petri Apostoli, potestatem habet omnium ciuitatum, ac locorum quæ sunt circum eam: ac similiter episcopus Antiochiæ hoc est patriarcha, potestatem habeat prouinciæ illius totius: & in aliis idem locis seruari debet quod in præterito constitutum est.* vides Alexandrinum & Antiochenum patriarchas vocari, Romanum vero successorem Petri Apostoli. intelligis, ut puto, quid velit illud, *successor Petri Apostoli*: sane intellexit Arabs ille quanto plus sit successorem Petri esse, quam patriarcham. hoc enim nomine, quem sic vocauit, super omnes eum patriarchas posuit. Harum trium metropolitanarum sedium maxima tunc erat in toto orbe dignitas, & auctoritas; Romanæ in Occidente, Alexandrinæ & Antiochenæ in Oriente. De his tribus Hieronymus ad Vigilantium: *quid facient Orientis Ecclesiæ, quid Ægypti & sedis Apostolicæ?* Post has tres, ceteris metropolitanis antistabat Æliensis siue Hierosolymitanus episcopus, non re sed titulo, non potestate sed honore metropolitanus. suberat enim Cæsariensi episcopo qui verus erat illius prouinciæ metropolita. Hic *ὁ κύριος καὶ ὁ ἀξίωμα μητροπολιτικόν* habebat, honorem ille tantum. Constantinopolitana postea sedes inter primam, & secundam inserta, & in *πατριαρχία* erecta, tribusque subiectis integris illi

diœcesibus, post primam sic secunda facta est, ac ceteris omnibus prælata. circiter eadem ferme tempora tres quoque prouinciæ Hierosolymitano throno sunt attributæ, & sic non metropolita tantum vnius prouinciæ, sed patriarcha multarum factus est. inde factum, vt quattuor primariæ sedes in Oriente essent, cum vnica semper fuerit in Occidente, nempe Romana, quæ non solius Occidentis prima fuit, sed & totius orbis. Metropolitanis, vt iam diximus, ab initio omnes fuere, aut diœceseon, aut prouinciarum. Duobus exceptis, Alexandrino & Antiocheno, qui solidarum diœceseon ambo metropolitanis fuerunt, ceteri singulis tantum prouinciis præerant, quas potestate metropolitana regebant. ideo illi præcipuo in honore semper inter metropolitanos habiti, atque inde patriarchæ dicti, quod τῷ πατριᾷ hoc est τῷ διοικήσῳ, non singularum prouinciarum essent ἑξάρχαι. Ad eorum tamen exemplum metropolitanis illi qui primam sedem in vnaquaque diœcesi tenebant, qui primam nimirum prouinciam cuiusque diœceseos regebant, exarchi etiam diœceseon, & patriarchæ sunt appellati, licet ipsi suarum tantum essent rectores ac metropolitæ prouinciarum, nihilque iuris in reliquos diœceseos metropolitas haberent. quia primi erant totius diœceseos metropolitanis, inde ἑξάρχαι τῆς ἐκείνης διοικήσεως dicebantur, & patriarchæ. Quare in omnibus diœcesibus vbi prima fuit prouincia, ibi etiam prima sedes diœceseos, ibi etiam diœceseos primas & exarchus, qui & patriarcha diœce-

seos dictus est. tales in Oriente Ephesinus Asianæ, Cæsariensis Ponticæ, Heraclienſis Thracicæ diœceſeon exarchi, qui & patriarchæ appellabantur. ſed hi patriarcharum nomine ſimul & gradu exciderunt, & in metropolitanorum ordinem redacti ſunt, ſtatim atque Conſtantinopolitanæ ſedi ſubiecti fuere. quod Chalcedonenſis Concilij decretis, ex ipſorum conſenſu qui ſubiiciebantur, conſtitutum eſt. ab illo tempore *πατριάρχαι διγμοι* quod antea habebant, vt ſcribit Euagrius, nullum habuere. Ad hunc modum in Oriente tribus illis patriarchis, *Εἰς μίαν πατριάρχαν* compulſis, quattuor patriarchæ ſoli per Orientem relictæ, qui & ſummi præcipuique. In Occidente qui ab initio patriarchæ nomen ſibi vindicarunt, ſemper illud retinuerunt. nulli quippe vnquam ſpeciali patriarchæ ſubiecti ſunt. nec enim vllus per Occidentem patriarcha vſquam fuit, ex eo genere, cuius in Oriente generis primum duo, deinde quattuor facti ſunt. ſoli primæ ſedis per ſingulas diœceſes metropolitani, hoc nomen ſibi adrogarūt, vt primates ſcilicet diœceſeon, & patriarchæ dicerentur. Primæ Lugdunenſis per Gallias metropolitanus, quattuor Lugdunenſium primas erat, & patriarcha vocabatur. Primæ Aquitanicæ, primas quoque & patriarcha, atque ita de ceteris. In Africana diœceſi, Africæ proconſularis, quæ prima fuit ſupraſcriptæ diœceſeos prouincia, epiſcopus Carthaginienſis, reuera etiam patriarcha primæque diœceſeos fuit, hoc eſt primus omnium Africæ metropolitanorū. Italia diœceſis erat: quis

in illa diœcesi primus metropolitanus? is omnino etiam primas siue patriarcha. De Romano dubium non esset quin ille fuerit totius Italiæ primus præcipuusque metropolita. verum ille non Italiæ tantum primus fuit, sed totius orbis. Deinde patriarcha nunquam est appellatus: nunquam hoc nomine ipse se proscripsit. præterea Romana prouincia, cuius metropolitanus erat, locum inter Italiæ ciuiles prouincias, in quas Italiæ diœcesis distributa est, nusquam locum aut numerum habuit. Post Romanum igitur, qui extra ordinem est, quærendum nobis quis primus fuerit Italiæ metropolita. is sine dubio primas fuerit & patriarcha. Inter Italiæ prouincias quæ prima fuit, ea etiam dubio procul patriarcham habuit. quænam illa sit videamus. apud Notitiam vtriusque imperij, in descriptione prouinciarum Italiæ, primo loco semper posita legitur, Istria & Venetia. *Prouinciæ Italiæ decem & septem. Venetia, Æmilia, Liguria, Flaminia & Picenum annonarium, Tuscia & Vmbria, Picenum suburbicarium, Campania, Sicilia, Apulia & Calabria, Lucania, & Bruttij, Alpes Cottie, Rhatia prima, Rhatia secunda, Samnium, Valeria.* & alio loco vbi consulares Italiæ recenset, primum numerat Venetiæ & Istriæ Consularem. *Consulares per Italiam octo: Venetia & Istria, Æmilia, Liguria, Flaminia & Piceni annonarij, Tuscia & Vmbria, Piceni suburbicarij, Campania, Sicilia.* nihil igitur dubitationis est quin Venetia cum Istria prima fuerit Italici diœceseos prouincia. Istriæ & Venetiæ metropolis Aquileia: hinc Aquileiensis episcopus,

episcopus, patriarcha semper nuncupatus est. Longe vero errat Baronius & reliqui, qui per schisma illum, hunc sibi titulum vsurpasse contendunt. Ante schisma ita vocabatur. nec enim memoria extat quo primum tempore sic vocari cœperit. hoc tantum scitur, ita semper vocatum fuisse. Paulus Diaconus de gestis Langobardorum lib. II. cap. x. patriarchæ Aquileiensis meminit anno Christi DC. XXIII. *hoc etiam tempore, Romanam Ecclesiam vir sanctissimus Benedictus Papa regebat: Aquileiensi quoque ciuitati, eiusque populus beatus Paulus patriarcha præerat.* In schismate porro hoc nomen primum sibi vindicasse episcopum Aquileiensem verisimile non est. Nam & schismaticus diu fuit episcopus Rauennensis, adeo vt *ἀρχιεπίσκοπος* sibi arrogauerit, nunquam tamen patriarchæ titulum sumpsit. sed quod prima Italiæ prouincia fuit Venetia, inde tuto possumus affirmare, eius prouinciæ metropolitam, dictum esse patriarcham: rursus vero quod patriarcha dictus est metropoleos Venetiarum episcopus, ex eo audacter pronunciare licet, Venetiam cum Istria primam Italiæ prouinciam fuisse. Perpetuum siquidem & constanter hæc in Ecclesia consuetudo per Orientem Occidentemque tenuit, vt primi singularum diœceseon metropolitani, hoc est qui primam in diœcesi prouinciam regerant, illius diœceseos primates siue patriarchæ dicerentur. Primum autem siue primatem Italiæ metropolitanorum fuisse Aquileiensem episcopum, hinc etiam constat, quod in Romanis &

Italicis Conciliis post Romanum Pontificem primus, & ante ceteros Italiae metropolitanos subscribere soleret. In Romano Concilio sub Iulio, metropolitae Italiae hoc ordine leguntur subscripsisse: *Benedictus Aquileiensis: Rufus Carthaginensis: Agapitus Ravennas: Iulius Mediolanensis.* Hic porro patriarchatus semper in Venetiarum provincia mansit, licet sedes mutauerit. Aquileia enim capta ac direpta, Forumjulij Venetiarum coepit esse metropolis, quae & noua Aquileia dicta est. vetus Notitia metropoleon Italiae quam superiore libro cap. iv. retulimus: in provincia Venetiensi & Histriensi, ciuitas Aquileiensium metropolis. ipsa est Forumjulij. cum igitur postremis temporibus Aquileiensis patriarchae mentionem fieri videmus, accipiendum de Foro-Julienfi. Leo tamen nonus Epist. ii. ad episcopos Venetiae & Istriae, Grados nouae Aquileiae nomine donat, & Gradenfi episcopo Venetiam & Istriam sicut suo primati & patriarchae subiectam esse debere sancit. Foroiuliensem autem episcopum patriarchae titulo minime impertit, iubetque eum Longobardorum tantum finibus esse contentum: cuius (episcopi Gradenfis) tandem relictis privilegiis a sancta Romana & Apostolica sede sibi concessis, iudicio totius sanctae Synodi hoc definitum fuit, ut noua Aquileia totius Venetiae & Istriae caput perpetuo haberetur. vide reliqua. Ita ille de patriarcha Venetiae & Histriae pro Gradenfi aduersus Foroiuliensem antistitem pronunciauit, quod ter vocatus ad Concilium nec venisset, nec se excusasset, quum

Gradensis contra quinquies Romanæ Synodo, etiam non vocatus interfuisset. Ceterum hoc Leonis scitum, quod ab eo tunc sancitum est, non obtinuit post eum. semper enim Foroiuliensis antistes, Aquileiensis patriarchæ titulo ab insequentibus Papis donatus est, & in Conciliis cum aliis etiam maiorum gentium patriarchis sedit, nec quisquam vnquam Grados nouæ Aquileiæ nomine appellauit, quod Leo voluerat. ita enim vocabatur Forum-Julij. In Concilio Lugdunensi sub Innocentio quarto Aquileiensis inter patriarchas Græcos sessum iuit, ex consensu ac voluntate Papæ qui Concilio præsidebat: *Et in vigilia beati Petri Apostoli Concilio conuocato in maiori Ecclesia Dominus Papa Missa celebrata locum eminentiorem ascendit, imperator vero Constantinopolitanus sedit ad dexteram, & quidam alij principes laici sederunt ad sinistram, &c. inferius vero sic prælati sederunt: ex opposito tres patriarchæ ordinati fuerunt, videlicet Constantinopolitanus ad dexteram, Antiochenus & Aquileiensis, de quo tertio scandalum exortum est, ex quo ut alij patriarchæ dicebant, sedere non debebat iuxta eos, cum non esset de quattuor patriarchis, & destructa est sedes eius, & tandem ut vitaretur scandalum, de voluntate domini Papæ, ut creditur, est resecta. vtvt sit inter patriarchas vides eum sedem habuisse, etiam volente Papa. & sane tam ille quam Gradensis semper patriarchæ nuncupati, & pro veris ac legitimis patriarchis habiti sunt a summis Pontificibus. In Concilio Viennensi quod sub Clemente V. celebratum est, Aquileiensem & Gradensem an-*

tistites in numerum ac censum patriarcharum
Papa retulit, iisque ut patriarchis scripsit:

*In eodem modo patriarchæ Constantinopolitano & eius
suffraganeis.*

In eodem modo patriarchæ Gradenſi & eius ſuffraganeis.

*In eodem modo patriarchæ Aquileienſi & eius ſuffra-
ganeis.*

*In eodem modo patriarchæ Hieroſolymitano & eius ſuf-
fraganeis.*

In Concilio Florentino Gradenſis patriarcha ſub-
ſcripſit poſt Hieroſolymitanum:

Ego Baſilius patriarcha Hieroſolymitanus me ſubſcripſi.

Ego Marcus patriarcha Gradenſis me ſubſcripſi.

Cum olim vnus eſſet in Italia diœceſi patriarcha
Aquileienſis, qui primam ſedem totius diœceſeos,
ut primæ prouinciæ præſul, habebat, poſtea duo ex-
titere. quod ſub Phoca imperatore cœpiſſe ex Paulo
Diacono ſciri poteſt cap. xxxiv. lib. iv. de geſtis Lango-
bardorum. Nam cum vetus Aquileia tunc teneretur
a Langobardis, Romani epiſcopi Candidiano de-
functo apud Grados patriarcham ordinarunt: ex
eo tempore duo cœperunt eſſe patriarchæ, Aqi-
leienſis & Gradenſis. Huiusmodi autem patriarchæ
qualis Aquileienſis in Italia, & ceteri in reliquis
diœceſibus, qui primas ſedes obtinebant, ut inter
omnes diœceſeos metropolitas dignitate excelle-
bant, ita nihil quicquam in eos iuris, nihil poteſta-
tis habuere, nec extra ſuam prouinciam, epiſcopos
ordinandi facultatem. tales in Galliis primates
diœceſeon, tales olim in Oriente, priuſquam ſedi

Constantinopolitanæ subiicerentur, Asianæ, Ponticæ & Thracicæ diœceseon exarchi, qui & patriarchæ dicti sunt. Honore quidem ac titulo totius erant diœceseos exarchi, iure vero ac potestate solius prouinciæ cui præsidebant metropolitæ. De his loquitur Iustinianus leg. xxix. Cod. *de episc. aud.* cum dicit ex patriarchis quosdam earum quibus præsunt, & in quibus constituti sunt prouinciarum metropolitas esse, alios vero per totam diœcesim ius ordinationum habere: ὅτι ὁ ὕμνος, inquit, τῶν θεοφιλεσάτων πατριαρχῶν ἐν ταῖς ἐκκλησίαις ἐν αἷς εἰσὶν ὅ μὲν πολιτικὸν ἔχουσι ἄρμα, ὕμνος δὲ καὶ ὁ ἄλλος πλεὺν δὲ κρίκην τῆς χηροποιίας ποιουῖται τῶν ἁπλῶν αὐτοῖς θεοφιλεσάτων ἐπισκόπων, εἴτε μὲν πολιτῶν, εἴτε ἀπλῶν, ἐπ' αὐτοῖς ἐκείνα θεοπίστοις ἀπὸ τοῦ ὅτι τῶν θεοφιλεσάτων μὲν πολιτῶν ἡδὴ διετέλεσαν. αὐτοὶ γὰρ ἀπὸ μὲν πολιτῆς ἀξίως κληροῦσι ὁ πλεὺν ἐξουσίαν τῶν ἁπλῶν πλεὺν μὲν πολιτῶν ἐπισκόπων ἐκ τῶν κληρονομήων ἔχουσιν. Ex quattuor primariis Orientis patriarchis Alexandrinus, & Antiochenus, per vniuersam vterque sibi subiectam diœcesim, omnium tam episcoporum quam metropolitaram ordinationes sub sua habuere potestate. ad eorum quoque instar, & exemplum Hierosolymitanus per tres Palæstinas sibi attributas. Patriarcha vero Constantinopolitanus trium sibi subditarum diœceseon solos ordinabat metropolitanos. qui sunt igitur illi patriarchæ quos dicit Iustinianus prouinciarum quibus præsunt, & in quibus degunt, fuisse metropolitas, & episcoporum, τῶν ἁπλῶν μὲν ἐκ πολιτῶν ὄντων ordinationem habuisse? quinam sunt,

inquam, illi patriarchæ, prouinciarum tantum suarum metropolitæ, quos iis opponit, qui totius erant diœceseos veri metropolitani? an non illi ipsi sunt quos diximus diœceseon primates, qui primam quidem sedem diœcesis habuerunt, & patriarchæ diœceseos dicti sunt, reuera autem prouinciæ tantum illius in qua erant, cui præerant, metropolitæ fuere?

Non iam quæro quid faciemus Iustiniano; recte ille intelligendus erat, & recte cum intelleximus. Ceterum quid te fiet prorsus scire cupio. tam enim perditus es, vt quid rectum sit, nec docere possis nec doceri. Vbicunque Iustinianus *πατριαρχῶν ἐκείνης διοικήσεως* in Nouellis mentionem facit, solos quinque ab illo patriarchas designari & intelligi persuadere tibi vis. Ceterum vel in vno Iustinianæ primæ archiepiscopo, vt alios omittam de quibus iam dictum, tota hæret hæc res. Iustinianus vbique tres tantummodo gradus episcoporum memorat ac numerat, *πατριαρχας διοικήσεως, μητρολίτας, ἐπισκόπους*. hoc ipse fateris & agnoscis. Exarchi diœceseon, te ipso concedente, nulli amplius erant. quo igitur in gradu pones archiepiscopum primæ Iustinianæ? an inter metropolitanos recensebis? atqui ille metropolitanis multis præfuit: diœcesim, hoc est multas prouincias rexit: *Θεῖον* quoque habuit, vt cōstat ex Nouella xi. plus omnino fuit quam metropolitanus, vt eadem Nouella disertis verbis docet. Photius in Nomocanone tit. i. cap. v. *καὶ ἡ ἡ ἀρχιεπίσκοπος ὁ θεῖος ἔχει τὴν καθολικὴν καὶ τὴν ἡ ἀρχιεπίσκοπος*

πρώτας Ἰουστινιανῆς ἀρχιεπίσκοποι, καὶ ὅτι μάλιστα ὅτι μητρο-
 πολίται, καὶ ὅτι κατὰ τῆς συνόδου αὐτῆς χρονοῦνται, καὶ ὅτι
 πολλὰς ἐπὶ ῥάσας ἔχει. si per Nouellam illam xi. metro-
 politanus non est, quæ fancit, vt non solum metro-
 politanus, sed etiam archiepiscopus fiat, per te vero
 patriarcha non est, iam tibi gradus aliquis denuo
 fabricandus inter patriarchas & metropolitanos
 medius, in quo ille Iustinianæ primæ archiepisco-
 pus tuo beneficio possit hære. nullum enim gra-
 dum habet Iustinianus qui illi archiepiscopo con-
 gruere, aut conuenire queat. tres illi quippe tantum
 episcoporum ordines quum agnoscat, nullus ex illis
 tribus huic archiepiscopo satis aptus & conueniens
 videri potest.

Nunc tu me increpas & incusas quod non exa-
 minauerim, qui factum sit vt quum quattuor olim
 gradus episcoporum essent, tres tantum fere a Iusti-
 niano, Græcisque post illum scriptoribus numerari
 soleant, patriarchæ metropolitani & episcopi. o
 suauem ludimagistrum! o magistrum suauiludium!
 quum in Censura simpliciter & absolute scripsisses,
 quattuor in Ecclesia gradus esse episcoporum, nulla
 temporis allegata distinctione, quo tot fuerint, tot
 non fuerint; ostensum tibi est ex Iustiniano aliisque
 quam multis auctoribus tres tantum modo semper
 numeratos fuisse. Hoc quum verum videres esse,
 nec quidquam contra posses hiscere, passus es rem
 quidem ita se habuisse post Iustinianum, ante Iusti-
 nianum aliter obtinuisse, sed huius rei causam de-
 buisse a me examinari. o festiuium caput! egone

examinarem cur fuerit, quod in rerum natura nusquam fuit? demus hoc aliquando fuisse. non id tunc agebatur. Hoc ibi non concedebas quod heic concedis, post Iustinianum tres tantum gradus computari cœpisse. Iam tempus est igitur, ut hoc disquiramus. sed examine id tuo dignum est, non meo. Age ergo, domine magister, nunc doce quod nos condiscere necesse est, qui factum sit ut Iustinianus aliique post illum auctores, tres tantum gradus numerent, quum antea quattuor numerati fuerint. observaſti exarchorum ordinem qui quartum gradum constituebant ante Iustinianum, dum adstruitur & amplificatur Constantinopolitanæ sedis auctoritas, suis spoliatum priuilegiis prope modum exoleuisse: ex eo tempore tres tantum ab auctoribus recensitos esse. Rara, ita me Deus amet, observatio, ac tanto magistro, doctore, præceptore, & rectore digna. hæc numquam mihi in mentem venisset. Verum age, o doctor noster, quoniam in meam gratiam tam digna scitu te non piguitum est expromere, hoc etiam nos docere ne graueris, an præter illos tres exarchos qui sedi Constantinopolitanæ subiecti sunt, & per hoc, antiqua sua priuilegia, gradumque amiserunt, nulli alij fuerint in Occidente sub Iustiniano diœceseon exarchi siue primates? an cum tribus illis exarchis totum nomen exarchorum extinctum, gradusque ille prorsus & ordo abolitus est? In Africa, Hispania, Illyrico, Gallia primates omnes diœceseon quos Græcorum exarchis pares faciebas, & in eodem gradu consti-
tuebas,

tuebas, an & illi quoque sub Iustiniano interierunt, & ordine suo moti sunt? si adhuc Iustiniani temporibus fuerunt, cur Iustinianus his omissis tres tantum gradus vbique ponit & computat? si in rerum natura tunc non amplius erant, quid illis illo in tempore factum est, aut quo recesserunt? an non Iustiniano imperante Papa Romanus adhuc erat vrbis Romæ episcopus, prouinciæ Romanæ metropolitanus, Italiæ primas siue exarchus, & Occidentis patriarcha? an non ille, vt tua fert sententia, ideo primas Italiæ fuit, quia nullus in Italia primas? ideo patriarcha Occidentis, quia in Occidente nullus patriarcha, cum multi essent diæceson primates? Atqui aut nullos amplius in Occidente primates diæceson sub Iustiniano fuisse oportet, aut quattuor etiam tunc gradus episcoporum fuisse necesse est. si quattuor adhuc erant Iustiniani tempore gradus, cur ille tres vbique tantum agnoscit? sin quattuor illi gradus ad trium numerum iam tum redacti fuere, cur ipse quattuor in Summo Pontifice numeras, atque his tot gradibus eum considerandum censes? ingenij ac sollertix tibi tantum superesse confido, vt facile te ex hac lama extricatum iri sperem, mulumque cum sarcina sua saluum inde extracturum. vt ille de genere Aruerno est, nullo negotio emerget. grandiores ibi nascuntur, & fortiores. nisi Aruernas esset, in illa voragine hæreret.

Iam aliud est de quo te rogatum velim. scribis idcirco a Iustiniano & post Iustinianum tres gradus

ab auctoribus numerari, quum antea quattuor essent, quod exarchi qui gradum vnum faciebant, priuilegia sua amiserint, & gradu penitus exciderint, dum amplificatur Constantinopolitanæ sedis auctoritas, cui subiecti fuere. Nunc rogo te vt mihi dicas ac me doceas quo tempore, sub quo imperatore putes illos exarchos, dum sedi Constantinopolitanæ subiiciuntur, priuilegiis suis spoliatos & gradu motos fuisse? an sub Iustiniano id accidit, & ab ipso Iustiniano? quis hoc prodidit? quis auctor dixit? vnde hoc didicisti? Ergo ante Iustinianum id contigisse oportet. sed quomodo aut quando? Profecto aut alicuius Concilij decreto id factum apparet, aut alicuius imperatoris pragmatica. quis imperator ante Iustinianum hoc constituit? quæ Synodus decreuit? vt exarchi nempe Asiæ, Ponticæ & Thracicæ diœceseon, priuilegia quæ ante habuerant, non haberent, & patriarchæ Constantinopolitano in posterum subiacerent? an alia fuit præter Chalcedonensem quæ id sanxerit? quid circumrodendum tibi minutatim porrigo, quod totum semel vorare debes? Synodus omnino fuit Chalcedonensis, quæ prædictos exarchos sedi Constantinopolitanæ in totum subiecit: quæ suis illos priuilegiis spoliauit: quæ in metropolitanorum ordinem, quum antea in patriarcharum gradu essent, eos redegit. Hoc ex gestis illius Synodi, hoc ex canonibus abunde probatur: hoc satis superque superiori capite confirmauimus. Euagrius Scholasticus lib. iii. cap. vi. *ὁ αὐτὸς φησὶ τὸν Τιμόθεον ἑξαρ-*

μήποτε τῆς βασιλίδος πλεὺν Εφεσίῳ καταλάβει, ἐν δευ-
 νίσαι τὸν Παῦλον ὑπερέα τῇ Εφεσίῳ, ὅς ἦν καλῶς ἡγε-
 μὲν ἀπὸ πλεὺν ὑπερχαίοντες σιμνήσαντες ὑπὸ τῇ τῆς ἐπὶ τῆς
 ὑπερχαίοντες, ἐκπεπρωμένοι ὅτι τῇ δευτέρῃ, ἀποδίδωσι τῇ Εφεσίῳ,
 καὶ ὁ πατριάρχης δίκαιον ὅπως αὐτὴν ἀφῆλκε ἢ ἐν Χαλκηδόνι
 συνόδῳ. Ergo in Chalcedonensi Synodo ὁ πατριάρ-
 χης δίκαιον amisit Ephesus episcopus Asiaticæ dioc-
 cesis patriarcha, ut & reliqui duo Ponticæ, Thra-
 cicæque dioceseon exarchi. sed quodnam illud
 πατριάρχης δίκαιον fuit? illud ipsum quod ibi me-
 moratur apud Euagrium. quod ab episcopis nem-
 pe comprouincialibus ordinarentur, nullique pa-
 triarchæ subiecti essent. alia δίκαια πατριάρχει non
 habuerunt exarchi illi qui πατριάρχης διοικήσεις dice-
 bantur. nec enim reliquos dioceseos metropolita-
 nos ordinabant, nec quidquam iurisdictionis in eos
 sibi vindicabant, etiam priusquam subiicerentur
 sedi Constantinopolitanæ, & quum adhuc patriarchæ
 dicerentur. Hoc supra satis demonstratum est.
 Longe itaque ante Iustiniani imperium iam inde
 a Synodi Chalcedonensis tempore superscripti tres
 exarchi Constantinopolitanæ sedis patriarchæ sub-
 iecti erant, ab eo ordinabantur, iudicabantur, &
 inter metropolitas numerabantur. immo vel ante
 Synodum ipsam Chalcedonensem, statim post
 Constantinopolitanam primam, hoc sibi iuris
 usurpauisse constat regis urbis archiepiscopum,
 auctoritate καὶ τῇ δυνάμει τῆς βασιλευσσης fretum, ut
 prædictarum trium dioceseon metropolitanos or-
 dinaret, omnemque in eos iurisdictionem haberet.

Qqq ij

inde igitur, non a Iustiniani temporibus, vt tres gradus numerarentur, cœpisse oportet. at si ad altiora ascendendo paulum progressus fueris, non quattuor, vt hariolaris, sed duo tantum gradus episcoporum in Ecclesia fere frequentatos inuenies, metropolitas nempe & episcopos. Nam patriarchæ si qui tunc appellati fuere, non aliter spectabantur quam vt metropolitæ diœceseon suarum, quum alij essent metropolitæ prouinciarum. Nicena fane prima Synodus Alexandrinum, & Antiochenum patriarchas in sexto canone, eodem prorsus pallio inuoluit quo ceteros omnes metropolitas, nec alia eos dignatione afficit. hoc tamen illi solo nomine digniores, quod diœceses integras non singulares prouincias regerent, vt ceteri metropolitani. quippe metropolitæ fuere diœceseon non prouinciarum. Quidquid sit, certum est nunquam plures tribus in Ecclesia gradus episcoporum præcipuos numeratos esse. Quod hunc numerum a Iustiniano, & post Iustinianum frequentari cœptum esse opinaris, vnde isthæc tibi in cerebrum conuolarit opinio, non possum diuinare, vt tu nec posses dicere. Theodorus certe Cyrri episcopus qui Ephesino Concilio interfuit, qui Chalcedonensi quoque, & post Chalcedonensem scripsit *συνταγματικὴν ἐκτέννησιν* quæ nondum edita est, non plures numerat. Cum enim eam *συνταγματικὴν* in quinquaginta titulos distribuerit, primus est de patriarchis, secundus de metropolitibus, tertius de episcopis. Verba eius vis videre? inuidus non ero,

nec faciam inuitus vt ea heic possis legere.

Τίτλος πρώτος.

Περὶ τῆς ὁριαθείσης τοῖς πατριαρχαῖς ἐκ τῶν χαμόνων ἡμεῖς, καὶ τῷ μὴ δεῖναι τινὲς αὐτῶν ὑφαρπάζειν ἐπὶ ἑτέρῳ παρσῆκευσον ὅτι χροτοῖα καὶ διοικήσῃ, ἀλλὰ καὶ τὰς ὑφαρπαγίσας ἥδη ἀδικηθεῖσιν ἀνταποδίδουσαι.

Τίτλος δεύτερος.

Περὶ τῆς ὁριαθείσης τοῖς μητροπολίταις ἐκ τῶν χαμόνων ἡμεῖς, καὶ τῷ ἐκ τῆς βασιλικῆς γραμμάτου μητροπολιτῶν γινομένων. καὶ περὶ μὴ δεῖν αὐτοὺς ἐνοεῖαι ὑφαρπάζειν ἐτέρῳ παρσῆκευσον, μήτε μίας ἐπὶ ἑτέρῳ εἰς δύο καὶ αὐτέμειν.

Τίτλος τρίτος.

Περὶ τῆς μὴ δεῖν ὁπίσχετον ὑπὸ διοίκησιν ἀκλήτων πρῶτα γινεῖσθαι πλὴν εἰ μὴ δι' ἐποφίας κτήσεως αὐτῶν διαφερούσης μήτε χροτοῖα ὑπὸ ὁρία.

Vbi sunt illi tui exarchi diœceseon? Horum sedes erat inter patriarchas & metropolitas. Cur eos omisit Theodoritus? cur titulum suum locumque hoc est secundum, non illis reddidit, hoc utique modo concipiendum? περὶ τῆς ὁριαθείσης τοῖς ἐξ ἀρχαῖς ἐκ τῶν χαμόνων ἡμεῖς. ille Theodoritus qui Concilio interfuit, subscripsit, an potuit ignorare, qui fuerint exarchi diœceseon quorum mentio in duobus eiusdem Concilij canonibus nono & septimo decimo? an nesciuit exarchos diœceseon eos dici qui inter metropolitas & patriarchas constituti, gradum ab vtrisque diuersum constituerent? o factum male, o malum fatum, quod non Sirmondus illo tempore vixerit, qui hoc illi posset persuadere verum esse. Si Sirmondum ei contigisset audire,

Qq q iij

nunquam eos præterisset. Atqui non mentionem quoque eorum fecit: nam titulus decimus quintus prædictæ συναγωγῆς ita ab eo conceptus est:

Τίτλος ιε.

Περὶ τοῦ μὴ δεῖν ὁπίσκοποι ὑπὸ πάντοις ἐξουχίας
κινδύνοις ἐπιμέλειαν ἀφορίζεσθαι τοὺς παροξυνόντας, ἢ τύπτεσθαι
διὰ τῆς περὶ ἀμφοτέρων. καὶ αὖτε δὲ τὸν ἀφορίζοντα
ἢ πρῶτον πρὸς τὸν ἴδιον ὁπίσκοπον ἔργα κατὰ φύσιν ὅτι
τὸν μητροπολίτην εἰ βούλοιτο· εἰ δὲ μητροπολίτης ἀντίδικος
εἴη, κατὰ τὴν ἐξάρχου τῆς διοικήσεως, ἢ ὡς τὴν βασιλευσάντων
αὐτοῦ ὁπισκίπῳ διαφίξεσθαι. sub eo titulo supradictos
duo canones Concilij Chalcedonensis retulit no-
num & septimum decimum. meminit, vt vides,
eorum exarchorum Theodoritus. sed quum tres
tantum episcoporum distinctos ordines sub tribus
distinctis titulis in fronte ac limine suæ συναγωγῆς
proposuerit, patriarchas, metropolitans & episco-
pos, nec eos exarchos ignorauerit, tamne fungus es
vt putes tres eum tantummodo positurum gradus
esse, si quattuor fuissent? omnino itaque sub pa-
triarcharum nomine ac titulo exarchos etiam diœ-
ceseon comprehendisse, non verisimile, sed verum
est. Immo exarchi diœceseon in illis duobus cano-
nibus aliud nihil sunt quam patriarchæ diœceseon.
ex ipsa quinetiam Synodo Chalcedonensi indubi-
tate colligi potest, non plures quam tres tunc gra-
dus cognitos fuisse. Canon vigesimus octauus
eiusdem Synodi sancit vt patriarcha Constantino-
polititanus ordinationes habeat metropolitaram
Asianæ, Ponticæ & Thracicæ diœceseos, vtque illi

metropolitani suos & ipsi porro, sibi que subditos ordinent episcopos. Dic sodes, o noster calculo, patriarcham, metropolitanos, & episcopos quot numero gradus esse censes? exarchi illi tui medij inter patriarcham & metropolitanos, quid rerum agunt, aut vbi gentium sunt? cur in eo canone prætermissi? atqui si vspiam memorati sunt, aut exstiterunt, ibi maxime memorandi fuere, ibi maxime locum habere debuerunt. Nam alibi nusquam locorum liceat eos in toto Oriente inuenire quam sub patriarcha Constantinopolitano, & in illis tribus positos diœcesibus, Pontica, Asiana & Thracica, quarum diœceseon metropolitani omnes canonis illius decreto Constantinopolitanæ sedi subiiciuntur. Fortassean dixeris omnes prædictarum diœceseon metropolitanos patriarchæ Constantinopolitano per eum canonem subiici, solis exceptis exarchis. Exempli gratia, omnes Asianæ diœceseos metropolitans ab archiepiscopo regiæ vrbis ex illo canone tunc ordinandos fuisse, præter vnum Ephesinum, qui exarchus erat Asianæ diœceseos. Idem de Cæsariensi & Heracliensi, Ponticæ & Thracicæ diœceseon exarchis. Hoc non possit vt dicat in animum inducere qui didicerit, quod supra docuimus, tam exarchos quam ceteros dictarum trium diœceseon metropolitans ordinari iam tum ab archiepiscopo Constantinopolitano solitos fuisse, & hoc ius quum ante Chalcedonensem ex sola consuetudine ac vsurpatione haberet, huius Synodi decretis ei plene confirmatum esse. Sub nomine igitur me-

metropolitanarum Ponticæ, Asiaticæ & Thracicæ dioceses in illo vigesimo octavo canone certissimum est tam exarchos ipsos comprehensos intelligi debere, quam reliquos metropolitans.

De privilegiis porro horum exarchorum, quæ olim habuere, quæque postea exoleuerunt, qualia fuerint, & quando ad patriarcham Constantinopolitanum translata sint, licet abunde supra dixerim, quum tu heic quoque aliquid garrias, verba tua heic referenda sunt, ut examinentur: *Nam quum, inquis, extra patriarcharum sedes posita tres potissimum essent dioceses Thraciæ, Ponti, & Asiæ, hæ omnes Constantinopolitano patriarchæ attributæ fuerant; & quæ iura in his olim fuerant exarchorum, omnia fere ad illum translata; ut iudicia Ecclesiastica, Synodi Chalcedonensis can. ix. & xvii. & ordinationes metropolitanorum can. xxviii. formatarum etiam ius de quo Maximus & alia id genus.* Dici non potest quantam his verbis oscitantiam, supinitatem, ἀβελήαν, & inscitiam ostendas ac profitearis. Iura ista quæ dicis fuisse exarchorum, iudicia inquam Ecclesiastica, metropolitanorum ordinationes, ius formatarum metropolitans dandarum, an non & ipsa fuere patriarcharum? quid plus habuere patriarchæ, aut quæ alia maiora privilegia? atqui longe maiora oportet eos habuisse, si quidem in gradu maiore ac diuerso ab exarchis fuere constituti. Exarchos illos priusquam Constantinopolitanæ sedi subiicerentur, iurisdictionem in metropolitans, metropolitanorum ordinationes, patriarcharum quoque nomen vis habuisse, nec
tamen

tamen patriarchas fuisse concedis? infanis profecto mihi homo, nec satis illos sanos fore ausim profiteri, qui te pro sano habituri sunt. Dic mihi quid plus habuit Alexandrinus patriarcha, quam quilibet ex tribus illis exarchis si hæc omnia habuerunt quæ tu vis? Exarchus ille Ægyptiacæ diœceseos fuit; isti quoque exarchi suarum diœceseon. iurisdicção & metropolitanorum ordinatio, ex tota diœcesi ad illum spectauit; iurisdictionem & metropolitanorum ordinationes per diœcesin sibi subiectam isti quoque habuerunt. patriarcha ille vocatus est; isti etiam patriarchæ nuncupati sunt; & tamen ille patriarcha fuit, isti non fuerunt. Hoc inscite sciscis. ita exsente sentis.

At ego plus dicam, & quod mireris licet, quia scilicet ignoras, exarchos illos singularum tantum ac suarum prouinciarum simplices extitisse metropolitæ, nihil iurisdictionis nisi in ea cui præerant prouincia, nullius per diœcesim ordinandi metropolitæ licentiam habuisse, nihiloque tamen secius patriarchas fuisse. an non hoc satis multis proximo capite demonstraui? licet sciulus sis, hoc nondum sciebas priusquam te docuissem. scias igitur oportet, quod etiam te fortasse doctiores nesciunt, non omnium episcoporum totius diœceseos ordinationem, non iudiciorum per vniuersam diœcesin potestatem, patriarcha vt aliquis dicatur, & exarchus sit illius diœceseos, facere, sed solum honorem primatus hoc dare. qui primam sedem vel primum habet in diœcesi, qui primus est diœceseos

metropolitanus, is etiam diœceseos primas, is diœceseos exarchus & patriarcha censetur. quis enim exarchus diœceseos nisi primas vel primus in diœcesi antistes? quid aliud *patriarcha* quam ἑξαρχὴ τῆς πατρίδος vel τῆς διοικήσεως? Ephesus igitur episcopus licet Asiæ tantum prouinciæ metropolita fuerit, quia tamen primus Asiænæ diœceseos metropolita fuit, haud minus exarchus diœceseos & patriarcha censendus ac dicendus est, quam vel Alexandrinus vel Antiochenus. nec minus etiam quam illi patriarcha habitus ac dictus est. Non ita tamen insano ut parem vnquam Ephesini & Alexandrini dignationem & auctoritatem fuisse credam. quod omnino credendum esset, si quidem omnia illa iura habuisset Ephesus, quæ illum putas habuisse: nam nec plura nec maiora habuit Alexandrinus. Sed hæc inter eos erat differentia: quod Alexandrinus non solum suæ diœceseos hoc est Ægyptiacæ patriarcha vel exarchus fuit, verum etiam verus ac legitimus metropolita: totius enim diœceseos Ægyptiacæ episcopos ordinabat, iurisdictionem in omnes metropolitas habebat. Nihil horum Ephesus habuit, nec ceteri patriarchæ, qui suarum tantum diœceseon exarchi fuere, non etiam metropolitæ. Nam sic Ephesus suæ tantum prouinciæ, hoc est Asiæ, metropolita fuit, diœceseos verò totius Asiænæ exarchus siue patriarcha. Alexandrinus non suæ tantummodo diœceseos patriarcha vel exarchus, sed etiam metropolitanus reuera fuit. Hoc discrimen

patriarcharū paulo ante ex Iustiniāno notabamus, & qui vnus duntaxat prouinciæ, & qui totius erant diœceseos metropolitæ. Sed quamquam hæc vera sint, summo tamen ac meo tecum iure non agam. Quod ad hanc rem attinet, quia vis exarchos illos de quibus loquimur, & iudicia Ecclesiastica olim per totam diœcesim, & metropolitanorum ordinationes habuisse, ego quoque idem interim volo. Hæc iura quæ quondam habuerunt, quando amiserunt? ex tuis verbis hoc discamus: *Et quæ iura, inquis, in his olim fuerant exarchorum, omnia fere ad patriarcham Constantinopolitanum translata; ut iudicia Ecclesiastica, Synodi Chalcedonensis can. ix. & xvii. & ordinationes metropolitanorum can. xxviii. Formatarum etiam ius de quo Maximus, & alia id genus.* Concilio ergo Chalcedonensi, ut fateris ipse, iurisdicctio omnis exarchorum in metropolitanos, & metropolitanorum per diœcesim ordinatio translata est ad archiepiscopum vrbs Constantinopolitanæ. de ordinatione metropolitanorum sane constat ex can. xxviii. patriarchæ Constantinopolitano eam decerni per Ponticam, Asianam & Thracicam diœceses. de iurisdicctione an idem potest constare ex can. ix. & xvii. translata nimirum eam omnem esse ab illis exarchis ad eundem patriarcham, sicuti tibi persuades? Si locus vllus fuit aut tempus in quo imperitiam tuam proderes, heic eam nunc prodidisti, teque famæ & capitis plane perdidisti. canones illi ix. & xvii. sanciunt ut metropolitanus ab episcopo suo vel alieno lite pulsatus & conuentus

Rrr ij

exarchum diœceseos in qua consistit adeat, aut si malit patriarcham Constantinopolitanum, ut ab eo causa eius dignoscatur ac terminetur. an per hæc censes iurisdictionem diœceseos exarcho totam auferri & ad patriarcham regiæ vrbis transferri? o scitum consultumque iuris decoctorem non doctorem! Per illa verba permittitur metropolitano aut exarchum diœceseos in qua positus est, liti suæ dirimendæ iudicem capere, aut patriarcham Constantinopolitanum. vel neuter iurisdictionem habuit, vel vterque habuit ex æquo. Poterat metropolitani iudicari ab exarcho, si iudicem eum elegisset; poterat & a patriarcha Constantinopolitano, si iudicem eum habere maluisset. an quisquam potest ab eo iudicari qui iudex esse non potest? coram eo experiri qui iurisdictionem non habet? Nisi iurisdictionem habuisset exarchus diœceseos in metropolitanos sibi subditos, quomodo Synodus permetteret iudicio eius metropolitanorum causas terminandas, aut cur metropolitanis ipsis licentiam daret, ad fori eius audientiam, si vellent, confugere? in arbitrio igitur positum erat metropolitani vel exarchum suum adire & ab eo iudicari, vel patriarcham Constantinopolitanum. Vel vterque igitur, ut iam diximus, iudicandi potestatem habuit, vel neuter habuit. Vterque sane habuit, nam vterque & iudex capi, & iudicium exercere potuit. Ceterum exarchi propria in metropolitanum, & iure primatis compētens fuit iurdictio. patriarchæ vero Constantinopolitani non pro-

pria, sed beneficio Synodi & per priuilegium concessa. quod igitur metropolitanus ad exarchum illius diœceseos in qua commoratur mittitur iudicandus, hoc de iure communi est, & proprio exarchi; quod vero si velit recta possit omisso proprio exarcho sedem Constantinopolitanæ regiae vrbis petere, hoc ad singulare priuilegium illius sedis pertinere censendum est, cui præter ius commune, propter vrbis regiae scilicet dignitatem hæc prærogatiua tributa est. sic illo canone iurisdictionem adhuc habet exarchus legitimam & ordinariam, nam & iudex capi potest, & iudicare. Patriarcha vero extra ordinem & ex priuilegio, vel etiam ex appellatione, vt quidam interpretati sunt, si iudicatis scilicet ab exarcho suo partes non stetissent. Nunc oro te hanc mihi da veniam vt dicas, qui fieri possit, vt exarchus diœceseos iurisdictionem in metropolitans habuerit, eos iudicare potuerit, ius tamen eorumdem non habuerit ordinandorum? Canone vigesimo octauo Synodi Chalcedonensis metropolitanorum ordinationes exarchis in totum, vt reris, & verum est, adimuntur, & iurisdictione tamen eisdem relinquitur canone ix. & xvii. eiusdem Synodi. quomodo hoc cohærere potest aut congruere? iurisdictionem ab ordinatione quis vnquam separauit? Hæc duo vnus & eiusdem potestatis officia vbi vnquam distincta ac diuisa reperisti? o promiconde totius sacrae antiquitatis, exprope si potes ex tuis illis conditis ac scriniis & conciliorum penu, huiusmodi aliquam regulam, quæ reliquas

omnes corrigat, quæ alteri iurisdictionem in metropolitano, alteri metropolitano ordinatio- nem tribuat. nullam hodie talem habemus quæ hoc sanciat. an tu solus omnium *καθόλου ἀγίου τε εἶ* qui id censes? apud Iulium Epist. II. cap. VI. tan- quam ex Nicæna Synodo vigesimus sextus canon hic refertur: *Nullus episcopus alterius parochianum præsumat retinere, aut ordinare absque episcopi voluntate, vel iudicare, salva tamen in omnibus Apostolica auctoritate: quia sicut irrita erit eius ordinatio, ita & diiudicatio: quoniam censemus nullum alterius iudicis nisi sui sententia teneri. Nam qui cum ordinare non potuit, nec iudicare ullatenus poterit.* at iuxta tuam, Sirmonde, senten- tiam & regulam exarchi in Concilio Chalcedonen- si qui metropolitanos ordinare non poterant, eos- dem nihilominus poterant metropolitanos iudi- care. Per vigesimum octauum canonem eiusdem Synodi, exarchi diœceseon nullius metropolitani ius habent ordinandi: nono vero & septimodeci- mo canonibus ab eadem Synodo constitutis, iidem illi exarchi metropolitanos iudicandi habent po- testatem, quos non poterant ordinare. ut iurisdic- tionem habuerint, ordinationem non habuerint, hoc tibi placet Sirmonde? o si magister essem, non gratis hoc tibi placeret. Sane si sensum haberes vel communem, si vulgaris aliquem ac plebeia saltem intelligentiæ captû, sentiret atque intelligeret Syn- odum de exarchis illis nequaquam accipi posse, qua- rum diœceses patriarchæ Constantinopolitano at- tributæ, iura & priuilegia ad eundem translata, qui

denique ipsi patriarchæ eiusdem sedis subiecti iam tunc erant, & in ordinem metropolitanorum penitus redacti. Nec enim ullos ordinabant metropolitanos, & una cum reliquis metropolitanis ab eadem sede cui subditi cum aliis fuerant, ordinabantur. Balsamo quem tu nos audire iubebas, *scilicet* illa quæ tribuuntur exarcho diocæseos duobus illis canonibus ix. & xvii. sua ætate non habuisse amplius dicit exarchos illos de quibus canones interpretaris. hinc recte colligit aut de aliis exarchis quam de illis tribus supradictis verba Synodi esse capienda, aut dicendum ea priuilegia, hoc est eam iurisdictionem in metropolitanos quam tempore Synodi Chalcedonensis habuere, sua ætate penitus exoleuisse. Alia eorum exarchorum iura fuisse Synodi Chalcedonensis sæculo quam ævo Balsamonis nullo modo vel dici vel fingi potest. Nam & pariter tunc erant subiecti patriarchæ Constantinopolitano, pariter ab eo ordinabantur, nullos ipsi ordinabant, nullos subiectos sibi habebant metropolitanos: nihil itaque iurisdictionis in eos habere poterant. quare ex sententia Balsamonis ipsius, quem sequi professus es, omnino sequitur de aliis exarchis quæ hæc omnia Synodi tempore iura habuerint, Synodum intelligendam esse. Ad hæc quæ tua sententia, quis sensus fuit? Has consequentias negari cum videres non posse, ut tamen per vim & per inuia peruenires quo velles, finxisti contra Balsamonis & Synodi mentem, atque adeo contra ipsam veritatem, iam tum Synodi temporibus ea

priuilegia exarchorum abolita fuisse, quæ sua ætate Balsamo scribit exoleuisse, quum adhuc vigerent, quo tempore canones suos Synodus edidit. o tripode & plebeio digna loquutum interpretem! ex illis ipsis canonibus in quibus iurisdictionio exarchis diœceseon adstruitur, eam destructum ire non dubitat: ex eo quod Synodus asserit, *ἐκ Ἀρχιεπισκοπῆς* contrariam ducit assertionem: omnia confundit & miscet, vt suos exarchos euincat illos esse de quibus Synodus intellexit. Sed dic nobis, *ὅτι ἀρχιεπισκοπῆς* canonista, si iidem sunt exarchi de quibus Synodus loquitur & de quibus eam loqui putas; si eadem iura porro sunt, quæ Synodus eos dicit habuisse, & quæ Balsamo dicit eos non amplius suo tempore habuisse, quomodo tecum Balsamonem, aut cum Balsamone Synodum, aut te & illum cum Synodo, & omnes cum veritate conciliabis? Synodus iurisdictionem tribuit exarcho diœceseos, & causas metropolitānorum cum episcopis, dirimendas ac terminandas eidem permittit. Balsamo qui de exarchis Asianæ, Ponticæ & Thracicæ diœceseos Synodum exponit, ius illud ac *ἐπισκοπῆς* quod a Synodo tribuitur exarcho diœceseos, ætate sua scribit exarchos illos de quibus accipit, non amplius habuisse, sed penitus ab usu recessisse. Atqui certum est nihil plus iuris exarchis illis competisse Synodi temporibus quam Balsamonis ætate. hoc igitur contra Synodum Balsamo, tu vero contra Balsamonem & Synodum, quod quæ exarchorū priuilegia Synodi tempore viguisse dicit Balsamo, & suo demum sæculo

sæculo exoleuisse & euacuata esse, ea tu iam tum
 ab ipsa Synodo extincta & abolita fuisse contendis.
 sic Balsamo contrarius Synodo deprehenditur, tu
 Balsamoni, vterque veritati. Vt omnes & omnia
 concilientur & concordent, de aliis omnino quam
 de illis tribus Asia, Ponti & Thraciarum diœceseos
 exarchis Synodus exponenda est, & obsequendum
 Balsamoni, qui aut alia iura illorum exarchorum
 Synodi tempore quam sua ætate fuisse testatur, aut
 de aliis exarchis quam de istis Synodum intelligi
 debere fatetur. Non alia tunc temporis eorum
 priuilegia extitisse constat, immo nunquam talia
 eos habuisse certum est, qualia Synodus exarcho
 diœceseos attribuit. de aliis igitur exarchis acci-
 piendum esse restat. quid tibi animi nunc est, do-
 minemagister? an adhuc in opinione perstare tibi
 libet obstinato? quid si tibi Græculum aliquem
 auctorem dederò qui te ab ista tam peruicaci perti-
 nacia demoueat, an patieris & poteris demoueri?
 Profecto quoniam Græcos tam libenter audis, & in
 eo plerumque a me dissentis, nunc volo Græcum
 tibi dare, in quo audiendo tecum pariter mihi con-
 ueniat, & cui tuto possis auscultare. hunc ego tibi
 pro bono gustu reseruauī. ingratus porro sis si
 gratiam mihi eo nomine non habeas. Scholion est
 Symeonis magistri & Logothetæ, saltem mihi re-
 pertum in Epitome canonum sub eius nomine
 in vetustissimis membranis scripta. in ea igitur
 Epitome ad canonem nonum Concilij Chalcedo-
 nensis hoc Scholion adscriptum inueni:

Ἐξ αὐτοῦ τῆς
 sff

διοικήσεως καλῶς τὸν πατριαρχίῳ ἐκείνης διοικήσεως, ὅφ' οἱ οἱ τῷ ἐκείνης ἐπὶ χερσὶν τελεῖται μητροπολίται. Φησὶν οὖν ὁ χαρμῶν ὅτι ὁ ἀμφισβητῶν πρὸς τὸν ἴδιον μητροπολίτην ἐπίσκοπος ἢ κληρικὸς οἷας δὴ ποτε διοικήσεως, ἢ τὸν αὐτῆς καὶ λαμβανέτω πατριαρχίῳ, ἢ εἰ μὴ τῷ το βύλαιο, ἀδελφῶν ἐχθρὸς πρὸς τὸν Κωνσταντινουπόλεως ἀνατρέχων θρόνον. ὅφ' ἀρεσφόμοι οὐδὲν τῷ δῆλον πατριαρχῶν ἐδόθη οὐδὲ ἐκ τῷ ἱερῶν κανόνων οἷς ἐξέθεντο αἱ οἰκουμένης τέσσαρες συνόδου, ὅτε ἐκ τῷ βίσεβαν νόμων. *Primates diæceseos vocat, patriarcham uniuscuiusque diæceseos, cui provinciarum illius diæcesis metropolitani subiecti sunt. Dicit igitur canon, ut clericus aut episcopus cuiuslibet diæceseos cum proprio metropolitano controuersiam habens, vel patriarcham ipsius petat diæceseos, vel si hoc nolit, licentiam habeat recurrendi ad sedem Constantinopolitanæ urbis. quod priuilegium nulli alij unquam patriarcharum fuit concessum, nec ex sacris canonibus quos quattuor œcumenicæ Synodi ediderunt, nec ex sanctis legibus. Hoc idem scholion alio loco in membranis, & in alio tractatu me reperisse profiteor, cui titulus erat, Κεφάλαια ἐκκλησιαστικῶν. inter illa κεφάλαια vnum fuit περὶ ἀρεσφομίῳ τῷ ἀνωτάτῳ θρόνῳ Κωνσταντινουπόλεως. sub quem titulum Græci omnia cum puluisculo congesserunt, quæcunque corradi potuerunt cum ex canonibus tum ex imperatorum legibus ad eam rem pertinentia. primo loco illius capituli ponitur, τῆς ἐν Χρησθόμῳ συνόδου κανὼν θ'. cum illo scholio quod paulo ante retulimus. sequitur, τῆς αὐτῆς συνόδου χαρμῶν ιζ'. deinde, τῆς αὐτῆς συνόδου χαρμῶν κη'. χάριτι τῷ ἀρεσθείῳ τῷ αὐτῷ θρόνῳ. huic canonī subiectum est istud scholion: Δὲ εἰδέναι ὡς ἐστὶ τῷ*

δαυτέραν πλεὺν ἐν Κωνσταντινουπόλει ἐκκλησίαις ὁρίμασθαι,
 ὅτι ὅτε καὶ ἐπὶ πρεσβυτέρῳ ἐβασίλευε Ρώμῃ. Εἰ δὲ οὐκ,
 κατὰ φησὶν ἡ ἀγία αὐτῇ συνόδος, ἂν δὲ βασιλεύειν πλεὺν
 Ρώμῃ ἢ πρεσβυτέρῳ αὐτῇ δεδώκεται, μόνῃς νυνὶ β' δόξια Θεοῦ
 βασιλευούσης πόλεως, εἰκότως αὐτῇ καὶ πλεὺν πρεσβυτέρῳ
 κέκτηται. multa alia ibi inerant eodem spectantia,
 ex Codice & Nouellis Iustiniani desumpta, quæ
 huc transcribere non visum est, nota enim & obuia
 sunt omnibus. Hinc qui cæci omnino non sunt,
 facile videre possunt, quo sensu veteres Græci su-
 praascriptos duo canones acceperint, & quo sensu
 accipiendi sint, & quis *exarchus diæceseos* in illis vo-
 cetur. quis enim alius queat esse quam patriarcha
 diæceseos? Hoc igitur priuilegium, hanc præro-
 gatiuam Constantinopolitanæ sedis patriarchæ
 tanquam regię vrbis archiepiscopo per illos cano-
 nes concedi manifestum est, vt episcopi vel clerici
 cuiuscunque diæceseos cum proprio metropoli-
 tano controuersiam habentes possint omisso diæ-
 ceseos in qua sunt exarcho, hoc est proprio patriar-
 cha, sedem patriarchæ Constantinopolitani recta
 petere, & ab ea iudicari. Nec aliter accepit auctor
 supposititiæ Iulij Papæ Epistolæ quæ contra
 Orientales pro Athanasio scripta est. Nam idem
 plane priuilegium ex Nicenis canonibus auctor
 ille Romano Pontifici asserit quod Constantino-
 politano Synodus Chalcedonensis tribuit. in ea
 Epistola tanquam vigesimus primus Nicenæ Syno-
 di canon hic refertur: *Si quis putauerit se a proprio me-*
tropolitano grauari, apud primatem diæceseos, aut penes

uniuersalis Apostolica Ecclesia Papam iudicetur. Septimus decimus Chalcedonensis canon ita habet:
Εἰ δὲ τις ἀδικεῖτο παρὰ τῆς ἰδίας ἐπισκόπου ἢ μητροπολίτου,
παρὰ τοῦ ἐξάρχου τῆς διακείας ἢ τοῦ Κωνσταντινουπόλεως
ἀγόντι διαζέσθω. si quis iniuria affectus fuerit à proprio
episcopo vel metropolitano, apud primatem diœceseos aut
penes Constantinopolitanæ urbis sedem iudicetur. hi duo
 canones in eodem plane modulo formati, & ad
 eandem prorsus normam directi sunt. an non ita
 etiam tibi videtur? certe aut Chalcedonensis ex
 Niceno, aut Nicenus ille ex isto Chalcedonensi
 effectus est. Vtrum verius sit, non alium quam te
 arbitrum aut æstimatorem habere velim. Dic, sed
 bona fide, quid sentis? tuam ego nolo, sed bonam.
 & quoniam talem non habes, alicunde interim
 sumas mutuam. Profecto Nicenus ille si non est
 supposititijs, nec ad exemplar Chalcedonensis de
 industria confectus, idem omnino prærogatiuæ tri-
 buit Pontifici Romano quod Chalcedonensis pa-
 triarchæ Constantinopolitano. frustra igitur Græci,
 vt apparet, gloriantur, nullos canones, leges nullas
 id vnquam priuilegij concessisse cuiquam ex pa-
 triarchis, quod Chalcedonensis Synodus Constan-
 tinopolitano adiudicauit. Hoc idem sibi vindicare
 iure potest ex Niceno illo canone Papa Romanus si
 verus est. Tametsi verus ille non sit, hoc ius ille ta-
 men semper sibi vindicauit. Atque hoc priuile-
 gium est τῆς ἐκκλησίας quam ex toto orbe, & ab om-
 nibus primatibus & patriarchis Papæ decreuit
 Synodus Sardicensis, vt cuius scilicet episcopo

metropolitanoque liceret, cuicunque ille patriarchæ subiectus esset, & ex quacunque diœcesi veniret, ad Romanam sedem tanquam ad maius & excelcius tribunal appellare. Hinc sub Michaelæ Palæologo ὁ ἐνωτικὸν Ecclesiæ Romanæ & Constantinopolitanæ sub his tribus conditionibus factum est: vt in hymnodiis Papæ cum reliquis patriarchis mentio fieret, vt Romam qui vellent prouocare possent, vt principatum in omnibus Papa haberet. Gregoras lib. v. pag. LIX. καὶ γέροντι λί κενονία ἐφ' ᾧ πειῶν κεφαλαίον. ἐπὶς μὲν, τῷ δὲ τῷ ἱεραὶς ὑμνοῦδίας τῷ Γάστρου εἰς τὴν διῶλῶχα μνημνύεσθαι ὁμοῦ τοῖς ἐτέροις τέττασι πατριαρχαῖς. δούτερον δ', τὸ ἐκκλητικόν. τῷ τῷ ὅστις ὀξείαι τῶν βουλομένων κεφάλαιον εἰς μῆζον καὶ ἐντελέτερον ἀνατρέχειν διακρίσειν ὁ τῆς παλαιᾶς Ρώμης. καὶ τείτου, τῷ περὶ τῶν ἐν ἀπασιν. Hoc idem ius τῆς ἐκκλητικῆς Græci Constantinopolitano patriarchæ assertum iuerunt ex canone nono Concilij Chalcedonenfis. Scholion vetus quod paulo ante retulimus: ὁ ἀμφισβητῶν πρὸς τὸν ἴδιον μητροπολίτην ὑπὸ σκοπος ἢ κληρικὸς οἰας δὴ ποτε διοικήσιως, ἢ τὸν αὐτὸς κεφαλαιωμένον πατριαρχίῳ, ἢ εἰ μὴ τῷ τῷ βούλειτο, ἀδελφὸν ἔχει πρὸς τὸν Κωνσταντινουπόλεως ἀνατρέχειν. δεῖον. Eodem pertinent quæ de priuilegiis Constantinopolitanæ sedis leguntur in Ecloga legum Leonis & Constantini, tit. iii. περὶ πατριαρχου, & apud Matthæum Blastarem sub eodem titulo, cap. viii. ὁ Κωνσταντινουπόλεως ἀρχὸς βασιλείᾳ ὑπὸ κτισμῶν, ταῖς σπουδαῖς ψήφοις περὶ ἀντιπροσώπων, αἷς οἱ ἡῖοι κεφαλαιουοῦντες νόμοι, καὶ τὰς ὑπὸ τοῖς ἐτέροις ἀρχαῖς γενομένης ἀμφισβητήσεως ὑπὸ τῷ ἐκείνου περὶ τῶν

ἀναφέρεσθαι ἀφ' ἑαυτῶν καὶ κρίσιν.

Ex his constat quid sit primas diœcesis, quid ἑξάρχης τῆς διοικήσεως. Nam cum diœcesis patriarcha quem Græci πατριάρχης διοικήσεως vocant, idem sit cum exarcho diœceseos, segreganda nunc a te procul ac spernenda illa opinio, qua exarchum diœceseos medium quid inter patriarcham diœceseos, & metropolitam esse, tu nouarum conditor ac creator in Ecclesia dignitatum & ordinum statuebas. Nunquam plures gradus quam tres nec ante Iustinianum nec sub Iustiniano, nec post Iustinianum numeratos in Græcia & Oriente toto fuisse, si nesciebas, iam nunc id scire te oportet. Patriarchæ vel exarchi diœceseon vocabantur omnes qui primi diœceseon metropolitani, qui & primates diœceseon, & eiusdem gradus & ordinis erant cum patriarchis illis qui suarum diœceseon non solum primi, sed etiam veri fuere metropolitani. Eundem quoque gradum cum patriarchis constituebant qui sub postremis Græciæ imperatoribus archiepiscopi ἀρχιεπίσκοποι dicti sunt. præter nomen, omnia patriarchæ habuere. Nam & multis præsidebant prouinciis, & metropolitanos ordinabant, & alteri patriarchæ non suberant. immo etiam patriarchæ vocabantur vt erant reuera. Canones ex Arabico in Latinum versi cap. xxxiii. *Patriarcha sit in ciuitate regia, vt sit honori ipsi & regi, & alijs simul presbyteris. Honoretur etiã episcopus Helie quia ipse residet in sancta ciuitate vnde crux Dei Domini nostri cœpit, & ubi est locus iudicij. Honoretur quoque similiter sedes Seleucie.*

quæ est ex ciuitatibus Orientalibus, qui debearetiam appellari nomine Catholici, & possit is ordinare episcopos, sicut faciunt patriarchæ. Tres heic vides constitutos patriarchas, eiusdem ordinis & dignitatis, atque omnino ἰσοτίμου: patriarcham Constantinopolitanum, Hierosolymitanum & Seleuciensem, quem & Catholicum vocari debere dicit. Non tam vetustam esse versionem illam Arabicam quam nobis Turrianus persuadere conatur, vel hoc Catholici nomen indicio est, quod infima imperij ætate natum, archiepiscopis illis donatum est qui plures sibi subiectas prouincias haberent, & multis metropolitanis præessent. Hoc solum argumentum, vt alia nunc omittam, & recentiorum esse, nec Nicenorum esse canonum eam translationem euincit. qua de re nos alias plura. Horum Catholicorū archiepiscoporum duo genera fuisse, & ordines animaduerto. Alij αἱρετικοὶ φάσι erant, nulli patriarchæ suberant, & eiusdem cum patriarchis gradus censebantur: atque hi reuera patriarchæ fuere. Tales Seleuciæ, Iberiæ, Bulgariæ Catholici. Alij patriarchis subiacebant, nihil sine consensu eius & auctoritate, sub quo erant patriarchæ, gerere aut administrare poterant, nec metropolitanorum ordinationes vllas facere consueuerant. Hi non patriarchæ, sed pro patriarchis, & metropolitani vere tantum erant. Huius generis duo Catholici fuere sub patriarcha Antiocheno, Catholicus Persidis, & Catholicus Æthiopix: de quibus videnda est eadem canonum Arabica versio, cap. xxxv. & xxxvi. inter hos & illos Ca-

tholicos idem prorsus discrimen fuit quod inter tres exarchos diœceseon qui patriarchæ Constantinopolitano parebant, & ceteros diœceseon exarchos siue patriarchas qui *ἀὐτοκράτορι* erant, & nulli patriarchæ suberant. Exarchi diœceseon qui superiorem alterum primatem siue patriarcham nullum agnoscebant, in ordine patriarcharum ponebantur, & patriarchæ etiam vocabantur: qui vero alteri patriarchæ subiacebant, vt Asianæ, Ponticæ & Thracicæ diœceseon exarchi sub patriarcha Constantinopolitano, qui & inter metropolitanos recenscebantur, nec quidquam amplius quam metropolitani censcebantur esse. idem prorsus est de Catholicis archiepiscopis. Horum qui sibi ipsi caput erant, patriarchæ habebantur, & patriarcharum honore ac nomine censerī solebant. qui autem sub alterius erant patriarchæ potestate, intra metropolitanorum gradum subsistebant, & pro metropolitanis tantum habebantur. Hinc illa versio canonum Arabica, quæ Catholicorum vtriusque generis aliquot locis mentionem habet, nunquam tamen plures gradus quam tres numerat, patriarchas nimirum, metropolitas siue archiepiscopos, & episcopos. vt can. LXIV. *Sabbato autem & diebus festis quando sunt sancta super altare posita, diaconus memoriam faciat nominatim primum patriarchæ, deinde archiepiscopi, episcopi, chorepiscopi, archipresbyteri, archidiaconi, quia isti sunt gubernatores Ecclesiæ.* & cap. XL. & XLI. *vt episcopi bis singulis annis apud archiepiscopum suum conueniant: similiter statuimus vt omnes archiepiscopi semel per annum*
ad

ad patriarcham suam conueniant. & cap. XLIV. ut archiepiscopus nullum episcopum ex iis qui sub potestate eius sunt, cuius peccatum sciat, iudicet, nec imponat ei pœnitentiam pro peccato nisi interueniente patriarcha, qui rem explore cognitam habeat. & alibi passim. sic nec Græci recentiores qui καθολικοῖς istos nouerunt, plures gradus faciunt, quam πατριάρχων, μητροπολιτῶν & ἐπισκόπων. Nam Catholici illi archiepiscopi ut iam diximus, patriarchæ censebantur, & in patriarcharum censum numerumque referebantur si ἀρχιεπίσκοποι essent: sin minus, in ordine militabant metropolitaram. Vetus liber formularum quibus utebatur patriarcha Constantinopolitanus in scribendo aut rescribendo Pontifici Romano & ceteris patriarchis ac metropolitibus, ciuilibusque potestatibus, huiusmodi archiepiscopos Catholicos patriarchis adnumerat, & a metropolis sciungit. ita enim habetur in titulo: Εκ τῶν ὅπως γράφει ὁ Κωνσταντινουπόλεως τῷ Πάπῃ καὶ τοῖς λοιποῖς πατριαρχαῖς καὶ ἀρχιεπισκόποις, καὶ μὲν καὶ τοῖς μητροπολίταις, καὶ τοῖς κοσμητικῶν ἀρχαῖς διθυώουσι. ut videre potes, secernit archiepiscopos a metropolitibus, eosque iungit cum patriarchis. Hoc ordine autem ibi recensentur sub vno eodemque titulo patriarchæ & archiepiscopi, ad quos scribebat patriarcha Constantinopolitanus cum formula, qua singulis scribebat: Papa, patriarcha Alexandriæ, patriarcha Antiochiæ, patriarcha Hierosolymorum, patriarcha Tornoui, archiepiscopus Pecij & totius Seruiæ, archiepiscopus Iustinianæ primæ & totius Bulgariæ, archiepiscopus

Catholicus totius Iberiæ. Sequitur deinde alius titulus: αἱ ἐξ αρχὶαὶ τῶν μητροπολιτῶν. Inter eos metropolitæ, & in ea exarchorum dinumeratione primum locum tenent Cæsariensis, Ephesinus, & Heracleensis metropolitæ diœceseon exarchi, post quos sequuntur ceteri singularum exarchi prouinciæ, deinde metropolitæ qui nullas habebant exarchias. Eodem porro prorsus modo ad illos archiepiscopos scribebat patriarcha Constantinopolitanus, quo & ad ceteros patriarchas, nisi quod patriarchæ nomen litteris non præscriberet, sed archiepiscopi tantum. id ex formulis subiectis apparebit:

Αγιώτατε πατριάρχα Τοριόβου καὶ πάσης Βουλγαρίας ἐν ἀγίῳ πνέματι ἀγαπητὲ ἀδελφὲ τῆς ἡμετέρας μετριοτήτος καὶ συλλειτουργίᾳ, βύζυγμα, &c.

Αγιώτατε Ἀρχιεπίσκοπε Γεκίᾳ καὶ πάσης Σερβίας ἐν ἀγίῳ πνέματι ἀγαπητὲ ἀδελφὲ, &c.

Αγιώτατε Ἀρχιεπίσκοπε τῆς πρώτης Ιουστινιανῆς Αἰχμῶν καὶ πάσης Βουλγαρίας ἐν ἀγίῳ πνέματι ἀγαπητὲ ἀδελφὲ τῆς ἡμετέρας μετριοτήτος.

Μακαριώτατε Ἀρχιεπίσκοπε καθολικὲ πάσης Ιβηρίας ἐν ἀγίῳ πνέματι ἀγαπητὲ ἀδελφὲ τῆς ἡμετέρας μετριοτήτος. καὶ ἐν ᾧ τέλει, ἑρρῶ τοῦ ἐκείνου ἀγιώτατε δέσποτα ἀγαπητὲ ἀδελφὲ.

Pittaciis ac litteris patriarchæ Constantinopolitani quas ad metropolitæ, & seculares potestates mittebat, sigillum tantum e cera solebat apponi: in iis vero quæ ad imperatorem, ad imperatricem, ad Cæsares, ad despotas & reges omnes, & ad patriarchas & archiepiscopos Catholicos dabantur eius nomine, de plumbo sigillum imponebatur. idem

Formularium : ποῖα πῖτ' ἀχία ἔχουσι μολιβδόβουλλα.
 μολιβδόβουλλα δὲ κεῖται εἰς τὰ βασιλικά πῖτ' ἀχία καὶ
 διαιονικά, καὶ τὰ πρὸς δεσπότης καὶ σεβαστοκράτορας καὶ
 Καίσαρας, ὁποῖοι εἰσὶ καὶ πρὸς ῥήγας πῶτας καὶ πρὸς τοὺς
 πατριαρχάς καὶ τοὺς καθολικοὺς ἀρχιεπισκόπους. εἰς δὲ τοὺς
 ἀγίους πῶτας μητροπολίτας τ' καὶ ἀρχιεπισκόπους κηρόβουλλα. εἰς
 μένον δὲ τὸν Ρωσίας πέμπουσι μολιβδόβουλλον. Hæc cum ita
 sint, non tamen omnino par fuit dignatio & aucto-
 ritas horum archiepiscoporum, & quattuor anti-
 quorum patriarcharum, qui primas præcipuasque
 quattuor sedes tenebant. non ego tantum insanio,
 nec tam Sirmondus sum ut hoc dicam, sed dico,
 licet sexcenti contradixerint Sirmondi, eiusdem
 plane ordinis & gradus cum reliquis patriarchis eos
 fuisse. Nam quum nulli patriarcharum subiecti
 essent, sed ipsi ἀντὶ κέντρου censerentur haud minus
 quam patriarchæ, diuersum gradum a patriarchis
 constituere non poterant. maior quippe semper
 gradus, minorem inferioremque sibi subiectum
 habebat. Episcoporum gradus a metropolitaram
 ordine distinctus erat; ideo episcopi metropolita-
 nis suberant. metropolitani diuersum a patriarcharum
 gradu constituebant ordinem: hinc illi
 patriarchis subiacebant. immo enim vero quia pa-
 triarchæ metropolitanos sibi subditos, metropo-
 litani vero sub se episcopos habebant, idcirco tres
 episcoporum gradus & ordines in Ecclesia consti-
 tuti, patriarcharum, metropolitaram & episcopo-
 rum. Archiepiscopi vero Catholici, qui secundi
 gradus episcopos, hoc est metropolitas sub sua iu-

risdictione habuerunt, super se autem primi gra-
 dus episcopos hoc est patriarchas nullos agnoue-
 runt, nulli patriarchæ subditi fuerunt, quis dubi-
 tare possit, quin & ipsi de primo illo gradu fuerint,
 cuius & patriarchæ censebantur esse? qui secundum
 ordinem infra se videbant, primum supra se posi-
 tum non agnoscebant, quis primi neget eos ordinis
 fuisse? quibus erant subditi metropolitani, qui pa-
 triarchis ipsi subditi non erant, inter metropolitas
 & patriarchas medijs quomodo poterant esse? Nam
 si quis eos metropolitaram inter gradum & pa-
 triarcharum interiicit, vt metropolitans superponit,
 ita patriarchis vtique subiicit. At ἀρχεῖφαι fuere,
 subiecti patriarchis nunquam fuere: in primo igitur
 gradu & eodem quo patriarchæ fuisse certum
 est. Balsamo ad can. xviii. sextæ Synodi in Trullo,
 id manifeste ostendit his verbis: εἶποι δὲ τις ὡς εἰ μὲν
 ἐπίσκοπος τοῦτον ἔτι ποιήσῃ, τοῦ δὲ τῆ μητροπόλεως ἀφορι-
 σθήσεται. ὡσαύτως καὶ ἐὰν μητροπολίτης καταφρονήσῃ τοῦ
 κανόνος, τοῦ δὲ τῆ πατριάρχης καταφρονήσῃ. εἰ δὲ ἀρχεῖφαι
 ἐπίσκοπος ἢ πατριάρχης ᾗ τῆ Κωνσταντινουπόλεως,
 οὗτος γὰρ ἔλαβεν ἐξουσίαν οἷον εἰποῦν, τοῦ δὲ τίνος ἀφορι-
 στήσεται; οἶμαι οὖν τοῦ δὲ μείζονος ἀρχιερέως. Archiepisco-
 pos ἀρχεῖφαι eiusdem ordinis plane facit cum
 patriarchis. Hi sunt porro archiepiscopi ἀρχεῖφαι,
 qui & καθολικοὶ vocabantur. vt archiepiscopus Ibe-
 riæ, archiepiscopus Bulgariæ, archiepiscopus Cy-
 pri, & alij nonnulli, qui & patriarchæ etiam dicti
 sunt, quique cum patriarchis in Synodis subscri-
 bebant, vt de archiepiscopis Bulgariæ, & Cypri

nobis supra obseruatum est. Vide Balsalmonem ad can. 11. Concilij Constantinopolitani primi. Catholicus & patriarcha diuersa nomina sunt eiusdem in Ecclesia Orientali dignitatis & eiusdem episcoporum ordinis. Nilus de primatu Papæ lib. 11. καθολικοὶς ὀπισκόποις patriarchas appellat: εἰ μὲν καὶ κλίματα τῆς γῆς ἐκάστω τῷ καθολικῷ ὀπισκόπῳ ἀφανερευμένηα, αἰσιμαῶς ὁρᾷν ὡς τὸ τῆς Ρώμης θρόνον κατέστη, ἀλλὰ μέντοι αὐτὸν πλεὺς ἀρχὴν εἰληφέναι ἔλεγον ὁ χερσὶν, εἰκὸς ὡς δῆπου λογίζεσθαι πᾶσιν πλεὺς οἰκουμένην ὡς αὐτὸν εἶ). Catholicos vocat episcopos, quos alij patriarchas, quibus καὶ κλίματα τῆς γῆς attributa & assignata fuisse dicit. κλίμα & διοίκησις idem. hinc πατριάρχης ἐκάστου κλίματος & πατριάρχης ἐκείνης διοικήσεως pro eodem. Nouella vi. cap. 11. Τινικαὶ εἰ μὲν εἴη μητροπολίτης, πρὸς πλεὺς ἐκκλησιαστικῶν διατάξεων ἀφορᾷν ὃ ὃ κλίματος πατριάρχης, καλεῖται μὲν αὐτὸν τῆς νεομισμένης κηρύξεως, φυλάττειν πρὸς τὴν τῆς ἱερᾶς κλήσεως πρὸς τήρησιν. Capite sequenti τὸν τῆς διοικήσεως πατριάρχην dicit: εἰ δὲ γε μητροπολίτης εἴη, ὃ πρὸς ἀγίνεσθαι βουλομένης χεῖματα κομίσαιτο τῇ τῆς διοικήσεως πατριάρχῃ. Syri hodieque discriminis inter patriarcham, & Catholicum nihil ponunt, & utroque vocabulo indifferenter vtuntur. Epistola Nestorianorum ex Mozal, hoc est Seleucia Parthorum, ad Summum Pontificem missa anno c1015 l11, quam ex Syriaco versam edidit Masius: Obsecramus itaque te, & eum qui tibi concessit hoc donum altissimum, ut mox ubi ad te peruenerint, ordines eum nobis patriarcham, hoc est Catholicum, ne maneamus pupilli absque patre & gubernatore & pastore. sic ar-

chiepiscopus Catholicus & patriarcha & exarchus diœcesis, & primas diœcesis, solo sono differentia vocabula, re ipsa eadem fuere, atque vnum eundemque gradum episcoporum constituere, maiorem quam metropolitanorum, & quo nullum alium in Ecclesia maiorem constat extitisse. quemadmodum autem sub patriarcha Constantinopolitano tres exarchi diœceseon fuere, qui nudo nomine excepto, nihil quicquam amplius erant quam metropolitæ; nam nec metropolitas ullos ordinabant, & ipsi patriarchæ suberant & ab eo ordinabantur: ita & duo Catholicos sub se habuit Antiochenus patriarcha, qui præter nomen, nihil patriarchæ habebant, sed metropolitæ tantum erant; quippe qui patriarchæ subiacerent, nullisque ipsi metropolitanis præessent. De exarchis diœceseon Asiæ, Ponticæ, Thracicæque supra docuimus; meros eos verosque duntaxat fuisse metropolitas patriarchæ Constantinopolitano subditos. Eodem prorsus modo patriarchæ Antiocheno subiecti erant Catholicus Persidis, & Catholicus Babylonæ. cap. xxxv. canonum Arabicorum de Persidis Catholico: *non permittit magna Synodus ut congregentur in prouincia Persidis ad disponendum aliquid ad ordinem Ecclesiæ pertinens sine consensu & auctoritate patriarchæ Antiocheni; quia quamuis prælatus patriarchæ sit loco, & non quærat aliud præterquam quietem, & tranquillitatem ipsorum Persarum, tamen non licet ei immittere se ad constituendum ordinem Ecclesiæ, sed potius in omnibus sint metropolitani patriarchæ obediens, & qui*

contradixerit Synodus eum excommunicat. Ad hoc exemplum Æthiopiæ quoque Catholicus Alexandrinæ sedis parebat olim, & ἁπλῆς simplicis metropolitani: ius enim archiepiscopos siue metropolitano ordinandi non habebat. cap. xxxvi. canonum Arabicorum: ut non possint Æthiopes creare nec eligere patriarcham: quin potius eorum prælatus sub potestate eius sit qui sedem tenet Alexandria: sit tamen apud eos loco patriarchæ, & appelletur Catholicus: non tamen ius habeat constituendi archiepiscopos, ut habet patriarcha, siquidem non habet patriarchæ honorem, & potestatem. Horum Catholicorum qui sub patriarchis erant, non ab similibus conditio fuit, nec ordo diuersus ab illorum exarchorum diœceseon ordine, qui patriarchæ Constantinopolitano suberant. omnes vtrique fuerunt metropolitani. quicumque metropolitanis multis præest, & metropolitano ordinandi ius habet, patriarcha est: quicumque vero solos episcopos ordinare potest, is non est nisi metropolitanus, & quicumque patriarchæ alicui subest. At qui patriarcham nullum habet cui pareat, aut subiectus sit, qui multis ipse præsidet metropolitanis, is eiusdem omnino gradus & ordinis cum patriarchis censendus est, is etiam patriarcha censeri debet. tales Catholici fuere archiepiscopi qui & ἀρχιεπίσκοποι ipsi, multisque metropolitanis ἐκκλησιαστικοί. Hinc apud Græcos recentiores, quorum ætate præcipue Catholicorum nomen frequentatum ac celebratum est, non plures tamen episcoporum gradus quam tres agnosci notarique passim reperias. de anti-

quioribus superius ostendimus, nec ab illis plures agnitos fuisse. Solus Theodoriti locus quem ante produximus, id satis probet. Iustiniani ævum non plures cognovisse Iustinianus ipse sexcentis Nouellarum locis potest dubitantem confirmare. tuam etiam confessionem pro magna huiusce rei confirmatione habeo. post Iustinianum qui vixere ad infima usque & ultima imperij tempora, tres tantum gradus faciunt. tu solus contra vniuersæ Ecclesiæ morem, omnium temporum usum, auctorum omnium testimonium quattuor esse contendes? Dicerem si dicere possem quod te dignum est, sed ne quidem cogitare id possum: ita omnia quæcunque de homine imperito ac pertinace concipi dicere possunt, imperitia tua ac pertinacia transcendunt. Canones Arabici licet Catholicos illos nouerint qui sub patriarchis erant, tres tamen tantum gradus agnoscunt, ut iam supra notauimus, patriarchas nimirum, archiepiscopos hoc est metropolitanos & episcopos. capite xxxix. eorumdem canonum manifestissime id probatur, his verbis: *Consideret patriarcha ea quæ archiepiscopi & episcopi in provinciis suis faciunt; & si quid secus reperiatur quam oportet factum, mutet & disponat prout sibi videatur; siquidem est ipse pater omnium & illi filij eius; & quamuis sit archiepiscopus inter episcopos tanquam frater maior, qui curam habeat fratrum suorum, & ei debeant obedientiam quia præest; est tamen patriarcha iis omnibus qui sub potestate eius sunt, sicut ille qui tenet sedem Romæ, caput est & princeps omnium patriarcharum.* Iustinianus

Nouella

Nouella sexta : ὡς τούτου θεωροῦσιν οἱ ἀγνώσκοντες πα-
 τριάρχαι καὶ οἱ μητροπολίται καὶ οἱ λοιποὶ ὑποφιλῆσται ἐπί-
 σκοποι. atque ita passim. canon xv. primæ & secundæ
 Synodi : πᾶσι ὁρίζεται ἐπὶ πρεσβυτέρων καὶ ἐπισκόπων καὶ
 μητροπολιτῶν πολλῶν μᾶλλον ἐπὶ πατριαρχῶν ὁμοῦ ἐστίν.
 Matthæus Blastares cap. ix. πρὶν δὲ δικασθῆναι ἐν τῇ δίκῃ
 ἐχόντων κληρικῶν τε καὶ λαϊκῶν. Ἀλλὰ καὶ ἡ βασιλέων
 Ηρακλείου καὶ Κωνσταντίνου νεαρά μὴτε ἐπίσκοποι διερίζεται
 μὴτε κληρικὸν μὴτε μοναχὸν χρηματικῆς ἢ ἐκκλησιαστικῆς
 χάρις αἰτίας πρὸς πολυτικῆς ἢ γραμματικῆς ἐκείνων ἀσχολίαν,
 ἀλλὰ πρὸς μόνους τοῖς ἰδίοις ἐπισκόποις ἢ μητροπολίταις ἢ
 πατριαρχαῖς. Clericos scilicet apud episcopum, epi-
 scopos apud metropolitam, metropolitans apud
 patriarcham. idem eod. cap. Ἐπισκόπων δ' ἐπὶ ὑπὲρ χρίσθαι
 ἡγουμένων, καὶ ἐκκλητῶν καὶ αὐτῶν γίνεσθαι διῆσθαι εἰς ἐπὶ
 μείζονας χρίσθαι εἴωθε γίνεσθαι, μητροπολίτας τυχόντες ἢ πατριαρχαῖς.
 Sexcenta talia nullo negotio colligi possent, si vsus
 esset. Sed hæc ipsa nimium multa sunt. parcam ita-
 que plura adscribere. Tot gradus igitur apud Græ-
 cos semper numerati sunt, nec plures tribus vn-
 quam apud Latinos numeratos fuisse, caput se-
 quens docebit.



CAPVT IV.

SEDES & *ἐπίσκοπος* καὶ *ἐκκλησία* quidem dictos esse quinque patriarcharum, sed non proprie: nec enim minus proprie episcoporum, metropolitaramque sedes appellatas. Episcopum Romanum primatem fuisse suae provinciae metropolitanae. Eodem sensu primatem etiam dici potuisse episcopum Mediolanensem, provinciae quippe suae metropolitam. Episcopum Romanum nullius diæceseos, quæ plures Ecclesiasticas provincias complectatur, primatem extitisse, vel patriarcham dictum esse. Diæcesim interdum pro metropolitæ provincia tam apud Græcos quam Latinos dici. Primates non eos solum qui multas provincias Ecclesiasticas regerent, sed & qui singulas, fuisse dictos. Primum & primatem eundem esse. Metropolitam qui suae provinciae primus est episcopus, eiusdem provinciae recte primatem dici. Græci *ἐπίσκοπος* metropolitanos vocant, hoc est primates. Primam sedem provinciae de metropolitano, & primam sedem diæceseos de patriarcha dictam. Primates siue primæ sedis episcopos tam patriarchas, quam metropolitæ appellatos. In Africa sex provincias fuisse, & singularum metropolitæ primates vocatos esse. Primates in Gallia non qui singulis provinciis præessent, sed qui primas quasque singularam diæceseon provincias regerent, fuisse, & patriarchas eosdem esse nuncupatos. Tres gradus in Occidente semper numeratos, primates diæceseon, qui & patriarchæ, primates provinciarum, qui metropolitæ, & episcopos civitatum.



VID hominis esses antea me fateor ignorasse. Errabam cum vulgo, famamque tam veri plerumque nesciam, quam nunciam falsi, temere ut fit sequebar. Hanc Aduentoriæ tuæ habeo gratiam, quæ sola fecit, ut interius penitusque te nosse possem. Illa mihi *αὐτοπίστωσαν ὅλον* quasi in tabula graphice depictum exhibuit, & quum alium esse censerem, ipsum qui esset ostendit, atque errorem meum cor-

rexit. Acutum hominem te olim credidi: Nunc & credidisse pœnitet, & profiteor non amplius crediturum. quam falsum hoc fuerit, & quam ipse fuerim falsus, satis superque me docuit Aduentoria. Doctum etiam te aliquando esse duxi: Hanc opinionem ut exuerem, quam perperam indueram, eadem Aduentoria præstitit. Sed quod te esse nesciebam, pertinacem, imperitum, impudentem, parum ingenuum, parum ingeniosum, hæc omnia ex ea didici, & plura quam scire vellem, quamque adeo de te sciri posse putabam. Bene est quod ego iam te noui. Nunquam me posthac decipies, nec quisquam mihi tuo nomine in posterum imponet. satis sit semel deceptum fuisse, quum ea de te opinatus sum quæ falsa penitus esse non alius quam tu mihi fidem fecit. Miratus porro in Epistola fueram, qui tibi libuisset dicere patriarchas ab exarchis diœceseon ea re distingui, quod patriarchæ sedes proprie dictas regerent, exarchi vero diœceseon, diœceses. Admirationis meæ causas ibi reddidi. mirum hoc mihi visum esse non mirari te dicis, qui mirer omnia quæ nesciam; nihil autem eorum sciam, quæ vel pueri sciunt. Tu solus igitur sapiens qui nihil mireris: tu solus doctus es, quia nihil ignoras.

οἷος πέπνυσαι, πᾶντες οὐαὶ ἀλάστοισιν.

Non prohibebis tamen etiam nunc me, quin sapientiam istam tuam excellentem, atque admirabilem scientiam mirer. Ut ex tribus gradibus episcoporum, quattuor tu constitueres, ut differentiam

V u u ij

inter patriarchas & exarchos diœceseon, quæ nulla erat, aliquam statueres, eam sic concinnabas & adstruebas, vt patriarchæ sedes tantum ac *ἡγεῖρες* sic proprie dictos gubernarint, exarchi diœceseon diœceses. Sed ne quæras, vt versutus es & Vertumnis omnibus propitiis natus, mutare quæ dixisti, aut a me ea queraris immutata, volo tibi ipsissima tua verba ex Censura exhibere, & in os oculosque ingerere vt agnoscas. cap. v. secundæ dissertationis in Censura ita scripsisti: *etenim cum episcoporum in Ecclesia quattuor præcipui sint gradus, qui Synodi Chalcedonensis can. ix. & xvii. designantur, episcopi singularum ciuitatum, metropolitæ prouinciarum, primates seu exarchi diœceseon, & qui ἡγεῖρες siue sedes proprie dictas regunt patriarchæ.* Hæc tua esse, nulla plus vel minus syllaba tuum est fateri, quia negare non potes: absurda & ridicula esse quia tua sunt, meum est pluribus iterum heic aperire, quod paucis ac velut in transitu in Epistola ostenderam. quid illud est, obsecro, quo patriarchas ab exarchis diœceseon facis differre? an diœceses sunt? quod exarchi scilicet diœceseon diœceses regant, patriarchæ vero nullas regant? Atqui rectores etiam diœceseon patriarchæ fuere, nam & diœceses sub se habuere, & patriarchæ diœceseon dicti sunt. hinc *πατριάρχαι ἡγεῖρες διοικήσεως* in gestis Concilij Chalcedonensis, & apud Iustinianum passim appellati leguntur. quinimmo & patriarchas ipsos, exarchos quoque diœceseon vocatos legere est. Nam & in iisdem actis Concilij Chalcedonensis actione ni fallor xiv. Antioche-

nus patriarcha, ἑξαρχὸς τῆς ἀναπληκτικῆς διοικήσεως dictus reperitur. nulla iam hac in parte patriarchas inter & exarchos diœceseon differentia. vbi igitur erit, aut qua in re positum discrimen illud quo patriarchas discernis ab exarchis? nempe in sedibus. quod sedibus proprie dictis præsiderent patriarchæ. Hoc vis? hoc tibi sedet? o cautum corculum! hæc sunt τὰ κρύφια τῆς μεγάλης θείας. ergo aut nullas sedes habuere exarchi diœceseon, quibus præessent, aut improprie dictas habuere. si proprie sedes dicebantur patriarcharum, siue θρόνοι, non nisi improprie, & per abusum dictos fuisse oportet, cum exarchorum θρόνους tum metropolitaram episcoporumque. Vnde igitur solitum Græcis θρόνον dicere pro episcopatu vel episcopali dignitate? canon xv. Antiochenæ Synodi: εἰ τις ἐπίσκοπος χολάζων ἐπὶ χολάζων ἐκκλησίᾳ ἐαυτὸν ἐπιρρίψας ὑφαρπάξῃ τὸν θρόνον διὰ σινοῦδου τελείας. Theodoritus titulo xii. σιναγωγῆς canonum: οὐδὲ τὴν μὴ διὸν ἐπίσκοπον ἀφίεναι πλεὺς ἐαυτὸν πόλιν καὶ θρόνους ἀλλοτείοις ἢ καὶ τοῖς ἀρχιερεῶσιν ἐπιπιδᾶν. LeoPhilosophus in diatyposi Ecclesiarum sedi Constantinopolitanæ subiectarum, θρόνους passim vocat episcopatus metropolitanis subditos. De his enim metropolitanis qui nullos sub se haberent episcopos, θρόνους illis nullos subesse dicit. τὰ Χαλκηδόνιος Βιθυνίας θρόνος ὑποκείμενος οὐκ ἔστι. ὁ Σελβρίας θρόνος ὑποκείμενος οὐκ ἔστι. ὁ Κατάνης θρόνος ὑποκείμενος οὐκ ἔστι. an improprie loquutos, & ista voce θρόνους abusos esse putas, aut temere eam de episcopis vsurpasse, quæ solis deberetur patriarchæ

chis? nescio quid proprium appelles nisi proprii
 æque sint *ἁγίοι* episcoporum & patriarcharum,
 immo etiam magis: nam proprie cum *θεῖος* dicitur,
 semper de episcopali sede intelligitur. *ἁγίοι* quo-
 que non minus proprii metropolitaram, nec minus
 proprie dicti. atque ita sane necesse est. nam & ipsi
 etiam, ut puto, fuere episcopi. Canon iv. Concilij
 in Trullo: *μη' ἐξέτω τινὲς πρῶτῳ μη' ἑπολιτῷ τελευτῶντος*
ἐπισκόπου τελευτῶτος ὑπὸ τὸν κατ' αὐτὸν ἁγίον, ἢ αὐτὸν
πράγματι ἢ τῆς κατ' αὐτὸν ἐκκλησίας ἀφαιρῆσαι. Titu-
 lus dispositionis Leonis Philosophi de sedibus pa-
 triarchæ C. P. subiectis: *ὡς καὶ ἡ ἀρχιεπισκοπὴ τῆς*
βασιλέως Λέοντος τῆς ὁδοῦ, ὅπως ἔχουσιν τάξεως οἱ θεοὶ
τῆς ἐκκλησίας τῆς ὑποκαταστάσεως τῆς πατριαρχίας Κωνσταντι-
νουπόλεως. Per *θεοὺς τῆς ἐκκλησίας* intelligit sedes
 metropolitanas quæ Constantinopolitanæ pa-
 triarchali sedi subiacebant. aut æque proprie *θεοὶ*
 metropolitaram ibi appellantur ac *θεῖος* patriarchæ
 Constantinopolitani: aut valde improprie Leo-
 nem loquutum esse oportet, qui sedes tribuerit me-
 tropolitīs quas soli sibi vindicant patriarchæ. im-
 proprie quoque & *καταχρηστικῶς* Codinus in Notitia
 metropoleon quibus præerat patriarcha regiæ
 vrbis: *ὡς τῆς τάξεως τῆς θεῶν τῆς μη' ἑπολιτῆς.* sic primæ
 sedis episcopos cum metropolitas dixere veteres,
 improprie hac voce vsos esse debemus existimare,
 si Sirmondo credimus. nam proprie tantum de
 patriarchis debuit vsurpari. cum de episcopo Car-
 thaginensi loquentes patres in Concilio Carthagi-
 nensi congregati, dicunt can. LV. *semper licentia fuit*

huic sedi ut unde vellet, & de cuius nomine fuisset conuentus pro desiderio cuiusque Ecclesiæ ordinare episcopum, improprie utique eos loqui credendum est: nam episcopus Carthaginensis patriarcha non fuit Sirmundo, ergo sedem non rexit, aut si habuit, improprie dictam habuit: sedes quippe proprie non erat, quia patriarchalis non erat. Iohannes Scholasticus in Nomocanone abusiue etiam loquutus est, cum de eodem Carthaginensi episcopo dixit, ὁ ἀρχιεπίσκοπος δὴ δὲ τῆς Καρχηδόνος φυλαττέσθαι. Quid dicemus de exarchis diœceseon, quos propterea diuersos facis, & diuersi ordinis a patriarchis quod diœceses nudas merasque regerent? scilicet nullas illi sedes iuxta sententiam tuam habere, aut si quis sedes illis assignauit, non signanter nec proprio suo nomine rem designauit. Male igitur & improprie vetus versio Concilij Chalcedonenfis quæ pro exarcho diœcesis, ut habetur ix. & xvii. canonibus eiusdem Synodi, *primam sedem diœceseos* reddidit. si exarchus diœceseos, primam sedem diœceseos tenuit, ergo & ille sedem cum diœcesi habuit; & sic a patriarcha nec diœcesis nec sedis ratione distingui debuit. Nam & patriarcha diœceseos exarchus fuit, & exarchus diœceseos; primæ sedis in diœcesi episcopus, hoc est patriarcha reuera extitit. *Ενορία* Græci & *παροικία* dixere proprie, territorium illud vel regionem vniuersam, quæ sub episcopo ciuitatis erat: ἐπισκοπία vero hoc est prouinciam quæ sub metropolitano: διοίκησις autem, multarum scilicet prouinciarum

complexionem, quæ patriarchæ subest. Theodorus Cyrrestes episcopus in *συνταγματῶν κανόνων* hæc tria ita aperte distinguit, & *ἐνορίας* episcopis adscribit, *ἐπίσχοι* metropolitæ, *διοικήσεις* patriarchis. ut *διοικήσεις* multas *ἐπίσχοι* complectebatur, sic *ἐπίσχοι* multas cum suis ciuitatibus *ἐνορίας* comprehendebat. *ἐνορία* τῶν πόλεων erant: *ἐπίσχοι* τῶν μητροπόλεων. *διοικήσεις* τῶν πατριαρχῶν. ipsæ quinetiam diœceses patriarchiæ dicebantur. Horum omnium *θεῖοι* siue sedes communes fuere, *θεῖοι* τῶν πόλεων, *θεῖοι* τῶν μητροπόλεων, & *θεῖοι* πατριαρχικοί. æque de episcopis, æque de metropolitæ ac de patriarchis proprie *θεῖοι* dictos fuisse constat. Nunc si te Sirmonde sequamur, dicemus episcopos ciuitatibus præfuisse, metropolitanos prouinciis, exarchos diœcesibus, & patriarchas thronis siue sedibus. Imperite ergo fecit, & improprie in primis loquutus est Iustinianus, qui in Nouellis plus centum locis *πατριάρχας ἐκείνης διοικήσεως*, & *πατριάρχας ἐκείνης διοικήσεως*, & *πατριάρχας τῆς διοικήσεως* vocauit. si te consulisset, sine dubio semper *πατριάρχας ἐκείνου θεῖου* dixisset. Magnum damnum est quod non illo tempore vixisti: tam improprie ac *καταχρηστικῶς* loquendi modus tanto imperatori nunquam excidisset. Profecto si *θεῖοι* proprie dicti sunt patriarcharū, eaque re sola distincti patriarchæ ab exarchis diœceseon, inde sequitur, ut quoties *θεῖος* absolute positus apud Græcos occurrerit, de patriarchæ throno dictum accipiamus. Quoties igitur legemus Chalcedonensi episcopo, Bithyniæ metropolitæ vel
exarcho

exarcho *θεγρος ἀρχιεπίσκοπον* nullum fuisse, statim utique intelligemus, nullum sub illo patriarcham extitisse. nam *θεγρος* proprie de patriarcha. At si *θεγρος* ibi non de patriarcha, sed de simplicis episcopi sede debet accipi, non proprie tantum, sed etiam propriissime *θεγροι* quoque siue sedes episcoporum sunt appellatae. Per omnes igitur Musas dic nobis, o magister & Musageta noster, quid tibi volueris, cum patriarcharum proprias sedes esse voluisti, ab aliis vero exarchis, metropolitibus, episcopis omnibus omnino alienas? Hoc captasse certe videris, hoc cupiuisse, ut ridiculus esses, atque ὅλος τῶν μωκτῆται omnibus deridendum te propinares.

Huiusce porro tantae absurditatis, quam in Epistola quasi digito tantum ostenderam, quum te suppudivisset, videresque nullo modo defendi posse, ut leuiorem saltem faceres, correxisti te, & quum in Censura sedes patriarcharum proprie dictas esse dixisses, heic in Aduentoria addidisti καὶ ἐξοχλῶ. Hoc nunc aliquid est, & aliquantulo plus quam nihil. At futile illud, & nihili prorsus fuit quod in Censura effutiueras. Vide ut paulo additamento res prae ac perperam enuntiatae ad meliorem rectioremque redeant formam. Haud parum sane interest utrum proprie quid dicatur an κατ' ἐξοχλῶ. aliud est proprium simpliciter, aliud proprium κατ' ἐξοχλῶ. omnium qui versus faciunt proprium est, ut poetae appellentur. illius vero qui in pangendis versibus ceteros omnes antecellit proprium est κατ' ἐξοχλῶ poetam appellari. non minus proprie poeta dictus

est Ovidius quam Virgilius, Hesiodus quam Homerus. Sed quum poeta absolute dicitur, κατ' ἑξοχὴν apud Latinos Virgilius intelligitur, apud Græcos Homerus. Capua licet vrbs minor vrbe Roma non minus tamen vrbs fuit quam Roma, nec minus proprie vrbs appellata est. sed quum *vrbs* sine cauda, vt vulgo loquimur, hoc est sine adiuncto vocabatur, tum certum erat non de alia vrbe quam de Roma intelligi debere. propter excellentem eius supra ceteras omnes vrbes dignitatem hoc nomine proprie κατ' ἑξοχὴν donabatur, quoties *urbis* nomini nihil esset adiunctum. sic apud Ægyptum, Alexandria πόλις κατ' ἑξοχὴν dicebatur, & Athenæ in Græcia ἄστυ. Stephanus πρὸς τὴν ἐπιγραφὴν in voce Αλεξάνδρεια λέγεται ὅτι κατ' ἑξοχὴν πόλις. καὶ πολῖται ἐξ αὐτῆς. ὡς ἄστυ αἱ Αθῆναι, καὶ ἄστυ ἐστὶ καὶ οἱ Αθῆναῖοι, ὡς καὶ ἐπὶ Ρώμης λέγεται ὅτι. Proprium hoc vrbs Roma simpliciter non habuit, vt sola vrbs nomine appellaretur, nam commune istud multis cum aliis vrbibus illi fuit, quæ pariter ita sunt appellatæ: sed κατ' ἑξοχὴν hoc ἴδιον καὶ ἑξαιρέτων habuit, vt quoties absolute, vox vrbs enunciaretur, de ipsa sola intelligeretur. qui dicit urbem, nec addit quam urbem, de Roma utique intelligit κατ' ἑξοχὴν. qui urbem Romam nominat, non amplius κατ' ἑξοχὴν loquitur, sed sic urbem Romam dicit, vt diceret urbem Rauennam, urbem Capuam, atque ita de ceteris, quæ vrbes non minus & ipsæ fuere, nec minus proprie ita dictæ sunt quam Roma. De patriarcharum sedibus nunc hoc videndum an obtinuerit, vt ἁγῶνι absolute &

κατ' ἑξοχὴν dicerentur. Hoc scire inde facile poterimus: nam si sic usus fuit & mos, oportet ut quemadmodum quum vrbs dicebatur, de Roma intelligendum erat, quum πόλις de Alexandria, quum αἶψα de Athenis, quum poeta de Virgilio apud Latinos, ita & quoties θρόνους absolute positos reperiemus, de patriarcharum sedibus ac thronis κατ' ἑξοχὴν accipiamus. Istud a vero tam procul abest apud Græcos, ut θρόνους simpliciter & sine adiuncto de episcoporum simplicium sedibus, & thronis frequentius dicant. cum in Antiocheno Concilio legimus episcopum non debere τῶν ἀλλοτρίων θρόνων ὑφ' αὐτοῦ καθίσθαι, aut apud Theodorum τοῖς ἀλλοτρίοις ἢ δι' αὐτοῦ τοῖς θρόνοις ὑποτασσάμεναι, de patriarchalibus intelligendum esset sedibus, si θρόνοι κατ' ἑξοχὴν proprie patriarcharum sedes nuncupatae fuissent. Græci itaque ut plurimum θρόνους de episcoporum sedibus ponunt. at contra de metropolitaram & patriarcharum sedibus ubi loquuntur, nunquam eas fere sine adiuncto pronunciant; ut scilicet distinguantur ab episcoporum thronis quos simpliciter θρόνους vocant. Quare cum dicunt, τῷ Καλαβρίας ἐξάρχῳ θρόνους ὑποκείμενος οὐκ ἔστι, per θρόνους episcopum aut sedem episcopalem proprie significant. at θρόνους metropolitaram, μητροπολιτικῶν, ut patriarcharum πατριαρχικῶν vocant. Patriarcharum etiam sedes hac nota plerūque ab inferioribus & minoribus distinguunt sedibus, dum ἀποστολικῶν θρόνους eos indigentant: θρόνους absolute & simpliciter appellatos nusquam legere est. Tum erat, qui tam multa legisti, vel vnum au-

ctorem Græcum ad testimonium vocare qui *θεσβον*
κατ' ἐξουσίαν de patriarchali sede dixerit. Nam testi-
monium illud vnicum ex Græcis quod attulisti,
quale sit, & quantum ad huius rei probationem
faciat, paulo post tibi ostendemus. Ita Græci: Lati-
ni quid? sedes & ipsi de episcopis, de metropolitibus,
de patriarchis passim vsurpant, de patriarchis pro-
prie & *κατ' ἐξουσίαν* nusquam. primas præcipuasque
sedes patriarcharum ubique vocant, vt & ipsos pri-
mos præcipuosque patriarchas, qui quinque tan-
tum numero fuere. Harum quinque sedium prima
fuit Romana, quæ sedes *κατ' ἐξουσίαν* merebatur ap-
pellari. an ita dictam vnquam potes ipse docere?
Urbs κατ' ἐξουσίαν de vrbe Romana dicebatur, an ad
id exemplum *sedes* de Romana sede? quis vnquam
sedem absolute nominauit, vt de Romana sede in-
telligi vellet? *prima* semper *sedes*, *Apostolica sedes*,
Romana sedes appellatur. an hæc appellatio, quæ
cum adiuncto est, *κατ' ἐξουσίαν* accipi debet? qui
Virgilium primum poetam præcipuumque appel-
lauit, non *κατ' ἐξουσίαν* cum appellat, sed qui cum
poetam simpliciter & absolute nuncupauerit. quod
omnium sediū facile princeps & prima non habuit
vt absolute sedes vocaretur, quo merito id reliquæ
habeant tanto inferiores & minores? Quinque, vt
iam dixi, primariorum patriarcharum sedes, pri-
maria & ipsæ præcipuæque sunt appellatæ, sed ab-
solute ac simpliciter sedes nunquam. Vnus Gelasius
Papa est, ex quo contrarium probari posse videatur.
Hoc ille quod tu vis verum esse euinceret, tuque

per eum vinceret, nisi aliter intelligendus esset. Verba eius ex epistola ad Dardanos xi. de Ecclesia Constantinopolitana ista sunt: *Si de dignitate agitur ciuitatum, secunda sedis ac tertia maior est dignitas sacerdotum, quam eius quæ non solum inter sedes minime numeratur, sed nec inter metropolitanorum iura censetur.* Ex alia eiusdem Epistola ad Orientales episcopos quæ nondum edita est, hæc producis: *De suis urbibus Catholicus pellebatur episcopus, non solum metropolitanus, sed etiam secunda & tertia sedis antistes.* Ex his duobus locis. certo statui putas quinque patriarcharum sedes κατ' ἐξοχήν appellatas esse. Si recte Gelasij mentem cepisses, nunquam ita putasses. fateris ipse idcirco sedes κατ' ἐξοχήν appellatas, quia plurimorum aliæ sedes cum essent, hæc omnium primariæ ac principes erant. Gelasij tui verba vide an hoc quod contendis concedant, & an patiantur metropolitanorum quidem sedes passim & communiter dici, patriarcharum vero primarias illas ita κατ' ἐξοχήν appellari. immo ille metropolitanorum iura, plane a sedibus distinguit. sedes itaque proprias patriarcharum fecit; solis patriarchis sedes assignauit: De his tantummodo sedes dici voluit: de aliis omnibus qua metropolitæ qua episcopis vsurpari hoc nomen negauit. Nam eodem plane modo quo patriarchæ distinguuntur a metropolitæ tam re quam nomine, ita ille iura metropolitanorum a sedibus patriarcharum aperte separauit. Hanc Gelasij mentem fuisse multo apertius altero eiusdem ad Dardanos Epistolæ loco demonstratur qui sic habet:

Quapropter cum satis constet *Acacium* nullum habuisse pontificium sententia Apostolica sedis damnatum sine eius notione soluendi; dicant certe qua Synodo hoc ille præsumpsit, quod nec sic quidem absque Apostolica sede fas haberet efficere, cuius sedis episcopus? cuius metropolitana ciuitatis antistes? nonne paræcia *Heracliensis Ecclesiæ*? quid his verbis manifestius? an non clare clamant *Gelasium* sedes solis vindicasse patriarchis, metropolitanis & episcopis ademisse? *Acacium* ideo negauit vllius sedis episcopum esse, quia patriarcham eum negat fuisse. ne pro metropolita quidem eum haberi vult, sed episcopum tantum agnoscit ciuitatis *Constantinopolitanæ*, quæ suffraganea fuit *Heracliensis paræciæ*. sic per sedis episcopum, patriarcham designauit; per antistitem metropolitanæ ciuitatis, metropolitam; per Ecclesiæ antistitem, simplicem ciuitatis episcopum. non igitur κατ' ἐξοχήν sedes de patriarchis dixit *Gelasius*, sed de solis patriarchis dici voluit. At si præter patriarcharum sedes, nullæ aliæ sic essent dictæ, tum profecto non κατ' ἐξοχήν dicerentur, quibus solis hoc nominis competeret. qui solus est, ἐξοχος non est, nec κατ' ἐξοχήν id quod est dicitur. alios multos oportet esse eiusdem ordinis ac nominis, quos inter excellat, quorum ἐξοχος sit & πρῶτος, vt in comparatione eorum, commune omnium nomen, quasi sibi proprium κατ' ἐξοχήν vindicare possit. cum omnes episcopi vocabantur *Papæ*, *Romæ vrbis episcopus*, quia primus episcoporum, iure meritoque κατ' ἐξοχήν *Papa* vocari potuit. postquam ita solus vocatus est,

ac nemo præter eum hoc nominis vsurpauit & ad se rapuit, non amplius κατ' ἐξουσίαν ita dictus cenferi debeat, quia solus. atque ita de ceteris. Quod autem Gelasius Papa solorum tantum patriarcharum sedes appellandas censuit, hoc non magis tibi mirum videri æquum est, quam quod Felix II. Epist. 1. solos primates censendos aut appellandos sancit, trium primarum sedium patriarchas, quorum nominatim fit mentio in sexto Niceno canone, Romanum nempe, Alexandrinum & Antiochenum. *Primates, inquit, illi & non alij sint, quam qui in Nicæna Synodo sunt constituti. reliqui vero qui metropoles tenent sedes, archiepiscopi vocentur & non primates, salua in omnibus Apostolica sedis dignitate, quæ & ab ipso Domino concessa & postea a sanctis patribus roborata.* Sed hoc Felicis decretum nunquam receptum esse nec obseruatum, plus quam certum est. Nam passim in Europa primates semper appellati sunt quicunque primas sedes tenerent, tam in diocæsesibus quam in prouinciis, hoc est tam exarchi diocæseon quam prouinciarum, tam patriarchæ quam metropolitani. Per Gallias soli primarum in vnaquaque diocæsi sedium rectores, vocabantur primates. In Africa vero quotquot erant metropolitani, ita vocari mos fuit, vt paulo post apertis pignoribus ostendam. Sic quod Gelasius Papa voluisse videtur, nullo in tempore effectum videtur habuisse. nunquam enim factum vt solorum quinque qui primarij erant patriarcharum, sedes dicerentur, aliorum episcoporum non dicerentur. quinimmo ad distinctionem

aliarum sedium primarias illas præcipuasque sedes dictas fuisse legimus, non absolute simpliciterque sedes, nisi apud vnum tantum Gelasium. Patriarchales etiam sedes passiuitus apud Latinos vocantur, vt apud Græcos πατριαρχικοί θρόνοι. At si locum haberet, quod voluit Gelasius, *sedes* vbique tantum dicendæ essent, quas nemo vtique posset nisi de patriarchalibus intelligere. Innocentius tertius in Concilio Lateranensi cap. v. *antiqua patriarchalium sedium priuilegia renouantes*, &c. Cur patriarchalium addidit? satis erat dixisse *sedium*. Gregorius in Epistola ad Secundinum inclusum, *quattuor primas & præcipuas sedes* vocauit: dicere tantum debuit *quattuor sedes*; satis hoc fuisset. sed nunquam, vt multis iam docui, Græci Latinique scriptores, vetusti ac recentiores, sedes illas primorum quinque patriarcharum aliter vocant, quin adiunctum aliquod huiusmodi addant aut *primarum*, aut *præcipuarum*, aut *patriarchalium*. Sexcenta huiusce loquutionis exempla produci possent si opus esset. Gelasius igitur vt vides pro te non facit: nec enim κατ' ἐξοχήν sedes vocauit patriarcharum, sed solas ita sanxit appellandas, nec nomen sedium præterquam patriarchis, vlli metropolitano tribuendum censuit. eodem prorsus exemplo quo Felix Papa nullum metropolitanum appellari primatem voluit, solis primarum sedium patriarchis hoc nomine quasi præcipuo proprioque reseruato. Nunc alia porro loca expendamus quanti sint, & quantum ad rem faciant, quæ attulisti vt probares sedes κατ' ἐξοχήν dici patriarcha-

tarcha-

patriarcharum. Liberatus diaconus de Iohanne Alexandrino patriarcha loquens ita scribit in Breuiario capite xviii. *qui & ipse sequutus Petrum & Athanasium prædecessores, in edicto unitiuo communicauit cum aliis sedibus, id est Constantinopolitana, & Antiochena & Hierosolymitana.* Heic tu dicis Liberatum alias sedes absolute dixisse, alias patriarchales, vt non sine causa interpretationem ipsemet, ne ambigeremus, adiecerit. quid hoc est? quid hæc tua verba sibi volunt? Alias sedes absolute dixit Liberatus, alias patriarchales. vbi hoc Liberatus? quid tale in eius verbis? satisne sanuseras cum hæc scriberes, an nos non putabas sanos? Profecto aut fungus, es mi homo, aut pro fungis nos habes, quibus adeo aperte cupias illudere. sed omnem operam lufisti, nisi quam vt nobis ipse ludus & iocus esses, posuisti. ea sola tibi non frustra locata est. verum verba tua videamus vt rideamus. *aliæ sedes absolute Liberato, aliæ patriarchales.* Ergo patriarchales sedes distinctæ a sedibus absolute dictis. quæ sunt illæ sedes patriarchales quas intellexit Liberatus? Constantinopolitana, Antiochena & Hierosolymitana. ergo diuersæ hæc sedes tres ab illis sedibus quas absolute idem dixit. atqui sedes illæ quas absolute dixit, de aliis sedibus accipi non possunt, quam de illis tribus patriarchalibus supra dictis, etiam si eas nominatim non adiecisset. Non igitur aliæ sedes absolute dictæ Liberato, aliæ patriarchales, quum de istis patriarchalibus necessario illæ quas absolute dixit intelligendæ sint sedes. Vide ipse, hominum ineptissime,

& ride mecum tuam ineptiam. sedes ibi nullas absolute posuit Liberatus: quod fecisset si nominatis simpliciter sedibus, nominatim quænam illæ sedes essent, non adieciisset. quum vero nomina sedium illarum expresse, de quibus intelligebat, an quisquam adeo sensus communis & rationis est expertus, ut putet eum quum sedes dixit, absolute aut *κατ' ἐξουσίαν* loquutum esse? Ait Liberatus Alexandrinæ sedis episcopum Iohannem cum aliis sedibus communicasse, hoc est Constantinopolitana, Antiochena & Hierosolymitana. idem est ac si dixisset, patriarcham Alexandrinum cum aliis patriarchis, hoc est Constantinopolitano, Antiocheno & Hierosolymitano communicasse. quid istic *κατ' ἐξουσίαν* aut absolute dictum? qui dicit, *in urbem veni*, id est *Romam*, an *κατ' ἐξουσίαν* urbem eum vocare censet? idem plane est ac si diceret, *in urbem Romam veni*. qui dicit, *urbis episcopus*, per exochen urbis Romæ episcopum intelligit. si quis autem dicat, *urbis id est Romæ episcopus*, eo ipso quod explicat de qua urbe intellexerit, fastigium illud *ἐξουσίας* non solum diminuit, sed plane totum adimit. Qui urbem absolute dicit, non opus habet addere Romam. Nam cum certum sit Romam *κατ' ἐξουσίαν* urbem appellari, de Roma facile intelligit, qui urbem audit nominari. At si quis ad vocem *urbis*, adderet *Romæ*, aut explicandi gratia subiungeret *id est Romæ*, eo ipso fateretur urbem de Roma *κατ' ἐξουσίαν* dici non posse, nec etiam intelligi de Roma dictum, nisi hoc explicasset. Igitur si Liberatus ita loquutus esset, ut

diceret Alexandrinæ sedis patriarcham cum aliis
 sedibus communicasse, nec sedes illas quænam
 essent, de quibus loquebatur, nominatim expressis-
 set, tum profecto κατ' ἐξοχὴν & absolute sedes, ut
 vis, dixisset, & de solis illis patriarchalibus, quas
 nominavit, intellexisset. sed quum earum nomina
 sedium subiunxerit, non absolute utique dixit.
 quinimmo vel ideo significanter & nominatim
 quænam illæ sedes essent edidit, quia de aliis sedi-
 bus quam patriarchalibus quilibet intelligere po-
 tuisset, si absolute sedes nominasset. Et ex hoc
 maxime Liberati loco probatur sedes κατ' ἐξοχὴν
 non dici patriarcharum. nec enim si hoc esset, opus
 habuisset adiuicere Liberatus interpretationem, ne
 ambigeremus de sedium quas intelligebat signifi-
 catione. Idem omnino pronuntiandum est & de
 Syncello illo Hierosolymitani patriarchæ legato,
 cuius hæc verba sic a te producta heic sunt: Ὁ γὰρ
 τῆς πατριαρχικῆς Ρώμης μηδαμῶς ἀποδοξαμένη τῇ Φώτει,
 μηδὲ μετὰ τῇ τῆς ἀνατολικῆς τελευτῇ θρόνων, τῇ Αλεξαν-
 δρείᾳ, τῇ Αντιοχείᾳ, τῇ Ιεροσολύμῳ, οὐκ ἔστιν ἡ
 μετὰ καλεῖσθαι αὐτοὺς εἰς ἐξέτασιν καὶ ἀνάκρισιν. Quid? an
 ex istis tu probare intendis θρόνοις κατ' ἐξοχὴν de pa-
 triarchalibus usurpari sedibus? video quid velis, sed
 frustra hoc quoque te velle video. θρόνοις patriarch-
 charum dici hinc satis liquet. sed θρόνοις κατ' ἐξοχὴν
 heic appellatos esse, hoc est quod nemo nisi Sir-
 mondus, aut Sirmondinus possit dicere. tres Orientis
 throni si dicantur absolute, tum de tribus præcipuis
 Orientis sedibus accipi debere κατ' ἐξοχὴν haud

abnuam. At si nominet quis illos thronos ac dicat, tres Orientis sedes, *Alexandrina*, *Antiochena* & *Hierosolymitana*, nemo inde mihi persuadere postulet per excellentiam sedes appellari quarum sedium nomina statim ibidem subiuncta sint. ut ita censerem, Sirmondum me esse oporteret. qui vult aliquem κατ' ἐξοχήν designare, solo nomine dignitatis, non proprio personæ debet eum appellare. quis hæc nescit? tu tamen tantus magister, tot annorum, tot palmarum veteranus, id ætatis, hac doctrina, hoc docendus fuisti.

Nunc interrogo te, magister, si quis quod tantopere contendis, tibi concederet, quid efficeres inde? sane ut hinc scias te satis egisse ut nihil ageres, & multa mouisse, ut nihil proficeres, animi gratia lubet iam tuæ sententiæ accedere, tibi que assentiri, quinque nimirum primariorum patriarcharum κατ' ἐξοχήν sedes appellatas fuisse. totum hoc tibi de meo largior ac liberaliter dono. Sit illud verum quod tu vis esse. quid tum postea? quo procedes deinde? An per hæc effecturum te putas quod petis, ut scilicet patriarchæ sedium, proprie & κατ' ἐξοχήν dicendarum, diuersum gradum & ordinem constituent ab illis exarchis diœceseon, qui patriarchæ & ipsi dicebantur, & sedium pariter rectores erant? quam longe abes ab eo quod habere vis! quod tu sectaris, per hanc viam nunquam assequi certus es. Nam contrarium plane inde efficitur, eiusdem nempe ordinis & gradus omnes fuisse, qui patriarchæ dicti sunt, qui sedes habuere patriarchales, qui

diœceses rexere, licet inter eos quidam extiterint, quorum sedes κατ' ἐξοχὴν dicerentur, quique ipsi propter præcellentem dignitatem proprie patriarchæ vocarentur. Atque illi fuere quinque summi & primarij patriarchæ, qui primas sedes tenebant, atque etiam si vis, proprie & κατ' ἐξοχὴν dictas; qui denique inter alios omnes eiusdem ordinis & gradus patriarchas excelebant. quod enim ἐξοχὴ τῆς δυνάμεως πρὸς τὸν πᾶν essent, quod ceteris sui ordinis patriarchis antistarent, ideo sedes eorum κατ' ἐξοχὴν dictæ, ideo ipsi etiam, vt tibi dem omnia quæ vis, patriarchæ κατ' ἐξοχὴν appellati. Hoc ἐξοχὴ, hoc ἐξαιρέτως ὄνομα, non inter diuersi ordinis & inferioris episcopos proprie illis & specialiter attributum est. si quid præcellentiæ, si quid prærogatiuæ habuerunt, id eos omne in sui gradus & ordinis episcopos habuisse censendum est, ex quo omnium quod erat commune nomen dignitatis, ipsi sibi quasi proprium κατ' ἐξοχὴν vindicarint. vt Virgilius poeta κατ' ἐξοχὴν dictus est quod inter poetas, non quod inter oratores emineret; vt vrbs Roma quod inter vrbes, non quod inter oppida: sic patriarchas illos quinque κατ' ἐξοχὴν dictos fuisse oportet, non quod inter metropolitanos, aut diuersi gradus primates excellèrent, sed quod inter eiusdem ordinis patriarchas primas ferrent. ita eorum quoque sedes κατ' ἐξοχὴν appellatas esse, si modo appellatæ sunt, æquum est, non quod inter metropolitanas sedes, sed quod inter patriarchales primæ essent. si quisquam hodie regum, rex κατ' ἐξοχὴν appellari mere-

tur, is Franciæ rex est. an secus tibi videtur? si igitur κατ' ἐξοχήν cum regem appellauero, ideo sic a me appellatum colligere debes & intelligere, quod ceteros omnes huius ætatis longo interuallo superet reges, non quod duces aut comites. quæcunque res, quæcunque persona, generis inter & ordinis eiusdem res & personas aliquid eximij habet, & excelsi, propter illud excellentiæ suæ meritum, quod omnium eiusdem generis & ordinis commune nomen est, quasi ἰδιον sibi que peculiare ἀντιστοιχίας fere semper vindicare consuevit. Ceterum hæc ἐξοχή, hæc nominis κατ' ἐξοχήν vsurpatio quæ alicui rei vel personæ ex prærogatiua, & merito dignitatis conceditur, locum habet tantum inter eiusdem generis, vt diximus, & ordinis res & personas, & quæ idem quoque nomen gerunt. Ex his liquet ac liquido constat, quod aliqui primarij fuerint patriarchæ, & dignitate priores potioresque, non propterea solos seorsim vnum gradum constituisse, qui sedes proprie dictas regerent, sed inter ceteros eiusdem gradus ac nominis patriarchas & exarchos diœceseon primatum habuisse: hinc sedes eorum primas dictas esse, & κατ' ἐξοχήν etiam, quoniam ita vis, sedes, vt ipsi primi præcipuique dicti sunt patriarchæ, & κατ' ἐξοχήν etiam patriarchæ, cum tamen & aliorum patriarcharum sedes nihilominus dicerentur, & patriarchæ multi præter eos vocarentur. Hoc alius præter me faceret nemo, certo scio, nec ita tibi in omnibus indulgeret & assentiretur. Verum nihil periculi est, om-

nia quæ tibi dari postulas concedere, quando concessa plane in contrarium cedunt, & quæ pro te putas esse, iugulum tibi petunt.

In dissertatione porro illa de primatibus quam in Epistola ad Amicum pag. LIV. legere est, *δοκησις* tuam probe prodis. nec hoc tantum, sed pertinaciæ cuiusdam inexpugnabilis, pari cum imperitia iunctæ egregium specimen edis. quantus sis præterea cauillator, sycophanta & impostor, *ἀπεχρως* ostendis. Clara in luce nudum & apertum te, qualis es, omnibus videndum iam inde statuam, & ad intima usque viscera totus ut pateas faciam. sic qui te non norant, nunc intus & in cute opera mea te cognoscent. verba tua primum ponam, mea deinde subiiciam: ita optime poterit ab omnibus intelligi non solum quis nostrum *δοκησις*, sed etiam uter sit *ἀσπώτης*. sic igitur garrere incipis: *primum enim quis episcopum Romanum primatem ante me dixerit cur rogas, cum Mediolanensem ipse primatem vocas, quem præter te nullus unquam appellauit?* Primum sciendum est quæ res ansam causamque præbuerit illi nostræ de primatibus dissertationi, priusquam ad singula tibi respondeam. Tu in Censuræ secundæ parte Romæ urbis episcopum ideo primatem Italiæ dixeras fuisse, quia nullus in Italia primas fuisset; ideo autem patriarcham Occidentis, quia plures quidem in Occidente primates fuerint, in Gallia, Africa, Hispania; nullus vero patriarcha. Ego tibi ostendi quo sensu primates in Africa dicebantur,

multos in Italia primates extitisse : singulos enim prouinciarum metropolitas per Africanam diœcesin primates appellatos esse. in ea significatione porro qua primatis nomen per Gallicanas regiones vsitatum vulgo esset, primatem Italiæ dici non posse episcopum Romanum, nisi etiam patriarcha diceretur: nam primates in Galliis non singulos metropolitanos qui prouinciæ alicui præessent, sed diœceseon singularum antistites, qui & patriarchæ dicebantur, passim appellari consueuisse. ad hæc quid respondes? nihil omnino, nec sane poteras. Conuitiis & cauillationibus rem totam voluisti transigere, & quæstionem offuciis tuis *Φασαζ*, vt alia esset, alia appareret. Ego fucum istum quem sincero illius corio illinere sategisti, totum abstergam, & vmbras quas insperferas, illato lumine discutiam. Rogas cur Mediolanensem primatem vocem, cum episcopum Romanum primatem dictum fuisse negem. Ludis in voce primatis, & more tuo cauillaris. Primatem Mediolanensem episcopum voco, qua notione primates suos Africana vocauit Ecclesia, qua notione metropolitanos omnes tota vocauit antiquitas, qui suarum scilicet prouinciarum primates essent. quod autem primatem episcopum Romanum appellatum esse negaui, non eo sensu negaui, quo metropolitæ omnes vocantur primates, nam certe ille quoque suæ prouinciæ primas & metropolitanus fuit, sed ea notione qua primatem eum dici volebas, Italiæ nempe diœceseos. Nam si Italiæ primas fuisset, vtique
etiam

etiam patriarcha Italiæ dictus esset, quum certum sit omnes diœcescon primates, patriarchas fuisse appellatos, & omnes vice versa patriarchas, diœcescon primates extitisse. at si primas & patriarcha Italiæ, Papa Romanus est, non erit Occidentis patriarcha specialis, vt eum volebas esse. Quæsiui igitur & etiam nunc quæro, quis primatem Italiæ hoc est patriarcham appellarit Romanum Pontificem? & sane quis eum id potuit appellare quod nunquam fuit? At de Mediolanensi episcopo non quærendum est an primas dictus fuerit, quem certum est fuisse suæ prouinciæ primatem. omnis enim metropolitani suæ prouinciæ primas est. frustra igitur dicis primatem eum præter me nullum vnquam appellasse. Pergis, & hæc verba perdis: *Nam si Mediolanensem episcopum, quia multis olim ciuilibus prouinciis præerat, primatem ingratis vis esse: Romanum qui tua & coniectoris tui opinione suburbicarias omnes regebat, si non Italia, at suburbicariarum certe primatem fuisse cur negas? egone id negem? quis tibi hoc dixit? an tibi semper sic mentiri libebit? sed libenter quisque semper quod solitus est facere, facit. Ego primatem prouinciæ, & metropolitani cum idem esse contendam, qui possem negare episcopum Romanum suburbicariarum regionum fuisse primatem, si metropolitani earundem fuit? tam igitur mihi primas est suburbicariarum Ecclesiarum quam metropolitani, Romæ vrbis episcopus: quippe qui primatem prouinciæ & metropolitani eundem esse censeam. si tuum mentiri est, non est meum*

Zzz

mihimet ipsi contradicere ac tam manifesta infirmari. Eodem modo ergo primas suarum prouinciarum hoc est suburbicariarum episcopus Romanus fuit, vt Mediolanensis earum quibus præerat. vterque enim metropolitanus suæ prouinciæ extitit, vterque etiam primas. Primatem porro fuisse prouinciæ suæ metropolitanæ episcopum Romanum si non aliunde scissem, vel Notitia Vaticana poterat me docere, quam ex Baronio in Epistola ad Amicum citaui quæ de suffraganeis episcopis Romani Pontificis ita scribit: *Episcopi qui dicuntur suffraganei Romani Pontificis, nulli alij primati vel archiepiscopo subiecti, qui frequenter ad Synodos vocabantur.* enumerantur deinde ibidem Romanæ prouinciæ, quæ Romani Pontificis metropolitana fuit, omnes episcopi, qui nulli alij primati quam Romano subiecti erant. Ergo Romano Pontifici tanquam suo primati & metropolitano & archiepiscopo subiecti fuerunt: Ergo suæ prouinciæ metropolitanæ, & eorum episcoporum primas & archiepiscopus fuit Romanus Pontifex. sed cur ipse negas Mediolanensem episcopum primatem fuisse? si alicui prouinciæ tanquam metropolitanus præfuit, si primus episcopus, hoc est archiepiscopus alicuius prouinciæ fuit, primas vtrique fuerit eius prouinciæ cui præfuit, necesse est. qui enim minus quam Romanus? atqui non vni tantum, sed pluribus olim prouinciis ciuilibus agnosceis & fateris præfuisse. Earum igitur omnium sic dici potuit, sic esse debuit prouinciarum primas, vt Romanus dictus est,

vt reuera etiam fuit, prouinciarum primas, quibus metropolitæ iure præsidebat. At negas primates alios in Ecclesia dici posse, quam qui Ecclesiasticas multas sibi subditas prouincias haberent. Vel hoc etiam modo tibi ostendam, primatem fuisse episcopum Mediolanensem. Tu septem prouincias quæ vicario Italiæ parebant, ex duabus Italiæ diœcesibus alteram esse vis, ac totam Mediolanensi episcopo qui metropolita Italiæ dicebatur, subiectam olim fuisse: atqui constat illam diœcesin, vt vocas, tres metropoles habuisse, Rauennensem, Mediolanensem, & Aquileiensem, ac proinde tres prouincias Ecclesiasticas. illarû septem ciuiliû prouinciarum, & harum trium Ecclesiasticarum si caput & antistes fuit, sicut fuisse vis, archiepiscopus Mediolanensis, **quin primas etiam vel ex tua primatis definitione ac notione fuerit, inficias ire non possis. falsum illud quidem est, nec enim tot prouincias sub se habuit archiepiscopus Mediolanensis, vt supra ostēdimus.** sed quum tibi verum sit, quominus illo vero, quod tuum est, constringaris, haud poteris euitare. Nos vnicam tantum prouinciā Ecclesiasticā sicut habuit reuera, archiepiscopo Mediolanensi assignamus & illius prouinciæ primatem fuisse constanter affirmamus. ita enim & ad eundem modum prouinciæ suæ primas fuit, vt Romanus suæ, vt Aquileiensis suæ, vt Rauennensis, & reliqui Italiæ metropolitani suarum. Leo certe Papa nonus Gradenſi episcopo Venetiam & Istriam subiectas debere esse sancit, tanquam primati suo & patriar-

chæ. verba eius hæc sunt ex Epistola II. ad episcopos Venetiæ & Istriæ: unde monendo mandamus, ut præfato Gradenſi patriarchæ ſucceſſorique eius in omnibus ſecundum iura canonica, obediētes ſitis ſicut primati veſtro & patriarchæ eſſe debetis, & ſicut antecceſſoribus eius noſtri perpetuo confirmarunt. Vides non ſolum primates, quod negabas, ſed etiam patriarchas in Italia fuiſſe. ſed quare ille patriarcha dictus ſit, alibi dictum eſt. Primas ſane non minus ſuæ prouinciæ fuit Mediolanenſis, quam Aquileienſis vel Gradenſis ſuarum. Vix tibi vnum detextum mendacium eſt, quam aliud porro texere incipis. Ego vno detecto ad alia detegenda, quæ tu adtexis procedam. ſic igitur, ut calidus es mendaciorum ſutor, ne tempus perdas, reliquum *ὑποκατα* continuas & concinnas: Deinde quum primates a patriarchis non diſtinguas, & primates diœceſeon rectores dictos velis; qui conuenit ut episcopo Romano, & diœceſim intra centeſimum, & patriarchæ nomen tribuas, primatis non concedas? hinc apparet quantus impoſtor ſis, καὶ ψευδὴς ἀποφθιτὸς. Contrarium huius quod heic ſcripſiſti veriſſimum eſt. nam & primatis nomen episcopo Romano concedo, & patriarchæ non tribuo. Primatem agnoſco fuiſſe ſuæ prouinciæ metropolitanæ, vllius diœceſeos primatem extitiſſe nego & pernego: Ergo & patriarcham. patriarcha enim & primas diœceſeos apud me idem eſt. quomodo igitur patriarchæ nomen illi tribuerem, quem diœceſeos primatem negauī eſſe, cum præſertim patriarcham & primatem diœceſeos vnum idemque velim fuiſſe? in vo-

cibus primatis & diœcesis, quæ vario sensu accipiuntur, cauillaris semper, & præstigias facis. primatem prouinciæ Romanæ hoc est metropolitam Romanum Pontificem fuisse fateor, vllius diœceseos primatem siue patriarcham nego. non igitur illi diœcesim intra centesimum, sed prouinciā tribuo, cuius fuit metropolita siue primas. quod illam vero prouinciā, diœcesim interdum appello, more veterum multorum loquor, qui diœcesin etiam appellarunt, prouinciā vnā alicui metropolitæ subiectā. ita apud Hincmarum sumitur Epist. v. *Dilectis fratribus & venerabilibus episcopis Rhemorum diœceseos.* ibi Rhemorum diœcesis est prouincia Rhemensis. idem ad Nicolaum Papam: *non solum diœcesis, verum etiam parochia mea inter duo regna sub duobus regibus habetur diuisa.* diœcesis non tantum de prouincia, sed etiam de territorio vnus ciuitatis, quam Græci *ἐπαρχία* vocant, dicta est. ita accipitur multis locis apud Sidonium, & passim in Codice canonum Ecclesiæ Africanæ. Græci quoque *ἐπίσκοπον* ita aliquando vsurparunt. Theodorus in *συνταγματῶν* canonum tit. iii. *Ἐάν τις μὴ διὰ ἐπίσκοπον ἢ ἐπὶ ἐπίσκοπον ἀκλήτων ἀπαγγέλλῃ, πλεὺς ἐστὶ μὴ δι' ἐποφίας κατ' ἰσχύος αὐτοῦ ἀπαφροσύνης, μήτε χρεωσθῇ ὑπερέλαι.* Hoc sensu diœcesim etiam hodieque vocamus proprie territorium episcopi. *diœcesis* etiam interdum pro parœcia, apud auctores accipitur, quales multæ sunt, intra vnum territorium siue *ἐπαρχία*: vt contra *parochiam* plerumque pro vnus episcopi diœcesi Græci ponunt, qui *πλεὺς ἐπαρχίας καὶ πλεὺς παροχίας* sapre-

numero confundunt. quod igitur ex his variis diœceseos notionibus lectori facere fucum apparas, o præstigiator, & nobis tentas illudere, frustra est. diœcesis intra centesimum, quam vocamus episcopi Romani, & quæ suburbicarias prouincias complexa erat, ea prouincia fuit Romana metropolitana, cuius primatem & archiepiscopum fuisse Pontificem Romanum asserimus. eodem plane modo, & prouinciam suam iure metropolitani regebat archiepiscopus Mediolanensis. eam prouinciam diœcesin quoque vocauit Gregorius Magnus lib. iii. Epist. iii. ad Constantium episcopum Mediolanensem: *Peruenit ad nos quod quidam episcopi vestra diœcesis, exquirentes occasionem potius quam inuenientes, sese scindere a fraternitatis vestra unitate tentauerint.* Diœceseos hoc sensu acceptæ primatem haud minus episcopum Romanum quam episcopum Mediolanensem fuisse dicimus. suæ quippe vterque prouinciæ primas & metropolitani fuit. Diœceseos vero quæ plures prouincias metropolitanas complectitur, non magis primas extitit episcopus Romanus quam Mediolanensis. neuter enim illorum talem diœcesin sub sua potestate habuit. Nicolaus Papa primus *primatem diœceseos* in canone nono Synodi Chalcedonensis de Romano Pontifice interpretatur. si vllius huiusmodi diœceseos, Italiæ vt puta vel Occidentis specialem primatem fuisse agnouisset Summum Pontificem, non *diœceseos* ibi, pro *diœceseon* positum esse dixisset. Etenim reuera non vnius alicuius diœceseos, sed omnium

fuit totius orbis diœceseon primas Papa. At Nicolaus idem qui *primatem diœceseos* pro *primatem diœceseon* in Synodo Chalcedonenſi dici putauit de Romano Pontifice, non cogitarat, quod poſterioribus interpretibus, qui expoſitionem eius ſequuntur, venit in mentem, diœceseos nempe nomine vniuerſam Chriſtianam diœceſin designari, hoc eſt vniuerſum orbem. ſed mirum eſt hanc diœceſim ignoratam fuiſſe Nicolao: non enim tam multis exemplis ſategiſſet probare, tantundem ibi valere *primatem diœceseos*, ac ſi dictum eſſet, *primatem diœceseon*. ita autem ſcribit: *Ne vero moueat quia ſingulari numero, diœceseos, dictum eſt; quia tantundem valet dixiſſe, primatem diœceseos, quantum ſi perhibuiſſet, diœceseon. plena enim ſanctæ ſcripturæ tali forma loquutionis. Denique ſcriptum eſt, Fons aſcendebat e terra irrigans vniuerſam ſuperficiem terræ. qui non ait, Vnus fons aſcendebat e terra, ſed ait, Fons autem aſcendebat e terra: pro numero plurali poſuit ſingularem, ut ſic intelligamus fontes multos per vniuerſam terram loca vel regiones proprias irrigantes: ſicut dicitur miles, & multi intelliguntur; ſicut dicta eſt locuſta & rana in plagis quibus Ægyptij percuſſi ſunt, cum eſſet innumerabilis locuſtarum numerus & ranarum: ita & heic diœceſin ſingulariter dixit: ſed hanc propter unitatem pacis & fidei, pluraliter intelligi voluit. ſi diœceſim illam vniuerſam & vnicam ſciuiſſet Nicolaus, tam multa verba non perdidifſet. & ſane vniuerſus orbis plures habuit diœceſes, non vna fuit diœceſis. Vides ex illa Nicolai Papæ primi interpretatione nullius diœceſis primatem ſpecialiter conſtitui Pontificem Ro-*

manum, sed generaliter omnium. Si diœceseos alicuius speciatim primas fuisset, etiam patriarcha illius diœceseos dictus esset. Nam *primatem diœceseos* & *πατριάρχης τῆς διοικήσεως* eundem fuisse supra vidimus. Negat Nicolaus Papa, primatem vnius diœceseos esse Pontificem Romanum, cum fuerit omnium; idem quoque nego quod ille. tu propter id me reprehendis. at ego malim cum Papa errare, quam tecum recte sentire: sed ille nunquam errat; nec ego dum illum sequor. Tu vero non solum grauissime erras, qui Papam vnius diœceseos primatem facis, sed etiam mentiris impudentissime qui scribis me Pontifici Romano patriarchæ nomen tribuere, primatis non concedere. Iam tibi dixi me primatem eum suæ diœceseos intra centesimum, hoc est prouinciæ Romanæ metropolitam agnoscere. at huius diœceseos siue prouinciæ cuius erat metropolita, non poterat esse patriarcha. nemo enim patriarcha, nisi diœceseos quæ plures prouincias sacras siue metropoles complectitur, dictus est. Talem nullam vnquam habuit diœcesim episcopus Romanus. nec igitur patriarcha nec primas diœceseos vnquam fuit, nec a me dicendus fuit. at idem fuit omnium totius orbis diœceseon secundum Nicolaum primas, aut vniuersalis quæ omnes complectebatur diœceses diœceseos. ergo & patriarcha quoque omnium extitit diœceseon. Hoc sensu si patriarcha mihi dictus est, me patriarcham eum voluisse dicere profiteor. Nam cum primus fuerit patriarcha, ac primam sedem habue-

rit

rit inter omnes, primatem etiam ac patriarcham fuisse patriarcharum, censendum credendumque est. an non similiter hunc eundem titulum vsurpauit patriarcha Constantinopolitanus, qui in omnibus pari passu cum Romano Papa voluit ambulare? quid enim aliud sonat πατριάρχης οἰκουμένης? cum ille tres sibi dioceses subiectas haberet, nunquam illarum tamen se dioceseon πατριάρχην inscribit, sed οἰκουμένην πατριάρχην.

Hæc cum ita se habeant, quasi ego falsus sim, & non tu falsa scripseris, ita scribis: Nos enim ne ad scopulos istos tecum hæreamus, facile prouidemus, qui primates in Ecclesia eos esse, & dici posse censemus, qui multas sibi, non ciuiles, sed Ecclesiasticas prouincias subditas habeant. Bene istuc a te recteque prouisum esse nemo negat. sed idem fecisti, quod insanus quidam olim gubernator, qui ne ad scopulum nauem frangeret, quem a longe præuiderat, in medium mare se iecit, periturus ipse, & nauim relinquens perituram: atque ita ne periret, ultro se perdidit. simile plane ac geminum tuum factum: De scopulo sponte præcipientem te dedisti ne ad eum hæreres. ita non hæsisti, sed vna te absoluiisti plaga. & bona sane hæc ratio est, vt qui mori non vult, ipsemet se occidat. alia etiam ratione ne hæreres, cauisti. compedes quibus tenebaris, quum nec soluere nec scindere posses, crus ipsum tibi præcidisti. an sic solutus tibi videris? si amicus tibi essem, mallet semper hæsisse, Censes igitur, hæc tua methodus non hæsitandi, non alios in Ecclesia primates esse, nec alios dici

A a a a

posse, quam qui multos sibi subiectos habent metropolitano, multisque præfident prouinciis Ecclesiasticis. Hoc quod falsissimum est ideo tibi adstruendum visum est, ne multa vera posses negare quæ tibi officere videbas. Pontificem Romanum negas suæ prouinciæ primatem esse, quem primatem vocat Notitia Vaticana a Baronio in Annalibus producta. negas Mediolanensem, qui tamen vel tua sententia primas esse debuit, cum tribus præfisset prouinciis Ecclesiasticis, & septem ciuilibus. negas metropolitanos earum quibus præerant ac præsidebant prouinciarum primates fuisse. Nec solum metropolitani prouinciarum tibi primates non sunt, sed etiam diœceseon patriarchas non putas esse diœceseon quas regunt primates. quinam ergo sunt illi quos pro primatibus habes, quibus hoc nominis impertiris? qui nimirum nec rectores sunt prouinciarum, vt metropolitæ, nec sedium vt patriarchæ, sed qui diœceses gubernant. Hos solos fuisse vis, dictos esse vis, diœceseon primates. Ideo modeste heic me geram, quia non possum pro tuo merito immodestus esse, nec ea in te dicere quæ mereris: cum tua imperitia modum non habeat, nullosque fines non transcendat impudentia, quidquid in vtramque dicerem minus esset. Cum idem sit ἑξάρχης Græcis quod *primas* Latinis, & de exarchis idem superius assertum iueris, quod heic de primatibus asseris, similiter hoc refellendum vt illud a me refutatum est. negas singularum prouinciarum metropolitæ primates dici posse, aut vnquam

dictos esse : atque inde negas Mediolanensem
 episcopum quem in primatum numero collocaui,
 primatem fuisse : quia licet multarum civilium
 episcopis præset, omnes tamen hæ prouinciæ
 vnicam eius Ecclesiasticam prouinciam constitue-
 bant. quid Sirmonde, homo societatis doctissime,
 & Claromontanæ cymbalum iuuentutis, hocine
 tibi potuit vel dormitanti excidere, vt diceres eum
 episcopum qui archiepiscopus est, qui primus est
 suæ prouinciæ episcopus, qui primam sedem in
 prouincia sua tenet, qui primæ sedis episcopus di-
 citur, qui prouinciæ suæ præest ac præsidet, prima-
 tem suæ prouinciæ non fuisse? quid aliud primas
 quam primus? quid aliud metropolitanus, quam
 primus episcopus? quis primus episcopus nisi qui
 primæ sedis? quis primæ sedis, nisi primas prouin-
 ciæ? quis primas prouinciæ nisi metropolitanus,
 quem & Græci ἑταρχὴν τῆς ἐκκλησίας vocant? cum in
 Synodo Sardicensi can. vi. ἑταρχος ἐκκλησίας pro me-
 tropolitano ponitur, quomodo aliter Latine reddi
 potest, quam *primas prouinciæ*? & quum Euagrius
 lib. iv. Hist. Eccles. cap. xi. metropolitanos vocat
 ἡγουμένους τῶν ἐταρχῶν, an non *episcoporum primates*
 liceat vertere? immo aliter non liceat. Et bene est
 quod fateris ipse Græcorum ἑταρχὴν idem esse quod
 Latinorum *primatem*. ἑταρχος enim Græce is est, vt
primas Latine, qui quaque in re præest, & principem
 locum tenet. idem nempe quod *primus*, idem quod
princeps. hinc & principem locum, & primum locum, &
primatem etiam locum, Latini passim de primatu

dicunt, quod Græci *πρωτίων*, & *πρεσβύτεροι* & *πρωτοσύνοδοι* & *ἐξάρχαι* etiam appellant. Glossæ veteres: *Primatus*, *πρωτίων*. *principatus*, *πρεσβυτέρα*, *πρεσβυρία*. Et *princeps* *πρεσβύτερος*, idem qui & *primus* siue *primas*. eadem Glossæ: *Primores*, *πρωτοστάται* καὶ *πρεσβυτεροι*. *Primores*, *ἐξάρχαι*, *πρωτοστάται*. *princeps*, *πρωτοστάτης*, *πρεσβυτός*. *Princeps*, *πρωτοπολίτης*, *ἐξάρχης*. *proceres*, *ἐξάρχαι*, *πρωτοπολίται*. *primus*, *πρῶτος*, in Glossis Græcolatinis: *πρῶτοι*, *primores*, *primates*. sic *primi*, *primores*, *primates*, *principes*, *proceres*, iidem qui Græcis, *πρεσβυτεροι* & *ἐξάρχαι*, & *πρωτοστάται*, & *πρεσβυτες*. illius igitur est negare metropolitam suæ prouinciæ primatem dici posse, qui potest negare *πρεσβυτερον* illum esse, & *πρεσβυτα* & *ἐξάρχην*, & *πρῶτον ἐπίσκοπον* & *ἀρχιεπίσκοπον* prouinciæ illius cui præest, & quam iure primi episcopi regit. Nunc vide Sirmonde an tuum sit, an in te sit hoc inficiari? Tu primatem diœceseos dici concedis illum episcopum qui diœcesi præsidet: cur eum qui prouinciæ præest, primatem prouinciæ appellari non posse contendis? quæ res, quæ ratio potest efficere, vt diœceseon rectores, dicantur diœceseon primates; & primates prouinciarum non dicantur, qui prouinciarum sunt rectores? sed cum ratione insanire est, rationem ab illis exigere qui nullam habent. desipiant qui sapere non possunt, & decipiantur qui decipi volunt. *Εξάρχης* apud Græcos, vt *primas* apud Latinos, tam ἐν κοινῇ quam ἐν πνευματικῇ, nunquam peculiare certæ cuiusdam dignitatis aut præfecturæ nomen fuit, sed omnibus commune, qui quacun-

que in re primi, cuicunque rei vel officio præfecti præpositique fuere. Principes & primores ciuitatis, quos *αρωτοπολίτες* Græci vocant, Latini *primates urbium* dicunt, vt Græci ipsi *ἐξάρχεις*. *Primates* & *principes officiorum* in Codice Theodosiano, οἱ τῶν ἐξέων ἐξάρχεις. *Primates vicorum, castellorum, urbium* in eodem Codice, qui *urbium, castellorum & vicorum præfecti* erant, quos Græci etiam *ἐξάρχεις* dicerent. in militia *ἐξάρχεις* *ταγματῶν*, aginnum aut ordinum præfecti, vel magistri. *Constantinus de Thematibus lib. i.* ὡς περὶ τῶν καὶ τα χερῶν, & ὡς Ἰουλιανὸς μέγιστος ἐπέμπετο τοῖς ἑγχεσιν ἐξάρχης. male mutant ibi viri docti *ἐξάρχης* in *ἐπίτῃς*. *Exarchi* etiam meminit vetus inscriptio quæ ita habet: *Aurelio Ianuario signifero ex numero Dalmatarum fortium, & Aurelio Valentiano exarcho posuit Aurelius iustus pater Ianuarius.* præfectus numeri Dalmatarum fortium, *exarchus* ibi appellatur. sic *ἐξάρχης* τῶν ἱερῶν apud eosdem Græcos dicitur, quem Latine præpositum vel magistrum sacrorum liceat dicere. atque ita appellantur præfecti & hierophantæ sacrorum, hoc est *ἐξάρχης καὶ ἱεροφάντης τῶν ἱερῶν*, leg. xiv. Cod. Theod. de *paganis sacrificiis*. vbi perperam hodie scribitur, *hierophantæ agrorum*. Hi sacrorum præfecti & magistri, aliud atque aliud nomen habebant in diuersorum sacris deorum. in sacris Mithræ, sacerdotes omnes vocabantur *patres sacrorum*. apud Eunapium nescio quis philosophus dicitur *πατὴρ τῆς Μιθριακῆς τελετῆς* fuisse. omnium horum patrum siue totius ordinis Mithræ sacerdo-

tum summus erat unus & magister, qui *pater patrum* dicebatur, hoc est primus patrum. in sacris Liberi patris, *Archibucolus*, præfectus & magister sacrorum sacerdotumque indigebatur: in sacris Hecates, *Hierophanta*: in sacris Serapidis, *Ἀρχιεπὶρέτης*: in aliis eorum Deorum sacris qui oracula reddere existimabantur, *Ἀρχιερεὺς καὶ προφήτης*. de quibus nos alibi plura. Ἐξαρχος igitur τῶν ἱερῶν, & τῶν ἱερέων, generalis appellatio est omnium qui sacris præsident, & sacerdotibus præsunt, quos Ἀρχιερεὺς Græci appellant, & ἱερέων Ἀρχιερεὺς. Nam Ἀρχιερεὺς & πρῶτος ἱερεὺς, & ἱερέων Ἀρχιερεὺς & ἱερέων Ἐξαρχος eadem sunt. Ἐξαρχος τῶν ἱερῶν legitur apud Plutarchum in vita Numæ: Ἀρχιερεὺς τῶν ἱερέων in veteri inscriptione ante aliquot annos Diuione effossa in vinea quadam suburbicaria. ita autem habet: Μίθρης ἐν ὀργάνῳ σῶμα τὸ χῶμα καλύπτει Χιωνδώνιακος ἱερέων Ἀρχιερεὺς. δυατέλης ἀπὸ τῶν. Λύσιοι κήνη ὀράσι, qua de inscriptione nos fusius in editione Græcarum inscriptionum. Non aliter aut alio sensu hanc vocem Ἐξαρχος usurparunt sacri scriptores quam exotici. Ἐξαρχον τῆς συνόδου dixere, qui concilio præsidebat, qui concilij primas dicitur in canonibus Ecclesiæ Africanæ. Ἐξαρχον τῶν μοναστηρίων, caput & primatem monasteriorum qui multis monasteriis præerat & archimandritis. sic Ἐξαρχον τῶν ἐπισκόπων metropolitam, qui multos episcopos sub se habebat, & Ἀρχιεπίσκοποι appellarunt. nam πρῶτος ἐπίσκοπος, & Ἀρχιεπίσκοπος & Ἐξαρχος τῶν ἐπισκόπων de metropolita res eadem prorsus erat. in Epistola Iba Edesseni episcopi quæ Chalcedonen-

sis Synodi gestis inserta legitur, ἑξάρχαι τῶν ἐπισκοπῶν
 metropolitæ vocantur: Ἀλλὰ ταῦτις τῶν φιλοφίλων οἱ
 μικταὶ καὶ ὁσίοι βασιλεῖς ἐκέλευσαν τοὺς ἑξάρχους τῶν
 ἐπισκοπῶν εἰς τῶν Εφεσίων πόλιν συναρθῆναι. iidem
 etiam ἑξάρχαι τῶν ἐκκλησιῶν appellantur, hoc est pro-
 uinciarum primates, quia multi episcopi in singu-
 lis prouinciis. Matthæus Blastares de episcopis
 accusatis ex can. xx. Synodi Carthaginensis: μήτε
 ὃ πρὸς τὴν τῆς ἐκκλησίας ἑξάρχον, μήτε μὲν πρὸς τῶν ἐπι-
 σκόπων γινώσκον σκυόσθαι ἀφίκεσθαι φρονήσεις αὐτοῖς καὶ ἐαυτοῖς
 τῶν δικῶν ὁρίεσθαι, ἑξάρχον τῆς ἐκκλησίας metropolita-
 num vocauit, qui primas prouinciæ appellatur cano-
 ne x. Concilij Carthaginensis, vbi hæc eadem
 ferme verba leguntur. eodem modo ἑξάρχον τῶν
 μητροπολιτῶν & ἑξάρχον τῆς διοικήσεως dixere, qui multis
 non solum episcopis, sed metropolitanis præsidet,
 nec prouinciam tantum singularem regit, sed soli-
 dam integramque diœcesim, multas prouincias
 complexam. Atque is est patriarcha diœceseos vel
 primas. Nec dubitandum etiam quin singularum
 ciuitatum episcopi, ἑξάρχαι similiter τῶν ἱερῶν dici
 queant, qui multos sub se sacerdotes siue presby-
 teros habebant. vt enim patriarcha ἑξάρχος est τῶν
 μητροπολιτῶν, & metropolita ἑξάρχος τῶν ἐπισκοπῶν,
 vnde & archiepiscopus dicebatur: sic episcopus
 ἑξάρχος τῶν ἱερῶν, atque etiam ὁρχιερεὺς, sacerdotum
 nempe primus & princeps. nec aliter quam de epi-
 scopo sumitur hæc vox ὁρχιερεὺς in constitutioni-
 bus Clementis. postea de solis metropolitæ & pa-
 triarchis vsurpari cœpit, & κατ' ὁρχεὺς quidem de

patriarchis. hinc ἡγερεστικὸν δίτατοι, ὃ πατριαρχικόν, vt supra notauimus.

Quemadmodum autem tres præcipui gradus erant episcoporum, patriarchæ nempe, metropolitæ, & episcopi: sic tres etiam præcipui gradus & ordines fuere τῆ ἱερατικῆς κατὰ λόγον, episcopi, presbyteri, & diaconi. qui primus & summus gradus erat sacerdotum, is vltimus & infimus fuit episcoporum. primus presbyter dicebatur episcopus: primus episcopus, metropolita: primus metropolita, patriarcha. Episcopus primi ordinis erat sacerdos, reliqui presbyteri secundi: metropolita, primæ sedis erat episcopus, ceteri episcopi secundæ sedis: patriarcha, primæ sedis erat metropolita, ceteri metropolitani secundi. vt primatum episcopus inter sacerdotes tenebat, sic inter episcopos metropolitanus, inter metropolitanos patriarcha. Augustinus: *quid est episcopus nisi primus presbyter, hoc est summus sacerdos?* Ambrosius comment. in Epist. ad Ephesios: *Nam in episcopo omnes ordines sunt, quia primus sacerdos est, hoc est princeps sacerdotum, & Propheta & Euangelista, &c.* Hinc secundi ordinis sacerdos, & antistes ordine in secundo apud Sidonium Apollinarem de presbytero qui secundi ordinis sacerdos, & proximus post episcopum, qui primus & primi ordinis presbyter, vt recte a te animaduersum. quod si sic omnia obseruasses, non ὑπόδρομον Græce dici pro tecta porticu scripsisses, nec hypodromum apud eundem Sidonium pro hippodromo correxisses. sed hæc non sunt huius loci. vt primi autem ordinis presbyter, & primus sacerdos, dicebatur

dicebatur episcopus, reliqui vero presbyteri, *secundi ordinis sacerdotes*: ita & *prima sedis episcopum*, & *primum episcopum* mos erat appellari qui metropoli hoc est primæ ciuitati præsidebat, cum ceteri comprouinciales episcopi, *secunda sedis episcopi* dicerentur. Constantinus Magnus in Epistola ad episcopum Syracusanum qui Siciliæ metropolita fuit: ἡ ἀρχὴ τοῦ ἐκκλησιαστικοῦ Λατρῆσιος τῆς καθ' ἡμέτερον Σικελίας δυνάμεως ἔχοντα συζῆσαι ἑαυτοῖς καὶ δύο τε ἡμεῖς καὶ οὐκ ἄλλοι τῶν ἐκκλησιαστικῶν ἀρχῶν ἐπὶ τῇ δυνάμει, sunt singularum ciuitatum episcopi qui primæ sedis episcopo, hoc est primati siue metropolitano suberant. *prima sedes* & *primatus*, & *principatus* idem est. *πρωτεύειν* Græci vocant, & *πρωτεύων*. qui primatum igitur habebat in prouincia, qui primam sedem tenebat, an non is prouinciæ primas erat? ὡς κωλύει, an poteris nunc negare Mediolanensem episcopum qui primatum & primam sedem in sua prouincia habebat, qui primus episcopus erat, suæ prouinciæ primatem fuisse? vt prima autem sedes in prouincia metropolitani, ita prima sedes in tota diœcesis primi metropolitani dicebatur qui & patriarcha. hinc *primates diœceson* dicti sunt patriarchæ, vt *primates prouinciarum*, metropolitæ. sed de primatibus diœceson paulo post, nunc de primatibus prouinciarum hoc est metropolitanis absoluamus.

Metropolitanum prouinciæ Græci simpliciter *πρωτεύων* appellare consueuerunt. is enim primus episcopus est qui primam & maximam prouinciæ

Bbbb

ciuitatem metropolitani iure administrat, totique adeo prouinciæ præest, & omnes sub se habet episcopos, tanquam omnium caput & primas. Canones Apostolorum can. xxxiii. ὁ ἐπίσκοπος ἐκάστου ἑσθλῆς ἐκκλησίας καὶ τὸν ἐν αὐτῇ πρῶτον καὶ ἰσχυρότατον ὡς κεφαλὴν καὶ μηδὲν τι πρῶτον ἀπὸ αὐτοῦ τῆς ἐκκλησίας γνώμης. de metropolitano intelligit. titulus huius canonis in libris veteribus Latinis de *primatu episcoporum*. qui primatum habet episcoporum totius prouinciæ, qui & archiepiscopus dictus est, an non est primas episcoporum & prouinciæ totius? an non ita recte dici potest? Aristenus in Synopsi canonum Nicenorum, τὸν πρῶτον vocat, qui in sexto Niceno canone dicitur μητροπολίτης. ita enim illum canonem concepit: Εἴ τις ὁ ἐπίσκοπος τῆς τῆς πρῶτης δίχα γνῶμαι γνώμης, μὴ ἔστω ἐπίσκοπος. pro eo quod est in ipso canone, Εἴ τις χωρὶς γνώμης μητροπολίτης γνῶται ἐπίσκοπος, τὸν τοῦτον ἢ μεγάλην σιωπὴν ὡρεῖται μὴ δοῖν εἶναι ἐπίσκοπον, ὁ πρῶτος igitur est ὁ μητροπολίτης. Balsamo ad can. xii. Synodi Chalcedonensis τὸν πρῶτον vocat & interpretatur metropolitam: ὅτι καὶ περὶ οὐκ εἰρηνοῦται εἰς δίχα καὶ πρῶτον πρῶτον, ἢ γὰρ μητροπολίτη καὶ τῇ ἐκκλησίᾳ τῆς πρῆτης ἀπὸ ἐπισκοπῆς εἰς μητρόπολιν, ἐξήγησεν ἑαυτὸν. Si πρῶτον Græci absolute dixerunt pro metropolitano, cur non liceat Latinis pro eodem *primatem* dicere? immo quid est aliud *primas* Latine quam Græce ὁ πρῶτος? & quis porro *primas* apud eosdem Latinos nisi *primus*? sane idem summus & summas. optimus & optimas: supernus & supernas. in gentilibus quoque urbium & prouinciarum hac

forma Latini vsi sunt, vt Rauennatem dicerent pro Rauennensi: Miscnatem pro Miseno vel Misennensi, Thessalatem pro Thessalo vel Thessalico. In nominibus etiam propriis hac terminatione non abstinerunt: nam & *Trophimatem* dixere pro Trophimo, & *Geminatem* pro Geminio, & *Decimatem* pro Decimo, & alia sexcenta. primus igitur & primas idem. Glossæ: *πρῶτος, primi, primates.*

Argumentis probauimus metropolitanos singularum prouinciarum dici posse primates; nunc testimoniis etiam comprobemus ita dictos esse. Vtrumque tu negasti. Notitia prouinciarum Ecclesiasticarum, quæ prouincias omnes totius orbis metropolitanarum recenset, & metropolitanam episcopi Romani primo loco ponit, episcopos per eam prouinciam constitutos solius Romani Pontificis suffraganeos supra sexagenos enumerat, qui *nulli alij primati vel archiepiscopo subiecti fuere.* hæc enim ibi verba leguntur. Ergo suffraganei illi episcopi, Pontificis Romani, & in prouincia Romana positi, episcopo Romano tanquam primati suo & archiepiscopo siue metropolitano subiecti erant: ergo primas ibi idem est quod archiepiscopus vel metropolitaneus: Ergo prouinciæ suæ metropolitanæ primas & archiepiscopus fuit episcopus Romanus. Siricius Epist. iv. ad episcopos Africanos: *primum ut extra conscientiam sedis Apostolicæ, hoc est primatis, nemo audeat ordinare. integrum enim iudicium est quod plurimorum sententia confirmatur. nemo existimet sedem Apostolicam ibi esse Romanam, aut primatem*
 Bbbb ij

a Siricio intelligi Romanum Pontificem. per *primatem* quemlibet metropolitanum siue primæ sedis episcopum significauit Siricius. Hæc enim regula ex Niceno Concilio est, *ut extra conscientiam metropolitani nemo episcopum ordinaret*, *χωρὶς τῆς μητροπολίτου γνώμης*. quod Aristenus & Symeon magister in suis canonum compilationibus dixere, *διχα τῆς τῆς πρώτης γνώμης*: *sine sententia primatis*. Scribit hæc Siricius ad Africanos episcopos: in Africa autem omnes metropolitani singularum prouinciarum, dicebantur *primates*. præterea quem Siricius *primatem* dixit, Innocentius in Epistola ad Victricium Rothomagensem, in eodem canone Nicenæ Synodi referendo *metropolitanum* appellat. Hæc eius verba sunt eadem plane cum Siricij verbis: *primum ut extra conscientiam metropolitani episcopi nullus audeat ordinare episcopum. integrum enim est iudicium quod plurimorum sententiis confirmatur. Primas igitur Siricio est qui metropolitanus apud Innocentium. Apostolicam autem sedem pro qualibet metropolitana sede dixit idem Siricius. omnes enim primæ sedes quales erant metropolitanorum, Apostolicæ olim dicebantur. Basilii Epist. LV. ad Ambrosium Mediolanensem, gratulatur ei quod a iudicibus sæculi translatus sit ad sedem primam Apostolorum: ἀλλ' αὐτὸς σε ὁ κύριος ἀπὸ τῆς κριτικῆς τῆς γῆς, ἐπὶ πλεὺς προεδεῖαι τῆς ἀποστόλων μετέθηκεν. ἢ προεδεῖαι τῆς ἀποστόλων, prima sedes Apostolica. quare Apostolicæ sedis & primæ sedis episcopus, & primas idem est, prouinciæ nempe metropolitanus. Nec metropo-*

litani tantum Apostolici, sed omnes etiam olim singularum ciuitatum episcopi ita vocabantur, & Apostolicæ eorum sedes. id iam a doctis obseruatum est. Sidonius lib. vi. Epist. i. ad Papam Lupum Tricassium episcopum: *Cum post desudatas militiæ Lirinensis excubias, & in Apostolica sede nouem iam decursa quinquennia, utriusque sanctorum ordinis te conclamatissimum primipilarem spiritalia castra venerentur. Ad rem redeamus. primas prouinciæ est metropolitānus. Cælestinus apud Hincmarum primatem metropoleos vocat τὸν μὲν ἑπολίτην: sic ab omnibus prouinciæ coepiscopis, qui a primate suæ metropolis ordinantur, conuenit secundum sacras regulas obediri, & pro eo Dominum supplicari, quoniam incolumitas præsentis, salus est subditorum. Idem Hincmarus primatem Rhemorum prouinciæ se vocat, cap. xvi. Et si aliis primas fortasse non essem, tibi tamen apud te primas esse debueram: nam signaculum primatus mei tu es, quem sine interrogatione primatis alterius, cum consensu coepiscoporum Rhemensis prouinciæ potui ordinare episcopum. eod. cap. paulo superius: attamen velis nolis, sanctus Hormisda tibi ostendet primatem esse huius prouinciæ illum qui in sede beati Remigij apud Rhemorum metropolim est ordinatus episcopus. Idem cap. xvii. quibus & alijs sacrorum canonum & decretis sedis Romanæ claret sententiis, eosdem metropolitanos primates esse singulos singularum prouinciarum, qui ex antiqua ut præmisimus consuetudine, & Apostolica traditione secundum sacros Nicenos canones, & conuocare Synodos & ordinare episcopos, & ordinari a prouincialibus sine cuiusquam alterius primatis interrogatione possunt, &*

disponere regulariter quæque per suas prouincias queant. quorum etiam priuilegium Antiocheni canones manifestant dicentes, ad metropolitanum episcopum sollicitudinem totius prouinciæ pertinere. sequitur apud eundem: illi autem archiepiscopi vel metropolitani qui hæc sine consultu primatis non possunt exequi, archiepiscopi tantum vel metropolitani habentur. ἑξάρχαι quoque ἡ ἐκκλησία apud Græcos, hoc est prouinciarum primates, soli illi dicebantur metropolitani, qui episcopos ordinare poterant sine cuiusquam patriarchæ permissu, ut metropolitani omnes sub patriarcha Constantino-politano, qui ἑξάρχαι sunt dicti, episcopos suos ordinandi potestatem habebant inconsulto ipso patriarcha; reliqui quibus nulli suberant episcopi, metropolitani tantum & archiepiscopi vocabantur, non etiam exarchi, ut superiori capite pluribus ostendimus. Idem Hincmarus cap. xxxvi. quicumque igitur primates prouinciarum a Domino constituti, & Apostolica auctoritate confirmati, sed & quique Catholici episcopi, de certis & manifestis rebus inconuulse seruandas habemus sententias. & paulo post: non ergo ea quæ per me qualemcunque metropolitanum & primatem Rhemorum prouinciæ, ad cuius curam secundum sacros canones, & decreta sedis Romanæ Pontificum sollicitudo pertinet totius prouinciæ. Metropolitanus igitur ille ad quem totius prouinciæ pertinet sollicitudo, Latine primas prouinciæ dicitur, ut Græce ἑξάρχος ἐκκλησίας: ceteri qui metropolitanarum nomine honorati fuerant, metropolitani duntaxat & archiepiscopi, non etiam primates vel ἑξάρχαι vocabantur. itaque non solum qui

diœceses Ecclesiasticas integras regerent, diœce-
seon primates aut exarchi dicti sunt, sed & qui pro-
uincias administrabant, earum nuncupati sunt,
quibus præerant prouinciarum, primates & ἐξάρχαι.
quid hæc contra nunc dicere possis aut hîscere? er-
rare me vehementer scribis, si nullum inter ciuiles
& Ecclesiasticas, vel prouincias, vel diœceses discrim-
men facio. Fateor hoc tibi Sirmonde, vehementer
erro si non facio: sed si facio non erro. ostende pri-
mum me nullum facere discrimen inter ciuiles &
Ecclesiasticas prouincias, tum deinde me argues
erroris. *Erras*, inquis, *si hoc putas*. o bipedum lepi-
dissime, ego tibi dico me non hoc putare, quod illi
qui putant errant; cur igitur me dicis errare? discrim-
men scio fuisse prouincias inter Ecclesiasticas &
ciuiles; & diœceses inter ciuiles & Ecclesiasticas.
quos prouinciarum primates dictos esse aio, non
aliarum quam Ecclesiasticarum fuisse prouincia-
rum metropolitanos intelligo: quos vero diœce-
seon primates vocari dico, non alias diœceses quam
Ecclesiasticas rexisse sentio. an hoc errare est, &
nullum discrimen inter ciuiles & Ecclesiasticas
prouincias diœcesesque agnoscere? Tu solos eos in
Ecclesia primates esse ac dici posse asseris, qui mul-
tas sibi non ciuiles, sed Ecclesiasticas prouincias
subditas habebant. Ego singularum etiam prouin-
ciarum metropolitanos, non solum dici posse,
sed etiam dictos esse earum quas sibi subditas ha-
bebant prouinciarum primates, & heic & in Epi-
stola tibi ostendi. Primates in Galliis vulgo non

eosdem, nec eodem sensu dictos esse demonstraui, quo in Africanis regionibus dicerentur: & cum primates Africanos & Gallicanos in Censura tua eosdem fecisses, & eiusdem ordinis, notum omnibus feci, diuersos fuisse, ac primates per Africam singularum prouinciarum metropolitanos appellatos esse: per Gallicanas vero regiones, non alios vulgo primates vocari consueuisse, quam diœceseon Ecclesiasticarum primates, qui primas scilicet sedes in vnaquaque diœcesi tenerent, quique pluribus prouinciis præessent. Quorsum igitur hoc loco a te iniecta mentio de prouinciarum ac diœceseon ciuilium & Ecclesiasticarum discrimine? quam ad rem istud? non heic agitur an ciuiles tam diœceses quam prouinciæ semper eadem fuerint cum Ecclesiasticis, sed an prouinciarum primates dici possint aut dicti sint, qui prouinciis singulis præsunt, quemadmodum diœceseon primates dictos fuisse fateris qui prouincias regebant. Hic cardo quæstionis est. ad hanc quæstionem nihil pertinet distinctio ciuilium & Ecclesiasticarum administrationum. quis nunc non tecum fatetur omnium canonum sententia illos confutari qui eas non distinguunt? etenim, inquis, *si pro ciuilium administrationum modo ac numero Ecclesiasticæ censendæ sunt, qui factum ut in Gallia, ubi diœcesis olim unica fuit, primates sint multi?* Demus hoc tibi, nec litigemus, vnicam ciuilem fuisse in Gallia diœcesim; multas Ecclesiasticas, atque inde primates esse multos. Concedamus istud etiam, ne rixandum habeamus, in Britannia

tannia insula quum provinciæ quinque ciuiles fuerint, Ecclesiasticas quinque neminem numerare. Donemus hoc quoque tuo magisterio, vt ignorari non oporteat in Africa Cypriani æuo vnicam fuisse prouinciam, quæ Numidiam etiam & Mauritanias duas complecteretur. quodcunque voles tuo arbitratu sume & aufer: vna Ecclesiæ Africanæ prouincia tum fuerit, cum ciuiles essent iam multæ. Ad rem qua de agitur quid hoc facit? an non plures postea etiam Ecclesiasticæ fuere? fateris hoc ipse: non igitur fidiculis torqueberis. Ergo post Constantinum Africana vna non solum ciuilis fuit diœcesis, verum etiam Ecclesiastica, quæ ex pluribus prouinciis non solum ciuilibus, sed etiam Ecclesiasticis constabat. Heic nunc illud quærimus, hoc ad rem solum pertinet vt sciamus, harum prouinciarum singulis qui præerant metropolitani quo nomine sint appellati. Super hoc cardine, vt iam diximus, quæstio vertitur tota. Si singularum Africanæ diœceseos prouinciarum metropolitæ, primates aliquando sunt vocati, nos vicimus, qui metropolitæ omnes, primates prouinciarum fuisse, & per Africam ita passim dictos esse contendimus. si vero primates nunquam fuere nuncupati qui singulis prouinciis Africanis præsidebant, tum tu viceris, atque ego tibi libens ac merito herbam porrexero. quid est? an conditionem hanc quam tibi fero, recusabis? Tu cui persuasum esset, aut qui persuasum nobis velles, non aliud esse primatem quam multarum prouinciarum caput, excepto episcopo Car-

Cccc

thaginensi qui totius Africae prouinciarum primas fuit, nullum alium per Africam metropolitam primatis nomen habuisse affirmabas. quid igitur? quomodo alij vocabantur singularum Africae prouinciarum metropolitæ? *Primæ, inquis, sedis episcopi.* Sed ne quis me tibi imponere censeat, aut tanto miraculo attonitus parum mihi fidei habeat, verba ipsa tua heic referam quibus credat, si quis posset dubitare: *Vna ergo Ecclesiæ Africanæ prouincia tum erat, quum ciuiles essent multæ. postea Ecclesiasticæ etiam plures fuerunt: quarum singulis qui præerant, primæ sedis episcopi vocabantur, id est metropolitani. Horum autem omnium caput, hoc est totius Africae prouinciarum primas, tua etiam confessione, episcopus Carthaginensis, idem videlicet qui prouinciæ vniuersæ præfuerat cum unica tantum esset. Hæc enim primatum est origo. Nam primas quid aliud est quam multarum prouinciarum caput? nihil in his sani. primas diœceseos, multarum prouinciarum est caput. hoc verum: sed primas etiam prouinciæ, siue metropolita dicitur, qui vnus est prouinciæ duntaxat antistes. Episcopus Carthaginensis Africae proconsularis quæ vna fuit ex Africanæ diœceseos prouinciis, primas fuit, hoc est metropolitānus. idem quoque, quia prima illa, cui præerat, totius erat diœceseos prouincia, primus Africae primas fuit, atque etiam vniuersæ diœceseos primas. quod autem scribis ceteris Africanis prouinciis qui præerant, primæ sedis episcopos vocatos esse, primatem vero totius Africanæ diœceseos solum dictum esse episcopum Carthaginensem, an non aut*

iocularis infcitia est, aut mirabilis impudentia? quod enim in vniuersum negaueras, alios dici posse vel dictos esse primates, quam diœceseon rectores, tu propterea solum episcopum Carthaginensem in Africa primatem fuisse vis, reliquos metropolitas non primates, sed primæ sedis episcopos appellatos. nam si primates & illi vocati essent, sequebatur verum esse, quod dixeramus, primates aliter in Africa appellari, aliter in Gallia: nec primates eos tantum esse qui diœcesibus præessent, verum etiam prouinciarum primates vere dictos fuisse qui singulas prouincias regebant. Hoc telum vt exires, non minima tantum veri declinatione opus fuit, sed etiam veritati vis prorsus fuit facienda, vel maxima. aperte enim negari debuit, quod aperte verum esse sciri oportuit. At negarem te Sirmondum esse, nisi aut negares quæ confitenda sunt, aut fatereris quæ neganda. Ego dixeram in Epistola, primates in Africa vocari singularum prouinciarum metropolitas: vt negares primates vocatos, quia tibi istud nocebat, & contra te prorsus faciebat, primæ sedis episcopos appellatos duntaxat asseuerasti, primatem vero totius esse Africæ episcopum Carthaginensem. o versutum, o doctum, o acutum sinciput! nulla sphaera, nullus orbis est, nulla pila, nullus globus est acutior isto Sirmondi-
no acumine. vt doctus docte repperit, vt astute excogitauit rationem qua negaret primates dici metropolitano: primæ sedis eos episcopos appellari affirmauit. Bone vir, bona fide dic, primæ sedis illos

Cccc ij

per Africanam diœcesim episcopos, hoc est metropolititas, an non etiam primates dici potuerunt? an non etiam ita dicti sunt? primæ sedis episcopus quis alius est quam primas? quis porro primas est, nisi primæ sedis aut primus episcopus? si primas primus est, & primus primæ sedis episcopus, primatem quoque & primæ sedis episcopum eundem oportet esse. At tu pro tua ista insigni doctrina, in qua parem & secundum neminem habes, primæ sedis episcopum de solo metropolitano vnius prouinciæ antistite, primatem vero de rectore diœceseos, qui multarum prouinciarum caput est, dici & accipi pronuntias. in singulis prouinciis prima sedes erat, metropolitana ciuitas: ideo primæ sedis episcopus dicebatur metropolitanus. quid? in vnaquaque diœcesi an nulla prima sedes fuit? immo fuit. nam prima ciuitas in prouincia, hoc est metropolis, prima sedes prouinciæ censebatur. sic prima prouincia in diœcesi, hoc est prima metropolis, totius diœceseos prima sedes fuisse censi debet. Lugdunum prima sedes olim Galliarum dicta est, vt infra ostendam. Lugdunensis itaque antistes non solum primas quinque Lugdunensium, sed etiam primæ sedis per totam diœcesim fuit episcopus. vetus versio Concilij Chalcedonensis in veteri Canonum compilatione quæ habetur in membranis Bibliothecæ Thuanæ, ἐξάρχων τῆς διοικήσεως, *primam sedem diœceseos* vere & eleganter reddit. ita enim canonem nonum supradictæ Synodi interpretatus est, qui versionis illius auctor

fuit: Si quis clericus cum clerico causam habeat, & ad iudicia secularia currat, episcopum suum non deferat, sed prius apud episcopum suum examinet causam, aut certe cum voluntate ipsius causa dicatur. apud quos utraque partes voluerint iudicium continebunt. Si quis autem contra hæc venire tentauerit, canonicis interdictis subiaceat. Si vero clericus habeat causam cum extraneo episcopo vel cum suo, apud Synodum provinciae causam dicat. Si autem episcopus aut clericus disceptationem habeat cum metropolitano episcopo, aut ad diæceseos primam sedem recurrat, aut ad sedem Constantinopolitanam apud quam causa dicatur, & apud ipsum iudicetur. Et canonem xvii. eiusdem Synodi idem interpres ita reddidit: si quis autem a metropolitano suo episcopo male tractetur, apud primam sedem suæ diæcesis, vel apud Constantinopolitanam, causam dicat, sicut superius comprehensum est. qui in Græcis canonibus dicitur ἐξ αὐτῆς τῆς διοικήσεως, in ea versione prima sedes diæceseos appellatur. sic non solum primæ sedes metropolitanorum dictæ sunt, sed etiam exarchorum diæceseon. sed & primates non tantum appellati sunt diæceseon exarchi siue patriarchæ, verum etiam prouinciarum exarchi id est metropolitani. primas enim, & exarchus, & primæ sedis episcopus, communes appellationes fuerunt tam patriarchis quam metropolititis. nam vt patriarchæ, exarchi & primates diæceseon fuere, & primas sedes in suis singuli diæcesibus habuere: sic metropolitas, & prouinciarum suarum exarchos siue primates fuisse credendum est, & primas sedes, in illis quibus præerant prouinciis habuisse. Hoc

tam sæpe dictum, quam sæpe redicendum fuit, ut verum id esse docerem te! nunquam tamen disces, nunquam didicisse fateberis: ita contumax & rebellis spiritus ille qui te regit, insanum in modum veritati repugnat.

Sed licet temet in omnia veritas, omnia quamuis facias ut hoc ne facias, velis nolis illud omnino tamen tibi fatendum erit, metropolitanos singularum Africanæ diœceseos prouinciarum, non primæ tantum sedis episcopos, verum etiam primates appellatos esse. rem adeo notam, adeo confessam quam nec pueri nesciunt, te tantum antiquarium vel ignorasse, vel negare potuisse, mirum fortasse aliis videatur quibus notus non es: Ego mirarer, qui te noui, si adeo manifestum quum sit & verum, fateri semel hoc in animum induxisses. Vetus tibi cum pelle pilus exuendus esset. Ceterum quo magis id neges, atque insignitius porro impudens sis, lubet in re cognitissima, atque indubitatissima, nihil aduersus te profuturam testium turbam excitare, & multa heic testimonia congerere quibus constet, non solum archiepiscopum Carthaginensem, quod ais, sed omnes Africæ metropolitanos, quod negas, primates fuisse dictos. Et quid facilius factu quam hoc probare, cum singulæ paginæ Codicis Africanorum canonum plenæ sint huiusce-modi primatibus? canon xvi. ita habet: *Ab vniuersis episcopis dictum est: a nobis veterum statuta debere seruari, sicuti & inconsulto primatu cuiuslibet prouinciæ tam facile non præsumant multi congregati episcopi episcopum ordi-*

nare. an primas cuiuslibet prouinciæ, ibi de solo Carthaginensi intelligendus? an quælibet prouincia de solo proconsulari, in qua Carthago? canon xvii. *Placuit ut Mauritania Sitifensis, ut postulauit, primatem prouinciæ Numidiæ ex cuius cætu separatur, ut suum habeat primatem: quem consentientibus omnibus primatibus prouinciarum Africanarum, vel omnibus episcopis propter longinquitatem habere permissa est. singulæ, ut vides, prouinciæ Africanæ primatem suum habebant. quo igitur ore, qua fronte dicis solum prouinciæ proconsularis metropolitam, episcopum Carthaginensem, primatem fuisse Africæ, atque ita appellatum esse? Primas Numidiæ in superscripto canone vocatur, qui can. x. eiusdem Codicis, primæ sedis prouinciæ Numidiæ dicitur: Valentinus primæ sedis prouinciæ Numidiæ dixit. can. xix. quisquis episcoporum accusatur, ad primatem prouinciæ ipsius causam deferat accusator, nec a communione suspendatur cui crimen intenditur. primatem prouinciæ, ἑξάρχον τῆς ἐπισκοπῆς in hoc canone citando vertit Blaſtares. quis primas ibi prouinciæ, nisi metropolitanus? an de solo Carthaginensi accipiendum contendas? canon xxiii. primæ sedis episcopum cuiusque prouinciæ vocat, quem alij canones primatem cuiusque prouinciæ appellant: ut episcopi trans mare non proficiſcantur, nisi consulto primæ sedis episcopo suæ cuiusque prouinciæ. can. xxviii. quod si & ab episcopis prouocandum putauerint, non prouocent ad transmarina iudicia, sed ad primates suarum prouinciarum, aut ad vniuersale Concilium. Da Sirmonde qui sunt illi prouinciarum primates? an*

qui plures prouincias hoc est diœcesin regunt? tales tu solos debere dici primates affirmabas. Canon LXXIII. *Et scribendum ad singularum quarumque prouinciarum primates, ut quando apud se concilium congregant, istum diem non impediant.* Velim mihi dicas, an primates heic putes non secundi, sed tertij ordinis episcopos esse? Canon LXXVI. *de episcopis qui ad concilia non occurrunt: nisi rationem impedimenti sui apud suum primate reddiderint, Ecclesie suae communionem debere esse contentos.* quis est primas episcoporum, nisi metropolitanus? an in eo canone tu primate censebis esse qui multos sub se habet metropolitanos? Canone sequenti primatis Numidia fit mentio: *De Cresconio Villaregiensi hoc omnibus visum est ut hinc quoque primati Numidiae intimetur, &c.* Primas Numidia an ibi ponitur pro Carthaginensi primate? solum enim hunc in Africa primate dici volebas. Ergo primas Numidia, primas est Carthaginensis, si vera est tua sententia. Nam solus hic primas per Africanas regiones dictus. Canone xxvi. sub finem ita decernitur: *deinde placuit omnibus episcopis qui in hoc concilio subscripserunt, ut matricula & archiuus Numidia, & apud primam sedem sit, & in metropoli, id est Constantina.* Constantina metropolis erat Numidia. prima sedes & metropolis idem. sic *Numidia primas, & Numidia primae sedis episcopus, & Numidia metropolitanus* pro eodem. Hoc negabas: nunc quid facies? D. Augustinus Epist. CLXII. *an forte non debuit Romanae Ecclesiae Melchhiades episcopus cum collegis transmarinis episcopis, illud sibi usurpare iudicium*

iudicium quod ab Afris LXX. ubi primas Tigisitanus præfedit, fuerit terminatum. Si nullus ex tua sententia in Africa primas præter Carthaginensem, cur primas ille Tingitanus apud Augustinum dicitur? idem Augustinus Epist. ccxvii. Tractoria ad me v. Idus Neuembris venit iam finito die, & me valde indispositum inuenit, ut occurrere omnino non possem. Lego in eadem tractoria etiam ad Mauritanias esse scriptum, quas prouincias scimus suos habere primates. errauit beatus Augustinus, quod Mauritaniarum duarum metropolitanos primates vocauit, quia ut Sirmondo placet, primæ sedis episcopi, non primates fuere. Gregorius lib. i. indict. ix. Epist. Lxxii. ad patricium & exarchum Africæ: Concilium vero episcoporum Catholicorum admoneri præcipite, ut primatem non ex ordine loci, postpositis vitæ meritis faciat. Et eod. lib. Epist. lxxv. ad vniuersos episcopos Numidiæ: Et nos quidem iuxta seriem relationis vestræ, consuetudinem quæ tamen contra fidem Catholicam nihil usurpare dignoscitur, immotam permanere concedimus, siue de primatibus constituendis, ceterisque capitulis. quinam erant illi qui primates in Numidia constituebantur? an diæceseon primates, & qui plures prouincias regerent? Age Sirmonde audacter hoc dicito, nihil est homo impudens nisi gnauiter impudens sit. Idem Gregorius lib. ii. indict. xi. Epist. XLVIII. ad Columbum episcopum Numidiæ: Itaque erga primatem Synodi tuæ esto sollicitus ut pueri ad sacros ordines nullatenus admittantur. Primas Synodi est ἐξάρχης τῆς συνόδου: Synodum intelligit prouincialem, cui præsidebat semper

impetitur, nobis modo talia loquatur. De isto Byzaceno primate quid tibi videtur? an præter Byzacenam prouinciam, alias habuit sibi prouincias subditas? ita debuit vt ex tuo præscripto primas esset, aliter non futurus: quod si vnus tantum prouinciæ, hoc est Byzacenæ primas fuit, vñ tibi *κωσπορέσωντε*, qui tam confidenter asseris præter vnum Carthaginensem, nemini per Africanam diæcesim metropolitano primatis tributum fuisse nomen. De his primatibus siue metropolitibus Africanarum prouinciarum corrigendum est apud Photium in Nomo-
 canone capitulum v. tit. i. quod ita vulgo inscribitur: *Περὶ πατριαρχῶν, καὶ μητροπολιτῶν, καὶ τῶν ἐν Αφρικῇ λεγομένων ἐπισκόπων.* vbi ridicule Latinus interpres ita vertit: *de patriarchis, & metropolitanis, & iis qui dicuntur in Africa priuati.* sed magis mirere vitiosam illam lectionem Balsamoni ipsi imposuisse, qui *ἐπίσκοποι* etiam legit, & *ἐν πρεσβυτέρω* interpretatus est: *Ἀφ' οὗτο γὰρ*, inquit, *μένεται ὁ παρὼν κεφάλαιος εἰς πέντε ὑπεργραφῶν καὶ τῶν ἐπισκόπων τῆς ἐν Αφρικῇ Καρχηδόνης. ἐπίσκοποι γὰρ λέγεται καὶ Λατίνοι ὁ ἰδικόν.* nugatur more suo Balsamo. vera lectio illius tituli apud Photium hæc est: *Περὶ πατριαρχῶν καὶ μητροπολιτῶν, καὶ τῶν ἐν Αφρικῇ λεγομένων ἐπισκόπων.* *de patriarchis & metropolitanis, & iis qui in Africa dicuntur primates.* De primatibus Africæ, ita enim metropolitæ in Africa vocabantur, eo capite agere Photium testes sunt Concilij Carthaginensis canones xvii. & xix. quos ibidem subiicit. nam canonis xvii. titulus in Codice canonum Ecclesiæ Africanæ ita conceptus est: *ut una-*

quæque prouincia propter longinquitatem primatem
 habeat proprium. & XIX. hoc modo: ut si quis episcopus
 accusatur, ad primatem ipsius prouinciæ causa deferatur.
 Hi sunt canones quos citauit Photius, qui τῷ
 πρῶτον meminere. legi tamen etiam posset apud
 Photium κθ'. pro λθ'. nam & vigesimus nonus
 canon in Græcis mentionem facit primatum. Hos
 prouinciæ in Africa primates Græcus canonum
 Africanorum interpretes, τοῖς πρῶτοις ἢ πρωτεύουσιν
 τῷ ἐπίσκειν semper vertit, & Balsamo metropolitæ
 interpretatur. idem ad can. XXI. Synodi Carthagi-
 nensis: ταῦτα δὲ κανόνες διεξορμήσας, ἐπεὶ εἰκὸς ἐστὶν εἰπεῖν
 ἱναῖς· ὡς ἐὰν οἱ μητροπολίται, οἵτινες λέγονται καὶ πρῶτοι τῷ
 ἐπίσκειν. metropolitæ, qui etiam dicuntur primates pro-
 uinciæ. & ad canonem XXII. in Græca collectione
 numeratur: ὥστε ἐπισκόπου κατηγορουμένου πρὸς τὸν πρω-
 τεύοντα τῆς αὐτῆς ἐπισκοπῆς τὸ πρῶτον ἀποκρίνωμαι: ut si
 quis episcopus accusatur, ad primatem ipsius prouinciæ causa
 deferatur. ita scribit Balsamo: ἐπεὶ πρῶτον ἐστὶ δι-
 κασίμων τοῖς ἐπισκόποις τὸ τῷ μητρολίτῃ, φησὶν ὁ κερών,
 ὅτι ἐὰν κατηγορῇται ἐπίσκοπος πρὸς τὸν ἱερεῖα, ὁφείλει δικάζεσθαι
 πρὸς τὸν πρῶτον αὐτῆς, ἢ πρὸς τὸν μητρολίτην. apud prima-
 tem ipsius hoc est metropolitam. can. XXVI. πρὸς πρῶτον
 καθεδρῶν, & τὸν πρωτεύοντα, hoc est primam sedem,
 & primatem pro eodem posuit interpretes. Et Bal-
 samo ad eundem canonem: ἀκούων ἢ τῷ κανόνος
 λέγοντος μὲν ψήφισματος ἢ τοῦ διεξιέναι τῷ πρῶτῳ, δηλοῖ ὅτι
 τῷ μητρολίτῃ, ὁφείλει ἀποκριθεὶς τὸν ἐπίσκοπον. sexcentis
 aliis apud eundem locis ὁ πρῶτος τῆς χώρας, ὁ πρῶτος
 τῆς ἐπισκοπῆς, ὁ καὶ χώρας πρῶτος, ὁ πρωτεύων, est pri-

mas prouinciæ siue metropolita.

Cum *πρῶτος* autem & *ἐξάρχης* sit idem, & Græcis metropolitæ passim *ἐξάρχης τῷ ἐπίτῳ* vocentur, vt Latinis primates prouinciarum, operæ pretium est quærere cur Græcus Africanorum canonum interpres, *primates prouinciarum* quorum in illis canonibus adeo frequens occurrit mentio, nunquam *ἐξάρχης τῷ ἐπίτῳ* Græce verterit, sed semper reddiderit, *πρῶτος* ἢ *πρωτεύων*, aut *πρῶτος* ἢ *ἐπίτῳ*. Sciendum est canone xxxix. Synodi Carthaginensis decretum fuisse, ne quis primæ sedis episcopus hoc est primas, princeps sacerdotum, aut summus sacerdos appellaretur: *vt primæ sedis episcopus non appelletur princeps sacerdotum, aut summus sacerdos, aut aliquid huiusmodi: sed tantum primæ sedis episcopus.* Græci principem sacerdotum ibi transtulerunt *ἐξάρχον τῷ ἱερέων*. *ὡς τῷ πρῶτον ἐπίσκοπον μὴ πρῶτον ἐξάρχον τῷ ἱερέων.* Ὡς τῷ πρῶτον καθεδρᾷ ἐπίσκοπον μὴ λέγεσθαι ἐξάρχον τῷ ἱερέων, ἢ ἄκρον ἱερέα, ἢ *πρῶτον* τίποτε, ἀλλὰ μόνον ἐπίσκοπον τῆς πρῶτης καθεδρᾷ. hinc primæ sedis episcopus, & primates, hoc est *πρῶτος* ἢ *πρωτεύων* nusquam in versione sua canonum Africanorum *ἐξάρχης* vocauere Græci. Et propter id etiam Græci commentatores eorundem canonum Zonaras & Balsamo, canonem superscriptum Synodi Carthaginensis ab Ecclesia receptum non fuisse notauerunt, quod in Synodo Sardicensi *ἐξάρχης ἐπίτῳ* de metropolita reperitur: & in Chalcedonenſi *ἐξάρχης τῆς διοικήσεως* de patriarcha, vel vt ipsi volunt de metropolitano. Bal-

famo ad eum canonem qui in Græcis XLII. habetur. ὁ ἐνάτος κλήων τῆς ἐν Χαλκηδὼνι συνόδου ἢ ὁ ἕκτος τῆς ἐν Σαρδικῇ ἐξάρχους ἐπαρχιῶν τοῖς ἐπισκόποις τῶν μητροπόλεων καλούσι. καὶ πρῶτος τοῖς κλήουσι τῆς ἐν Χαλκηδὼνι συνόδου ὡς μεταγμετέρας ὄσης. eadem habet & Zonaras, qui etiam scribit Concilij Chalcedonensis patres, Sardicensem potius Synodum sequutos esse quæ metropolitæ ἐξάρχους τῶν ἐπαρχιῶν vocat, quam Carthaginensem quæ ita appellari vetat. ἐπεὶ δὲ, inquit, ἡ ἐν Χαλκηδὼνι συνόδος, οἰκουμένην δὲ οὖσα καὶ μεταγμετέρας, ἐξάρχους τῶν ἐπαρχιῶν διέσκεται ὀνομάσασα, ἔοικεν ὡς ὅτε ἡσυχαστοὶ τῶν κλήων τούτων ἀλλὰ πολλοὶ ὥς τῆς ἐν Σαρδικῇ. Strenue nugantur isti Græculi. primum Synodus Chalcedonensis non metropolitam, ἐξάρχων τῆς διοικήσεως vocat, sed primatem diœceseos, qui & πατεράρχης dicebatur, & multos sub se habebat metropolitanos. Deinde Synodus Sardicensis non Græce, sed Latine primum edita est. ea cum *primatem prouinciæ* de metropolita dixisset, qui illam in Græcum sermonem transtulere, ἐξάρχων τῆς ἐπαρχίας reddiderunt. Demus Græce quoque eam editam fuisse: ἐξάρχης ἐπαρχίας nihil aliud significat, quam primatem prouinciæ, nec aliter Latine possis vertere. At Synodus Carthaginensis primæ sedis episcopum, hoc est metropolitam, *primatem prouinciæ*, non prohibuit appellari, sed *principem sacerdotum*, aut *summum sacerdotem*. hoc est ἄρχιερέα ἢ ἀρχιεπίσκοπον, aut ἄχρον ἱερέα. ita enim melius Græce Latina illa reddideris, quam per ἐξάρχων τῶν ἱερέων: licet ἄρχιερέας, & ἐξάρχης τῶν ἱερέων idem sit. ἐξάρχης τῶν ἱερέων est pri-

mus sacerdotum : vel primus sacerdos, vel primas. nam ἔξαρχος est πρῶτος. ἔξαρχος est incipere vel præire. vnde ἔξαρχος ὡδὺς, ἔξαρχος θρόνου, & similia. at ἄρχιερεὺς, ὁ ἄρχων τῶν ἱερέων, est princeps sacerdotum. Principem autem sacerdotum Synodi Carthagenensis patres quos Latine scripsisse constat, pro primæ sedis episcopo dici noluerunt, propter homonymiam vocis *princeps*, quæ non solum primum vel primatem significat, sed etiam pro eo sumitur qui regio more imperat, qui ἄρχικῶς καὶ δεσποτικῶς καὶ ἀκυβιβάει τῶν ὑποκειμένων αὐτῷ. *Princeps locus* & de primo loco dicitur, & de loco eius siue dignitate, qui dominatur. hinc *principem locum*, & *Augustum locum* sæpe legere est apud Augustæ Historiæ scriptores, Tacitum & alios, pro eodem positum, de regno nimirum & imperio, vel imperiali maiestate, ut loquutus est Vopiscus, aut Trebellius, nisi fallor. Carthagenenses itaque patres ad typhum coercendum, merito hunc titulum damnarunt *principis sacerdotum*, propter ancipitem huius dictionis significationem, quæ τὸν ἄρχοντα designat, & τὸν πρῶτον. at vox Græca ἔξαρχος, τὸν πρῶτον significat tantum, καὶ τὸν κορυφαῖον. *principem* etiam Latine liceat dixisse, sed ea notione qua princeps pro eo qui primus est accipitur. sic ἔξαρχοι τῆς πόλεως principes ciuitatis, & primates, vel primi ciues, οἱ πρωτοπολιται. & *principatus*, ἢ πρεσβεία vel πρωτοκαθεδρία in Glossis. & *principales cathedrae* in Synodo Carthagenensi pro primis vel primatum sedibus. can. LIII. *Verum & de propria Ecclesia, quæ illis male fauerit, omnino adnitendum,*

ut etiam auctoritate publica reiiciantur, atque ab ipsis principalibus cathedris remoueantur. Græce: καὶ αὐτῇ τῇ πρῶτῳ καὶ ἰδίᾳ ἀποκινουῦται. & can. lxxi. rursum placuit, ut nemini sit facultas relicta principali cathedra ad aliquam Ecclesiam in diœcesi constitutam se conferre. apud Cyprianum in Epistolis principalis cathedra & Ecclesia, de Romana dicitur, quæ & prima sedes. quem Græci igitur ἐξάρχων τῆς ἐπαρχίας dixerunt, Africani primatem prouinciæ vocauerunt, atque hoc nomine metropolitam cuiusque prouinciæ siue primæ sedis episcopum designarunt. Matthæus Blastares etiam ἐξάρχων τῆς ἐπαρχίας Græce dixit, qui in canonibus Africanæ Ecclesiæ, primas prouinciæ appellatur. Notandum est porro nusquam in Africa archiepiscopum de metropolitano dictum fuisse ut in reliquo Occidente. ἀρχιεπίσκοπος vel ἀρχιεπίσκοπος proprie est princeps sacerdotum & episcoporum: ὁ ἀρχὼν τῶν ἱερέων, ἢ τῶν ἐπισκόπων. quem titulum ne metropolitani siue primæ sedis episcopi vsurparent, decreto suo sanxerunt Carthaginenses patres, superscripto can. xxxix. primates igitur in Ecclesiis Africanis, non archiepiscopi, nuncupati sunt singularum prouinciæ metropolitani. in reliquis contra prouinciis Occidentis, ut metropolitani omnes archiepiscopi vocarentur, mos inualuit; primates autem non alij ferme dicerentur, quam diœceseon primates, qui pluribus scilicet prouinciis præessent, quos Græci διοικήσων ἐξάρχων & πατεράρχων διοικήσων nuncupant. in Græcia vero, & per totum fere Orientem soli honorarij metropolitæ, & quibus

būs nulla prouincia suberat, nulli episcopi, vocabantur archiepiscopi. veri enim metropolitæ qui metropolitana ex antiquo ciuitati præsidebant, qui prouinciam, & prouinciæ episcopos sub se habebant, sese metropolitas ciuitatum suarum & prouinciarum ἑξαρχοῖς inscribebant, in hunc scilicet modum: ὁ δεῖνα μητροπολίτης Ἀγκύρας, καὶ ἑξαρχος πάσης Γαλατίας. ὁ δεῖνα μητροπολίτης Νικομηδείας, καὶ ἑξαρχος πάσης Βιθυνίας. ille metropolita Ancyra, & primas totius Galatiæ. ille metropolita Nicomedia, & primas totius Bithyniæ. sic de ceteris. Nicomedia enim metropolis, & prima ciuitas erat prouinciæ Bithyniæ. hinc eius episcopus, metropolitanus dicebatur Nicomediæ, & primas Bithyniæ. Huiusmodi igitur metropolitæ qui reuera ius metropolitaram habebant, archiepiscopi nunquam dicti sunt, sed metropolitæ & exarchi. Archiepiscopi illi dicebantur soli, quorum ciuitates imperator per pragmaticam metropoleos nomine honorauerat. hi honorem ac nomen, non ius nec rem metropolitaram habebant, & archiepiscopi vocabantur. Antiqua editio canonum Concilij Chalcedonensis ex vetustissimo libro Thuanæ Bibliothecæ, can. xii. *Quæcunque vero ciuitates iam per sacras litteras nomine metropolitano funguntur, ipsæ solum honorem consequantur, & is qui huic Ecclesiæ præest episcopus, vocetur archiepiscopus, saluo utique proprio iure quod reuera metropolitana conuenit ciuitati.* In omnibus horum canonum Latinis & antiquis editionibus quæ vulgatæ sunt, nusquam illa verba comparent, *vocetur archiepiscopus*, sed nec

Eccc

in Græcis vllum eorum apparet vestigium, quæ ita
concepta sunt: ὅσα δὲ ἡδὴ πόλεις ἀπὸ γραμμάτων
βασιλικῶν τὰς τῆς μητροπόλεως ἐπιμήθησαν ὀνόματι, μέγας
ἐπολαυέτωσαν τῆς ἡμῆς, καὶ ὁ πᾶν ἐκκλησία αὐτῆς διοικῶν
ἐπίσκοπος, δηλονότι ὁζομύων τῇ κατ' ἀλήθειαν μητροπόλει
τῇ οἰκείων δικαίων. mihi tamen dubium non est quin ea
verba in suo exemplari repererit illius editionis au-
ctor. nec etiam ambigendum quin desiderentur ac
desint in Græco. Nam sine his non satis integram
esse sententiam quilibet videre potest. legendum
igitur, ac reponendum: καὶ ὁ πᾶν ἐκκλησία αὐτῆς
διοικῶν ἐπίσκοπος καλεῖσθαι ἀρχιεπίσκοπος, δηλονότι ὁζο-
μύων τῇ κατ' ἀλήθειαν μητροπόλει τῇ οἰκείων δικαίων. Ex
huius canonis decreto certum est, morem illum per
Græciam & totum Orientem dimanasse, ut archi-
episcopi vocarentur, qui veri non erant metropo-
litani, cum ciuitates, quibus præsidebant, id hono-
ris ab imperatore per pragmaticam adeptæ essent.
Balsamo in responsis de patriarchis: ὁ δὲ Γοτθίας οὐ
καλεῖται ἀρχιεπίσκοπος ὡς ἀρχὴ ἐπισκόπων καὶ παρβολὰς,
ἀλλ' ὡς ἀρχὴ ἐπισκόπων. ὡρίσθη γὰρ πᾶσι τῇ ἀγίῳ καθολίῳ,
ταῖς μὲν ἐχούσαις διοικήσεις πολλὰς πόλεις ὑπὸ ἐπισκόπων
κυβερνωμένας πᾶσι μητροπολιτῶν διδξαγέας, οὓς καὶ πρώτους
οἱ καθότι οὐνομαζοῦσι. ταῖς δὲ μὴ ἐχούσαις ὑφ' ἑαυτὰς πόλεις
πᾶσιν ὑπὸ ἐπισκόπων ἰθυωμένας, παρ' ἀρχιεπισκόπων
ἱερατεύεσθαι. ὥστε μειονεκτεῖν μὲν αὐτὰς τῇ μητροπόλει,
ὑπερτερεῖν δὲ τῇ ἐπισκόπων. Hi archiepiscopi, qui
nullos sibi subditos habebant episcopos, olim a me-
tropolita & exarcho prouinciæ ordinabantur,
eique suberant, id tantum honoris habentes, quod

primi post metropolitā prouinciæ essent episcopi. postea eorum ordinatio ad patriarcham diæceseos translata est. Hinc *ἀρχιεφάροι* etiam dicti sunt, non respectu patriarchæ, cui subiacebant, & a quo ordinabantur, sed metropolitæ, quem superiorem non agnoscebant. caput episcoporum metropolitanus erat, vt metropolitanorum patriarcha. vnde illi episcopi qui nulli metropolitano subiecti erant, *ἀρχιεφάροι* censebantur, & *ἐρχεπίσκοποι* vocabantur. sic metropolitæ *ἀρχιεφάροι* vocati sunt, qui nulli parebant patriarchæ. De illis episcopis autocephalis siue archiepiscopis qui episcopos sibi subditos non habebant, nec ipsi metropolitæ ullis subiacebant, sed immediate a patriarcha ordinabantur, cui & subditi erant, supra multa diximus. *ἀρχιεφάροι* porro etiam vocatos esse docet vetus Notitia prouinciarum Græca Leonis Philosophi & Photij patriarchæ temporibus edita, quæ nondum lucem vidit. Hæc de metropolitæ & archiepiscopis sedi Constantinopolitanæ subiectis ita habet: *Ἐξ ἐκκλησιαστικῆς μητροπολιτικῆς καὶ ἀρχιεπισκοπικῆς ὁπισκοπικῆς περιουσίας ὑπὸ τοῦ ἀποστολικῆς θρόνου αὐτῆς τῆς βασιλείδος πόλεως.* enumeratis quattuor & triginta metropolitæ, quorum primus Cæsariensis, vltimus Hierapolitanus, subiicit: *μέχρι πούτων εἰσὶν οἱ μητροπολῖται, καὶ λοιποὶ ἐντεῦθεν ἄρχονται ἀρχιεφάροι.* & triginta sex ibi recensentur, quorum primus Odyssi ex prouincia Mysiæ, vltimus episcopus Selgæ ex prouincia Pamphylia. hi sunt qui in vulgata Leonis *ἀρχιεπίσκοποι* vocantur. ita enim habet in fine vetus

Eccc ij

illa Notitia: ὁ Δέλκων ἀπὸ τῆς παλαιᾶς λίμνης τῆς
 Δέλκων· οὕτω γὰρ αὐτὴν καλεῖ, Διογηναιοὺς κατονομάζει
 Δέλκων. ἀμαθὺς οὖν τὴν ἀρχιεπισκοπὴν φασὶ Δέρκων ὅ
 ροντι τῇ λ παλαιαμβάοντες. Hæc igitur ἀρχιεπισκοπὴς
 vulgatæ Leonis diatyposeos vigesima numeratur,
 & vocatur ἡ Δέρκων. Sed de his alibi plura. Veri ut
 iam diximus metropolitæ in Græcia, non archiepi-
 scopi, sed metropolitæ & primates, hoc est ἑξάρχαι
 dicebantur. In Africa quoque metropolitanos sin-
 gularum prouinciæ appellari solitos esse testi-
 monia quæ ante retulimus, prorsus euincunt. Ex
 his omnibus, cuius perspicuum est, quod neminem
 fortasse latuit; verissimum esse quod in Epistola
 scripsimus pag. LVI. & LVII. primatem apud Afros
 eundem cum metropolitano fuisse, & primates
 secundum hanc notionem, quam solam Africa
 nouerat, non tertium Ecclesiasticæ dignitatis gra-
 dum, sed secundum constituisse. Vnâ res tunc me
 falsum habuit: Persuaferam mihi id te non esse ne-
 gaturum, ideoque ita scripseram pag. LVI. *Primas*
apud Afros idem qui & metropolita: prima sedes prouinciæ,
metropolis erat: primæ sedis & metropoleos episcopus, primas
& metropolita dicebatur. Quod verum esse adeo cuius ex
Codice canonum Ecclesiæ Africanæ patere potest: ut ne
Sirmondus quidem qui omnia quæ omnibus in confesso
sunt, negare consuevit, id negare ausit. Vide quam præ-
clare de te sentiebam priusquam mihi notus esses!
 Sed spes hæc quam de probitate & candore tuo
 conceperam, cito me delusit. Ecce enim falsum id
 etiam asserere ausus es, quod quin verum esset, ne-

minem eo impudentiæ vel audaciæ processurum speravi, vt negare posset. voces tuas tantæ siue incitiæ, siue impudentiæ testes heic ponam. cum sine auctore, sine teste dixisses, primæ sedis episcopos in Africa dictos esse singularum prouinciarum metropolitanos, solum vero Carthaginensem archiepiscopum primatem fuisse appellatum, hæc verba addidisti: *quæ cum ita sint, an non falsum est, quod scripsisti, primates apud Afros secundi tantum ordinis episcoporum gradum fuisse, non etiam tertij?* Hæc cum ita sint Sirmonde, an non verum est, te id esse quod sentio, sed nolo dicere? ὦ καλὲ θεέ, tantane quemquam veritatis inficiandæ κακοδαμνία tenere potest, vt cum dies est, noctem esse; cum nox est, lucere solem affirmare velit? Solus hoc tu posses facere: nam quæ vera negas, vera non minus, nec minus clara sunt.

Primates prouinciarum, metropolitanos omnes fuisse, atque ita in Africa etiam appellatos esse, satis probatum est. Primates diœceseon patriarchas quoque nuncupatos nunc probandum est. Quod vbi probauerimus, non facile constabit inter metropolitanos prouinciarum primates; & patriarchas, diœceseon primates, nullum medium dari primatum gradum posse, qui nec metropolitani fuerint, nec patriarchæ. Heic dicis nec de exarchis antea te inficiatum esse, nec de primatibus nunc abnuere, quin patriarcharum etiam nomen illis aliquando tributum sit. de exarchis nocere amplius non potes. satis iam ab hac parte retususes. in primatibus non minus hebes & obtusum tuum acumen. nam

primates Latine iidem sunt plane qui ἑξάρχαι Græce. quod autem primates & exarchos absolute dici tibi persuades genus quoddam episcoporum, qui proprium gradum obtinerent inter metropolitā, & patriarchas, quam falso hæc te inuasit persuasio, iam ostendimus. nulli enim primates aut exarchi dicti, nisi qui vel prouinciarum primates essent, ut metropolitani; vel diœceseon, ut patriarchæ. At enimvero quod primatibus illis tuis imaginariis, patriarcharum nomen aliquando tributum esse fateris, id non satis est: primates quippe diœceseon illi de quibus intelligis, non solum patriarchæ passim appellati leguntur, sed etiam veri illi legitimi que patriarchæ quibus solis patriarcharum nomen concessum fuisse vis, primates nuncupati sunt. & sane primates reuera fuere suarum diœceseon. Hæc enim omnino conuertuntur: primas diœcesis, quilibet, etiam patriarcha dicebatur: & quicumque patriarcha dictus est, etiam primas fuit diœceseos. idem erat & de exarcho diœceseos apud Græcos. omnes ἑξάρχαι διοικήσεων etiam πατριάρχου nomen usurpabant; omnes vero πατριάρχαι, etiam ἑξάρχαι διοικήσεων erant ac dicebantur. Hinc ἑξάρχης τῆς διοικήσεως & πατριάρχης τῆς διοικήσεως pro eodem. sic apud Latinos *primas diœcesis*, & *patriarcha diœceseos* idem. Sed inter omnes illos exarchos ac primates siue patriarchas diœceseon, quinque numero primarij ac præcipui fuere, qui primatum principatumque obtinebant, ac ceteris dignitate antistabant, primasque sedes tenebant. Hinc patriarchæ

καὶ ἑορτὴ dicti sunt, quod inter plures eiusdem
 nominis & ordinis patriarchas emerent & excel-
 lerent. Hos primarum porro sedium primarios pa-
 triarchas, primates etiam appellatos esse, & primates
 reuera suarum singulos dioceseon fuisse adeo cer-
 tum est, ut nullos alios primates dici velit Felix II.
 in Epistola nobis paulo ante citata, quam qui pri-
 mas illas sedes regerent, patriarchas. Clemens in
 Epist. 1. ad Iacobum fratrem Domini & episcopum
 Hierosolymitanum, primates & patriarchas eos-
 dem facit: *In illis ciuitatibus in quibus olim apud Ethnicos
 primi Flamines eorum, atque primi legis doctores erant,
 episcoporum primates poni vel patriarchas, qui reliquorum
 episcoporum iudicia, & maiora quotiens necesse foret, ne-
 gotia in fide agitent. & paulo post: in illis autem ciui-
 tatibus in quibus dudum apud praedictos erant Ethnicos
 eorum archisflamines, quos tamen minores tenebant quam
 memoratos primates, archiepiscopos institui praecepit, qui
 non tamen primatum, sed archiepiscoporum fruerentur
 nomine.* Hic vides patriarchas & primates eosdem
 esse, archiepiscopos vero, hoc est metropolitas ab
 illis diuersos. sequitur in eadem Epistola: *Episcopo-
 rum quoque iudicia, ut superius memoratum est, & maiora
 Ecclesiarum negotia si ipsi reclamauerint, aut aliquem ti-
 morem, aut istos vel alios suspectos habuerint, ad iam dictos
 primates vel patriarchas, ne aliquis innocenter periret,
 transferri perdocuit.* Anacletus successor Clementis
 Epist. 1. ad omnes episcopos & ceteros fideles: *Si
 autem negotium fuerit Ecclesiasticum, apud episcopos in-
 terueniente primato, si maior causa fuerit; si vero minor,*

metropolitano. Primatem eundem cum patriarcha facit, ac diuersum a metropolitano. Idem Epist. II. ad vniuersos episcopos in Italia constitutos: & in capite prouinciarum ubi dudum primates legis erant seculi, ac prima iudiciaria potestas, &c. ipsis quoque in ciuitatibus vel locis, patriarchas vel primates qui vnā formam tenent, licet diuersa sint nomina, leges diuinæ & Ecclesiasticæ, poni & esse iusserunt, ad quos episcopi, si necesse fuerit, confugerent, eosque appellarent, & ipsi nomine primatum fruerentur, & non alij. reliquæ vero metropolitana ciuitates, quæ minores iudices habebant, licet maiores comitibus essent, haberent metropolitanos suos, qui prædictis iuste obedirent primatibus. Idem Epist. III. Episcoporum ordo vnus est, licet sint primates illi qui primas ciuitates tenent, qui & in quibusdam locis patriarchæ a nonnullis vocantur. Hincmarus cap. XVII. rebellantes quoque episcopi aduersus metropolitanos siue archiepiscopos suos, his enim duobus nominibus huius excellentiæ dignitas designatur: itemque metropolitani vel archiepiscopi aduersus primates vel patriarchas qui in his duobus nominibus vno prioratu funguntur. Idem eodem cap. Patriarchas quoque vel primates qui duobus his nominibus in vnius prioratus funguntur officio, non solum aduersus tertiam & secundam sedem, verum & contra primam & Apostolicam legimus se extulisse, adeo ut episcopus Constantinopolitane ciuitatis olim Heracleotis suffraganeæ contra regulas tertiæ sedis episcopum ordinare præsumpserit, & secundæ sedi se a Synodo, & ab imperiali potestate præferri contra regulas obtinuerit. Innocentius tertius in Epist. ad archiepiscopum Bulgaricæ: te quoque in regno Bulgarorum & Blancorum

*Blancorum primatem statuimus, & Ecclesia Trinouitane
 presenti priuilegio auctoritatem concedimus primatie, sta-
 tuentes ut tu & successores tui, qui tibi in Apostolicæ sedis
 deuotione successuri sunt, ceteros metropolitanos Bulgariæ
 & Blancia præcellatis ratione primatis, & ipsi tibi & eis
 iuxta formam canonicam reuerentiam primati debitam
 exhibeant, & honorem: fraternitatem tuam scire volentes,
 quod apud nos hæc duo nomina, primas & patriarcha pene
 penitus idem sonant, cum primates & patriarchæ teneant
 unam formam, licet nomina sint diuersa. Leo nonus in
 Epistola ad Venetiæ & Histriæ episcopos, Graden-
 sem Antistitem primatem & patriarcham vocat. pri-
 mas igitur idem qui & patriarcha, qui plures scilicet
 prouincias sub se habet Ecclesiasticas, & multis
 caput est metropolitanis. Anonymus de subcælesti
 Hierarchia lib. i. cap. xvii. attende tamen quod episcopus
 senatum habet unicum, videlicet presbyterorum siue Ec-
 clesiæ. metropolitanus autem eundem habet pro sua diœcesi,
 & cum hoc suffraganeorum suorum in sua prouincia.
 Primas vero cum his duobus & tertium habet metropo-
 litanorum omnium suæ primatiæ. Hic supremus gra-
 dus Ecclesiasticarum dignitatum, & primas idem
 qui patriarcha. idem auctor lib. i. cap. x. prima-
 tiales Ecclesias vocat, præcipuas & primarias illas
 quinque quarum antistites patriarchæ dicebantur
 κατ' ἔξω, velut ἡ αἰρεσι καὶ ἡ ἐξω patriarchæ. Leo
 in Epistola ad Theodorum episcopum Foroju-
 liensem primates in supremo ac primo ordine col-
 locat, nec plures tribus gradus statuit: Sollicitudinis
 quidem tuæ iste ordo esse debuerat, ut cum metropolitano*

Ffff

tuo primitus de eo quod quærendum esse videbatur conferres; ac si id quod ignorabat dilectio tua, etiam ipse nesciret, instrui vos pariter posceretis; quia in causis quæ ad generalem obseruantiam pertinent, nihil sine primatibus oportet inquiri.

Hoc sensu in Galliis primates dici moris erat, non qui singulis prouinciis præerant metropolitanos, sed qui ex duabus aut pluribus prouinciis primam quamque regebant, ac pluribus metropolitans præsidebant. In Africa primas dicebatur qui primam in vnaquaque prouincia ciuitatem hoc est metropolim curabat: in Galliis primas ille solus solitus appellari qui primam cuiuslibet diœceseos Ecclesiasticæ prouinciam administraret. Ex quinque Lugdunensibus, qui primæ Lugdunensis metropolitani antistes fuit, idem quoque reliquis Lugdunensibus iure ac nomine primatis præfuit, atque etiam patriarcha dictus est: nam primas hac notione, etiam patriarcha dicebatur. vt apud Græcos ἐξάρχος τῆς διοικήσεως & πατριάρχης iidem esse censebantur: primas diœceseos, & patriarcha. In Concilio Matisconensi secundo Priscus episcopus Lugdunensis qui Concilio præsidebat, patriarcha nominatur his verbis: *Priscus episcopus patriarcha dixit: Gratias agimus Domino Deo nostro, fratres & sacerdotes mei, qui nos in hac die congregans alterna nos fecit sospitate gaudere. Ceteri episcopi metropolitani responderunt: Gaudemus frater sanctissime, quod omnes episcopi qui in regno Guntramni regis episcopali honore fungantur, in vno se conspiciunt coadunati concilio. Vniuersi episcopi*

dixerunt : Gratulamur & nos patres sanctissimi, qui per interualla temporum separati, hodie noscimus post tot temporum curricula fraterna dilectione corporaliter iungi. Habes heic episcopos, metropolitanos, patriarcham, hoc est primatem siue primum metropolitanum. sic ex duabus Aquitaniis, primæ Aquitaniæ præsul, Bituricensis episcopus primas & patriarcha olim dictus est, atque ita etiam hodieque dicitur. & sic de ceteris. nam ex pluribus vnius diœceseos metropolitanis, qui primus inter eos erat, is primatum habebat, & primas dicebatur, cum ceteri metropolitani tantum & archiepiscopi nuncuparentur. Lugdunensis prouincia omnium quondam Galliæ prouinciarum prima fuit. hinc Lugdunensis episcopus primas quoque Gallicanorum episcoporum, quia Lugdunum prima sedes esset Galliarum. Gulielmus Britto in Philippeide :

Et Lugdunensis quo Gallia tota solebat,

Vt fama est, primate regi.

Temporibus Victoris Romanæ sedis episcopi, qui sub Commodo sedit, cum de Paschatis celebratione quæstio Ecclesias per vniuersum orbem agitaret, multa concilia ad eam conciliandam controuersiam congregata fuere, tam in Orientis quam Occidentis prouinciis. Concilio quod in Gallia ad eam rem celebratum est, præfuisse Eirenæum Lugdunensem episcopum legimus apud Eusebium Hist. Eccles. cap. xxiii. καὶ τῷ ἐπὶ Ρώμης δ' ὁμοίως διήντα ἐν τῇ αὐτῇ ζητήματι, ἐπίσκοπον Βίκτορα δηλοῦσα. τῷ τε καὶ τῷ Πόντον ἐπίσκοπον ὡν Γάλλιας ὡς ἀρχαιότατος

παρυστέτακτο. καὶ ἦν καὶ Γαλῖαν ὃ παρυσικῶν, αἱ Εἰρηνῶνος
 ἐπεσκόπει. & cap. xxvi. ἐν οἷς καὶ ὁ Εἰρηνῶνος ἐκ παρυσίου
 ὧν λέγειτο καὶ πάλιν Γαλῖαν ἀδελφῶν ἐπιστεῖλαι, παρίσταται
 μὲν δὲ δεῖν ἐν μηνί τῇ τῆς κυριακῆς ἡμέρᾳ, δὲ τῆς κυρίου
 ἀναστάσεως ἐπιτελεῖται μυστήριον. Vetus Notitia manu-
 scripta quæ totius imperij Romani diœceses re-
 censet, & quæ in quibusque diœcesibus primæ pro-
 uinciæ essent adnotat: in *Gallia prouinciæ* xvii. *prima*
Lugdunensis. Hinc in veteribus nummis Lugduni-
 culis LVGDVNVM PRIMA SEDES GALLIA-
 RVN visitur appellata. in veteri tamen Notitia
 vtriusque imperij quæ tempore filiorum Theodo-
 sij scripta videtur, non Lugdunensis prouincia
 in dinumeratione Galliarum prima ponitur, sed
 Viennensis: Nam secundo loco Lugdunensis post
 Viennensem ibi numeratur hoc modo: *Prouinciæ*
Galliarum decem & septem: Viennensis, Lugdunensis pri-
ma, Germania prima, Germania secunda, &c. & alio
 loco: *sub dispositione viri spectabilis vicarij septem pro-*
uinciarum: Consulares Viennensis, Lugdunensis primæ,
Germaniæ primæ, Germaniæ secundæ, Belgicæ primæ,
Belgicæ secundæ. Et sane sciendum est prouinciā
 Viennensem illo tempore primam extitisse, & pri-
 matum habuisse omnium Galliæ prouinciarum. In
 prouincia porro Viennensi de primatu duæ ciuita-
 tes contenderunt, Vienna & Arelate. Quin prima
 antiquitus fuerit totius prouinciæ metropolis &
 prima ciuitas Vienna, nullum dubium est, ut pote
 quæ & prouinciæ dederit nomen. Hæc *maxima*
Galliarum appellatur in vetustis nummis quos vidit

v. CL. Nic. Peyresius Aquensis senator: S. M. VIEN-
 NA MAXIMA GALLIARVM. maiores ciuitates
 dicebantur in singulis prouinciis αἱ μητροπόλεις.
 Maxima vero totius diœcesis ciuitas, illa metro-
 polis erat quæ ceteras metropoles dignitate ante-
 cedebat, & primatum super omnes habebat. Vt
 Viennensis prima tunc temporis fuit prouincia
 Galliarum diœceseos, sic Vienna prima & maxima
 totius Galliæ ciuitatum ac metropoleon. Hinc
 Viennensis Antistes *primas primatum* vocatus est,
 quod inter Galliæ primates primus esset. nam *primas*
primatum idem est quod primus primas, vt episco-
 pus episcoporum, primus episcopus: pater patrum,
 primus pater: consul consulum, primus consul:
 ὁ πρῶτος τῶν πρῶτων, ὁ δευτερος ὁ πρῶτος. Ceterum
 aduersus Viennam antiquam & veram prouinciæ
 Viennensis metropolim & caput, ἡ δευτεία sibi
 vindicauit Arelate, ac de iure etiam metropolita-
 no, & episcoporum per vniuersam prouinciam
 ordinatione controuersiam Viennensi mouit Are-
 latensis antistes; non aliam puto ob causam, nec
 alio subnixus priuilegio, quam quod præfectus
 prætorio Galliarum sedem in Arelatensi ciuitate
 haberet. sub vmbra igitur præfecturæ hanc sibi
 prærogatiuam adrogauit. quando autem & sub qui-
 bus imperatoribus Arelate facta sit metropolis se-
 ptem per Gallias prouinciarum & præfecturæ sedes
 esse cœperit, incertum est: nisi quod certissimum
 post Constantini Magni tempora, aut Theodosij,
 si forte ab aliquo filiorum eius id ei honoris ac

priuilegij conlatum fuisse. A Constantino Tyranno *Constantinam* eam appellatam, & hoc illi priuilegium metropoleos attributum quidam volunt, sed falluntur. in Constitutione Honorij & Theodosij ad Agricolam præfectum prætorio Galliarum metropolis septem prouinciarum appellatur, ac decernitur, vt quotannis in metropolitana vrbe, hoc est in Arelatenſi ciuitate, septem prouinciæ incipiant habere concilium. In eadem pragmatica testantur iidem imperatores non tam id de nouo se constituere, quam incuria temporum omissum & desidia Tyrannorum interruptum reparari decernere: *ſi quidem*, inquiunt, *hoc rationabili plane probatoque consilio vir illustris præfectus Petronius obseruari debere præceperit, quod interpolatum vel incuria temporum vel desidia Tyrannorum reparari solita prudentiæ nostræ auctoritate decernimus.* Petronius ille sub Arcadio & Honorio vicarius primo Hispaniarum, mox & præfectus prætorio Galliarum fuit, vt ex hoc loco apparet. iam tum igitur non Viennensis tantum prouinciæ, sed sex etiam reliquarum metropolis habebatur Arelate in ciuilibus, & in ea vrbe præfectus prætorio Galliarum sedem habebat. Atqui circa eadem tempora etiam de primatu ἐν τοῖς ἐκκλησιαστικαῖς, cum Viennensi certare cœpit in Concilio Taurinensi quod celebratum est anno Christi cccxcvii. & hanc contentionem ita Synodus diremit, vt primatus dignitatem illa ciuitas sibi vindicaret, quæ se eius prouinciæ metropolim ostenderet: adeo tunc certum non erat, quænam

ex illis duabus Ecclesiis, metropolis esset. Vienna, ut apparet, antiquitate se tuebatur; Arelate noua dignitate, & præfecturæ sede. Liber sane vetus Arelatensis cuius mihi copiam fecit clarissimus Peyresius quî auctoritates continet tam Augustorum quam Paparum de priuilegiis Ecclesiæ Arelatensi concessis, antiquiores Augustos non exhibet eorum priuilegiorum auctores Theodosio Honorioque; nec anteriorem Papam Zosimo. In fronte libri posita est constitutio illa Theodosij & Honorij cuius ante fecimus mentionem, quam sub nomine Fl. Constantini Tyranni edidit Scaliger in Aufonianis lectionibus. ea data est ad Agricolam præfectum prætorio Galliarum, Honorio XII. & Theodosio VIII. Augg. c o s s. hoc est anno Domini ccccxviii. Vt ut sit, siue a Constantino Magno, a quo Constantina appellata est, siue ab alio quolibet, certe post Constantinum imperatorem hoc honoris & priuilegij adepta est Arelate, ut metropolis esset in prouincia Viennensi: sciendum est primo honorem tantum & nomen metropoleos, non etiam iura consequutam esse, ut omnes ciuitates quæ in metropoles erigebantur per litteras sacras, siue pragmaticam. Postea aliquid plus ambiuit, nec solo honore contenta, de iure etiam metropolitico aduersus verum & antiquum metropolitam Viennensem episcopum certare ausa est, ut supra diximus. & sane contra eum id obtinuit, ut prouinciam partiretur, qua in re fauentes & propitios habuit Pontifices maximos, quorum primus Zosimus vices

suas per Gallias Arelatensi episcopo commisit, & Viennensem, Narbonensem primam & secundam prouincias pontificio eius subiecit. Hoc legere est in Epistola Zosimi ad vniuersos episcopos per Gallias & septem prouincias constitutos, quæ in eodem libro Arelatensi habetur, quamque Baronius Annalibus suis inseruit ad annum Christi ccccxvii. Metropolitana vrbs appellatur septem prouinciarum in constitutione superscripta Honorij ac Theodosij, & conuentus ex septem illis prouinciis in ea quotannis agi iubetur. Valentinianus & Honorius *matrimonium Galliarum* eam in quodam rescripto nuncuparant. Libellus supplex ab vniuersis episcopis metropolis Arelatis missus ad Leonem Papam pro priuilegiis Ecclesiæ Arelatensis: *Hanc clementissimæ recordationis Valentinianus & Honorius fidelissimi principes, specialibus priuilegiis, & ut verbo ipsorum utar, matrimonium Galliarum appellando decorarunt. Matrimonium Galliarum, idem est, quod mater Galliarum, ita enim in duobus manuscriptis, Arelatensi & Autisiodorensi disertim legitur. nam ut testimonium pro teste, sic matrimonium pro matre. ita etiam matrimonium pro coniuge vel matrefamilias: ut matrimonia Cæsarum apud Largum Scribonium, & matrimonia militum apud Aurelium Victorem, sunt coniuges Cæsarum & militum. ut autem a sancto, sanctimonium: a mendico, mendicimonium: a teste testimonium: a mæcho mæchimonium, ἡ μοιχία apud Laberium: sic a matre matrimonium, ἡ μητρότης. matrimonium igitur Galliarum, est mater siue metropolis Galliarum.*

Galliarum. Nam ita etiam proprie appellata est Arelate. Idem libellus supplex: *cuius honoris obtentu Ecclesiam Arelatensem omnes decessores prædecessoresque nostri veluti matrem debito semper honore coluerunt.* in vetustis monumentis *sancta mater Ecclesia Arelatensis* vocata semper occurrit. Gregorius primus Arelatensem episcopum, *metropolitanum Gallie* vocat. lib. v. indict. xiv. Epist. LIII. *ad Virgilium episcopum metropolitanum Gallie.* metropolis igitur, & mater, & matrimonium idem. Lugdunum dicta est *prima sedes Galliarum: Vienna, Maxima Galliarum: Arelate, mater Galliarum.* quæ tres voces idem omnino significant, & primatum vrbibus quæ his nominibus vocatæ sunt, vindicant. Nam quæ prima sedes est diœceseos, eadem & maxima totius diœceseos ciuitatum, & prima, & metropolis siue mater vrbium omnium diœcesis vniuersæ.

Septem porro illæ prouinciæ Galliarum. quarum iudices singulis annis ex constitutione Honorij, Concilio quod in metropolitana, hoc est in Arelatensi vrbe, haberi solebat, interesse tenebantur, istæ fuerunt: Viennensis, Narbonensis prima & secunda, Aquitania prima & secunda, Nouempopulana, & Alpes Maritimæ. His septem prouinciis si addas quattuor Lugdunenses cum Maxima Sequanorum, vtramque Belgicam, vtramque Germaniam & Alpes Graias, septemdecim habebis prouincias, in quas tunc vniuersa Galliarum diœcesis diuidebatur. quam diuisionem qui ad Augustum referunt viri magni magnopere falluntur. Tot numero

Gggg

prouincias Galliarum diœcesi tribuit vtriusque imperij Notitia, quarum prima, vt dixi, Viennensis. Septem autem illæ prouinciæ supra memoratæ, quæ quotannis ad conuentum in Arelatensi vrbe celebrandum iudices suos & honoratos mittebant, a Galliis vulgo distinguebantur. Galliarum siquidem nomine decem tantum prouinciæ quas paulo ante diximus comprehēdebant tunc temporis homines, atque ita loquebantur, *Gallia & septem prouincia*. Liber Arelatensis cap. ii. *Zosimus vniuersis episcopis per Gallias & septem prouincias constitutis*. & cap. xii. *Zosimus Aurelio & vniuersis episcopis per Africam constitutis*. *Vniuersis episcopis per Gallias & septem prouincias constitutis*. *Vniuersis episcopis per Spanias constitutis*. Epistolæ ii. Bonifacij qui Zosimo successit, hæc inscriptio est: *Bonifacius episcopus Patroclo, Remigio, Maximo, Hilario, Seuero, & ceteris episcopis per Gallias & septem prouincias constitutis*. Corrigenda itaque est Notitia imperij apud quam hodie sic legitur: *sub dispositione viri illustris præfecti prætorio Galliarum diœceses infra scriptæ. Hispania septem prouincia. Britannia*. scribe ac distingue: *Hispania, Gallia & septem prouincia, Britannia*. Hoc enim ab illis mutatum qui ignorabant Galliarum & septem prouinciarum nomine vniuersam Galliarum diœcesim decem & septem prouincias complexam designari. Emendari similiter debet eadem Notitia, & alio loco vbi sic habet: *sub dispositione viri spectabilis vicarij septem prouinciarum*. non septem tantum prouinciæ sub illo vicario erant, sed decem & septem, & totidem ibi subii-

ciuntur. Legendum igitur: *sub dispositione viri spectabilis vicarij Galliarum & septem prouinciarum.* Et sardecem & septem prouinciæ, quæ sub eius ei dispositione, ibidem enumerantur, quarum decem, vt dixi, sub nomine Galliarum comprehendi solebant, aliæ septem a Galliis vulgo distinguebantur. Hoc eodem vitio mendaque laborat verus inscriptio quæ huius vicarij Galliarum meminit hoc modo: **CONSVLARI CAMPANIÆ VICARIO PER GALLIAS SEPTEM PROVINCIA RV M.** Non septem ille prouincias vicarius per Gallias administrabat, sed vniuersam pro præfectis Galliarum diæcesim regebat. quare inferenda particula **ET** quæ omissa est a transcriptoribus, in hunc modum: **VICARIO PER GALLIAS ET SEPTEM PROVINCIA RV M.** Possit aliquis fortasse an arbitrari compendioso loquendi genere vulgo tunc septem prouincias de tota Galliarum diæcesi quæ septem & decem complectebatur, dici consueuisse, quod illæ scilicet septem prouinciæ præcipuæ essent totius Galliæ. Hoc ego non putem, & verisimile non est. Verius est hæc loca corrupisse male feriatos homines qui genus illud loquendi non intelligebant. Sciendum tamen est, quidquid in concilio & conuentu septem illarum prouinciarum, qui Arelate agebatur, decretum fuisset, id per omnes Galliarum diæceseos prouincias obtinuisse, ac seruatum fuisse. atque ita sanciant Honorius & Theodosius Impp. Constitutione illa quam supra memorauimus. ita enim scribunt: *cum ergo huic seruat*

Gggg ij

ciuitati quidquid habet terra præcipuum, ad hanc velo, remo, vehiculo, terra, mari, flumine deferatur quidquid singulis nascitur: quomodo non multum sibi Gallia nostræ præstitum credant, cum in ea ciuitate (Arelatensi) præcipiamus esse conuentum, in qua diuino quodammodo munere commoditatum, & commerciorum opportunitas tanta præstatur. & clarius initio constitutionis: Tum quidquid tractatum fuerit, & discussis ratiociniis constitutum, nec latere potiores prouincias poterit, & parem necesse est inter absentes æquitatis formam iustitiæque seruari. quæ sunt illæ absentes prouinciæ inter quas eandem iustitiæ & æquitatis formam seruari præcipit? illæ nimirum quæ ad conuentum non mittebant: Nam solæ septem prouinciæ ad illud concilium legatos mittere cogeantur. eadem constitutio circa finem: Vnde illustris magnificentia tua & hanc præceptionem nostram, & priorem sedis suæ dispositionem sequuta, id per septem prouincias in perpetuum faciet custodiri, ut ab Idibus Augustis, quibuscunque mediis diebus, in Idus Septembris in Arelatensi vrbe nouerint honorati vel possessores iudices singularum prouinciarum annis singulis concilium esse seruandum. quidquid igitur in eo concilio septem prouinciarum tractatum, discussum ac decretum foret, inter absentes etiam, id est eas prouincias quarum iudices aut legati ad concilium non veniebant, seruabatur. atque hæ sunt quæ potiores prouinciæ ibi nominantur. sed quare potiores? an non illæ potius potiores quæ conuentum illum frequentabant, & formam legemque ceteris, quæ non aderant, præscribebant? In duobus antiquis

codicibus quos vidimus, Arelatenſi & Autifiodorenſi, non *potiores*, ſed *notiores* ſcriptum habetur. omnino ſcribendum: *Tum quidquid tractatum fuerit, & diſcuſſis ratiociniis conſtitutum, nec latere remotiores prouincias poterit, & parem neceſſe eſt inter abſentes æquitatis formam iuſtitiaque ſeruari.* hæc indubitate vera eſt lectio. remotiores & abſentes prouinciæ quæ concilio ſcilicet ſeptem prouinciarum in Arelatenſi vrbe celebrando quotannis, non intererant, ſunt reliquæ decem Galliarum prouinciæ quæ proprie ſub Galliarum nomine comprehendebantur, & ab illis ſeptem, quarum conuentus in metropolitana ciuitate ſingulis annis cogeſcebatur, diſtingui ac ſeparari ſolebant. Hæ ſeptem prouinciæ, quarum metropolis erat Arelate, & prima prouincia Viennenſis, iunctæ cum decem Galliarum prouincijs, decem & ſeptem prouincias diœceſeos Galliarum efficiebant. de quibus ſeptemdecim prouincijs intelligere debemus cum legimus, *Gallias & ſeptem prouincias* apud auctores. Falfum quippe eſt, quod doctiſſimi viri opinantur, Gallias omnes in quibus ſeptemdecim prouinciæ numerabantur, ſeptem prouinciarum nomine comprehendendi. falſiſſimum etiam quod iidem volunt, hanc ſeptem prouinciarum ſub filiis Theodoſij Magni primum notam natamque diuiſionem, manafſe ex antiqua Galliarum in ſeptem prouincias diuiſione, quæ olim obtinuerit. Demus Galliam quondam in ſeptem prouincias fuiſſe diuiſam, ſeptem illæ prouinciæ totam Galliam illo tempore conſtituebant.

Theodosij vero filiorum æuo septem istæ solæ non erant Galliarum prouinciæ, sed in decem & septem diuidebatur Galliarum diœcesis prouincias. Harum decem nomine Galliarum specialiter comprehendebantur, reliquæ sub nomine ac numero septem prouinciarum discernebantur a Galliis, cum tamen & hæ septem cum illis decem iunctæ Gallias generali notione sumptas, hoc est vniuersam Galliarum diœcesim, constituerent. sic enim tunc loquebantur, *Gallia & septem prouincia*, cum de septemdecim Galliarum prouinciis intelligerent. Hæ septem prouinciæ, quæ a Galliis separabantur, fuere quas diximus. Festus Ruffus in dinumeratione Galliarum iunctim eas recenset, sed sex tantum numerat non septem, hoc modo: *Gallia cum Aquitania & Britanniis prouincia decem & octo: Alpes maritima, prouincia Viennensis, Narbonensis, Nouempulana, Aquitanie duæ, Alpes Graia, Maxima Sequanorum, Germania duæ, Belgica duæ, Lugdunenses duæ*. Ita ille quattuordecim tantummodo Galliarum prouincias numerat, quæ septemdecim fuere Notitiæ tempore. Ex illis quattuordecim sex quas priores numerauit, nostræ sunt septem, si vna iis addatur; Narbonensis nempe secunda. Nam Festus vnâ Narbonensem agnoscit quæ in duas diuisa est haud longe post illa tempora. in Concilio quippe Taurinensi mentio fit secundæ Narbonensis. Hæc si adiiciatur ad illas sex quas priore loco recensuit Festus, vt postea adiecta est, septem habebimus illas prouincias quæ septem prouinciarum nomine comprehendi solebant, & a

Galliis propria & angusta significatione acceptis distingui. quæ Galliæ sic strictius scriptæ Rufi temporibus octo prouincias tantum habebant, cum duæ modo tunc essent Lugdunenses, quæ postea factæ sunt quattuor. Non plures, nec alias quam Rufus prouincias Galliis proprie vocatis assignat Ammianus qui circa eadem tempora vixit. Nam ille lib. xv. has octo prouincias enumerat per omnem, vt loquitur, ambitum Galliarum: Germaniam primam & secundam, Belgicam primam & secundam, Maximam Sequanorum, Lugdunensem primam & secundam, Graias siue Pœninas Alpes. Has vbi prouincias recensuit, & quæ in singulis præcipuæ & eximiæ erant vrbes, subiicit: *Hæ prouinciæ vrbesque sunt splendida Galliarum.* subiungit deinde separatim earum prouinciarum enumerationem, quæ a Galliis propria notione sumptis cernebantur, & quinque tantummodo, non sex, vt Rufus, numerat. atque istæ sunt: Aquitanica prouincia, Nouempopulana, Narbonensis, Viennensis, Alpes maritimæ. In Notitia imperij & Theodosij Honoriique constitutione prouinciæ istæ septem habentur. Nam & Aquitanix duæ tunc erant, & Narbonenses duæ. Inde Galliæ & septem prouinciæ tunc dicebantur, decem & septem Galliarum prouinciæ. Rufus sex tantum nominat, qui Narbonensem vnā agnoscit & duas Aquitanias. Ammianus quinque, qui vnā tantum Narbonensem, & vnā Aquitanicā ponit. Hinc per ea tempora frequenter vsurpata hæc loquutio de tredecim

Galliarum prouinciis, *Gallia & quinque prouinciæ.* Hæ sunt quinque prouinciæ quarum meminit Symmachus lib. iv. epist. xxx. *tu non iisdem sedibus immoraris, dum aut Treuiros ciuica relligione, aut quinque prouincias otij voluptate commutas.* in Concilio Taurinatensi ita legitur in inscriptione: *dilectissimis fratribus per Gallias, & quinque prouincias constitutis.* & tamen quod mireris, in eadem Synodo fit mentio secundæ Narbonensis, si duæ tunc Narbonenses, & duæ Aquitanix non quinque, sed septem erant prouinciæ, atque ita haud longo post tempore sunt appellatæ. sane cum recens adhuc esset illa diuisio Narbonensis vnus in duas, & vnus Aquitanix in duas æque prouincias, quinque prouinciarum nomen, quæ fuit antiqua diuisio, etiam postquam septem factæ sunt, aliquandiu durauit, & in multorum sermonibus ac scriptis hæsit. Harum autem siue quinque siue septem prouinciarum appellatione comprehensas prouincias a Galliis distinxere veteres qui in Lugdunensi prouincia initium Galliarum statuebant. Ammianus lib. xv. de Rhodano: *Vnde sine iactura rerum per densa paludum fertur, & Sequanos longeque progressus Viennensem latere sinistro perstringit, dextro Lugdunensem: & emensus spatia fluctuosa Ararim, quem Sauconam appellant, suum in nomen asciscit. qui locus est exordium Galliarum, exindeque non millenis passibus, sed leucis itinera metiuntur. vbi igitur Arar Rhodano commiscetur, & nomen suum perdit, ibi primæ Lugdunensis & Galliarum exordium.* Tabula Peutingeri: *Lugduno caput Galliarum*

Galliarum usque heic legas. quinque porro illæ, vel septem prouinciæ quæ vulgo a Galliis diuisæ & distinctæ, olim duæ fuere, Aquitania nimirum & Narbonensis: duæ quoque Galliarû, Lugdunensis & Belgica, quæ postea octo factæ sunt. sic quattuor in totum sub Augusto erant omnium Galliarum prouinciæ; Narbonensis, Aquitania, Lugdunensis & Belgica. Gallia enim quas Cæsar subegit, quasque in tres populos diuidit, Aquitanos, Celtas & Belgas, in prouinciarum formam redactæ, sub Augusto tres prouinciæ numerabantur, Aquitania, Lugdunensis, & Belgica: quibus adde Narbonensem veterem Romanorum prouinciam, quattuor habebis sub Augusto Galliarum prouincias. in quattuor quoque partes iam inde a Iulio dictatore diuisas fuisse Gallias scribit Ammianus, sed partes alias facit: *Regebantur, inquit, Gallia omnes iam inde ut crebritate bellorum urgenti cessere Iulio dictatori potestate in partes diuisa quattuor: quarum Narbonensis una, Viennensem intra se continebat, & Lugdunensem: altera Aquitanis præerat uniuersis. Superiorem & inferiorem Germaniam, Belgasque duæ iurisdictiones iisdem rexere temporibus.* Ammiano igitur quattuor Galliarum prouinciæ erant istæ: Narbonensis, Aquitania, Belgica & Germania. frequens mentio occurrit in antiquis inscriptionibus quattuor Gallia prouinciarum, quæ non aliæ sunt, quam quas diximus. quemadmodum autem Narbonensem & Aquitaniam a Galliis separabant, sic aliquando etiam Belgicam quasi Germaniæ propiorem ab iisdem distingue-

bant, ac tres tantum Gallias numerabant, Narbonensem, Aquitaniam, & Lugdunensem. Harum trium Galliarum nominatim extat mentio in veteri inscriptione. Pag. CCCXL. PRÆF. VEHIC. TRIVM. PROV. GALL. LVGDVNENS. NARBONENS. ET. AQUITANENS. Nummum Galbæ vidi argenteum in quo ab illa parte quæ vultus eius imaginem expressam habebat, hæc erat inscriptio: RESTITVTORI GALLIARVM. in altera & auersa facie tria capita mulierum galeata habebantur cum hac inscriptione, TRES GALLIÆ: quod de his tribus omnino Galliis interpretandum est, Lugdunensi, Narbonensi, & Aquitanensi. Quæ Galliæ autem nomine proprie veniebat, ea erat prouincia Lugdunensis, quam ab Aquitania & Belgica veteres distinxere. Hi Galli proprie dicebantur, qui in Lugdunensi prouincia erant. Hæc olim cum vna esset, in quinque postea diuisa est. Galli sunt illi quos Celtas vocat Cæsar, & a Belgis Aquitanisque lingua & moribus scribit fuisse diuersos. Γαλαῖες Græci vocauere. Hinc Κελτογαλαῖα Ptolemæo proprie Gallia Lugdunensis. Stephanus: Λύγδωνα πόλις Κελτογαλαῖας. Πτολεμαῖος ἐν περὶ πλσ. Καὶ Λυγδωνησία ἐπὶ ῥήμα. quattuor omnino fuere sub Augusto prouinciæ, Narbonensis, Aquitania, Gallia Lugdunensis, & Belgica. Non plures numerat vetus Notitia Σαραπείν siue prouinciarum, quæ Ptolemæi libris adiecta legitur in veteribus membranis, cuius hic titulus est: αἱ δὲ εἰσὶν αἱ γνωσθεῖσαι ἐπὶ ῥήμα ἥτοι Σαραπεία.

ἡ Εὐρώπη τῆς Ἑλλάδος Γαλατίας λδ.

Ιερνίας, ἡσὺν Βρετανικέο.	ια	μη.	L'
Αλουίωτος ἡσὺν Βρετανικέο.	κ	μδ.	
Ιαυθρίας Βαυτικέο.	ε	λμ.	
Ιαυθρίας Λουσιτάνιας.	η	λθ.	L'
Ιαυθρίας Ταρρακωνισίας.	ια	μβ.	
Γαλίας Ακκυτάνιας.	μη	μγ.	L'
Γαλίας Λουσιδωνισίας.	κγ	μη.	
Γαλίας Βελγικέο.	κδ	μζ.	
Γαλίας Ναρβωνισίας.	κβ	μδ.	L'
Γερμανίας μογάλιν.	λδ	μθ.	

Sed de Galliarum diuisione, & Ammiani loci ex-
plicatione ad Ammianum ipsum plura. Hæc ex oc-
cassione primatum Galliæ nobis obiter dicta sunt.
Ceterum vt ad primates nostros reuertamur, tribus
Galliis tres primates adsignat Otho Frisingensis li. vi.
cap. xxx. Lugdunensi, Lugdunensem: Belgicæ, Tre-
uirensensem: Aquitaniæ, Bituricensensem. Hæ prouinciæ
singulares olim quæ fuerunt, postea multiplicatæ
sunt, & in illa diuisione qui primæ prouinciæ ex
pluribus archiepiscopus fuit, is etiam ceteris eius-
dem nominis prouinciis præfuit, & primas siue
patriarcha dictus est. Non alia primatum per Gal-
lias origo. Adeo autem verum est primates in Gal-
liis non alios dictos fuisse quam qui pluribus pro-
uinciis præessent, & qui primas sedes tenerent non
in singulis prouinciis, sed in diœcesi plurium pro-
uinciarum, vt id lege Caroli Magni cautum sit li. vii.
Capit. ab Angelfiso collectorum cap. cccxxxvi. Nulli
alijs metropolitani appellentur primates, nisi illi qui primas

Hhhh ij

sedes tenent, & quos sancti patres Synodali & Apostolica auctoritate primates esse decreuerunt. Reliqui vero qui alias metropolitanas sedes sunt adepti, non primates, sed metropolitani vocentur. Hoc in Galliis verum est, in Africa longe secus res se habuit, vbi omnes metropolitani vocabantur primates. quo sensu vero primates Africani dicebantur, certum est eos in Gallia dici non potuisse primates; nam singularum tantum prouinciarum erant metropolitani: at qua notione primates in Gallia appellati sunt, qui pluribus scilicet præsidebant prouinciis, haud dubium est quin & dici debuerint, atque etiam dicti sint patriarchæ diœceseon, quippe qui diœcesibus præessent, & diœceseon exarchi essent.

„ Scribis, quod si Lugdunenses & Bituricenses
„ episcopi patriarchæ ideo recte iudicio meo appel-
„ lari videntur, quia primates; cur patriarchas dici
„ Senonenses non placet, quibus primatum in An-
„ gesiso, & quidem per Galliam & Germaniam a
„ Iohanne VIII. delatum testis est Synodus Pontigo-
„ nensis? O pater Reuerende, quis tibi indicauit hoc
„ mihi non placere? Si primates Gallicani omnes pa-
„ triarchæ passim apud veteres nuncupati sunt, quis
„ dubitat Senonensem cui per Galliam Germaniam-
„ que detulit Iohannes octauus, etiam patriarcham
„ factum ab eo fuisse? nonne primas idem qui &
„ patriarcha? an non Innocentius tertius cum Tri-
„ nouitano archiepiscopo primatum Bulgariae &
„ Walachiae dedit, patriarcham eum simul & prima-
„ tem earum prouinciarum fecit? atqui testatur idem

Innocentius in Epistola ad illum Trinouitanum archiepiscopum, primatem & patriarcham penitus idem sonare, & duo esse diuersa nomina eiusdem in Ecclesia muneris, officij, & dignitatis. Addis: *an Senonenses fortasse, quod a sede Apostolica id iuris adepti sint, primates dici non probas: Aquileienses contra quoniam excusso Romanæ sedis imperio schisma fecerunt, & patriarchæ nomen, ut ἀρχιεπαῖοι viderentur, usurparunt, iure factos patriarchas arbitraris?* Egone Senonenses primates dici non probem quod a sede Apostolica id iuris siue honoris potius consequuti sunt? quis iterum tibi de hac re indicium fecit? quis tibi dixit me non hoc probare? μὴ τὸν ἐμὸν οἶχει τοῦτο, ἔχεις δὲ οἰκίαν. an non tu omnium hominum cum hæc dicis ineptissimus es? ad quam rem enim istuc pertinet quod dicis? Sed quod ais, Aquileienses patriarchas “ excusso Romanæ sedis iugo in schismate patriar- “ chæ nomen usurpasse ut ἀρχιεπαῖοι viderentur; vel- “ lem me doceres vnde hæc didiceris: quicunque fane hoc te docuit, doctus indoctus fuit. Scribis Aquileiensem episcopum, ut ἀρχιεπαῖος videretur, patriarchæ nomen usurpasse. De Rauennensi quid sentis, qui ἀρχιεπίσκοπος usurpauit, diu etiam illa fructus est, etiam consentiente & concedente Summo Pontifice ad vitanda sedis Apostolicæ scandala? cur ille patriarchā se dixit nunquam, nec id nominis vsquam sibi adrogauit? Atqui debuit qui ἀρχιεπίσκοπος esset, & longe quidem meliori iure nomen hoc usurpare potuit quam Aquileiensis. schisma enim vel propter hoc vnum fecit Rauennensis, ut sibi

H h h h iij

ἀντιπατριάρχας vindicaret; Aquileienses vero propter alias res, quam *ἀντιπατριάρχας*, sese ab vnione sedis Apostolicæ segregarunt. Sed Aquileiensem mitramus patriarcham, de Gradenſi quid dices? quid de Forojuſienſi? an & illi per ſchiſma patriarchæ nomen uſurparunt? nam patriarchas & illos dictos eſſe fortasſe non ignoras. Cum Aquileia vetus a Langobardis teneretur, & patriarcha cum conſenſu regis Langobardorum & Giſulſi ducis ordinaretur; Romani epiſcopi qui ſchiſmatici non erant, Candidiano defuncto apud Grados, patriarcham Epiphanium ordinarunt, & *ex illo tempore*, inquit Paulus Diaconus lib. iv. cap. xxxiv. de Geſtis Langobardorum, *cæperunt duo eſſe patriarchæ*. Si tempore ſchiſmatis veteris Aquileiæ epiſcopus patriarchæ nomen aſſumpſit, ut videretur *ἀντιπατριάρχας*, cur exemplum hoc ſequuti ſunt Romani & orthodoxi epiſcopi in patriarcha ordinando apud Grados? cur ad exemplar Aquileienſis patriarchæ cuius inſtitutio vitioſa fuit, patriarcham ipſi apud Grados inſtituerunt? Cur euerſa Aquileia vetere, quæ caput Venetiarum erat, Forumjulij vbi metropolis illius provinciæ cœpit eſſe, patriarcham & ipſa ſuum antiſtitem vocauit? vocatum enim tu non neſcis Forojuſienſem epiſcopum patriarcham, & Forumjulij nouæ Aquileiæ nomine etiam appellatum. Sed demus tibi omnes illos tuos patriarchas vitio primum creatos & inſtitutos fuiſſe; an non poſtea legitimi tandem fuere patriarchæ, poſtquam eos pro patriarchis agnouit Summus Pontifex? Gregorius

secundus Gradensem patriarcham vocat in epistola quadam. Leo nonus eidem Gradenſi epiſcopo tanquam primati ſuo & patriarchæ dicto audientes iubet eſſe Venetiæ & Hiſtriæ epiſcopos, in Epistola quam ad eos dedit. Innocentius quartus in Concilio Lugdunenſi Aquileienſem patriarcham inter quinque primarios & ſummos patriarchas ſedem habere voluit. In Concilio Viennenſi Clemens quintus Aquileienſem & Gradenſem patriarchas appellauit, & ad eos tanquam veros legitimosque patriarchas ſcripſit. In Concilio Florentino Gradenſis patriarcha poſt Hieroſolymitanum ſubſcripſit in ordine patriarcharum. I nunc & patriarchas negare aude, quos tot Papæ pro patriarchis habuerunt & agnouerunt. Sed nunc te doceam oportet, nullos vnquam ſingularum prouinciarum metropolitānos quantumuis *ἀρχιεπίσκοποι* fuerint, patriarchas appellatos fuiſſe, aut hoc nomen uſurpare ſolitos. ſoli quippe ita vocari ſolebant, qui aut plures ſub ſe prouincias & metropoles haberent, aut qui primæ cuiuſque per vnā diœceſim prouinciæ metropolitani eſſent. Aquileienſis igitur patriarcha, non per ſchiſma, nec vt *ἀρχιεπίσκοπος* videretur, hoc nomen uſurpauit, ſed quia primā Italiæ prouinciā iure metropolitæ regebat, & primā ſedem in diœceſi habebat, patriarcha ob id appellatus eſt. Cum enim tres in Italia antiſtites patriarchæ titulum ſumpſerint, omnes ex vnâ eademque prouincia Venetiarum fuiſſe conſtat. Romani quod Aquileia a Langobardis teneretur, & patriarcha ab iisdem ordina-

retur, patriarcham nouum quem ipsi ordinarent, apud Grados, sed in eadem prouincia, instituerunt. Euerfa vetere Aquileia quæ metropolis erat Venetiarum, Forumjulij ciuitas & metropolis eiusdem prouinciæ simul extitit, & patriarcham quoque habuit. Etiam hodieque in ea prouincia patriarcham habet qui in Venetorum vrbe sedet, abolito patriarchæ Gradenfis nomine. quod sub Eugenio IV. factum est. Ex his omnibus constat non alia re quam merito prouinciæ quæ prima fuit omnium olim Italicarum prouinciarum, Aquileiensem, Gradensem & Foro-Juliensem patriarchas, hoc nomen & hanc dignitatem sibi vindicasse. qua de re supra iam diximus.

Quod autem nos iubet meminisse, patriarcham ex eo numero nullum vnquam sibi tantum arrogasse, vt se vnus eiusdem cum episcopo Romano gradus & ordinis esse cogitaret, hoc scio, & memorem mones. Illud vicissim ammonendus es, infanum & amentem videri oportere, qui sentiat, etiam illos summos, etiam illos primos patriarchas eiusdem ordinis gradus cum Summo Pontifice fuisse. Hoc si sentis, hunc videri te oportere dico. illud etiam addo, quicumque patriarchæ vocati sunt, quin patriarchæ fuerint, & eiusdem cum patriarchis ordinis, stultum & fatuum esse qui ambigat. Aliud nunc nihil superest, quam vt testimoniis aliquot productis probemus in Occidente ac Ecclesiâ Latina iam inde a primis ad hæc vltima vsque tempora tres tantum episcoporum gradus præcipuos fuisse

fuisse cognitos & numeratos. Clemens Petri successor in Epistola ad Iacobum Domini fratrem non plures numerat, atque eius verba hæc sunt: in illis ciuitatibus in quibus apud Ethnicos primi Flamines eorum, atque primi legis doctores erant, episcoporum primates poni vel patriarchas, qui reliquorum episcoporum iudicia, & maiora, quotiens necesse foret, negotia in fide agitent, &c. in illis autem ciuitatibus in quibus dudum apud prædictos erant Ethnicos archiflamines, quos tamen minores tenebant quam memoratos primates, archiepiscopos institui præcepit, qui non tamen primatum, sed archiepiscoporum fruerentur nomine. & paulo post: in singulis vero reliquis ciuitatibus, singulos & non binos vel ternos aut plures episcopos constitui præcepit, qui non primatum, aut archiepiscoporum aut metropolitanorum, quia matres ciuitatum non tenent, sed episcoporum tantum vocabulo potirentur. habes heic episcopos singularum ciuitatum, archiepiscopos siue metropolitanos: & primates, vel patriarchas. hi quot sunt gradus: si bene numerare scis, tres tantum inuenies. Anacletus qui Clementi successit in Epist. ii. ad episcopos in Italia constitutos: ipsis quoque in ciuitatibus vel locis patriarchas vel primates qui vnâ formam tenent, licet diuersa sint nomina, leges diuinæ & Ecclesiasticæ poni & esse iusserunt, ad quos episcopi, si necesse foret, confugerent, eosque appellarent, & ipsi nomine primatum fruerentur, & non alij. Reliquæ vero metropolitanæ ciuitates, quæ minores iudices habebant, licet maiores comitibus essent, haberent metropolitanos suos, qui prædictis iuste obedirent primatibus, sicut & in legibus seculi olim ordinatum erat, qui non

primatum, sed aut archiepiscoporum nomine fruerentur. Cum iidem sint Anacleto primates & patriarchæ, metropolitani & archiepiscopi, primates illos tuos inter patriarchas & metropolitas qui medium gradum constituere debent, ubi pones? Idem Anacletus Epistola tertia: *Episcoporum vero ordo unus est, licet sint primates illi qui primas ciuitates tenent, qui & in quibusdam locis patriarchæ a nonnullis vocantur. illi autem qui in metropoli a beato Petro, ordinante Domino, & a prædecessore nostro prædicto sancto Clemente, seu a nobis constituti sunt, non omnes primates vel patriarchæ esse possunt, sed illæ urbes quæ præfatis & priscis temporibus primatum tenuere, archiepiscoporum, patriarcharum aut primatum nomine fruuntur: Reliquæ vero metropoles archiepiscoporum aut metropolitanorum; & non patriarcharum aut primatum utantur nominibus. qui primatum archiepiscoporum tenebant, hoc est qui pluribus archiepiscopis præerant, hi primates vel patriarchæ dicebantur; qui vero episcopis præsident, archiepiscopi vel metropolitani. Sirmonde quid sentis? an heic plures sunt quam tres gradus? cape calculos & numera, vel si vis per digitos tuos computa. recte subducta hæc ratio est, totidem esse quot diximus comperies. Nicolaus primus Papa in inscriptione Epist. i. *Nicolaus episcopus sanctæ Catholice & Apostolicæ Romanæ Ecclesiæ, omnibus veræ religionis ministris, ac vniuersis orthodoxæ fidei cultoribus, sanctissimis videlicet ac reuerendissimis patriarchis, metropolitæ, & reliquis episcopis. Patriarchæ, metropolitæ, episcopi quot ordines sunt, Sirmonde? cur omissus ille me-**

dius ordo patriarchas inter, & metropolitas inferendus; post patriarchas, & ante metropolitas ponendus? Sed Nicolaus Papa Sirmondinus non fuit: nunquam enim primates illos prætermisisset, qui nec metropolitæ sunt, nec patriarchæ, immo qui nusquam sunt, nec vnquam fuere. idem Nicolaus in responsis ad consulta Bulgarorum cap. LXXII. non plures quam tres gradus agnoscit: *A quo autem sit patriarcha ordinandus interrogatis: & idcirco scitote quia in loco ubi nunquam patriarcha vel archiepiscopus constitutus est, a maiori est primitus instituendus, quoniam secundum Apostolum minus a maiori benedicitur. Deinde vero accepta licentia & pallij usu ordinat ipse sibi deinceps episcopos, qui successorem suum valeant ordinare. Vos tamen siue patriarcham, siue archiepiscopum, siue episcopum vobis ordinari postuletis, a nemine nunc velle congruentius, quam a Pontifice sedis beati Petri a quo & episcopatus & Apostolatus sumpsit initium, hunc ordinari valetis.* Hincmarus qui tempore Nicolai Papæ vixit cap. XVII. *Rebellantes quoque episcopi aduersus metropolitanos, siue archiepiscopos suos, his enim duobus nominibus huius excellentiæ dignitas designatur: itemque metropolitani vel archiepiscopi aduersus primates vel patriarchas, qui in his duobus nominibus uno prioratu funguntur. Patriarchas vel primates, metropolitanos vel archiepiscopos, & episcopos, tres non quattuor opinor ordines esse. nec infima ætas Ecclesiæ plures agnouit, quam prima aut media. Anonymus auctor qui de subcælesti Hierarchia ante ducentos fere annos scripsit, lib. I. cap. XVII. Attende tamen quod episcopus*

senatum habet unicum, videlicet presbyterorum suae Ecclesiae: metropolitanus autem eundem habet pro sua diocesi, & cum hoc suffraganeorum suorum in sua provincia: Primas vero cum his duobus, & tertium habet metropolitanorum omnium suae primatiae. Idem lib. II. cap. VI. Scis, inquam, fili, quod licet in Ecclesia Catholica sit unus ordo episcopalis, tres tamen gradus sunt episcopaliū dignitatum: Supremus est primas, metropolita medius, episcopus autem infimus appelletur. Et ut episcopus disponit clericos, & causas singulares suae diocesis; sic metropolitani episcopos & provinciae suae negotia; & primas pariter metropolitani & causas generales suae primatiae cum suis disponit conciliis. Idem lib. IV. cap. XVII. de regulis Ecclesiasticis: tertia regula siue canon est generalis, primatum scilicet constitutiones vel patriarcharum, sicut Latinorum, Graecorum, Hierosolymitanorum, Indorum, Gallicorum, Anglicorum, & similium si aduenirent, & talis debet esse semel in anno, sed aliae inferiores pluries. Generalis autem vel primatialis dicitur, quia solum constringit homines regionis illius qui in illam ab initio consenserunt. Quarta provincialis id est metropolitanorum, & comprouincialium episcoporum provinciales tantum adstringit. Quinta episcopalis specialis scilicet praesulum & diocesanoꝝ suorum, quae ciues & diocesanos tantum complectitur. lib. III. cap. X. sex professionum modos enumerat quibus omnes Ecclesiastici adstringuntur: primam professionem esse dicit, venientium ad Baptismum, secundam religionem ingredientium, tertiam clericorum ad sacros ordines promoueri volentium, quartam episcoporum ad sacram ordinationem acceden-

tium, quintam metropolitanorum ante pallij susceptionem, sextam Romani Pontificis & patriarcharum omnium, qua sacrorum canonum custodiam sollenniter profiteri; & hanc professionem electus in Romanum Pontificem magnis patriarchis tenetur mittere, magnisque principibus. Magnos patriarchas vocat, quattuor illos primarios, qui primas & præcipuas sedes tenebant, primas inquam, sed post Romanum Pontificem cuius prima fuit sedes. Magnos illos igitur patriarchas appellat ad distinctionem minorum, quorum tertiam regulam esse dixit lib. iv. cap. xvii. vbi Latinorum, Græcorum, Gallicorum, Indorum, Anglicorum meminit patriarcharum, quos omnes vnius eiusdem ordinis & gradus facit. sed inter omnes illi præcipui quattuor, qui & primi & magni & summi patriarchæ dicti sunt, patriarchæ vero soli non fuerunt. *summi primates* iidem appellantur in Epistola, nisi fallor, Felicis secundi. In Occidente igitur, & Latina Ecclesia tres tantum, vt ex his vides si modo vides, cogniti gradus episcoporum: episcopi singularum ciuitatum, primates prouinciarum hoc est metropolitani, primates dioceseon qui & patriarchæ. Apud Græcos & in Oriente totidem, ἐπίσκοποι τῶν πόλεων ἑξάρχαι τῶν ἐκκλησιῶν, hoc est μητροπολίται ἑξάρχαι τῶν διοικήσεων, hoc est πατριάρχαι. Tu inuita vniuersa Ecclesia, toto orbe Christiano renitente, aduersus omnium temporum vsum & auctoritatem quattuor commentus es. ad quam rem istud aut cui bono? vt patriarcham Occidentis faceres episco-

Iiii iij



pum Romanum. ὁ *ἑαλαίπωρε* quid opus erat te tantopere *ἑαλαίπωρῆσαι*? an episcopus vrbis Romæ non poterat esse Occidentis patriarcha, nisi fieret primas Italiæ? atqui si Italiæ primas, idem quoque fuit Italiæ patriarcha: nam primates, qui diœceses integras regebant, patriarchas quoque dictos fuisse nec ipse negas. Si patriarcha vero Occidentis fuit, quin idem quoque primas Occidentis fuerit, inficiari non potes, cum certum sit summos illos, & primos Ecclesiæ patriarchas, primates appellatos esse Latinis vt Græcis *ἐξάρχαι*. Ergo per hanc rationem dicendum sit episcopum Romanum fuisse patriarcham Italiæ, & patriarcham Occidentis; primatem Italiæ & primatem Occidentis. At enimvero si patriarcha totius Occidentis, & omnium per Occidentem diœceseon patriarcha fuit ille, non minus Galliæ, non minus Hispaniæ, aut Africæ aliarumque Occidentis diœceseon primas fuerit quam Italiæ. Italia erat vna ex diœcesibus Occidentis, quæ omnes episcopo Romano tanquam patriarchæ suo parebant. quod ius illi competiit aliud aut magis speciale in Italia quam in altera qualibet Occidentis diœcesi? Pallium ab eo accipiebant Italiæ metropolitani: nunquid non & ceterarum Occidentis diœceseon metropolitæ hoc idem facere cogebantur? nam de Oriente heic nihil dicam. Cur igitur ille magis specialis primas sit Italiæ, quam Africæ, quam Galliæ, quam alterius cuiusvis per Occidētem diœceseos? An quia Roma in Italia sita erat: Cōstantinopolis etiā in Thracia erat sita, nec tamen Thra-

cicæ diœceseos *ιδιανάς* patriarcha fuit episcopus Constantinopolitanus, quam Asianæ aut Ponticæ. An quia ex tota Italia metropolitæ & episcopi quotannis ad Concilia Romana conuenire debebant, ideo ille specialis Italiæ patriarcha? Profecto si de Conciliis generalibus intelligis quæ sub vno patriarcha celebrabantur, ex vniuersa diœcesi quæ ipsi parebat, congreganda, quotquot fuere per Occidentem metropolitani ad illa Concilia quæ patriarchæ iure conuocabat episcopus Romanus, conuenire & congregari debuere: nam Occidentis per te ille patriarcha. Disce docendus adhuc, a tiro-ne magister, vniuersas diœceses Occidentis ex quibus vna est Italia, diœcesim patriarchalem constituere debere Pontificis Romani, siquidem verum sit, illum esse totius Occidentis patriarcham. Eodem modo tres diœceses Asiana, Pontica & Thracica, vniuersam patriarchæ Constantinopolitani diœcesim constituerunt: nec magis, aut specialiori iure Thracicæ diœceseos, in qua sita erat Constantinopolis, patriarcha vel exarchus fuit, quam Asianæ aut Ponticæ. omnes enim ex æquo trium illarum diœceseon metropolitanos & archiepiscopos ordinabat.

Nunc illud per amicitiam quam Aduentoria inter nos conciliauit, oro te vt mihi dicas, cum episcopum Romanum, patriarcham & aliorum patriarcharum modum & exemplar facias, cur in eo solo quatenus patriarcha, quattuor episcoporum gradus tibi placeat agnoscere? aut doce nos igitur

hos totidem gradus in ceteris patriarchis agnitos fuisse, aut rationem ede cur episcopum Romanum his tot gradibus solum spectandum censueris. ille tibi est episcopus vrbis Romanæ, prouinciæ Romanæ metropolitanus, Italiæ primas, Occidentis patriarcha. Ceteros vide patriarchas an his tot gradibus considerati fuerint. Et primum in primo post Romanum Pontificem patriarcha Constantinopolitano, istud exploremus an sit verum. Episcopus vrbis Constantinopolitanæ fuit, hic primus gradus. Cuius ille prouinciæ metropolitanus? archiepiscopus sane vocatur, Ἀρχιεπίσκοπος Κωνσταντινουπόλεως, καὶ πατριάρχης οἰκουµενικός. sed Ἀρχιεπίσκοπος, apud Græcos non eo sensu dicitur quo apud Latinos archiepiscopus. Latinis archiepiscopus est metropolitanus: Græcis plus est quam metropolitanus, atque is dicitur qui multis metropolitanis præest. Hac notione per Orientem omnes patriarchæ dicebantur Ἀρχιεπίσκοποι, qui pluribus præsiderent metropolitanis. nullus igitur prouinciæ fuit metropolitanus patriarcha Constantinopolitanus. aliquorum qui in Barbarico erant episcoporum ordinationem ei tribuit Synodus Chalcedonenfis can. xxviii. fuerit illorum episcoporum metropolitæ: hos duo iam ordines tenemus, episcopum & metropolitam. quid de tertio? cuius ille diœceseos primas erit? tres diœceses sibi subiectas habuit. an alicuius. ex his diœcesibus specialis primas vel ἐξάρχης extitit? si vlla fuit, cuius ἐξάρχης siue primatiam specialem habuerit, Thracicam oportet fuisse.

fuisse. nam in Thracica sita Constantinopolis. ostende maiori aut specialiori iure hanc diœcesim eum rexisse quam reliquas duas. Harum trium diœceseon solos ordinandi metropolitas ius habuit. non minus igitur huiusquam illius diœceseos metropolitanos ordinavit. in Catalogo & Notitia metropoleon quæ sedi Constantinopolitanæ subditæ fuere, primo loco ponitur Cæsariensis metropolita qui Ponticæ diœceseos exarchus erat, secundo Ephesinus qui Asianæ, tertio Heracliensis qui Thracicæ, quarto loco recensetur qui quartam sedem tenebat, Ancyranus ex prouincia Galatiæ diœcesis Ponticæ: quinto Cyzicenus Helle-sponti metropolita ex diœcesi Asiana: sexto Sardianus, ex diœcesi item Asiana: septimo Nicomediensis ex Bithynia diœceseos Ponticæ, & ita deinceps permixtim enumerantur omnes trium illarum diœceseon metropolitani, qui Constantino-politano patriarchæ subiecti erant, & ab eo ordinabantur. Tres igitur illæ diœceses, vnicam eius patriarchalem constituebant diœcesim, nec plus in vna iuris, quam in alia habuit: omnes æquali iure rexit. in patriarcha Alexandrino quot gradus fuere? vrbis illum suæ hoc est Alexandrinæ episcopum fuisse nullum dubium est. cuius porro prouinciæ specialis erat metropolita? an Ægypti, cum Ægyptus stricta notione proprie sumitur, & ab aliis Ægyptiacæ diœceseos prouinciis distinguitur? scimus quam falsum hoc sit, sed verum esse interim fateamur. cuius diœceseos primas vel exarchus erat?

Kkk

an non totius diœceseos Ægyptiacæ? eiusdem igitur diœceseos patriarcha fuit, cuius & exarchus. idem de Antiocheno, idem de Hierosolymitano patriarchis dici conuenit. Tres itaque in illis patriarchis tantum gradus spectati: nam tanquam episcopi suarum urbium, prouinciarum metropolitæ, & diœceseon ἐξάρχαι siue primates & patriarchæ ipsi duntaxat considerati sunt. Sed doceo te tam grandem prætextatum, qui aliis magister cluis, superscriptos omnes patriarchas nullius prouinciæ speciales extitisse metropolitas. Constantinopolitanus trium diœceseon sibi subditarum solos ordinabat metropolitanos. Alexandrinus nullam habuit peculiarem sibi subiectam prouinciam, quam iure metropolitani regeret, aut cuius episcopos ordinaret: omnium ille per vniuersam Ægypti diœcesim constitutorum tam episcoporum quam metropolitaram ordinandorum habuit licentiam: nullum in tota diœcesi absque consensu eius ordinari fas erat episcopum. sic totius diœceseos, non vnus in diœcesi prouinciæ, metropolita reuera fuit, & idem patriarcha. similiter & Antiochenus Orientalis totius diœceseos verus fuerat metropolitanus & patriarcha. hoc satis supra demonstraui. Hi sunt patriarchæ quos integrarum diœceseon fuisse metropolitanos ante ex Iustiniano ostendimus. De hoc genere patriarcharum non fuisse certum est episcopum Romanum. Fuerit ille Occidentis patriarcha, certe totius Occidentis metropolita non fuit, nec per Occidentem episcoporum ordinan-

dorum immediate ius habuit. Ergo de illis patriarchis erit, quos idem Iustinianus asserit earum quibus præerant prouinciarum metropolitas extitisse. Prouinciæ sane fuit Romanæ metropolita episcopus Romanus. si Occidentis præterea patriarcha, nihil erat opus eum primatem Italiæ constituere, qui omnium Occidentis diœceseon, inter quas est Italia, primas & patriarcha fuerit. Omnis ergo cecidit incassum tuus labor, qui ut patriarcham Occidentis faceres, primatem prius eum Italiæ faciendum putasti, quasi Occidentis patriarcha non posset esse, nisi primas idem esset Italiæ. quo quid ineptius excogitari potest? quid imperitius? Hoc si alij accidisset ut diceret, illi excidisse dicerem. Tu non præter solitum leuis es quum nugaris. quod alij casu, hoc more facis. nos non Italiæ primatem, non Occidentis patriarcham fuisse Romanum episcopum, sed omnium totius orbis episcoporum primum primatemque, & vniuersalem Papam appellatum esse capite sequenti docebimus.

Kkkk ij

CAPVT V.

ETIAMSI daretur episcopum Romanum, Occidentis fuisse patriarcham, non tamen Ecclesias suburbicarias apud Ruffinum de omnibus Occidentalibus accipi posse. De metropolitana provincia episcopi urbis Romæ, non de ulla diœcesi patriarchali sextum Nicenum canonem, quem Ruffinus interpretatus est, exponi debere. Urbicariam siue Romanam regionem sub præfecto urbis omnes suburbicarias comprehendisse, & ὑπερβαρική in veteri Notitia appellari. Hanc eandem urbicariam & Romanam provinciam sub episcopo urbis omnes suburbicarias Ecclesias complexam esse. Solam hanc fuisse specialem diœcesim Papæ. Occidentem non specialem diœcesim eius esse, sed partem vniuersalis, ut Ægyptus pars erat Ægyptiaca diœceseos, non specialis provincia episcopi Alexandrini. Suburbicarias & Romanas Ecclesias easdem dici, sed Occidentis totius Ecclesias non designare. Romana Ecclesiæ nomine specialem semper intellectam, quæ Romana provincia finibus continebatur, Ecclesiam, eamque ab Italicis, & ceteris Occidentalibus distinctam. Latinam Ecclesiam a Romana diuersam, omnes in Occidente Ecclesias comprehendisse, quæ Latina lingua uterentur. Romanam Ecclesiam, non Latinarum tantum & Occidentalium caput extitisse, sed omnium. Græcos ante schisma quum primatum eius ac principatum agnouerint, post schisma suo patriarcha illum vindicasse. In summa, non patriarcham Occidentis, sed caput & principem patriarcharum Papam esse, & vniuersæ Ecclesiæ primatem.

RELIQUA est Magistri de patriarchatu Occidentis ardens velitatio, quem totis animi viribus, pedibus manibusque obnixissime conatur adstruere. Hic scopus operis illi fuit, hæc meta laborum. Quo successu tantum sudoris impenderit, res ipsa indicabit. Hoc vt obtineret, vt euinceret, vt efficeret,

nihil non fecit, nihil intentatum reliquit, nihil inaufum. Parum putauit novos Episcoporum gradus construere, & nouas in Ecclesia dignitates comminisci: rerum etiam naturam commutare, ac regionum situm sedibus suis conuellere adnitus est. vltimas Occidentis regiones, ab extremopene petitas orbe, totoque mari diuisas, ad urbem ad-mouit, & suburbanas reddidit: suburbia ipsa Romæ in media vrbe posuit, urbemque ipsam suburbicariam fecit. Hæc tot miracula edidit, vt doceret recte Papam Occidentis patriarcham appellari, recte specialem eius diœcesim Occidentem dici, recte suburbicarias Ruffini Ecclesias, ad Occidentales omnes Ecclesias transferri. Sed hæc mira, quod mireris, non alium euentum habuere quam vt horum rideretur auctor. ὦ θαυμαστοίε γελσιότατε vin scire quam frustra laboraueris? Occidentis patriarcham appellatum esse Papam, Occidentem patriarchalem eius fuisse diœcesim cum schismaticis Græcis tibi concedimus. quid deinde? an propterea suburbicariæ Ruffini Ecclesiæ, erunt omnes Ecclesiæ Occidentis? an Occidens totus erit vrbis Romæ suburbanus? Ruffinus Nicenum sextum canonem interpretatus est; in ea interpretatione suburbicarias Ecclesias pro diœcesi siue prouincia episcopo Romano assignauit, vt Ægyptum Alexandrino. Etiam si canon ille de Occidente, de patriarchali Romani Pontificis diœcesi, si quam habuit, intelligendus esset, non tamen inde sequeretur, suburbanas vel suburbicarias appellari posse, aut a

Ruffino appellatas esse totius Occidentis Ecclesias. Hoc diceretur, quod iam dixere quidam, malum interpretem fuisse Ruffinum, male assequutum esse Synodi mentem. quis enim tam insanum in modum ineptus qui sibi persuadere possit, aliud esse suburbicarium, quam suburbanum, aut suburbanas dici prouincias vel Ecclesias tam procul ab vrbe distitas, tam longe a suburbanis vel vrbi vicinis regionibus remotas? Hanc rationem nunc missam facio, suburbicarias apud Ruffinum totius Occidentis prouincias dici volo, si modo Nicena Synodus cuius sextum canonem Ruffinus interpretatur, de Occidente vel Occidentalibus Ecclesiis capi potest. Potestatem dat illa eandem ac parem ~~et totas~~ episcopo Alexandrino in Ægypto, Libya & Pentapoli, quam episcopus Romanus habere solitus esset, in sua nimirum prouincia: eandem Antiocheno, eandem ceteris omnibus metropolitanis per suas cuique prouincias. Ad formam normamque potestatis, quam haberet in sua prouincia episcopus Romanus, confirmatur illa quam habere debebat, quam ex antiquo habuerat per vniuersam Ægyptum episcopus Alexandrinus. has potestates, hæc iura pariemus atque inter se comparemus; non solum quænam illa iura fuerint inde discere poterimus, sed etiam quæ prouincia sit illa, quæ diocesis, intra quam iuris idem potestatisque competierit episcopo Romano, quod Alexandrino tribuit Synodus per prouincias superscripto sexto canone memoratas. Ceterum est ab omni æuo, et

Ἐξ Ἀλεξάνδρου, episcopum Alexandrinum per vniuersam
 Ægypti diœcesim episcoporum omnium ordina-
 tiones sub sua potestate habuisse; neminem episco-
 pum in tota Ægypto sine consensu eius creari li-
 cuisse. Hinc cum in hæc iura turbaretur a Meletia-
 nis, Synodus decreuit vt antiquæ consuetudines,
 circa episcoporum ordinationem scilicet, per Ægy-
 ptum & Libyam & Pentapolim obtinerent, addit-
 que, quoniam moris id haberet in sua nimirum prouincia
 episcopus Romanus: ὅτι τὸ τοιοῦτον ἐστὶ τὰ ἐν τῇ Ρώμῃ
 ἐπιτοκίῳ, quænam igitur illa prouincia fuit, in qua
 episcopus Romanus immediate poterat ordinationes
 episcoporum facere, & alia iura metropolitana
 exercere? Si per totum Occidentem id moris ac iuris
 habuit, si nullus in Occidente potuit episcopus
 sine auctoritate eius ordinari, Synodum de Occi-
 dente interpretemur censeo, & suburbicarias apud
 Ruffinum Ecclesias de omnibus Occidentalibus
 Ecclesiis accipiamus. Metropolita verus fuit, non
 solum patriarcha, Ægypti totius Alexandrinus an-
 tistes. si totius quoque Occidentis metropolitam
 fuisse docere me potes episcopum Romanum, do
 tibi manus Sirmonde, vicit tua sententia. Diuersa,
 sicut iam supra docuimus, iura metropolitæ, diuersa
 fuere patriarcharum. Non quod patriarcha
 totius Ægyptiacæ diœceseos esset Alexandrinus
 episcopus, ideo omnium per illam diœcesim epi-
 scoporum ius ac potestatem habuit ordinandorum,
 sed quod metropolitanus. sic & metropolita simul
 idem, & patriarcha fuit eiusdem diœceseos: patriar-

cha quidem quod pluribus metropolitanis præficeret, pluribusque prouinciis præset: metropolitana vero, quod ipso inconsulto nullum in diœcesi episcopum fas esset ordinari. Non de patriarchalibus igitur diœcesibus, sed de metropolitanis agit illa Synodus illo canone, ac de priuilegiis Ecclesiarum omnium metropolitanarum, quibus omnibus sua iura seruari præcipit, & inlibata inuiolataque custodiri, metropolitanosque omnes iisdem priuilegiis frui decernit, in suis singulos prouinciis, circa episcoporum scilicet ordinationes, & alia metropolitana iura, quibus in sua prouincia frui solitus esset episcopus Romanus. Prouinciam itaque intelligit metropolitanam episcopi Romani; atque ita veteres omnes interpretes Græci Latinique intellexerunt. Symeon Magister cum Aristeno, quem supra adduximus, τοῖς ὑπὸ Παύλῳ χωρίοις, hoc est suburbicariis, vel sub vrbe positis locis illam prouinciam definiuerunt: Rufinus *suburbicariis*, hoc est suburbanis, *Ecclesiis* eam determinauit: Vaticanus interpres *suburbicariis locis* omnem eandem prouinciam circumscripsit. Auctor Arabs a Turriano editus ut Ægyptum & omnia loca quæ sunt circum eam pro diœcesi episcopo Alexandrino attribuit, ita episcopo Romano urbem Romam, & loca ciuitatesque, quæ circum eam sunt: hoc est suburbicaria loca, & suburbanas ciuitates, τὰ περὶ πόλιν καὶ ὑπὸ πόλιν χωρία. verba eius ista sunt, iam ante a nobis producta, sed quæ vel centies ad hanc rem probandam produci mereantur: *Constitutum est ut*
episcopus

episcopus Ægypti, hoc est patriarcha Alexandrinus, præsi-
deat & habeat potestatem totius Ægypti, & omnium
locorum, castellorum, & ciuitatum quæ sunt circum eam,
quia sic conuenit. siquidem similiter episcopus Romæ, id est
successor Petri Apostoli, potestatem habet omnium ciuita-
tum, & locorum quæ sunt circa eam. totius Ægypti
nomine, Arabicus ille interpres vniuersam Ægypti
diœcesim intellexit. cur igitur addidit, dices, &
omnium locorum, castellorum & ciuitatum quæ sunt circum
eam? an aliquid sub se plus habuit, quam Ægyptum
totam vel Ægyptiacam diœcesim episcopus Ale-
xandrinus? sciendum est & aliquas eum præter
Ægyptum, regiones Ægypto vicinas administras-
se. hæc enim apud Gelasium Cyzicenum leguntur
de patriarcha Alexandrino: Ἀλέξανδρος Ἀλεξανδρείας
συν Ἀθανασίῳ ὅτε ἀρχιεπίσκοπος ὄντι τῆς κατ' Αἴγυπτον
πατρῆς, καὶ Λιβύην & Πεντάπολιν καὶ τὰ ὅμορα τούτοις, ἕως
τῆς τῆς Ἰνδίας ἐπιτοχῆς. Ægyptus, Libya & Pentapolis
prouinciæ vniuersam Ægyptiacam diœcesim con-
stituebant. τὰ ὅμορα τούτοις, vicina tribus illis pro-
uinciis, sunt loca & castella & ciuitates quæ circum
Ægyptum esse dicit Arabs ille: nam idem Æthio-
piam etiam subiicit episcopo Alexandrino in illa
sua canonum collectione quæ de Arabica lingua in
Latinum traducta est, cap. xxxvi. Loca igitur & ci-
uitates circa Romam, quibus prouinciæ episcopi
Romani delimitat canonum compilator Arabs,
sunt circumiacentia Romæ loca, quæ suburbicaria
Vaticano, suburbicaria Ecclesiæ Ruffino, hoc est sub
vrbe sitæ, & suburbanæ. circa urbem constitutæ Eccle-

sias vocat Iohannes episcopus Rauennas in Epistola ad Gregorium Papam: *nam cum hoc minoribus circa urbem constitutis Ecclesiis licitum sit, poterit etiam Apostolatus mei dominus, si venerabilem clerum primæ Apostolicæ suæ sedis requirere dignatur, modis omnibus inuenire.* Eædem erant suburbicariæ regiones quibus territorium præf. vr̃bis concludebatur, quæque totam vrbicariam & Romanam regionem quæ sub eius erat iurisdictione vsque ad centesimum milliare constituiebant. omnes illo tractu quem centesimus lapis ambiebat, iurisdictionis vrbicæ terminus, comprehensæ regiones, & vicinæ vr̃bi, & finitimæ, & suburbicariæ & suburbanæ sunt appellatæ. Ad hanc formam typumque constituta olim ac conformata vrbici episcopi prouincia metropolitana. eædem quippe antiquitus regiones subiectæ fuere episcopo vr̃bis Romæ, & præfecto vr̃bis. Et quemadmodum suburbicariæ regiones dictæ sunt a vicinitate vr̃bis quæ sub iurisdictione præfecti vr̃bis erant, ita & suburbicariæ Ecclesiæ & ciuitates, & suburbicaria loca, ab eadem vicinitate, quæ suberant episcopo vr̃bis. Nam latiores olim fines habuisse videtur prouincia Romana, cui iure metropolitani præsidebat Summus Pontifex, quam regio vrbicaria siue Romana, cuius intra fines iurisdictionem habebat præfectus vr̃bi. Postremis vero temporibus limites suos extendit eadem episcopi Romani. prouincia, eosque latiores & auctiores tenuit, sed duabus duntaxat prouinciis siue prouinciarum partibus. Nam ex duabus Tusciis anno-

naria, & suburbicaria, sola suburbicaria quæ intra centesimum comprehensa, sub præfecto urbis fuit; ex duobus item Picenis, annonario & suburbicario, suburbicarium Picenum duntaxat ad præfecturæ urbicæ iurisdictionem pertinuit, quod centesimo inclusum erat. Vtrumque autem Picenum, & vtraque Tuscia postremis temporibus sub episcopo Romano fuerunt, & intra prouinciæ Romanæ limites, cui tanquam metropolita præerat episcopus Romanus. Prouinciale Romanum infimis illis & vltimis Italiæ temporibus scriptum episcopos Summi Pontificis suffraganeos, qui nulli alij primati vel archiepiscopo parebant, enumerat in CAMPANIA nouem: in MARSIA sex: in TVSCIA vigintitres: in DVCATV SPOLETANO decem: in MARCHIA tredecim: in ROMANIA duo. in totum sunt episcopi, sexaginta tres. Nomina autem regionum, quæ prouinciam Romani Pontificis constituebant, ita scripta exhibent, vt posuimus, tres vetusti manu exarati Codices, quos habuimus ex Bibliotheca Amplissimi Ribierij in sacro Consistorio Regis Consiliarij. *Campania* quæ ibi vocatur Latina est, nec centesimum excedit: *Marsia* pro Marforum regione ponitur, quæ olim Valeria dicebatur, & vna erat ex suburbicariis, comprehendebatque Marfos populos, & omnem viæ Valeriæ tractum. Marsiam hanc regionem vocarunt recentiores. vetus Chronicon ex eadem Ampliss. Ribierij Bibliotheca, nondum editum: *iste (Traianus) fecit fieri aqueductum vnde lacus Marsiæ deriuatur in*

alueum sub montibus excelsis & laxis. Marsia ista siue Marforum regio centesimi quoque terminum non egrediebatur. *Tuscia* in illo catalogo vtramque comprehendit Tusciam, suburbicariam, & annonariam: annonaria tota extra centesimum procedebat, ideoque ad præfecturam vrbicam non pertinebat, quæ solis intra centesimum vrbicariis suburbicariisque iura dedit. verisimile est etiam quondam nec istam sub Romano archiepiscopo, nec vnam de prouinciæ Romanæ regionibus fuisse, sed sublato demum discrimine annonariæ & suburbicariæ regionis vtramque Tusciam, sicut prius erat, in vnum corpus rediisse, atque integram totamque Romano episcopo subiectam esse. Demus ab antiquo sic fuisse, & paruisse semper episcopo Romano: Roma sane in *Tuscia* prouincia sita erat: nulla prouincia magis vrbi fuit vicina, nulla magis suburbana: tota itaque suburbicaria dici potuit, & earum suburbicariarum nomine comprehendi, quæ sub episcopo vrbis erant, immediateque eidem parebant. Sequitur in eodem prouinciali *Ducatus Spoletinus*. totus *Ducatus Spoletinus* olim suburbicarij Piceni nomine, licet in Vmbria situm habuerit, comprehendebatur, quinimmo huius Piceni suburbicarij caput fuit Spoletium, quam & in Picenensi regione collocat Balbus. Picenum enim suburbicarium, vt superius docuimus, Vmbros Vilumbrosque & Sabinorum regionem complectebatur. Sabinensi agro conterminus erat Tiburtinus. Tiburtinam porro Ec-

clesiam Piceni prouinciæ fuisse constat ex subscrip-
 ptione Mauricij Tiburtini episcopi in Concilio
 quod Romæ sub Agathone celebratum est. Act. iv.
 Synod. sextæ Constantinop. inter alios Italiae epi-
 scopos qui Concilio superscripto adfuerunt, ita
 subscribit Tiburtinus: Μαυρίκιος ἐλάχιτος ἐπίσκοπος
 τῆς ἀγίας ἐκκλησίας Τιβούρτις ἐπὶ τῆς Πικενῆς ταύτῃ τῇ
 ἀναφορᾷ ὑπὸ τῆς ἀποστολικῆς ἡμετέρας πίστεως ὁμοθυμαδὸν
 συνεντάξαμεν, ὑπὲρ αὐτῆς. Tu qui vtrumque Picenum
 extra centesimum collocabas, suburbicariumque
 dici negabas, ab eo quod esset sub vrbe vel vrbi
 vicinum, nunc tibi docendum erit, aut Tiburtinum
 agrum extra centesimum fuisse positum, qui vige-
 simo ab vrbe lapide plus minus distabat, aut faten-
 dum aliquam Piceni prouinciæ partem, intra cen-
 tesimum lapidem constitisse. Sed de Piceno sub-
 urbicario plura superius. Ab hac igitur parte, qua
 Ducatus erat Spoletinus, & Picenum suburbica-
 rium, neque nunc, nec olim vltra centesimum ex-
 cucurrit prouincia metropolitana episcopi vrbis.
 De *Marchia* quæ sequitur, erraui fateor in Epistola,
 cum dixi *Marchia* vocabulo vtrumque Picenum
 designari: solum quippe Picenum annonarium,
 quod extra centesimi fines erat positum, hac voce
 significari certum est. quid ergo? inquires. cur an-
 nonarium Picenum, quod a suburbicario diuersum
 erat, Romano episcopo heic tribuitur, & Romanæ
 prouinciæ adscribitur, quæ solas suburbicarias
 Ecclesias, & regiones intra se continebat? ἔχ' ἀπ' ἐμας
 ἐκκαθὸν ἀνελόν, nihil istic tibi nec feritur, nec metitur.

Quod de Tuscia paulo ante diximus, idē de Piceno dici debet. Picenum cum vna esset olim prouincia, in duas partes siue prouincias diuisum est. pars eius quam centesimus includebat, cum Vmbris, Vilumbris & Sabinis Piceni suburbicarij nomine appellata est: altera quæ vltra centesimum summouebatur, annonaria dicta, & cum Flaminia iuncta, sub vno consulari fuit. solum autem suburbicarium Picenum, quod intra vrbicariæ prouinciæ terminos situm erat, & vrbicarium etiam inde dicebatur, ad præfecturæ vrbicæ iurisdictionem pertinebat. sola etiam hæc Piceni pars suburbana vel vrbicaria videtur antiquitus sub episcopo Romano fuisse, & in prouincia Romana sub Romæ metropoli. nam Piceni annonarij quod cum Flaminia iunctum ab vno eodem regebatur consulari, metropolis & caput erat Rauenna, vt constat ex hac inscriptione.

CRONIO EVSEBIO V.C. CONSULARI ÆMILIAE
 ADDITA PRAEDICTAE PROVINCIAE
 CONTVITV VIGILANTIAE
 ET IVSTITIAE EIVS ET RA
 VENNATENSIVM CIVITATE
 QVÆ ANTEA PICENI CAPVT VIDEBATVR
 VICARIO ITALIAE QVÆ POTESTAS
 SVPRADICTO VIRO OB TESTIMONIUM
 ANTEACTI HONORIS EST ATTRIBVTA.

Picenum annonarium Flaminiae adnexum prouinciam vnā efficiebat, cuius caput Rauenna. Docet autem hæc inscriptio Cronio Eusebio, cum esset

consularis Æmiliæ, prædictæ provinciæ Æmiliæ additam esse ciuitatem Rauennatensium, quæ antea caput Piceni videbatur, contuitu vigilantia eius & iustitiæ: & postmodum quoque huic eidem Eusebio ob testimonium antea acti honoris vicariam Italiæ potestatem attributam fuisse. Hic sensus huius inscriptionis, quam nescio quis fungus superiore anno in putido libello de suburbicariis ita interpretatus est, vt dixerit Rauennatensium ciuitatem vicario Italiæ videri caput esse Piceni provinciæ. Sed retrimentum illud hominis, tanti faciendum non est, vt refellatur. Vtramque porro hanc regionem, Picenum & Flaminiam, provinciæ annonariæ nomine vetus Notitia provinciarum Græca, nondum edita comprehendit hoc modo: ἐπὶ ἡγία ἀνωναείας. Ραβείνα, Φαιεῖς, Ολκοῦσα, Πολεῖς, Πελίνοις, Γίσσαυρον, καὶ ἄλλον Φερεντῖνον, καὶ ἄλλον Σάλερον. sequebantur aliarum urbium & castellorum ex eadem provincia nomina, sed corruptissime scripta. Flaminia erat annonaria, Picenum quoque quod illi adiungebatur, annonarium dictum est, ad distinctionem suburbicarij. hinc annonariam eam provinciam vocauit auctor ille. ἐν τοῖς κοσμητικῇς igitur olim Picenum annonarium sub Rauenna metropoli fuit, nec dubito quin idem fuerit ἐν τοῖς ἐκκλησιαστικοῖς, sed postea labente Imperio mutata vel prorsus abolita per Italiam antiqui regiminis, & præfecturarum ratione, & sublata prorsus differentia suburbicariæ & annonariæ regionis, Picenum totum solidumque Romanæ provinciæ attri-

butum est. Hinc in recentioribus Italiae prouinci-
 rum descriptionibus Picenum tantum vnum re-
 censetur a Flaminia selunctum. *In Italia prouincia*
xvii. Campania in qua est Capua, Tuscia in qua est Roma,
Æmilia, Flaminia in qua est Rauenna, Picenum, Liguria,
&c. Paulus quoque Diaconus vnicum modo Pice-
 num memorat. In antiquioribus autem adnota-
 tionibus Italiae, vt in illa quæ habetur apud vtriuf-
 que imperij Notitiæ auctorem, duo Picena nume-
 rantur, alterum suburbicarium seorsim, alterum
 annonarium cum Flaminia iunctum, hoc modo:
Flaminia & Picenum annonarium, Tuscia & Vmbria,
Picenum suburbicarium, Campania, Sicilia, &c. Quid-
 quid horum sit, certum est suburbicarias Ruffini
 Ecclesias a locorum situ, & ab vrbis vicinitate no-
 men esse sortitas, & hoc nomine Ecclesias intelligi
 suburbanas vel vrbi vicinas, quæ prouinciam Ro-
 manam, cui episcopus Romanus tanquam metro-
 politanus & archiepiscopus præerat, constitutum
 ibant. quam prouinciam non mirum est paulo
 latiores infimo Imperij sæculo habuisse limites
 quam olim habuerit. id enim non in vna prouincia
 Romana accidisse satis scire possunt, qui vel non
 nimium docti sunt. At illud omnino constat, sub-
 urbicarias regiones, quo tempore ita proprie dictæ
 sunt, centesimi fines nunquam excessisse, & intra
 urbicariam regionem semper inclusas fuisse, in-
 deque urbicarias appellatas fuisse, vt suburbicarias
 quod suburbanæ essent, & vrbi vicinæ. Urbicaria
 porro regio ea dicebatur quam diximus: totus ille
 nimirum

nimirum tractus, sub vrbe & circum urbem ad centesimumvsque milliare protensus, & qui centesimo lapide finiebatut: quem terminum fuisse liquet vrbicæ præfecturæ iurisdictionis. Hoc mihi nuper egregie confirmauit vetus omnium prouinciarum orbis Notitia Græca, tempore Leonis Philosophi & Photij Patriarchæ ἐκτεθεισά, quæ nondum publicata est. ita enim in fine habet: ἡ παροῦσα ἐκθεσις ἐχρῶνται ἐν ἐπιστολῇ αὐτῇ ἐπὶ τῆς βασιλείας Κυρίου Λέοντος τοῦ Ὁσίου καὶ Φωτῆος πατριάρχων. Hæc in descriptione ciuiliū Italiæ prouinciarum, quæ sub dispositione præfecti prætorio Italiæ fuere, primam recenset prouinciā vrbicariā, quæ sub præfecto vrbis erat, deinde Campaniam, Bruttios, Calabriam & reliquas. ita igitur in titulo scriptum exhibet: ἐπὶρχία ὑπὸ τὸν εἰσοδεῖταιτο ἐπὶρχον Ρώμης ἢτοι Ιταλίας, ἐπὶρχία ὑβρινκαίας, Ρώμη. perperam confundit præfectum vrbis cum præfecto Italiæ. sequitur, Βεπθίαν ἐπὶρχία, ἐπὶρχία Καμπανίας, ἐπὶρχία Καλαβρίας, Απουλία, Σάμριοι, Βενετία, ἡσος Σικελίας, ἐπὶρχία ἀννακαίας, ita vocat Picenum annonarium, cum Flaminia iunctum, ἐπὶρχία Αἰμιλίας, Σαρδων ἡσος. nomina ciuitatum ibidem etiam recitantur, sed ita confusa, & corrupta vt nihil sani licuerit elicere. sub prouincia vrbicaria recenset Portum Romæ, Centumcellas, castrum Tiburtinum, castrum Nepesinum, castrum Tempfanum, castrum Soranum, castrum Anagninæ, & nonnullas etiam alias ciuitates, quarum nomina valde perturbata sunt, & corrupta. Hoc omnino ex illa Notitia licet col-

M m m m

ligere, quod omni certo certius est, diuersam vrbicariam prouinciam fuisse a Bruttis, a Samnio, a Campania, a Calabria, a Sicilia, & aliis regionibus quas tu vrbicarias & suburbicarias dici volebas. atqui solæ ita dictæ sunt, quæ vrbicariæ illius prouinciæ ambitu comprehendebantur. Hinc *urbicarium Picenum*, Piceni pars quæ in vrbicaria prouincia sita erat: & *urbicaria Tuscia*, pars Tusciæ quæ intra eiusdem vrbicariæ prouinciæ terminos continebatur. Eædem, & suburbicariæ vel suburbanæ, quod nullæ scilicet vrbi viciniore essent regiones quam quæ territorij vrbici finibus tenerentur. Nam & suburbana Italia, pars illa Italiæ vocabatur, vt ex Plinio in superioribus obseruauimus. Hæc ἐπαρχία ὑρβικαρία, *urbicaria regio* dicitur Cod. Theod. *tributa in ipsis speciebus inferri.* leg. III. quod iam ante nobis obseruatum. Hæc etiam *Romana regio* Vopisco, & in veteri Inscriptione. Hæc eadem ἐν τοῖς ἐκκλησιαστικαῖς *Romana vel vrbicaria prouincia*, cuius vel a primis nascentis Ecclesiæ cunabulis metropolitā fuit episcopus vrbis Romæ. Ρωμῶν χωρίον hoc est Romanorum vel Romana regio dicitur Ignatio in Epistola ad Ecclesiam Romanam. De hac igitur prouincia canon sextus Nicenæ Synodi exponendus erat, & ita ab antiquis qua Græcis, qua Latinis expositus fuit interpretibus. Rufinus itaque qui *suburbicarias Ecclesias* assignat in diœcesim Romano Pontifici, non alias intellexit quam suburbanas circum urbem positas, quæque Romanam illam prouinciam episcopo vrbis Romæ, quatenus

metropolitæ subiectam, constituebant. D. Hieronymus qui *ὁ ἡγεῖος* Rufino vixit, *sedis Apostolicæ Ecclesias* eas appellat aduersus Vigilantium his verbis: *quid facient Orientis Ecclesiæ? quid Ægypti? quid sedis Apostolicæ, quæ aut virgines clericos accipiunt, aut continentes, aut si uxores habuerint, mariti esse desistunt?* per Apostolicæ sedis Ecclesias haud dubium esse potest quin intelligi debeant omnes Ecclesiæ Apostolicæ sedi, hoc est Romanæ, subiectæ. Si Apostolicæ autem sedis Ecclesiæ Hieronymo sunt appellatæ omnes Occidentis Ecclesiæ, haud renuo quin suburbicarię apud Rufinum eodem sensu accipiantur, de omnibus nempe Occidentalibus Ecclesiis. Nunc videamus an Apostolicæ sedis Ecclesiarum nomine omnes Occidentis Ecclesias designauerit Hieronymus. Vigilantius ille aduersus quem stili mucronem distringit, Gallus domo fuit, Barcillonensis Ecclesiæ, quæ in Hispania est, presbyter. Hic inter cetera quæ solita fieri in Ecclesia, non probabat, cœlibatum presbyterorum maxime impugnabat, & episcopos per Hispaniam nonnullos habebat, ut testatur idem Hieronymus, erroris sui consortes: *Pro nefas, inquit, episcopos sui sceleris dicitur habere consortes: si tamen episcopi nominandi sunt, qui non ordinant episcopos, nisi prius uxores duxerint, nulli cœlibi credentes pudicitiam, immo ostendentes quam sancte uiuant qui male de omnibus suspicantur: & nisi pregnantes uxores viderint clericorum infantesque de vlnis matrum vagientes, Christi sacramenta non tribuunt.* Vigilantio & episcopis Ecclesiarum Hispaniæ qui cum sequebantur, opponit.

Hieronymus earum Ecclesiarum consuetudinem, quarum maxima auctoritas erat, Orientalium nempe sub Antiocheno, Ægyptiacarum sub Alexandrino patriarcha, & Apostolicæ sedis Ecclesiarum, quæ Romano episcopo subiacebant: *Quid facient, inquit, Orientis Ecclesiæ? quid Ægypti, quid Apostolicæ sedis Ecclesiæ, quæ aut virgines clericos accipiunt, aut continentes, aut si uxores habuerint, mariti esse desistunt?* Trium igitur illarum Ecclesiarum auctoritate, quæ primas sedes habebant, retundit ac reprimat Hieronymus episcopos illos qui cum Vigilantio virginitatem clericorum improbabant. Ecclesias porro Hispanicas eorum episcoporum qui Vigilantio adhærebant, aperte distinguit beatus ille pater ab Ecclesiis Apostolicæ sedis: ergo Hispaniarum Ecclesiæ Romanæ sedi subiectæ non erant. Ut quid enim eis opponeret consuetudinem quæ seruabatur in Ecclesiis Apostolicæ sedis, si Ecclesiæ illæ quibus hoc opponit, inter Ecclesias Apostolicæ sedis numeratæ essent? Si Hispaniarum Ecclesiæ, Romanæ sedi non erant subditæ, cur erunt Galliarum, cur Africanæ, cur aliæ Occidentales? Per Apostolicæ igitur sedis Ecclesias intellexit Hieronymus *suburbicarias*, quæque immediate parebant episcopo urbis Romæ, ut suo metropolitæ.

Præter illam metropolitanam prouinciam, an aliam habuerit specialem diœcesim, nunc quærendum. Italiæ primatem specialem eum fuisse quouis pignore contendis, & hanc rationem reddis, quod nullus in Italia primas esset. qua ratione nihil fu-

tilius, nihil falsius. si iuxta hanc rationem tantum primas Italiæ fuit Papa, ego tibi pro certo asserere ausim primatem illum non fuisse: nam in Italia non primates, sed etiam patriarchæ fuere. quid de Aquileiensi dices? an non ille primas & patriarcha dictus est? quid de Forojulienfi? quid de Gradenfi? Si mihi non credis, crede Leoni nono Papæ qui Gradensem episcopum primatem & patriarcham Venetiæ & Histriæ vocat: crede & Gregorio secundo qui hoc eodem illum nomine donavit. fateamur fuisse Italiæ primatem episcopum Romanum; si primas fuit, fuit & patriarcha. omnes enim diœceson primates, etiam patriarchæ passim dicti sunt. Hoc satis multis supra comprobauimus. nec ipse quin verum id sit diffiteri ausus es, vi nimirum veritatis fractus. Si patriarcha igitur Italiæ Papa, Italia specialis eius erit & patriarchalis diœcesis, vt Ægyptus diœcesis erat Alexandrini patriarchæ, Oriens Antiocheni. At tu non Italiæ, sed Occidentis totius patriarcham eum vis dici, & Occidentem specialem eius esse diœcesim. non igitur vnicam ille diœcesim sub suo patriarchatu habuit, vt Antiochenus & Alexandrinus, sed plures vt Constantinopolitanus. Plures autem in Occidente diœceses. harum omnium patriarcha tua sententia Pontifex Romanus erat. inter illas porro diœceses Italia numerata est, & vna ex illis fuit, vt Thracia vna fuit trium diœceson quæ patriarchæ Constantinopolitano parebant. Ergo non alio modo Italiæ primatem siue patriarcham fuisse dicendum, quam aut

M m m m iij

Africae, aut Galliae, aut Hispaniae, aut Britanniae, aut aliarum denique Occidentis diœceseon. nec enim alio modo, aut alio iure patriarcha Thracicae diœceseos erat archiepiscopus Constantinopolitanus, quam Asianae & Ponticae. Thracica specialis non est diœcesis patriarchae Constantinopolitani, sed vna ex tribus quae specialem eius diœcesim constituunt. sic Italia specialis non fuerit diœcesis patriarchae Romani, sed vna ex multis quae sub eius erant patriarchatu. Quare aut specialis Italiae primas non est episcopus Romanus, aut etiam est patriarcha. At si patriarcha specialis est Italiae, iam non erit Occidentis. nam patriarchatus eius & diœcesis patriarchalis Italiae finibus hoc pacto circumscriberetur omnis. Si patriarcha vero est Occidentis specialis, Galliae non minus erit, & Africae, & Hispaniae & Illyrici aliarumque Occidentis diœceseon, quam Italiae primas & patriarcha. quid opus erat, obsecro te, primatem Italiae facere, quem Occidentis totius patriarcham constitueres? quid aliud primas diœcesis quam patriarcha diœcesis? Si diœcesis eius specialis, sicuti vis, Occidens fuit, an non illius diœceseos idem primas extitit & patriarcha? Nonne patriarcha Alexandrinus Aegyptiacae diœceseos ἑξάρχης, hoc est, primas dictus est? Nonne Antiochenus antistes τῆς ἀνατολικῆς διοικήσεως, primas & patriarcha similiter est appellatus? Papa itaque Romanus si patriarcha Occidentis est vniuersi, idem & Italiae primas, & Galliae & Africae & ceterarum per Occidentem diœceseon: si patriarcha

Italiae specialis non est, nec primas fuerit, nam *πατριάρχης διοικήσεως*, & *ἐξάρχης διοικήσεως*, hoc est primas diœcesis, idem.

Concederem sane libens & confiterer haud inuitus patriarcham Italiae fuisse episcopum Romanum, si ad communem aliorum patriarcharum normam, qui omnium primus est & princeps, exigi spectarique aut vellet ipse, aut deberet, aut certe posset. In singulis diœcesibus qui primierant metropolitani, qui primam diœceseos sedem habebant, iidem & primates siue patriarchæ illius diœceseos dicebantur. Episcopus Romanus primus quidem sine controuersia fuit Italiae metropolitani, sed non Italiae tantum, non etiam Occidentis, quippe qui totius orbis primam tenuerit sedem, & primus episcopus fuerit. Ceteri patriarchæ suarum singuli diœceseon tantum primi fuere metropolitani & *ἐξάρχαι*, extra suas diœceses nullum habuere primatum, episcopus Romanus nullius specialis diœceseos primus fuit metropolita, sed omnium: nullius itaque primas extitit diœceseos speciatim, sed generaliter vniuersarum: singularis alicuius ac specialis diœceseos *ὁ ἀρχιεπίσκοπος* non habuit, sed vniuersalis quæ cunctas comprehendit. non igitur Italiae primas modo fuit, sed vniuersæ Ecclesiæ primus & princeps episcopus, & patriarcha. Eapropter qui in Italia primus post Romanum metropolitani erat, is patriarcha dictus est, Aquileiensis nimirum, qui primæ per Italiam prouinciæ præerat, Venetiis nempe & Istriae. Nam & primi quique diœceseon

metropolitani tam in Occidente quam in Oriente, primates illarum diœceseon dicebantur, & patriarchæ. Hi tamen omnes primi semper fuere post Romanum Pontificem, qui omnium primus. In Italia igitur non patriarcha Italiæ vnquam legitur appellatus episcopus vrbis Romæ, sed Aquileiensis, quem & ipsi Romani episcopi pro patriarcha semper agnouerunt, itaque vocauerunt. Italiam præterea non alio iure rexit Summus Pontifex, nec alia forma regiminis gubernauit, quam vel Galliam vel Africam vel Hispaniam vel quamlibet aliam denique prouinciam Occidentis. Diuersam iurisdictionem in Italia non exercuit, nec diuersam in ea potestatis, vt ita loquar, ideam habuit, quam in Gallia, quam in reliquo Occidente toto. Postremo cum Græci etiam schismatici, qui quantum possunt, Summum Pontificem in ordinem cogunt, *Πατριάρχῃ τῆς Δύσεως* de toto interpretentur Occidente, & patriarcham eum agnoscant & vltro fateantur omnium Occidentis Ecclesiarum, nos non debemus qui Catholici sumus, *πατριαρχία* eius qui vniuersum habeat Occidentem pro diœcesi, finibus & cancellis Italiæ circumscribere ac coercere. Ad summam, quid opus eum Italiæ patriarcham facere, si fuit Occidentis? Italia quippe in Occidente quasi pars in toto. si totum habuit, vtique & partem. Si patriarcha Occidentis, omnino & Italiæ fuit. At non contra, si Italiæ, vtique & Occidētis. Nec primas igitur, nec specialis Italiæ patriarcha, Romæ vrbis episcopus. nunc videamus an fuerit Occidentis.

Episcopus

Episcopus Romanus, Maximus Pontifex, episcopus episcoporum, pater patrum, patriarcharum patriarcha, vniuersæ rector & pastor Ecclesiæ, qui vniuersalis Ecclesiæ episcopum sese vocat, qui episcopus vniuersalis haud minus est, quam vocatur, Beati denique Petri successor, Christi vicarius, Ecclesiæ visibile caput vnicum, atque, vt vno verbo absoluam, quod omnia comprehendit, PAPA, quis ambigere queat, quis negare, quin etiam fuerit Occidentis patriarcha? qui totum habet, habet & partes. qui vniuersi orbis dominus est, & in singulis partibus dominatur. Si patriarcha vniuersalis est Papa, cum Occidens pars sit vniuersi, Occidentis quoque omnino patriarcha habendus est: nec solius Occidentis ille patriarcha, sed & Orientis. an non iniurium est partem illi concedere qui totum sibi deberi postulat? Hoc Græci fecerunt. hoc schismatici. qui vniuersalem agnoscere nolunt, solius Occidentis patriarcham agnoscunt. Hos tu Sirmonde sequeris? horum sententiam probas, & pro Catholico te venditare audes? nullus schismaticus te *ῥωμαῖνα πρεσβ.* Ecquid te pudet? Sed hæc infra videbimus. Nunc argumenta tua discutiamus, & rationes quibus patriarcham specialem Occidentis fuisse Papam adstruere & adserere conatus es. Primum illud & valentissimum, sed & vnicum tibi argumentum est, quo sic argumentaris. *Si quinque, inquis, duntaxat in Ecclesia sunt patriarchæ, atque horum quinque omnium consensione quattuor sunt in Oriente, consequens est, vt quintus totum obtineat Occidentem.*

Nnnn

Bona sane hæc consequentia, si verum esset quod antecedit. At nihil illo falsius. non enim quinque duntaxat fuere patriarchæ, sed quinque primarij præcipuique. non igitur soli, sed inter plures eximij καὶ ἐξοχοὶ τῷ δυνάμει. fateris ipse κατ' ἐξοχὴν patriarchas appellatos esse. si κατ' ἐξοχὴν ita dicti sunt, non soli fuerunt. oportet enim & alios fuisse eiusdem ordinis & nominis inter quos excellerent. si soli fuere, κατ' ἐξοχὴν patriarchæ appellati non sunt: quippe qui soli hoc nomen habuerint. Contradicis ipsemet tibi, tuoque gladio plane te iugulas. Volo fuerint, sicuti vis, quinque duntaxat patriarchæ: soli patriarchæ vocati sint: nemo præter eos quinque nomen hoc gesserit. quid consequetur? totum orbem, vniuersam Ecclesiam sub illis quinque fuisse patriarchis? Istæ tui argumenti consequentiæ sunt. at quam falsæ? quattuor in Oriente fuerunt patriarchæ. ergo totus Oriens quattuor illis subiectus fuit patriarchis. nulla in Orientē prouincia, nulla diœcesis quæ non alicui ex quattuor illis patriarchis fuerit subdita. an hæc tua sententia est? ex tuo argumento hæc debet esse. dic igitur sodes, Cyprum insulam quis ex illis patriarchis habuit sibi subiectam? quis Iberiam? quis Bulgariam? quis Armeniam? quis Persida denique, quis Babylo-niam? Si præter illos quinque patriarchas multi per Orientem extitere archiepiscopi ἀρχιεπίσκοποι, qui & Catholici dicti sunt & patriarchæ, qui nec vlli supradictorum quattuor patriarcharum fuere subditi, totum Orientem non quattuor patriarchis

solis subiactuisse certum est. quippe vniuersas illi Orientis diœceses sub sua potestate non habuere. alij per Orientem fuere *κεφαλαι*, alij *ἀντικεφαλαι* quam illi quattuor. Demus patriarchas appellatos non esse, non fuisse patriarchas. quid refert? an non eamdem iurisdictionem in sibi subditos metropolitae & episcopos habebant? an non episcopos similiter ordinabant? an non prouincias & diœceses proprias pari iure ac potestate regebant? Nunc spectata sis quam mala & praua sit hæc conclusio: quattuor erant in Oriente primarij patriarchæ, ergo totus Oriens illis quattuor patriarchis suberat. Tam mala est & de Occidente. Vnus in Occidente summus & primus patriarcha fuit: ergo totus illi Occidens quasi patriarchæ subiectus fuit. An negabis tempus extitisse quondam, quo tres duntaxat erant in vniuersa Ecclesia primi patriarchæ? tres præcipuæ, primariæque sedes? Quænam illæ fuerint haud quæris; Romanam, Alexādrinam & Antiochenam fuisse tenes. sic duo in Oriente tantummodo patriarchæ tunc extitere, vnus in Occidente. Nunc de te exquiro, cum illi duo duntaxat erant in Oriente primarij patriarchæ, Alexandrinus nimirum & Antiochenus, totumne tunc Orientem sub sua potestate habuere, totum rexere? Non tu hoc dixeris, nemo dixerit. atqui non nemo posset id asserere eodem quo tuo argumento vsus. Alexandrinus Ægyptiacæ diœceseos tunc erat exarchus, nec aliam habebat. Antiochenus τῇ ἀνατολικῇ διαικίᾳ iure exarchi præsidebat, nec alia prouincia vel diœcesis illi

suberat. quis igitur ceteras Orientis diœceses regebat, Asianam, Ponticam & Thracicam? an non illæ metropolitæ suos habuere qui autocephali erant, inter quos in vnaquaque diœcesi vnus eminebat, qui & primus, qui & primas siue patriarcha diœceseos illius cui præerat dicebatur? Quemadmodum igitur sub illis duabus primis Orientis sedibus cum solæ fuere, non fuit totus Oriens; ita nec primæ sedi Occidentis, quia sola hæc erat per Occidentem prima sedes, totus Occidens vnquam quasi specialis diœcesis subiectus fuit. Primæ sedes siue patriarchales præcipuæ per Orientem multiplicatæ sunt, & pro duabus quattuor factæ. sed nec sic quidem postquam quattuor extitere, Orientem vnquam ita inter se partitæ sunt, vt totum sub sua ditione haberent. At prima sedes ex eo genere sedium per Occidentem semper vna mansit, id est Romæ; quæ non solum Occidentis prima sedes fuit, sed vniuersæ Ecclesiæ, & primarum prima. Nunquam tamen illius primæ sedis antistes, hoc est vrbis Romæ episcopus, Occidentem sibi quasi propriam ac patriarchalem diœcesim attributum agnouit, sed quasi partem vniuersalis Ecclesiæ, cuius rector est, iuri suo vindicauit. quemadmodum autem Oriens, & quum duo tantum præcipuos patriarchas haberet, & postquam tales quattuor habere cœpit, multos etiam habuit autocephalos archiepiscopos, & primates, qui plures Orientis prouincias sibi subditas αὐτοκεφαλῶς καὶ ἀντεξουσίως regebant: ita totius Occidentis ferme diœceses omnes ac prouinciæ

suos habuere primates ac patriarchas a quibus regerentur, qui respectu aliorum patriarcharum autocephali essent; solum vero Pontificem Romanum, non tanquam specialem patriarcham suum agnoscerent, sed illi, ut vniuersæ Ecclesiæ capiti *καὶ ὡς* *ἐκκλησίᾳ* parerent. Hoc nomine ac titulo, non soli Occidentis primates, sed illi ipsi summates patriarcharum, primi inquam illi, primarij præcipuique patriarchæ Pontifici maximo, tanquam vniuersali Ecclesiæ pastori obedientiam debent, & subiectionis patientiam.

Vt scias autem totius Occidentis specialem non fuisse patriarcham Summum Pontificem, quam volles cunque, & quæ prima occurrerit, arripiamus Occidentis prouinciam, & exploremus an aliquid iuris in illam quatenus patriarcha specialis habuerit episcopus Romanus. Africam, si placet, sumamus. quid in illa vnquam diœcesi pro patriarcha egit, aut gessit episcopus vrbis Romæ? quæ patriarcharum iura fuerint non ignoras. aut metropolitanos solos ordinabant subiectæ sibi diœceses, ut Constantinopolitanus: aut metropolitas simul & episcopos, ut Alexandrinus, & Antiochenus. Appellationes præterea ex tota diœcesi episcoporum metropolitaramque patriarchæ tribunal audiebat ac diiudicabat. quid horum in ea prouincia pro suo iure vnquam fecit Pontifex Summus: episcoporum ordinationes ad primates hoc est metropolitanos suos libero plenoque iure spectauere semper, in ea diœcesi. metropolitani ipsi, hoc est singularum

Africæ prouinciarum primates sine consensu & auctoritate Romani Pontificis a comprouincialibus episcopis semper ordinati sunt. Archiepiscopi Carthaginensis ordinatio, qui primus erat primas & patriarcha diœceseos Africanæ, similiter peragebatur. An pallium illi mittebat episcopus Romanus? Concedamus misisse, & eam pallij missionem ab omni æuo vsurpasse Romanos Pontifices. mos ille certe pallij mittendi metropolitæ, qui a Summo Pontifice confirmandi erant, quam vetus sit nunc disputare nolo, sed nec dubitari debet, quin hoc eodem more vsus sit, hanc eandem pallij missionem vsurparit erga omnes tam Orientis quam Occidentis metropolitas & primates patriarchasque: id enim iuris sibi vindicauit, non tanquam specialis Occidentis patriarcha per solum Occidentem, sed vt Summus Pontifex per vniuersum orbem. quo iure hodieque in Oriente toto vteretur nisi schisma Oriens fecisset. De appellatione episcoporum quid iuris fuerit episcopo Romano per Africam, notum est omnibus. Certe constat episcoporum appellationes ex Africa vindicare sibi voluisse Summum Pontificem. sed quo iure hanc sibi adserebat? an patriarchæ specialis titulo, & quasi qui primas esset totius Africæ? nequaquam. nec enim vnquam hoc illi iuris negatum fuisset, aut controuersum: constans quippe fuit, & inconcussa per vniuersam Ecclesiam hæc regula, vt ab episcopo ad metropolitanum, a metropolitano ad patriarcham appellationes decurrerent. ex omnibus diœcesibus pa-

patriarchæ Constantinopolitano subiectis ad sedem eius episcoporum appellationes veniebant. Non igitur tanquam specialis patriarcha, sed tanquam vniuersalis & Summus Pontifex prouocationem episcoporum sedi suæ decerni postulauit in Concilio Carthaginensi Zosimus Papa. canon ille quem legatus eius Faustus in eodem Concilio protulit, quasi ex Niceno Concilio depromptum, qui Sardicensis erat Synodi, non ex Occidente tantum appellationem episcoporum ad Romanam sedem decernit dandam, sed ex vniuerso orbe. De his canonibus Gelasius in Commonitorio ad Faustum Magistrum fungentem legationis officio Constantinopoli: *Nobis, inquit, opponunt canones dum nesciunt quid loquantur: contra quos hoc ipso venire se produnt, quod primæ sedi sana rectaque suadenti parere fugiunt. ipsi sunt canones qui appellationes totius Ecclesiæ ad huius sedis examen voluere deferri.* canones intelligit iv. & v. Synodi Sardicensis, qui permittunt episcopis cuiuscunque fuerint diœceseos, accusatis ad Romanam sedem prouocare. Horum canonum obtentu Zosimus per Faustum legatum ex Africanis quoque prouinciis appellationes ad sedem suam deferri petiit in Concilio Carthaginensi. quo nihilominus Concilio sancitum est ne quis sub pœna anathematis ad transmarina iudicia appellaret. nunquam igitur Africanæ Ecclesiæ Summum Pontificem pro speciali patriarcha videntur agnouisse, cuius illud denegarunt, quod omnes habent patriarchæ in propriis diœcesibus. sed nec Papæ ipsi vn-

quam aliter Africanas Ecclesias sedi suæ subiectas haberi voluere, quam quomodo & omnes vniuersum per orbem subditas sibi habuere; titulo nimirum ac iure Summi Pontificis ac Papæ, non specialis patriarchæ. & cui tutius meliusve super hac re quam Papis ipsis credi possit? Sub Gregorio Magno primas Byzacenus a Concilio suo accusatus Romam venire voluerat, vt ab Apostolica sede iudicaretur. Imperator quoque causam eius ab eadem sede cognosci iudicarique mandauerat. Theodorus quidam magister militum, acceptis, vt ait Gregorius, decem auri libris, ne hoc fieret obstitit. Hæc cum videret Gregorius, causam illam inire noluit, qui hoc narrat ipse lib. vii. indict. ii. Epist. Lxv. & verba ista subiungit: *Nunc autem idem primas aliqua de concilio suo loquitur, & valde dubium est vtrum pure; an certe quia a coepiscopis suis impetitur, nobis modo talia loquatur. Nam quod se dicit sedi Apostolicæ subiici; si qua culpa in episcopis inuenitur, nescio quis ei episcopus subiectus non sit. cum vero culpa non exigit, omnes secundum rationem humilitatis aequales sunt.* Ex his verbis clarum est Gregorium Ecclesias Africanas sibi tanquam patriarchæ subiectas minime agnoscere. nam primatem illum prouinciæ Byzacenæ, qui quod a coepiscopis suis impetitus fuerat, subiectum se Apostolicæ sedi ferebat, subditum sibi quatenus patriarchæ speciali negat, sed eo tantum nomine fatetur quo vniuersæ Ecclesiæ rector erat: *si qua culpa, inquit, in episcopis inuenitur, nescio quis Apostolicæ sedi episcopus subiectus non sit.* omnes episcopi tam
Orientis

Orientis quam Occidentis, si quo fuerint in crimine deprehensi & accusati, sedi Apostolicæ subii-
ciuntur, & ab eadem iudicari debent. Hinc appella-
tiones episcoporum vniuersæ Ecclesiæ, non Africa-
næ tantum sibi vindicauit Apostolica sedes. Ap-
pellationes itaque in causis episcoporum ex Africa-
nis prouinciis, non tanquam earum patriarcha, καὶ
πατὴρ ἐξ αἰρέτος ad se trahere voluit Papa, sed tanquam
Summus Pontifex, cui deberetur ius illud ex vni-
uersa Dei Ecclesia. Atqui ne hoc quidem illi con-
cessere olim Africanorum Conciliorum patres.
Primates autem prouinciarum Africae, quantum ad
episcoporum ordinationes attinet, & aliam Eccle-
siasticam administrationem, vt ἀντιπάτρις semper
fuere, sic etiam ἀντιπάτρις vt essent siuere Summi
Pontifices: solam prouocationem ambiuerunt,
quasi proprie sibi, & pro ea potestate summa quam
habent, competentem. At enim uero si Africana
diœcesis Papæ, tanquam patriarchæ suo subiecta
nunquam fuit, quo iure vel titulo dixeris ei subie-
ctam fuisse Hispaniam, Galliam, Britanniam, &
reliquas Occidentis diœceses? nunquid non Africa
prouincia quoque fuit Occidentis? Si Papa Occi-
dentis patriarcha, cur eam Occidentis prouinciam
cum reliquis non habuit subiectam? si illam non
habuit, cur eum reliquas habuisse dicis, aut quo
iure? Vidimus paulo ante D. Hieronymum in ea
aduersus Vigilantium Hispaniarum Ecclesias ab
Ecclesiis Apostolicæ sedis subditis aperte distin-
guere. Si Hispaniæ Apostolicæ sedi non erant.

O o o o

subiectæ, cur erunt Gallia, cur Britannia, cur Germania? Igitur si nec Africa, nec Hispania, nec Gallia fuit patriarcha specialis episcopus vrbis Romæ, nec erit Occidentis: prouinciæ quippe illæ omnes Occidentem constituunt.

Quomodo vero Occidentis patriarcha esset, qui ne patriarcha quidem vnquam dictus est? qui patriarcham nunquam se dici voluit? nunquam hoc nomine seipsum vocauit? in Epistolis ac decretis ecquando se patriarcham proscripsit? in Conciliorum subscriptionibus, an vnquam ita se subscripsit? Ceteri patriarchæ, & ipsi semet patriarchas inscribebant, & ab aliis ita compellabantur. Alexandrinus antistes, patriarcha Alexandria, & omnis Ægypti, Libya, Pentapoleos, & Æthiopiæ vocabatur. Antiochenus, patriarcha Antiochiæ, & totius Orientis: & ita reliqui, suarum quippe diœceseon patriarchæ solebant inscribi, ac subscribi. quis Papam vnquam patriarcham Occidentis appellauit; aut appellatum legit, siue in conciliorum subscriptionibus, siue in Epistolarum inscriptionibus? Græci, inquit, in Concilio Chalcedonensi patriarcham eum appellauerunt. ita sane, sed adde titulum eos οἰκουµενικοῦ addidisse. Libellus supplex Sophronij contra Dioscorum ad Synodum Chalcedonensem, qui eiusdem Synodi gestis insertus legitur, act. iii. sic inscriptus est: τῷ ἁγιωτάτῳ καὶ μακαριώτατῳ, οἰκουµενικῷ ἀρχιεπισκόπῳ καὶ πατριάρχῃ τῆς μεγάλης Ρώμης Λέοντι. &c. œcumenicum & uniuersalem archiepiscopum & patriarcham vocat,

non patriarcham Occidentis. nec ignoro sane Græcos passim, etiam Iustinianum & alios, Papam Romanum, patriarchæ titulo donauisse, non quod patriarcha fuerit Occidentis, sed quod οἰκουµενικός, ideoque & titulum fere οἰκουµενικός semper ei adiungebant. Nam & archiepiscopus ille ipse Constantinopolitanus, tametsi propriam & specialem haberet patriarchalem diœcesim, tres complexam diœceses, illius tamen diœceseos, cui præerat, non se patriarcham ceterorum patriarcharum more, sed πατριάρχην οἰκουµενικὴν simpliciter, & absolute vocabat. quippe qui pari passu cum Summo Pontifice ambularet, & paria in omnibus priuilegia, paremque in Ecclesia potestatem habere, conciliorum vt pote auctoritate sibi delatam, videri vellet. Vnde quod episcopus Romanus οἰκουµενικός reuera esset, atque ita vocaretur, hunc C. P. eundem titulum, nequa in re videretur inferior, similiter vsurpauit. Hinc Ἀρχιεπίσκοποι Κωνσταντινουπόλεως, καὶ πατριάρχην οἰκουµενικὴν Græci sui semper eum dixere, atque ita ipse semper appellari voluit. in Epistolis quas ad Papam dabat, ita & illum & se inscribere consueuerat: τῷ μακαριώτατῳ διαδοτικῇ τῷ Πάπῃ κυρίῳ ἄχρῳ Ἀρχιεπὶ Ἀλκιωτάτῳ, ἧς Θεοῦ Ἀρχιεπίσκοπος Κωνσταντινουπόλεως νέας Ῥώμης, καὶ οἰκουµενικός πατριάρχης. ita semper a Iustiniano compellatur: τῷ ἀγιωτάτῳ Επιφανέῳ Ἀρχιεπισκόπῳ Κωνσταντινουπόλεως νέας Ῥώμης καὶ οἰκουµενικῷ πατριάρχῃ. Ceteri patriarchæ, vt dixi, non simpliciter patriarchæ, nec οἰκουµενικοί, sed suarum singuli diœceseon patriarchæ vocabantur. cum ad pa-

Oooo ij

triarcham Alexandrinum scribebat patriarcha Constantinopolitanus, ita eum compellabat: *ἀγώτατε δέσποτα Πάπα καὶ πατριάρχᾳ Ἀλεξανδρείας, ἐ πάσης Αἰγύπτου, Γαζαπόλεως, Λιβύης καὶ Αἰθιοπίας ἐ ἀγία πνύματι πορνότατε ἀδελφεὲ καὶ συλλήτρει. &c.* Ad Antiochenum ita: *Ἀγώτατε δέσποτα, καὶ πατριάρχᾳ Γαζαπόλεως μεγάλης Ἀντιοχείας καὶ πάσης ἀνατολῆς ἐ ἀγία πνύματι ἀγαπητὲ ἀδελφεὲ καὶ συλλήτρει.* Ad Hierosolymitanum sic: *Ἀγώτατε πατριάρχᾳ Ἱεροσολύμων ἀγίας Σιών, Συρίας, Ἀραβίας καὶ πάσης Παλαιστίνης ἐ ἀγία πνύματι πορνότατε ἀδελφεὲ καὶ συλλήτρει.* Ad Bulgariæ patriarcham in hunc modum: *Ἀγώτατε πατριάρχᾳ Τοριόβου καὶ πάσης Βουλγαρίας, ἐ ἀγία πνύματι ἀγαπητὲ ἀδελφεὲ τῆς ἡμετέρας μετρίότητος καὶ συλλήτρει.* omnes, ut vides, hi patriarchæ, earum ciuitatum diœceseonque quibus præsidebant, patriarchæ indigebantur: solus Constantinopolitanus licet diœcesim haberet patriarchalem, patriarcha tamen Constantinopoleos, aut Asiaticæ, Ponticæ, Thracicæque diœceseon non dicebatur, sed *πατριάρχης οἰκουµενικός*. Hic tamen οἰκουµενικός reuera non fuit, cui certa subesset, & suis finibus circumscripta diœcesis. Romanus autem archiepiscopus vere οἰκουµενικός erat *πατριάρχης καὶ ἑξάρχος*: nullam enim habuit specialem diœcesim, excepta prouincia metropolitana, cuius patriarcha dici non potuit, sed archiepiscopus tantum & metropolitanus. Honorem igitur ac titulum Apostolicæ primæ sedis superambiuit sedes Constantinopolitana, cum eius antistes appellari cœpit οἰκουµενικός πατριάρχης. Nam cum secunda sedes esset

totius οἰκουμένης, non prima, iure dici οἰκουμένη non poterat, qui titulus primæ sedis modo debebatur. quemadmodum enim in singulis diœcesibus qui primam sedem diœceseos tenebat, metropolitanus is totius diœceseos, exarchus & patriarcha fere semper dictus est, ita qui primæ sedis præerat totius οἰκουμένης, merito οἰκουµενικός, ἑξάρχης & πατριάρχης dici debuit, atque ita etiam dictus fuit. quare Constantinopolis, quæ secunda sedes erat post Romanam, hunc honorem nullo suo merito sibi vindicauit. Græci tamen semper interpretati sunt veterem Romam primatum non alia de causa habuisse, quam quod imperij sedes esset, & vrbs βασιλεύσα. Ἀλλ' ὅ βασιλεύειν, inquiunt, πρὸ πόλιν ἐκείνῃ. hæc enim verba sunt xxviii. canonis Synodi Chalcedonenſis: τὰς θρόνους τῆς πρεσβυτέρης Ρώμης, ὅθεν ὁ βασιλεὺς πρὸ πόλιν ἐκείνῃ, οἱ πατέρες εἰκότως ἀποδεδώκασι τὰ πρεσβεῖα. Constantinopolis igitur postquam & ipsa cœpit altera sedes esse Romani imperij, & pro parte dominari, ita secunda facta est, vt æqualis esset, vt pote quæ paribus priuilegiis & honoribus decorata fuerit, quibus Roma vetus pollebat. Ast vbi Romæ veteris imperium collapsum est, noua Roma, id est Constantinopolis, quæ sola scilicet imperabat, principem locum, primamque ipsa sedem iure suo meritoque, vt putabat, occupauit. Hinc illorum Græcorum ista sunt quæ & ante retulimus: Ἀλλ' εἰδέναι ὡς Ἀλλ' τὸ δούτερον πρὸ ἐν Κωνσταντινουπόλει ἐκκλησίας ἀνόμενον, ὅτι ὅτε καὶ ἡ πρεσβυτέρα ἐβασίλευε Ρώμη. Εἰ γίνωκα κατὰ φησὶν ἡ ἀγία συνόδος, Ἀλλ' ὅ

βασιλεύειν πλεὺν Ρώμῃ καὶ πρεσβύτερα δεδόκασι, μόνῃς τοῦ
 ὁδοῦ Θεοῦ βασιλεύουσας πόλεως, εἰκότως αὐτὴ καὶ πλεὺν
 πρεσβεῖν κέκτηται. Ex illo tempore Constantinopo-
 litani archiepiscopi, quod primam sedem tenerent
 totius οἰκουμένης, οἰκουμηνικοὶ πατριάρχαι sese pro-
 scripsere; aut certe quod secundæ sedi, sed æquali,
 sed paribus cum prima priuilegiis ornata, præ-
 essent.

Patriarcham igitur si qui Græcorum anteschisma
 vocarunt episcopum Romanum, non specialem
 Occidentis, sed vniuersi orbὸς πατριάρχῃ οἰκουμηνικόν
 eum esse intellexerunt. Schismatici vero qui pa-
 triarcham illum fecerunt, & hoc nomine appel-
 larunt, diœcesim ei specialem Occidentalium
 Ecclesiarum ideo subiecere, ne vniuersalis Ec-
 clesiæ rectorem καὶ ἀρχιεπίσκοπον agnoscerent, &
 in patriarcharum numerum accensum ea de causa
 retulere, vt ἰσότητι facerent reliquis patriarchis.
 Ceterum ex eo quod Græci πατριάρχῃ aliquando
 titulum episcopo Romano tribuerunt, nullo modo
 statui debet patriarcham eum fuisse, aut si fuerit,
 aliter dictum esse quam οἰκουμηνικόν. Græci cum ma-
 iorem aliam in Ecclesia dignitatem, nec vllum
 eminētiorum episcoporum gradum nossent, quam
 patriarchæ, Romano etiam episcopo hunc titulum,
 vt & reliquis primarum sedium præsulibus ad-
 scripsere. Romanus vero episcopus nunquam id
 nominis ac tituli sumpsit, nunquam ita se vocauit.
 Romæ vrbis episcopus primo, & Papa vrbis Romæ,
 mox Papa simpliciter & absolute dictus est. Papa

igitur nomen est ac titulus episcopi urbis Romæ, non patriarcha. Sic ille non patriarcha, sed Papa, & hoc nomine super omnes patriarchas positus, & extra ordinem patriarcharum constitutus. Hinc episcopus patriarcharum a Cassiodoro vocatur. Græci οἰκουµενικὸν Πάπαν eum frequenter appellant, ut Constantinopolitanum οἰκουµενικὸν πατριάρχην. vniuersalis Ecclesiæ Papas ipsi sæpenumero se vocant. ita Leo primus vocatus legitur a legatis suis in Concilio Chalcedonensi, act. v. Πατριάρχης ὁπίσθεπος, ἐπέχων τὸν ὅπον τῷ δεσπότητι μου τῷ μακαριώτατου καὶ ἀποστολικοῦ τῆς οἰκουµενικῆς ἐκκλησίας ὁπίσθεπου πόλεως Ρώμης Λέοντος. Λουκίσιος ὁπίσθεπος, ἐπέχων τὸν ὅπον τῷ δεσπότητι μου, τῷ μακαριώτατου, καὶ ἀποστολικοῦ ἀνδρὸς πάσης ἐκκλησίας ὁπίσθεπου πόλεως Ρώμης Λέοντος, ἐν τῇ σινοῳδῳ τοῖς ἡγῶσι δὲ ἀναγνωθεῖσιν ὑπέγραψα. Hunc *Lucensem*, ut obiter hoc moneam, omnes qui hodie scribunt, *Lucentium* vocant: at Λουκίσιος non est *Lucentius*, sed *Lucensis*. ut Λαριύσιος, *Larenfis*, Ἰλλύστριος, *Illustris*, & similia. ita enim Græci hæc nomina solent efferre. Lucensis autem nomen proprium etiam apud Martialem in hoc versu:

Lucensem nostri libertum quære Secundi.

Nunc ad rem & in viam de semita. Papæ nunquam ipsi se patriarchas, sed vniuersales, aut vniuersalis Ecclesiæ Papas appellarunt. Hinc Gregorius Magnus in Epist. ad Natalem Salonitanum episcopum, quattuor tantum præcipuos numerat patriarchas, non quinque. quem numerum sequuti sunt & sequentes Papæ, qui episcopum Romanum non

pro patriarcha, sed pro Papa semper haberi voluerunt. Auctor Arabs in canonum *ἡ ἀρχαία* cap. viii. quo sextum Nicenum expressit, cum Alexandrinum & Antiochenum episcopos, patriarchas dixisset esse, episcopum vrbis Romæ, successorem Petri simpliciter esse dixit. Hæc eius verba sunt digna quæ heic iterum adscribantur, iam superius allata: *Constitutum est, ut episcopus Ægypti, id est patriarcha Alexandrinus, præsideat, & habeat potestatem totius Ægypti, & omnium locorum, castellorum & ciuitatum quæ sunt circum eam, quia sic conuenit. Siquidem similiter episcopus Romæ, hoc est successor Petri Apostoli potestatem habet omnium ciuitatum & locorum quæ sunt circa eam. Ac similiter episcopus Antiochenus, id est patriarcha potestatem habeat prouinciæ illius totius.* episcopum Alexandrinum, patriarcham dictum fuisse docet, item Antiochenum; episcopum vero Romanum cum Petri Apostoli successorem interpretatur esse, an non satis indicat non fuisse ex numero illum patriarcharum, qui limitatas diœceses haberent, sed vniuersam Ecclesiam regendam accepisse? quid Petrus a Christo acceperit, quid successoribus suis transmiserit, diserte explicatur in vita beati Petri apud Anastasium Bibliothecarium, siue is sit potius Damasus, vt alibi pluribus adstruemus. ita igitur de beato Petro, cum Clementem successurum sibi consecraret, ibi legitur: *Hic B. Clementem episcopum consecrauit, eique cathedram vel Ecclesiam omnem disponendam commisit, dicens; sicut mihi gubernandi tradita est a Domino meo Iesu Christo potestas ligandi soluendique; ita*

&

*Et ego tibi committo, ut ordines dispositores diuersarum
causarum per quos actus Ecclesiasticus profligetur, & tu
minime in curis sæculi deditus reperiaris, sed solummodo ad
orationem, & prædicationem populi vacare stude. post hanc
dispositionem Martyrio coronatur. Hæc verba in edi-
tione quam tui nobis adornarunt sodales, nulla
comparent, quæ tamen in omnibus habentur manu
exaratis exemplaribus. cur eam periodum totam
libuit illis omittere, quæ vnice facit adstruendæ
potestati Summi Pontificis? caudam eius periodi
videntur metuisse: sed poterant, capite retento,
caudam illam quæ nocebat amputare. Vides bea-
tum Petrum in vltima illa sua dispositione post
quam nihil amplius in terris disposuit, omnem Ec-
clesiam Clementi quem sibi successorem ordina-
bat, gubernandam commisisse. non igitur Occi-
dentales tantum Ecclesias ei tradidit, nec patriar-
cham eum duntaxat toti Occidenti imposuit, sed
Ecclesiæ vniuersæ. Recte igitur Arabsille canonum
συλλέκτης episcopum Romanum, non patriarcham
indigetauit, sed Petri successoris titulo simpliciter
insigniuit. quo nomine quid designarit, quam dice-
cesim episcopo vrbis Romæ assignarit, alio loco
clarius indicauit, & expressit, cap. xxxix. nimirum
eiusdem collectionis: Consideret, inquit, patriarcha
ea quæ archiepiscopi & episcopi in suis prouinciis faciunt,
& si quid reperiat secus quam oporteat factum, mulet &
disponat prout sibi videatur. siquidem ipse est pater om-
nium, & illi filij eius. & quamuis sit archiepiscopus inter
episcopos tanquam frater maior, qui curam habet fratrum*

P P P P

suorum, & ei debeant obedientiam quia præest; est tamen patriarcha iis omnibus qui sub potestate eius sunt, sicut ille qui tenet sedem Romæ, caput est & princeps omnium patriarcharum, quandoquidem ipse est primus, sicut Petrus cui data est potestas in omnes, ut qui sit vicarius Christi super cunctos populos, & uniuersam Ecclesiam: & quicumque contradixerit, Anathema sit. Longe distat a tua sententia quod iste sentit. ὅσον & ἐγὼ εἶμι ἀπὸ γαίης. Tu episcopum Romanum patriarcham facis Occidentis, ille caput & principem eum statuit patriarcharum. Tu Occidentem quasi specialem diœcesim episcopo Romano velut patriarchæ subiicis; ille episcopo Romano tantundem tribuit potestatis in Ecclesiam uniuersam, quantum vnus quisque habet patriarcha in suam diœcesim. an non verum est eandem sibi potestatem eum vindicare per vbique terrarum diffusam Ecclesiam, quam singuli patriarchæ, suam quisque per diœcesim sibi potest arrogare? Preces missæ ab vniuersis episcopis metropolis Arelatensis ad Leonem Papam: credentes plenum esse rationis atque iustitiæ, ut sicut per beatissimum Petrum Apostolorum principem, sacrosancta Ecclesia Romana teneret principatum; ita etiam intra Gallias Arelatensis Ecclesia, quæ sanctum Trophimum ab Apostolis missum sacerdotem habere meruisset, ordinandi Pontificium vindicaret. Arelatensem episcopum Gregorius primus vocat, metropolitam Galliarum. Papa igitur quatenus Petri successor, & Romæ vrbis episcopus, primatum habet totius Ecclesiæ; quasi metropolitānus, vniuersi orbis: vrbs enim Roma metropolis erat

ἡ Πατριαρχία, hoc est Romani orbis: ut Arelate tunc dicebatur metropolis Galliarum. sic idem iuris ac regni episcopo Romano competit in Ecclesiam vniuersam, quod cuius patriarchæ in sibi subiectâ diœcesim. Quapropter tantum abest, ut Papa patriarcha fuerit Occidentis, ut ne quidem patriarcha dictus sit vniuersi orbis: Princeps ille primusque patriarcharum, non patriarcha, quia super omnes est patriarchas. in vnaquaque parœcia princeps erat sacerdotum, episcopus: in prouincia princeps episcoporum, hoc est archiepiscopus, metropolitanus: in diœcesi princeps metropolitanorum patriarcha: in vniuersa Ecclesia, princeps patriarcharum Papa. quemadmodum ergo, qui pluribus præerat presbyteris, dicebatur episcopus; qui pluribus episcopis, metropolitanus; qui pluribus metropolitanis, patriarcha: ita cum qui omnium caput erat patriarcharum, proprium huius dignitatis nomen habuisse oportet. Nam superior gradus, ut ab inferiore diuersus fuit, ita & diuersum semper nomen habuit. Princeps itaque patriarcharum non patriarcha vocabatur, sed Papa. Græci tamen cum etiam vocarunt patriarcham, & sane etiam reuera fuit patriarcha, non Occidentis, ut peruerse opinaris, sed vniuersæ Ecclesiæ, sed primus & princeps patriarcha. Nam ut episcopus, erat etiam sacerdos quia primus sacerdotum; & metropolitanus etiam erat episcopus, quia princeps episcoporum: & patriarcha, metropolitanus erat quoque, primus scilicet inter metropolitanos: ita patriarcha etiam dici

Pppp ij

potuit Papa, qui patriarchis omnibus præesset, qui primus & princeps esset patriarcharum. Nunquam tamen, ut supra diximus, ita se vocavit, nunquam a Latinis ita vocatus est.

Patriarcham eum vis fuisse Occidentis qui ne patriarcha quidem in totum dictus sit. Papa ille semper est appellatus, atque ita hodie appellatur. an Papa tantum est, aut Papa tantum fuit Occidentis? Ecquodnam istud animi cacoethes, ut qui nunquam dicti sunt, qui dici noluerunt patriarchæ, patriarchas eos vi & ingratis velis esse; qui patriarchæ vero semper fuere vocati, quos Papæ ipsi patriarchas appellarunt, eos neges fuisse patriarchas? Patriarcham Occidentis esse ac dici Romanum episcopum ideo tibi placebat, quod nullus in Occidente fuerit patriarcha. Ostendimus multos in Occidente dictos esse patriarchas. etiam Italiam quam negabas vllum primatem habere præter episcopum Romanum, non solum primates, sed etiam patriarchas habuisse docuimus. Non heic illos te quærere ais, quibus patriarchæ nomen indulgentius aliquando concessum est. quinam sunt igitur illi quos quæris? *De iis, inquis, sermo est, qui patriarchæ κατ' ἐξουχίω appellati sunt, quos solos patriarchas agnouit Iustinianus.* atqui hæc contraria sunt, nec subsistere in eodem possunt, ut patriarchæ κατ' ἐξουχίω appellati sint, & patriarchæ soli fuerint. si soli fuere patriarchæ, κατ' ἐξουχίω patriarchæ non sunt appellati. nulli enim præter illos patriarchæ, quos inter eminerere potuerint. At si κατ' ἐξουχίω ita dicti sunt, non

solos hos fuisse oportet, sed alios etiam extitisse patriarchas, quos inter isti, ut primi præcipuique κατ' ἔξωχον patriarchæ nuncupati sint. Vtrum verum esse vis? nam vtrumque simul non potest. Iustinianus cum quinque patriarcharum duntaxat meminit, non solos eos agnouit patriarchas, sed tanquam præcipuos & primos patriarcharum, & κατ' ἔξωχον ita vocatos memorat. Hoc iam supra pluribus adstruximus. præter illos igitur quinque patriarchas, alij etiam fuere, quia alij dicti sunt. Negas hos fuisse patriarchas, quod iis patriarchæ nomen aliquando indulgentius sit concessum. quando ista, dic nobis, aut vnde cœpit indulgentia? quinam illi quondam dandis in nominibus tam indulgentes? quæ istic indulgentia est? an id eos vocatos esse putas quod non fuerunt? cur ita porro vocati sunt, si rem quæ huic nomini responderet, ac conueniret, non habuere? Si male & indulgenter ita dicti sunt, cum non essent, cur eos hoc titulo ac nomine etiam donauere Papæ? Gregorius secundus Gradensem antistitem, patriarcham nuncupat. Eundem ita vocat Leo nonus. Venetiarum archiepiscopus, qui locum Gradenfis nunc tenet, etiam hodieque sic appellatur. Bituricensem patriarcham nominat Nicolaus primus. Bulgariæ primas, patriarcha dicitur Innocentio tertio, qui primatem & patriarcham vnus & eiusdem rei diuersa nomina dicit esse. Patriarcha vocatur Lugdunensis primas in Concilio Matisconensi secundo. quid plura prædicem notis, cum & hæc ipsa iam

superius dicta sint? vni generi episcoporum per Orientem Occidentemque nomen hoc datum est: illis nimirum qui primas quasque singulis in diœcesibus prouincias regerent. primi quinque singularum diœceseon metropolitani in Oriente ἑξάρχαι διοικήσεως dicebantur, iidemque πατριάρχαι διοικήσεως. Hinc πατριάρχαι ἐκάστης διοικήσεως in actis Concilij Chalcedonenfis nominantur, act. II. οἱ ἑξάρχαι Orientalis, Ponticæ, Asiaticæ, Thracicæ & Illyricæ diœceseon. quot igitur diœceses, tot exarchi diœceseon, tot diœceseon patriarchæ. In Occidente quoque quot diœceses, totidem diœceseon primates, qui primam sedem in vnaquaque diœcesi gubernabant. Hi & patriarchæ etiam passim dicti sunt vt in Oriente. Nam *primas diœcesis* idem qui ἑξάρχης τῆς διοικήσεως, & πατριάρχης τῆς διοικήσεως. Satis hoc in superioribus probatum. aut nullæ igitur in Occidente diœceses Ecclesiasticæ, aut multi diœceseon primates, & exarchi & patriarchæ. His non ex indulgentia, sed ex vero nomen hoc tributum fuit. Tu qui aliter censes, nimium profecto inscitix tuæ & ineptix indulges. Ex animi tui sententia, præptor, qui primus erat in diœcesi metropolitanus, qui toti diœcesi præerat, quomodo vocandum fuisse putas, nisi primatem diœceseos? si primas diœceseos, idem vtique & exarchus, idem & πατριάρχης, ὁ τῆς πατρίας scilicet ἑρχων siue ἑξάρχης. nam πατρία & διοίκησις idem. inter illos porro patriarchas, qui plures tam in Oriente quam in Occidente fuere, & totidem fere quot diœceses, quinque quasi ma-

iorum gentium erant patriarchæ, qui & primi & præcipui, & primarij summique nuncupati sunt patriarchæ. Huius ordinis ac numeri vnus tantum fuit in Occidente patriarcha, nempe Romanus. *Solus ergo, inquis, patriarcha Occidentis Pontifex.* solus certe huius generis in Occidente, sed non solus Occidentis. nam œcumenicus ille Papa, siue patriarcha, non Occidentis tantum. Soli huius ordinis olim in Oriente duo extitere patriarchæ. Ergo soli duo tunc erant Orientis patriarchæ? sub illis duobus solis tunc totus Oriens erat patriarchis? Hoc falsissimum est. non igitur patriarcha Occidentis Papa; nam multi per Occidentem patriarchæ: aut si fuit, fuerit sane Occidentalium patriarcharum patriarcha. atqui non Occidentalium tantum, sed omnium caput & princeps est patriarcharum. Profecto si omnium per vniuersum orbem Ecclesiarum patriarcha est, fuerit vtique & Occidentalium. At si Occidentis patriarcha specialis sit, non vtique & Orientis etiam necesse est illum esse patriarcham. Et hæc Græcorum schismaticorum opinio est, qui πατριάρχας eius, Occidentis finibus ideo incluserunt, vt ab Oriente excluderent: ideo patriarcham Occidentis esse concesserunt, vt Orientis negarent: partem ei tribuerunt, vt totum eriperent, suoque illud vindicarunt patriarchæ, quem οἰκουµενικὸν fecerunt, cum οἰκουµενικὸς reuera esset Romanus, non Constantinopolitanus.

Occidentem, inquis, specialem diæcesim Pontificis diximus, quatenus hæc a reliquorum patriarcharum diæcesibus

distinguitur: cum vniuersalis eius diœcesis, quam vt Pontifex administrat, non Occidentem solum, sed Orientem simul, vniuersamque Ecclesiam complectatur. an ideo specialem ei diœcesim assignas, vt ab reliquorum patriarcharum diœcesibus distinguatur? quid opus hac specialis diœceseos distinctione? Constantino-
 politanus ipse patriarcha, licet distinctam habuerit ac specialem diœcesim, eius tamen se diœceseos patriarcham dici non passus est, sed οἰκουμένης voluit appellari. cur Papam minorem hoc in negotio facies? Cur vt patriarcham fuisse doceas, Occidentis eum dicis patriarcham? an de quinque patriarchis vnus esse non poterat, nisi patriarcha Occidentis esset? atqui Græci orthodoxi qui πατριάρχης eum dixerunt, non patriarcham Occidentis intellexerunt, sed οἰκουμένης. atque ita etiam appellarunt, aut οἰκουμένης certe Papam. quid te mouit, quid impulit vt specialem diœcesim adscriberes ei qui habuit vniuersalem? quid istud addit ad maiestatem Papæ? immo non parum potestati eius hoc derogat. quanto Græci sapientiores, qui patriarcham suum, licet specialem haberet diœcesim, nullius tamen diœcesis videri voluerunt patriarcham, sed quasi omnium esset, οἰκουμένης dixere? atque ita semper ipse se dixit. At patriarchæ titulum nunquam Papa sumpsit, vt qui maior esset omnibus patriarchis, princeps quippe caputque patriarcharum. Hinc Constantinus in donatione patriarchas quattuor tantum facit, totidemque πατριαρχικούς θρόνους, quorum caput esse sancit Papam. Hæc verba sunt in
 Græcis:

Græcis: Θεωπίζουμι πλείονα τῆς βασιλείας ἔχειν ἐξουσίαν καὶ πᾶσαν πλὴν οἰκουμένην, καὶ πλεονέκτων πολλῶν πλέον ἢ βασιλέα τιμᾶσαι καὶ σέβασθαι. κεφαλὴν τῆς ἐκκλησίας τῶν τεσσάρων πατριαρχικῶν θρόνων. κεινέσθαι τῷ πατρὶ αὐτῷ, καὶ ψευδίζεσθαι πρὸς τῇ ὀρθοδόξῳ πίστι. non heic Constantinus, vt vides, Papam tanquam vnum de patriarchis agnoscit, sed caput & principem patriarcharum: non specialem ei quasi patriarchæ diœcesim subiicit Occidentem, sed πλὴν ἅπασαν οἰκουμένην. longe scilicet erat ὀρθοδόξοτερος καὶ Ρωμῆϊκώτερος Constantinus quam tu qui Græcorum schismaticorum sententiam tueris ac propugnas.

Pontificem statuis vniuersæ Ecclesiæ Romanum episcopum, & patriarcham Occidentis. ridicule. an non idem est ac si quis regem Christianissimum diceret esse Franciæ regem, & ducem Burgundiæ: Franciæ regem & comitem Campaniæ? idem esset denique, vt congruentiora petamus exempla, si quis episcopum Alexandrinum, patriarcham Ægyptiacæ diœceseos vocaret, & exarchum Libyæ prouinciæ. idem etiam erat, & æque absurdum, cum dicebas Papam Occidentis esse patriarcham, & primatem Italiæ. Specialis episcopi Romani diœcesis, quod te iam in Aduentoria docuimus, o magister, Occidens non est, qui pars est vniuersalis, sicut Libye pars erat Ægyptiacæ diœceseos, non specialis aut propria Alexandrini patriarchæ prouincia. Hæc pene totidem verbis in Epistola scripsi. quid ad illa tu? *Quæso te, inquis, vigila sne cum hæc scribis an somnias? pro Libya dic Ægyptum, & senties*

quam vim habeat argumentatio. sane censeo, recte admonuisti; dicamus Ægyptum pro Libya. sed quam aliam vim habeat argumentatio, si pro Libya Ægyptum ponamus, nondum video, nondum sentio. Dic igitur ipse, dic o vigilantissime doctor: *Nam sicut Ægyptus, inquis, specialis est prouincia episcopi Alexandrini, eademque pars totius diœceseos Ægypti, quæ præter Ægypti prouinciam, Libyen quoque ac Pentapolim complexa est: sic Occidens specialis est diœcesis patriarchatus sedis Apostolicæ, idemque pars diœcesis vniuersalis.* Hæc tua verba sunt, quæ si vigilans scripsisti, profecto dormire tibi melius fuisset: ita somnolentiæ plena sunt & inertia quæ scribis dum vigilas. non tu vigilabas, crede mihi, cum illa scriberes, sed vigilare te somniabas. Ægyptus, ut censes, specialis est prouincia episcopi Alexandrini. quî magis, obsecro te, quam Libye? quid potestatis ac iuris in Ægypto habuit Alexádrinus patriarcha quod non habuerit in Libye? diœcesis Ægyptiaca ex tribus prouinciis constabat, Ægypto, Libye & Pentapoli: tres hæ prouinciæ patriarchatum Alexandrini episcopi constituebant. parem itaque habebat per has tres prouincias ἑξοσίαν idem patriarcha. an oblitus es Niceni sexti canonis qui ita sancit? Ἐν δευτέρῳ ἐστὶν κρατεῖται τὰ ἐν Αἰγύπτῳ καὶ Λιβύῃ καὶ Πενταπόλει, ὥστε τὸ ἐν Ἀλεξάνδρειᾳ ἐπίσκοπον πρῶτον τούτων ἔχει πλεὺς ἑξοσίαν. Ex his tribus prouinciis quæ pariter Alexandrino parebant antistiti, cur Ægyptus eidem magis proprie ac specialiter subiecta fuerit, quam altera quælibet reliquarum duarum? cur

causam non addidisti? an episcopos huius prouinciæ immediate ordinabat episcopus Alexandrinus, reliquarum non item? atqui per totam Ægyptiacam diœcesim hoc habuit iuris idem antistes, vt sine consensu eius nullus ordinaretur episcopus. totius ille diœceseos verus metropolitanus erat. nihil per vniuersam Ægypti diœcesim rerum geri poterat ipso inconsulto. an quia Alexandria in Ægypto prouincia sita fuit, ideo specialem Alexandrini episcopi prouinciam Ægyptum tibi persuades fuisse? sic etiam liceat credas Thraciam, specialem extitisse diœcesim patriarchæ Constantinopolitani, quod in ea diœcesi sita esset Constantinopolis. Atqui tertia non prima diœcesis recensetur Thracica, inter illas tres quæ Constantinopolitanæ sedi subiectæ fuerant: non primam, sed tertiam sedem obtinet episcopus Heracleensis Thracicæ diœceseos exarchus & Europæ prouinciæ in qua Constantinopolis, metropolitanus, inter illas metropolitanas sedes quæ patriarchæ Constantinopolitano suberant: ipsi quinetiam reliqui diœceseos Thracicæ metropolitæ inter eos metropolitæ quia a sede Constantinopolitana ordinabantur, vltimo loco, & non nisi post omnes Asianæ & Ponticæ diœceseos metropolitanos recensentur. Thracica igitur diœcesis, licet regiam urbem in sinu suo sitam habuerit, & *πατριαρχικὸν θρόνον*, vltima tamen fuit inter eas diœceses, quæ sedi Constantinopolitanæ subiacebant; tantum abest, vt specialis fuerit, sed prima fuisset, non propterea

Qqqq ij

magis specialis haberetur. Ægyptus erat prima prouincia Ægyptiacæ diœceseos, non specialis Alexandrini episcopi prouincia. inter sedes metropolitanas Antiocheno throno subiectas prima in veteribus Notitiis numeratur Tyros prouinciæ Phœnices metropolis: secunda Tarsus, metropolis Ciliciæ: tertia Edessa, Osroenæ: quarta Apamea Syriæ secundæ: quinta Hierapolis prouinciæ Euphratensis, & sic de ceteris. Harum omnium sedium metropolitanarum, quæ tredecim recensentur, ordinatio spectabat ad patriarcham Antiochenum. Ex his prouinciis quam prouinciam habuit specialiter sibi subiectam? an Syriam primam in qua Antiochia? cur istam magis quam aliam quamlibet? an quia omnes episcopos illius prouinciæ sub sua potestate habebat, eorum ordinatio ad ipsum spectabat? atqui totius Orientalis diœceseos idem episcopos singulari auctoritate ordinabat, nec huius magis prouinciæ quam illius episcoporum ordinationem habebat. Hinc Antiochiam totius Orientis metropolim vocat D. Hieronymus, vt Alexandria totius erat Ægypti metropolis. quemadmodum ex ciuitatibus vni metropolitanis subiectis, nulla magis specialiter ei subiecta dici poterat, quam altera; ita & de prouinciis vni subditis patriarchæ nulla erat prouincia, quam magis specialem eius posses dicere quam alteram. de illis patriarchis loquor, qui totius diœceseos cui præerant, fuere metropolitanæ, qui omnes vniuersæ diœceseos prouincias vno eodemque iure rexere. sic Alexandrinus patriarcha

prouincias Ægypti sibi subiectas habebat: sic Antiochenus Orientis totius. sic Hierosolymitanus tres Palæstinas. sic Constantinopolitanus tres diœceses, Asianam, Ponticam & Thracicam: quarum trium diœceseon omnes metropolitanos, omnes archiepiscopos iure & auctoritate singulari ordinabat. Atque hi sunt patriarchæ quos Iustinianus leg.xxix. Cod. *de Episcop. Aud.* per vniuersam diœcesim sibi subiectam dixit habere ordinationem omnium tam episcoporum quam metropolitaram: ὅτι δὲ τίνες, inquit, τῶν θεοφιλεσάτων πατριαρχῶν ἐν πάσι ἐπισκοπῇς ἐν αἷς εἰσὶ καὶ μητροπολιτικὴν ἔχουσι χάριν, ἡνέες δὲ καὶ ὅλιω πλεὺς διοίκησιν καὶ χρηστίας ποιοῦνται τῶν ἑσθ' ἀδελφεὺς θεοφιλεσάτων ἐπισκόπων, εἴτε μητροπολιτῶν, εἴτε τῶν ἁγίων. de his vnum fuisse patriarchis episcopum Alexandrinum qui per diœcesim vniuersam cui præsidebant, cum episcopos tum metropolitas ordinandi ius haberent, multis supra probauimus. Huic igitur omnes Ægypti diœceseos prouinciæ, pari iure subiectæ fuere: haud secus ac metropolitæ al cui, omnes quæ in prouincia sunt cui præest, ciuitates. Inde est quod Alexandrinorum Ecclesia passim apud veteres separata legitur ab Ægypti & Libyes & Pentapoleos Ecclesiis: ἐπιστολὰ Συνδικὰ Concilij Niceni, ad Alexandrinam Ecclesiam: τῇ ἁγίᾳ καὶ μεγάλῃ χάριτι τῷ Θεοῦ Ἀλεξανδρέων ἐκκλησίᾳ, καὶ τοῖς καὶ πλεὺς Αἰγυπτίων καὶ Λιβύων καὶ Πενταπόλεως ἀγαθέτοις ἀδελφοῖς. Alexandrina Ecclesia caput erat omnium harum prouinciarum ex æquo, nec vnus magis quam alterius. Socrates lib.ii. cap.xxiv.

Qqqq iij

γράφῃ ἡ αὐτὴ σειράς τοῖς τε ἐν Ἀλεξανδρείᾳ, καὶ πᾶσι τοῖς ἐν Αἰγύπτῳ, καὶ πᾶσι τοῖς ἐν Πενταπόλει καὶ Λιβύῃ ἀγνωστοῖς ἀδελφοῖς τὰ ἐγνωσμένα καὶ ἐψηφισμένα παρὲς Ἀθανασίου. & cap.xx. lib.ιν. ἰστέον ὅτι ἕως παλαιῶ Ἀθανάσιος ὁ τῆς Ἀλεξανδρείας ἐπίσκοπος ἐκ τινὸς θείου προνοίας ὑποφύετο τὰ ἐξαιτιῶν Ἀλεξανδρείας καὶ τῆς Αἰγύπτου ὁ βασιλεὺς. Athanasius: τὰς τῆς ἐν Ἀλεξανδρείᾳ ἐκκλησίας καὶ τὰς ἐν Αἰγύπτῳ καὶ Λιβύῃς πάσας. æque distinguit Alexandrinam Ecclesiam ab Ægyptiacis, vt a Libycis. & sane Alexandria non minus erat caput & metropolis Ægypti prouinciæ, quam Libyes & Pentapoleos: Hæ tres siquidem prouinciæ Ægyptiacam diœcesim constituebant. Theodoritus lib.i. cap.i. Ἀλεξανδρεὶς πόλις ἐστὶ μέγιστη καὶ πολυάνθρωπος, ἐν ἡ Αἰγυπτίων μόνον, ἀλλὰ καὶ Θεβαίων καὶ Λιβύων τῶν πρὸς Αἴγυπτον τὴν ἐξουσίαν πεπιτυμμένη. quare Ægyptus prouincia, non magis fuit specialis Alexandrini episcopi quam Libye & Pentapolis, quæ omnes ex æquo illi erant subiectæ. Eriphanius hæresi lxxviii. τὸ γὰρ ἔθος ἐστὶ πὺν ἐν τῇ Ἀλεξανδρείᾳ ἀρχιεπίσκοποι πάσης τε Αἰγύπτου καὶ Θεβαίδος, Μαρεώτου τῆς καὶ Λιβύης Αιμυωνιακῆς, Μαρωπιδός τε καὶ Πενταπόλεως ἔχει τὴν ἐκκλησιαστικὴν διοίκησιν. quis igitur imperitior te quum Ægyptum stricta notione sumptam, specialem facis prouinciā Alexandrini patriarchæ? te ipsum porro etiam imperitia superasti, cum vt hoc nobis probe probares & confirmares, in exemplum adduxisti Lugdunensem primam prouinciā: quemadmodum, inquis, episcopi Lugdunensis specialis prouincia est, prima Lugdunensis, eademque pars vniuersæ primatis eiusdem diœce-

seos, ita & Ægyptus specialis prouincia Alexandrini
 antistitis, eademque pars vniuersæ eius diœceseos,
 ita etiam Occidens, &c. Næ tu homo imprudentis-
 simus & ineptissimus es, cum tam dissimilia quæ
 sunt pro similibus haberi vis. Episcopus Lugdu-
 nensis, quinque Lugdunensium primas fuit, vnicæ
 vero prouinciæ hoc est primæ Lugdunensis metro-
 politanus. ideo autem ille primas quinque prouin-
 ciarum, quod ea prouincia quam iure metropolitæ
 regebat, prima esset, primatumque haberet quat-
 tuor reliquarum Lugdunensium. Antistes autem
 Alexandrinus, non vnius Ægypti prouinciæ, sed
 totius Ægyptiacæ diœceseos idem metropolitanus
 erat & patriarcha: pari iure administrabat omnes
 vniuersæ diœceseos prouincias. Lugdunensis epi-
 scopus ordinationem tantum episcoporum habuit
 prouinciæ suæ primæ Lugdunensis, cuius & me-
 tropolita proprie extitit, eoque ex sola eius specialis
 prouincia recte censeretur debeat. in reliquis enim
 Lugdunensibus ad Põtificium eius non pertinebat
 episcoporum ordinatio, sed ad singulosearum prouin-
 ciarum metropolitanos. Patriarcha vero Alexãdrinus
 non episcoporum duntaxat, intra Ægypti prouin-
 ciam consistentium, sed omnium per vniuersam
 Ægyptiacam diœcesim constitutorum ordinatio-
 nes sub sua potestate habebat: nemo in tota illa
 diœcesi sine consensu eius creabatur episcopus.
 Lugdunensis postremo episcopus ex eo genere
 patriarcharum erat qui in illa tantum prouincia,
 cui & præerant, in qua degebant μητροπολιτικοί ha-

bebant *ἡμεῖς*, vt loquitur Iustinianus, supradicta leg. xxix. Alexandrinus ex illis fuit patriarchis, quos idem Iustinianus vniuersæ diœceseos metropolitas esse dicit, & omnium tam metropolitaram quam episcoporum ordinationem per vniuersam diœcesim habuisse. Idcirco nulla eius specialis prouincia fuit, qui omnes habuit speciales, & nullo discrimine sibi subditas. Vt episcopo Lugdunensi sua p̄cularis erat prouincia prima Lugdunensis, sic & Carthaginensi etiam sua ac propria, Africa nempe proconsularis. Hæc enim specialis prouincia Carthaginensis præsulis, eademque pars Africanæ diœceseos, cui præerat idem Carthaginensis antistes. at præter prouinciam suam, cuius & episcopos ordinabat solos, in aliis prouinciis Africanis, quantum ad episcoporum ordinationes attinet, nihil iuris illi Pontificiique competit. ideo specialis hæc ei prouincia fuit, cui & tanquam metropolita præfuit. quid igitur, inquires, habuere iuris præsules illi per diœceses quarum primates dicti sunt, si vnus tantum prouinciæ curam, quasi metropolitani gessere? *ὅτι δεσποτῆα τῆς Ἀφρικῆς* habebant, omnes diœceseos prouincias sub Ecclesiastica regula continebant, concilia ex vniuersa diœcesi conuocabant, iisdemque præsidebant, omnium Ecclesiarum totius diœceseos sollicitudinem sustinebant, in causis Ecclesiasticis appellationes a ceteris metropolitani emissas iudicabant, aliisque nonnullis priuilegiis ac prærogatiuis pollebant. Cum hæc ita sint, constat eos alio iure prouinciam rexisse, cui tanquam

quam

quam metropolitæ præerant, alio totam diœcesim cui tanquam primates siue patriarchæ præsidebant. Episcopus autem Alexandrinus vno eodemque iure, Pontificio, potestate, omnes Ægyptiacæ diœceseos prouincias rexit, gubernauit, administrauit, nullamque ex his habuit specialem quam diuerso iure, vel dissimili forma regiminis curaret: omnium ex pari metropolita fuit, omnium & patriarcha.

De Occidente secundum hæc iam videndum est an fuerit specialis diœcesis patriarchatus sedis Apostolicæ, idemque pars diœcesis vniuersalis. Hæc norma nos optime direxerit. Lugdunēsis episcopus in sola Lugdunensi prima, quæ specialis eius erat prouincia, episcoporum habuit licentiam ordinandorum: in ceteris Lugdunensibus quæ illi suberant tanquam primati, hoc idem iuris non habuit. In Occidente, dic quæso, quid pro speciali vnquam patriarcha gessit aut administrauit Summus Pontifex, cuius parem administrationem, non sibi in Oriente vindicauerit? quid potuit per Occidentem, quod non posse per Orientem voluerit atque intenderit? quid iuris vnquam, quid regni habuit in Occidentales Ecclesias, quod non habuerit, aut deberi sibi prætenderit & in Orientales? episcopos deponere, depositos restituere, damnatorum ab suis conciliis appellationes recipere, maiora omnia negotia Ecclesiastica iudicio suo decidere, metropolitanos pallij missione consecrare & confirmare, episcopos extra ordinem ordinare, Concilia indicare, conuocare, iisdemque præsidere, in rebus fidei

Rrrr

clauum figere, solumque *ἡ ἀρχιεπισκοπὴ καὶ ἡ ἐκκλησία*. Hæc omnia & alia quæcunque vellet arbitrato suo, suoque iure poterat facere per Occidentem. an minora his aut minori cum iure per Orientem licebat? mitto licuisse, nec enim licuit; an non vt semper liceret, semper vindicauit? an non dum licuit, libenter vsurpauit? Vicarios & legatos a latere in Occidente habuit, qui maiores causas vice sacra eius dignosceret ac terminarent; an non etiam habuit in Oriente? Ergo cum diuersa regiminis eius forma non fuerit per Occidentem & per Orientem: cum idem plane iuris & potestatis in Oriente quatenus licuit exercuerit, & in Occidente: cum vniuersæ Ecclesiæ, quæ Occidentem Orientemque complectitur, generalem *ἐκκλησίαν* ex æquo sibi asserat ac vindicet, cur Occidentem dices specialem magis eius fuisse diocesim quam Orientem? Haud magis sane sic erit quam Ægyptus specialis Alexandrini episcopi prouincia, qui omnes Ægyptiacæ dioceseos prouincias, eodem iure, eadem ditionis ac iurisdictionis potestate sibi subiectas habuit. Pars erat igitur vniuersalis Summi Pontificis dioceseos Occidens totus, non specialis eius quatenus patriarchæ, diocesis.

Mori porro te malles, quam non tui similem semper existere in his similibus adducendis, quæ ad rem nihil, immo contra faciunt, & omnino disconueniunt. Exemplum de Lugdunensi prouincia quale fuerit vidimus. Ecce alterum illi plane simile, hoc est æque dissimile, & longe etiam magis

ineptum & absurdum: *in exercitu*, inquis, *si peculiarem cohortis cuiuspiam, aut alæ præfecturam subeat Imperator, has speciales Imperatoris copias iure dixeris, etsi partem faciant exercitus uniuerſi.* Hæc tua sunt, & hoc iam te in Censura tua nos monuisse dicis. o monitorem! o censores! moneo ego te vicissim, cenſeoque nihil illa tua Censura iniustius, nihil monitione insulsius fingi posse. Sed dic age monitor, magistrorum quantum est *παιδοτελεικώτατος*, Collegij Claromontani cum Rector eras, an classem aliquam peculiarius tibi subiectam habebas? an primam quam vltimam, secundam quam penultimam, humanitatis quam Rhetorices classem, maiori cum imperio regebas? an non omnes ex æquo parebant, vultumque & minas, manumque ferulaceo armatam sceptro summi Rectoris & magistri ex æquo tunc metuebant omnes? Dic o summe puerorum imperator, ferendæ ferulæ, feriendisque natibus natus, numquid in exercitu rem aliter habuisse se putas? vbinam vidisti, vbi legisti vnquam, cum imperatorem cui totius exercitus summa commissa esset, vnus alæ vel vnus cohortis præfecturam peculiarem gessisse? vnde didicisti speciales has eius copias aut vsquam dictas esse, aut iure dici potuisse? *Si peculiarem*, inquis, *cohortis cuiuspiam aut alæ præfecturam subeat Imperator.* quid si non subeat? ergo locum hoc habebit tantum, cum subiuerit hanc præfecturam peculiarem: tunc aliquæ speciales eius copię dicentur, alias non dicendæ. Hoc igitur perpetuum non est, vt imperator & strategus totius

Rrrr ij

exercitus speciales habeat copias & peculiarem aliquam ducat alam vel cohortem. Hoc nos doce quando fiat, quando fieri debeat, ὡ παιδαγωγῶν στρατηγικώτατε, καὶ τακτικώτατε. an cum acies instruenda est? ordinat eam ipse ac disponit, omnibus locis occurrit, per præfectos & tribunos omnia regit ac dirigit, omnibus imperat ex æquo, non vni speciatim alæ vel cohorti. an cum pugnandum est, & cum manu iam prælium sumitur? siue in prima, siue in media locum sibi elegerit acie, siue in principiis, siue in postprincipiis pugnare velit, non vnus tunc alæ vel cohortis specialem præfecturam subit, sed omnes circa se habet principes primorumque ordinum ductores & præfectos. In castris vero circa prætorium Imperatoris Tribuni tendebant, & legati, ac præcipua quæque exercitus capita. quo igitur in tempore Dux totius exercitus, vnus alæ vel cohortis ductor existeret, quæ speciales copiae dictæ sint Imperatoris? qua in militia vsitatum vnquam istud, & fieri consuetum? Romanane an Græca hoc habuit? an habet hodierna? Scio certe prætores olim apud Romanos & proconsules cum ad bellum aliquod proficiscerentur, secum ducere plures ex amicis qui sequi vellent solitos. in cohortem vnā plerumque isti amici cogeabantur ac conscribebantur. Hæc cohors amicorum dicebatur. hi comites erant & cōubernales imperatoris, & locus illis proprius in castris assignatus. Si de hac cohorte intelligis, nā tu parum intelligens es. Huius sane cohortis specialem quidem, vt par est, curam gere-

bat imperator, non peculiarem habebat præfecturam. Sed nolo iratum habere te, volo pacatum. concedo tibi specialem aliquam semper fuisse imperatoris alam vel cohortem, quæ & pars extiterit exercitus vniuersi. Quid hæc ala vel cohors habet simile aut comparandum cum Occidente? Ala vix centesima pars erat iusti legitimique exercitus: Occidens imperij Romani pars altera fuit, immo alterum imperium, postquam duo ex vno facta sunt. si alæ duæ vel duæ cohortes exercitum facerent, optime quadraret tuum illud *quemadmodum*. vt res sunt, nihil est quod melius conueniat cum nostra opinione. Nam vt imperator peculiaris alicuius cohortis ductor erat, idemque totius exercitus dux generalis; sic episcopus Romanus, Ecclesiæ Romanæ, quæ prouinciæ suæ Romanæ finibus continetur, metropolita specialis fuit, idemque vniuersalis Ecclesiæ Papa. Vide nunc sis & hanc eandem comparisonem aliter concinnatam in hunc modum: Sub centurionibus milites erant, sub tribunis centuriones, tribuni sub legatis, legati porro sub imperatore, qui vniuerso præerat exercitui. eodem modo prorsus clerici sub episcopis sunt, episcopi sub metropolitans, metropolitani sub patriarchis, patriarchæ quasi legati vicariique Papæ, vt eos esse vult illustrissimus Cardinalis Perronius, sub eodem Papa qui vniuersæ præest Ecclesiæ. An hæc tibi imago abludere videtur? longe sane melius ad rem alludit quam tua, quæ cum imperium Romanum cum Ecclesia vniuersa Romana conferat, & in

eadem trutina componat; Occidentem totum quæ pars imperij totius fuit altera, cum cohorte vel ala comparat. qua imagine nihil absurdius, nihil abfilius, nihil imaginoso Sirmondo dignius. nulla igitur alia specialis fuit episcopi Romani diœcesis, quam prouincia Romana, cuius sollicitudinem habuit peculiarem, tanquam eiusdem metropolita. & hæc est prouincia vrbicaria quæ suburbicarias siue suburbanas Ecclesias continebat, quas ei pro diœcesi speciali siue prouincia Ruffinus adscribit.

Cum suburbicarias porro Ecclesias apud Ruffinum interpretatus sis, Occidentis Ecclesias, in Epistola quæsiueram an eodem modo si Romanas dixisset, Occidentis Ecclesias interpretari tibi licuerit: finxeramque ipsi mihi nihil te ad hoc respondere aut reponere posse. sic enim in animo meo reputabam, vt *suburbicariarum* vocabulum eo sensu sumptum, quo sumi vis, ambiguum est & incertum, ita non minus ambiguum fore & *Romanarum*, immo æque prorsus ambiguum. Nam cum *suburbicarias* Ecclesias eas dici velis quæ sub episcopo sunt vrbs, *Romanæ* pariter dicentur, quæ sub episcopo Romano sunt. atqui sub episcopo Romano credimus vterque Ecclesias omnes esse; omnes igitur Romanæ sunt, omnes ita dici possunt. Si *Romanas* itaque posuisset Ruffinus pro suburbicariis, tu de Occidentalibus semper intellexisses. sed quare magis de his intelligendum esset, quam de Ecclesiis quæ sub episcopatu sunt vrbs, aut de illis quæ intra prouinciæ Romanæ limites continentur, aut de iis quæ

intra Italiam positæ episcopum Romanum primatem agnoscunt, aut de omnibus denique quotquot orbis habet vniuersus Romanus? Tot modis enim dici Romanas Ecclesias posse asseris. Eas hoc nomine tibi placet accipi quæ in patriarchatu Romano erant, id est Occidente: mihi magis placebit, vt accipiantur quæ sub primatia Romana sunt, hoc est Italiae Ecclesias. quo argumento, qua ratione vinces tuam esse meliorem interpretationem, cum fatearis tam has quam illas Ecclesias nuncupari posse Romanas? atque ita tu quidem quæstionem meam soluis: quæ solutio nihil prorsus agit, sed litem plane lite dirimit. Non heic quærimus, o lutee λύπη, an Occidentales Ecclesiæ recte dici potuerint a Ruffino Romanæ, sed an ita vnquam dictæ peculiariter fuerint? an Romanæ Ecclesiæ nomine totus aliquando proprie venerit Occidens? Ex eo quod dici potuerunt, argumentaris ita dictas esse; ego ex eo quod nunquam sic dictæ sunt, nec dici potuisse arguo. inter id quod est, & quod esse potest, multum interest. nam multa esse possunt, quæ nunquam erunt, nunquam fuerunt, nec sunt. *Vt Romanus*, inquis, *orbis dicebatur, Romanæ urbes, gentes, imperium Romanum quod sub Romanis erat imperatoribus: ita & Romana Ecclesiæ totius orbis Christiani Ecclesiæ dici queant, quas sub urbis Romæ episcopo constat esse.* Nolo tecum rixari, nec sum ex illis quos in Ecclesia non esse dicis. fateor Romanam recte dici Ecclesiam vniuersam quæ sub Papa Romano est, vt Romanum orbem qui sub imperatore Romano. nunc quando

omnia quæ vis, tibi concedo, da te mihi vicissim, & responde ad ea quæ volo. Romanæ gentes & vrbes erant ac dicebantur omnes orbis & imperij Romani gentes & vrbes. sed si quis, rogo te, Romanas prouincias aut ciuitates diceret, aut alicubi ita dictas reperisses, an de solis Occidentalibus posses interpretari? cur istæ magis Romanæ, quam Orientales, cum totus orbis dicatur Romanus, totum imperium Romanum quod Orientem Occidentemque complectitur? sic cum vniuersam Ecclesiam recte appellari fateamur Romanam, & Romanas omnes Ecclesias quæ vniuersali illa Ecclesia comprehenduntur, quo iure solas Occidentis Ecclesias ita peculiarius nuncupari defendes, si Orientales hoc etiam nomine appellari non minus debeant? an quia Occidens specialis est diœcesis patriarchæ Romani? at hæc controuersia nostra est. Hoc nec ipsi Papæ agnoscunt. Hoc soli Græci tuentur. Nam ideo solum Occidentem Ecclesiam Romanam dici fatentur, quia vniuersam negant. Romanam diœcesim vocant Occidentem, quia Romano nullam aliam diœcesim tribuunt: specialem denique hanc illi volunt esse, qui totum orbem vniuersalem eius esse diœcesim nolunt. an si Rufinus Romanas Ecclesias dixisset, tu de Occidentalibus esses interpretatus? atqui Rufinus eum Synodo quam interpretatur, de solis intellexit Ecclesiis, quæ in metropolitana sunt Romana prouincia, sub vrbe metropoli Roma. D. Hieronymus aduersus Vigilantium *Apostolicæ sedis Ecclesias* dixit, quæ sedi Apostolicæ subiectæ erant.

de

de Occidentalibus acciperet, si quis tibi crederet. atqui Ecclesias illas Apostolicæ sedis, quas vocat, distinguit ac separat ab Hispanicis. Hispanicæ autem etiam in Occidente, & de Occidentalibus. aliæ igitur sedis Apostolicæ Ecclesiæ, aliæ Occidentales: aliæ etiam Romanæ ab Occidentalibus.

Quo sensu & qua significatione Ecclesia Romana, proprie & peculiariter sit appellata, vel a primis Ecclesiæ temporibus ad hoc usque æui, quam poterimus paucis, heic aliquot testium, sed omni exceptione maiorum, suffragiis probabimus. Ecclesiæ Romanæ nomine certum est nunquam Ecclesiam aliam fuisse intellectam quam specialem & particularem illam quæ vrbis Romæ pomœrio, & Romanæ prouinciæ finibus continetur & circumscribitur. Ignatius in Epistola ad Ecclesiam Romanam, ἡ τῆς πόλεως καὶ τῆς ἐκκλησίας τῆς Ῥωμαίων, quæ præsidet in regione Romanorum vel Romana. Ambrosius Epist. LXXXIII. *Romanam Ecclesiam* ab Italicis aperte seiungit his verbis: *post Ægyptiorum supputationes & Alexandriæ Ecclesiæ definitionem, episcopi quoque Romanæ Ecclesiæ, meam adhuc expectant sententiam quid existimem de die Paschæ.* Innocentius in Epist. ad Victricium episcopum Rothomagensem *urbis Romæ Ecclesias*, hoc est Romanas Gallicanis distinguit, & *Ecclesiam Romanam* vocat, quæ Romanas Ecclesias illas comprehenderet: *Etsi tibi, frater carissime, pro merito & honore sacerdotij, quo plurimum polles, viuendi & docendi secundum Ecclesiasticas regulas nota sunt omnia, neque est aliquid quod de sacris lectionibus tibi minus colla-*

S f f f

tum esse videatur. tamen quia Romana Ecclesia normam, atque auctoritatem magnopere postulasti, voluntati tuæ morem admodum gerens, de gestis vitæ & morum probabilitum disciplinis, adnexisque meis litteris transmisi: per quas aduertant Ecclesiarum regionis vestrae populi quibus regulis Christianorum vita in sua cuiusque professione debeat contineri, qualisque seruetur in urbis Romæ Ecclesiis disciplina. ergo Rothomagensi Ecclesia de Romanis Ecclesiis vna tunc non erat, nec sub Romanæ Ecclesiæ nomine comprehendebatur. Sirmondus qui Occidentis omnes Ecclesias, Romanas dictas fuisse vult, Romanam utique etiam vocaret Ecclesiam Rothomagensem. Nicolaus primus Papa Epist. viii. ad Michaelē imperatorem Romanam Ecclesiam magistrā omnium Ecclesiarum vocat, & per hoc a ceteris Ecclesiis, quarum erat magistra, secernit: *siquidem hæc utique prænoscentes periculosa tempora, illi qui ante nos fuerunt, prouidam in Ecclesiis consuetudinem tradiderunt: hodieque in Ecclesia Romana, quæ magistra est omnium Ecclesiarum, in prætermisse seruetur, ita ut nullus sacerdos maiore suo non innuente sacerdote cuilibet rei benedicere nitatur.* & in ead. Epist. vniuersalem Ecclesiam discernit a Romana: *suscepit ergo ac continet in se Romana Ecclesia, quod Deus vniuersalem Ecclesiam suscipere ac continere præcepit.* Et clarius sub finem: *ordo Ecclesiasticus, antiqua consuetudo, atque sollicitudo quam circumferimus cunctarum Ecclesiarum Dei: nec non & priuilegia propriæ sedis, quæ in beato Petro suscepta diuinitus, & in Ecclesiam Romanam deriuata, vniuersalis celebrat & veneratur Ecclesia.* diuersa igitur Ecclesia

Romana ab vniuersali. idem paulo post: *Cogitate itaque dies antiquos & annos æternos in mente habetote: & quid imperatores, qui persecuti sunt Ecclesiam Dei, & maxime Ecclesiam Romanam.* idem Papa in Epistola LXX. ad Hincmarum, & reliquos archiepiscopos & episcopos Gallicanos, *Romanam Ecclesiam*, aperte diuersam facit a *Latina*. ita enim de Græcis loquitur: *conantur tam nostram specialiter, quam omnem generaliter, quæ lingua Latina utitur, Ecclesiam reprehendere, quod ieiunamus in Sabbatis, &c.* specialis igitur episcopi Romani Ecclesia, *Romana* dicitur, & a *Latina* distinguitur. idem paulo post: *& quia communia sunt hæc opprobria, quæ vniuersali Ecclesiæ, in ea duntaxat parte, quæ Latina uti dignoscitur lingua, sicut prætulimus, ingeruntur, communiter omnes qui diuino sacerdotio illustrati videmini, decertare debetis.* ex his clarissime patet, Nicolaum *Latinam Ecclesiam*, quæ Latina utitur lingua, partem vniuersalis Ecclesiæ facere, non specialem aut Romanam, ut pote quam a Romana disertis verbis distinxerat supra. idem eodem loco Hesperias regiones dicit a sede beati Petri non dissentire, hoc est ab Ecclesia Romana: *Siquidem nisi mente recessit, nunquam Hesperia regiones, ut de aliis mundi plagis interim taceamus, a sede beati Petri in huiusmodi questionibus dissonantes inuenta sunt.* Hesperias regiones dixit, hoc est Occidentales non Romanas: & cum beati Petri sede consonantes, non sedi Petri subiectas. Auctor Anonymus de subcælesti Hierarchia: *Apostolica vero sedes dicitur etiam quandoque Romana Ecclesia, quia tam ipse Petrus,*

quam coapostolus eius Paulus, Romanum populum & adiacentem, in Dei fide non tamen primo, ut dicit ad Corinthios, sed principaliter doctrina & moribus instruxerunt. Romanus igitur populus, qui intra muros urbis Romæ consistit, & in regionibus adiacentibus commoratur, Romanam specialem constituit Ecclesiam, ut populi vniuersi Romani orbis, vniuersalem. sic quum apud antiquos scriptores Latinos populus Romanus gentium victor appellatur, de populo urbis Romæ intelligi peculiariter debet: at cum iidem gentes Romanas & orbem Romanum dicunt, de vniuersis gentibus & orbe vniuerso accipi necesse est. Occidentis autem regiones non magis Romanæ sunt, nec magis ita proprie dici possunt, quam Orientis, tam ἐν ὁριμαχοῖς, quam ἐν πρὸ ὁριμαχοῖς. Innocentius tertius patriarchæ Constantinopolitano quærenti per Epistolam quo sensu Ecclesiam Romanam vnā & vniuersalem appellasset, ita respondet: *Nos autem inquisitioni tuæ taliter respondemus, quod Ecclesia duabus ex causis vniuersalis vocatur. intelligentia namque dictorum ex causis assumenda dicentis: cum non res sermoni, sed rei sit sermo subiectus. dicitur enim vniuersalis Ecclesia, quæ de vniuersis constat Ecclesiis, quæ Græco vocabulo Catholica nominatur, & secundum hanc acceptionem vocabuli Ecclesia Romana non est vniuersalis Ecclesia, sed pars vniuersalis Ecclesiæ, prima videlicet & præcipua, veluti caput in corpore, quoniam in ea plenitudo existit, ad ceteras autem pars aliqua plenitudinis deriuatur: & dicitur vniuersalis illa vna quæ sub se continet Ecclesias vniuersas: & secundum hanc nominis exposi-*

tionem Romana tantum vniuersalis Ecclesia nuncupatur. Duplici tantum ratione Romanam Ecclesiam dici docet Innocentius: cum vniuersalis appellatur, quod vniuersas sub se contineat Ecclesias, & cum pars est vniuersalis Ecclesiæ, omnium Ecclesiarum prima scilicet & caput. Hac postrema significatione particularis est Ecclesia Romana, nec ab Africanis duntaxat, & Gallicanis Ecclesiis, reliquisque Occidentalibus separatur, sed etiam ab Italicis omnibus distinguitur: vt Capuana, Rauennensi, Mediolanensi, & ceteris. Hoc sensu accepta solas Ecclesias comprehendit, quæ in prouincia Romana sunt, quam prouinciam idem Innocentius Summi Pontificis specialem, Pisanam inter & Capuanam prouincias constituit ac collocat, cum de officio vicarij agit. Hæc sola specialis erit Papæ diœcesis, quæ Romanas proprie dicendas tam in vrbe, quam extra urbem, prouinciam intra Romanam sitas Ecclesias continebat. Romana igitur Ecclesia, quatenus est pars vniuersalis Ecclesiæ, quæ omnium Ecclesiarum caput & mater est, ceterasque pro membris suis & filiabus habet, prouinciæ Romanæ solis finibus continetur, eiusdemque Romanæ prouinciæ solas Ecclesias complectitur. Hæ solæ Romanæ iure meritoque, & peculiari propriaque appellatione dici possunt ac debent. Has *Romæ urbis Ecclesias* dixit Innocentius primus. *Apostolica sedis Ecclesias* D. Hieronymus. Iohanni Rauennati ad Gregorium primum *circa urbem constitutæ* dicuntur *Ecclesiæ*. Hæ sunt denique quas Rufinus *subur-*

bicarias vocat, hoc est suburbanas ab vrbis vicinitate. Quatenus vero dicitur vniuersalis Ecclesia Romana, non Occidentem tantum, sed totum comprehendit orbem, & vniuersas sub se habet Ecclesias. sic aut particularis est, aut vniuersalis Ecclesia Romana: nihil est tertium. Particularis, metropolita est episcopus Romanus: vniuersalis, Summas Pontifex. nam quatenus vrbis Romæ episcopus, Romanæ etiam prouinciæ verus est metropolita, cuius & metropolis fuit Roma. quatenus autem Petri successor, principis Apostolorum, & Romæ episcopus quæ totius imperij Romani caput erat, καὶ τῆς Ρωμαίας μητροπολις, idem vniuersæ etiam Ecclesiæ caput, & primus episcopus fuit. Præter episcopatum itaque vrbis Romæ, solis his duobus modis considerandus venit Papa, vel tanquam metropolita prouinciæ Romanæ, vel tanquam Papa vniuersalis, siue Summus Pontifex. Vtrumque debet Romanæ vrbi, quæ & metropolis specialis Romanæ prouinciæ fuit, & prima sedes vniuersæ Ecclesiæ. Verum hoc esse licet etiam colligere ex prouinciali Romano, Romæ edito cum practica Cancellariæ Romanæ. Hoc prouinciale continet omnes prouincias & episcopatus orbis Christiani, & primo loco prouinciam Romanam & eius episcopos recenset, qui suffraganei Summi Pontificis erant, eique tanquam suo primati vel archiepiscopo, hoc est metropolitano parebant. Post Romanam sequuntur ordine omnes cum suis episcopis & archiepiscopis prouinciæ, quæ Romanæ sedi obedi-

tiam præstant, aut præstare debent, quæque Romæ urbis episcopo, velut Summo Pontifici, si non parent, at parere tenentur. Veteris illius prouincialis hunc titulum in antiquo exemplari Bibliothecæ amplissimi Ribierij sic positum reperi: *Incipit prouinciale omnium prælatorum. unde nota quod Teutonici, Gallici, Vngari, Prouinciales & Siculi teneantur visitare Curiam Romanam de biennio in biennium: Anglici & Hispani de triennio in triennium: Ultramarini de quadriennio in quadriennium: Apuli & Italici omnes singulis annis.* Hinc videre est non alio iure nec alia conditione Papæ fuisse ditioni subiectos Apulos & Italicos episcopos, quam Ultramarinos, hoc est Orientales omnes, & Teutonicos, Gallicos, Siculos & Anglicos, Hispanicosque & ceteros Occidentales. Exceptis igitur Romanæ prouinciæ episcopis, omnes Italici vno eodemque discrimine cum ceteris orbis Christiani episcopis, Papæ tanquam Pontifici Summo subditi habebantur. Visitare Curiam Romanam tenebantur omnes, sed Italici propter vicinitatem singulis annis, ceteri aut singulis bienniis, aut trienniis, vel etiam de quadriennio in quadriennium, prout propius abessent aut longius. nam qui longissime, post singula quadriennia officium suum peragere debebant. In veteri autem prouinciali post titulum quem supra retulimus, statim hæc verba subiiciuntur: *isti autem sunt, qui sub Romano Pontifice subiecti sunt immediate.* Sequitur enumeratio episcoporum Romani Pontificis suffraganeorum in Romana prouincia consistentium.

præter quos episcopos alij nulli nec ex Italia quidem sub Romano Pontifice immediate constituti fuere. ceteri omnes, ut iam diximus, vno ordine ac discrimine Romanæ sedi subiecti, non tanquam patriarchali vel primatiali propriæ peculiarius habebantur, sed velut primæ totius orbis sedi. Extra Romanam igitur prouinciam, nullam sibi specialem habuisse diœcesim censendus est episcopus Romanus. sic nec Italiæ primas, nec Occidentis fuit patriarcha. Itaque quod de suburbicariis ante diximus, hoc de Romanis Ecclesiis statuendum, Romanas Ecclesias peculiarius sumptas, non alias dictas esse, dici posse, vel intelligi debere, quam quæ in vrbe vrbisque sunt episcopatu, aut prouinciæ Romanæ finibus continentur. Romanæ quidem omnes erant imperij Romani prouinciæ. Nam & Italicæ, & Africanæ, & Gallicanæ regiones, & quæcunque aliæ Romanis parebant, & sub imperio Romanorum erant, Romanæ omnino fuerunt. quis dubitat? Sed peculiari nomine ac notione quamlibet ex illis Romani orbis prouinciis ita nuncupatam fuisse, si posses ostendere, ego possem te pro magno viro habere. sola Romana regio peculiariter ac proprio hoc nomine nuncupata est quæ circa urbem Romanam, & intra vrbici territorij fines sita erat, quæque ad iurisdictionem vrbicæ præfecturæ pertinebat, quæ vrbicaria denique etiam dicebatur, & vrbicarias omnes suburbicariasque regiones comprehendebat. Quod de regionibus dicimus, hoc idem de Ecclesiis dictum sit. Nec enim aliæ Gallicanæ
Ecclesiæ

Ecclesiæ ab Gallicanis regionibus: nec aliæ Africanæ Ecclesiæ, quam quæ in Africanis regionibus. atque ita de ceteris. sic nec alias Romanas aut suburbicarias Ecclesias aut fuisse, aut dictas esse credi debet præter eas, quas in Romana regione siue prouincia, & suburbicariis regionibus fuisse constat.

De patriarchatu porro Occidentis quem tanto-
pere laboras vt adstruas, an poteris nos facere vt
sciamus, quando primum cœperit, quo tempore sit
institutus, quando hæc diœcesis attributa sit epi-
scopo Romano? De aliis patriarchis scimus vnde
initium habuerunt eorum *πατριαρχίαι*. Originem
earum, progressum, incrementa, formam quin-
etiam ipsam typumque institutionis tenemus.
Alexandrinus antistes vel ab antiquissimis Ecclesiæ
temporibus tot prouincias per Ægyptum sub se
habuit, quot habebat præfectus Augustalis. Hinc
Nicena prima Synodus canone sexto *ἐκ τῆς δευτέρης*
ἐκ τῆς δευτέρης testatur episcopum Alexandrinum, Ægyptum,
Libyen & Pentapolin sub sua potestate habuisse. Ex
eodem canone constat Antiocheno tot in Oriente
prouincias fuisse subditas, quot metropolitanæ
vrbi totius Orientis Antiochiæ suberant. in his
duobus, vt & aliis omnibus tunc metropolitanis,
Ecclesiasticæ prouinciæ ciuiliū typum sequutæ
sunt, & ad earum instar constitutæ. Constantino-
politano patriarchæ Synodus Chalcedonenfis tres
ciuiles easdemque Ecclesiasticas prouincias subie-
cit, Asianam, Ponticam & Thracicam, cum prima-

T t t t

tum ei iam ante, sed solum, Constantinopolitana Synodus attribuisset. De patriarcha Hierosolymorum nemo est quin sciat quando sit factus patriarcha, & quas sub suo patriarchatu habuerit prouincias, & quo primum tempore eas habere cœperit. De Romano doce nos quia nescimus, quando & per quem illi data est specialis Occidentis diœcesis. Canonem sextum Synodi Nicenæ de hac diœcesi interpretaris. Ergo tam antiqua hæc eius fuit diœcesis, quam Ægyptus Alexandrini? Sed vnde, dic si scis, aut a quo primum eam diœcesim accepit? an a beato Petro dices? primatum habet ab illo, non Occidentis tantum, sed & Orientis: Ecclesiam omnem regendam ab eodem accepit, vt in eius vita legitur, non peculiariter Occidentis. an dignitas vrbis Romæ hanc illi diœcesim contulit, ac totidem prouinciarum primas & caput inde factus est, quot prouinciarum metropolis & caput esset Roma? atqui non Occidentis tantum, sed totius orbis caput illa fuit, eo maxime tempore quo noua Roma nondum stabat, Romani nominis & imperij caput alterum. quid igitur? an etiam priusquam Romanus orbis in duas partes sectus esset, ac duo imperia, Orientis & Occidentis, nota essent, episcopus Romanus specialem habuit diœcesim, totum Occidentem? quis hanc illi partem ex vniuerso abscidit? quis dedit? quis limitauit & assignauit? quis ex Occidente, diœcesim vnâ patriarchæ vnus fecit? Ergo in spiritualibus prius quam in temporalibus diuisio totius orbis facta est in Orientem & Occi-

dentem? Imperium adhuc vnum erat, & sub vno imperatore totum, nulla mentio Occidentalis & Orientalis imperij, & tamen etiam tunc Occidentem ab Oriente scissum ac separatum iure patriarchæ regebat episcopus Romanus? an tam beatus & pulcher esse poteris, Sirmonde, vt diuisionis huius auctorem nominare, tempus adnotare queas? Hoc fac age si facere potes. non solus eris beatus, nos etiam beaueris. quidquid facies, frustra efficere tendes, vt Occidens specialis fuerit patriarchæ Romani diœcesis, priusquam Occidens ab Oriente diuisus sit. Antequam enim ex illa imperij diuisione notum esset, quæ quotve prouinciæ vel diœceses Occidentis imperio cesserint, quænam Orientis parti attributæ fuerint, quis nosse potuit, quot vel quarum per Occidentem prouinciarum patriarcha foret episcopus Romanus? Non igitur ille Occidentis patriarcha potuit esse, cum nondum Occidens certa pars imperij factus fuerat, nec dum certo prouinciarum numero definitus, certisque finibus circumscriptus. ante illam diuisionem imperij in Occidentem & Orientem, quam diœcesim habuit Romæ vrbis episcopus? si specialem quæris, prouinciam Romanam habuisse reperies, cuius metropolis specialis Roma. si vniuersalem, totum orbem; cuius hæc eadem Roma caput fuit, & prima ciuitas. Post diuisionem itaque imperij & Occidentis certam factam limitationem, natam primum ac notam fuisse oportet istam Occidentis patriarchalem diœcesin, si quam vnquam talem habuit Romanus

Pontifex. Heic iterum vero quærendum est, quis eam primus instituerit? quo concilio constituta sit? quæ causa dederit? quæ consuetudo assignauerit? Profecto, si verum quæris, si reperire vis ab illo tempore quo diuisus in duos orbes orbis est, Occidentem non specialem diœcesim extitisse Romani Pontificis comperies: sed quæ fuerat vniuersalis, quæ vniuersum olim comprehenderat orbem, intra vnam orbis partem, hoc est intra Occidentem reductam reductamque fuisse, comperies. Hoc ego paucis tibi patefaciam, si aperire ipse designaris. Olim cum orbis vnus esset Romanus, imperium Romanum, priusquam inter duos imperatores diuiduum esset factum, ab vno tunc imperatore regebatur. Huius imperij cum vnicum erat, vrbs Roma caput vnicum quoque fuit: cuius vrbs episcopus idem quoque totius orbis primus episcopus, & vniuersæ primas Ecclesiæ, sine controversia ab omnibus habitus est & agnitus. Huic dominæ vrbs episcopo super omnes episcopos principatum primatumque non solum beati Petri meritum, principis ac primi Apostolorum, cui successerat, dedit, sed vrbs quoque dignitas cui præsidebat, quæ omnium vrbum princeps cluebat. Vtramque hanc causam primatus Papæ agnoscit Valentiniani Nouella. Synodus autem Constantinopolitana prima, cum Chalcedonensi, vrbs tantum dignitati primatum Apostolicæ sedis adscribere. sic enim Chalcedonensis can. xxviii. καὶ γὰρ τὰς θείας τῆς πρεσβυτέρας Ρώμης, διὰ τὸ βασιλεῖν πλεὺς πόλιν ἐκείναι.

οἱ πατέρες εἰκότως ἀποδεδώκασιν τὰ πρεσβεία. Dum igitur vnum imperium fuit, sola quoque imperauit, sola caput imperij Romani totius extitit Roma. Diuiso demum imperio, & in duas partes scisso, partis vnus tantum caput cœpit esse, quæ fuerat totius antequam diuideretur; nam pars altera suum & ipsa caput habuit Constantinopolim, nouam nempe Romam. Sic Roma vetus Occidentis. noua Roma facta est Orientis metropolis. Ruffus Festus in Breuiario, de Constantinopoli: *ita ditioni Reip. sex Thraciarum prouinciæ sunt adquisitæ, Thracia, Æmimontus, Mæsia inferior, Scythia, Rhodope, Europa in qua nunc secunda arces Romani orbis sunt constitutæ.* secundas arces Romani nominis vocat Constantinopolim; quæ tamen ita secunda erat, vt primæ non concederet. sic ambæ pares fuerunt, vtraque sui imperij caput, hæc Occidentis, illa Orientis. Gregorius Nazianzenus orat. xxvii. Constantinopoli habitæ: *ὤμεις ἡ μεγάλη πόλις, οἱ πρῶτοι μὲν πρὸ πρῶτου βυτίως, ἢ μηδὲ τὸ πρῶτον χροῖοντες.* idem de vita sua, hac re tantum eas facit differre quod vna Occidenti, altera præsideat Orienti:

Διοσαί δὲ Ρώμας, τῆς ὅλης οἰκουμένης

Λαμπτήρας, ἀρχαῖόν τε καὶ νέον κρείττος,

Τόσσην γε ἀφαιρούσας ἀλλήλων, ὅσον

Τὴν μὲν προελαμπεῖν ἑλίσσας, τὴν δὲ ἑσπέρως.

Quod autem in singulis prouinciis & diœcesibus olim, non sæpe tantum, sed fere semper videmus usu venisse, vt Ecclesiasticarum status prouinciarum ad ciuiliū formam constitueretur, & dignitas

T t t t iij

urbium dignitatem conferret episcopis, qui sedem in iis habebant, hoc etiam in imperio circa vniuersæ Ecclesiæ regimen, seruatum esse hinc apparet. Byzantina Ecclesiæ quæ Heracleensis erat suffraganea, postquam de Byzantio Constantinopolis facta est, & alterius imperij caput, & noua Roma, eius episcopus qui antea subditus fuerat Heracleæ metropolitano, omnibus non solum metropolitans, sed patriarchis prælatus est, & soli Romano secundus factus. ita enim Constantinopolitana prima Synodus, & secunda œcumenica decreuit can. iii. τὸν μὲν τοῖς Κωνσταντινουπόλεως ἐπίσκοπον ἔχει τὰ πρεσβεία τῆς ἡμῶν μὲν τῆς Ρώμης ἐπίσκοπον, ἀλλὰ δὲ εἰς αὐτὴν νέαν Ρώμην. *Constantinopolitanae ciuitatis episcopum habere oportere primatus honorem post Romanum, propter quod sit noua Roma.* causam huius primatus episcopo Constantinopolitano deferendi non aliam Synodus hæc assignat, quam quod Constantinopolis, noua esset Roma. Ergo Romæ veteris episcopus, ex huius Synodi sententia primatum non aliunde habuit, nec alteri cuiquam causæ debuit, quam quod Roma esset cui præsidebat, quæ totius imperij prima ciuitas erat. nec aliam huius primatus causam agnouere Synodi Chalcedonensis patres can. xxviii. cuius verba ante recitauimus: καὶ γὰρ τὰς πρεσβείας τῆς πρεσβυτέρας Ρώμης, ἀλλὰ δὲ βασιλεύει τὴν πόλιν ἐκείνην, οἱ πατέρες εὐκότως ἀποδεδώκασιν τὰ πρεσβεία. καὶ τὰς αὐτὰς σχέτλιον κινούμενοι οἱ ἑκάστον θεοφιλέστατοι ἐπίσκοποι, τὰ ἴσα πρεσβεία ἀπέπεισμαι τὰς τῆς νέας Ρώμης ἀγαθὰς δυνάμεις. Græci sane summa vi semper hoc contenderunt,

non alio quam vrbis suæ beneficio ac merito primatum obtinuisse episcopum vrbis Romæ: ac proinde æquum esse, vt episcopus nouæ Romæ vrbis pariter imperantis paribus quoque priuilegiis frueretur. Romani contra episcopi, vt episcopum Constantinopolitanum primatus indebitos sibi poscere & vsurpare conuincerent, per solum beati Petri principis Apostolorum meritum, non propter vllam vrbis regię prærogatiuam, se principatum indeptos esse præ se semper tulerunt. Valentinianus in Nouella vt partes conciliaret, vtramque causam adscripsit, vrbis nempe dignitatem & meritum Petri. Sed Constantinopolitani episcopi duorum οἰκουµενικῶν conciliorum auctoritate freti, & regię vrbis καὶ βασιλευσσεως potestate subnixi, quod petiere facile impetrarunt: nec hoc tantum, sed in illa imperij parte, cuius caput ac sedes erat Constantinopolis, soli tandem imperarunt, & sicut imperium diuisum fuit, ita Ecclesiam quoque diuiserunt, parte sua relicta quam regeret, episcopo Romano. sic factum est, vt qui vniuersæ Ecclesiæ primatum solus olim habuerit, in parte tantum habere cœperit, & ab altera penitus exclusus sit. Atque ita idem prorsus euenit circa vniuersæ Ecclesiæ procurationem καὶ πρεσβείας, quod in prouinciæ vnus administratione plerumque videmus accidisse, quæ pro vno duos metropolitas accepit, & in duas prouincias, cum vna esset, diuisa est. Bithyniam prouinciā, quæ prima occurrit, in exemplum sumamus, & liceat parua magnis componere

& comparare. in Bithynia prouincia olim vnus erat metropolitanus, qui toti prouinciæ præerat solus, & omnium episcoporum sub sua potestate ordinationem. coercionemque habebat. Nicomediensis hic fuit episcopus. Nam Nicomedia totius Bithyniæ ex antiquo metropolis. Nicæa postea vrbs in eadem prouincia constituta, & Nicomedia suffraganea, per Valentinianum honore metropoleos aucta est, sed ea conditione, vt honore solo contenta, nihil iuris quod veri habent metropolitæ, in prouincia haberet, sed antiquo metropolitano subesset, & ab eo sicut prius ordinaretur eius episcopus. quid factum est? vt ambitio gaudet illicitis & vltiora semper appetit, Nicenus episcopus per litteras imperatoris honore ac nomine solo metropolitæ donatus, aliquid amplius affectare cœpit, & Concilio demum Chalcedonensi, de episcoporum aliquot ordinatione aduersus antiquum & verum metropolitam contendere ausus est: sed a Concilio repressus, hoc processu tamen temporis obtinuit tandem, vt & episcopos haberet suffraganeos, & Nicomediensi non esset amplius subditus. sic prouinciam & episcopos omnemque Bithyniæ exarchiam, cum veteri veroque metropolita partitus est. Hinc Nicenus episcopus Ἐπίσκοπος Βιθυνίας in recentioribus Notitiis sedium Constantinopolitano patriarchæ subiectarum, æque inscribitur, vt Nicomediensis. solum ordinis primatum idem Nicomediensis retinuit. idem omnino accidisse deprehendere est, & in vniuersæ Ecclesiæ regimine.

Episcopus

Episcopus Romanus, quondam primus fuit totius orbis metropolitanus, ac proinde vniuersæ Ecclesiæ primas siue primæ sedis episcopus; maiora omnia negotia ad sedem eius deferebantur: omnes Christiani orbis episcopos sub Ecclesiastica disciplina continebat; Cōcilia conuocabat œcumenica, congregatis per se vel per legatos suos præsidebat, & alia gerebat iure suo, quæ primum episcopum pro auctoritate ac dignitate sedis cui præest, in Ecclesia gerere & curare æquum fuit. Vt de beati Petri merito nunc nihil dicamus, sola vrbis dignitas cuius erat episcopus, hoc illi priuilegium, hanc *πρεσβεία*, hunc primatum potuit conferre. Roma quippe tunc erat totius orbis caput, *ὡς ἡ Ρωμαία μητρόπολις*, vt loquitur Athanasius, hoc est imperij Romani metropolis. Hoc itaque principatu tandiu vsus, atque etiam si voluit abusus est, quamdiu vnicum imperium stetit, & huius imperij totius vnicum caput extitit Roma. Sed imperio postmodum in duo imperia diuiso, Orientale & Occidentale, & Orientalis imperij sede facta Byzantinorum vrbe, quæ Constantinopolis dicta est & noua Roma, Roma vetus quæ totius fuerat, cum vnum erat, imperij caput; partis vnius, vbi duæ factæ sunt, hoc est imperij Occidentis, duntaxat caput remansit. Hanc ciuilem imperij gubernandi rationem, statim Ecclesiastici regiminis forma sequuta est. Nam Concilio Constantinopolitano primo, quod sub Theodosio Magno celebratum est, *ἡ πρεσβεία τῆς τιμῆς* episcopo Constantinopolitano post episcopum

Vuuu

Romanum decreta fuere, vt primus esset scilicet omnium episcoporum, & soli Romano secundus, non propter aliam causam quam quod Constantinopolis noua Roma esset ac diceretur. Huic Concilio propterea nulli ex parte Papæ legati interfuerunt. Nicetas Chartophylax Nicaensis de causis discidij Romanam inter Ecclesiam, & Constantinopolitanam: ὅτι Θεοδοσίῳ τῷ μεγάλῳ, ὑμνηθέντι τῷ θείῳ τῆς Κωνσταντινουπόλεως πατρὶ τῷ ἐν ἐπισκόπων ἐν τῇ δότι τῆς οὐδόω, ἐν ἣ ὁδὲ ὑποτηρηταὶ τῆς Ρώμης πρῆσαν, διόσεις καὶ ἱεραχὶ γάρτοι. Hinc prima mali labes, & schismatis origo quod Ecclesias illas postea diuisit, fecitque vt Papæ potestas quæ per vniuersam Ecclesiam sese porrigebat, solis Occidentis finibus coerceretur. Sed Constantinopolitana Synodus ἐν πρεσβείᾳ τῆς ὑμῆς duntaxat, & honorem primatus episcopo Constantinopolitano decreuerat, vt post Romanum scilicet primas teneret; nihil enim de ordinatione metropolitaram eidem sedi eius attribuenda constituerat. potestatem ipse sibi manu fecit, & viciniore quasque primum inuadendo Ecclesias, serpente latius ambitione, tres tandem integras diœceses Thracicam, Ponticam & Asianam sub sua ditione inuoluit. Has tres diœceses Concilij Chalcedonensis decretis vt sibi subiicerentur curauit, cum antea sola vsurpatione metropolitans earum consecrandi consuetudinem haberet. Huic inuasioni, & latius euaganti patriarchæ Constantinopolitani cupiditati frena iniicere tentauerunt Romani Papæ, sed nihil profecerunt. Leo inter alios

nascenti malo obuiam ire voluit, & vehementer huic vsurpationi restitit, sed irritus recessit. Nicetas Nicaensis: ὅτι Μαρκιανὸς, ὑπομνηθέντος τῷ Πάπᾳ Λέοντος ὅτι ὡς ὁ Κωνσταντῖνος πόλεως κατ' ὀλίγον ἐφαρπάζει ἀλλοτείοις θεσίοις, καὶ τῇ ἰδίᾳ σιυνάπῃσι. ὅρῃ, ἐφ' ᾧ καὶ γράμματα ἐλχράθησι ὁ Πάπας τῷ Ανατολίῳ, ἀλλ' ὅθεν ὠφέλησιν, ἕκτοτε γὰρ ὅς διέλθοι οἱ Κωνσταντῖνος πόλεως ὁρχερός αὐτοῦ πλεῖν ἰδιαύτως ἐφαρπαγνὺν, χάσμα γένοιε. praeuidebat autem Leo quousque processurus esset ambitiosus ille flatus fastusque Constantinopolitani episcopi, cui vires dabat & alimenta regiae urbis dignitas, & imperatorum sedes. nec eum fefellit euentus. nam quod praeuiderat, euenit. Concilio Chalcedonensi non tres illi tantum superscriptae subiectae sunt patriarchae, sed æquatum Pontificium eius in omnibus Summi Pontificis potestati. canon. xxviii. καὶ ὅτι αὐτὰς σέσωκον καὶ αὐτοὶ οἱ ἕκαστον πενήκοντα θεοφιλέστατοι ἐπίσκοποι, καὶ ἴσα πρεσβεία ἀπένεμαν ὅτι τῆς ἱεῖας Ρώμης ἀνωτάτω θρόνον, δι' λόγους κρίνασιν πλεῖν βασιλείᾳ καὶ συκλήτῳ τιμηθεῖσαν πόλιν καὶ τῷ ἴσῳ ἀπολαύσαν πρεσβείῳ τῇ πρεσβυτέρῃ βασιλίδι Ρώμῃ, καὶ ἐν τοῖς ἐκκλησιαστικοῖς ὡς ἐκείνῃ μεγαλιώεσθαι πρεσβύταισι. Hinc & canone xvi. eiusdem Synodi, & ix. episcoporum appellationes Constantinopolitanæ sedi decreuerunt, quas Romanæ detulerat Synodus Sardicensis. verba canonis noni sunt hæc quæ superius explicauimus: Εἰ δὲ τις ἀδικοῖτο ὡς τῷ ἰδίῳ ἐπισκόπου ἢ μητροπολίτῃ, ὡς τῷ ἐξάρχῳ τῆς διοικήσεως ἢ τῷ Κωνσταντῖνος πόλεως θρόνον διαζέσθω. *vetus versio nondum edita: si quis autem a metropolitano suo aut*

episcopo male tractetur, apud primam sedem suæ diœceseos, vel apud Constantinopolitanam causam dicat. ἑξάρχος τῆς διοικήσεως, est πατεיאρχὸς τῆς διοικήσεως, & prima sedes diœcesis est sedes patriarchæ: nam primam sedem habet in diœcesi. sic per omnia par factus est Papæ patriarcha Constantinopolitanus, & in omnibus paria cum eo fecit. Vniuersalis Ecclesiæ Papa vocabatur episcopus vrbis Romæ: vocatus & ille est patriarcha œcumenicus. metropolis orbis Romani dicebatur vetus Roma: ita etiam dicta est & noua. Nam Constantinopolim ὅλην τὴν κόσμον μητρόπολιν vocauit Iohannes Chrysostomus. *omnium ciuitatum caput* vocatur leg. vlt. Cod. de satisfdat. Quemadmodum igitur Nicenus episcopus prouinciæ Bithyniæ, qui honorarius primo fuerat metropolita, verus & ipse tandem metropolitanus extitit, & prouinciam cum germano & antiquo metropolitano diuisit, & similiter, vt ille, ἑξάρχος τῆς Βιθυνίας nuncupatus est: ita omnino & Constantinopolitanus patriarcha τὴν τῆς οἰκουμένης πρεσβείαν cum Papa partitus est, & Orientem sibi sumpsit, Occidentem illi reliquit. πατεיאρχὸς οἰκουμένης dictus est, vt ille dicebatur vniuersalis Papa. Primatum tantum ordinis Romano, vt antiquiori concessit, & antiquioris Romæ episcopo. & id quamdiu Roma vetus regnavit: prostrato vero Occidentis imperio primam ipse sedem, quasi regiæ vrbis, & sine riuiali aut æmulatione imperantis episcopus, sibi vindicauit. Sic Oriens non solum ab Occidente ἐν τοῖς κοσμοῖς diuisus est, sed etiam diuisa Ecclesia. quo iure, qua-

que iniuria hoc factum sit, non disputo, factum esse dico tantum. Ex illo tempore potestas Papæ quæ per vniuersum orbem sese diffundebat, Occidentis intra cancellos sese retraxit, & quasi specialem diœcesim Occidentem regere cœpit, quem tanquam partem vniuersalis olim rexerat. atque ita vbi vniuersalem amisit, hanc partem vniuersalis, quasi specialem retinuit. Ita sane Græci volebant videri, qui vniuersalem Papæ diœcesim quod negarent, Occidentem non vt partem vniuersalis, sed vt specialem ab eo regi dixerunt. Hinc Occidentem illi Ρωμῆκὴν διοίκησιν, quæ sub patriarcha Romano esset, sic vocabant, vt ἀνατολικὴν quæ sub Antiocheno erat, & Αἰγυπτιακὴν διοίκησιν quæ suberat Alexandrino patriarchæ. Notitia vetus sedium patriarchæ Constantinopolitano subiectarum: Εἰσὶ δὲ καὶ οἱ ἀποσταθεῖντες ἐκ τῆς Ρωμῆκῆς διοικήσεως, νυνὶ ᾗ τελευτῶντες ὑπὸ τὸν θρόνον Κωνσταντινουπόλεως μητροπολίται, καὶ οἱ ἐφ' αὐτοὺς ὄντες ἐπίσκοποι. & paulo post: ὡσαύτως καὶ ἀπὸ τῆς ἀνατολικῆς διοικήσεως ἀποσταθεῖς ὁ Σελβκείας Ἰσαυρείας καὶ αὐτὸς τελεῖ ὑπὸ τὸν Κωνσταντινουπόλεως μὲν τῇ ὑπ' αὐτὸν ὄντων. vbi Ρωμῆκὴν διοίκησιν totum Occidentem vocat illius auctor Notitiæ. iidem sunt Græci qui sextum Nicenum canonem de hac diœcesi sunt interpretati. illi ipsi inquam Græci qui Summi Pontificis omne Pontificium vniuersitatemque eius diœcesis, solis Occidentis partibus definiuerunt ac circumscripserunt. Hos auctores habes solos, quos sequaris in asserenda particulari Papæ diœcesi. qui vniuersam habere debebat, cui totum debebatur,

Vuuu iij

pars hæc illi relicta est ab iis qui partem alteram subtraxerunt. Ipsi vero Papæ, cum re ipsa non possent, animo semper retinere vniuersitatis possessionem, nec Occidentem a se velut specialem diæcesim teneri, sed tanquam partem vniuersalis intenderunt. hinc Nicolaus primus Papa cum *primatem diæceseos* in canone Chalcedonensi de Summo Pontifice interpretaretur, *diæcesim* ibi non de Occidente exposuit, quod licebat, si Papam Occidentis patriarcham esse cum Græcis sensisset, sed *diæceseos* positum pro *diæceseon* affirmavit: quia reuera Papa non vnius diæceseos primas est, cum sit omnium. & sane specialis huius Papæ diæceseos intra Occidentem redactæ mentio facta primum est post diuisionem imperij & Græcæ Ecclesiæ discidium, cum ante id temporis nusquam audita esset: & penes solos quidem Græcos audita est, & lecta, quorum intererat hanc solam Papæ agnoscere ac confiteri diæcesim qui vniuersalem negabant. Beatus Petrus successori suo Clementi omnem regendam commisit Ecclesiam, vt in vita eius legere est, non partem eius, nec Occidentalem tantum, sed totam. Hinc frequenter in priorum Paparum vitis occurrit: *hic constitutum fecit de omni Ecclesia.* constituta igitur illa Ecclesiastica non ad solas Occidentis Ecclesias pertinebant. Eirenæus lib. iiii. cap. iiii. contra Valent. *Ad hanc enim Ecclesiam propter potentio- rem principalitatem necesse est omnem conuenire Ecclesiam.* non igitur Occidentales tantum ad eam conueniebant. Sozomenus lib. iiii. cap. viii. τῆς πρώτης καὶ δευτέρας.

αὐτὰς παροισκούμεναι, ἀλλὰ τὴν ἀξίαν τῆς θρόνου, ἐκείνῃ τὴν
ιδίαν ἐκκλησίαν ἀπέδωκε. Valentinianus in Epistola
quæ Concilij Chalcedonenſis actis præfixa eſt de
Papa Romano: ὁ ἱεροποιῶν κατὰ πόλιν ἢ ἀρχαιότης
πρεσβεύει. & paulo poſt: ἑνὸς γὰρ χάριν κατὰ τὸ ἔθος τῆς
συνόδου καὶ ὁ τῆς Κωνσταντινουπόλεως ἐπίσκοπος αὐτῇ ἐπεκα-
λέσατο ἀλλὰ λιβέλλου. Idem Valentinianus cum Theo-
doſio in Nouella de *episcoporum ordinatione*, ſtatuit
pro lege omnibus episcopis eſſe quidquid ſanxiſſet
Apoſtolicæ ſedis auctoritas. Hoc decreuerunt illi
duo imperatores in cauſa Hilarij Arelatenſis, & hæc
Nouellæ verba ſunt: *Verum ne leuiſ ſaltim inter Eccle-
ſiaſ turba naſcatur, vel in aliquo minui religionis diſciplina
videatur, hoc perenni ſanctione decernimus, ne quid tam
episcopis Gallicanis, quam aliarum prouinciarum, contra
conſuetudinem veterem liceat ſine viri venerabilis Papæ
urbis æternæ auctoritate tentare. Sed illis omnibus pro lege
ſit, quidquid ſanxit vel ſanxerit Apoſtolicæ ſedis auctori-
tas: ita vt quiſquis episcoporum ad iudiciũ Romani anti-
ſtitis euocatus venire neglexerit, per moderatorem eiufdem
prouinciæ adeſſe cogatur, per omnia ſeruatis quæ diui pa-
rentes noſtri Romanæ Eccleſiæ detulerunt. an ad ſolos
hæc conſtitutio pertinet Occidentis episcopos?
immo ad omnes: nec ſoli Occidentales, ſed vniuer-
ſæ Eccleſiæ episcopoi per hanc ſanctionem episcopo
urbis Romæ dicto eſſe audientes iubentur. Leo
primus Papa qui illo tempore vixit, & cuius in gra-
tiam, reſcriptum illud aduerſus Hilarium emiſſum
eſt, in Epistola ad Anatolium Theſſalonicenſem
non Occidentis ſpecialeſ curam, ſed vniuerſalis*

sibi Ecclesiæ incumbere aperte testatur his verbis: *de qua forma episcoporum quoque est orta distinctio; & ex magna dispositione prouisum est, ne omnes sibi omnia vindicarent, sed essent in singulis prouinciis, quorum inter fratres haberetur prima sententia: & rursum quidam in maioribus urbibus constituti sollicitudinem susciperent ampliore, per quos ad vnā Petri sedem vniuersalis Ecclesiæ cura conflueret, & nihil vsquam a capite suo dissideret.* locus hic vnus pro centum millibus esse potest. nam & vnice probat Papam vrbis Romæ, non specialem Occidentis, sed vniuersalem fuisse Ecclesiæ patriarcham; & omnino euincit non quattuor, vt infrunite censebas, sed tres tantum præcipuos in Ecclesia gradus episcoporum tunc numeratos & cognitos esse. Episcopi illi quorum in singulis prouinciis dicit Leo inter fratres primam haberi sententiam, metropolitani sunt, qui primi erant episcopi singularum prouinciarum, & episcoporum quasi maiores fratres. Canones ex Arabico versi cap. xxxix. *& quamuis sit archiepiscopus inter episcopos tanquam frater maior, qui curam habeat fratrum suorum, & ei debeant obedientiam quia præest; est tamen patriarcha iis omnibus qui sub potestate eius sunt, sicut ille qui tenet sedem Romæ, caput est & princeps omnium patriarcharum.* at quos idem Leo scribit in maioribus urbibus constitutos sollicitudinem suscipere ampliore, patriarchæ sunt, per quos ait ad vnā Petri sedem, vniuersalem Ecclesiæ curam confluere. non immediate igitur Occidentem regebat Papa, sed eodem nempe iure quo & Orientem, vniuersamque Ecclesiam,

Ecclesiam, per medios metropolitas & patriarchas. & profecto Romana Ecclesia, quatenus omnium Ecclesiarum caput, non totum Occidentem comprehendebat, sed solas prouinciæ Romanæ Ecclesias; monstrosus enim ac prodigiosus illud caput esset, quod dimidiam corporis partem occuparet. proportio debet esse inter caput & membra. caput membris imperat, non omnibus adunatis maius est vnum. ceteræ Ecclesiæ membra sunt, Romana sola caput est; sed quatenus caput, non specialiter Occidentales omnes Ecclesias occupauit & absorbuit, verum illis vt & ceteris, tanquam suis membris, ipsa veluti caput imperauit. Innocentius tertius ad patriarcham Constantinopolitanum: *si vt membrum ad caput, & ad matrem filia reuertaris Ecclesiæ Romanæ, reuerentiam & obedientiam debitam impensurus, te sicut fratrem nostrum, & præcipuum membrum Ecclesiæ, benigne & hilariter admitemus.* sic Constantinopolitana Ecclesia membrum & ipsa fuit Ecclesiæ Romanæ, haud minus quam Gallicana, Africana ceteræque Occidentales, licet præcipuum fuerit. Romana igitur Ecclesia quatenus caput & mater ceterarum Ecclesiarum, non Occidentem totum comprehendit, sed solam Romanam prouinciam. Quare nec Romanæ Ecclesiæ nomine totus Occidens vnquam appellatus est, nec Occidentis patriarcha extitit vnquam Papa Romanus nisi apud solos Græcos, qui solius Occidentis eum patriarcham constituunt.

Cum his testibus solis probatum tibi sit, patriarcha-

X x x x

cham Occidentis esse Romanum Pontificem, quæris quid habeam quo criminari possim, non satis id a te probatum in Censura fuisse? Profecto, ut rem video, bene te iuuit Deus, quod ludimagister quam caudidicus esse malueris. causa nulla delata vnquam ad te esset, quin eam aut male agendo perderes, aut præuaricando proderes. semper utique perdidisses. melior sane partis aduersæ patronus quam tuæ fuisses. tu Græcos non solum in sua lite testes, sed etiam iudices facis. & dubitas an illi testimonium pro se dicturi sint, & sententiam laturi? & quæris adhuc an hoc crimen sit? ita me Deus amet, si crimen non est, maxima stultitia est. quis non hoc diceret? quis tam patiens & misericors, qui ferre istud possit, aut tibi ignoscere? tu schismaticos in ea ipsa re propter quam schismatici sunt, audiendos putabis, & ipse petes audiri? *nempe, inquis, schismatici non erant Nilus & Barlaamus quos tu longe deterioris notæ testes laudasti?* sed quomodo eos laudaui dic tu? an eo modo quo tu? ita eos laudaui ut ne laudarem, sed ut sententiam eorum improbarem & impugnarem: ut schismaticos omnes esse qui ita sentirent, ostenderem. tu ut probares, tuereris, defenderes, citasti. hoc inter tuam meamque illorum testium laudationem interest. & addis: *verum hoc etiam interest, quod huiusmodi homines cum aduersus sedem Apostolicam blatterant, audiendi non sunt, quia schismatici: cum pro illa consentiunt, repudiari veritas non debet, quæ ab aduersariis etiam ipsis expressa atque extorta dominetur.* quid Sirmonde? an Græcos cum Romana

sede consentire tibi persuades? unde igitur illi aut
 qua in re schismatici? an dices in aliis multis dissi-
 dere illos a sede Apostolica, sed in hoc conuenire
 & concinere quod Occidentis patriarcham faciant
 episcopum Romanum? atqui prima hæc & schis-
 matis eorum causa & origo. nulla in re illos
χωρητικῶς vnquam fuisse constat. Potestatem
 Papæ vbique diffusam, in Oriente & Occidente
 parem, vt ab Oriente excluderent, intra Occiden-
 tem incluserunt. Hinc patriarcham cum Occiden-
 tis duntaxat esse contendunt, ne totius orbis vni-
 uersalem episcopum concedant. & tamen conue-
 nire illos & consentire cum sede Romana audes
 asserere, veritatem hanc esse, repudiari non debere.
 o dementem hominem, vel stupidum, si demens
 non est? quid enim aliud dicerem? Hanc veritatem
 ab inuito exprimis & extorques. sanus profecto ipse
 non essem si pro sano te haberem. In eodem stupo-
 re vel dementia potius pergis, atque ita fabularis:
ac pudere te profecto, tuique similes par erat: cum Occi-
dentem vniuersum patriarchæ Romani diœcesim fuisse
schismatici quoque ipsi adstipulentur; tam peruersi animi
ac iudicij vos esse, vt specialem hanc diœcesim centesimum
ab vrbe lapidem non excessisse contendatis. Immo voces
 vt tuas meliori iure tibi reddam, pudere te par fuit,
 cum Occidentem soli Græci schismatici specialem
 diœcesim esse Romani Pótificis ea de causa adstruât,
 vt destruât vniuersalem, tam parui prauique iudicij,
 nulliusque te mentis esse, vt specialem hanc diœce-
 sim, quæ pars erat vniuersalis, fuisse contendas.

Sed tanta vis veritatis est, aut tua potius tanta leuitas, vt cum hucusque schismaticos Græcos defendisses, eorumque opinionem propugnasses, repente mutata velificatione, versoriam capere, & cursum penitus priori contrarium tenere non dubitaris. tam subitam in te mutationem, desultoriamque vertiginem quis non miretur? Dixeram, Græcos Occidentem Papæ ita concedere, vt in Oriente nullam illi potestatem tribuerint, & hos Græcos schismaticos esse. Ad hæc ita respondes: *quid ad nos ergo in schismate suo quid sentiant, cum aliter ante schisma sensisse Græcos exploratum habeamus?* quis diceret eiusdem hominis hæc esse, cuius superiora fuerunt quæ ante retulimus? Græcos schismaticos ibi sequebatur, heic damnat. ibi protegebat, heic confodit. quid ergo ad te modo pertinere putabas, o desertor ipse tui, quid Græci in schismate senserint? cur eorum sententiæ probabas? Si exploratum habebas Græcos ante schisma vniuersæ Ecclesiæ patriarcham agnouisse Pontificem Romanum, cur quam in schismate opinionem defendunt, quam cum solius Occidentis patriarcham agnoscunt, tantopere propugnandam suscepisti? Sed quo mentis errore rursus, quo turbine raptatum iactatumque te dicam, vt qui paulo ante Græcorum schismaticorum causam ageres, nunc nostram agas, & summis viribus defendas? Nam omnia quæ subiecisti exempla, id plane quod volebamus euincunt, idem iuris in Oriente fuisse Papæ ante schisma quod in Occidente: toti illum præfuisse Ecclesiæ: non

Occidentis tantum Ecclesiis episcopi Romani potestatem olim definiuisse Græcos antequam schisma facerent. Quæ nobis exempla nunc opponis, & veterum Orientalium præiudicia & sententias, cum Romanum Pontificem vniuersæ Ecclesiæ Papam agnoscebant, ea nos omnia tibi opposuimus hodiernorum & schismaticorum sententiam defendenti. an non hæc stupenda leuitas est, aut merus stupor potius? iisdem prorsus armis quibus ego te alia omnia sentientem impugnaui, nunc idem quod ego sentiens aduersus me pugnas. *ab his, inquis, Græcis te de Romani Pontificis in vniuersam Ecclesiam potestate quis recte iudicantium sensus, olim fuerit, discere oportebat, ab his te doceri, hos sequi, non Græculos schismaticos.* immo hæc ipse tibi occinito Sirmonde, qui nuper aliam cantilenam cantabas, cum patriarcham Occidentis esse Papam diceres, & Græculis schismaticis concineres. sic modo ab his, modo ab illis stans, parum ipse stabilis es, nec satis tibi constas, ——— *ut ille*

Traijcit alterno qui leue pondus equo.

Dixi in Epistola multisque verbis contendi, non solius Occidentis primatem siue patriarcham fuisse episcopum Romanum, cum totius fuerit orbis. Hæreticum me propter id vocas. Nunc tu in eadem sententia es, nunc tu igitur hæreticus es. at paulo ante pene in eadem pagina eundem episcopum Romanum Occidentis patriarcham specialem esse asserebas. hæc Græcorum schismaticorum sententia est. tum tu igitur cum Græcis schismaticus eras.

X x x x iij

ut res est, alterutrum effugere non potes, quin aut hæreticus aut schismaticus sis. Ex his porro mecum collige vter nostrum fuerit *αἰρετικώτερος*, ego in Epistola, an tu in Censura. Si Censura tua Romæ edita esset, non citius donata luce, quam tenebris damnata per publicos censores fuisset. immo per illos nunquam ibi potuisset edi. Periculosa hæc enim, & merito damnabilis illic habetur doctrina, specialem attribuere Papæ diœcesim qui habet vniuersalem. Hæc in Gallia vbi non dimidium, sed totum licet, facile editores inuenit, sed & laudatores. At Epistola mea qua tuam Censuram confutavi, adeo nihil non habet Romanum, vt non dubitem quin Romæ videri, legi, haberique potuerit. nunc vide quis nostrum sit *Ρωμῆικώτερος*. Hac igitur clausula tandem hoc *ὁ ἡγεμὼν ἐπιστολῶν* concludamus: episcopum Romanum totius orbis Romani, hoc est vniuersæ Ecclesiæ *πρῶτον καὶ πρῶτον*, primum episcopum primatemque fuisse, non solius tantum Occidentis; nec primatem eum Italiæ specialem, nec Occidentis extitisse patriarcham, sed eandem omnino & in Oriente potestatem habuisse olim quam in Occidente, eandem porro & in qualibet Occidentis prouincia, quam in Italia: Solam Romanam prouinciam cuius & metropolita fuit, immediate illi fuisse subiectam; ceteras omnes orbis prouincias pari iure rexisse, per medios scilicet metropolitanos & patriarchas, quorum caput & princeps erat. Quod vero nunc solo in Occidente regnet ac imperet, Græcos id

schismate suo curasse, qui iugum Summi Pontificis excusserunt, Orientemque ab Occidente absciderunt, seseque a communione Romanæ sedis segregarunt. Ad *suburbicarias* autem quod attinet, quas Ruffinus vocat *Ecclesias*, de Occidentalibus accipi non posse, etiamsi Occidentis patriarcha specialis esset episcopus Romanus; Nicenæ quippe Synodi sextum canonem de metropolitana prouincia episcopi Romani, non de patriarchali diœcesi sumi debere: *suburbicarias* itaque dici *Ecclesias* suburbanas, & sub vrbe vel circa urbem constitutas. Hæc habui, Sirmonde, quæ tibi super Ecclesiis suburbicariis responderem, quæ tuis calumniis & conuitiis reponerem, quæ Aduentoriæ tuæ denique Eucharistici nomine rependerem. male acceptum te haud scio an queri poteris: dolet mihi certe quod non melius sis. sed pro nostris copiis te tractauimus, non pro tuis virtutibus ornauimus, nec vt merebaris. quod in nobis fuit, fecimus. si hoc satis non est, alias fiet quod nunc minime præstare quiti sumus.

Verum e contrario fortasse nimium me in reddenda gratia fuisse dices. pauci hodie sic queri possunt, adeo vilis est annona ingratorum. Hoc itaque nomine magis laudandus sum. Cum tam prolixè aduersum me humanus fuisses, non potui facere quin prolixè gratus essem. Hic mihi siue mos siue natura est, vt beneficiis officiisque quisquis mecum certat, semper, si possum, victus discedat. Cum istoc me prouocaueris, noli mirari quod victus es, sed noli etiam dolere. venient aliquando

fortasse tuæ vincendi vices, nam cum voles iterum certabimus, & quacunque de re voles. campus adhuc hic tibi apertus est, & campio paratus. Commodum tantum ad hanc rem tuum ac tempus elige. non ego te vrgebo. immo hoc te vnum oro, otio tuo & arbitrato, si quid huic Eucharistico respondere parabis vt respondeas: si annus cum altero dimidiato integer non sufficiet, alterum integrum sumas. si duo satis non erunt, tertium addas. si nec tertius, quartum quoque, & quot libuerit cumque tibi liceat adiicere, sed ea lege ac conditione, vt quod in Aduentoria fecisse te ais, posthac non facias, nec quidquam prætermittas, ruboremque meum minime verearis, sed ad singula singillatim respondeas, & *καὶ ὁ πόδα* me sequaris. in tuis ita me gessi. nullus apex mihi prætermissus quem non examinauerim, nullus angulus omissus, quem non excusserim. in meis hoc itidem fac. Hoc si tibi onus imponere vis & perferre etiam potes, cum pater sis, ego te virum putabo. Vale.



ERRATA OPERARVM SI QVÆ grauiora, ita emendanda sunt.

P Ag. 14. vers. 9. dele in. p. 17. vers. 20. lege, accedere. p. 27. v. 24.
 Asculo. v. 26. iter populo. p. 28. v. 9. in fragmento. p. 30. v. 14.
 iurisdictionem. p. 31. v. 23. æque. p. 33. v. 9. nemo enim. p. 42. v. 12.
 vt posset. p. 47. v. 11. explodendam. p. 61. v. 15. de omni annonaria. p.
 64. v. 9. regionis spatium. p. 67. v. 6. Primum. p. 70. v. 11. & victos.
 p. 94. v. 23. & ipsa taceri. p. 95. v. 7. Perronius. p. 97. v. 7. recte dice-
 tur. p. 98. v. 1. intra centesimum. p. 120. v. 22. comprehenderetur.
 p. 122. v. 1. nullum. v. 5. simpliciter. p. 127. vers. penult. atqui. p. 164.
 v. 28. effecit. p. 168. v. vlt. muli. p. 179. v. 27. tum. p. 190. v. 2. ar-
 millum. p. 198. v. 15. ex ea non illud. p. 214. v. 27. confutati sunt. p.
 216. v. 6. Nunc. & v. 26. diœcesim. p. 224. v. 1. containerentur Eccle-
 siæ? p. 227. v. 1. æque bene. p. 240. v. 4. cum a Libye. p. 242. v. 21.
 Italia. p. 247. v. 13. totius orbis. p. 251. v. 19. quippe in eo. p. 256. v. 21.
 πῆς καὶ ἀπὸ τοῦ ῥωμανοῦ. p. 257. v. 23. canon Nicenus. p. 259. v. penult.
 clarius etiam. p. 261. v. 1. Alexandrino. p. ead. v. 27. ab omnibus
 Italicis. p. 268. v. 11. Romanus. Præter, &c. v. 13. dicebatur, Sirmon-
 dus. p. 269. v. vlt. Maximæ. p. 274. v. 4. vlli. p. 283. v. 8. ea quæ. p. 299.
 v. 13. dixerit. p. 301. v. 18. quidlibet. pag. 332. v. 19. quam ex eo quod.
 p. 335. v. 16. scribe & verte. p. 340. v. 14. accusatur. p. 346. v. 6. in
 qualibet diœcesi prouinciæ primas. p. 350. v. 3. sub Lugdunensi. p.
358. v. 7. quæ superius diximus. p. 361. v. 13. illis. vers. vlt. perperos.
 p. 365. v. 17. aut hæc. p. 373. v. 16. oportet. p. 374. v. 10. competiit.
 p. 378. v. 18. attributum legere est. p. 392. v. 15. quibus nulli. p. 396.
 v. 26. numquid non. p. 413. v. vlt. Hoc itaque Thracensium thema.
 p. 423. v. 18. consecratio eius. p. 434. v. 7. disceptare. p. 440. v. 11.
 tua beatitudo. p. 451. v. 17. quam patriarcham. p. 456. v. 19. habeo.
 p. 459. v. 23. in ordine tertio. p. 480. v. 3. non est. p. 481. v. 23. per-
 petuo. p. 482. v. 27. de patriarchatu. p. 494. v. 1. dele, non. p. 504.
v. 4. & Phœbo. p. 511. v. 27. lege & repone, Catholicus Persidis, &
 Catholicus Babyloniz: & sub Alexandrino Catholicus Æthiopiz.
 p. 525. v. 7. catum. p. 531. v. 20. enuntiant. p. 548. v. 11. quum aliud &
 aliud. v. sic continuus. p. 554. v. 4. vt multa. p. 558. v. 15. prope Di-
 uionem effossa. p. 572. v. 1. Episcopi hoc est metropolitæ. v. 17. nam
 vt. p. 576. v. 24. nihili est. p. 583. v. 3. ἡ ἀρχὴ τοῦ πνεύματος. p. 588. v. 2. dele, κα-
 λῶν. v. 4. Hæc inter. v. 10. prouinciarum primates. p. 589. v. 21. tum
 facile. p. 599. v. 18. imperatore. p. 603. v. vlt. seruiat. p. 608. v. 9. At

Yyyy

si. p. 610. v. 25. Galliarum prouinciæ. p. 616. v. 6. *dele*, in. p. 623. v. 27.
 ad aliorum. p. 630. v. 24. si pariemus. p. 634. v. 22. Non latiores. p.
 636. v. 1. *Esaxu*. p. 641. v. 9. *ἀϊνι*. p. 651. v. 27. eodem quo tu. p.
 657. v. 18. quam habent in Ecclesia. ead. p. v. 29. sedi. p. 658. v. 17.
 quisque. p. 662. v. 17. ac censum. p. 664. v. 29. gubernanti. p. 673. v. 5.
 τῇ ἐπιδεδόξα σὺν αἰσθησι μισθ. v. 24. in epistola docuimus. p. 675. v. vlt.
 sed etiam si prima fuisset. p. 679. v. 18. eoque hæc sola eius. p. 680.
 v. 17. competijt. p. 682. v. 5. mitto licuisse, nec enim licuit semper,
 an non ut liceret, semper vindicauit? p. 694. v. 7. summus. p. 700.
 v. 11. dedignaris. pag. 141. v. 16. dispulso. Reliqua, per te Lector, vi-
 debis & emendabis quæ leuiora occurrent.

